


CONCILIUM GRANATENSIS



DE SANCTIS


















100  
100  
100

100  
100

100  
100  
100



# CONCIONES

Q V Æ

DE PRÆCIPVIS

SANCTORVM

*Contus* ~~Crach~~ ESTIS *85 mg* *Strom. pro*

IN ECCLESIA HABENTVR *Non habet*

*Ad usum S. S. plurid. ord. procl. S. S.*  
à Festo Sancti ANDRÆ vsque ad Festum

Beatæ Mariæ MAGDALENÆ:

*Comparat. an. S. S. 18. 17.*

Auctore R. P. F. LVDOVICO GRANATENSI,  
Doctore Theologo Ordinis S. DOMINICI.

Mirabilis DEVS in SANCTIS suis. *Psalm. 47.*  
Cum viro sancto assiduus esto, quemcunque obseruaueris  
timentem Dominum. *Ecclesiastici 37.*



ANTVERPIÆ,

EX OFFICINA PLANTINIANA,

Apud Viduam & Filios Io. Moreti.

*M. DC. XIV.*  
*I. P. Samaduten* *Ermen* *Infante* *Wygren*  
*empto a* *sonuenn* *Cracouen* *R. P. Pradica-*  
*tori* *to* *1687* *et* *Cathalogo* *in scriptis* *hujus*  
*Ermen* *to* *1688.*



SVMMA PRIVILEGII.

**A**LBERTVS & ISABELLA CLARA  
EVGENIA, Archiduces Austriæ, Duces  
Burgundiæ, Brabantia, &c. Serenissimi Belgarum  
Principes, Diplomate suo sanxerunt; nequis, *Con-*  
*ciones R. P. F. Ludouici Granatensis, sacre Theologiæ Profes-*  
*oris, Ordinis S. Dominici,* præter Martinæ Plantinæ vi-  
duæ & Balthasaris & Ioannis filiorum Ioannis Mo-  
reti p. m. voluntatem, vlllo modo imprimat, aut ali-  
bi terrarum impressas, in has Inferioris Germaniæ  
ditiones importet, venalésve habeat. Qui secùs fa-  
xit, confiscatione librorum & alia graui pœna mul-  
tabitur, vt latius patet in litteris datis Bruxellæ,  
xvii. Ianuarij, M. DC. xii.

Signat.

*S. de Grimaldi.*

Et in Concilio Brabantia,

*I. de Buschere.*



## EL REY.

**P**OR quanto por parte de vos, Fray Luys de Granada, de la Orden de sancto Domingo, nos ha sido fecha relacion que vos auia des compuesto vn Tomo repartido en tres libros de Sermones de Sanctis de toto el año, de los quales hezistes presentacion; y nos supplicastes os mãdasemos dar licẽtia para los poder imprimir en estos nuestros Reynos, y priuilegio para que por tiempo de diez años persona alguna, sin vuestra licencia, no los pudiesse imprimir, ni vender, o como la nuestra merced fuesse. Lo qual visto por los del nuestro Consejo, y como por su mãdado se hizieron las diligẽcias que la pragmatica por nos nueuamente hecha sobre la impressiõ de los libros dispone, y por os hazer bien y merced, fue acordado que deuiamus mandar dar esta nuestra cedula para vos en la dicha razon, y nos tuuimos lo por biẽ. Y por la presente os damos licencia y facultad, para que por tiempo de diez años primeros siguientes que corran y se cuẽten desde el dia de la fecha desta nuestra cedula, vos, o quien vuestro poder ouiere, y no otra persona alguna, podays imprimir y vender los dichos libros que de suõ se haze mencion; y por la presente damos licencia y facultad a qualquier impressor destos nuestros Reynos que vos nombraredes, para que por esta vez lo pueda imprimir con que despues de impresso antes que se venda los tray gays a nuestro consejo iuntamẽte con los originales que en el se vieron, que van rubricados y firmados al cabo de Pedro Caparra del Marmol nuestro escriuano de Camara de los que en el nuestro consejo residen, para que se corrija con ello, y se os tasse el precio que por cada volomen ouieredes de auer. Y mandamos, que, durante el dicho tiempo, persona alguna, sin vuestra licẽcia, no los puedan imprimir, ni vender, so pena, que el que los imprimir o vendiere, aya perdido y pierda totos y qualesquier libros y moldes que del ruiere, o vendier en estos nuestros Reynos, y mas incurra en pena de cinquenta mil marauedis, por cada vez que lo contrario hiziere: la qual dicha pena sea la tercia parte para la persona que lo denonciare, y la otra tercia parte para el juez que lo sententiar, y la otra tercia parte para nuestro camara: y mandamos a los del nuestro consejo Presidentes, y Oydores de las nuestras Audiencias, Alcaldes, Alguaziles de la nuestra Casa, Corte y Chancillerias, y a todos los Corregidores, Asistentes, Gouernadores, Alcaldes maiores y ordinarios, y otros juezes y iusticias qualesquier de todos las ciudades, villas, y lugares de los nuestros Reynos y Señorios, ansí a los que agora son, como a los que seran de aqui adelante, que vos guarden y cumplan esta nuestra cedula y merced, que ansí vos hazemos, y contra el tenor y forma della ni de lo en ella contenido vos no voyan, ni pasen, ni consentan yr ni passar por alguna manera, so pena de la nuestro merced; y de diez mil marauedis para la nuestra camara. Fecha en la Madrid a catorze dias del mes de Henero, de mil y quinientos y setenta y ocho años.

YO EL REY.

*[Por Mandado de su Magestad:  
Antonio de Erasso.]*

A 2



## C E N S V R A.

**O**Mnes de Sanctis Conciones, quas in duo volumina diligenter nimis & accuratè congeſſit Reuerendus admodum Pater Ludouicus Granatenſis, Monachus Dominicanus, & ſacræ Theologiæ Profeſſor, ac diuini verbi celeberrimus concionator, ex decreto ſummi Senatus in manus meas peruenerunt: in quibus nihil eſt quod cum Orthodoxa fide noſtra vel aliqua ex parte pugnet: ſed omnia, tam quæ ad reconditos ſacrarum Scripturarum locos exponendos ſpectant, quàm quæ ad graues & peracutæ diuinæ Theologiæ quæſtiones enodandas, & ad hominum vnà mores componēdos pertinent, Chriſtianam verè pietatem redolent, ac nimis religioſum animum auctoris pientiffimi, & de Chriſtiana Republica bene meriti, ſatis oſtendunt. Prodeant igitur in lucem tanti viri digniſſimæ lucubrationes: ex quibus non minùs vberes fructus, quàm ex cæteris, quæ Latino, & potiſſimùm Hiſpano ſermone, cum tanta omnium admiratione, communi plauſu, & incredibili vtilitate ab eodem auctore iam diu litteris ſunt & poſteritati traditæ, emanaturos eſſe bene ac feliciter ſperamus. Matriti, in collegio Societatis Ieſu, decimoquinto Kalend. Ianuar. anno Domini M. D. LXXVII.

*M. Alſonſus Sandoual.*



SERENISSIMO  
ET  
REVERENDISSIMO  
PRINCIPI  
HENRICO

SS. Quatuor Coronatorum  
CARDINALI  
ARCHIEPISCOPO  
EBORENSI  
INFANTI PORTVGALLIÆ,  
F. LVDOVICVS GRANATENSIS  
perpetuam in Christo felicitatem.



*V*M sine multa, Serenissime Princeps & Cardinalis amplissime, optimi pastoris officia ( nullum enim non mouere debet lapidem, nihilq; intentatum relinquere, atque, ut Apostoli verbis utar, omnibus omnia fieri debet, ut omnes faciat saluos ) precipuum tamen eius munus est, quod per Hieremiam Dominus designauit, cum dixit: Dabo vobis pastores iuxta cor meum, & pascent vos scientia & doctrina. Hos autem pastores constat in primis Christi Domini Apostolos extitisse, qui hoc sibi munus precipue delegatum fuisse in Actis Apostolorum testati sunt, cum pauperum ac viduarum curam aliis delegantes, sibi verbi atque doctrina ministerium sumpserunt. Quo argumento, hoc esse precipuum Apostolici muneris officium, satis declararunt. Idem etiam Apostolus Paulus testatus est, cum se à Christo Domino

non ad baptizandum, sed ad euangelizandum missum esse dixit. Idemq; munus Timotheo discipulo committit, cum ait: Pradica verbum, in sta opportune, importune: argue, obsecra, increpa in omni patientia & doctrina. Hoc autem Apostolorum exemplum secuti Patres in Concilio Carthaginensi quarto, cum recens adhuc Christi sanguinis memoria, & Apostolica virtutis exempla vigerent, communi consilio decreuerunt, Ecclesiarum Antistites, ut pauperum & viduarum cura ad alios Ecclesia ministros delegata, ipsi sacrarum litterarum lectioni, precationi, & doctrina ministerio se totos addicerent, ne hac benignitatis occasione à docendi ministerio se subtraherent. Hinc legimus, nemini in Orientalibus Ecclesiis coram Episcopo in eius Ecclesia permissum fuisse concionari, quod hoc esset proprium eius ministerium. Sane: ut autem Valerius Hipponensis Episcopus, multis etiam refragantibus ac detrahentibus, D. Augustinum, propter singularem eius doctrinam, coram se in Ecclesia concionari voluit. Qua ex reliquet, quàm sit Ecclesiastici pastoris proprium, plebem sibi commissam Dominicis praeceptis atque institutis imbuere, quando hoc tam pium alendorum pauperum officium illi ademerunt, ne hac occasione minus plenè docendi officium praearet. Esse enim hoc praeipuum pastoralis cura munus, ipsum quoque pastoris nomen satis declarat. Si enim pastoris proprium est, pingua pabula ouibus suis providere; consequens est, ut rationalium ouium pastor idem ipsum efficere debeat. Quod sit autem hoc pabulum, D. Hieronymus ad amicum scribens, & ab eo sacra quaedam volumina repctens, declarat his verbis: Nosti, amice, hoc esse anima pabulum, si in lege Domini meditemur die ac nocte. Diuina ergo eloquia meditari, & aliis intelligenda ac meditanda tradere, hoc verè animum pascere est: hoc enim spiritali pastu mens humana reficitur, oblectatur, illuminatur, & spirituale robur ac vires colligit, quibus spiritualem vitam degere ac tueri possit.

Hac omnia, Serenissime Princeps, eo consilio sunt à me dicta, partim ut significare, quod esset praeipuum veri pastoris officium, quod video iam pridem à multis atatis nostra pastoribus neglectum, partim ut Celsitudini tuae gratularer, qui omnes conatus tuos, omnia vita studia in hoc vnum intendis, ut copiosa ouibus tuis doctrina pabula prouideas. Saul quondam Rex, cum Spiritus Domini ageretur, fortissimos quoque viros sibi adiungebat, ut eorum operâ adiutus, hostes Domini potenter expugnaret: tu verò Euangelij ministros semper instruis & alios, quorum operâ & gregem



gregem tibi commissum pascere, & rapaces ab eolupos arcere valeas. Olim Paulus vestes eorum, qui Stephanum lapidabant, sollicitè seruabat, ut eum videlicet omnium manibus lapidaret: tu contra vndecunque verbi Dei ministros comparas, ut Christi gloriam omnium linguis, atque vocibus pradiques. Neque minus admiror iudicium, quo in hac re (pectus tuum Domino regente) usus es. Intelligens enim nequaquam pastoribus huiusmodi ministrorum copiam suppetere posse, nisi eos ab ipsis (ut ita dixerim) incurabilis formauerint atque nutrierint: florentissimam Academiam in Eborensi ciuitate creasti, qua à paruis initiis in eam amplitudinem excreuit, ut magnificum illud Collegium, quod vniuersa Academia praeest, triginta supra centum collegas habeat: quibus perpetuo alendis praeuentus annuus consilio atque magnificentia tua prouidisti. Ex hoc autem virtutum atque litterarum Seminario tot per omnia Dioecesis oppida concionatores distribuitur, ut antea huius anni Quadragesima, sexaginta diuini verbi ministri prodierint qui hoc ministerio fungerentur. Quorum felici successu ad maiora in dies communis salutis incrementa animum resumens, consequentis anni Quadragesima plures adhuc destinare constituisti, qui etiam à Dominici Aduentus initio ad finem usque Quadragesima in eisdem oppidis degentes, docendi officio, confessionibus audiendis, atque virtutis exemplo strenuam in hac tua Diocesi saluti animarum operam darent. Itaque Propheticum illud usurpare nobis hoc tempore licet: Repleta est terra scientia Domini, sicut aqua maris operientis.

Hoc plane, Serenissime Princeps, ad laudum tuarum cumulum, & sempiternam nominis memoriam satis erat: sed excelsa tamen virtus nequaquam in his resistere potuit: sed ubi alij laborandi finem fecissent, tu initium ad maiora aggredienda capis. Nunc enim primum Seminarium illud, quod in sacra Tridentina Synodo institutum fuit, fabricare coepisti: cui etiam copiosus redditus consilio atque prudentia tua, magnoq; Dei munere assignasti: quibus sexaginta viri, artium atque Theologiae studiosi, alantur, & religiosè instituantur. Ex quo quidem Seminario quam copiosa doctorum atque piorum hominum fruges ad Ecclesiarum ministeria prouentura sit, non est difficile diuinare. Quin & illud ad huius Academiae tuae absolutionem (ne quid illi deesset) singularis prudentia tua excogitauit, ut amplam domum, triginta cubiculis distinctam, omnibusq; rebus necessariis instructam, apparandam cures: in qua pauperes scholastici, ubi in morbum incide-

rint, curari & humanissimè tractari possint. His autem omnibus addam aliquid longè maius, quòd hac præclara opera, non tua erga Deum obsequia, sed magna eius erga te beneficia esse didicisti: tantumq; abest ut in his rebus aliqua humane gloria aura tangeris, ut te ipsum ingrati animi culpa condemnes, quòd tantis erga te eius beneficiis ingratus sis. Hac, Princeps Serenissime, pro tua singulari humanitate sæpe mecum. Qua omnia è retuli, ut omnes Ecclesiarum Antistites, hoc exemplo sibi ante oculos posito, qua potissimum ratione oues suas regere ac pascere debeant, aperire videant. Non enim in hac præfatione id agimus, quòd facere nonnulli solent, qui, ut Principum gratiam promereantur, multa fingunt, multa plus a quo amplificant, quæ facile coargui possint. Qua autem ego hactenus commemoravi, in luce atque celebritate omnium posita sunt, ut impudentissimi hominis sit, quidquam in hac re vel comminisci, vel plus quàm par sit amplificare: præsertim cum ego hac in re non amplificandi, sed narrandi munus suscepim, ut hac tanta virtus, & pastoralis providentia, neque huius ætatis, neque huius regni finibus contineatur, sed per futura secula, & omnes Christiani orbis oras latissimè ad Christi gloriam, & animarum salutem, vagetur. Qua cum ita sint, nemo mirabitur, Serenissime Princeps, si has meas Concionis de Sæctis, multis vigiliis elaboratas, sanctissimo & religiosissimo Principi dicauerim; ei præferim, qui propria sanctitatis laude minimè contentus, alios quoque omnes, sanctos, hoc est, sui similes efficere perpetuo contendit. Cuius rei gratia hac tanta rerum molimina, quæ hactenus commemoravi, à te suscepta sunt. Quis enim, qui modò Christi amore flagret, non se & sua omnia illi dicare studcat, qui se totum & sua omnia communis Domini obsequio plenissimè tradidit? Faxit autem Christus, Serenissime Princeps, ut qui sic omnes conatus tuos prouexit, ut laborum tuorum amoenissimos fructus iam pridem carpis, tam diu incolumem seruet, ut eorum quæ modò exorsus es, maturos etiam fructus simili ubertate colligas: ut sic tandem cum copioso animarum fœnore tot in sempiterna felicitate coronas accipias, quot in hac vita animas Christo Domino lucrificeris, & his piorum studiorum adiumentis perpetuè lucrifices.



9

# IN FESTO BEATI ANDREÆ APOSTOLI, CONCIO PRIMA:

In qua, post explicatam breuiter Euangelicam lectionem, de glorioso eius agone differitur; & quid nobis eius exemplo agendum sit, ostenditur.

**T H E M A.** *Venite post me, & faciam vos fieri piscatores hominum. At illi continuo, relictis retibus, secuti sunt eum. Matth. 4.*



**P** R I V S Q V A M gloriosum B. Andreæ agonem (quem festis hodie laudibus Ecclesia celebrat) exponere incipiam, lectionem sancti Euangelij, quæ eius vocationem continet, paucis explanadum duxi, vt postea in beato eius agone diutius valeam immorari, Ad vtrumque autem religiosè tractandum, celestem opem, sacratissimæ Virginis interuentu, suppliciter imploremus.

A V E M A R I A.

Posteaquam Dominus ac Saluator noster quadraginta dierum precibus atque ieiuniis Euangelicæ doctrinæ prædicationem (quam cum primum aggredi volebar) æterno Patri commendasset, & celestem in terris scholam instituere decreuisset: discipulos primum elegit, qui huius philosophiæ auditores essent; vt ab eo eruditi, alios ipsi erudirent, atque ita granum illud sinapis (quod minimum est inter olera omnia) ab his par- Mat. 19.  
uis in itis in proceram tandè arborem excreseceret, quæ ramos suos in fines mundi porrigeret. Quia verò celestis hæc philosophia non tam humano studio aut ingenio, quàm diuini Spiritus afflatu & magisterio nititur (ad quod vera cordis humilitas magis quàm turgida sæculi sapientia mentes præparat) nequaquam eos, qui mundi iudicio sapientes essent, sed pauperes & obscuros homines ad hoc munus elegit. Matth. 4.  
*Ambulans ergo iuxta mare Galilee, vidit duos fratres, Simonem qui vocatur Petrus,*

A 5

& An.

*& Andream fratrem eius, mittentes rete in mare (erant enim piscatores) & ait illis: Venite post me, & faciam vos fieri piscatores hominum. At illi continuo, relictis retibus, secuti sunt eum. Multa, fratres, in paucis his verbis non vulgari admiratione digna continentur.*

Mirum enim est, quod ad vnam Domini vocem piscatores hi, nihil dubitantes, nihil cunctantes, nec huius vocationis euentum considerantes, Christum fuerint secuti. Quis enim nostrum non ita secum ageret? Quod petimus? quem sequimur? qua ratione homo pauper & tenuis, vitae nostrae necessaria suppeditabit? Qua ergo spe allicimur? quid dementius, quam pro incertis certe relinquere? quid verò noua illa & insolita pollicitatio praese fert, *Faciam vos fieri piscatores hominum?* Quod si hoc piscationis nomine conuersionem hominum intelligit; quis rudes & imperitos, nullisq. aut ingenij, aut eruditionis, aut eloquentiae opibus instructos, in hominum piscatores elegit? Animaduertite hoc in loco, fratres, quantum inter diuini Spiritus afflatum, & humanae sapientiae consilia intersit. Nihil horum cogitarunt, sed ad vnam Domini vocem sine vlla cunctatione ipsum sequuntur; exemplum hac in re perfectissimae obedientiae exhibentes. Perfecta enim obedientia nihil temere discutit, nihil examinat; non secum expendit quae facilia, quae difficilia, quae aspera, quae iucunda, quae rationi humanae consentanea, quae dissentanea sint: sed fide fulta, solam praecipientis auctoritatem sequitur. Quia verò diuus Gregorius hoc in loco indiscussam & celerem Apostolorum obedientiam maximè commendat; pauca mihi, quae sancti Patres tum de eius dignitate, tum de perfectione docent, dicenda esse videntur: atque eo magis quo doctrina haec latius patet, & ad plures pertinet. Nam & subditi maioribus suis, & serui dominis, & filij parentibus, & uxores viris, & verè poenitentes Confessorum praeceptis, atque omnes postremo communi rerum omnium Domino obedire tenemur.

Gregor.

August.

Greg. 35.  
Moralium.  
2. Reg 14

Homil. 3.  
ad Mo-  
nach.

Obedientiae autem dignitatem D. August. ex primo Domini praecepto, generis nostri principibus imposito, demonstrat his verbis: Non potuit perfectius demonstrari, quantum sit bonum obedientiae, nisi cum Dominus prohibuit ab ea re, quae non erat mala. Sola ibi obedientia tenet palmam, sola ibi inobedientia tenet poenam. D. verò Gregor. tractans illa Samuelis ad Saule Regem verba; Melior est obedientia quam victimarum; sic ait: Obedientia victimis iure praepōnitur: quia per victimas aliena caro; per obedientiam verò voluntas propria statatur. Singularem verò obedientiae fructum D. August. declarat his verbis: Citiùs exauditur vna oratio obedientis, quam decem millia contemptoris. Eusebius quoque Emis. Quanto,

inquit,



inquit, obediētiore s fuerimus p̄positis & patribus, tantum obediēt Deo orationibus nostris. Ne verò quēquā obediēdi verbum Deo attributum offēdat, meminerit hoc verbum in sacris litteris ipsi etiā rerum omnium Domino tributum. Cū enim Sol ad imperium Iosue in cælo trium horarum spatio immobilis stetisset, hæc protinus verba subiiciuntur: Obediēte Deo voci hominis, non enim ait, obediēte Sole voci hominis; sed (quod mirabilius est) Deo obediēte. Quia enim sanctus Iosue (vt in eodem libro scriptum est) perfectissima obediētia omnes Dei leges & p̄cepta seruauit, voluit iustissimus ille mundi arbiter obsequiū obsequio, & obediētiā obediētia remunerare. Quod igitur maius obediētiæ p̄miū, quā quod vir obediētiens omnipotentem Deum sibi faciat obediētem? Habet etiā insignem aliā vtilitatem obediētia, in qua singularem charitatis dignitatem amulatur: nēpe quod sine illa, nulla virtus Deo grata sit. Hinc diuus Bernardus tractās illa Domini verba apud Esaiam; Ecce in die ieiunij vestri inuenitur voluntas vestra; docet, neque ieiunium, neque silentium, nec vigilias, nec orationes, & lectiones, & cætera bona opera grata esse Deo, vbi inuenitur voluntas nostra, hoc est, vbi virtus obediētiæ omnino deest. Denique tanta obediētiæ virtus est, vt ea quoque opera iusta ante Deum faciat, de quibus dubitari meritò potest, iusta an iniusta sint, vbi quis ea ex maiorum imperio exequitur. Cuius rei sancti Doctores causam afferunt, quod nequaquam ad eos, qui aliorum imperio subsunt, spectet maiorum p̄cepta examinare, sed opere implere. Hinc illud D. Augustini: Vir iustus, si fortè etiā sub Rege & homine sacrilego militet, rectè potest illo iubente bellare, si, quod sibi iubetur, vel non esse contra Dei p̄ceptum certum est, vel vtrum sit, certum non est: ita vt fortasse reum faciat Regem iniquitas imperandi, innocentem autem militem ostendat ordo seruiendi. Qua ex re singularem quandam obediētiæ dignitatem intelligere licet. Cū enim certum sit, non modò lethaliter peccare eum, qui, quod iniustum esse nouit, exequitur; sed illum etiā qui de operis iustitia dubitat, propterea quod se lethaliter peccandi periculo exponat (vt ij faciunt, qui à seruis emptitiis aliquid emunt, quod an sit furto sublatum, dubitant) eam tamen sola obediētia dignitatem retinet, vt, quod à maioribus iniunctum sit, citra vllum periculum exequi possimus, etiā si, an illud ex natura sua æquum vel iniquum sit, dubitemus. Ioannes verò Climacus, qui perfectā obediētiā sepulchrum propriæ voluntatis appellat, virtutis huius securitatem breui oratione describit, dum eam tutam nauigationem, & immediatam

Bernard.  
super  
Cant.  
Esai. 38.

August.

ad

ad Deum excusationem vocat. Quibus verbis significat, verum obedientem tutò inter aduersantis huius mundi vndas nauigare, paratamque in diuino iudicio peractæ vitæ excusationem habere; cum non à se, sed à præfecto suo peractæ vitæ ratio exigenda sit idemq. circa sollicitudinem degit, cum vitæ suæ habenas à se sustulerit, & præfecto suo commiserit.

Ad eorum autem quæ hæcenus diximus confirmationem, mirabile obedientiæ exemplum, quod quidem Ioannes Climacus memorat, eiusdem verbis referre libet: sic igitur ait: Non ero occultator iniquus, neque fraudator inhumanus, vt ea si-  
leam quæ filere omnino nefas est. Ioannes Sabbaita, summus vir, mihiq. carissimus, rem mihi retulit memoratu dignissimam. Erat, inquit, in monasterio meo quod est in Asia, senex quidam negligentissimus & immoderatus; quod non iudicandi causa, sed veritatis studio dico: huic erat discipulus iunior, Acatius nomine, simplex quidem animo ac voluntate, sed sensu & ratione prudentissimus; qui tanta ab huiusmodi senes passus est, quæ si referre voluero, plurimis fortè videbuntur incredibilia. Cum igitur egisset annos nouem sub immixti illo & acerbo senis, ingrauit ad Dominum, sepultusq. est in cæmeterio Patrum. Post quinque autem dies abiit ad magnum quendam illic senem Acatij magister, dixitq. illi: Pater, Acatius mortuus est. Quod cum audisset senior, respondit: Verè senex nō id mihi persuadebis. Cui ille: Veni, & vide. Continuò surrexit senex, venitq. cum beati pugilis magistro ad cæmeterium, clamatq. tanquam viueret ad eum, qui in beata requie vivebat, dicens: Frater Acati, putasne mortuus es? Tū verò gratus ille obediēs, etiam post mortem obedientiam ostendens, magno illi seni ita de sepulchro respondit: Et fieri quomodo potest, Pater, vt moriatur homo obedientiæ deditus? Tunc senex ille, qui pridie illius magister appellatus fuerat, territus, in faciem cum lachrymis cecidit, atq. à monasterij Abbate petiit, vt sibi iuxta tumulū eius cellulam construere liceret; illicq. iam sobriè vixit, dicens Patribus semper, Homicidium feci. Hæcenus Climacus. Si cui autem exemplum hoc incredibile aut mirabile videretur, nō minus vtique mirabitur, si Apostolicæ dignitatis celsitudinem, ad quam hodie Apostoli per obedientiam peruenerunt, fuerit contemplantus; qua nulla est inter omnes Ecclesiæ gradus maior. Posuit enim Dominus in Ecclesia (vt Paulus ait) primum Apostolos, deinde Prophetas, doctores & pastores, ceterosq. Ecclesiasticæ hierarchiæ ministros; inter quos omnes Apostoli principem locum tenent. Hoc igitur perfectæ illius obedientiæ primum exitit.

I. Cor. 12

Hæc sunt, fratres, quæ ad virtutis huius commendationem



(ut alia prætereamus) à sanctis Patribus referuntur: quæ tamen omnia non cuiusvis obedientiæ, sed perfectæ cõueniunt. Quid autem perfectæ obedientiæ habere debeat, idem apertè declarant. Primum enim simplex esse debet, qui superioris mandatum non examinet aut discutiat. Qua de causa obedientiam idem Climacus discretionis depositionem appellauit: quòd verus obediens discretionem imperandi superiori commisit, sibi verò obtemperandi, non imperata examinandi, officiũ sumpsit. Hinc D. Bernardus: Non attendit verus obediens, quale sit quod præcipitur, hoc solo contentus quod præcipitur. Quod D. Andreas exemplo suo declarat, qui sine disquisitione, cū fratre suo ad imperium vocantis Domini relictis omnibus, ipsum secutus est. Nec satis est hac animi simplicitate obedire, nisi protinus sine vlla cunctatione, quod præcipitur, alacriter exequaris. Qua de re sic idem Bernard. ait: Verus obediens mandatum non procrastinat, sed statim parat aures auditui, linguam voci, pedes itineri, manus operi, & se totum intus colligit, ut mandatum peragat imperantis. Hanc obediendi celeritatem exemplo suo ostendit Abraham, qui iussus à Domino dilectissimum filium immolare, non expectata luce, in ipsa nocte se huic operi cum filio accinxit. Hanc autem obediendi promptitudinem apud sanctos illos Aegypti monachos ita vixisse Cassianus memorat, ut cū dato signo ad munus aliquod vocarentur, qui scribendi officio incumbabant, quem cõpissent litteræ characterem delineare, imperfectum relinquerent, ut sine vlla mora imperātis voluntati parerent. Hoc ipsum nos hodie Petrus & Andreas exemplo suo docent, qui à Domino vocati, nulla interposita mora, continuo ipsum secuti fuisse perhibentur: idemq. nos Iacobus & Ioannes frater eius in eadem lectione docent; qui ubi primum vocati à Domino fuerunt, statim relictis retibus & patre, secuti sunt eum: nec enim sanctus Euangelista hanc obediendi alacritatem silentio prætereundam duxit.

Perfecta quoq. obedientia libentiùs humilia quàm honorifica, & aspera quàm iucunda sibi imperari desiderat: scit enim verum esse quod D. Gregorius ait: Cū huius mundi successus præcipitur, cū locus superior imperatur; is qui ad percipienda hæc obedit, obedientiæ sibi virtutem euacuat, si ad hæc etiam ex proprio desiderio anhelat. Postremo hoc etiam perfecta obedientia habere debet, quod idem Gregorius ait, ut non seruili metu, sed charitatis affectu; non timore pœnæ, sed amore iustitiæ maiorum præceptis obediat. Quocirca appositè admodū D. Bernardus perfectam obedientiam perfectæ mortis siue numo comparat: qui & integer esse debet, hoc est,

Bernard.

Idem.

Genes. 4.

Cass.

Gregor.

Idem.

In Sermon.  
And.

nulla

14 IN FESTO B. ANDREAE APOSTOLI

nulla sui parte truncatus; & purus, hoc est, nulli peregrino metallo admixtus. Talis igitur perfecta obedientia est, quæ & omnia, quæ præcipiuntur, exequitur, & non corrupto affectu, sed sincero obediendi amore, eadem operatur. Quisquis igitur obedientiam suam his legibus atque virtutibus ornaverit, præmiâ illa magnifica, quæ obedientibus proposita esse diximus, consequetur. Hæc nos, fratres, sanctorum Apostolorum perfecta obedientia dicere compulit: nunc ad extremum, eundemque gloriosissimum beati Apostoli Andreæ agonem explicandum veniamus.

I.

Bernard.  
in Serm.  
de S. An-  
drea.

Cum multa, & in vita, & in morte huius beatissimi Apostoli admiratione & laude dignissima sint, tum nihil est mirabilius, quam læticia illa & alacritas animi, qua ad crucis supplicium properabat. Ductus quippe ad martyrij locum, cum paratam sibi crucem à longè vidisset, nequaquam illam supplicij instrumentum, sed summi honoris atque dignitatis thronum esse iudicavit: nequaquam, ut D. Bernardus ait, sicut exigere videbatur mortalis infirmitas, expalluit: nequaquam sanguis eius gelatus est: non horrore steteret comæ, aut vox faucibus hæsit: non contremuit corpus nec mens turbata est, non recessit, ut assoler, intellectus: ex abundantia cordis os locutum est: & charitas, quæ feruebat in corde, quasi scintillas quasdam ardentissimas mittebat in voce. Quorsum enim, quæso, illa verba attinent, quibus paratam crucem compellabat? O crux diu desiderata, & iam concupiscenti animo præparata, securus & gaudens venio ad te: ita & tu exultans suscipias me, discipulum eius qui pendit in te: quia amator tuus semper fui, & desideravi amplecti te. Obsecro, fratres, homo ne est mortalis qui hæc loquitur, an Angelorum aliquis, aut nova aliqua creatura ab omni mortalitatis sensu secreta? Sed hominem esse, similem nobis passibilem, passio ipsa testatur, qua appropinquante, tam lætabundus exultat. Et quidem Apostoli, Martyresque quam plurimi, celeri mortis supplicio assumpti, citò mortem immortalitate commutarunt: at beatus Andreas biduo crucis patibulum, & diuturnæ mortis cruciatum pertulit. Et illi quidem magno silentio cruciatus suos perferebant. Vnde cum beatissimus quidam martyr inter horrendos corporis cruciatus Dominum tacitus precaretur, tantamque inter tam acres dolores constantiam demiratus Præses, ab eo quæsiuit, quomodo tantis cruciatibus affectus, nihil quereretur, nullamque vocem emitteret; hæc admirandæ philosophiæ verba respondit: Disciplina Christianorum est, servare, dum oramus, silentium. Magnæ quidem virtutis hoc silen-



silentium extirrit; maius tamen fuit, quod beatus Andreas, crucis suspendio atque inedia confectus, toto biduo populum docere, & ad cælestis patriæ amorem hortari non destitit.

Vnde ergo (inquit Bernardus) in homine tam noua hæc <sup>In Serm. S. And.</sup> exultatio? vnde tam inaudita lætitia? vnde in tanta fragilitate, tanta constantia? vnde in homine tam spiritualis mens, tam robustus & imperterritus animus? Quis enim mortalium mortem lætus aspexit? Nam si cunctorum terribilium extremum mors esse dicitur, quæ & vita & opibus cunctis hominem spoliât, & trunco aut lapidi nobilissimam creaturam similem reddit: quis hanc tantam rerum mutationem, tam dissimilemque sortem non perhorrescat? Quorundam vidimus capillos, denunciato mortis supplicio, vnius noctis spatio in candorem versos; & quod longæua ætas vix facere solet, noctem vnam peregisse: quosdam autem loquendi facultatem amisisse: alios verò in furorem & amentiam versos: alios etiam ante mortem, solo mortis imminentis nuncio, mortuos fuisse. Sed quid homines commemoro? Ipsa etiam bruta animantia rationis expertia, solo naturæ instinctu vehementissimè mortem timent. Quis enim nesciat rugitu leonis, aut aquilæ clamore audito, feras ipsas, & aues timoris magnitudine examinari? Si igitur mortales omnes, si bruta adeo mortem & interitum reformidant: quis non miretur mortalem hominem tanta animi alacritate patibulum ipsum, & teterrimam mortis faciem intueri, vt verè dicere potuerit: Amator tuus semper fui, & desideravi amplecti te, ô bona crux. Cum ergo affectus hic magnæ nobis admirationis materiam præbeat: quæramus diligenter, fratres, vnde hæc tanta vis, tamque insolitus manarit affectus. Constat enim maximarum rerum admirationem, philosophandi (hoc est, abditarum rerum causas inquirendi) occasionem hominibus præbuisse: huius enim tantæ fortitudinis causam inuenientes, licebit nobis eisdem rationibus ad eam virtutem aspirare, quæ ab illis profecta est.

Vt huic igitur quæstioni respondeamus, illud primò sciendum est, fortitudinem hanc nequaquam à fragilicarnis natura, sed à cælesti virtute proficisci, de qua Saluator à morte excitatus discipulis dixit: Sedete in ciuitate, donec induamini virtute ex alto. Qua virtute iidem discipuli induti, qui in passionis Dominicæ nocte, turpi sese fuga, relicto Domino, dederunt; postea infracto animo aduersus totam mundi & inferorum potentiam decertarunt, & constanter atque intrepidè mortem subierunt. Hanc porro fortitudinem Spiritus sancti dona, & cælestes virtutum habitus præbent;

præbent; quæ pij hominis mentem non solum vestiunt & ornant, sed inuictam etiam telis inimicorum, & insuperabilem efficiunt: cuius decorem cum mirabili fortitudine coniunctum caelestes Virtutes in Cant. mirantur, cum dicunt: *Quæ est ista, quæ progreditur sicut aurora consurgens, pulchra ut luna, electa ut sol, terribilis ut castrorum acies ordinata* *Psalm. 134.*

Cant. 6.

Simile.

Harum autem virtutum omnium radix & fundamentum, fides est. Vt autem exculta & aucta radice, rami arboris cum ea pariter augentur & crescunt; ita fidei incrementum, omnium aliarum virtutum robur & incrementum parit. Fides enim, quamuis, vbi mortua & informis est, oriosa sit ( potest enim, ut diuus Augustinus ait, fides sine charitate esse, sed non prodesse) ea tamen charitatis atque aliarum virtutum accessione mirum in modum perficitur & augetur. Vt enim cæteræ virtutes, ita hæc quoque bonorum operum meritis, & Spiritus sancti donis ac beneficiis, maxima in viris sanctis atque perfectis capit incrementa. Quod quidem Apostolus expressit, cum virum iustum de fide in fidem proficere dixit. Quo loquendi genere fidei incrementa designauit, quæ à parvis initiis, & obscuro lumine, ad tantam firmitatem & claritatem aliquando peruenit, ut viri sanctissimi fidei mysteria non modo credere, sed etiam cernere quodammodo sibi videantur. Fides enim charitate incensa, & per intellectus donum irradiata, miris animam splendoribus implet, reficit, & illuminat. Nec solum interno diuini Spiritus lumine perficitur, sed exterius etiam, operatione miraculorum, Deo intus cooperante, mentemque illuminante, augetur. Sic Nicodemus visis Domini signis; sic Regulus cuius filius sanatus à Domino fuit; sic cæcus ille natus, & ab ipso illuminatus, fidem, miraculorum virtute, ac Deo mentes eorum excitante, perceperunt. Quin etiam inter ipsos Martyrum agones, atque horrenda certamina, multi infidelium ob edita à sanctis Martyribus miracula, sic fidei splendore illuminati, & in ea solidati fuerunt, ut libenter etiam pro ea martyrium subierint. Quod quidem beatissimi Hippolyti atque sociorum eius, multorumque aliorum exemplo discimus.

Ioan. 3.  
& 4.

Si igitur his rationibus fides augetur, qualis, quæso Apostolorum fides extitisse credenda est, qui primi ante omnes primitias Spiritus perceperunt? qui omnium gentium linguis subito locuti sunt? qui omnia Domini miracula ab eius prædicationis initio ad finem usque viderunt? qui ipsum & à mortuis excitatum, & in celos admirabili potestate ascendentem contemplati sunt? quique ipsi eandem potestate

tem



tem edendi miracula acceperunt? Quid verò hic de beati Andreæ fide referam; qui Apostolorum omnium primus Dominum secutus est; & Apostolorum Principem, eundemque fratrem suum, ad Dominum adduxit; & qui non modò mirabilium operum patrator extitit, sed fraterni etiam corporis umbram miracula facientem vidit? Si ergo, cum diuina aspirat gratia, tanta miraculorum vis est ad rerum diuinarum fidem, vt modò diximus, faciendam, vt vel vnus miraculi operatio infideles homines non modò ad fidem conuerterit, sed ad mortem etiam, extremaque pro ea supplicia perferenda inuictos reddiderit: qualem, quæso, beatissimi Andreæ fidem & fidei propaginem, hoc est, fortitudinem atque constantiam fuisse putabimus, quæ non solum interno diuini Spiritus magisterio illuminata, sed innumeris propemodum miraculis, partim visis, partim à se editis, illuminata, confirmata, & aucta fuit? Quid igitur mirum, si qui tanto fidei splendore circumfusus, certissimè sciebat, quæ penè videbat, vbi primum animam efflasset, in cælestes illas sedes eam euocandam, & sempiternis gaudiis afficiendam: quid, inquam, mirum, si adeò latus ad crucem pergeret, per quam illi aditus ad sempiternam felicitatem patebat? Beatus Stephanus A& 7. dum lapidaretur, vidit celos apertos, & Iesum stantem à dextris Dei. Quis hoc spectaculo animatus, non libèter, non dico lapides torrentis, sed mille etiam mortes non alacriter sustineret, vt hac tanta gloria sibi frui liceret? At beatus Andreas nec minori fide, nec minori etiam spe & securitate eandem gloriam per crucem sibi paratam intelligebat. Cur ergo inspecta cruce non exultaret ac triumpharet, per quam, breuissima illa passionis mora transacta, ea esset bona consecutus, quæ nec oculus vidit, nec auris audiuit, nec in cor hominis ascenderunt, quæ iam fide quodammodo præsumperat, spe attigerat, & veluti iam manu tenebat?

Hac igitur ratione fides, & fidei germana, spes, beatissimi Apostoli mentem ad passionis amorem incendebant. Quid verò charitas, quæ summum inter has virtutes locum tenet? Ea verò longè alia ratione, sed maiori tamen studio ad amorem crucis excitabat: non enim propositæ mercedis magnitudine, sed purissimo diuinæ bonitatis amore hoc in eius pectore desiderium inflammabat. Charitatis quippe est, omni ratione Deo, quem summè diligit, inservire & gratificari velle: idque tanto magis, quanto charitas ipsa perfectior atque flagrantior est. Inter omnia autem virtutum officia, nihil Deo gratius, nihilque dignius aut mirabilius, quàm inuicta in doloribus constantia, & alacris ac læta in tribulatione patientia (hic enim summus perfectæ charitatis gradus, hoc summum probare virtutis ar-

gumentum est) ideo nihil magis viri sancti cupiunt, quam hoc genere virtutis ei, quem flagrantissimo amore diligunt, gratificari. Ad hunc autem dilectionis gradum initio nascentis Ecclesiæ, cum alios multos, tum etiam Macedones peruenisse Apo-

1. Cor. 8.

stolus testatur his verbis: Notam facimus vobis, fratres, gratiam, quæ data est in Ecclesiis Macedonia: quoniam in multo experimēto tribulationis, abundantia gaudij ipsorum fuit. Noua certe res & incognita mundo, & humanæ rationi incredibilis: quod non in leui, sed in multa etiam tribulatione homines se ita gererent, vt non modò tristitia non afficerentur, sed magna etiā lætitia cōplerentur: hoc enim abundantiā gaudij significat. Hoc autē natura hominum, hoc mores, hoc vsus, hoc humana vita habet, vt quo magis calamitas crescit, eo magis & luctus, & moeror, & tristitia augeatur, & omnis lætitia procul absit; cum scriptum sit: Tristitia vnius horæ obliuionem facit luxuriæ magnæ. Hic autem supra omnes naturæ humanæ leges, quo calamitas corporis grauior, eo animi gaudium & lætitia maior exstitit. Quid autem hoc nisi ingēs diuini amoris vis efficere potuit? De qua sic Petrus Chrysol. ait: Nil durum, nil amarū, nil

Petrus  
Rauen.

grave, nil lethale computat amor verus. Quod ferrū, quæ vulnera, quæ poenæ, quæ mortes amorem prævalent superare perfectum? Amor est impenetrabilis lorica: respuit iacula, gladium excutit, periculum insultat, mortē irridet: si amor est, vincit omnia. Vnde in Cant. dilectio mortis cōparatur, qua nihil in mundo fortius inuenitur, cum nullus ab eius falce atque dominatu potentissimorum Regum aut Imperatorum immunis sit. Hæc autem insuperabilem fortitudinem Martyres habuisse cōstat: quos nulla humana vis, nulla mūdi potentia à Christi completu atq. dilectione potuit auellere. De ea quippe mox subditur;

Cant. 8.

Psal. 2.

Aquæ multæ non poterūt extinguere charitatē, & flumina non operient eam. Omnes enim Reges terræ & Principes cōuenerunt in vnum, omnesq. vna mente atque consilio, omnibus tormentorum machinis (quæ humana crudelitas dæmonis furore concitata excogitare potuit) hunc charitatis ignem, qui in sanctorum Martyrum pectore flagrabat, extinguere nitebantur: quæ tamen omnia inuicta in Christū dilectio superauit. Hinc

Cyprian.

D. Cyprianus in epistola quadā insuperabilem fidem superare non potuit frequens plaga diu repetita, quamuis rupta compage vicerum, torqueretur in seruis Dei nō iam membra, sed vulnera. Quam ille fortitudinis laudē non viris modò, sed feminis tribuit, quas ait viris etiam torquentibus fortiores extitisse. Qua fortitudine quid



quid maius aut mirabilius esse potuit? Nam quamvis mirum & nouum sit, feminam viris esse fortiozem; multo tamen mirabilis est, eas, dum torquerentur, torquentibus fortiores extitisse: cum torquere facile, torqueri autem acerbissimum sit.

Si igitur tanta perfectæ charitatis vis est, ut infirmum etiam feminarum sexum hac tanta fortitudine armaret, quid iam mirum aut nouum erit, beatissimum Apostolum Andream, qui multo maiori charitate incensus erat, cum paratam sibi crucem à longè videret, his eam amantissimis verbis salutasse? O crux, quæ in corpore Christi dedicata es, & membris eius tanquam margaritis ornata! ô crux, quæ per totum mundum fulges! suscipe me ab hominibus, & redde me magistro meo; ut per te me suscipiat, qui per te me redemit. Hunc enim affectum, hunc animum illi præstabat non solum fides & spes (de quibus antè locuti sumus) sed ardentissima etiam, quam Spiritus sanctus in corde eius accenderat, charitas. Hæc enim has splendidissimas fortitudinis & constantiæ flammæ in eius mente excitabat, quibus & mortem & omnia tormentorum genera superari paulo antè docuimus. Verum hic aliquis fortasse dicat: Si charitatis tanta vis est, ut amara vertat in dulcia; quomodo Saluator noster, in quem se tota charitatis plenitudo effuderat (non enim ad mensuram dedit Deus Spiritum Filio) quomodo, inquam, imminente passionis hora non exultare, ut Andreas; sed pauere, ut infirmus, cœpit, & tædere? Sed cum hoc multis de causis, iisdemque iustissimis acciderit; D. tamen Bernardus hunc infirmitatis nostræ affectum propter infirmorum solatium à Domino misericorditer assumptum fuisse testatur: sic enim ait: Agnosco planè in duce belli pusillanimatorum trepidationem, agnosco ægroti vocem in medico, cōsidero charitatem, stupeo miserationem, expauesco dignationem. Misericors Dominus non beati Andreæ robustum sibi suscepit affectum: quia non est opus sanis medicus, sed malè habentibus. Quid fuerat, Domine Iesu, si accedente hora, propter quam veneras, intrepidus stares, tanquam qui potestatem habebas ponendi animam tuam? An non longè gloriosius fuit (quando totum propter nos agebatur) ut nō modò passio corporis, sed etiam cordis affectio pro nobis faceret: & quos viuificabat mors tua, tua nihilominus & trepidatio robustos, & mœstitia lutos, & tædium alacres, & turbatio quietos faceret? Denique agnosco & in hoc ipso Paraclætum maximū, & agnosco Paraclætu benignissimū, qui propè est is qui tribulato sunt corde. Non despero iam Do-

Bernard.

Psal. 32.

Mat. 26.

B 2

verum.

veruntamen non sicut ego volo, sed sicut tu. Haecenus Bern.

## I I.

Sed iam tempus est, ut ex his quae de hac mirabili Andreae fortitudine, quam ab eius flagrantissima in Christum charitate proficisci diximus, philosophari incipiamus: frustra enim praecleara Sanctorum gesta celebramus, nisi quod nobis facto opus sit, eorum exemplo agnoscamus. Primum igitur hoc exemplo intelligimus, quantum illi decipiantur, qui ideo à virtutis studio abhorrent, quod eam asperam atq. inaccessam arbitrentur, vitia verò illis blandissima & iucundissima appareant: hi enim verè charitatis vim atque potentià prorsus ignorant: quae quantitas sit, non solum beatissimi Andreae alacritas passionis, sed omnium etiam Martyrum mirabilis patientia declarat. Quae ergo his adeò facile fecit supplicium mortis, quomodo non eadem leue faciat onus diuinæ legis? Vnde ergo hæc tanta cæcitas in multorum hominum pectora irrepsit, ut grauissimum atq. importabile diuinæ legis iugum arbitrentur? Nimirum (ut mihi quidem videtur) quod illud non iis viribus metiuntur, quas habituri sunt, si ad Dominum conuersi, charitatis donum, & mentis sanitate percipiant; sed iis quas modò habent, antequam ad illum conuertantur, cum videlicet nondum natura per gratiam sanata est. Hi autem similes mihi esse videtur iis, qui cum ardentissima siti in morbo laborēt, nec tamen eo tempore, medicis prohibentibus, aquis se ingurgitare audeant, decernunt, ubi è morbo conualuerint, ad eos se fontes ituros, quos aliquando viderunt; ibique se ad satietatem vsque bibituros: qui tamen sanitate recepta, & siti pariter cum morbo extincta, rident ea quae antea morbo delusi proposuerant. Similis igitur horum cæcitas est, qui peccati morbo laborantes, non quid natura per gratiam sanata, sed quid per peccatum egra concupiscat, attendunt: qui si ad Dominum per veram poenitentiam conuersi, veram animæ sanitatem reciperent, facile hoc peruersum de rebus iudicium riderent atque damnarent.

Simile,

Sed ne quidquam hac in re prætermisum à nobis esse videatur, quæret fortasse aliquis, qua ratione charitatem hanc (cuius tanta vis est) assequi poterit. Hoc planè breuiter D. August. declarat his verbis: Putate, inquit, amorem hominis, quasi manum esse animæ; si aliquid tener, tenere aliud non potest. Hoc autem dico, quia qui amat seculum, Deum amare non potest: occupatam habet manum. Dicit illi Deus; Tene quod do: non vult dimittere quod tenebat, ideo non potest accipere quod offertur. Haecenus August. Cuius verbis hoc monemur, ut, si Deum consequi volumus, simul cum peccato seculi amorem (vnde peccata proficiscuntur) relinquamus: ut summum illud & infinitum bonum plenè

August.



plenè possideamus. Hoc igitur primum est quod à nobis beatissimi Andreæ charitas, & passionis eius alacritas exigit.

Exigit etiam, vt, quando gloriosum eius agonem & martirium hodie celebramus, patientiæ quoque & fortitudinis eius exemplum, quoad licet imitemur. Sollemnitates quippe Martyrum (vt D. Aug. ait) exhortationes martyriorum sunt: vt imitari non pigeat, quod celebrare delectat. Quamuis enim Tyranni modò desint aduersum quos dimicare debeamus, alij tamen

Augu.

hostes non desunt, contra quos tota penè vita decertandum sit. Vita enim Christiana quid aliud quam militia est, in qua aduersus principes tenebrarum, & aduersus familiarem ac domesticum hostem, carnem nostram, pugnare semper debemus: Ad quam quidem pugnam nos D. Crysol. hortatur his verbis: O Christiane, delicatus es miles, si putas sine pugna te posse vincere. sine certamine triumphare. Fortiter dimica, atrociter in

Chrysol.  
in Hom.

prelio concerta, considera pactum, conditionem attende, militiam nosce, pactum quod spondidisti, conditionem ad quam accessisti, militiam cui nomen dedisti. Hoc enim pacto, quos miraris, omnes pugnaverunt; hac conditione vniuersi vicerunt; hac militia triumphauerunt. Sunt autem non pauci, qui quàm longissimè ab hac intentione & proposito distant: qui videlicet ita Deo seruire destinarunt, vt nihil tamen asperum ac difficile in eius gratiam subire velint. Horum autem mores appositissimè D. Gregorius describit his verbis: Reprobi recta quidem deliberando petunt, sed ad consuetam semper mala recurrunt. Esse quidem humiles, sed sine despectu: pauperes esse volunt, sed sine defectu: esse casti, sed sine maceratione corporis: esse patientes, sed sine contumeliis volunt. Cumque adipisci quarunt virtutes, sed labores virtutum fugiunt; quid aliud quàm & belli certamina in campo nesciunt, & triumphare in vrbibus de bello concupiscunt? Hactenus ille. Cum igitur horum propositum adeò damnabile sit, nos, contraria via incidentes, sic vitam nostram instituamus, vt non modò quæ facilia & iucunda sunt, sed multo magis quæ sunt aspera & iniucunda, propter Christi gloriam atque obedientiam amplectamur: & omnia prius perpeti, quàm ab illius gratia excidere, malimus: hoc enim sancti Apostoli & Martyres nos exemplo suo docent. Sciebant illi quidem, si verbotenus Dominum, metu moris adacti (quemadmodum Petrus Apostolus) negassent, cum eodem Petro per poenitentiam veniā se esse consecuturos: ea tamen illorum fides & charitas extitit, vt lanari, discerpi, truncari, & excarnificari maluerint, quàm vel ad breue illud momentum fidem illi debitam violare. Ad hunc ergo dilectionis gradum contendamus, fratres, si ad felicissimum San-

Gregor.

clorum Martyrum consortium volumus peruenire.

Quod si hoc vobis difficile videtur, laboris huius mercedem ante oculos ponite; quæ quanta sit, eorundem Martyrum & Apostolorum agones & certamina declarant. Qualis enim illa merces est, propter quam adipiscendâ tam immania tormenta sancti Apostoli & Martyres adeo alacri & libenti animo sustinuerunt? Numquam enim (vt D. Maximus ait) vitam hanc tam constanter expenderet, nisi esse alteram incomparabiliter beatiorum, perfectâ definitione sentirent. Hinc sanctissima illa Machabæorum mater percutiens septem filios sub vnius diei spatio bono animo ferebat, propter spem quam in Deo habebat: eademque spes filios dum amputata lingua, cute capitis abstracta, & manibus pedibusque truncatis in feruenti oleo frigerentur, consolabatur. vnde quidam illorum ad impiissimum tyrannum dixit, Tu quidem, scelestissime, in præsentī vita nos perdis; sed mundi Dominus defunctos nos pro suis legibus in æternâ vitâ resurrectione suscitabit. Post hunc verò alius illudatur, & linguam postulatus, citò protulit, & manus constanter extendit, & cum fiducia ait, E calo ista possideo, sed propter Dei leges nunc hæc ipsa despicio: quoniam ab ipso me ea recepturum spero. Considerate ergo fratres, qualis illa Sanctorum merces sit, quam tot Christi Martyres, tot cruciatibus atque suppliciiis mercati sunt: pudeatque nos exiguos virtutis & penitentiae labores propter eandem mercedem refugere (nondum enim usque ad sanguinem restitimus aduersus peccatum repugnantes) cum illi lucrum putarint, tot eam tormentis redimere. Hæc enim de causa Apostolus tribulationi spem iungit, cum ait: Spem gaudentes, in tribulatione patientes. Gaudium enim speratae mercedis facile minuit pondus laboris. Quæ enim poenæ, quæ tormenta, quæ vulnera molesta esse ei poterunt, qui Deo mon-

**D. Maxi-  
mus.**

**Rom. 12.**

**Rom. 8.**

**1. Cor. 4.**

strante intelligit, non esse condignas passionēs huius temporis ad futuram gloriam, quæ reuelabitur in nobis: qui intelligit, momentaneum & leue tribulationis nostræ, supra modum in sublimitate æternum gloriæ pondus operari in nobis: Si igitur hæc tanta merces fideles seruos manet, incubamus professionis nostræ laboribus, fratres, & Dei nostri leges atque præcepta, cum vitæ etiam (si ita opus fuerit) & rerum omnium iactura seruire contendamus, & omnia quæ nos ab hoc pietatis studio remorantur, constanti animo repudiare studeamus: vt hac ratione de communi generis humani hoste trophæa referentes, celestis gloriæ palmam, strenuè laborantibus promissam, cum sanctis Apostolis ac Martyribus percipere mereamur.



## IN EODEM FESTO BEATI

ANDRÆ, CONCIO SECVNDA: IN

qua lectio Euangelica, ac præcipue verba The-  
maris explanantur.THEMA. *Venite post me, & faciam vos fieri piscatores  
hominum.* Matth. 4.

**H**ODIERNA sancti Euangelij lectio, dilectissi-  
mi, quatuor insignium Apostolorum, Andræ sci-  
licet, Petri, Iacobi, & Ioannis vocationem conti-  
net. Quantum autem ex Euangelicis litteris con-  
iicere possumus, non semel, sed iterum ac tertio  
beatum Andream cum Petro fratre vocatum à Domino  
fuisse colligimus. Primum enim cum Ioannes Baptista Chri-  
stum Dominum ambulantes vidisset, ipsumque Dei Agnum  
esse testatus esset, duo ex eius discipulis, quorum alter Andreas  
erat, eum secuti sunt, & apud illum eodem die manserunt.  
Andreas verò suauissima Christi consuetudine miro modo de-  
lectatus, inuentum fratrem adduxit ad Iesum; Messiam illum,  
mundique Saluatorem esse confirmans. In eo verò Euange-  
licæ charitatis virtus enituit, quod solus pretioso illo thesauro  
frui Andreas noluit, sed eiusdem dignitatis & gratiæ partici-  
pem esse fratrem studuit, ac si iam vox illa Ioannis auribus  
eius insonuisset: Qui audit, dicat, Veni. Hæc igitur prima  
horum sanctissimorum fratrum vocatio fuit, Secunda verò  
fuit ad stagnum Genezareth, in quo Petrus à Domino voca-  
tus fuit: & credibile est cum Petro ibi fratrem quoque An-  
dream fuisse. Sed quoniam eos qui docendi Euangelij munus  
sustinere debebant, ab omnibus aliis curis atque negotiis segre-  
gatos esse oportebat, vltimò tandem eosdem in præsentem Euan-  
gelio Dominus vocauit: quam quidem vocationem Matthæus  
Euangelista describit his verbis:

Apo. 22.

Luc. 5.

*Ambulans Iesus iuxta mare Galilee, vidit duos fratres, Simonem, qui  
vocabatur Petrus, & Andream fratrem eius, mittentes rete in mare  
(erant enim piscatores) & ait illis: Venite post me, & faciam vos fieri  
piscatores hominum. Humili quidem similitudine Dominus, sed  
ex subiecta materia & officio sumpta, duas res maximas, Apo-  
stolarum scilicet dignitatem, & futuram Gentium conuer-  
sionem designauit: quam apertioribus postea verbis expli-  
cauit dicens; Non vos me elegistis, sed ego elegi vos, & posui*

B 4

vos,

vos, ut eatis, & fructum afferatis, & fructus vester maneat. Piscatorum verò nomine, verbi Dei ministros intelligi per Hieremiam Dominus significauit, cum ait: Ecce, ego mittam eis piscatores multos, dicit Dominus; & piscabuntur eos: & post hæc mittam eis multos venatores, & venabuntur eos de omni monte, & de omni colle, & de cauernis petrarum. Quia verò cælestis Magister hac piscandi metaphora vsus est, officij nostri erit eam excutere, & paulo fusiùs explanare. Recte igitur, verbum Dei; pisces, homines; mare, mundum, in quo huiusmodi pisces versantur, intelligimus. Mundi verò statum mari appositissimè comparari, vtriusque rei similitudo satis declarat. Si enim mare amarum est, si insidum, si procellosum, si instabile, & varium, periculisque plenum; quid, quæso, mundo similis? Quid enim in mundo stabile? quid tranquillum? quid placidum? quid diuturnum? quid non infinitis casibus & periculis obnoxium? Vt enim D. Gregor. ait, vbique in mundo mors, vbique luctus, vbique desolatio: vndique percutimur, vndique amaritudine replemur: & tamen cæca mente carnalis concupiscentiæ, eius amaritudinem amamus, fugientem sequimur, labenti in hæremus: & quia labentem retinere non possumus, cum eo ipso labimur.

Piscium verò nomine homines diximus intelligi, qui in hoc mari magno vitam agunt. Primum enim varia piscum genera, varios hominum status representant: quorum quidam maiores, alij minores, alij autem mediocres sunt, quibus vastum mundi huius pelagus completur. Quemadmodum autem minores pisces in maiorum prædam cedunt: ita inopes ac tenues homines potentiorum iniuriæ patère, Ecclesiasticus docet his verbis: Venatio leonis onager in deserto: sic & pascua diuitem sunt pauperes. Aduersus autem hos pauperum oppressores Dominus per Esaiam clamat; Vae qui condunt leges iniquas, & scribentes iniustitiam scripserunt: ut essent viduæ præda eorum, & pupillos diriperent. Quid facietis in die visitationis, & calamitatis de longè venientis? Illi verò diuites ac potentes magis damnandi sunt, qui nouis semper oneribus pauperes premunt, ut habeant quid opulentioribus largiantur: & illis quidem vitæ necessaria eripiunt, ut aliis tribuant vnde luxurientur. Illud etiam piscibus conuenit, ut nunquam quieti, numquam vno in loco consistant; sed prædæ captandæ gratia, huc & illuc audissimè discurrant. Quid autem aliud in plateis, & iudicij tribunalibus cernas; nisi homines, pisciculorum more, rei paranda atque augendæ gratia circumcursare, & continua agitatione molestissimam vitam agere? Miramur sæpe pisciculorum audacitatem, qui tanta celeritate panis micæ, aut similes



quisquiliasin stagna decedentes persequuntur: nos ipsos non miramur, qui simili studio & cupiditate paulo maiora bona captamus: quorum tamen non alius fructus est, quàm is qui ab Ecclesiaste significatur, cum ait; Omnis labor hominis in ore eius. Ecclef. 6.

## I.

Verum illud diligentius obseruandum est, esse in huius mundi mari pisces, ex veteris legis decreto, mundos & immundos. Mundi autem esse dicuntur, qui pinnulas & squamas habent; Leuit. 11. immundi verò, qui iis destituti sunt. Itaque anguilla, & murænula, quæ nunc in deliciis habentur, immundi olim pisces erant, quibus vesci sub lege non licebat. Cur ita tandem? Cur immunda creatura Dei censeatur? Sed animaduertite, fratres, mirandam Conditoris providentiam, qui non modò sacris litteris atque doctrinis, sed rebus etiam ipsis quas condidit, nos instruere & erudire curauit. Quid igitur hoc symbolo nobis innuitur? Pinnula quidem, quibus tanquam pennis pisces se in altum surrigunt, & quodammodo volant, diuinatum rerum contemplationem, qua in altum attollimur, & caelestia rimamur, appositissimè designant. Squamæ autem, quibus velut quadam lorica corpus tegitur, spiritualia arma significant, quibus mentes nostræ aduersus ignitas diaboli sagittas muniuntur. Vnde sapienter D. Bernardus, Quemadmodum, inquit, Bernard. frustra iacitur rete ante oculos pennatorum: ita frustra iacuntur inimici tela in corpora loricorum. Vt hoc igitur veteris legis decretum ad vitæ nostræ institutionem transferamus, si quis piscis mundus, hoc est, purus ante Deum atque innocens esse velit; det operam, vt huiusmodi pinnulis & squamis muniatur. Pinnulis autem instructus erit, si se diuinarum rerum contemplationi, & pio orandi studio addixerit. Deinde verò quia scriptum est; Discedat ab iniquitate omnis qui inuocat 2. Tim. 2. nomen Domini: nequaquam sibi precandi atque diuina meditandi studium sufficere credat, nisi attentissimis etiam oculis supra sui custodiam vigilet, vt aduersus immortalis & importuni hostis spicula semper attentus, semper munitus, & quodammodo loricatorum incedat. Hoc est enim quod Propheta nos admonet, cum ait; Custodi te ipsum, & animam tuam sollicitè. Et iterum; Indicabo tibi, ô homo, quid sit bonum, & quid Dominus requirat à te. Vtique facere iudicium, & diligere misericordiam, & sollicitum te ambulare cū Deo tuo. hoc est, iungi & sollicita cura prospicere, ne quid agas quod diuinæ maiestatis oculos offendant. Quisquis igitur huiusmodi pinnulis & squamis vestitus incedit, inter mundos pisces numeratur; qui verò utroque destituitur, inter immundos. Ad hoc autem

B 5                      genus

Psal. 37.

genus pertinent ij qui nullam precandi nullamque sui tuendi curam habent; qui nullis aduersus diaboli tela armis reguntur; qui à Propheta in terra obliuionis vitam agere dicuntur: hoc est, qui ita sunt terrenis rebus affixi, vt nunquam oculos in caelum tollant; qui Dei memoriam à se penitus abdicarunt; qui, tanquam vilissima carnis mancipia, vni tantum se ventri & Venerinatos esse putant. Hic igitur pisces immundi sunt, qui à caelesti coniunio repudiantur. Sed iam ad rete & piscatores veniamus.

Mat. 13.

Rete autem, siue sagem, esse verbum Dei, Dominus testatur cum ait: Simile est regnum caelorum sagem missæ in mare, & ex omni genere piscium congreganti. Piscatores verò diximus diuini verbi ministros esse, qui homines variis vitiorum gurgitibus mersos, ad diuinæ lucis, rerumque caelestium cognitionem attollunt. Sicut enim pisces intra aquam perpetuo versantur, nec inde vel ad horam exeunt: ita multos hominum videmus vsque adeo terrenis curis & cupiditatibus immersos, vt nihil nisi terrena sapiant, nihil aliud curent, nihil cogitent, nihil loquantur; & ita sese in omni vita gerant, ac si ad solum pecuniæ & terrenarum rerum studium nati essent.

Simile.

Quos si paulisper inde extrahere velis, piscium instar, qui ab aquis extrahuntur, penè mortuos videas: ita enim se corporis voluptatibus addixerunt, vt ab eis abstrahi non minùs molestum sit, quàm piscibus extra cognatas sibi aquas educi. Ad hos igitur ab his aquis extrahendos, Euangelica sagma destinata est, quæ non tam humana quàm diuina virtute fulta, iacentes in profundo vitiorum gurgite animas, in superas cæli regiones educit: hac enim caelesti virtute Euangelici piscatores adiuti, munus suum feliciter obeunt. Vt enim D. Chrysost. ait: Hoc

Chrysost.

habet piscatoris officium, quod ipse tantum operam suam ponat; prædam autem ipse non faciat: sed à Deo conditam & paratam capiat. Nam & vinitor & olitor terram subigunt, & agricola sementem facit, ac deinde metiti ceteri verò opifices manuum ministerio efficiunt quidquid ad ipsorum artem spectat. At piscator nihil horum, sed prædam diuinæ virtute editam & paratam illaqueat. Quod si in agricultura (vt Aposto-

1. Cor. 3.

lus ait) neque qui plantat est aliquid, neque qui rigat, sed qui incrementum dat Deus; quid sibi piscator tribuere poterit, cuius totum penè opus diuinum beneficium est? Quo minùs mirandum est, fratres, si raucis quotidie ac penè ruptis conuersionatorum faucibus nihil proficiamus, cum hoc non tam opis postea, quàm diuinæ gratiæ munus sit: quem nisi interius loquentem audiat, frustra vestras aures perpetuis clamoribus obrundimus. Quàm multi hodie piscatores vbique rete diuini

verbi



verbi frustra iacimus! Quotus quisque enim ex profundo carnalium cupiditatum gurgite, prædicationis fagena extractus est? quis assiduus concionibus audiendis vitam commutauit? quis consuetæ carnis vitia deseruit, & in nouum se hominem transformauit? Callos iam audiendo verbum Dei mens nostra obduxit, & tanquam diu ad verbera obdurata mancipia, nihil sentit. Hoc est autem, quod Apostolus ait, cauteriatam habere conscientiam. Vt enim cutis carnis, & cauterio durata sentiendi vim amittit: ita prauæ quorundam mentes cō stuporis deuenerunt, vt nullæ Concionatorum voces, nulli diuinæ legis terrores ac minæ, vllum eis timorem aut dolorem incutiant. Ita fit, vt, si quis horum frequentissimè sacras cōciones audiat, talis ad concione regrediatur, qualis ad eam venit. Quid ergo remedij iam superest? qua ratione tot animarum morbis medicinam facere poterimus? quo alio instrumento quàm fagena verbi Dei, pisces in profundo maris huius versantes, in superas regiones attollemus? Iam miracula defecerunt, iam Prophetarum ora conticuerunt: iam Martyrum agones & certamina (qui fidem illustrabant) conqueuerunt; & præclara sanctorum Patrum exempla (quæ lucem rebus humanis præferbant) magna iam ex parte extincta sunt. Sola penè nunc superest verbi Dei fagena: quæ si frustra iaciatur, quæ nos spes reliqua salutis manet? Sed ais: Cur ergo Dominus, cuius hoc præcipuè opus & beneficium est, prædam nobis non exhibet? Culpam huius rei, fratres, nulla ratione in Dominum, sed in nos conferre debemus. Nos quidem in culpa sumus, qui non ita viuimus, nec ita ex Deo pendemus, nec ita eius opem discurrere & audiri impioramus: vt digni simus quorum ipse mente & lingua, velut fagena, ad aliorum salutem vtatur. Vnde is per Hieremiam de huiusmodi ministris ait: Si sterissem in consilio meo, & nota fecissent verba mea populo meo, auertissem eos à via sua mala, & à cogitationibus suis pessimis. Hoc autem, quod nobis deest, in Apostolis abundauit: ideo non mirum, si nos inanem fagenam, illi verò piscibus plenam passim referrent. Hoc est enim quod Saluatori nostro & Apostolis eius in ipso per Zachariam Dominus pollicetur, cum ait: Si in viis meis ambulaueris, & custodiam meam custodieris, tu quoque iudicabis domum meam, & custodies atria mea: & dabo tibi ambulantes de his qui hic nunc assistunt: hoc est, vt opera atque doctrina homines efficias Angelis similes, qui in conspectu meo sunt. Quia igitur nos hanc vitæ puritatem minimè retinemus; nihil mirum si sumus ille puritatis amator sordido hoc instrumento non semper vtatur. Itaque nos verbis tantum hoc negotium gerimus, quod lamentis magis;

1. Tim. 4.

Hier. 23.

Zachar. 5.

magis, & fuis ad Deum precibus vrgere deberemus. Qui enim Ecclesiasticorum Doctorum operâ ad meliorem mentem redeunt, ij profectò lacrymarum magis, quàm verborum filij existimandi sunt.

Nequaquam tamen tota huius rei culpa in Ecclesiasten conicienda est: auditores etiam in culpa sunt, qui minus attenti ac parati ad sacras conciones veniunt. Auris enim bona (vt Sapiens ait) audit cum omni concupiscentia sapientiam: quemadmodum audiebat ille qui dicebat; In corde meo abscondi eloquia tua, vt non peccem tibi. hoc est, si quid audio, si quid lego, si quid meditor, & cum animo meo cogito, ad hunc omnia finem dirigo; non vt superior, sed vt humilior; non vt doctior, sed vt purior euadam: denique, vt non peccè tibi. Sunt enim qui curiositatis affectu ita verbum Dei audiant; non vt in Deum non peccent, sed vt animum, vel nouitate rerum, vel elegantia verborum, vel acumine sententiarum pascant: quos appositissima similitudine D. Aug. pueris comparat; quibus si litteras minio auroq; fulgentes ante oculos ponas, sola earum specie delectari, quid sibi velint, quidve moneant, prorsus non aduertunt. Sunt rursus alij (vt idem Aug. ait) quorum mentes tot curis & cupiditatibus, totq; mundi vocibus & clamoribus perstreperantibus impeditæ sunt, vt verba sapientiæ, quæ in silentio discuntur, audire vix possint. Quemadmodum enim si quis dum concionator verba faceret, tumultuaretur ac vociferaretur, nemo quæ dicerentur intelligeret: sic planè, ac multo etiam minus concionatoris vocem percipiet, qui variis intra se curis & cupiditatibus exagitur. In quiete & silentio illius verba audienda sunt, de quo scriptum est; Porro ad me dictum est verbum absconditum, & quasi furtiuè suscepit auris mea venas susurricius. Hoc autem modo sanctus ille Rex loquentem Dominum audiebat, cum diceret: Audiam quid loquatur in me Dominus Deus: quoniã loquetur pacè in plebem suam, & super sanctos suos; & in eos qui conuertuntur ad cor. Illi autem ad cor, hoc est, ad cordis sui secretum conuerti dicuntur, qui mentem suam ab omnibus terrenis curis & cogitationibus explicantes, spiritum suum ad cælestia atque diuina trãstulerunt. Cum his ergo Dominus pacem loquitur, quia pacem illis internam præbet: non qualem mundus dat, sed qualem diuina potentia piis hominibus tribuere solet; per quam cupiditates & affectus nostri sub rationis imperio compositi atque pacati silent. Partim enim virtute diuinæ gratiæ compressi, partim laudabili consuetudine frenati, & ad rationis imperium assuefacti, nullas turbas excitant, quibus de statu suo mentem conuellant. Hinc sequitur illa pax, quæ exuperat om-

HIC

Eccli. 3.  
Psal. 118.

August.  
Simile.

Idem.

Simile.

Job 4.

Psal. 85.

nem sensum. Sed iam satis de piscandi ratione: nunc ad sequentia veniamus.

## II.

Vbi ergo Dominus dixisset, *Venite post me, & faciam vos fieri piscatores hominum*: duo isti fratres hac vna Domini voce permoti, relictis confestim omnibus, ita eum secuti sunt, vt ad seculi negotia nunquam redierint. Nudos quippe, & ab omni terrenarum rerum amore expeditos esse Dominus voluit, quos ad Euangelicæ piscationis munus eligebat. Est enim (vt D. Chrysost. ait) virtutibus cunctis cognata paupertas. Athleta ad luctam nudus accedit: configit etiam cum fluctibus nauta nudus: miles in acie non nisi expeditus astat. Sicigitur duo isti fratres ad vnam Domini vocem omnia protinus reliquerunt. Sed quid mirum, si conditoris vox post se homines trahat, qui eam vim magneti contulit, vt graue & ponderosum ferrum post se in sublime attollat, & in aëre suspensum teneat? Vt nihil autem hoc in loco de diuini Spiritus vi mentem hominis excitante dicam, tantus splendor (vt D. Hieronymus ait) ex occulta Christi diuinitate in eius vultu elucebat, vt facile vel ipso aspectu ad se homines trahere posset.

Chrysol.  
Simile.

Hieron.

Sed quia sancti Patres hoc in loco celerem Apostolorum obedientiam, & rerum omnium contemptum vehementer laudant, aduersus hanc eorum sententiam obijcere aliquis hoc in loco posset: Ad vocem Dominicam vterque ille piscator quid dimisit, qui penè nihil habuit? Huic quæstioni D. Gregor. ita respondet: Hac in re, fratres, affectum potius debemus pensare, quam censum. Multum enim reliquit, qui sibi nihil retinuit: multum dimisit, qui cum re possessa etiam concupiscentiis renunciauit. A sequentibus ergo tam multa demissa sunt, quanta à non sequentibus concupisci potuerunt. Nemo igitur cum quosdam conspicit multa reliquisse, apud semetipsum dicat; Imitari mundi contemptores volo, sed quid relinquam non habeo. Multa, fratres, relinquitis, si desideris terrenis renunciatis. Exteriora etenim nostra Domino, quamlibet parua, sufficiunt: cor namq. & non substantiam pensat; neque perpendit quantum in eius sacrificio, sed ex quanto proferatur. Nam si exteriorem substantiam perpendamus, ecce sancti negotiatores nostri perpetuam Angelorum vitam datis retibus & naui mercati sunt. Aestimationem quippe pretij rete non habet: sed tamen regnum Dei tantum valet, quantum habes. Valuit namque Zachæo dimidium substantiæ, quam pauperibus erogauit: valuit Petro & Andræ, rete & nauem dimisisse: valuit viduæ duobus minutis: valuit alteri calicem aquæ frigidæ. O rem admirandam! ô grauissimum diuinæ clementiæ argumentum!

Gregor.  
in Hom.

Lucæ 29.

Lucæ 21.  
Mat. 20.



mentum! Regno celorum, fratres, quid vilius, cum emittitur quid carius, cum possidetur? Sed fortasse nec calix aquæ frigidæ suppetit, qui indigenti præbeatur: sed hic etiam securitatem promittit sermo diuinus. Redemptori enim non nato cæli ciues ostensi sunt, qui clamarent; Gloria in excelsis Deo, & in terra pax hominibus bonæ voluntatis: ut indicarent, ante

Lucæ 2.

Psal. 55.

Hiero. in  
Epist. ad  
Licinium

Luc. 22.

Mat. 19.

Dei oculos nunquam esse vacuam manum à munere, si fuerit arca cordis plena bona voluntate. Hinc enim Psal. inquit: In me sunt Deus vota tua, quæ reddam laudationes tibi: ac si apertè dicat: Etsi exterius munera offerenda non habeo, intra me tamen inuenio quod in ara tuæ laudis imponam: quia qui nostra datione non pasceris, oblatione cordis melius pasceris. Nihil quippe offertur Deo ditius bona voluntate. Hæc omnia ex D. Gregorio. Hanc porro bonæ voluntatis oblationem, qua pius homo non tam sua, quam se ipsum offert Deo, diuus Hieronymus commendat his verbis: Aurum deponere, incipientium est, non perfectorum. Fecit hoc Thebanus Crates, fecit Antisthenes. Scipsum offerre Deo propriè Christianorum est, & Apostolorum, qui duo æra minora, cum paupere vidua in gazophylacium mittentes, totum censum, quem habuerunt, Domino tradiderunt, & merentur audire: Sedebitis super sedes duodecim, iudicantes duodecim tribus Israël.

Cyp. Ser.  
de lapsis.

Ex quibus verbis facilè colligimus, fratres, quòd quamuis & pium & gratum Deo sit, exteriora nostra propter Dominum relinquere; nullum tamen piuguius donum est bonæ voluntatis sacrificio. Hac autem ratione D. Cyprianus consolatur fideles quosdam, qui dolenter ferebant se martyrij corona esse fraudatos: Aliud est, inquit ille, animo deesse martyrium, aliud animum deesse martyrio. Intelligebat enim vir sanctus, gratissimos quoque Deo esse illos qui animo Martyres sunt; quales sanctorum Confessorum multi extiterunt. Quid enim aliud in causa esse putatis, quòd multi ex supernis illis mentibus (quos Angelos vocamus) maiorem in cælo gloriam consecuti sint, quam sanctorum multi, qui pluribus annis deuotissimè Deo seruierunt, cum illi breuissima temporis morula (quam Theologi secundum Angelorum instans appellant) Deo mentis sacrificium obulerint; illum videlicet tanquam suum, & rerum omnium Conditorem agnoscences, seseque illius imperio suppliciter submittentibus? Cur hæc, inquam, tam brevis oblatio centum multorum Eremitarum annis in solitudine degentium antefertur? In causa est, quòd illa breuis morula infinita secula comprehenderit, quibus in eadem fide, charitate, & obedientia mens Angelica perseue-

rare

## CONCIO SECVNDA.

rare decreuit : ideoque tantum Deo obtulit , quantum offerre desiderauit ; præmiumque eius non breui temporis spatio , sed æterno desiderio definitum est : instans enim illud totam Angeli æternitatem continebat . Contrà verò damon , qui in eodem secundo instanti à Deo desciuit , in eadem perfidia obstinatus perstat : ideoque tantum in illa breui morula pœnarum meruit , quantum in ea delinquere desiderauit . Et hoc quidem in causa esse sancti Patres definiunt , cur reprobis pro temporaria culpa pœna infligatur æterna : quoniam si ij , quos diu peccantes patiētia diuina sustinet , perpetuò in carne fuissent , fortasse nunquam à peccato destitissent . At inquires : Cur ergo in bonis operibus exequendis tantum studij infumam , si tantundem meriti bona solum voluntate consequar ? Ad hoc facile respondetur ; neminem aliquid efficaciter velle , quod cum possit præstare , non præstet . Nam cum omnia corporis membra voluntatis imperio pareāt , nihil minus credi potest , quàm te summo illius rei faciendæ desiderio teneri , quam cum exequi possis , exequi nolis . Quocirca quemadmodum eorum , qui viribus arque opibus carent , sola voluntas ponderatur ; ita illorum , qui rebus omnibus abundant , voluntas ex operibus æstimatur . Sed iam tempus est , vt ad alteram lectionis Euangelicæ partem veniamus . Sequitur enim :

## I I I.

Et procedens inde Saluator , vidit alios duos fratres , Iacobum Zebedei , & Ioannem fratrem eius , cum Zebedeo patre suo , rescientes retia sua , &c. Quid , quæso , ad præsentem vocationem attinebat , adeò diligenter exponere , quòd illi quidem rete iacerent , hi rescicerent ? Sed Euangelista , partim abiecta horum discipulorum officia exprimere voluit , qui laceris retibus resciciendis erant occupati , quo vitam inopem sustentarent : partim etiam humiles curas designare voluit , quibus intenti erant , cum ad Apostolicæ dignitatis fastigium , nullis præcedentibus meritis , sed sola Dei gratia vocati sunt . Quo in loco inquisitione dignum est , quid fuerit in causa , cur Dominus non solum ad Apostolici muneris functionem ( quo nullum in Ecclesia maius est ) sed ad alia quoque præclarissima officia homines ex infima mundi fæce delegerit . Nam vt vetera exempla memoria reperamus , primum populi sui principem Moysen , oues fœderi pascensem , ac de pinguiori ouium pabulo sollicitum , interiora eremi penetrantem , nihilque minus quàm dignitatem regiam meditantem , Dominus ad summum dignitatis culmen euexit , & legislatorem suum , du-

Exod. 3.

ccm

- cem populi, ac Deum Pharaonis constituit. Proximum deinde
1. Reg. 9. Regem Saulem ex minima tribu Israël, pauperem ac tenuem hominem, atque eo tempore patris asinas sollicitè quarentem, in Regem populi sui vngi præcepit. Quid ergo David Rex? an non ipse inter fratres suos minimus, & in pascendis pauculis ouibus occupatus, ad Israëliti regni & Prophetici muneris dignitatem euocatus est? Sed operæ pretium fuerit, quoniam modo id acciderit, commemorare. Iussu Domini Samuel Propheta domum Isai patris David perrexit, ut ex eius filiis vnum cooptaret in Regem: octo enim habebat filios. Protulit verò ante cum pater natu maximum Eliab: quem, iubente Domino, vir sanctus repudiavit, dicens; Non hunc elegit Dominus. Protulit deinde secundum Aminadab: de quo etiam Propheta dixit; Nec hunc elegit Dominus. Obrulit deinde ordine quinque alios: quos omnes sanctus Propheta simili modo reiecit. Cumque minimus omnium David abesset, in pastu pecorum occupatus, neque pater Isai alios domi haberet filios: ille contra, Nunquid, ait, finitus est numerus filiorum? Cui pater, Est, inquit, paruulus, qui pascit gregem. Quem Samuel accessit iussit: Neque enim, inquit, discumbemus, donec ille veniat. Vbi igitur adfuit; Surge, inquit Dominus, & vnge illum: ipse est enim. Hac verò Dei electione quid mirabilius? quale enim est, fratrum minimum & abiectissimum, pauculas oves pascentem, ad tam præclarum munus vocari? Quid verò Apostolorum vocationem commemorem? Alij enim dum retia in mare iaciunt, alij dum rescipiunt, ut essent mundi luminaria, Doctores gentium, & Ecclesiæ columnæ, à Domino cooptantur. Quid verò Matthæum referam? quem ad telonium sedentem, & lucra sua sollicitè computantem, ad Apostoli & Euangelistæ officium Dominus vocauit. Quodque mirabilius est, non contentus idem Dominus infimæ conditionis homines ad tantam dignitatem extulisse, hoc etiam prouidit, ut, quo tempore ad eam vocati sunt, abiectissima officia exercerent. Saul enim asinas patris quærebat: David oves in campo pascebat: Iacobus autem & Ioannes retia cum patre suo resciciebant: Matthæus verò (quod à diuino ministerio abhorre magis videbatur) ad telonium sedebat, cum à Domino vocatus est. Quis igitur in his electionibus diuinæ sapientiæ consilium non miretur?
- Psal. 128. Sed quoniam beati esse dicuntur, qui testimonia Domini, hoc est, decreta & consilia eius scrutantur; non abs erit (quantum paruitati nostræ conceditur) huius diuini consilij causas inquirere. Quia verò omnia propter seipsum operatur Dominus; consentaneum est, ut omnes huius rei causas
1. Reg. 9.  
Matth. 9.
1. Reg. 9.  
Matth. 9.
- Prou. 16.



causas ad eius gloriam referamus:

Primum enim hæc res Dei potentiam maxime illustrat, quod instrumentis adeo fragilibus, & humanæ prudentiæ iudicio prorsus ineptis, tam præclara opera molitus fuerit. Quid enim gloriosius, quam Dauidem inermem & pugnandi imperitum, armatum gigantem, & bellandi peritissimum, sola funda & baculo interemisse? Samsonem verò non aliis armis quam mandibula asini mille Philisthæos armis instructos interfecisse, & totum eorum exercitum fudisse? Nec minus mirabile est imbellis mulieris operâ potentissimum Holofèrnis exercitum fuditum ac deletum fuisse. Quæ enim gloria fuisset, si paribus armis & viribus inimica hominum castra Dominus deiecisset? Quanta verò diuinæ potestatis gloria est, quod is non magnis copiis, non mundana philosophia, non persuadentibus humanæ sapientiæ verbis, sed duodecim rudium piscatorum vocibus, totam diaboli ac mundi potentiam euerterit, aras & templa deiecerit, & vniuersum orbem Euangelica prædicatione illustrauerit! In omni enim creaturâ quæ sub celo est, annuntiatum fuisse Christi Euangelium ætate sua testatur Paulus. Cuius audem admirationis fuerit hoc opus, declarat Propheta, cum ait: Ex ore infantium & lactentium perfecisti laudem propter inimicos tuos. Hoc est, cum res omnes conditæ nomen tuum admirabile esse testentur, id tamen in primis vim & salutarem potentiam tuam declarauit, quod per Apostolos tuos, homines rudes & indoctos, & simplicibus pueris similes, sanctissimum nomen tuum per cunctas nationes fama celebrasti, & castissimam plenissimamque pietatis religionem longè lateque propagasti, atque asperrimam diaboli tyrannidem funditus evertisti. Hoc ipsum etiam Apostolus ostendit, cum ait: Habemus thesaurum hunc in vasis fictilibus, ut sublimitas sit virtutis Dei: & non ex nobis. Hoc est, vasorum fragilitas aperte declarat, tantarum rerum gestarum gloriam non fictilibus vasis, sed diuinæ virtuti esse adscribendam.

Hæc etiam rudium atque simplicium hominum vocatio diuinæ libertatis excellentiam nobis ob oculos ponit. Hac enim ratione Dominus facile declarat, se nullis legibus astrictum, pro arbitrio, & rectissimæ voluntatis suæ beneplacito, omnia moderari, & suscitare à terra inopes, & de stercore erigere pauperes; ut sedent cum principibus, & solium gloriæ teneant. Valeant igitur sacrilegi homines, qui Deo libertatis gloriam eripientes, ex necessitate naturæ omnia illum facere somniabant. Quem quidem errorem abolere Dominus volens, Ieremix præcepit ut in domum figuli pergeret, audiretur ibidem verbum eius. Quo cum venisset, & figulum variè pro arbitrato suo

Prima  
ratio.

1. Reg. 17.

Judic. 15.

Judith. 13.

1. Cor. 2.

Coloss. 2.

Psal. 8.

1. Cor. 4.

Secunda  
ratio.

1. Reg. 2.

Isr. 18.

lutum fingentem & refingentem vidisset Dominus, quantâ sua esset in homines libertas atque potestas, huius figuli exemplo declarauit, vnde ait: Nunquid sicut figulus iste non potero vobis facere, domus Israël? Sicut enim lutum in manu figuli, sic vos in manu mea. Huius autem rei alta consideratio mentem hominis magno timore concutit, & illi plenissimè subiicit, in cuius manu est, ex eadem massa aliud quidem vas in honorem, aliud in contumeliam fingere.

Rom. 9.

Tertia  
ratio.

Ne libertas modò, sed liberalitas etiam, & immensa Dei gratia in hoc opere perspicitur. Quo enim longius ab hac tanta dignitate merita hominum aberant, eo magnificentius fuit, nullis præcedentibus meritis, sed sola diuinæ largitatis gratia, abiectissimos homines hoc tanto munere donare. Liberalis, ut sapiens quidam ait, etiam dandi causam cogitat: at liberalitas Dei nostri, nulla in nobis excogitata causa, sed sola misericordia, magnifica hominibus dona largitur. Quo autem magis gratuita eius dona sunt, eo debent, qui sic in benedictionibus ab eo præuenti sunt, submissius se gerere, Dominiq; sui magnificentiam gratissimis animis extollere atque laudare. Hac autè rudium & indoctorum hominum vocatione omnem superbiendi materiam

1. Cor. 1.

hominibus cælestis magister ademit, cū infirma mundi, & ignobilia, & contemptibilia elegit: ut non gloriatur omnis caro in conspectu eius: hoc est, ne quisquam vel ob generis claritatem, vel humanam potentiam, aut terrenam sapientiam, electum se à Deo iactaret. Hos ergo infimæ conditionis homines elegit Dominus in doctores gentium, fundamenta Ecclesiæ, pastores, Dominici gregis in cælum duces, ac mysteriorum Dei dispensatores. Hoc fuerunt Apostoli, hoc & inter eos Andreas: cuius cū admirabilem vocationem iam audieritis, consequens est ut eius gloriosum quoque exitum audiat.

1. Cor. 1.

## I I I I.

Cū in Scythia Europæ, & Achaia, verbum Dei latissimè disseminasset, plurimosq; ad fidē Christi conuertisset, ab Aegæa Proconsule in crucē agi iussus est: ut, cuius gloriam prædicabat, mortem quoq; imitaretur. Qui crucem sibi paratā à longè prospiciens, tanta alacritate cōpletus fuit, ut in eius laudes se totum effunderet. Solent quidem lictores & carnifices eorum oculos, qui capitalem sententiam subituri sunt, tegere, ac fulgentē gladium ceruicique imminuentem intuentes, exanimentur, & horrore, & metu mortis, ante mortem quodammodo moriantur: at beatus Andreas supra humanæ conditionis naturam elatus, & excelsior mundo factus, adeo non exhorruit crucem, ut tanquā amantissimam sponsam amicissimis vocibus compellaret: Salue, inquit, crux, quæ in corpore Christi dicata es, & membris eius tanquam  
pctio-

preciosissimis margaritis ornata. Securus & gaudens venio ad te: ita & tu exultans suscipias me discipulum eius qui pendit in te. O bona crux, quæ decorem & pulchritudinem de membris Domini suscepisti, accipe me ab hominibus, & redde me magistro meo: ut per te me suscipiat, qui per te me redemit. Antea quidem timorem humanum habuisti, nunc autem pro voto susceperis. Quibus verbis Apostolus mirabilem philosophiam, verèque Christianam, breui oratione complexus est. Si enim terrenorum Regum auctoritas tanta est, ut res infimas & abiectas nobilitare queat; quanto magis superna illa maiestas hoc efficere poterit? Vbi ergo Regis æterni Filius crucem, flagella, clausos, ludibria & vincula sustinuit; quis dubitet hæc omnia usque adeo eius dignitate nobilitata fuisse, ut merito in crucis laudem dicat Andreas: Quæ timorem antea incutere solebas, modò sis iucundissimæ voluptatis & suauitatis ministra; utpote quæ ex membris Domini hanc tantam dignitatem & suauitatem acceperis. Hinc ardentissima illa martyrum desideria orta sunt, qui tantopere pro Christi gloria sanguinem fundere sitiebant. Vbi enim mundi conditor propter hominum salutem calicem hausit passionis; vbi proposito sibi gaudio sustinuit crucem, confusione contempta; vbi tam ardenti desiderio baptismo sanguinis propter nos voluit baptizari; vbi passionis suæ merito Spiritum in nos misit de excelso; hanc mentem & affectum sanctis hominibus inmisit, ut, metu mortis sublato, non modò patienter, sed etiam alacriter extrema propter illum supplicia perferrent, & summam in eis dignitatem & gloriam collocarent. Quæ enim passione summi rerum omnium Domini nobilitata fuere, non potuerunt non summæ gloriæ esse iis qui eius exemplo eadem perpassi sunt. Vnde magnus ille Imperator Constantinus effossos sanctorum Confessorum propter Christi fidem oculos exosculabatur, eam corporis ignominiam, summam gloriam loco esse ducens. Diuus verò Cyprianus in epistola ad Episcopos & Presbyteros ad metalla damnatos, his verbis sanctos eorum pedes catenis propter Christum constrictos laudat: O pedes feliciter vincti, qui non à fabro, sed à Christo solvuntur! O pedes feliciter vincti, qui itinere salutari ad paradysum diriguntur! O pedes in seculo ad præsens ligati, ut sint semper apud Dominum liberi! O pedes compedibus & ira aduersarii interrumcuntur, sed celeriter ad Christum glorioso itinere cursuri! Hactenus Cyprianus. Quia igitur sancti Martyres hæc tantam laborum suorum mercedem plenissima fide expectabant, nihil mirum si tantam in doloribus patientiam ostendebant. Illos namque Propheta consolatur his verbis: *Quiescat vox tua à ploratu, & oculi tui à lacrymis: quia est merces operi tuo,*

Simile.

Hebr. 11.

Cyprian.

Ier. 31.



Saluian.  
cōt. Gēt.

& est spes in nouissimis tuis. Hac igitur spe animati atque erecti, de ipsis (vt Saluianus ait) equuleis atque catastis scalam sibi quodammodo fecerunt, qua in caelum ascenderent. Quorum nos exempla fecerunt, si non sanguinem fundere, saltem rerum nostrarum partem pauperibus erogare; si non mortem sustinere datur, mortificare saltem membra nostra super terram studeamus. Quod si B. Andreæ corpoream crucem subire non licet, licet tamen sensus nostros, os, linguam, aures, oculos, affectus, & omnes denique cupiditates nostras spiritualiter crucifigere. Nec nobis durum videatur spirituali cruce regnum caelorum comparare, quod Martyres, quod Prophetæ, quod Apostoli flagellis, vinculis, equuleis, craticulis, flammis, vngulis, scorpionibus, atque omni genere tormentorum affecti sunt. Quod nos perducere dignetur Dominus Iesus, qui est benedictus in secula seculorum. Amen.

### Ad Lectorem.

**Q**uia non deerunt p̄i concionatores, qui gloriosum hunc, vereq; mirabilem beatissimi Apostoli Andreæ agonem paulo fusiùs narrare velint, eis morem gerendum esse duxi: ideoq; illum ex eius vita, quam Presbyteri & Diaconi Ecclesiarum Achaïæ scripserunt (quæ inter Vitas Lipomani habetur) iisdem penè verbis adscribendum curavi.

**C**um igitur sanctus Andreas Apostolus tum in Scythia, tum in Achaia fidē Christi latissimè disseminasset, & in Patras, Achaïæ ciuitate, Aegeam Proconsulem, Christianos persequentem, grauiter increpasset; quod, qui iudex hominum haberi vellet, iudicem omnium Christum Dominum, à dæmonibus delusus, non agnosceret: ille contrā Christum ore sacrilego blasphemare cœpit, mortem illi crucis impropere. At sanctus Apostolus multa de gloria ac mysterio crucis præfatus, inter cætera sic ait: Primus homo per lignum præuaricationis mortem induxit, & necessarium erat generi humano, vt per lignum passionis, mors, quæ ingressa fuerat, pelleretur: vt malum, quod primus homo intulerat, secundus excluderet, panderetq; in cruce immaculatas manus pro manibus incontinentem extensis; pro suauiq; cibo arboris vitæ, escam fellis acciperet; & in se suscipiens mortalitatem nostram, suam nobis immortalitatem conferret. Cum hæc igitur beatus Andreas diuino illo ore præferret,

ferret, minister impietatis ait: Ista verba illis narrare debes qui tibi credunt: mihi autem, nisi in hoc consentias, vt sacrificium diis omnipotentibus offeras, in ipsa cruce, quam predicas, fustibus casum te affigi præcipiam. Cumque hæc & alia impius iudex minaretur, ratus se minis suis Sanctum Dei à fide posse reuocare, tandem Apostolus Christi ait: Quia in imprudentia tuâ persistens, me putas minas tuas formidare; quidquid tibi videtur in suppliciis maius, excogita. Tanto enim meo Regi grator ero, quanto pro eius nomine in tormentis fuero constantior. Tunc Aegeas iussit eum extensum flagellis cædi: cui cum septem terniones transisset, elenatus est, atque ante iudicem adductus. Cui ille: Audi me Andrea, & ab effusione sanguinis cõfiliū reuoca: quod si non feceris, crucis te faciam interire patibulo. Andreas dixit: Ego, si crucis supplicium timerem, crucis gloriam non prædicarem: tu autem cruciatum æternum, qui tibi debetur, poteris euadere, si postquam probaueris perseuerantiam meam, vel sic credideris Christo. Ego enim de tuo interitu, non de mea passione conturbor. Passio enim mea haud vnius diei spatium occupat, haud duorum: tuus autem cruciatus nec per millia annorum poterit ad finem peruenire. Vnde desine iam miseras tuas augere, & ignem tibi æternum accendere noli. Tunc indignatus Aegeas, cruci eum affigi mandauit, carnificibus præcipiens, vt ligatis pedibus & manibus quasi in equuleo tenderetur, ne clavis affixus citò deficeret, sed longo potius cruciatu torqueretur. Cumque eum carnifices ad crucem ducerent, concursus factus est populorum, clamantium: Iustus homo & amicus Dei quid fecit, vt ad crucem ducatur? Andreas verò populum rogare cœpit, ne se desiderata martyrij corona priuarent. Lætus enim & gaudens pergebat ad crucē, nec in ipso itinere à docendi officio cessabat. Cumque peruenisset ad locum vbi crux parata erat, videns eam à longē, exclamauit voce magna: Salue crux, quæ in corpore Christi dedicata es, & ex membrorum eius margaritis ornata. Antequam in te Dominus ascenderet, timorem terrenū habuisti; modò verò amorem cælestē spirans, pro voto susciperis. Norunt enim credentes, quanta intra te gaudia, quanta munera preparata habeas. Securus ergo & gaudens venio ad te, ita & tu exultans suscipias me discipulum eius qui pependit in te: quia amator tuus semper fui, & desideravi amplecti te. O bona crux, quæ decorem & pulchritudinem de membris Domini suscepisti, diu desiderata, sollicitè amata, sine intermissione quesita, & aliquādo iam concupiscenti animo preparata; accipe me ab hominibus, & redde me magistro meo, vt per te me recipiat, qui per te me redemit. Et hæc dicens nudauit se, & vestimenta tradidit carnificibus: qui eum

in crucem leuauerunt, funibusque totum eius corpus (sicut ei iussum fuerat) ligauerunt. Aderant ibi ad viginti hominum millia, inter quos erat frater Aegeae, nomine Stratocles, qui simul cum populo clamabat, iniusto iudicio sanctum virum patri. Sanctus verò Andreas mentes credentium Christo confirmabat, atque ad laborum tolerantiam hortabatur, assumans non esse condignas huius vitae passiones ad aeternae remunerationis gloriam.

Ceterum cum populus Aegeam grauissimè incensaret, quòd virum sanctissimum indigno supplicio affecisset, ille tumultum ac seditionem populi veritus, ad deponendū eum de cruce properabat. Cui Apostolus: Quid tu ad nos Aegea venisti? Si vis credere Christo; sicut promisi, aperietur tibi via salutis. Si autē ad hoc venisti, vt me soluas; ego hinc viuens in corpore deponi non potero. Iam enim Regem meum video, iam adoro, iam conspectui eius assisto. Sed de infelici sorte tua doleo: quia paratus te expectat aeternus interitus. Curre pro te miser, cum adhuc potes; ne tunc incipias velle, cum minimè poteris. Attolentes autē manus ad crucem carnifices, ipsum penitus contingere non poterant: torpebant enim brachia eorum. Tunc voce magna S. Andreas, Ne me, inquit, permittas, Domine Iesu Christe, famulum tuum, qui propter nomen tuum pendo in cruce, solui; nec permittas eum, qui iam per crucem tuam cognouit magnitudinem tuam, ab Aegea homine corruptibili humiliari; sed suscipe me tu, magister mi Christe, quem dilexi, quem cognoui, quem confiteor, quem videre desidero. Suscipe Domine Iesu Christe spiritum meum in pace: quia iam tempus est vt ad te veniam, desiderās te videre. Suscipe me Domine Iesu Christe, magister bone; neque permittas me ex hac cruce deponi, nisi prius spiritum meum susceperis. Et cum haec dixisset, videntibus cunctis splendor nimius sicut fulgur, de caelo veniens, ita illum circumdedit, vt videri prae magnitudine splendoris omnino non posset. Cumque splendor ille dimidia ferme horae spatio permanisset, abscedente lumine emisit spiritum, cum ipso simul lumine ad Dominum pergens.

Hoc ergo modo gloriosissimus Christi Apostolus & martyr occubuit; hac passione Dominum glorificauit. In qua multa sunt consideratione dignissima, atq. in primis passionis eius diuturnitas. Neque enim celeri morte, sicut alij martyres; sed diuturna duorum dierum passione sic cruciatus est, vt sine vllò lethali vulnere animam exhalaret. Quo tempore, cum paulatim vires coporis deficerent, virtus tamen animi adeò non deficiebat, vt astantem populum biduo illo praeceptis ac monitis celestibus inbuere non cessaret. Quàm pulchra ad Christia-

nam



nam philosophiam docendam cathedra crux est! Quid igitur ex tali loco docere potuisset, nisi illud; quod per multas tribulationes oportet nos introire in regnum Dei? Et illud: Qui vult venire post me, abneget semetipsum, & tollat crucem suam, & sequatur me. Et illud: Momentaneum & leue tribulationis nostræ supra modum in sublimitate æternum gloriæ pondus operatur in nobis. Hæc & his similia sanctus ex illa cælesti cathedra docebat: lætusque ipse & alacer, instante iam sui gloria triumphi, cum Propheta canere videbatur: Transiuius per ignem & aquam, & deduxisti nos in refrigerium. Quid verò illud, quàm mirabile, quod cum paratam sibi à longè crucem vidisset, non vt patibulum, sed vt regalem thronum, & dilectissimam sponfam intuens, his eam amantissimis vocibus compellauit: Salue crux, quæ in corpore Christi dicata es, & membris eius tamquam margaritis ornata. Securus & gaudens venio ad te, ita & tu exultans suscipias me. Videtis (inquit Bernard.) quia non se capit præ magnitudine gaudij: Ita, inquit, & tu exultans suscipias me. Ergo & tanta est exultatio, vt exulter & ipsa crux? Quid prius mirandum? quid magis supra rationem, supraque naturam, exultare crucem, an crucifixum exultare? Illi enim sensum natura negauit: huic verò (si quid ipsa præualer) gaudium omne exterminat, ingeritque dolorem. Et tamen supra naturam crux ad læticiam vocatur: & crucifixus non modò non trepidat, sed exultat. Neque hoc solo cruciatu contentus, ad iudicem, antè crucis supplicium minitanti, ait: Quia in imprudentia tua perseverans, me putas minas tuas posse formidare; quidquid tibi videretur in supplicio maius, excogita. Neque enim ad solum hoc supplicium paratum & alacrem se esse sentiebat, sed ad omnia etiam quæ humana mens posset excogitare. Obsecro, fratres, homo est qui loquitur hæc, an Angelus? Vnde ergo in homine noua hæc exultatio, & læticia hætenus inaudita? vnde in tanta fragilitate tam robustus animus? tanta constantia? Absit vt à seipso tantam ei credamus inesse virtutem. Planè Spiritus erat qui adiuuabat infirmitatem eius, per quem diffundebatur in corde ipsius fortis, vt mors, dilectio; inò & ipsa morte fortior. Spiritus autem hic super mel dulcis: adeò vt ne ipsa quidem dulcedini eius præualere queat amarissimæ mortis amaritudo. Quid ergo non temperabit illa dulcedo, quæ mortem quoque ipsam facit esse dulcissimam?

Discamus igitur hoc exemplo, fratres, aliquando labores desiderare pro Christo. Si enim tanta seculi homines propter fluxas & interituras opes, aut honores, aut principum gratiam sibi conciliandam quotidie patiuntur; & libenter quidem (dum ista aucupantur) patiuntur: cur, quaeso, nos propter æternam

vitam propter nostram salutem, propter eum, qui ab æterno dilexit nos, condidit, nos, redemit nos, alit nos, gubernat nos, vitam & spiritum donat nobis, non libenter acerbum aliquid perferamus? Mihi credite; quidquid agatis, nisi durum aliquid aut asperum propter Christi gloriam subeatis, nunquam vocem illam audietis: Nunc cognoui quod timeas Dominum, quia non pepercisti vnigenito tuo propter me. Quisquis autem huc usque peruenierit, intelligat se aduersus omnes diaboli machinas instructum esse & armatum. Duplici enim ille via adoritur nos: aut enim voluptatibus & blanditiis carnis inescare contendit; aut tentationibus & pressuris ad impatientiam prouocare nititur. Quisquis ergo cooperante Dei gratia sic animo constitutus est, vt labores sibi propter Dominum intelligat excipiendos, hic planè neque deliciis capietur; quas vt lethale animæ suæ venenum fugiet: neque laboribus deterrebitur; quos propter Domini sui gloriam adeo nō refugit, vt etiam desideret. Si igitur eò deducti fuerimus, vt nobis placeat tribulatio, superiores & seculo & damone facti sumus. Non enim habebit hostis ille tela quibus nos petat, quando & voluptates ipsas detestamur, & labores propter Deum diligimus. Videtis igitur, fratres, quò nos laborum amor efficerat, & quibus nos armis sepiat & muniat?

Luc. II. Et quia hunc animum non natura, sed gratia, & Spiritus Christi donat, ideò hunc assiduis precibus à cælesti Patre postulemus: ad quod nos eius Vnigenitus hortatur, cum ait: Si vos, cum sitis mali, nostis bona data dare filiis vestris: quanto magis Pater vester cælestis dabit Spiritum bonum petentibus se? Perseueremus ergo pulsantes, orationesque ipsas ieiuniis, vigiliis, & bonis operibus cumulemus: nec nostra conquiescat industria, donec eò nos peruenisse experiamur, vt aliquando etiam tribulationes grato & libenti animo perferamus.

## I N C O N C E P T I O N E

SACRATISSIMÆ VIRGINIS Mariæ,  
Concio prima: quæ primo loco de miseranda ho-  
minis conceptione in peccato agit, secundo verò  
eximias beatissimæ Virginis virtutes & laudes  
prædicat.

THEMA. De qua natus est Iesus, qui vocatur Christus.  
Matth. I.



Inter omnia diuinæ pietatis beneficia, fratres ca-  
rissimi, quæ humano generi exhibita sunt, redem-  
ptionis nostræ beneficium principem locum tene-  
re constat. Duplici enim potissimum nomine be-  
neficium aliquod iure laudatur: vel quia multum  
in eo donatum est, vel quia multo constitit ei qui donauit.  
Aqua enim illa, quam tres viri robustissimi ex Bethlehemitica  
cisterna Davidi sitienti attulerunt, non aliud quàm aqua erat, 2. Reg. 12.  
nihil fortasse cæteris aquis melior: sed quia periculo vitæ  
deportantium allata fuit, digna visa est quæ à sanctissimo  
Rege Deo litaretur. At in redemptionis nostræ beneficio  
vtrumque ita reperitur, vt neque dono quicquam magnifi-  
centius, neque doni pretio carius quicquam excogitari possit.  
Quid enim maius æterna vita, quæ nobis per Christum colla-  
ta est? Hæc enim inter tria illa numeratur, quæ tanta sunt, vt  
ne per diuinam quidem potentiam maiora illis in suo quod-  
que genere effici possint: qualia sunt humanitas Christi, ma-  
ternitas Virginis, & essentialis beatorum gloria, quæ in aperta  
summi boni contemplatione consistit. Pretio autem quo hæc  
nobis gloria comparata est, nihil etiam excogitari excellentius  
potest. Non enim (vt Petrus ait) corruptilibus auro & argen-  
to, aut margaritis; sed pretioso Agni immaculati sanguine re-  
dempti sumus. 1. Pet. 1.  
Quo pretio quid maius? quid diuinus? Vtro-  
que igitur nomine beneficium hoc multis partibus cætera  
omnia diuina beneficia antecellit. Vnde cum in veteri Te-  
stamento hoc tantum beneficium hominibus per Ezechielem  
Dominus polliceretur; Bonis, ait, donabo maioribus, quàm  
vnquam habuistis ab initio. Magna quidem & præclara ea  
beneficia fuerunt, quibus Dominus populum suum ab Aegy-  
pto egredientem profecutus est; adeò vt ipse ad Moysen dixe-  
rit: Signa faciam, quæ nunquam visa sunt super terram, neque

Exod. 14.



# 42 IN CONCEPTIONE B. VIRGINIS

in vllis gentibus ; vt cernat populus iste, in cuius es medio, opus Domini terribile quod facturus sum. Cæterum quæ is in hoc summo redemptionis nostræ opere designauit . tanto sunt præstantiora atq. maiora, vt idem Dominus per Isaiam dicat: Non erunt in memoria priora, neque ascendent in cor. Quantum enim vmbre veritas, corpori anima, temporis æternitas præstant; tantum atque eo amplius hoc beneficium superiora illa antecellit. Quem igitur erga Deum animum pro hoc tanto munere nos gerere, quibus eum laudibus celebrare, quas illi gratias agere par est? Ad hoc enim grati animi officium nos Ecclesiasticus inuitat, cum ait: Gratiam fideiussoris ne obliuiscaris; posuit enim animam suam pro te.

Isaie 63.  
Eccli. 29.

Quorsum hæc? Nimirum vt hac ratione, fratres, diei huius dignitatem & gloriam apertius cognoscatis. Hodie enim summum hoc redemptionis nostræ opus inchoatum est: hodie quippe Virgo illa concepta est, ex qua mundi conditor & redemptor carnem pro salute mundi erat assumpturus: hodie prima huius operis fundamenta iacta sunt: hodie arbor illa plantata est, quæ fructum vitæ erat prolatura, quo generis humani morbus, vetitæ arboris fructu contractus, sanandus erat. Hodie in paradiso Ecclesiæ virga illa de radice Iesse confita est, ex qua pulcherrimus ille flos emicuit, super quem Spiritus Domini requiesceret, de cuius plenitudine omnes acciperemus. Hodie item Spiritus sanctus telâ texere cœpit, ex qua æterno Dei Filio mortalis naturæ vestem aptaret. Hodie denique caro & sanguis ille coagulatus est, ex quo carnem & sanguinem Filius Dei sumpturus erat, quem pro salute nostra funderet. Merito ergo à nobis dictum est, summum illud redemptionis nostræ opus hodie inceptum fuisse. Vt igitur de hac tanta solemnitate dignum aliquid dicere valeamus, cælestem opem, sacratissimæ Virginis interuentu, suppliciter imploremus.

## A V E M A R I A.

Præsentis diei solemnitas, quæ sacratissimæ Virginis conceptioni dicata est, nos admonet, fratres, vt de nostra prius conceptione pauca dicamus: huius enim rei cognitio, ad nostri ipsorum cognitionem, & communis morbi remedium, maximo nobis adiumento futura est. Omnes enim graui languore ægrotamus, quia omnes in originali peccato concepti sumus: quod à Theologis languor naturæ appellatur. Et ideo quid ipsum originale peccatum sit, diligenter à nobis explicandum est: quotidie enim hoc originalis peccati nomen in concionibus auditis, nec faciliè quisque, quid illud sit, explicare aut etiam intelligere potest. Quidam enim adeo crasso & hebeti ingenio sunt, vt atrâ quandam & sordidam maculam animæ nostræ in hærentem esse arbitrentur:

bitrentur: quocirca, quid hoc peccatum sit, explicare necesse est: quod tamen fieri commodè non poterit, nisi alius totius rei ordine repetito.

Ad hoc igitur primò sciendū est, hominem ad altissimum finem à Deo conditū fuisse: nempe, ut reuelata facie diuinæ maiestatis gloriā cerneret, & eius beatitudine frueretur. Quæ quidem beatitudo adeò naturalis & propria Dei est, ut nulla creatura ne per diuinā quidem potentiam creari possit, cui ea beatitudo naturæ iure conveniat. Naturalis enim & propria Dei beatitudo solius Dei, non alicuius creaturæ natura est. Quod autem non habet natura, largitur gratia. Deus enim ob immensam suam bonitatem vsque adeò naturam extulit humanam, ut eam diuinitatis & felicitatis suæ consortem efficeret.

Quia verò hic finis humanæ naturæ facultatem superat; Dei verò opera perfecta sunt: ideo homini, ad supernaturale finem condito, facultates etiam & virtutes huic dignitati conuenientes contulit, quibus ad hunc finem assurgere posset. Ratio enim & natura rerū hoc exigit, ut finis, & ea quæ ad finē diriguntur, eiusdem ordinis sint. Ad hoc verò tria supernaturalia dona hominī in eo statu data sunt: quorum primum originalis iustitia fuit. Huius autem doni vi fiebat, ut homo, qui rectus à Deo conditus fuerat, in eadem animi rectitudine permaneret; & qui omnium inferiorum dominus erat, omnia hæc inferiora sibi subdita, & dicto obedientia haberet: vnde iustitia hæc, velut regia quædam corona extitit, quæ principatum homini super hæc inferiora tribuebat. Primum itaq. animantia cūcta illius imperio parebant; deinde verò mors, & mortis comites morbi, sub eius potestate erant: neque enim iustitiæ æquitas pœnā vllam esse patiebatur, vbi culpa non erat. Postremo (quod præclarissimū fuit) cū duplex animæ portio, altera superior, altera inferior sit (in qua affectus & cupiditates nostræ insunt) ita diuina sapientia vtramq. copularat, ut inferior superiori plenissimè subderetur, quemadmodum modò corporis membra imperio subsunt voluntatis. Quod enim in omni benè instituta repub. sit ut maiores imperandi, minores verò obediendi officium exerceant, hoc in homine benè instituto perfectissimè seruabatur. Simile.

Deinde etiam idem Dominus originali iustitiæ gratiam adiunxit. Simul enim (ut D. Aug. ait) & naturam condidit, & largitus est gratiam: quæ videlicet animam Deo gratissimam redderet; quæque illam supra naturæ suæ conditionem sic attolleret, ut eam Deus in filiam adoptaret, heredemque regni sui institueret. Postremo cum ipsa simul gratia, virtutum omnium habitus ab ea prodeuntes, ac præcipuè charitatem contulit: ut ita mens hominis per gratiam quidem pulchra, per charitatem verò August.  
esset

esset operosa, & vtroque nomine Deo gratissima. Hæc igitur tria præstantissima & supernaturalia dona in eo statu diuina bonitas homini largita est; ea tamen lege, vt, si is in officio & fide persisteret, sibi posterisq; suis integra manerent; si verò ab officio recessisset, & sibi & posteris amitteret. Quia verò dona hæc nequaquam humanæ naturæ debita, sed gratuito concessa fuerunt: sicut naturæ conditor naturam potuit sine illis creare, ita potuit, qua lege ipsi libitum fuit, ea donare. Cur verò hac lege donârit, non est præsentis instituti perferutari.

Cum igitur in hoc felicissimo statu ageret homo; diabolo adnidente, mandatum, quod illi à Deo iniunctum fuerat, transgressus, hæc omnia dona & sibi & nobis perdidit, & mortē cum peccato ad posteros transmisit. Ne verò quisquam hoc parum rationi & æquitati conuenire credat; naturæ atque iustitiæ leges attendat. Natura enim hoc habet, vt filius patris conditionē sequatur: ex patre enim nobili, nobilis; ex ignobili, ignobilis; ex parentibus liberis, liber filius; ex seruis verò emptitiis, filius quoque communi lege ancillarum seruus nascitur. Cum enim pater sit causa filij, & filius item sit aliqua patris portio; consequens est, vt eadem sit vtriusq; conditio. Idem etiam æquitatis & iustitiæ lex postulat. Ciues enim leges hominem lætæ maiestatis reum bonis omnibus ita mulctant, vt eadem pœna ad hæredes vnā cum criminis infamia transeat: quamvis eiusmodi sit hæreditas, quæ maioribus natu filijs perpetuò debeatur. Itaque vnum patris crimen efficit, vt posteri omnes propter illud & inglorij & exhæredes nascantur. Hac ergo eadem pœna supernus ille mundi arbiter Deus communem generis humani parentem, proditiōis reum, & posteros eius mulctauit. Donis ergo illis amplissimis spoliatum nasci; originale peccatum appellamus: quod videlicet sit originalis iustitiæ (quæ inherere homini debuisset) priuatio. Quamvis non ignoro hanc definitionem magis effectum peccati, quàm peccati naturam exprimere: ideoque originale peccatum aliud quiddam recentiores Theologi esse dicunt, nempe habitualē voluntatis auersionem à Deo, quæ ab hac originalis iustitiæ priuatione procedet. Verum quia hoc & subtilius est quàm vt populi caprus ferat, & minis nostro conuenit instituto, iam intueamur, qualis animæ nostræ facies post lamentabilē illū generis nostri casum fuerit relicta.

## I.

Primum quidem sublata originali iustitia (vt mortem, languores, ceterasq; corporis calamitates, in quas incidimus, omit- tam) portio animæ inferior cum toto affectuum & cupiditatum agmine aduersus spiritum rebellauit. Qui enim affectus præ- senti originali iustitia velut freno quodam cohibebantur, soluto iustitiæ



Iustitiæ vinculo, effrenati statim atque rebelles effecti sunt. Cuius rei velut imaginem quandam in arca testamenti in medio Iordanis posita videre licet. Ea enim in medio fluminis alueo consistente, superiores fluminis aquæ stabiles & immoræ persisterunt, donec exercitus omnis filiorum Israël per arentem alueum transiret: vbi verò arca sublata est, aquæ protinus, quæ in vna mole constitierant, solito lapsu ad ima fluere cœperunt. Sic igitur affectus & motus animæ, quàm diu originalis iustitia in anima erat, velut suspensi & immoti permanebant, neque à rationis imperio discedebant: vbi verò ea per peccatum sublata est, præcipientes ad ima ruere cœperunt, & vix habenas pati, aut vlla rationis lege cohiberi possunt: quorum effrenati impetus & motus, malorum ferè omnium seminaria existunt. Quemadmodum ergo inter monachos, vbi monasticæ vitæ

similis

disciplina viger, nullus eorum sui iuris est, nullus in consulto prælati aut aliquid moliri, aut pedem domo efferre audet; si verò ea disciplina dissoluatur, iam omnibus, quod libet, licet, & ad votum suum quisque, non ad superioris præscriptum vivit: ita planè affectibus & cupiditatibus nostris per peccatum euenit, quæ cùm antea sub ætissima rationis obedientia degerent, modò soluta lege (nisi gratiæ virtus obstitat) per omnia vitiorum præcipitia rapiuntur. Ex quo apparet, hominis naturam, per peccatum, mirabili imò lamentabili modo fuisse inuersam. Rationis enim, velut præfecti cuiusdam, erat, affectus & motus animi regere, qui natura cæci sunt: modò verò vsque adeò affectuum & cupiditatum suarum imperio addicta est, vt ea non iam affectus & cupiditates imperio coercere, sed ipsis seruire impellatur: hoc est, rationes excogitare, quibus earum cupiditatibus & commodis plenius indulgere & obsequi possit. Quo fit, vt ratio ipsa, à conditionis suæ nobilitate degenerans, in carnis quodammodo naturam versa sit. Quæ enim antea Deo adhærens, & vnus cum eo spiritus effecta, illius legibus plenissimè obtemperabat; modò carni adhærens, vim suam in explendis eius cupiditatibus impendit. Cuius infelicem fortem non video quo alio exemplo exprimere commodius possim, quàm Andromachæ feminæ nobilissimæ, quæ Hæctori, Priami Regis filio, matrimonio copulata, viro mortuo, & euerfa Troia, Pyrrho Achillis filio, longè disparis nobilitatis viro nupserrat: quam cùm fortè Aeneas vidisset, & pristina viri eius dignitas in mentē venisset, ad illā ait:

*Hec quæte casus deiectam coninge tanto*

*Excipit? aut quæ digna satis fortuna reuisit?*

*Hæctoris Andromachæ, Pyrrhin connubia seruas?*

*Deiecit vultum, & demissa voce locuta est.*

Virg.  
Aeneid.  
lib. 1.

Hoc

Hoc quidem nos quoque, fratres, ab humana ratione querere possumus, quæ cum ante peccati lapsum Deo desponsata, & vni cum illo effecta, eius solum legibus pareret; modo hoc nobilissimo sponso relicto, & carni copulata, & vnum cum illa effecta, sic eius obsequio addicta est, vt non tanquam vir, sed tanquam vile mancipium, vim omnem & acumen suum in eius cupiditatibus explendis impendat. Vnde enim tot deliciarum inuenta, vnde tot excogitata nocendi artes, vnde tot cupediarum, odoramentorum, & vestium cultissimarum genera, quibus carnem fouemus, ornamus, molliterq; tractamus, nisi à rationis & ingenij acumine manarunt; quod, veluti carnis mancipium, se totum carnis libidini atque obsequio addixit? Cuius rei similitudinem quandam Achitophel, prudentissimus Davidis consiliarius, mihi exhibuisse videtur: qui vt pacis tempore fidissimus Davidi semper extitit; ita vbi ad Absolonem defecit, perniciosissima contra Davidem consilia iniuit. Sic igitur ratio, quæ ante peccati lapsum fidelis & obediens Deo erat, vbi post lapsum carni adhæsit, & vnum quodammodo cum illa effecta est, atrociter & impiè aduersus Dei leges pugnare non veretur.

Hæc igitur rebellio ex originalis iustitiæ amissione consecrata est. Amissa verò deinde gratia, qui antea Deo gratus & decorus erat, factus est deformis: extincta autem charitate qua Deum super omnia diligebat, in sui ipsius amorē ita exarsit, vt à conditore suo auersus, totus ad se per immoderatum sui amore fuerit conuersus. Et qui antea ad Deum, tanquam ad vltimum finem, & se, & sua omnia referebat, modo se super omnia diligens, seque velut vltimum finem statuens, ipsum Deum, & reliqua omnia ad sui vnus obsequium & commodū dirigit. Quod quidē vulnus quàm sit lethale atque perniciosum, vix vlla oratio explicare pro rei magnitudine poterit. Nam primū hoc est in Dei quodammodo dignitatē inuadere, & quod ei diuinitatis inre deberetur, sibi vindicare. Quoties enim homo commoditatibus alicuius amore captus, Deum ac Dei leges contemnit, se ipsum vltimum finem facit, seque illi anteponit. Hoc est autem illud ingens malum quod Apostolus memorat, cum de sceleratis hominibus loquens, eos voluptatum magis quàm Dei amatores esse ait. Quid verò derestabilius; quàm vt homo scdam carnis voluptatem magis quàm Deum, à quo conditus est, diligat, seque ipsum in amore Deo præferat? Quid verò hinc consequatur, verbis explicare formido. Cum enim homo se ipsum, voluptatesque suas Deo anteponit, easque magis quàm Deum diligit; priusquam in hunc peruersum animi morum prodeat, hoc iudicium in eo intellectu, qui practicus appellatur, præcedere necesse est: Ego planè dignior sum qui magis quàm Deus

hoc

2. Reg. 16.

1. Tim. 3.

hoc tempore diligendus sum. O rem detestabilem! monstrum horrendum! Sed nihil (inquies) vnquā tale mihi venit in mentem. Intellige ergo quantum in tui ipsius peruerso amore virus lateat. Quotiescumque enim vtilitatis alicuius amore captus, Deum, Deique leges contemnis, hoc intra te iudicium retines. In omni igitur capitali crimine inest hæc tanta deformitas. Ex hoc item immoderato sui amore omnia alia crimina proficiuntur; nemo enim peccat, nisi qui alicuius vtilitatis aut voluptatis, aut vanitatis amore inductus atque permotus, Dei leges transgreditur, modò id assequatur quod concupiscit. Hæc enim de causa homines peierant, litigant, rapiunt, oderunt, invident, belligerantur, & alienæ pudiciæ insidiantur, cæteraque similia facinora suscipiunt.

## I I.

Iam ex his quæ hæctenus dicta sunt, fratres, philosophari incipiamus. Primum igitur ex his apertissimè, quanta sit lethalis peccati pernicies atque malitia, liquet, quod iustissimus ille iudex tam graui supplicio puniendum esse decreuit. Sunt quidem & alia, quibus, quantum mali in peccato positum sit, agnoscere possumus. Nam & vnigeniti Filij Dei mors, qua peccatum expiatum fuit, & ignis æterni supplicium, satis indicant quale hoc malum sit, quod Christi sanguine expiandū, & æterno supplicio plectendum fuit. Si quis autem est, cui hæc duo argumenta ad hoc intelligendum non sufficiant, in hanc saltem peccati poenam quam hæctenus descripsimus, oculos coniciat. Quale enim illud malum fuit, quod totam generis humani massam infecit, quod tot animarum naufragia peperit, quodque in omnia secula peruasit? non enim vnum hominem, sed vniuersum genus hominum ab Adam propagatum, veneno suo infecit, sordidauit, & ad mortem damnauit. Quis igitur adeò stupidus erit, qui hæc saltem ratione lethiferi peccati malitiam non agnoscat? Quæ cum ita sint; non satis mirari queo, quo nam modo, qui hæc omnia firmissima fide credunt, tam facile omnia huiusmodi peccata admittere non vereantur. Nam quòd Ethnicis & infideles illa committant, qui ista non credunt, & qui mala hæc, quæ patimur, non culpæ supplicia, sed naturæ conditionem esse arbitrantur, non adeò mirum est: at verò quòd nos ipsi, qui cælesti magisterio docti, & fidei sacramentis imbuti, quique hæc ipsa mysteria vel cum periculo capitis palàm confiteri parati sumus, tam facile propter res nihili sine vilo doloris sensu tam multa committamus, quis non miretur & obſtupescat? Mirentur alij quæcumque admiratione digna indicauerint; ego numquam satis hæc duo mirari poterò; alterum, quòd tantum indignitatis & malitiæ in peccato sit; alterum, quòd qui hoc

firma



firma fide tenent, tam leuibus de causis tot peccata committant. Hoc igitur præcipuum & summum est, fratres, quod ex hac Christiana philosophia elicere debemus.

Quid deinde? Nimirum ut intelligamus præcipuum Christiani hominis officium esse, spiritualibus armis se aduersus hanc generis humani pestem, hoc est peccatum, munire atque armare. Cum autem varia sint aduersus illud arma atque remedia, quatuor, quæ mihi præcipua esse videntur, vobis proponam. Horum primum est, omnes peccatorum occasiones cautè & prudenter fugere, ne homini, ad malum naturæ corruptione propenso, maius peccati incitamentum præbeamus. Quid enim de agrotante homine sperandum esset, qui baculo innixus, vix pedibus consistere posset, si quis illum externa vi impellere atque prostertere conaretur? At hoc eodem modo anima nostra spirituali ægitudine laborat: quæ cum sæpe ob ingenitam infirmitatem in peccata labatur, quid de ea futurum est, cum præsens voluptatis conspectus, & peccandi opportunitas illam ad peccandum alliciat? Præsens enim rerum, quas amamus, conspectus vehementer hominem ad malum excitat & incendit. Quantum verò occasione periculû sit, satis abundè miseranda illa ruina Dauidis ostendit. Proximum verò est, ut ad primû peccati aditum, cum ad cordis nostri ostium pulsare cœperit, celeritate occurramus. Ut autem celeritatis huius causam intelligatis, humani cordis ingenium in hoc statu naturæ lapsæ appositissimo (ut mihi videtur) exemplo vobis ante oculos ponam. Pulvis sulfureus ubi vel minimo aquæ rore fuerit aspersus, agrè admodum ignem concipit; si verò omni careat humore, exigua ignis scintilla subito inflammatur. Cor ergo nostrum huic pulueri merito comparatur: ad diuina quippe diligenda, instar humentis pulueris huius tardissimè ignem concipit; ad carnalia verò atque terrena, instar pulueris omni humore vacantis, impura aliqua cogitatione velut exigua quadâ scintilla excitatus, sine vlla mora accenditur: quo non anima solû, sed frequenter etiam corpus ipsum inflamatur. Huius ergo periculi gratia Salomon ait: Omni custodia serua cor tuum, quoniam ex ipso vita procedit. Hac autem cura & studio sancti omnes cor suum ab omni peccati labe purum seruare curabant. De illis namque mysticè in Cant. scriptum est: En lectulum Salomonis sexaginta fortes ambiunt ex fortissimis Israël, omnes tenères gladios, & ad bella doctissimi. Nec satis fuit dicere eos tenere gladios, sed adiecit etiam: Vniuscuiusque ensis super femur suum propter timores nocturnos. Lectuli autem nomine, viri iusti cor intelligimus, in quo celestis Sponsus, requiescit. Quia autem cura & vigilantia hunc lectulum pij custodiant, Salomon exposuit, cum fortes illos

Simile.

1. Reg. II.

Simile.

Prou. 4.

Cant. 3.

illos super femur suum enses tenere dixit. Ensem quippe hoc modo tenere, est in procinctu esse ad eum sine vlla mora euaginandum, & ad inuadentem hostem depellendum. Quo exemplo Salomon celeritatem, qua malorum cogitationum principis obistere debeamus, satis aperte indicauit.

Sacramenta etiam Confessionis & Eucharistiæ maxima aduersus peccati morbum remedia esse constat: ad hoc enim ab auctore salutis nostræ Christo fuerunt instituta. De Confessione autem Cardinalis Caietan. ait, eam esse medicinam quæ magnopere hominem in Dei timore conseruat. Quod quidem efficacius præstat Eucharistia: cuius officium est, spirituales vitam Confessionis beneficio partâ, spirituali cibo alere atq. conseruare. Iam verò precandi studium, cum malorum omnium commune remedium sit, tum præcipuè aduersus peccatum plurimum valere ostendit regius Propheta, cum ait: Oculi mei semper ad Dominum, quoniam ipse euelleret de laqueo pedes meos. Et Apostolus item cum varia nobis arma aduersus peccatum ministraret, huius præcipuè meminit, cum ait: Per omnem orationem, & obsecrationem orantes omni tempore in spiritu; & in ipso vigilantes in omni instantia & obsecratione.

Caieta.  
in Sum-  
mul.

Psal. 147

## SECVNDA PARS.

Vidistis hætenus, fratres, quò miseriarum homo per peccatum deuenit: in quo quidè statu illū diuina iustitia relinquere potuisset. Quis enim (ait Sapiens) dicet tibi, quid fecisti? aut quis stabit cōtra iudicium tuū? aut quis in conspectu tuo veniet vindex iniquorū hominum? Neque Rex, neq. Tyrannus in cōspectu tuo requirēt de his quos perdidisti. Noluit tamē diuina bonitas iure suo (quo iustè poterat) vti, sed ineffabili pietate atq. consilio ita salutē nostræ prospexit; vt qua via peccatū & mors in mundū fuerant ingressa, eādem vita & iustitia redirēt. Quod latè Apostolus ad Romanos declarat his verbis: Sicut per vnus delictum in omnes homines mors regnauit in condemnationē; sic & per vnus iustitiam in omnes homines (subaudi, regnauit gratia) in iustificationem. Sicut enim per inobedientiam vnus hominis peccatores cōstituti sunt multi: ita per vnus obedientiam iusti constituentur multi. Voluit itaque diuina Sapientia, vt quemadmodum vnus homo mundum perdiderat; ita vnus nouus homo lapsum repararet: & sicut aliena culpa nobis tantopere nocuit; ita aliena iustitia multo magis nobis prodesset. Quia verò primi hominis ea culpa fuit, vt, qui homo erat, eo vsque per superbiam efferretur, vt diuinæ similitudinis honorē affectaret; satisfactio planè secundum iustitiæ leges ea esse debebat, vt, qui esset verus Deus, sese ad humilitatē humanæ naturæ demitteret. Nulla enim alia humilitas tantæ illi superbie

Sap. 12.

Rom. 5.

Tom. 5.

D

rectius

rectius opponi poterat. Ad hoc ergo vni-genitus Dei Filius è cælo descendit, ad hoc humanam carnem induit, vt sicut vnus hominis delicto mundus antè perierat; ita vnus Dei & hominis merito seruarietur. Si ergo Dei Filius verus homo futurus erat, matrem vtique habere debuit, ex qua humanam naturam assumeret. Qualis verò illa femina futura erat, quæ illum concipere & parere mereatur? Virgo certè, Angelis purior, astris splendidior, quæ venientem in has mortalitatis oras Dei Filium castissimis visceribus, & virgineo thalamo exciperet. Quæ quidè ab æterno ad hoc munus destinata, hodie concepta est. Quæ ex re, quantà sit huius diei sollemnitas, intelligere licet. Hodie Deipara virginæ concepta (vt initiò dicebamus) summum illud humanæ redemptionis opus inceptum est. Duo autem celeberrimi dies habentur, cum templum aliquod ingens, aut insigne opus constituitur; alter, cum opus incipitur; alter, cum finitur. Hunc autem diem excellentissimi operis, hoc est, redemptionis nostræ initium fuisse, Petrus Damianus declarat his verbis: Solemnitas hodierna beatissimæ & intemeratæ Dei genitricis merito præcipuum & singulare præbet omnibus gaudium, quæ totius exitit humanæ salutis exordium. Exultemus ergo, dilectissimi, in hac die, in qua dum beatissimæ Virginis præuenimus exordium, cunctarum etiam noui Testamenti festiuitatū celebramus initium. Primum enim fuit Virginem procreari: proximum verò ex ea Dei Filium carnè assumere, & in ea mundum expiare. Quam quidem expiationem cætera Sanctorum festa sequuntur; qui lauerunt stolas suas, & dealbauerunt eas in sanguine Agni. Quæ cum ita sint; quæ, quæso, alacritate, quæ deuotione hic dies à nobis celebrandus est? Quid enim gratius, quid iucundius mundo nunciari potuit, quàm hoc ipso die purissimam quandam Virginem conceptam fuisse; ex qua Dei Filius humanam carnem pro salute mundi esset assumpturus?

Ceterum quando hac ipsa die nascituro Dei Filio domus fabricari cœpta est, quis eius fuerit ornatus & elegàtia, expendere incipiamus. Hoc (vt idè Petrus Damianus interpretatur) Salomon explicuisse videtur, cū ait: Sapientia ædificauit sibi domū, excidit columnas septem: quia videlicet septem Spiritus sancti donis, hoc est, gratiarū omnium charismatis, spiritualis hæc domus suffulta fuit. Hic enim verustissimus diuinæ sapientiæ mos est, vt pro ratione munerū, ad quæ homines destinauit, gratiam illis, & cælestia dona impertiat. Sic Prophetas admirabili rerum diuinarum cognitione illuminauit, sic Apostolos excellentissima charitate incēdit; sic Martyres, quos fidei suæ testes elegit, insuperabili fortitudine & constantia roborauit. Cum ergo post Dei Filium nulla maior quàm matris eius dignitas sit, effici-

Petrus  
Dam.

Idem.  
Prou. 9.



tur sanè, & illius gratia tantum aliorum sanctorum gratiam antecellat, quantum eius dignitas illorum dignitate superat. Imò verò quas virtutes & dona celestis Spiritus in omnes sanctos liberalissimè effudit, longè præstantius in hac sacra Virgine copulauit. Quod D. Bernardus locum illum enarrans, In plenitudine sanctorum detentio mea, cõfirmat his verbis: Verè in plenitudine sanctorum detentio Virginis Mariæ, cui non defuit fides Patriarcharum, spes Prophetarum, zelus Apostolorum, constantia Martyrum, sobrietas Confessorum, castitas Virginum, sed nec ipsa puritas Angelorum. Quare hoc? Quia nimirum (vt D. Hieronymus ait) quod natura nõ habuit, vsus nesciuit, ignorauit ratio, mens non capit humana, stupet cælum, pauet terra, creatura omnis, etiam celestis, miratur: hoc totum est quod per Gabrielem Mariæ nuntiatur. Hæc ergo summa dignitas his tantis meritis atque virtutibus debuit honestari.

Bernard.  
Ecclesi. 24.

Hierona.

Hoc idem licet ex summa illa dignitate & sanctitate humanitatis Christi philosophari. Catholica enim fides tantâ gratiarum omnium, celestiumq. donorum abundantiam in hac sacra humanitate esse prædicat, vt quicquid in thesauris diuinis reconditum erat, in illâ effusum sit, Ioanne Baptista testate, qui ait: Nõ enim ad mensuram dat Deus Spiritum, videlicet Filio. Cur ita? Nimirum quia cum summa illa maiestas ita nostri gratia se demittere voluerit, vt humanam naturam assumere & verus hominifieri dignaretur; talis vtique illa humana natura futura erat, vt hoc diuini Verbi cõtubernio digna esset, nullumq. tantæ illi maiestati dedecus inureretur, quod talè sibi naturam in vnitatem personæ copulasset. Cum enim illius assumptæ naturæ vel decus, vel dedecus in Deum caderet, debuit utiq. humanitatis illa summa gratia & sanctitate pollere; ne quid in ea esset, quod immensam illam maiestatem obscurare, vel dehonestare vilo modo posset. Quod cum ita sit, simili quoque argumento sacratissimæ huius Virginis dignitate colligere licet. Constat enim verum esse quod Salomon ait: Corona senum, filij filiorum; & gloria filiorum, patres eorum: nec minus verum esse quod Ecclesi. ait: Gloria hominis in honore patris sui, & dedecus filij, pater sine honore. Quod quidem propter summam vtriusq. partis necessitudinè adeo verum est, vt filios ex parentum cõditione sæpe & laudemus & vituperemus. Sic laudabat Gabelus Tobiam iuniorē dicens: Benedicat te Deus Israël, quia filius es optimi viri, & iusti, & timentis Deum, & eleemosynas faciētis. Si ergo propter diuini Verbi honorè sacram eius humanitatem sic attollimus, & summa præditam gratia & sanctitate cõfitemur; consequens etiā est, vt, quando cõmunis matri Virgini cum filio honor est, summo honore, summaq. sanctitate eius matrem præditam esse fateamur; vt hac

Prou. 27  
Ecclesi. 3.

Tob. 9.

2. Reg. 10

ratione filium quoque pariter honoremus. Præterea constat ex his, quæ modò diximus, decus atq. dedecus filiorum ex parentum dignitate vel indignitate magna ex parte proficisci. Hinc Saul Rex aduersus Ionatham filium grauitè cōmotus, volensq. illum insigni afficere contumelia, filium appellauit mulieris vltro virum rapientis. Vt igitur magnum filij dedecus est, ex accusanda matre nasci: ita nō vulgaris eius honor est, de honestissima genitrice gloriari. Quocirca si filiis in manu esset, vt matrem eligere aut efficere possent, haud dubium quin eam supra cunctas feminas ornatissimā & honestissimam eligerent. Cum igitur Dei Filius hac tanta potestate præditus esset, (qui solus & matrem eligere, & talem facere posset qualem vellet, nec hoc ipsum maioribus expensis, quàm sola voluntate efficere posset) quis iam dubitare queat, eum matrem supra creaturas omnes excellentissimā atq. sanctissimā elegisse? Quis enim rem adeo pretiosam, tam facili pretio, hoc est, solo voluntatis nutu cōparare noller? Hanc verò summā Virginis dignitatem, & Gabriel Angelus, & beata Elisabeth Spiritu sancto acti facili cōfirmant:

Lucæ 1.

qui consona eiusdem Spiritus voce illam inter omnes mulieres, hoc est, supra omnes mulieres benedictam appellarunt. Vnde etiam consequens est, vt Dei Filius, qui de Patre Deo gloriatur, talem sibi matrē eligeret, de qua etiam meritò gloriari posset: atque ita demum ex utroque parente esset verè nobilis, & gloriosus. Hac ergo ratione, fratres, eximiam Virginis sanctitatem vicumq. conicere licebit. Quam si quis pro dignitate æstimare posset, non dubito quin in eam admirationis magnitudinē raperetur, qua magnus ille Dionysius, Apostoli Pauli discipulus, percussus fuit, cum Virginem adhuc in carne degentem videre meruit. Quā rem Dionys. Carthusianus in elucidatione tertij cap. de diuinis nominibus magni illius Dionysij Areopagitæ memorat his verbis: Beatus Dionysius legitur à Græcia peruenisse in Iudæam, ac exorasse Ioannem Apostolum, vt ei dignaretur præstantissimam illā ostendere feminam, ex qua vniuersorum principium nasci & prodire dignatum erat. Cumq. sacra Virgo suam illi præsentiam exhibuisset, Dionysius in tanta claritate, luce, & gloria ipsam intuebatur, quòd præ admiratione deficiens mox in terrā corruit. At tandē reuersus ad se dixit: Nisi ex ratione naturali ac fide nouissem, esse aliam deitatem, non putassem præter hanc esse aliam. Hoc idem recitat Vbertinus libro de vita Saluatoris; addens, quòd Dionysius circa præclarissimam Virginem vidit innumerabilem exercitum Angelorum. Hactenus Dionysius Carthusianus. Ex cuius verbis obiter colligere licet, fratres, quale beatarū mentium futurum sit gaudium, cum hæc ipsam Virginem cælesti gloria decoratam videant,

Dionys.  
Carth.

videant, quando tale fuit, eam in mortali adhuc corpore degenerem vidisse.

Tale ergo hospitium Spiritus sanctus, cui Dominicæ incarnationis opus tribuitur, vnigenito Dei Filio preparauit. Locum enim locato conuenire debere, Philosophi tradunt. Quare non mirum, si talis locus tali hospiti paratus fuerit: qui nimirum pascitur inter lilia: quique nisi in lecto, virtutum floribus ornato, non quiescit. Quid igitur hæc ad nos? Multum planè. Nam si talis est Virgo qualem hic depinximus; habemus utique post Christum potentissimam apud Deum aduocaram. Et quidem (vt D. Bernard. ait) sufficere nobis poterat Christus (si quidem nunc omnis sufficientia nostra ex Deo est) sed nobis bonum non erat esse hominem solum: congruum magis vt adesset nostræ reparationi sexus vterque, quorum corruptioni neuter defuisset. Fidelis planè & potens mediator Dei & hominum, homo Christus Iesus: sed diuinam in eo reuerentur homines maiestatem. Opus ergo nobis erit ad mediatorem mediatrice: nec altera nobis vtilior quàm Maria. Hactenus ille.

Bernard.

Quid igitur superest, fratres, nisi vt omni ratione mediatrix huius gratiam nobis conciliare studeamus; quo eam nobis in ærumnosæ huius vitæ periculis, atque adeò in ipsa mortis hora celerem adiutricem sentiamus? Quod si queratis qua potissimum ratione hoc eius patrociniû cõsequi possimus, expeditissima ad hoc via est, si virtutes eius pro virili nostra imitari studeamus. Nihil enim magis amorè quàm similitudo cõciliat: amor enim, animorû vnio est. Similia verò, tanquàm sibi cognata, faciliè coniunguntur. Quod cum ita sit, quisquis per amorem beatissimæ Virginis adiungi desiderat, & ab ea vicissim diligi, virtutes eius (vt diximus) quantum poterit, imitari contendat. Inter eas autem quatuor præcipuè memoratur, quæ in ea singulari quadam ratione floruerunt: virginitas, charitas, misericordia, & virtutum fundamentum, humilitas. Habuit enim Mariæ virginitas aliquid singulare, gaudium videlicet matris cû virginitatis honore. Habuit item & charitas aliud etiam singulare, quod Deum ipsum non solum vt communem Dñm, sed etiam vt verum filium, & gratuito, & naturali amore dilexit. Si verò misericordia charitatis affectus est, cum tanta fuerit charitas, quanta erit misericordia! Si fons ita redundat, riuus ab eo deriuatus quàm latè inundabit! Hinc D. Bernard. Quis (inquit) misericordiæ tuæ, ô benedicta, longitudinè, latitudinem, sublimitatè, & profundum queat inuestigare? Nam lōgitudo eius vniuersis eam inuocantibus ad nouissimû vsq. diem subuenit: latitudo eius replet orbem terrarum, vt eius quoq. misericordia plena sit terra: sic & sublimitas eius, ciuitatis supernæ, inuenit restaurationem: & profundû eius se-

Bernard.



#### §4 IN CONCEPTIONE B. VIRGINIS

Simile.

dentibus in tenebris & umbra mortis obtinuit redemptionem. Ut autem Virginis charitatem imitari valeamus, eius quoque humilitatem sectari debemus. Sicut enim ignis in cinere; ita charitatis ignis in humilitatis cinere inextinctus & integer adseruatur. His autem virtutibus, quibus beatissimæ Virginis sanctitatē imitamur, quatuor atrocissimos humanæ salutis hostes, qui magnam mundi partē infestant, superabimus; nempe impudiciā, fraternū odium, auaritiā, atq. superbiam: quæ qui vicerit, in aliorum vitiorū victoria non perinde laborabit. Carnis enim petulantiam cohibere, odij rabiem frænare, aliena nō appetere, propria misericorditer largiri, teq. ipsum se posito supercilio aliis submittere, hoc opus, hic labor est. Quisquis autem maiora præstat, faciliē vtique minora præstabit. Harum igitur virtutum cultus; beatissimæ Virginis patrocinium & gratiam nobis conciliat, & salutem nostram in tuto collocat, & certissimum nobis aditum ad sempiternæ felicitatis gloriam parat.

#### IN EODEM FESTO CONCEPTIONIS

##### BEATISSIMÆ VIRGINIS Mariæ

Concio secunda: in qua primo loco de incomparabili Virginis puritate & sanctitate; deinde verò de miseriis quæ originale peccatum (in quo sumus concepti) consequuntur, agitur.

THEMA. De qua natus est Iesus, qui vocatur Christus. Matth. I.



VE M A D M O D V M beatissima Virgo Maria inter creaturas omnes dignum Dei Filio habitaculum præparauit; ita planè dignum erat, vt parem nos quoque hodie linguam prædicandis eius laudibus afferremus. Verum quoniam hoc infirmitas nostra præstare non potest, ne tamen in hac tanta solemnitate, quæ omnium aliarum noui Testamenti initium est, omnino muti & elingues inueniamur, dicendi facultatē ab ea, quæ gratiarū omnium mater est, solita oratione imploremus.

##### A V E M A R I A .

Quoniam beatissimæ Virginis conceptio humanæ redemptionis & salutis exordiū fuit, ideo, vt mysteriū hoc à prima origine repetamus, ab ipsa humani generis ruina (cuius hodie instauratio cœpta est) oratio nostra initiū sumet. Constat igitur primorū parentum peccatum, communē totius generis humani lapsum extitisse. Cōstat itē, inter omnia peccata, quæ hæctenus cōmissa sunt,

sunt, quæque in posterū committentur, nullum fuisse, cuius perniciēs tam latē porrigeretur: utpote quod genus humanum infecerit, & à Dei amicitia, & cælesti hæreditate deiecerit. Quo enim maiora dona primus ille homo acceperat, eo grauius deliquit: ut hac ratione intelligant, qui pluribus à Deo donis ditati sunt, quantū sibi à quouis delicto cauere debeant; quandoquidē donorū magnitudo vehementer delictorū grauitatē exaggerat. Ea tamē Dei nostri bonitas & clementia fuit, ut non continuerit in ira sua misericordias suas, sed eodem tempore, quo recens adhuc peccati vultus erat, salutē homini lapsō pollicitus fuerit. Hoc enim verba illa designant, quibus is serpentem, huius tanti mali auctore, allocutus est: Inimicitias ponā inter te & mulierē, & inter semen tuum & semē illius: Ipsa cōteret caput tuum. Quod perinde est ac si diceret: Tu tibi nūc dæmon triumphare videris, quod mulieris opera peccatum inuexeris in mundū, per quod mūdi princeps effectus es: verū tēpus aduenit, quo mulier, quæ hanc tibi potestātē contulit, eandē rursus eripiat, regnūq. tuum excindat, & caput cōterat, hoc est, vires & potentiā tuam elidat. Hoc enim præstitit beatissima Virgo Maria, cū Dei Filium genuit, qui caput serpētis antiqui cōtriuuit, impleuitq. illud quod in Esaia scriptū est: In illa die visitabit Dñs in gladio suo forti & duro super Leuiathan serpentē vectem, & super Leuiathan serpentē tortuosum; & occidet cetum qui in mari est. Vectem autē, appellat dæmonē quasi oblongum, ad modū vectis; quod imperium suum quā latissimē per totum penē terrarum orbem porrexisset. Tortuosum autē, quod sinuosis cuniculis, & fraudibus incautos homines adoriretur. Cuius caput Saluator in cruce contriuit: per quam vetus homo noster simul crucifixus est, & peccati regnū euersum. Hanc ergo victoriam, hoc salutare generis humani remedium, vix dum transgressione finita, immensa Dei bonitas & misericordia promisit. Et quidē homines vbi insigni aliqua contumelia affecti sunt, quā diu ira feruet, & illatæ contumeliæ memoria viger, nihil de iniuriæ remissione cogitant: at diuina bonitas & clementia hac mora non eguit, sed iustissimā iram adhibita misericordia temperauit, ne homines, salutis suæ desperatione concepta, in omnia flagitorū dedecora prolaberentur. Atque hoc forsitan scriptura designat, quæ Dñm inducit post peccatum illud deambulantē in paradiso ad auram post meridie. Quid enim sibi vult quod Dñs deambulet, quodq. instar hominis, calore nimio æstuātis, refrigerātis auræ solatium capret, nisi quod hac imagine Spiritus sanctus diuini furoris temperamentum voluerit insinuare? qui cū peccantē hominē potuisset irreuocabili sententia damnare, noluerit tamē hac seueritate cum illo agere, sed tāta vti benignitate, ut feliciorē

Psal. 96.

Genes. 3.

Isaia 27.

Genes. 3.

quodammodo D. August. iudicet hominē in hoc statu, propter Christum parientem, quā eundem terrestris paradisi deliciis affluentem. Eius hæc verba sunt: Quis primos illos homines in paradiso negare audeat fuisse beatos ante peccatū, quamuis de sua beatitudine, quā diuturna, vel vtrū æterna esset, incertos? Eset autem æterna, si non peccassent. Quantum itaq. pertinet ad delectationem præsentis boni, beatior erat primus homo in paradiso, quā quilibet iustus in hac infirmitate mortali: quantum autem ad spem futuri boni, beatior quilibet in quibuscumque cruciatibus corporis (cui non opinione, sed certa veritate manifestum est, sine fine se habiturū omni molestia carentem societatem Angelorum, in participatione summi Dei) quā erat ille homo sui casus incertus, in magna illa felicitate paradisi. Hactenus August. Itaque quamuis essent primi illi humani generis parentes ad cælestem hæreditatem adeundam magnis cælestium donorum prædiis instructi: eorum tamen felicitatem illud valde deprimebat, quod ab ea intelligerent se posse cadere, nec vlla eius recuperandæ certa illis adhuc spes afflisset. Nec enim ante exitium illud, & vastitatem quam in humanum genus Adæ crimen importauit, misericordiam Deus peccanti homini pollicitus erat: nec amplissima Christi beneficia, quæ in nos erant conferenda, adhuc exposita erant: quamuis poena hominibus illis esset denunciata, si interdicto illo cibo vescerentur. Inde adeo fit, vt feliciore eos haberi debeamus, qui, quamuis grauissima miseriarum mole oppressi, certissima misericordiae consequendæ spe reficiuntur: quā illos, qui magna bonorum opulentia circumfluentes, nec diutissimè ea retinendi, nec amissa recuperandi, certa erant securitate confirmati.

Ex hac igitur diuina promissione constat, Deum ad genus hominū instaurandū, non aliquē ex supernis illis spiritibus (quod facile poterat) sed verum hominem ex muliere propagandum elegisse: vt quoniam per feminā mors inducta erat in mundum, per feminā quoque felicem partum vita reuocaretur in mundum. Quod Sanazarius Poëta eleganter expressit his verbis:

*Cumq; caput fuerit, tantorumq; vna malorum  
Femina principium, lachrymarq; & funera terris  
Intulerit; nunc auxilium ferat ipsa, modumq;  
(Quæ docet) afflictis imponat femina rebus.*

Ex hac igitur diuina promissione colligimus, mundi Saluatorem verū hominem futurū. Sed non contentus hac promissione Dñs, aliud quiddam mirabilius adiecit: nempe non hominem tantum, sed Deum etiam eundem futurū. Quod magnis clamoribus prænunciari per Isaiam iussit, cum ait: Super montem excelsum ascende tu, qui euangelizas Sion: exalta in fortitudine

vocem



vocem tuam, qui euangelizas Ierusalem: exalta, noli timere. Dic ciuitatibus Iudæ, Ecce Deus vester: ecce Dominus Deus in fortitudine veniet, & brachium eius dominabitur. Idemque alibi, Ecce, inquit, Deus vester vltionē adducet retributionis: Deus ipse veniet, & saluabit nos. Quod perinde est ac si diceret: Non iam Iosue, non Iephthæ, non Samsonem, non Gedeonem, ceterosque similes saluatores mittet; sed nec Angelos, aut Archangelos ad hoc opus destinabit, verum idem ipse hominum & Angelorum Dominus hoc nouæ salutis & redemptionis munus per se administrabit. Quæ cum ita sint, fingamus, quæso, fratres, omnes homines hac voce è cælo nunc primum allata, rei nouitate atque ratione stupefactos in vnum conuenisse, & consilium inire cœpisse, quo honore, qua reuerentia, quo hospitio tantus hic Saluator è cælo veniens esset excipiendus. Prudentissimus verò quisque ad hunc modum responderet: Si solus homo in mundum venturus esset, potuissent vtique homines opibus & ingenio præstantes, conueniens illi hospitium preparare: si verò Angelus esset mittendus, Angeli vtique idem præstitissent. Cum verò is non Angelus quidē, sed Angelorum Dominus sit, qua ratione aut Angelorum dignitas, aut humana infirmitas talem hospitem dignè poterit excipere? Salomon septem annorum spatio templum incredibili expensarum & operarum numero ædificauit. Erant enim septuaginta millia eorum qui onera portabant, & octoginta millia latomorum, atque præpositi tres mille ac trecenti, qui singulis operibus præerant. Tantum verò auri, argenti, æris, & ferri in opere expensum est, vt vix vilo numero cōprehendi posset. Quo tamen opere expleto, Rex sapientissimus adeò nihil diuina maiestate dignum se fecisse iudicauit, vt diceret: Ergo ne credendum est, quòd verè Deus habitet super terram? Si cælum, & cæli cælorum te capere non possunt; quanto magis domus hæc quam ædificauit! In templo autem illo, quo nihil vel elegantius vel ornatius in mundo erat, non Dominus, sed arca Domini, quæ ipsius typum gerebat, collocata fuit. Quòd si domus illa, ad arcam Domini seruandam destinata, tantis sumptibus & laboribus parata & ornata fuit: qualis ea domus esse debet, in qua non arca Domini, sed ipse Dominus, humana carne vestitus, collocandus erit? Hanc certè nemo, nisi solus Deus, dignè extruere & ornare poterit.

## I.

Hunc igitur hodie, fratres, diem celebramus, in quo Deus ipse hanc sibi domum parare cœpit. Quid enim aliud est Deiparæ Virginis conceptio, quàm virginalis palatij constructio, in quo Dei Filius habitaret? Hodie igitur hæc domus fabricari cœpta est: hodie paradisus ille voluptatis, hoc est, omnium spiritualium

D

deli-

deliciarum, omniumque virtutum & gratiarum floribus adornatus, manu diuinæ sapientiæ confusus fuit: in quo videlicet secundus Adam, mundi conditor & instaurator, collocandus erat. Et quidem in illius paradisi medio erat lignum vitæ: in hoc autem fuit ille qui de se ait, Ego sum via, veritas, & vita.

Iohn. 14.

Ille etiam paradisi variis fructuum & florum stirpibus erat confusus: inter quas nullæ herbæ noxiæ, nulli tribuli & spinæ erant. Herbas enim noxias post peccatum ortas esse, quidam ex eo loco probare contendunt, quod Dominus omnem herbam ad vescendum hominibus eo tempore concesserit. Nunquam autem in cibum datæ essent, si quidquam lethiferum, aut noxium retinerent. Spinæ autem & tribulos ibidem non fuisse, aperte

Ambros.

D. Ambros. testatur, qui rosam sine spinis ante peccatū ortam asserit, pulcherrimamque florem sine ulla fraude vernasse, post peccatum vero spinis septam fuisse gratiam floris. Hoc ita fuerit, nec ne, parum admodum refert. At in hoc nostro paradiso certum est nihil lethale, nihil noxium, nihil spinis obductum; sed omnia suauia, lenia, & salutaria fuisse. Flores etiam omnis generis, hoc est, cunctarum virtutum germina ibidem fuisse constat. Ibi enim castitatis lilium, patientiæ rosa, humilitatis viola, cæteri que pulcherrimi virtutum flores vernabant, quibus diuinus Spiritus insideret, quibusque apud illam cælestis, hoc est, incarnata Sapientia ibidem habitans pascereetur.

Psal. 92.

Quia verò domum Dei sanctitudo decet, ideo sanctissimam Christus Dominus matrem elegit, in cuius virgineo utero, tanquam in regio palatio, habitaret. Quantum verò summus ille sanctitatis & puritatis amator puritatem diligat, in lege olim satis hoc indicio declarauit, quod omnia, quæ ad cultum templi necessaria erant, multis purificationum legibus astrinxerit. Itaque & vasa in quibus thura adseruabantur, & mortariola in quibus terebantur, mundissima esse præcepit. Quæ quoniam Rex Babylonis pollueri ac temerare in conuiuio est ausus, eadem ipsa nocte vita simul & imperio spoliatus fuit. Ex ministris verò templi, quo quisque propius ad sacra mysteria accedebat, eo purior & mundior esse iubebatur. Cuius rei gratia Sacerdotes longiori, Leuitæ verò faciliiori ritu purgabantur. Cum igitur omnes, qui ad res sacras accessuri essent, purificari prius deberent; aliter tamen Dominus populum, aliter Leuitas, aliter Sacerdotes mundari sanxerat. Quo enim ordo sublimior, eo puritas maior indicebatur. Cum ergo inter omnes meras creaturas beatissima Virgo propius Deum attigerit; quippe quæ illum superueniente Spiritu sancto conceperit; necesse erat ut tanto magis puritatem hominum & Angelorum vinceret, quanto ipsi puritatis fonti propior erat.

Ex.

Ex puritate autem cōscientiæ, quæ iis, quæ ad sacrâ Eucharistiâ accedūt, Apostolica auctoritate indicitur, huius virginæ puritatis coniecturam facere licet. Nam & qui sacrum Domini corpus piè & religiosè sumūt, & sancti sacerdotes qui illud consecrant, & manibus tractant, & aliis ministrant, quanta possunt puritate, reuerentia & deuotione se ad hoc sacramentum præparant. Cum ergo beatissima Virgo ad hoc electa fuerit, vt hoc ipsum sacratissimum Domini corpus, non aliena specie velatum, sed in ipsa humanæ naturæ forma retectum, manibus suis contingeret, vberibus lactaret, brachiis stringeret, gremio contineret, vestiret, nudaret, in lectulo reponeret, atque ingiter tractaret, & quod semel in die Sacerdotes faciunt, ipsa die nocteq. incessanter expleret: qua reuerentia, qua deuotione, qua postremo puritate eam præditam fuisse credendum est! Hoc enim perinde est, ac si altari semper assistens, à sacratissimi corporis tractatione nunquā cessaret. Ad hoc autem singulare ei quoddam priuilegium concessum est, vt videlicet cælestis gratia, in eam plenissimè effusa, non solum animam eius ornaret (quo pulchra esset vt luna, electa vt sol) sed ipsam etiam carnem sic afficeret, vt à Spiritus lege nunquam dissentiret, nullumque rebellem aduersus eum motum excitaret: quod quidem donum, nec Apostolis ipsis) qui plenitudinem Spiritus acceperunt) nec alicui sanctorum post Adæ lapsum concessum fuit. Quo factū est, vt inter medios huius vitæ turbines ac procellas sanctissima illa anima in summa pace & tranquillitate ita degeret, vt nulla eam persecutionum tempestas, nulla humanarum rerum varietas ab hoc felicissimo statu, atque à iugi Dei cōtemplatione auocaret. Fuerunt in lege olim Nazaræi, qui præscripto dierum numero Deo consecrati erant. Inter alia verò quæ ex legis institutione seruare iubebantur, hoc præcipuum erat, vt toto consecrationis suæ tempore illorum caput ferrum non attingeret: pro quo verbo Chaldaea paraphrasis habet; Terror nō ascendet super caput eorum. Quo verbo significatur, eos, qui Deo consecrati sunt, ab omni inordinato timore, atque adeo ab omni perturbatione immunes esse debere, vt videlicet, terrenis cupiditatibus subactis, Deo in summa pace & tranquillitate seruirent. Hoc autem nullus Sanctorum ita præstitit, vt hæc Virgo sanctissima, cuius nō solum anima, sed corpus etiam Deo consecratum fuit: ideoque in summa pace & quiete agere debuit, vt dignum illi habitaculum pararet, cuius in pace locus est. Quod si cui hæc tanta Virginis puritas & tranquillitas in mortali carne incredibilis videtur, cogitet hanc omnipotentis Dei matrē esse, quam tanta hæc puritas, ob singularem huius nominis dignitatem, decet. Cum enim beatam Virginem astris ipsis, imò & Angelis

Num. 6.



60 IN CONCEPTIONE B. VIRGINIS

Angelis puriorem facimus, nihil inopinatum aut incredibile dicimus; cum eam non solum hominis, sed Dei quoque matrem confiteamur.

- Nec solum à peccatis omnibus immunem, sed cunctis etiam diuinis muneribus ac virtutibus ornatâ fuisse prædicamus. Domum quippe Dei decet sanctitudo; hoc est gratiarum omnium & virtutum decus & ornamentum. Quam rem ipsa quoque veteris Testamēti arca, quæ beatissimæ Virginis typū tenebat, non obscurè repræsentabat: illa enim primū ex lignis Serim compacta erat, quæ nulla temporū verustas absumere poterat. Hoc autem incorruptam almæ Virginis mentem designat: cuius tam incorrupta puritas extitit, vt ne totius quidē vitæ spatio vlla peccati venialis labe respersa fuerit. Quod certē inter maxima diuinæ gratiæ opera computandū est: hoc enim ne Apostolis quidem contigit, quibus Dominus orare præcepit; Dimitte nobis debita nostra. Intra illam verò arcā, legis tabulæ adseruabantur: at Virgo illa sanctissima longè perfectiūs intra se eas tabulas in visceribus scriptas continebat; quæ in lege Domini meditabatur die ac nocte, neque vnquam à colloquiis diuinis & oratione cessabat: utpote quæ in carne degens, cælestium virtutum mores & officium imitabatur. In illa erat vīna aurea, quæ manna olim patribus in deserto exhibitum adseruabat, in quo erat saporum omnium suauitas: in Virginis autē pectore verū illud manna inelūsum erat, cuius illa deliciis tanto plenius fruebatur, quanto erat ab omni terrenarū rerū amore purior. Intra arcam illā erat virga Aaron, quæ sine vllō humano cultu frōduerat: intra huius verò mentem regia illa virga delituit, quæ non humano saru, sed diuini Spiritus virtute concepta, & in lucem edita, æternæ vitæ fructum mortalibus protulit. Illa denique arca purissimo auro interiūs exteriūsque vestita erat: hæc autē arca nostra charitatis auro non modò intus erga Deum, sed foris etiam erga proximos benignitatis officiis exequēdis miro decore fulgebat. Vera enim charitas quo magis in Deum per amorem ascendit, eo magis ad iuuandos homines, quā ad Dei imaginem conditi sunt, pietatis & misericordiæ affectu descendit. Hinc thalamus ille, quem Ezechiel intra mysticum illud templum positum esse describit, tantundem latitudinis, quantum longitudinis habere dixit. Hunc verò thalamum Diuus Gregor. piorum hominum mentem esse docet, qui cælesti sponso per amorem copulantur. Atque hi parem longitudinis ac latitudinis mensuram continent: quoniam pro charitatis magnitudine, qua in Deum feruntur, proximos etiam pari charitatis mensura propter Deum diligunt. Audiant hoc qui se Deum diligere prædicant, cum in homines steriles & immisericordes sint. Non enim ego ex dilectio-

61  
 I. I. O. O. N. C. I. O. S. E. C. V. N. D. A. 61  
 lectione in Deum tua, quam non video, sed ex ea quam in homines video affectum tuum pensare & iudicare debeo. Est quidem Dei dilectio prior, sed proximi tamen apertior & notior: ex his autē quæ notiora nobis sunt ad ea quæ minus nota sunt: hoc est, ab his quæ videntur, ad ea quæ non videntur, procedere & philosophari debemus. Vt igitur ad institutum redeamus, his clarissimis virtutum gemmis beatissimæ Virginis animam Pater cælestis ornavit, ut Filius eius in mundum veniens in ea dignum sanctitate & maiestate sua habitaculū inueniret, in quo molliter requiesceret. Naturæ conditor solertissimè hoc prouidit, ut auiculæ, quæ nidos ex luto paleisquæ in sublimi positos nectunt, pennis aut lanugine, siue blanda aliqua materia asperitatem niduli molliant, ne pulli adhuc implumes, luti duritiæ, vel stipularum aculeis lædantur. Si hac ergo naturæ conditor indulgentia erga pullos animum est usus; quale, quæso, domicilium Vnigenito suo in visceribus beatissimæ Virginis parasse credendus est, ut nihil ibi esset quod illum summæ puritatis auctorem vel leuissima in re offenderet? Quæ hætenus diximus, fratres, ad gloriam Virginis potissimum spectare videntur; nunc ad eruditionem vitæ nostræ, de miserabili hominum conceptione pauca dicamus.

Simile.

#### S. E. C. V. N. D. A. P. A. R. T. II.

Porro autem quemadmodū Virginis conceptionē tanquam salutis nostræ initium, Ecclesia summis laudibus celebrat; ita communem hominum conceptionem, velut perditionis nostræ causam sancti viri incredibili dolore lugēt. Quid enim luctuosius, quid funestius, quàm quod S. Iob de conceptione sua (imò nostra omnium) lamentatur, cum ait: Pereat dies in qua natus sum, & nox in qua dictum est, Conceptus est homo. Dies ille vertatur in tenebras: non requirat eam Deus desuper, & non illustretur lumine. Noctem illā tenebrosus turbo possideat: non computetur in diebus anni, nec numeretur in mensibus: obtenebrentur stellæ caligine eius. Expectet lucem, & non videat, nec ortum surgentis auroræ. Quid ais, o sanctissime vir, qui in omnibus doloribus tuis non peccasti, neque stultum quid contra Deum locutus es? Certe vir sanctus, non creaturæ Dei (quæ nihil ei nocuit) sed peccato, in quo fuit conceptus, tot mala imprecatur. Cum enim ea mala quæ patiebatur, & quæ totus mundus patitur, ab hoc fonte manasse intelligeret, in ipsam malorū omnium causam tam acri oratione inuectus est. Nec id quidem mirum. Ea namq. mala ab hoc fonte manarūt, ut minimum sit quidquid in hac re oratio nostra cōprehendere possit: breuiter tamē pro ratione tēporis nonnulla eorū attingam, quo vos cautiōres & paratiōres ad ea expugnanda reddā. Hoc enim confi-

Simile.

lio

simile.

lio medici ægroto, medicamenta respicienti, ægritudinis magnitudinem & periculum ob oculos ponunt, quo illum medicinæ præceptis obedientem efficiant. Similique ratione duces in bello, militum negligenter & incautè se gerentium, propòsita hostium potentia atque ferocia, curam & sollicitudinem acciunt. Ad hunc ergo modum necesse est nos quoque humanæ naturæ morbum, hostiumque nostrorum vim & potentiam declarare, vt, ea perspecta, diligentiam vestram, sollicitudinem, & salutarem metum excitemus. Hæc enim ratione Petrus Apostolus nos ad sobrietatem & vigilantiam, proposito immanissimi hostis nostri furore, hortatur; qui tanquam leo rugiens circumit, quærens quem deuoret. Huius igitur periculi ac morbi magnitudinem paucis exponam; non vt vos desperatione frangam, aut inaccessam virtutis viam esse demonstrem, sed vt cauiores & instructiores ad spiritualia certamina reddam.

Plinius.

Quod si à me requiratis, quænam ista mala sint? Primum quidem inimicitia Dei est, hoc est, nasci filium iræ, mancipium diaboli, & regni cælestis extorrem. Quo malo quid calamitosius atque funestius? Deinde mortis legibus obnoxij nascimur, qui immortales antè cõditi eramus. Stipendium enim peccati mors. Quia enim nemo militat stipendijs suis, ideo qui dæmoni militat, hoc ab eo stipendiũ percipiunt. Tertiò, ex hoc peccati fonte prodierunt omnes mortis comites atq. satellites, videlicet infinitæ morborum species, exilia, vincula, flagella, vulnèra, milleque subiti & insperati casus, quibus vita nostra quotidie intercipitur atq. vexatur; qui adeò frequentes sunt, vt cætera omnia, aliena quodammodo à nobis esse videantur; miseros autem esse, velut proprium ac genuinum sit. Cuius rei Plinius argumentum esse ait, quod sine doctore & magistro per se pueri infantes flere sciant, cum cætera omnia, vt edere, ingredi, loqui, quamuis maximè naturalia sint, doctrina tamen aliqua egeant, si fieri rectè debet. Dum ergo infans nascitur, velut calamitatis suæ propheta, suis lachrymis, luctuosæ vitæ (quam ingreditur) miseras vaticinatur. Itaque miseros esse post lamentabilem illum generis humani casum, commune omnibus est. Cuius rei (vt alia prætermittamus) hoc argumentũ est; quod si quis ad præteritæ vitæ cursum mentem reuocet, & lætitiæ ac tristitiæ tempora computet, inueniet planè raram lætitiã, tristitiã verò, curas, & sollicitudines innumeras; & lætitiæ quidem oblectamenta læuia, tristitiæ verò angores acerbissimos fuisse: vt non immeritò Sapiens quidam dixerit: Non sunt bona paria malis, etiã pari numero: constat enim & plura in vita esse tristitia, quàm læta; & vehemētius tristitia pūgere, quàm læta oblectare.

Verũ hæc corporis mala sunt. Quanto verò animi morbi grauius



gravius nos excruciant, nempe sollicitudines, angores, cupiditates, metus, suspiciones, invidia, odia, vindictæ cupiditas, libido dominandi, cupido plus habendi: qui quidem affectus adeo molesti & acerbi sunt, ut merito D. Aug. dicat, eos ipsos sui vindices esse, & poenâ suam secum trahere, ac de auctore suo quodammodo supplicium sumere. Sic enim ait: Iussisti, Domine, & verè sic est, ut poena sibi ipsi sit animus inordinatus. Hos autem turbulentos motus gravius hominem quam corporis mala cruciare, apertè Ecclesi. docet: qui nullam esse plagam supra cordis plagam assenerat. Cui sententiæ ratio quoque ipsa suffragatur: quia cum vis sentiendi in anima sita sit, longè molestius erit quod animam, quam quod corpus laedat; quippe quod ab anima vim sentiendi trahat. Sed hæc tamen tolerabilia esse videntur: illud verò multo gravius & miserabilius, quod ipsum quoque Apostolum, qui in infirmitatibus corporis gloriabatur, vehementer angebat, cum diceret: Sentic aliam legem in membris meis, repugnantem legi mentis meæ, & captivum me ducentem in lege peccati, quæ est in membris meis. Infelix ego homo, quis me liberabit de corpore mortis huius? Hoc verè luctuosum, hoc verè acerbum & miserandum est: quandoquidem rebellio hæc omnium ferè peccatorum que animam inquinant, & à Deo auocant, origo atque seminarium est. Cuius rei gratia hæc membrorum lex à Theologis peccati fomes appellatur: quia quemadmodum ignis lignorum appositione sustentatur atque augetur; sic peccata, carnis atque membrorum nostrorum cupiditatibus nutriuntur & excitantur.

D. Aug.

Rom. 7.

simile.

His autem calamitatibus extremam addo, non tam naturæ vitio conciliatam, quam culpa nostra quæsitam: nempe quod cum propositum nobis sit, cum hoc familiari & domestico hoste perpetuo decertare, & hunc calorem noxium, vel potius flagrantissimum ignem, lachrymarum imbre, ieiuniis, & precibus restringere; nos contra adeo stupidi atque cæci sumus, ut, perinde ac si nos poeniteret parum miseros esse, hunc ipsum ignem augere quotidie studeamus, dum corpus molliter educamus, dum carni omnicura & studio indulgemus, dum oblectamenta sensuum ubique captamus, dum animum variis modis ad voluptatem impellimus, dum omnium ferè mortalium ingenia ad proclivem in vitia naturam illecebris irritandam atque excitulandam conspirant. Quid enim Orientis aromata; quid calata Persarum cubilia; quid pretiosæ vestes, exhaustiendis magis opibus, quam induendis corporibus accommodatæ; quid Africanus succus; quid Germanica aulaea, auro atque serico contexta; quid meretricius hic cultus, quem matronarum magis dignitas, quam ratio atque religio honestum fecit;

(atque

(atque vtiā facere potuisset, ne vehemens esset ad libidinem aculeus) quid Indica condimenta, quid dulces illæ transmarinæ & insulanæ dapes, quid deniq. omnia, quæ sola ambitio & cupiditas fecit necessaria, nobis cōferunt? ah non hæc ipsa accensæ per se cupiditati ignem facelque subiiciunt, & æstuanti carni fomenta ignium ministrāt? Itaque cū propositum nobis esse deberet, vt proculcata carne diuini Spiritus ductum sequeremur: nos contrā, pro spiritu carnem, pro ratione affectum, pro lege Dei corruptam voluntatem, ac denique (quod est multo luctuosius) pro Deo dāmonem, vitæ studiorumque nostrorum ducem sequimur. Quodque his omnibus est longē calamitosius: dum in hoc miserando statu sumus, more illorum qui phrenesi laborant (qui diurnam morbi consuetudinem in naturam quodammodo verterunt) mala nostra non agnoscimus. Itaque sicut Aethiopes, qui sub torrida zona nati atque educati sunt, non admodum molestè eius regionis intemperiem ferunt, quæ tamen non assuetis molestissima est: ita multi vsque adeo se per omnem vitam cupiditatum suarum obsequio tradiderunt, vt hæc tanta mala nihilo magis eis turpia & indigna videantur, quàm quæuis alia consueta naturæ officia. Cū autem huc peruentum est, quæ spes reliqua salutis manet? Rectè enim sapiens quidam ait: Periere res, quando quæ vitia erant, mores fiunt: diuinæ sanè misericordiæ non diffido, sed animū tamen diurna peccandi consuetudine obfirmatum, in summo salutaris discrimine versari non ambigo. Quid enim inter animæ mala miserabilius, quàm spirituales sensum amisisse, & in media morte positum, variisque sceleribus irretitum, non modò nihil sentire, sed securum agere, edere, bibere, ludere, ridere, perinde atque iam tutus in portu nauigaret? Aiunt Phisici herbam quandam esse, quam qui comedunt, ridentes moriuntur: quam quidem herbam nos miseri comedissee videmur, qui in media morte constituti, risu atque inani lætitia soluihur. Quod quidem obstinati animi non leue indicium est: si enim anima, quæ sic ægrotat, morbum suum agnosceret; nequaquam sibi tantopere placeret, nec tam securè ageret, sed de remedio interrim cogitaret.

Quid igitur nostra interest, fratres? Primum quidē vt status huius conditionē, in quo nos originis nostræ peccatum posuit, agnoscentes, intelligamus hoc nobis in huius vitæ curriculo propositū esse; vt quando hunc natinum cōcupiscentiæ ignem penitus extinguere non possimus, sopire saltem, ac minuire contendamus. Hoc autē potissimū præstat aqua illa quæ salit in vitam æternam, quæ sordes peccatorū abluit, quæ fructus æternæ vitæ profert, quæ desideriorum nostrorum sitim dulcedinis

suar

simile.

sua iucunditate restinguit, atque ita demum carnalis concupiscentiæ ardorem temperat. Hanc autem salutarem aquam ex Christi meritis profluentem oratio impetrat: Sacramenta verò novæ legis ex eiusdem Christi latere manâtes conferunt. Quare qui spiritalis huius aquæ copiâ desiderat, instet obsecrationibus die ac nocte. Omnia enim quæ infirma sunt, alieno subsidio egêt. Infirmus, qui vix pedibus cōsistere valet, frequēti eget alimonia; qua nutantia membra sustentet. Cæcus, qui per iter difficile graditur, continuo eget ductore, qui ipsum inoffenso pede dirigat. Arbor in arido plātata solo, frequētibz eget aquis, ut fructū ferat. Vlcus ardore suo finitimam carnem incendens, frigidis assidue fomentis refrigerandū est. Hæc autē mala omnia nobis spiritaliter propter peccatum euenerunt: nos enim debiles & infirmi; nos cæci & oculis capti; nos in arido huius mundi solo plantati; nos peccati fomitem intra mētis sinus gestamus; & vlcere pessimo a plāta pedis vsque ad verticem estuamus: ideoq; frequentissimis remediis & medicamentis indigemus. Præsentiissima verò remedia sunt ea, quæ modò proposuimus, quibus carnis maceratio, & sensuū, ac præcipue oculorum, & linguæ diligens custodia, occasionū peccandi fuga, cæteraq; pietatis officia iungēda sunt. Hæc enim omnia imbecillitatem nostram adiuuant, sine quorum adminiculis infirmitas nostra inter tot mūdi laqueos, tot offendicula, tot dæmonum insidias, magnopere periclitatur. Si enim, qui his præsidis vitam suam muniunt, non omnino periculo vacant; in quo periculo erunt, qui hæc omnia humanæ infirmitatis remedia negligunt?

Ex his autem quæ diximus, liquidò apparet, vitam Christianam esse militiam, qua non solum aduersus principem tenebrarum, sed etiam aduersus cupiditates nostras (quæ spiritum assidue impugnant, & de omni statu deicere nituntur) certare perpetuò debemus. Est enim (ut Apostolus ait) in vnoquoque nostrum duplex homo; interior videlicet & exterior: quorū alter spiritalis ac diuinus, spiritalia ac cælestia, Angelorum more (quorum similis est) meditat; alter verò vilis & terrenus, qui carnalia tantum, pecudum more (quorum natura participat) capere solet. Quæ cum ita sint, hoc maximū inter probos & improbos discrimen est; quod cum homo in harum duarum partium confinio positus sit, liceatque alterutri illarum adherere, probi quidem inferiorem ac viliores partem (quæ brutorum propria est) cōculcantes, totos se ad spiritalis ac diuinæ portiones ductum accommodant, atque hoc studio Angelorum vitam & mores, in carne degētes, quoad licet, imitātur: improbi cōtrā, hæc nobilissima sui parte neglecta, se carnis cupiditatibus & libidinibus dediderunt, & hunc sibi vitæ scopū proponētes, curas

2. Cor. 4.



Simile.

& cogitationes suas omnes ad illum destinarunt. Quo quid esse turpius aut miserabilius potest? Videmus enim homines qui ex ignobili quidem matre, sed nobili patre procreati sunt, suppressa materni cognominis vilitate, de patris solum genere & cognomine gloriari, illiusque semper ingenuos mores sequi. At quanto aliter nos facimus, qui, nobiliori ac diuina nostri parte contempta, de sola ea, qua pecudibus similes sumus, gloriamur, illiusque nos totos obsequio, vt vilissima mancipia, tradimus!

Quòd si dicas, Qui fieri potest, vt, cum vtraque hæc animæ portio naturalis pars nostri sit, vt ipsam, cum qua nati sumus, naturam exuamus? Rectè sanè ais, si hoc per te præstare deberes: nec enim eadem natura supra se, nisi aliunde iuuetur, assurgit: gratia tamen & vis diuini Spiritus natura lapsa potentior est. Hanc igitur gratiam, fratres, (vt paulo antè diximus) continuis à Domino precibus postulemus: præcipuè verò beatissimæ Virginis patrocinium ad hoc implorare studeamus, suppliciter ab ea peccantes, vt, quæ misericordiæ mater est, huic tantæ miseriæ, in qua concepti & nati sumus, opem ferre dignetur: sic enim fiet, vt pia eius intercessione, & in hac vita carnis petulantiam & superbiam comprimamus, & in futura triumphus huius palmam atque coronam cum electis omnibus percipere mereamur.

## IN COMMEMORATIONE ANNUNCIATIONIS DOMINICÆ, CONCIO VNICA: in qua lectio Euangelica explanatur: in cuius explanatione de glorioso beatæ Virginis nomine, eiusque sacra virginitate, præcipuè agitur.

**T H E M A.** *Quomodo fiet istud? quoniam virum non cognosco.* Lucæ I.



**P**RÆSENTIS diei sollemnitas, fratres charissimi, virginitatis Mariæ laudibus dicata est. Ea enim virtutis huius dignitas in Maria existit, vt meritò Ecclesia festum hoc ad illius gloriam instituendum curauerit. In aliis quippe virginibus sola virginitas, in hac autè virginitas cū fecunditate supra omnem naturæ conditionem commendatur: in qua quidem laude beatissima Virgo nec primam similem visa est, nec habere sequentem. Quomodo enim aliter aut concipere, aut parere debuit.

buit, quæ non hominem solum, sed Deum & hominem peperit? aut quomodo non salua omnia ei esse deberent, quæ peperit Saluatorem? Hanc autem singularem eius gloriam Sponsus in Cant. commendat, cum ait: Venter tuus sicut aceruus Cant. 7.  
tritici, vallatus liliis. Appositissima quidem similitudine vtramque Virginis dignitatem explicauit. Quod enim vterum eius acervo tritici comparat, miram eius fecunditatem insinuat: quod verò eundem vallatum liliis commemorat, virginitatis eius candorem, liliorū nomine designat: vtrumque enim summa ratione Virgini matri conuenit. Hoc etiam sacre Virginis festum à septem Antiphonarum initiis, quas Ecclesia hodie decantare incipit, in Hispania nomen accepit. His enim septem diebus, qui Natalem Domini Saluatoris diem antecedunt, magnis clamoribus quotidie instauratis, velut morantem Dominum Ecclesia ad se venire postulat. Quod quamuis toto hoc Aduentus tempore fecerit, his tamen diebus, qui natiuitati eius viciniore sunt, ardentius facit. Hoc enim proprium vera deuotionis & dilectionis est, quo plura percipit, plura desiderare, & famem satietate augere, sicut scriptum est: Qui edūt me, adhuc esurient: & qui bibūt me, adhuc sitiēt. Itaque non mirum, si Ecclesia, quo diutius in his clamoribus perseverat, eo nūc vehementius instet, cum dilectissimū Sponsum aduentare propius cernit. Hoc ipsum autem pudicę vxores facere solent, quæ viros Eccli. 24.  
apud Indos diu commorantes, importunis litteris & precibus ad se reuocare contēdunt; quorum aduētū solitudini & inopia suæ consultum iri sperāt: ac vbi iam nauim soluisse, & ad portū appulisse sciunt, ibi magis pia ipsarum desideria crescunt, celeritatemq. omnem, tarditatem ac moram esse arbitrantur. Sic igitur cum Ecclesia hoc tēpore Dei Filium in mundum veniētem repræsentet, qui immēsis illis gratiarum opibus, quas è cælo secum affert, ipsius paupertatē dicit; nihil mirū si instantius clamet, si has voces amoris, desiderij, ac deuotionis plenissimas quotidie fundat. Iam verò cum paruulum & vagientem in sinu Virginis contēplatur amoris facibus inflammata, hoc facit quod facere piæ matres solent, quæ infantes, quos in gremio sustinent, miris titulis & nominibus blandiētes cōpellare solent. Sic igitur Ecclesia, Christi mater simul & sponsa, puerum Iesum variis iisdemq. dignissimis nominibus hisce diebus appellat: sic enim ait: O Sapientia, quę ex ore Altissimi prodisti! O Adonai, & Dux domus Israël! O radix Iesse, qui stas in signū populorū. O clauis David, quę aperis, & nemo claudit! O oriēs splendor lucis æternæ, & Sol iustitiæ! O Rex Gentium, & desideratus earū! Ab eodemq. magna cōrēctione petit, vt ad nos veniēs, iis in nobis officiis fungatur, quæ hisce nominibus designatur. Veni, inquit, ad Simile.

docendam nos viam prudentiæ: Veni ad liberandum nos: Veni, & edue vinctos de domo carceris: Veni, & illumina sedentes in tenebris & umbra mortis: Veni, & salva hominē, quem de limo formasti: Veni ad saluandū nos, Domine Deus noster. Hæ sunt igitur voces, hi affectus, hæc pia desideria, in quibus Ecclesia hisce diebus occupata est, ad quæ nos etiam exēplo suo rāquam pia mater adhortatur. Verū hæc admonitio, fratres, non ad omnes ex æquo pertinet, sed ad eos præcipuē, qui nihil aliud quærunt, nihil aliud dies noctesq. in animo versant, quàm quomodo caelesti huic Sponso placeāt, ipsumq. in intimis animæ suæ sensibus condant, in quo vno se habere omnia gloriantur; ideoque, terrenis voluptatibus spretis, hoc vno thesauro contenti sunt. Hunc autem affectū Sponsa in Cant. representat, quæ vbi diu multumq. cum Sponso versata esset, illeque paululum discessisset, huius adeo brevis absentię impatiens, importunis illum clamoribus reuocat, dicēs: Reuertere, reuertere, dilecte mi: similis esto capræ hinnuloq. ceruorum super mōtes Bethel. Quid habes o Sponsa, quid te angit, quid quæris, quæ abeuntē Sponsū tanta celeritate reuocas, vt velis eum ceruorū & caprearum velocitatem imitari? Num alicuius rei oblita es, quam dictā oportuit? Omnium (ait Bernard. ) atque sui etiam oblita est: ideoq. non mirum si tota eius anima in illum transformata, sine illo viuere, nisi magno cum mœrore, nō potest. Hoc autem affectu atque animo D. Bernardū fuisse ipse quoque de se ipso, cum fratribus suis agēs, declarat his verbis: Vbi à me abscessit Verbum, perinde ac si ollæ bulliētī subtraxeris ignem, quodam illicō languore interiora mea torpescere & frigescere incipiunt; atque hoc mihi signū abscessus eius est. Quo tempore tristis est anima mea donec reuertatur: ideoque non cessabo clamarere quasi post tergum abeuntis ardenti desiderio, vt reddat mihi lætitiā salutis suæ, reddat mihi seipsum. Fateor vobis filij, nihil interim libet, dum non præstō adest quod solum libet. Hoc est igitur, fratres, ad quod hoc tempore nos hortatur Ecclesia, vt morantem Dominum rogemus, ad nos venire, & præsentia suæ lumen visitare dignetur. Ad hoc autem opportunē nobis hodierna sancti Euangelij lectio proponitur; quæ Dominici Auentus exordium continet: quam deinceps explanare incipiamus.

## I.

*Missus est Angelus Gabriel à Deo. Opportunē nobis in hoc loco verba illa Domini-Saluatoris vsurpare licet: Sic Deus dilexit mundū, vt Filium suum vnigenitum daret. Cum enim redemptionis nostræ beneficiū, multa ac penē innumera complectatur quæ nos cu Deo æterni amoris vinculis adstringāt: tum illud summum est, quod cum Deus multifariē multiq. modis salu-*

tem



tem nostram operari potuisset, hanc potissimum delegit, ut non Angelos, aut Archangelos, sed ipsum Vnigenitum suum, salutis nostræ vindicem, & libertatis assertorem ac redemptorem esse voluerit. Pro quo beneficio quas tibi laudes, Domine, fragilitas humani generis persoluet? Infelix planè fors mea futura esset, si, cum tu me sanctissimis manibus tuis effuixisses, alius quàm tu me à sempiterna morte redemisset. Cum enim longè maius sit redimi quàm creari, indignum profectò erat, ut tibi quidè gratias agerem quòd me creasses; alij verò, quòd me à morte redemisset: tibi, quòd à te esse naturæ percepissem; illi, quòd esse mihi gratiæ, hoc est, esse diuinum contulisset; tibi, quòd mortalem hominis filium condidisses; illi verò, quòd me immortalis Dei filium, & hæredem regni eius effecisset. Non igitur æquum erat, Domine, ut laudem tuam alteri traderes, & maioribus ego beneficiis ad alium quàm ad te diligendum incitarer. Itaque qui conditor meus eras, redemptor esse voluisti; & qui me ad imaginem tuam feceras (quam ego variis sceleribus deformaueram) tu pretiosi sanguinis tui cruore collapsam instaurasti, & ad pristinam formam renouasti. Itaque iam non est, cur, ô homo, amorem tuum inter duos partiri debeas; cum idem Dominus vtriusque muneris & beneficij sit auctor. Hinc appositissimè

Anselm.

Cum ergo misericordiarum Pater Vnigenitum suum in mundum mittere decreuisset, legatū prius ad intemeratam Virginem destinauit, ut sacri huius mysterij rationē illi declararet, & eius simul consensum & beneplacitum impetraret. Hic enim diuinæ prouidentię mos est, ut honorem semper libero arbitrio, quod nobis ipse contulit, deferat; nec quicquam in nobis inuitis nobis operetur, nisi cum pro sceleribus meritas à nobis poenas exigit. Tunc enim (ut D. Bernard. ait) iustè homo patitur quod

Bernard.

nohè, qui non peccat, nisi velit. Fuit autem hoc aptissimum humanæ redemptionis exordium, ut Angelus mitteretur ad Virginem partu consecrandā diuino: quia prima perditionis humanæ causa fuit, cum serpens à diabolo missus est ad mulierem spiritu superbiæ decipiendam. Ex illa igitur prima serpentis antiqui legatione, venenum mortis in omne genus humanum effusum est: ex hac autem cælesti legatione, salutis & vitæ poculū mundo propinatum est. Mittitur ergo Angelus ad Virginem desponsatam Ioseph. Quæ est, inquit Bernardus, hæc Virgo tam

Bernard.

venerabilis, ut saliretur ab Angelo? tam humilis, ut desponsata sit fabro? Sed quid mirum, si hæc tanta sublimitas in matre cum tanta humilitate coniungitur, quando in filio ima summis, hoc est, diuinitas cum humanitate copulatur.

*Et nomen, inquit, Virginis Maria.* Nullo modo credendum est, dulcissimum hoc nomen casu Virgini inditum fuisse. Si enim Abraham, si Saræ, si Israël, si Ioanni Baptista, si Apostolo Petro noua nomina diuino consilio imposita sunt (quæ eorum dignitatē, & officij rationem designarent) quis credat Deiparæ Virgini casu nomen impositum fuisse; præsertim cum hoc Mariæ nomē eius laudibus & virtutibus appositissimè quadret? Triplicem namq. interpretationē sortitur hoc nomen. Maria namq. mare significat: quod quidem nomen gratiarum eius affluentiam aptissimè designat. Sicut enim flumina omnia intrant in mare; ita omnia cælestium gratiarum munera atque charismata in beatam gloriosæ Virginis animam effusa sunt. Sicut igitur initio mundi Deus aquas omnes quæ sub cælo erāt, vnum in locum congregari præcepit, quas appellauit maria: ita modò omnium cælestium gratiarum flumina in vnā hanc Virginē confluere voluit, similiq. illam nomine appellauit. Verè enim sacra Virgo gratiarū omniū mare est. Quæ enim virtus, quæ gratia, quæ Spiritus sancti dona huic Virgini deesse potuerunt, quam cælestis Pater in filiam, Filius in matrem, Spiritus sanctus in amantissimam sponfam, Angeli verò in Reginā ac dominā acceperunt? Finxerunt olim Ethnici Poëtæ (diuinum fortè aliquid præfagientes) fuisse virginem quandam diis omnibus gratissimam, quam singuli eorum, suis quisque muneribus ornarunt; quam propterea Pandoram (hoc est, deorum omnium muneribus ornata) nuncuparunt. Hæc quidem commentitia Poëtarum fabula est, quæ tamen appositissimè Virginis nostræ dignitatem explicat. Ipsa enim vera Pandora est, quam beatissima Trinitas cælestibus donis atque virtutibus mirificè decorauit. Pater namque illam virtutis robore confirmauit: Filius clarissimo sapientiæ splendore illuminauit: Spiritus verò sanctus flagrantissimo charitatis ardore eius voluntatem incendit. Talibus quippe donis Regis æterni palatium ornari, talibusque virtutum odoribus cubile eius aspergi debuit.

Hoc item Mariæ nomen amaritudinē designat: quod quidem cum ea, quam exposuimus, interpretatione maximè quadrat: quæ enim mare gratiarum, eadem quoq. amaritudinum mare esse debuit. Nullo enim modo diuina Sapientia inerti otio munera sua atq. talēta nobis credita cōsumi patitur, sed in eos vult vsus accommodari, ad quos nobis ab eo donata sunt. Omnia verò cælestia dona aut ad bona opera faciendā, aut ad mala peccanda data sunt: quandoquidem (vt D. Bernardus ait) Christiani hominis vita in bonis operibus exequēdis, & incōmodis perfēdendis, sita est. In vniuersa autē natura adeo nihil segne aut otiosum est, vt vnumquodq. propter suam operationem conditum esse

Bernard.  
in Sermon.  
Petri &  
Pauli.

esse à Philosophis dicatur. Vnde Aristoteles colligit, id quod in-  
ter ea quæ vitâ habent, nihil operetur, omnino non esse. Si ergo  
diuina prouidētia in operibus naturæ nihil esse otiosum voluit;  
quo modo in operibus gratiæ otiosum aliquid patietur? Vnde  
facile colligitur, pro magnitudine collatæ gratiæ, onera quoque  
& labores piis hominibus à Dño ita distribui, vt, quo quis ma-  
iora perceperit dona, eo maiora perferre onera teneatur. Hinc  
videmus viros sanctissimos magnis sæpe laboribus & incōmo-  
dis iactatos fuisse. Quis enim B. Iob, quis Pauli, quis sanctorum  
Prophetarum, Apostolorum, & Martyrū labores & agones enu-  
merare queat; qui spectaculū facti esse dicuntur mundo, Ange-  
lis, & hominibus? Nec ab hac cōmuni sanctorum lege liberam  
esse matrem suam Dei Filius voluit; sed illud potius decreuit, vt  
quantū omnes alios sanctos dignitate, tantū laborum patientia  
superaret. Cū enim cogitaret sacra Virgo quemadmodū Dei  
suusq; Filius Iesus Christus, semper contemptui, semper passio-  
nibus fuisset expositus, omnē vitam suā ad varias afflictiones,  
suiq; ipsius deprecationē præparabat: quibus adeo se totā offere-  
bat, vt numquam illas à Deo vel breuiari vel minui postularet.  
Eas namq; ad nouissimū vsq. vitæ punctum tā voluntaria sub-  
iectione pertulit, vt parata esset etiam sempiterno tēpore in do-  
loribus permanere, si id diuinæ voluntati placitū fuisset. Consi-  
derās enim quo modo Filius suus acerbissimā passionē plenissi-  
ma patientia absq. vllō murmure ex ingenti atque ardētissimo  
erga nos amore pertulisset, ipsa quicquid patiēdum occurrebat,  
flagranti desiderio, & æstuanti dilectione cum lætitia tolerabat.  
Qua ex re liquidō constat, fratres, quanto errore teneantur, qui  
ideo se à Deo derelictos putāt, quod variis laboribus & incom-  
modis conflentur, cū hoc tamen non semper derelictionis  
& iræ, sed multo magis probationis & miserationis diuinæ ar-  
gumentum sit. Hinc quidā ex Patribus adolescenti ægroto salu-  
tē à se poscenti respondit: Rem tibi necessariam cupis auferri: si  
enim aurum es, per ignem probaris; si ferrum, rubiginē amittis.  
Quod autē huic vni dictum est, omnibus nobis dictū putemus:  
cū nemo nostrū extra duas has hominum classes positus sit.  
Postremo Mariæ nomē maris Stellam significat: quo nomi-  
ne eam in Hymno appellat Ecclesia, quod videlicet quemad-  
modum stellæ in hoc mari magno & spatiofo nauigantes diri-  
gunt; ita nos quoq; beatissima Virgo variis in huius mundi pe-  
lago tēpestatibus iactatos ductu suo gubernat, & ad æternæ fe-  
licitatis portum perducit: quæ eius dignitas magnopere cum  
precedente cohæret. Sicut enim decuit Christum per omnia  
fratribus assimilari, vt misericors esset (in eo enim quod tētatus  
est, potens est & his qui tētantur auxiliari) ita decuit Virginem

Aristot.

In vitiis  
Patrum.

Hebræ.



(quæ leuandis calamitatibus nostris à Deo profecta est) varijs laboribus agitari, vt ipsa quoque non ignara mali, miseris succurrere diceret. In Genesis libro legimus creasse Deum duo luminaria magna: luminare maius, vt præset diei; & luminare minus, vt præset nocti. Eadem autem providentia idem Dominus ad Ecclesiæ suæ gubernationem vsus est, cui Solem iustitiæ Christum, tanquam luminare maius, vt diei præset, contulit: beatissimam verò Virginem, tanquam luminare minus, vt præset nocti, destinauit. Noctis autem nomine calamitosos homines, & peccatorum tenebris oppressos intelligimus, quibus iuuandis misericordiæ matrem à Deo præfectam esse credimus.

**Genes. 1.** Itaque D. Bernardus miseros omnes admonet, vt in omni pressura & calamitate ad illius opem confugiant: cuius præsidium adeo certum esse testatur, vt idem ipse dicat: Sileat miserationes tuas, ô benedicta, quisquis te in tribulationibus suis inuocatam, sibi meminerit defuisse. Videtis ergo quàm apertè huic Virgini, Mariæ, hoc est, Stellæ maris, nomen inditum sit.

Ad hanc ergo Virginem ingressum Angelum ait Euangelista: quo verbo secreto eius & silētium tacite subindicauit. Quæ de re sic D. Ambrosius: Hæc, ait, ab Angelo inuēta domi in penitralibus sine comite fuit, ne quis intentionē eius abruperet: nec enim comites feminas desiderabat, quæ bonas comites cogitationes habebat. Quin etiam tūc sibi minus sola videbatur, cum sola esset. Nā quemadmodū sola, cui adessent tot libri, tot Archangeli, tot Propheta? Iam verò si quādo ab illō secreto digrediendū, & cū hominibus agendū esset, antequā loqueretur, in seipsam intrans prudēter expendebat, quid, quomodo, & quo sine loquendum esset: utpote quæ omnibus in rebus soiam Dei gloriam propositā sibi ante oculos haberet. Modum porrō loquendi, & ipsius externi hominis gestum atq. modestiam idem Ambrosius miris coloribus depingit his verbis: Nihil in ea erat quod nō Virginis pudorem, sinceritatē, & innocentiam deceret; vt ipsa corporis species simulachrū fuerit mētis, figura probitatis. Bona quippe domus in ipso vestibulo debet agnosci, vt primo prætedat ingressu nihil ibi latere tenebrarū, vt mens nostra nullis repagulis corporis impedita, tanquam lucernæ lux intus posita foris luceat. Iā verò quid in illo solitudinis secreto Virgō ageret, facili quique diuinare poterit. Hoc enim agebat, quod nunquā non agebat: tota quippe eius vita veluti iuge quoddam spiritus sacrificiū, & perpetua oratio extitit, utpote quæ nunquā à Dei conspectu mentis oculos dimoueret. Verū hoc tēpore sublimius aliquid atque diuinius eam animo agitasse credendum est. Clarissima enim Dei dona orantibus, & mente diuina tractantibus, sapissimè conferuntur. Cornelius Cæturio, hora nonā

**Ambros. lib. de Virg.**

**Idem ibidem.**

**Act. 10.**

in ora-

in oratione persistens, Angelum Dei cādida veste amictum vidit, qui illi cognoscendæ veritatis, & adipiscendæ salutis viam ostendit. Petrus verò hora sexta orans, cælum apertum, & vocationem Gentium mirabili specie atque ratione prauidit. Zacharia verò iuxta altare incensi oranti Gabriel Angelus lætissimū salutis humanæ; & nascituræ sobolis nunciū attulit. Iā verò ipse gratiarū omnium fons (in quo plenitudo diuinitatis corporaliter habitat) cum claritatis & gloriæ suæ speciem quandam discipulis exhibere vellet, orare in monte cœpit, ibique facta est species vultus eius altera, & vestitus albus atq. refulgens. Quare minimè dubitandū est, sacra Virginis mentē in sublimi aliqua contemplatione suspensam fuisse, cum eam cælestis nūcius inuisit, & diuini consilij arcanum reuelauit. Quamuis enim sancti viri Deo per charitatis habitū coniuncti sint, coniunctiores tamen illi sunt, cum ipsa charitas vim suā exerens, Deo illos per amoris opus iungit & copulat. Tunc enim pia mens, vt purior, Deoque coniunctior atque similior, magis idonea sit, vt micantes claritatis diuinæ radios, & cælestia dona intra se recipiat.

Ingressus ergo Angelus orantem Virginem magnificentissimis titulis salutans, *Aue*, inquit, *gratia plena: Dominus tecum: benedicta tu in mulieribus*. Cuius salutationis sententiam Sanazarus Poëta eleganter expressit his verbis:

— Oculis saluæ lux debita nostris,  
Imprudens notum cælo iubar, optima Virgo;  
Cui sese tot dona, tot explicuere merenti,  
Dimitta superum: qui quid rectiq. probiq;  
Æterna de monte sunt: purissima quicquid  
Ad terras summo veniens Sapientia cælo  
Fert setum, & plenis exundans gratia riuus.

Verè enim (vt Bernardus ait) sicut in prima semina abūdauit Bernard. delictum; ita in secunda omnis plenitudo gratiarū exundauit. Plena verò gratia fuit; non vt Stephanus, qui plenus gratia & Act. 6. fortitudine fuisse dicitur; nōn vt Zacharias & Elisabeth, qui Luc. 1. Spiritu sancto repleti fuisse memorantur; sed vt eā decebat, quæ gratiarū omnium fontem erat paritura: ideòque ipsa, tanquam fonti propior, largitis & copiosius ex eo fonte potauit.

## I I.

Quid igitur ad hæc Virgo? Turbata est, inquit, in sermone eius, & cogitabat quid esset ista salutaris. Itaque adeo his tam magnificis titulis & laudibus oblectata non est, vt magis perturbatione ac timore commota fuerit: alioqui nunquā illi Angelus dixisset, Ne timeas Maria, nisi sacra eius mens non modo turbata, sed metu etiam concussa fuisset. Quæ res eo magis Virginis humilitatem commendat, quo humana mēs laudis & gloriæ audior esse solet.

Nulla est enim tanta humilitas, quæ dulcedine gloriæ nō tangatur. Omnes enim homines gloriæ cupiditate adeo incendimur,

**Simile.** vt vix inter humanos affectus hoc vno alius ardentior sit, ac vehementior. Quare nihil mirū, si oblata homini gloria, cum adest, oblectet: quæ cum nō adest, sitienter appetitur. Quomodo enim aridæ & sitibundæ fauces instillata frigida nō oblectentur? Non minus autē humana mens honorē & gloriā, quā aridæ fauces frigidā desiderāt, nisi diuina gratia mentem hominis cælestibus donis imbuat, & ad laudis & gloriæ contēptionē inducat. Cuius

**Bernard.** autē periculi sit, hominū laudibus inaniter efferri, D. Bernardus indicat his verbis: Leuiter volat, leuiter penetrat, sed non leue vulnus ingerit inanis gloria. Cuius vulneris atrocitatem facile

**Ad. 12.** declarāt cū multa alia, tū maximē miserrimi Herodis exēplum: qui cū ex edito loco ad Sidoniorū populū concionaretur, adulatorq. populus acclamasset; Voces Dei, & non hominis; illeq. hāc tāta laude mirifice oblectatus fuisset: eodē tēporis momento ab Angelo diuinæ gloriæ vindice ita percussus est, vt protinus exesus a vermibus impurā animā efflauerit. Quodq. mirabilius est, cum is antea Iacobū Apostolū, eūdemq. fratrē Dñi ingulasset, Petrumq. catenis vinctū tenuisset, vt simili eū supplicio afficeret, nullas tunc diuina cēsurā propter hāc tāta scelera pēnas ab eo expetiit, quem tamē repentino supplicio ob hāc mentis elationē castigauit: adeo scelestū est, hominē debitā Deo gloriam

**Exod. 30.** sibi arrogare. Hoc autem scelus typicē Dñs in lege prohibuit, cum thymiamā, diuinā institutione confectum, & sacris vsibus destinatum, sub interminatione mortis, ne quis eo vteretur edixit: indignū videlicet ratus, humanis vsibus deseruire, quod erat vnus Dei venerationi sacratum. Quid autem Deo magis debitum, quā honor & gloria, quæ illius propria est? Hāc enim ipse sibi velut castissimam coniugem desponsauit, cetera verō hominibus vtenda concessit. Quisquis ergo hanc gloriam sibi vendicare studet, is vtiq. sponfam Dei adulterare atq. corrūpere nititur, idemq. thymiamate illo, vni Deo dicato, per summum scelus abutitur: nec non etiā diuinæ gloriæ fur est & latro, quando, quod vnus Dei proprium est, sibi insolenter tribuit. Hinc

**August. in Medit.** D. August. anxie Dñm deprecatur, ne se in tantum nefas quere permittat, vt debitam illi gloriā furari, sibiq. vsurpare audeat.

**1. Cor. 4.** Legerat enim illud Apostoli: Quid habes quod nō accepisti? si autem accepisti, quid gloriaris quasi non acceperis? Quare nihil mirum si beatissima Virgo diuini Spiritus magisterio instructa, periculi huius magnitudinem intelligens, salutatione Angelī, titulusq. illis honorificentissimis turbatur ac timer. Quamuis enim Angēlum esse sciebat, qui eam iis præconis honoraret, a cuius ore fraudes omnes lōgissimē abesse nouerat, nihilominus



minus tamen trepidat atque turbatur: vsque adeo magnum periculum in laudibus, Angelico etiam ore prolatis, humanis mentibus impendet.

Itaque cælestis nuncius trepidationem & silentium Virginis, & causam eius intelligens, merum hunc illi adimit, & bono animo esse iubet: sic enim ait: *Ne timeas Maria, inuenisti enim gratiam apud Deum.* Mariam proprio nomine, tamquam sibi antea notam & familiarē, appellat. Angelis enim cognata virginitas, Angelorum vitur familiari colloquio & cōtubernio: sunt enim Virgines Angelis Dei similes, qui nec nubunt, nec nuptui tradunt. Dignior tamē & gratior virginitas in hominibus quā in Angelis existit: hāc enim natura, illam verò efficit gratia, ideoq. Angelis in celo non debetur aureola, quæ tamē hominibus corporis & animi puritatem perpetuò retinentibus donatur. Quod quidem Dominus apud Isaiam pollicetur his verbis: Et non dicat eunuchus: Ecce ego lignum aridum. *Quia* hęc dicit Dominus eunuchis, *Qui* custodierint sabbata mea, & elegerint quæ ego volui, dabo eis in domo mea, & in muris meis locum nominatum, & nomen melius à filiis & filiabus. Videtis ergo nomen melius ab aliis sanctis (hoc est, singularem quandam gloriam) eunuchis illis promitti? Eunuchis, inquam, non his qui tales ex vtero matris suæ nati sunt, sed qui seipsos (vt Saluator ait) propter regnum cælorum tales fecerunt. Isai. 56. Matt. 10.

## III

Cū ergo Angelus trepidationem Virginis discussisset, & conceptū Filij Dei nunciasset, illa ad conceptionis verbum magis trepida, *Quomodo*, inquit, *fiet istud? quoniam virum non cognosco.* Quæ quidē verba magnā nobis philosophandi materiam præbent. Primum enim ex his verbis liquet, Mariā Spiritus sancti ductu virginitatis suæ florē Deo consecrasse. Si enim desponsata Iosepho, cæterarum coniugum more vitam ducere statuisset, superuacaneum & stultum esset dicere, *Quomodo fiet istud? quoniam virum non cognosco*, si se postea cognituram speraret. Liqueat igitur iamdudum eam virginitatis votum, Deo ad id instigante, emisisse. Sed ais, *Quomodo* ergo desponsata Ioseph, votum hoc illibatū seruare posse sperabat? Hoc planē firma in Deum fides, cuius ductu votum illud emissum erat, præstabat. Sicut enim Abraham filium ex præcepto Domini immolare parabat, Genes. 8. & sobolem tamen à Deo promissam ex eo nascituram firmiter expectabat (quæ duo soli Deo possible sunt) ita beatissima Virgo coniugium simul cum virginitatis voto, singulari Dei providētia & beneficio seruaturam se esse credebat. Sed quid mirum si hanc tantam rem beata Virgo speraret, quam & Cæcilia virgo sperare potuit, quæ Valeriano nupta, & illum in coniugem accepit,

accepit, & virginitatem suam à Deo illibatam conservadam speravit? Verissimè enim Saluator ait; omnia possibilia esse credenti. Hac ergo fide & spe beatissima Virgo confirmata, prima inter omnes feminas virginitatis votum emisit. Cuius rei gratia merito ab Ecclesia Virgo virginum nuncupatur; quod eius exemplum innumerabiles deinde virgines in Ecclesia mira alacritate ac deuotione secutæ sunt. Quodq. mirabilius est, eo potissimum tempore hoc votum vouit, quo fecunditas laudabatur; virginitas vero, quemadmodum sterilitas, probro erat. Non dum enim in mundum emergerant illi, qui ut nubes volaret, quiq. Angelis Dei similes, terrena omnia relinquentes, caelestem in terris vitam meditentur. Itaque virginitatis inuentum huic virginum Regina Ecclesia debet. Quam verò dissimilia sunt nostrarum virginum inuenta, quæ tot vestium genera, tot corporis & oris ornamenta (ne dicam libidinis irritamenta) quotidie excogitant? Quotidiani enim cultus fastidio laborantes, noua quotidie ornamenta moluntur. Principes autem viri cum peregrinas regiones peruagantur, solent inde non solum varia condimentorum & ferulorum genera, sed etiam peregrinarum vestium cultum asportare, ut notas patriæ delicias peregrinis etiam cumulent. At Virgo nostra cum in huius vitæ peregrinatione solo corpore constituta, mente & cogitatione inter Angelos versaretur, longè dissimili ratione, non carnales vilesq. delicias, sed angelicas virtutes, quas in illorum moribus deprehendit, in hunc mundum asportare curauit. Virginitatis namq. decus eximium, Angelicæ naturæ proprium est: quod illa primum à caelis traxit in terram. Quod si olim abiectissimarum rerum inuentoribus (quæ modò ad humanæ vitæ usum conferrent) diuinitatem antiquitas tribuebat (quod fecit his qui vel aratri usum, vel rationem colendi agros ostenderunt) quid huic Virgini tribuendum esse putatis, quæ hoc puritatis, tranquillitatis, quietis & sanctitatis inuentum prima omnium excogitauit: Huius autem virtutis opes facillè intelliget, quisquis nuptiarum labores, curas, & molestissimas occupationes experitus est. Verissimè enim Apostolus de coniugibus ait; Tribulationem carnis habebunt huiusmodi, hoc est, multiplices & varios angores & sollicitudines, quas quotidie illos sustinere necesse est, qui coniugibus seruire, filios procreare, rem familiarem augere, & curarum domesticarum onera sustinere tenentur: à quibus omnibus incommodis liber est, quisquis cælibem, imò caelestem in terris vitam ducit. Vtriusq. autem vitæ discrimen hac similitudine utcumque intelligere licebit. Fingamus animo & cogitatione decem milites laboriosum aliquod iter cum duce suo ingredi, quorum quisq. & comineatum suum, & arma humeris imposita, non sine labore baiulet, cæteris verò fatigatis, iubeat

dux

1. Cor. 7.

dur vnum aliquem ex militibus omnes aliorum sarcinas humeris superpositas deferre. Hoc autem mandato accepto, an non miles ille meritò queri posset: *Quid agis, ô Dux: an non satis mihi est, quòd & me, & sarcinas meas in hoc difficili itinere circumferas, sed aliorum etiam onera fractis penè humeris imponere iubes?* Si enim, quæ mea sunt, circumferre vix possum, quonam modo ea decuplo aucta circumferam? *Quis non iustissimam militis huius excusationem iudicaret? Quis non grauissimum ac penè importabile onus illud esse censeret?* Hoc ergo exemplo, fratres, coniugatorum & virginum discrimen (quod ad vitæ molestias attinet) intelligi utcumque poterit. Virgo enim & caelebs non aliud onus quàm sui corporis & animæ gestat; nec aliis vel necessitatibus, vel morbis, vel inopia, nisi suæ tantum consulere tenetur: at quæ nupta est, & viri, & filiorum ac filiarum suarum onera, propter amoris vim, quem natura ipsa conciliat, non minùs quàm sua reputat, nec minùs horum omnium magis torquetur, quàm si ipsa eisdem illis omnibus premeretur. Hoc enim proprium verè amantis est, dilectæ rei siue bona siue mala, sua reputare, illisq. perinde atque suis affici. *Quot igitur vxor habet filios, tot habet corpora, quæ vestire; tot ventres, quos alere; tot morbos, quos curare; tot necessitates, quibus consulere; tot funera quæ deslere, ac postremò tot labores & incommoda, quæ subire debeat.* Coniugis namque & filiorum omnium dedecora, indigentia, fames, lites, sollicitudines, curæ, cæteraque mala, non minùs parentum viscera, quàm eorum quos diligit, cruciant atque dilaniant: à quibus omnibus in cælibata immunis prorsus extitisset. *Quid igitur diuinius, quàm eam viuendi rationem excogitasse, qua homo non modò vberiora apud Deum merita cumulet, & singularem in cælo gloriam virginibus propositam consequatur, sed etiam quietam & tranquillam ab huiusmodi curis vitam in turbido huius mundi pelago degat.* Hoc igitur tam præclarum inuentum sacrae Virgini debemus: quæ sicut virginittatis inuentrix, ita etiam adiutrix est, cui se committere debent, qui vel eius exemplum sectantur, vel ab impuro fornicationis spiritu immunes esse volunt.

Sed ad historiam seriem redeunt: Cum sacra Virgo, quonam modo sacer ille conceptus esset perficiendus, ab Angelo quaesisset, isque nõ humano more, sed omnipotenti diuini Spiritus virtute efficiendum esse dixisset, sterilitq. Elisabeth exemplo (quæ tunc sextum iam mentem uterum gestabat) caelestis oraculi fidem fecisset; sacra Virgo nihil de Angelica legatione dubitans, summa cordis humilitate, fide, atq. obedientia se totam diuinæ voluntati permittens, *Ece, inquit, ancilla Domini, fiat mihi secundum verbum tuum.* Quis autem oratione consequi possit, quanta

horum



horum verborum vis fuerit, & quàm multa hac simplici & humili responsione perfecta sint? Ibi namque Verbum Dei, quod erat in principio apud Deum, per quod omnia facta sunt, caro factum est: ibi ima summis, terrena caelestibus indissolubili fœdere sociata sunt: ibi Prophetarum oracula, Patriarcharum vora, Dei promissa implera sunt: ibi denique felicissimum illud tempus aduenit, in quo iuxta Danielis vaticiniū delenda erat iniquitas, & sempiterna iustitia in mundum adducenda. Sicut enim in aduentu Domini sterilitas Elisabeth nouo partu ditata fuit: ita mundi sterilitas nouo virtutum ac pietatis germine fecundanda erat. Quod multo antè in spiritu Propheta videns, pro hoc tanto beneficio gratias Domino agebat his verbis: Confiteatur tibi populi Deus, confiteatur tibi populi omnes. Quamobrè? Nimirum quia terra dedit fructum suum, hoc est, terra, quæ multis antea seculis sterilis & inculta permāsit, caelestes agricolas accepit; susceptoque semine Euangelij, pulcherrimos virtutum fructus tulit. Idē quoque Esaias aperta oratione pronunciauit his

Dan. 9.

Psal. 66.

Isaias 35.

verbis: Lætabitur deserta & inuia, & exultabit solitudo, & florebit quasi lilium: germinās germinabit, & exultabit letabunda & laudans. Quod quidē tunc impletum est, & quotidie in Ecclesia impletur, cum steriles & incultæ mētes, quæ nullū pietatis & iustitiæ fructum, nullum virtutis germen vnquā protulerunt, Euangelij virtute in amœnum paradisum, & voluptatis hortum, diuinorum virtutum plantis & arboribus consitum, cōmutantur.

Vt igitur sinē principio iungamus, hoc in causā fuit cur olim sancti Patres tāto ardore Christi aduētum desiderarēt, suspensiq. semper ad illum pēderent, fatigatosq. iam oculos diu multumq. in hac expectatione sustinentes, ad Dñm cum Propheta clamarent, Conuerte nos Deus salutaris noster, & auerte iram tuam à nobis. Nunquid in æternum irascēris nobis, aut extendes iram tuam à generatione in generationem? Quod perinde est ac si diceret: Quousque tādem detinebis in ira tua, Domine, misericordias tuas? quousque tanta hæc munera tua differes? quousque procul à te auersi, per vias difficiles & laboriosas aberrabimus? Nunquid ergo in æternum irascēris nobis? Conuerte nos, quæso Domine, ad te, & ostende nobis misericordiā tuam, & salutare tuum, hoc est Vnigenitum tuum, da nobis. Has ergo voces regius Prophetā tam longæ moræ impatiens fundebat; ut qui probè nouerat, quæ caelestium donorum & gratiarum affluentia Dei Filius in hunc mundum esset venturus. Cum ergo nos illū modò, fratres, nasciturum speremus, & ante oculos positum (quod illi tantopere desiderarunt) habeamus; ne, quæso, tantā hanc salutis opportunitatem vacuum abire sinamus: nec patiamur Dei Filium frustra ad nos venisse, frustra inter homi-

nes


nes versatum fuisse, frustra famem, sitim, frigus, æstus, lacrymas, nuditatem, inopiam, & stabuli vilitatem, ac presepij angustias pertulisse. Hi enim rã multi labores facillè declarant, multum esse quod in terra nobis impensum est, ac multo maius quod est in cælo promissum; & incõprehensibile malum illud extitisse, quod tantis impendiis extinguendum fuit. Nemo igitur, fratres, Deum tam prodigum vitæ suæ æstimer, vt eam profundere vulerit, nisi maxima essent ea mala, à quibus nos morte sua redemit; maximeque expetenda sempiterna sanctorum gloria, quam nobis vitæ suæ dispendio comparauit.

## IN FESTO BEATI THOMÆ

APOSTOLI, CONCIO PRIMA: IN QVA,  
post enarrationem lectionis Euangelicæ, verba  
thematis latiùs tractantur.

THEMA. *Quia vidisti me Thoma, credidisti: beati qui non viderunt, & crediderunt. Ioan. 20.*

## PARS PRIOR.



N lectione sancti Euāgelij, fratres charissimi, insigne quoddā diuinæ miserationis opus continetur, quod Dominus Iesus à morte excitatus edidit: quod tamen opus ab humana incredulitate ortum habuit. Thomæ quippe Apostoli incredulitas occasionem Domino præbuit, vt & seipsum illi post resurrectionem ostēderet, & sacratissima vulnerum suorum stigmata palpanda traderet. Non enim ignorare vos arbitror, hunc esse diuinæ bonitatis & prouidentiae morem, vt ex malis semper bona eliciat; quemadmodum diabolica prauitatis est, in malum semper bona cōuertere. Id cū multis exēplis ostēdi possit; vnum afferā ex prima illa parētum nostrorum ruina desumptū. Diabolus enim cū videret primos illos homines diuinis muneribus affluentes; propter quæ dignum erat, vt, quo maiora à Deo beneficia perceperāt, eo magis illum colerent atq. diligerent; sic negotiū inuertit, vt ex diuinorum bonorum opulentia occasione sumpserit, eos ad superbiam & diuinæ maiestatis cōtemptum incitādi. Atq. in hunc modum maximā Dei bonitatem & largitatem, in maximum hominis malum, Deique cōtemptum, vertit. Quid verò diuina bonitas hoc tanto scelere prouocata? Nempe vt lapsum inuidia diaboli hominem liberaret, homo fieri, & in crucem agi misericorditer voluit: quod quidem om-  
nium

Auguſt. nium diuinorum operum & maximum & pulcherrimum fuit: hæc enim illi præcipua veniendi & moriendi cauſa exitit. Tolle morbos, tolle vulnera, nulla erit cauſa medicina. Neque enim (vt D. Auguſtinus ait) illum de caelo ad terram merita noſtra, ſed peccata traxerunt.

Cæterum quoniam filiorum eſt, parentum exempla ſectari; eoſdem planè mores in filiis Dei, & filiis diaboli, inuenire licet. Filij enim Dei, qui Spiritu eius aguntur, hoc ſibi ante omnia proponit, vt non modò aliena prauitate ad malum non impellantur, ſed ex ea magis ad pietatis & iuſtitiaſtudiū excitentur: quod contrà filij diaboli faciunt; qui cū eius ſpiritu ducantur, ipſius etiā mores & exēpla ſequūtur. Hinc Saluator ait: Vos ex patre diabolo eſtis; & deſideria patris veſtri vultis facere. Sed quo res fiat dilucidior, vtriuſque rei exēpla ſubiiciā. Dicit ſæpè aliquis magnis opibus Dñs, vt beneficiis illos ſibi deuinciat. Quid autē ex hoc cōſequens erat? Certè vt tales diuinis muneribus aucti & locupletati, tantorū bonorū largitorē impenſius diligerēt, ſtudioſius colerēt, & in homines inopes, propter communis Dñi amorē liberales & benigni exiſterēt: tales videlicet ſe erga cōſeruos exhibētes, qualē erga ſe Dominū experti ſunt. Quidam tamen ſunt ingenio adeò malo prauoque, vt, vnde colendi & obſequendi materiā ſumere deberent, inde ſuperbienti, luxuriandi, & laſciuiendi occaſionem arripiant. Itaq. euenit illis quod per Prophetā Dominus ait: Saturauimus eos, & meretrici ſunt, & in domo meretricis luxuriabātur. Et alibi idem Dominus, Dedi eis, inquit, aurum meum, & argentum, quæ fecerunt Baal. Alius item, terrenis rebus ſpretis atq. contemptis, ſe totum diuino obſequio mancipauit, Eccleſiaſtici limina terit, orationibus vacat, improborū hominū conſortia vitat, linguæ intemperantiam cohibet, pauperes pro facultatibus ſuis fouet, ſimiliaq. pietatis opera edit. Hoc quidē exemplo alij ad ſimile virtutis ſtudiū incitari debuiffent: quandoquidē natura hominis vehemēter earum rerū imitatrix eſſe ſolet, quæ ab aliis laudantur, & in pretio habentur. Quidam tamen ea mēte atq. ingenio ſunt, vt ipſo lucis ſplendore ( quod nocturnis accidere videmus ) tenebras incurrant, & medicamentis ipſis (quod deſperatis agris euenit) deteriores fiant. Liore enim & præcipiti temeritate obcæcati, quæ laudare & imitari debuerāt, dānant, improbant, atque proſcindunt; & cum ipſa externa opera accuſare nequeūt, animum tamē operātis reprehēdunt, dū ea non virtutis ſtudio, ſed oſtentationis gratia fieri dicūt. Hoc quid aliud eſt, quā Dei gloriam & officiū vſurpare; cuius eſt cordis penetralia intueri? Rurſus videt aliquis vicino ſuo omnia proſperè cedere, videt horrea & cellaria eius cunctis opibus, Deo annuēte, redundare. Quid hic Chri-

Simile.



Christianum hominem facere par erat? Nempe Dei benignitatem & largitatem agnoscere & amare, & huius tantæ munificentiae argumento sibi quoque bene sperare. Sed quid tandem multi faciunt: discruciantur, rumpuntur; liuore atque inuidia contabescunt; & (quod omnem ferè superat nequitiam) in eos frequenter infensi sunt, quorum opibus sæpe iuuantur. Alienam itaque felicitatem in suam vertunt miseriam: & inde liuoris & mœoris occasionem capiunt, vnde gratulationis & lætitiæ sumere debuissent.

Nunc contrâ filiorum Dei mores dispiciamus. Euenit aliquando, vt improbus homo innocentem hominem, & benè de se meritum, maledictis incessat, & falsam illi litem intenet, vt opes & patrimonium eius per calumniam diripiat: at is charitatis, patientiæ & timoris Domini clypeo munitus, adeò ad mutuum odium his iniuriis non mouetur, vt hinc & benefaciendi, & pro illo Dominum orâdi occasionem sumat; præclarissimum illud Apostoli consilium sequens: Si esurierit inimicus tuus, ci- Rom. 12.  
ba illum; si sitit, potum da illi: hoc enim faciens, carbones ignis congeres super caput eius. Noli vinci à malo, sed vince in bono malum. Hoc enim victoriæ genus clarissimum & pulcherri-  
mum est. Vix enim quisquam adeò immani & effrato ingenio est, vt non interdum tanta bonitate vincatur, vt non aliquando tacitus intra se dicat: Quid me potest esse inhumanius, qui ne tot quidem beneficiis ab eo homine exhibitis vincor, cuius ego toties lenitatem & patientiam irritaui, quem tot iniuriis lacessiui; cùm is tamen sic læsus atque offensus, nouis me mun-  
eribus ornare nunquam intermittat? Quòd si ne his quidem beneficiis nondum pectus inimici molliatur, non ideo vir pius consueta benignitatis officia deserit, sperans fore, vt nouorum accessione, veterum quoque gratiam recipiat. Qua in re sagitta- simile.  
riorum exemplum se imitari ait: qui cùm emissas sagittas non inueniunt, alias rursus atque alias eodem in loco consistètes iaciunt: vt posteriorum indicio priores inueniant. Videtis ergo, fratres, quemadmodum pij homines, tanquam legitimi filij Dei, paternum morem imitâtes, ex malis bona elicere soleant? Quid hîc, Martyres commemorem, qui immanium tyrannorum feritatem in suam gloriam commutarunt, dum eorum equuleis & craticulis ascensum sibi in cælum parauerunt? Sed iam ad Evangelicæ historiæ lectionem veniamus: in qua longè clariùs doctrinæ huius exemplum reperiemus.

I.

Cùm Dominus, à mortuis resurgens, toties se discipulis vidèdum præbuisset (nam & Simoni Petro, & sanctis mulieribus, & duobus discipulis in Emmaus pergentibus, & omnibus item

Tom. 5.

F

discipu-

discipulis in vnum congregatis, eo ipso die quo resurrexit, apparuit) Thomas, qui per id temporis ab hoc aberat collegio, nec Petro affirmanti, nec duobus discipulis idem confirmantibus, nec reliquis Apostolis idem citra vllam hēsitationem asserentibus fidem habere voluit, sed in incredulitate sua persistens, *Nisi, inquit, videro in manibus eius fixuram clauorum, & mittam digitum meum in locum clauorum, & mittam manū meam in latus eius, non credam.* Itaque tantum abest vt vestro testimonio fidē habeam, vt ne ipsis quidem oculis meis habiturus sim, nisi tactus indicio de Dominici corporis resurrectione certior fiam. Quid ais, Thomas? an non diuina lege præsriptum est, vt duorum vel trium testimonio stet omne verbū? An non irritam faciens quis legem Moyſi, absque vlla miseratione duobus vel tribus testibus moritur? Quo modo ergo tam multis, eisdemque incorruptis testibus fidem habere recusas: præsertim cū mortuos ab hoc eodem Domino excitari iam antē vidisses? An non tu Domino paulo antē ad Lazari resurrectionem pergenti te comitem exhibuisti, ceterosque discipulos trepidantes, & ab hoc itinere Dominum reuocare conantes, inuictō animo hortatus es, dicens, Eamus & nos, & moriamur cū illo? Qui igitur istis oculis quadriduanum Lazarum, tetrū odorem exhalantem, sola huius Domini voce à morte excitatum vidisti, qua ratione dubitare potes, hoc sibi beneficium sumere nō potuisse quod aliis impenderit; quique stupendi huius miraculi indicio se vitæ & necis potestātē habere declarauit? Itaque incredulitas tua nullum prorsus excusationis velamen admittit. Quid igitur Thomas ob hanc tantam incredulitatem merebatur? Nimirum vt ab eo defereretur, cui, tam multis testibus adhibitis, obfirmatō animo reluctabatur. Sed hæc hominum misericordia est, quæ facili, quauis vel leui occasione, dissoluitur. At ea Dei nostri misericordia est, quæ impugnata non succumbit, lacessita crescit, & interdum etiam iniuriis prouocata mitescit. Quod quidem, aduersus filios phrenesis morbo laborantes, piis patribus cōtingere solet: quos tum maximē miseraatur, cū maximē insanire vident. Hoc autem misericordiæ suæ specimē Dominus exhibuit, cū Paulum aduersus se furētem, & minas atque cades in discipulos suos spirantem, in cælum sustulit, & arcanorum diuinorum cōscium, vas electionis, & fidei, quam euertere conabatur, præconem fecit. Nos itaque, qui & pusillo animo, & exigua misericordia sumus, qui vitam & sanguinem propter fratrum nostrorum salutem non fudimus, nequaquam vltius in hoc miserationis officio progredieremur; at cuius bonitas & misericordia nullis finibus circumscripta est, cui tā chara salus nostra fuit, vt eam sanguinis sui pretio comparauerit, non protinus

Ioan. 11.

Simile.

tinus à consuetæ misericordiæ officio desistit, sed alia aggreditur via, vt nos tandem ad viam salutis reuocet. Itaque pij patris <sup>Similo.</sup> morem imitatur, qui non contentus ægrotanti filio varia medicamenta adhibuisse, alia deinde atque alia excogitat, nihilque intentatum relinquit, quo illum ad sanitatem reducat. Quod quidem exemplum (vt hæc quoque obiter admoneamus) spirituales in Ecclesia patres imitari deberent, cum eorum confessiones audiunt, qui ab his vitiis, quibus diu assueverunt, resiliere nolunt: horum enim pertinaciam variis modis, variisque remediis, curare deberent. Quod si semel hoc perficere non possent, aliis rationibus tentanda res est, nec protinus spes omnis salutis abiicienda; vt, qui vno medicamento curati non sunt, multis sanentur. Sed quanta hic legendi materia sese offert, cum passim videre liceat huius officij ministros cursim & properanter, ne dicam oscitanter, munus hoc, quod omnium humanorum operum ferè maximum, maximeque necessarium est, administrare!

Itaque Dominus Thomam Apostolum, quem tot testibus ad fidem resurrectionis adducere non potuit, hac noua ratione curauit. Transactis enim octo à Resurrectione diebus, cum discipuli in vnum congregati essent, & Thomas cum eis; *Ingressus est Iesus ianuis clausis, & dixit eis, Pax vobis. Deinde dicit Thomas: Infer digitum tuum huc, & vide manus meas, &c.* Quod perinde est ac si diceret, Aequum erat, vt tu quidem, Thoma, voluntati meæ annueres, non ego tuæ; hoc est, vt tot resurrectionis meæ testibus crederes: sed quoniam eò res deducta est, vt nolit seruus quod præcipit dominus, velit dominus quod exigit seruus; itaque si hoc apud te statuisti, vt non alia ratione crediturus sis, nisi & oculos tuos, & digiros resurrectionis meæ testes habeas, sit ita sanè: *Infer digitum tuum huc, & vide manus meas, & affer manum tuam, & mitte in latus meum, & noli esse incredulus, sed fidelis.* Videtis ergo, fratres, vnde Saluator occasionem sumpserit tantam hanc misericordiam discipulo exhibendi? Sed quid mirum, si discipulo suo palpandam carnem præbuit, quam pro salute nostra Iudæis tradidit crucifigendam? Quanto enim plus est pro aliena salute vulnerari, quàm tractanda vulnera exhibere! Imò verò ea Christi Domini charitas est, vt, si pro salute hominum iterum illi hæc eadem vulnera accipienda essent; non dubitaret eadem libenter accipere, quo infidelitatis vulnerus in eis sanaret. Vt autem hoc nemini nouum aut incredibile videatur, ipsum Dominum hæc eadem prædicantem in testem adducam. Cum enim vir sanctissimus Carpus, zelo diuinæ gloriæ accensus, vehementer aduersus hominum scelera incandesceret, vocem Domini Saluatoris è cælo loquentis



Simile.

audiuit: Carpe, Carpe, paratus sum iterum pro peccatoribus crucifigi. Qui igitur hac tanta charitate flagrat, quid non faceret ut erratē discipulum in viam salutis reuocaret? Ita factum est, ut, quod vnum Dominicę resurrectionis argumentum discipulus desiderauit, illi pręstiterit. *Qua* in re ita se Dñs gessisse videtur ac negotiator, qui in nundinis, mercis alicuius eximio amore captus, illam, quocumq. pretio prostituerit, emere decernit; cumq. illam venditor iusto pretio distrahere nolit, ipse tandem quicquid pro illa peritur, etiam si plus iusto sit, libenter exhibet. Sic ergo cum Dominus discipuli salutem ardentem optaret, neque is (quod æquum erat) aliorum discipulorum testimonio acquiesceret, eius se voluntati accommodauit, & quod vnum discipulus ad fidem argumētum exigebat, clementer impendit. Itaque ait: *Infer digitum tuum huc, & vide manus meas, &c.* Respondit Thomas: *Dominus meus, & Deus meus.* Modis omnibus ad Dominicę resurrectionis fidē Thomas reuocatus est. Exteriorum enim sensuum indicio hoc additū est, quod Dominus, tanquam rerum omnium conscius, incredulitatis verba, quę is antea protulerat, ad mentem reuocauit. Thomas igitur hoc clarissimo diuinitatis argumento, simul & tanta Domini benignitate mirabiliter incenset, velut extra se positus, illa clarissima confessionis verba protulit: *Dominus meus, & Deus meus.* Hominem vidit, & Deum in homine latentem confessus est, & ita confessus, ut vix in sacrissimis vlla diuinitatis Christi confessio clarior habeatur. Quo autem is ardore, qua cordis lætitia, qua admiratione & stupore fuerit affectus, quando, quem solum hominem mortis vinculis constrictum credebat, præter omnem fidem & spem, victorem mortis, & omnipotentem Deum agnouit, eundemque talia erga ipsum charitatis viscera exhibentem, & tam blanda & amica oratione compellantem vidit: quæ oratio, quæ dicendi facultas consequi possit? Hoc illi relinquamus, qui re ipsa hanc tantam Domini lenitatem simul & maiestatem agnouit; vel illi potius, qui hanc tantam lucem, tantamque admirationis & lætitię materiam discipulo præstitit. Nos verò, eo relicto, ad nos ipsos veniamus, ad quos illa Domini verba pertinent: *Quia vidisti me Thoma, credidisti. Beati qui non viderunt, & crediderunt.*

## PARS POSTERIOR. II.

Prima  
Propositio.

Quoniam in his Domini verbis, quę à me proposita sunt, de fide sermo est, ideo quod hæc Domini sententia fiat illustrior, fidei ratio prius à nobis explicanda est. Fidem Apostolus rerum non apparentium argumentū esse ait; hoc est, fidem esse lucem singulari Spiritus sancti dono in mentem viri fidelis effusam: quæ

quæ ita eius intellectum afficit & illuminat, vt sine vilo aut miraculo, aut humanæ rationis argumento, certissima & firmissima esse credat, quæ à Deo reuelata, & nobis ab Ecclesia ad credendum propofita sunt. Itaque quod in aliis rebus firma ratio, aut sensuum iudicium facit, hoc cumulatiùs cæleste illud lumen præstat; vt videlicet certiora esse credamus quæ fide concepimus, quàm quæ euidenti ratione, aut oculorum sensu vsurpauimus. Hæc fides in sanctis Martyribus præcipuè eluxit, quorum multi cum nec miracula vlla vidissent, nec ad credendum mundanæ sapientiæ argumenta quæssissent, hoc tamen fidei lumine & magisterio instructi, adeò stabiles in fidei confessione perstiterunt, vt nullis promissis aut minis, nullis immanium tormentorum machinis ab ea deduci potuerint. Eos ergo Dominus beatos hoc in loco pronunciat, qui hoc cælesti lumine illustrati, fidem piè colunt, nec vlla aut signa, aut humanæ sapientiæ argumenta requirunt. Signa enim quærere, vel nutantis fidei, vel incredulitatis indicium est. Hinc illa Domini obiurgatio: Nisi signa & prodigia videritis, non creditis. Hac de causa Zacharias, Ioannis Baptista pater, nouem mensium silentio punitus fuit, quòd ab Angelo signum petierit, quo eius promissioni fidem adhiberet. Hinc D. Augustinus alienum à fide sua esse ait, vt à Domino signum aliquod aut miraculum requireret. Quæ cum ita fiat, meritò illi à Domino beati prædicantur, qui, cum hæc fidei signa & argumenta non habeant, nihilominus tamen, interno Spiritus sancti lumine irradiati, fidem sanctè colunt: quorum Dominus pietatem & religionem per Prophetam commendauit, cum dixit: Populus, quem non cognoui, seruiuit mihi, in auditu auris obediuit mihi.

Ioan. 4.

Marci 1.

August.  
in lib.  
Confession.

Psal. 17.

Hæc igitur fides inter Dei dona primū est, quòd alia omnia ordine antecedit; sine fide namque impossibile est placere Deo. Quod quidem tâta firmitate in anima nostra Dominus stabilit & roborat, vt, cum omnes aliarum virtutum habitus quouis lethali crimine intereant, fides tamē & spes adhuc in anima perseverent, nisi vel perfidia, vel desperatione intereât. Sicut enim domo aliqua euerfa, fundamenta in imo iacentia manent, quæ toti fabricæ supposita erant: ita virtutum omnium structura per peccatum corridente, fidei tamen virtus, quæ totius spiritualis ædificij fundamentum est, immobilis perseverat. Hoc enim diuina pietas elementor disposuit, ne extincta penitus fide, spes omnis salutis adimeretur. Fides enim dux nobis in cælum est; fides magistra vitæ; fides lucerna pedibus nostris, & stella micans, quæ nos (tanquam Magos olim) perducit ad Christum. Fides item columna ignis & nubis est, quæ ducatu suo pos in terram viuentiū dirigit; & semen cæleste, quod operum bonorum

Secunda  
propofitio.

Simile.

F

fructus

simile.

fructus germinare potest: ac denique talentum illud, quo (si adfit charitas) æterna vita comparatur, ideoq. quam diu ipsa illaesa & integra manet, quamvis cætera Dei dona nobis pereant, non protinus spes omnis salutis adempta est. Mercator qui opes omnes, quas habebat, amisit, si nondum apud homines fidem perdidit, adhuc eius beneficio adiutus, & negotiari, & in pristinam fortunâ redire potest: quod amissa simul cum rebus fide non facili contingit. Sic igitur Christianus, qui, meritorum suorum opibus amissis, adhuc fidem retinet, eius ductu atque magisterio, aspirante tamen Domino, in viam reduci, & in pristinæ dignitatis gradum restitui potest.

Tertia  
propositio.

Mat. 13.

Apoc. 2.

Ambros.

simile.

simile.

simile.

Luc. 23.

Verum illud hoc in loco diligenter adnotandum est, fidē aliquando perfidiæ crimine interire, cum eā fidelis homo segnem prorsus & otiosam retinet. Vera est enim illa Domini sententia: Qui habet, dabitur ei, & abundabit: ab eo autem qui non habet, & quod videtur habere, auferetur ab eo. Hac item ratione Dominus in Apocal. Ephesiorum Ecclesiā ad pœnitentiam vocat: alioqui minatur fore, ut candelabrū eius ab illa moueatur. Quid autem candelabri nomine nisi fidei lumen intelligimus, quod Dñs extinguī permittit, cum nos illud frustra retinemus? Præclare enim à D. Ambros. dictum est, fidem inexercitam citò arescere. Videmus equos, quos ad cursum natura formati, si diu in stabulo torpeant atq. desideant, claudos effici & mancos, & vim illā currendi, quam naturæ beneficio acceperant, amittere. Ferrum quoque quod vsu splendet, & argenti nitorem imitatur, si diu in terra conditū iaceat, paulatim rubigine cōsumi, ac tandem in terrā verti constat. Sed quoniam fides (vt antè diximus) Christianæ vitæ radix & fundamentum est, ex radicis natura fidei naturā explorare licebit. Videmus autem arborem, abscissa coma, quæ à radice vitalem succum trahit, radicis beneficio rursus reuiuere, & surculos propagare: quos si euulseris, alios item atq. alios subinde germinare. Verum, si tu in hac contentione persistas, vt propaggines omnes suppullulare incipientes euellas, ipsa demū radix tam diu frustra nixa, omni vitali humore destituitur & arescit. Ad hūc ergo modum, si fidei (quæ cæterarū virtutum radix prima est) bonorum operum propaggines sceleratè viuendo abscideris, ipsa tamen fides, quæ adhuc manet integra, te rursus ad virtutum officia latenti quadam vi incitare nō cessat: cuius tu beneficiū si pertinaciter à te repellere insistas, tandem ipsa (Deo ita permittente) arescit, dum te in hæresis aut perfidiæ crimen (pro eo ac pertinacia tua meretur) labi sinit. Huius enim rei gratia ficulneam illam, quæ nullum cultori suo fructum referebat, abscondi paterfamilias iussit, ne frustra terram occuparet. Quæ cum ita sint, diligenter cōuenit

nos,



nos, fratres, vigilare, ne fide otiosam & inertē habeamus, ne hoc tam pretioso thesauro, in quo salutis nostrę pignus positum est, spoliari mereamur. Quod si quis ita se in fide stabilitum & immobile sentiat, ut nullis ab ea viribus se auelli posse vereatur; hoc ei periculū metuendum est, ne fides apud illum sterilis & otiosa existat. Fixa enim manet illa Ioannis Baptistę sententia: Iam securis ad radicem arboris posita est. Omnis arbor quę nō facit fructum bonum, excidetur, & in ignem mittetur. Videmus fidelium multos, qui ita sibi de sola fide blandiuntur, ita hoc solo Deidono securi degunt, ut, quamuis nihil egregium in vita moliantur, nullamq; pietatis & iustitię curam gerant, certo tamen sibi salutē hac vna fide polliceantur. Quo quid periculosius, quid diuini literis magis aduersum? O te miserum & amentē! Nunquid non audisti vnquam illud Apostoli: Si habuero fidem, ita vt mōtes transferā, charitatem autem non habuero, nihil sum?

Matth. 3.

1. Cor. 13.

## I I I.

Verumtamē leuius hoc sanē malū haberetur, si nihil periculi esset, nisi quod hac nos fides nihil ad salutem iuuaret. Est aliud lōgē quidē grauius, ac multo magis formidādum, nempe quod fides sic otiosa manēs, nō modō nō iuuat desides & inertes, sed multo etiā maioris criminis reos facit. Quod quidem nō leui argumento Moyses indicauit: qui vbi diuinę legis librū (in quo fidei dogmata continebantur) absoluiisset. Leuitis tradidit in arca fœderis collocandū: Vt sit ibi, inquit, contra te in testimonium. Quid ais, Propheta? librū fœderis, librū testamēti & pacti Dñi, librum diuinę legis (quę Deo placere, vitam moderari, mores componere, & iter in cælum docet) quo nobis Deus & amicitię suę pignus, & sapientię suę donum contulit, aduersarium mibi facis, & contra me ibidem adseruari pręcipis? Si ciuiles leges viri clarissimi Deorum inuentum ac munus esse dixerunt, quo modo mihi tu Dei leges (hoc est, diuina munera & inuenta) in damnationis testimonium vertis? Sed huius tamen argumenti solutio facilis est. Verē enim (vt Salomon ait) obsequentibus mandatū lucerna est, & lex lux, & via vitę increpato discipline; inertibus autē & negligentibus iudex & testis est. Eadē quippe regula, & recti mensura esse dicitur, & obliqui, dum quę recta linea sit, & quę obliqua, rectitudine sua demonstrat. Sicut ergo vir pius meritō in lege Domini gloriatur, qui per eam vitā ducem, & infantia suę pädagogum nactus est: ita contrā improbus, qui diuinę legis institutione nihil proficit, habet vtique cur meritō timere debeat. Cur enim Saluator Dei legē aduersarium nostrum appellat. (Sic enim quidam illa eius verba interpretātur; Esto consentiēs aduersario tuocitō, dum es cum eo in via;) nisi quia improbos & sceleratos homines diuina lex coram su-

Quarta  
proposi-  
tio.

Prou. 6.

simile.

Matth. 5.

- Rom. 2. perno iudice accusatura est, Apostolo testante, qui ait: Qui sine lege peccauerunt, sine lege peribunt: & qui in lege peccauerunt, per legem iudicabuntur. Præterea quid sibi Saluator voluit, cum
- Ioan. 5. Iudæis de diuinæ legis muliere gloriantibus dixit: Est Moyses qui accusat vos in quo vos speratis? Illi namq. & genus Abrahæ, & Moysi legem à Deo latam iactabant, seq. sceleratè viuentes hoc nomine Gëtibus præferebant: cum tamen hoc ipso timere magis debuissent, quòd nec tanti patris obedientiam sectarentur, nec tam præclari legislatoris præcepta seruarent; ideoq. merito Dominus eundem Moysen ipsorum accusatorem futurum pronuntiat: quem ipsi, vana persuasione delusi, patronum sibi
- simile. futurum arbitrabantur. Nemo miratur, quòd terra, quæ ex culta non est, nullum germinet fructum; illud tamen & miramur, & indignè ferimus, quòd terra assiduo labore culta, & iacto semine fecundata, nullũ cultori suo proferat fructum. Sic igitur nemo miratur, barbaras & incultas infidelium nationes nullum pietatis fructum producere, quæ nullum diuini verbi semen exceperunt, at fidelium terra, quæ hoc cæleste semen suscepit, & venientem supra se bibit imbrem, profert autè spinas & tribulos iis à quibus colitur, nõnne (vt Apostolus ait) reprobæ est, & maledictæ proxima, cuius consummatio in combustionè? Qui
- Hebr. 6. nondum ad pubertatis annos peruenerũt, si quòd flagitium admiserint, nequaquam legitimis iuris pœnis, sed aliis mitioribus iudicium arbitrio puniuntur; quòd illa ætas ciuiliũ legum ignara, delicta ipsa leuiora faciat. Quod cõtrà in his accidit, qui hæc ignorantia minimè laborant. Idem ergo inter fidelium atque infidelium nationes discrimen est. Infideles quippe, ignorantia tenebris obducti, velut paruuli sunt, qui propter insitam diuinarum rerum ignorance excusatiùs peccant: at fideles, velut maturæ ætatis homines haberi debent, vt pote quos diuina institutio ab hac puerili ignorantia vindicauerit: ideoque vt grauiùs peccant, ita seueriùs plectendi sunt. Quid in causa esse putamus, quòd regnum Dei à Iudæis ad Gentes translatum sit, cum vtrique ferè in improbitate pares essent; nisi quòd Iudæi grauiùs delinquebant, cum acceptis legibus, non ad vitæ continentiam, sed ad insolentiam, & aliorum contemptum, abuterentur?
- Micr. 25 Quoties in Prophetis hæc Domini verba legimus: Et misi ad vos omnes seruos meos Prophetas, de nocte confurgens, mittensque, & non audistis! Itaque cum diuina monita nihil apud eos efficeret, protinus se Dominus in eos indignationis suæ furorè effusurum cõminatur. Quæ verba vos, fratres, vehementer perterritæ facere debent, quando vos quoque Dei voces, ministrorum suorum ore pronuntiatas, quotidie in templis auditis, quæ vos à vitis auocant, quæ ad pietatem hortantur, quæ vi-

cinae mortis periculum denunciant, quæ diuini iudicii seueritatem ob oculos ponunt, quæ æterna præmia piis proposita, acerbissimaque supplicia improbis constituta declarant, ad quas tamen voces ita obsurdifilis, vt callos, iam quodammodo diuinis verbis audiendis obduxisse videamini.

Tateor planè, beatos esse (vt Saluator ait) eos qui nō viderint, & crediderunt: sed qui fidei talentum (quo cæleste regnū mercari poterant) in sudario repositum seruauerant, quid aliud sibi polliceri possunt, quàm quod seruus iste nequam assecutus est, qui iussu Domini in tenebras exteriores detrusus fuit? Quid autem aliud significat pecunia ligata & reposita in sudario, nisi quod multi faciunt, qui veritatē Dei in iniustitia detinent? Fidem quippe in sudario repositam ligant, qui eam in solo intellectu angulo inclusam & vinctam tenent, nec ad alias animæ vires permanere, & radios suos effundere sinunt, vt eas pro ratione lucis atque doctrinæ suæ piè & sanctè afficiant. Fidem præterea inclusam tenent, qui numquam diuina eius dogmata, quæ & multa & varia sunt, explicant atq. considerant: qui numquam ea, quæ illis fugienda & sequenda proponit, contemplantur: qui numquam acerrimos eius aculeos, & vehementissima ad virtutes incitamenta sentiunt: qui numquam illam in operum suorum consilium adhibent: qui nequaquam illius ductu & magisterio vitam dirigunt: qui numquam, quid cælestium diuitiarum in illius sinu lateat, animaduertunt: qui numquam in silentio & quiete animi ea speculantur, quæ fide profitentur: qui ita deniq. credunt, ac si omnino non crederent; cum apud eos fides (quæ virtutum semen, quæ vitæ medicamentum, quæ talentum ad spiritualia mercimonia exercenda est) otiosa maneat. Semen quippe in terram spargi debet, vt germinet: medicina vulneribus adhibenda est, vt salutem afferat: pecunia in vsu expendenda est, quo incrementum accipiat. Si enim reposita in sudario ligetur, (quod ad lucrādi fructum attinet) quid refert, an aurum, an lutum in sudario condas? Itaque, fratres, vt propter hoc fidei donū felices & beati prædicemur, eius ductum sequamur, illam vt vitæ magistrā audiamus, illam omnibus in rebus in consilium adhibeamus, auresq. nostras, Sirenarum huius magni maris vocibus obstruentes, ad illius voces & monita apertas habeamus. Quidquid aduersus eam vel astutus serpens, vel fallax mundus, vel garrula & importuna caro, vel prudentia terrena suggererit, tanquam diaboli inuentum repudiemus, Propheticam illam vocem animo versantes: Narrauerunt mihi iniqui fabulationes, sed non vt lex tua. Hoc igitur facientes, non dubium, quin fides, quæ à Deo in nos delap̃a est, rectā nos eō, vnde est digressa, per cælestis vitæ semitas felici cursu reducat.

Lucæ 19.

Mat. 25.

Luc. 19.

Rom. 1.

Simile.

Psal. 112.



## IN FESTO BEATI THOMÆ

APOSTOLI, CONCIO SECUNDA: IN QUA  
vulnerum Domini Saluatoris argumento & in-  
dicio ( quibus ad fidem resurrectionis eius Tho-  
mas Apostolus inductus fuit ) totius fermè Chri-  
stianæ philosophiæ summa colligitur.

THEM. *Infer digitum tuum huc, & cognosce loca clauo-  
rum, & affer manum tuam, & mitte in latus meum, &  
noli esse incredulus, sed fidelis. Ioan. 20.*



ODIERNA sancti Euangelij lectio, fratres di-  
lectissimi, beati Thomæ incredulitatem, & miram  
Domini bonitatem huic morbo clementer medi-  
cinam adhibentem continet. Ait igitur sanctus  
Euangelista: Thomas unus ex duodecim, qui dicitur  
Didymus, non erat cum discipulis quando venit Iesus. Dixerunt ergo ei  
alii discipuli: Vidimus Dominum. Ille autem dixit eis: Nisi videro in  
manibus eius fixuram clauorum, & mittam digitum meum in locum  
clauorum, & mittam manum meam in latus eius, non credam. & cæ-  
tera quæ sequuntur.

## A V'E MARIA.

Satis constat inter animæ nostræ vires intellectū principem  
locum obtinere, cui ius in omnes alias eiusdem animæ vires  
imperandi, & vitam nostram dirigendi, naturæ lege commis-  
sum est. Quo fit, vt intellectu perturbato & cæcudente, cæteræ  
quoque animæ vires, velut milites sine duce, aut naus sine gu-  
bernatore, incertis motibus fluctuent, & periculosissime iacten-  
tur. Ex quo fit, vt intellectus humani peruersio, malorum om-  
nium, quæ in vita contingunt, origo & seminarium sit. Hoc  
ipsum autem Saluator sub oculorum similitudine insinuat,  
cū dixit: Lucerna corporis tui est oculus tuus. Si oculus tuus  
fuerit simplex (hoc est, si mentis tuæ oculus nullis fuerit erro-  
rum tenebris obfuscatus) totum corpus tuum lucidum erit: si  
autem nequam (hoc est, obscurus fuerit) etiam corpus tuum te-  
nebrum erit, hoc est, omnia opera tua, quæ lucem ab hoc  
mentis oculo percipere debebant, tenebrosa erunt, vagisq; &  
errabundis motibus agitabuntur. Ex his autem mentis huma-  
næ tenebris oritur quod improbis Dominus per Prophetam  
improperat, cū ait: Væ, qui dicitis malum bonum, & bonum  
malum;

Matth. 6.

Esaiæ 54.

malum; ponentes tenebras lucem, & lucem tenebras; ponentes amarum in dulce, & dulce in amarum. Qui autem hoc modo de rebus iudicant, quid in vita rectè moliri poterunt? Vitiata quippe radice mentis nostræ, quid non vitiosum cōsequi poterit? Ab hoc igitur fonte omnia humanæ vitæ mala deriuantur. Cū ergo Saluator noster ad hoc venerit in mundum, vt mala nostra pelleret; inter præcipua verò mala, intellectus humani peruersio sit (quam malorum ferè omnium causam esse diximus) hanc præcipuè è medio tollere cælestis Magister debuit. Quod quidem ad cō cumulatè præstitit, vt Isaias dicat, vniuersam terram scientia Domini in eius aduentu esse replendam. Quo nomine Christum Dominum accensæ lampadi & splendori comparat, his verbis: Propter Sion non tacebo, & propter Hierusalem non quiescam, donec egrediatur vt splendor iustus eius, & Saluator eius vt lampas accendatur: quæ videlicet lampas clarissimo diuinæ cognitionis lumine erat mundum illuminatura. Hinc Ioannes initio statim Euangelij sui, lucis nomine Christum Dominum non semel designat, cū ait: Fuit homo missus à Deo, cui nomen erat Ioannes. Hic venit in testimonium, vt testimonium perhiberet de lumine, vt omnes crederent per illū. Non erat ille lux, sed vt testimonium perhiberet de lumine. Erat lux vera, quæ illuminat omnem hominem venientem in hunc mundum. Huius autem verbi repetitione sanctus Euangelista apertè docuit, non solum Christum aduentu suo humanis mentibus lucem prætulisse, verum etiam omnes mundi sapientes (quod ad salutarem rerum diuinarum cognitionem attinet) si Christi lumine destituantur, in magna errorum caligine versari. Ab his ergo tam horridis tenebris nos Sol iustitiæ Christus vindicauit, dum apertissimā nobis diuinarum rerum cognitionē tradidit. Hoc autem designat liber ille quem Ioannes in Apocal. septem sigillis clausum atque obsignatum vidit; quem nullus eorum qui vel in cælo, vel in terra, vel sub terra morabantur, poterat vel aperire, vel respicere. Cumque sanctus Euangelista hac de causa vehementer angeretur, angoremque suum lacrymis testaretur, vnus ex viginti quatuor senioribus, qui diuinæ maiestatis throno assidebant, bono animo illum esse iussit, quod Agnus qui occisus erat, dignus esset qui eum librum aperiret; hoc est, qui latentia diuinæ sapientiæ mysteria humanis mentibus inaccessa, reuelaret.

Sed iam hīc quæret aliquis, quoniam modo id effecerit Christus. Si enim dixeris, hoc in Euāgelicis litteris effecisse; responderi poterit, non omnes ad earum litterarum cognitionem, nisi doctrina aliqua imbutos, posse peruenire; & multos etiam esse omnis generis litterarum ignaros. Quomodo ergo verum erit quod

Isai. 16.

Isai. 62.

Ioan. 1.

Apoc. 5.

quod Propheta dicit, repletam esse terram scientia Domini? Et alibi, Omnes, ait Dominus, scient me, à maiore vsque ad minorem, Paulus, diuinorum mysteriorum interpres, sapientissime huius quaestionis nodum dissoluit. Cum enim is alibi dixisset, se imperitum quidem sermone, sed non scientia; alibi tamen ait, se nihil aliud scire nisi Christum, & hunc crucifixum. Quomodo ergo, Paule, scientiam tibi vindicas, si nihil te scire profiteris, nisi Christum crucifixum? Perfecta enim scientia multarum rerum cognitione constat. Est ita planè. Sed hæc tamen quæ in cruce discitur scientia, exactissimam rerum omnium, quæ ad bene beatæque viuendum requiruntur, cognitionem præbet. Hinc idem

2. Cor. 11

1. Cor. 2.

1. Cor. 1.

Ezech. 2.

Isaia 29.

Apostolus; Nos, inquit, prædicamus Christum crucifixum, Iudæis quidem scandalum, Gentibus autem stultitiam; ipsis autem vocatis Iudæis & Græcis Christum Dei virtutem, & Dei sapientiam. Hæc igitur erat Pauli sapientia, hæc eius Philosophia, hic liber in quo dies noctesque legebat; cuius lectione mundum vniuersum illuminauit, & veram sapientiam compotem fecit.

Hic est enim liber ille à Deo traditus Ezechieli, scriptus intus & foris; longè videlicet dissimilis alteri libro, quem Isaia nec à litteratis, nec ab illitteratis legi posse testatur. Hic enim ab utrisque & legi & intelligi facile potest, quando & illitterati, quæ foris patent, legere sciunt; & litterati reconditiora mysteria, quæ intus latent, perspicere queunt. Quo planè fiet, vt, quicumque hunc librum legerint, à maiori vsque ad minorem, Dominum agnoscant.

## I.

Verum vt propositis exemplis res fiat illustrior, nos qui in minorum numero computari debemus, & erudiri ad salutem cupimus, ad ipsum Dominum in cruce pendentem accedamus, vt ab eo, quæ nobis ad salutem necessaria sunt, discere possimus.

1.

In primis igitur dicit aliquis: Ego, Domine, qui minorum minimus sum, & ad scientiam salutis aspiro, mei ipsius, hoc est, vtriusque partis meæ, animæ videlicet & corporis, cognitionem habere cupio: hoc enim Christianæ philosophiæ caput & fundamentum est. Desidero igitur ante omnia, animæ meæ dignitatem cognitam & exploratam habere, vt sciam qua cura & studio hanc mei partem præcipuam curare debeam. Si hoc igitur tantopere concupiscis, facilem tibi tuæ dignitatis agnoscendæ rationem tradam. *Infer digitum tuum huc, & vide manus meas, &c.* Hoc est, vide quæ pro anima tua liberanda passus sum; vide pretium quo illam à diaboli seruitute redemi: vide quæ illius expiandæ & ornandæ gratia tormenta pertuli: & ex huius pretij magnitudine, simul & mercatoris prudentia, mercis huius valorem æstimare poteris. Si enim aurum esse dicitur, quod auro emptum

est:



est: ergo sanguis Christi est, quod Christi sanguine redemptum est. Ea verò est sanguinis huius dignitas, ut vel vna eius gutta rebus omnibus, quæ à Deo siue in cælo siue in terra cõdita sunt, merito anteferatur. Hoc ergo pretio animam tuam æstimare debes, & talem eius curam gerere, qualis eius dignitas existit: quæ tam pretiosa & chara Deo visa est, ut non dubitauerit vel vitæ suæ dispendio illam emere. Huius autem rei consideratione Augustinus, animæ suæ dignitatem & valorem æstimans, aiebat: Postquam intellexi me pretioso Christi sanguine esse redemptum, nolui me ampliùs exhibere venalem. O si vel hoc vnum cum animo suo cogitarent, qui more Esau rem adeò pretiosam propter momentaneam carnis voluptatem, vel vile lucrum, passim vendunt? Quid pius & prudens pater ageret, cum hæreditatem, quam filio suo totius patrimonij dispendio comparauit, ille vilissimo pretio distraheret, quod protinus in ludum alea; consumeret? Quid ergo paterna illa Domini Iesu viscera sentient (si ea dolor attingere posset) cum animas, quas ipse morte sua à diaboli potestate redemit, nos iterum exigui lucelli, aut voluptatis pretio, eiusdem satanæ potestati permittimus? Videtis igitur quomodo Christi vulnera, & pretiosus eius sanguis, animæ nostræ dignitatem & pretium declarant? Video planè: sed non solum animæ meæ dignitatem, sed etiam carnis meæ fragilitatem, prauitatem, rebellionem, superbiam, intemperantiam, & cupiditatem eius vim agnoscere volo; ut intelligam quæ cura & studio animam meam ab eius contagione & importunitate immunem conseruare debeam: hac enim ratione vtriusque partis meæ plenissimam cognitionem nactus ero. *Infer ergo digitum tuum huc, & vide manus meas, &c.* Hoc est, agnosce vulnera, quæ propter sananda intemperantiæ tuæ vulnera sustinui: quæ humilitate superbiæ tuam, quibus corporis mei cruciatibus delicias tuas, quibus iniuriis ferèdis iracundiam tuam, quibus doloribus voluptates tuas, quæ inopia avaritiam tuam, quæ denique obedientia rebellionis tuæ vulnera sanare curauerim. Qualis enim illa superbia est, quæ tot conuiciis, tot alapis, tot plagis, tot sputis, tot contumeliis, ac postremò ignominiosissimo crucis supplicio curanda fuit! qualis illa avaritia, quæ extrema nuditate omnium rerum Domini sananda fuit! qualis illa intemperantia, quæ felle & aceto castiganda! qualis illa licentia, quæ affixis in cruce omnipotentis Dei manibus comprimenda fuit! Quis ergo adeò stupidus erit, qui huius medicinæ dignitate morborum suorum magnitudinē & naturæ vulnera non agnoscat? Minimū quidem Dominici corporis vulnus ad humani generis redemptionem satis erat: verum is tam multa, tamque atrocia in corpore suo vulnera excipere voluit, ut efficacissima in eis sanandis cupid-

August.

Simile.

I I.

cupiditatum nostrarum vulneribus exempla atque remedia habuerimus. Quæ enim tanta superbia erit, quam summa illa Dominicæ crucis humilitas nõ deiciat? Quæ tanta luci cupiditas, quam crucifixi Dñi nuditas non extinguat? Quis tantus furor & iracundia, quam maxima Domini mansuetudo non leniat?

**III.** Pergis deinde, & virtutis atque iustitiæ dignitatē (circa quam salutis doctrina versatur) quanta sit, nosse desideras. *Infer ergo digitum tuum huc, & considera cuius rei gratia hanc tantam provinciam cælorum Dominus suscepit, vt non iam Prophetas, vt olim, ad homines destinaverit, sed ipse per se venire, & femineis visceribus includi, homo fieri, inter homines humano more versari, ac tandem post varios multiplicesque labores in crucem agi sustinuerit.* Horum enim laborum causam Apostolus

**Tit. 2.** exponit, cum ait: Dedit semetipsum pro nobis, vt nos redimeret ab omni iniquitate, & mundaret sibi populum acceptabilem, sectatorem bonorum operum. Idemque rursus, sub alia si-

**Ephes. 5.** militudine tradidisse se Christum ait propter Ecclesiam, vt exhiberet eam sibi gloriosam, non habentem rugam neque maculam. Hæc eius præcipua cura, hæc ardens illa sitis, quæ nec crucis quidem supplicio restingui potuit. Tanto enim spiritalis pulchritudinis (quæ in pietate & iustitia sita est) amore flagrauit, vt eam pretioso sanguinis sui cruore illustrare non dubitaret. **Sap. 7.** Qualis ergo illa pulchritudo & species virtutis est, quam splendor paternæ gloriæ, & candor lucis æternæ, sanguinis sui purpuris clariorem efficere voluit!

**IIII.** Sed ais: Facile hoc argumento virtutis pulchritudinem & dignitatem agnosco: sed quoniam prima iustitiæ pars est, à malo, hoc est, à peccato declinare, cupio etiam peccati deformitatem & malitiam perspectam habere; quo maiori illud odio prosequar, & quasi à facie colubri ab eo fugiam. *Infer ergo digitum tuum in vulnera Christi; & diligenter animaduerte, cuius gratia his vulneribus fuerit cruentatus.* Qua de re sic D. Bernardus: Filius, inquit, Dei iubetur occidi, vt pretioso sanguinis eius balsamo vulneribus meis medicina fiat. Agnosce, ergo, homo, quàm graua illa fuerint vulnera, pro quibus necesse fuit Christum Dominum vulnerari. Si non essent hæc ad mortē, & mortem sempiternam, nõquam propter illa Dei Filius mortis supplicium subiret. Itaque ex satisfactionis magnitudinis, debiti magnitudinem agnosce. Ea enim peccati deformitas & malitia est, vt iustitiæ diuinæ lege seruata, omnia omnium hominum atq. Angelorum merita vnus capitalis criminis debitum exolvere nequeant. Qualis ergo illa peccati iniuria extitit, quæ non alia ratione, quàm Vnigeniti Dei sanguine expianda fuit! Hoc eodem argumento summū Dei odium aduersus peccatum col-

ligere

ligere licet. Tanto enim illud odio persecutus est, vt Filium dilectionis suæ, in quo sibi bene complacuit, ad mortem tradideret, vt peccatum extingueret, & à fideiū cordibus eliminaret. Itaq. cum hinc amantissimi Filij mors, inde peccati regnum ei propositum esset; tāto ardore peccati regnum exscindere concupuit, vt quando hoc nulla ratione commodius, quàm dilectissimi Filij morte, fieri poterat, non dubitauerit eum mori tradere, vt peccati regnum euerteret. Quale ergo odium hoc fuisse putandum est? Quale, quæso, esset viri alicuius erga inimicum odium, quod eousque progrediretur, vt si non alia ratione inimicum occidere posset, nisi vnicum filium pariter occideret, nihil moraretur ambos eodem gladio transfigere, vt, ruente etiam filio, aduersarius simul occumberet! Hoc certè odio vix vllum excogitari maius posset. Huc vsque ergo Dei odiū aduersus peccatum processit, quæ constat Filium ad crucē tradidisse, vt in nobis peccatū crucifigeret. Vnde facile colligi potest, quem animū Deus erga peccatorem gerat propriis peccatis inquinatum, quando ita se ob aliena delicta erga dilectissimū Filium gessit. Hoc enim illa Saluatoris verba innuunt. Si hoc fit in ligno viridi, in arido quid fiet? Hinc etiam intelligere licet, quod Apostolus ait, nempe eos qui lethaliter peccant, iterum Dei Filium crucifigere: quoniam id committunt, quod illum iterum ad mortem impulisset, nisi mors antè suscepta ad hoc plenissimè suffecisset.

Simile.

Luc. 25.

Hebr. 6.

Satis quidem nos Domini vulnera ad iustitiæ amorē, & peccati odium, his rationibus quas modò retulimus, excitant; sed quoniam spes præmij calcar etiam torpentibus addit; vellem etiam, quæ laboribus meis spes proposita sit, intelligere: vt non solum peccati odio, & virtutis amore, sed præmij etiam spe atq. desiderio ad pietatis & iustitiæ studium excitaret. Video enim Apostolum, vbi corporum nostrorum resurrectionem firmissimis rationibus comprobasset, adieciisse: Itaque, fratres mei, stabiles estote, abundantes in omni opere Domini, scientes quòd labor vester non est inanis in Domino. Si igitur de resurrectione corporum (quæ altera gloriæ nostræ portio est) certior fieri vis, *Infer digitum tuum huc, & tange loca clauorum*: nec enim incredulitas tua Thomæ incredulitatem poterit superare; quæ hoc argumento conuicta fuit. Eadem quippe vulnera facile declarant, idem illud corpus quod patibulo affixum, & tumulto clausum fuerat, à mortuis surrexisse. Quamuis enim & vacuū corpore Dominico sepulchrum, & testes Angeli illud ipsum corpus, quod tumulto conditum fuerat, surrexisse clament; vehemētiùs tamen hoc mihi probant illa vulnerū indicia, quibus Dominus non credenti discipulo resurrectionis suæ fidem fecit, omnemq. illi dubitandi materiam sustulit. Hoc igitur argumento disce carnem

V.

1. Cor. 15



carnem istam tuam, si se hostiam viuente[m], sanctam, Deo placente[m] immolauerit, & se ipsam, vt spiritui seruiat, abnegaue- rit, cupiditatibusque suis necem intulerit, plenissimum labo- rum suorum fructum in resurrectione esse percepturam, & mo- mentaneos eius labores æterna requie & lætitia compensandos. Nam de animæ gloria & felicitate quid attinet hoc loco dicere, & latè patentem materiam angustis finibus terminare? Satis enim ad hoc erit, si, eodem vsus argumento, inferas digitum tuum in vulnera Christi, vt hinc colligas, qualis illa beatorum gloria futura sit, quam æterna Patris sapientia sanguinis & vi- tæ suæ pretio comparauit: neque ipsam tantas opes malè collo- casse vnquam pœnituit. Facile ergo ex pretij magnitudine, proposita mercedis dignitatem colligere licebit.

## I I.

**VI.** Iam verò si quis diuinæ iustitiæ pariter & misericordiæ ma- gnitudinem velit agnoscere; quorum altero ad timorem, altero ad spem excitamur (quæ duo Propheta iunxit; cum dixit, Bene- placitum est Dño super timentes eum, & in eis qui sperant super misericordia eius) inferat digitum in hæc ipsa vulnera Christi, & oculi eius illico aperientur, quibus clarè vtrumq. cernere va- leat. Quanta enim, quæso, illa iustitia fuit, quæ summum illum parentem impulit, vt amantiissimū Filium ad mortem tradi pa- teretur, nec peccatum inultum relinqueret! Quantaq. rursus il- la Christi misericordia, quæ in se omnium filiorum Adæ pecca- ta & debita suscepit, vt ea non auro & argento, sed sanguinis sui pretio dissolueret! Is enim, vt nos à communibus generis humani ruinis atque vastitate defenderet, & cum Patre, à quo dissidebamus, in gratiam reduceret, se medium inter infernum nostrum scelere numen & nos ipsos interposuit, diuinæque seue- ritatis tela in homines intenta, vnus pro vniuersis excepit, san- guineque suo omne humanum nefas extinxit, atque nos cum Deo, cuius legem oppugnabamus, miro amore coniunxit. Quo autem Filij supplicium exitit acerbius, eo & Patris æterni iu- stitia seuerior, qua peccatum tam acri animaduersione puniuit; atq. eo itè misericordia maior, quæ gratis tã copiosum redemptio- nis munus delinquentibus tribuit. Cumque misericordia & iusti- tia inter se pugnare videantur, & altera alteri locum non relin- quere; diuina tamen sapientia sic eas in vnum copulauit, vt iu- stitiæ magnitudo, misericordiæ magnitudinē non excluderet, sed augeret. Quo enim iustitia erga Filiū seuerior, eo misericordia erga seruū copiosior; cui videlicet tã copiosa redemptionis gratia sine vilo suo merito data est. Inter præclara Gentiliū facta hoc magnis laudibus prædicatur, quod præfectus quidā adeo iusti- tiæ cultor exitit, vt pro adulterij crimine quod filius admiserat, alterum

alterum oculum filio, alterum sibi erueret. Duos igitur læsa parti oculos pro vna filij morte obrulit. At quanto maius seueritatis, & iustitiæ argumentū est, amantissimi filij vitā propter aliena crimina ad mortē tradere, quā nocētis & adulteri filij oculum vnum erueret! Itaq. cūm Filius in cruce in mediis dolorum fluctibus à Deo Patre relictus esset, Filiusq. ad Patrem clamaret, Deus meus, Deus meus, vt quid dereliquisti me? responde-  
re utiq. cælestis Pater potuit; Dereliqui te, amantissime Fili, ne iustitiæ leges violarem, ne peccatum inultum maneret, ne quid inordinatum in mūdo existeret, si culpa sine supplicio esset; ne ita misericordiam explicarem, vt iustitiæ legem defererem.

Sed dicet aliquis forsitā: Magnos ista mihi ad pietatis & iustitiæ studium stimulos addunt: sed quoniam vitæ Christianæ perfectio in charitatis perfectione sita est; charitas autem in Deū perfecta, ipsius in nos charitate maximè augetur, quanta sit eius in me charitas, cum primis discere vellē. Vt enim ignis igne, ita charitas mutua charitate maximè inflamatur. Si hoc igitur scire cupis, infer digitum tuū, & vide manus eius; & affer manum tuam, & mitte in latus eius. Sunt quidem magnifica opera, quæ olim Dominus in populi sui gratiam designauit: quibus potentiæ suæ magnitudinem declarauit; at quanto maiora sunt, quibus immensas charitatis & misericordiæ suæ opes hominibus ostendit! Ipse quidem omnipotētiā suā notā mundo fecit, cūm ad vocem ducis sui Iosue properantem in itinere suo Solem in cælo stare fecit immotum; cūm maris rubri fluctus contortis in se vorticibus aquarū diuisit; cūm tot immissis plagis Aegyptum attriuit; cūm aquarum fontem è durissimo silice eduxit; cūm omnes Aegyptiorum filios natu maximos vna nocte interēmit. Hæc verè maxima sunt, & quæ mirabilem Dei potentiā apertissimè demonstrant; at quanto maiora sunt, quæ is, vt misericordiam & charitatem in homines declararet, operatus est? Magnum profecto fuit, quòd Sol in cælo steterit immotus; at quanto maius, quòd ipse Sol iustitiæ è cælis in terram salutis nostræ causa descenderit! Magnum, quòd per vndas maris rubri iter populo suo in terrā promissam patefecit; at quanto maius, quòd per sanguinis sui vndam iter nobis in cælum aperuit! Magnū fuit, quòd tot plagis Aegyptios affecerit; at quanto maius est, ipsum tot plagas in corpore suo nostri causa suscepisse! Magnum, quòd percusso silice populo sitienti aquā præbuit, sed quāto maius, quòd pretiosum latus suum aperiri lancea passus est, vt inde nobis vitæ fontem propinaret! Magnum denique fuit, hostium primogenitos propter liberādos adoptiōnis filios ad mortē tradidisse; at quanto maius & mirabilis est, quòd Pater æternus amantissimum Filium occidi passus fuerit,

VII.

Simila

Iosue 10.

Exod. 14.

Exod. 17.

Exod. 11.

ut indignos seruos à diaboli potestate redimeret? Quod enim maius veræ dilectionis signum exhiberi hominibus potuit? Merito enim huius tantæ dilectionis admiratione Ecclesia stupefacta exclamat: O ineffabilis dilectio charitatis! ut seruum redimeres, Filium tradidisti. Si ergo scire cupis, quanta Christi sit erga homines charitas, infer digitum tuum in manus, & mitte manum tuam in latus eius: hoc est, admiranda hæc eius opera considera: hæc enim tibi amoris eius certissima signa dabunt. Quæ eius charitatem hoc præcipuè nomine commendat Apostolus, quod non solum ad pios & amicos, sed etiam ad impios & hostes progressa sit. Vix enim, ait, pro iusto quis moritur: nam pro bono forsitan quis audeat mori. Commendat autem charitatem suam Deus in nobis, quoniam cum adhuc peccatores essemus secundum tempus, Christus pro nobis mortuus est. Quod si quæras, quinam sint inimici isti: non dubium quin omnes illi, qui cum in crucem sustulerunt, aut illum non solum carnifices illi, qui tanti sceleris ministri fuerunt, sed omnes etiam posteri Adæ, propter quorum scelera expianda in crucem sublati sunt. Cuius rei illud indicio fuit, quod non aliquis scorsum solus, sed omnis turba simul, (que totius generis humani typum gerebat) illum ad necem postulauit. Itaque nos illum sceleribus nostris crucifiximus, & mortem ei, ceteraque supplicia irrogauimus. Cum enim manus nostras ad incõcessa porreximus, tunc innocentes eius manus ligno crudeliter affiximus. Cum pedes nostri veloces ad cursum mali operis extiterunt, tunc beatos illius pedes inmissis clauis trebrauimus. Cum cor nostrum omnibus impuris cogitationibus patuit, tunc sacrum eius latus lancea perforauimus. Cum exquisitis deliciis & voluptatibus carnis nostræ lasciuiam & perulantiam auximus, tunc illum amaro fellis & aceti calice potauimus. Cum denique corpus & caput nostrum nimio cultu pretiosisque monilibus ornauimus, tunc illum purpureo vestimento illuimus, & regium eius caput spinarum aculeis coronauimus. Neque enim diaboli satellites talibus Dominum iniuriis afficere potuissent, nisi nostra illis crimina, & clauos, & malleos, & flagella præbuisset. Itaque si adhuc hæres & dubitas an te diligat Christus, infer digitum tuum, &c.

Sed dicet aliquis forsitan: Quomodo ergo si me diligit Christus, tot laboribus & calamitatibus premi: quomodo inopia atque inedia cõsci patitur: non enim Deus amat, & deserit. Ad hoc Bernard. tibi paucis D. Bernard. responderi: Non, inquit, interrogas homo quæ pateris, sed quæ ille pro te passus est. Quanti enim te fecerit, ex iis quæ pro te passus est, cognoscere potes. Quod si tibi opes istas, & felicitatem quam expetis, nondum largitus est: quare etiam quod pater agrotanti filio, importunissimisque vocibus frigidam petri constanter negat. Pie siquidem negat, quod crude-

Simile.



crudeliter largiretur. At non minus interdum opulentia ista quam expetis, hominibus, quam aqua frigida agrotantibus nocet; alioqui nunquam Propheta dixisset; In labore hominū non sunt, & cum hominibus non flagellabuntur: ideo tenuit eos superbia, operi sunt iniquitate & impietate sua. Senectutem & inopiam omnes grauititer accusant, quibus tamen hoc debent, quod indigna multa nō cōmittant; senectus enim cupiditatem frenat; paupertas verō multis sceleribus materiam subtrahit.

Constat igitur ex iis, quantum nobis Dominicae crucis mysterium ad veram Philosophiam atque sapientiam conferat. Qua enim ratione harum rerum quas supra memorauimus dignitate agnouimus; eadē quoq. aliarū ad salutē nostram pertinentium pretiū agnoscere poterimus. Cum enim nihil admirabilius humanæ menti, quam omnipotens Deus in cruce pēdens obici possit, isq. tantū hoc supplicium subire voluerit, vt homines à diaboli potestate redimeret, vt à peccatis expiaret, vt pietatis & iustitiæ muneribus ornaret, vt cum Patre suo in gratiam reduceret, vtq. illos in cælestis patrimonij possessione collocaret; quid in his minimum esse poterit, si ad Deum in cruce pendente conferamus! Quid verō magis immensam Dei erga homines charitatem, quam hoc eius singulare beneficium patefaceret? Præclare quidem D. Bernard. Tale est, inquit, erga nos cor Dei Patris, quale nobis expressit qui de eius corde processit. Quod idē ipse Saluator significauit, cum Philippo dixit: Philippe, qui videt me, videt & Patrem. Itaq. nihil aberrauerit, qui Dominicam crucē spiritualium rerū stateram iustissimam appellauerit. Vt enim statera rerum omnium corporearū pretia & pondera sine vllō errore declarat, ita Christus Dominus propter cōstituendam generis humani salutē in crucis statera pendens, spiritualiū rerum pretium & dignitatē apertissimē declarat. Hæc enim omnia ad illū relata, & sanguinis eius pretio stabilita, quid habeant dignitatis, facillē ostendunt. Cuius rei cognitio miro modo ad pietatē & iustitiā adiuuat. Omnium enim malorū (vt ait Seneca) fons & origo est, quod nō ad rationem, sed ad opinionē viuimus; quod vera rerum pretia ignoramus, quod earum valorem non ex illarum natura, sed ex vulgi temeritate atq. iudicio metimur. A quo malo nos iustissima Dominicae crucis statera liberat, quæ rebus omnibus ad animæ salutem pertinentibus precium suum & dignitatem tribuit.

## III.

Hoc igitur vulnere Domini argumento, quo mens nostra ad rerum diuinarum cognitionem illuminatur, fides quoque Apostoli Thomæ, quæ mortua erat, excitata & illuminata est. Vbi enim hæc sacratissima vulnere signa vidit, maxima voce

maioriſque fide exclamauit: *Dominus meus, & Deus meus.* Quibus  
 verbis non ſolum Dominice reſurrectionis veritatem adſtruxit,  
 ſed etiam diuinitatis gloriam apertiffimè conſeſſus eſt. Cui Do-  
 minus: *Quia vidifti me Thoma, credidiſti. Beati qui non viderunt,*  
*& crediderunt.* Nos ergo (dicet aliquis) beati, qui cum non videri-  
 mus, credimus. Fateor ſanè: ſi eo tamen modo credimus, quo  
 beatus hic Apoſtolus credidiſſe ſe oſtendit, cum illam confeſ-  
 ſionis vocem toto pectore expreſſit: *Dominus meus, & Deus meus.*  
 At, inquis, hoc ipſum & ego dico, & quotidie quidem dico,  
 cum Chriſtum Dominum meum ac Deum meum conſiteor  
 & adoro. Rectè ſanè: ſed meminiffe tamè debes, ab eodem Do-  
 mino dictum eſſe, veros adoratores adoraturos Patrè in ſpiritu  
 & veritatè. Illi autem in ſpiritu & veritate Deum adorant, qui  
 non ſolum vera fide, ſed etiam obedientia, & parendi ſtudio,  
 illius imperium & dominium conſentunt. De aliis namq. idem  
 Saluator ait: Vt quid vocatis me Domine, & non facitis quæ di-  
 co? Tales ergo fruſtra Chriſtum appellat Dominum. Chriſtum  
 enim in ore, diabolus verò in corde geſtant: & Chriſtum ſola  
 informi fide, rebus autem ipſis & obedientiæ ſtudio dæmonem  
 appellant Dominum. Quid exhoruiſtis, fratres? An non res ip-  
 ſa, vel nobis tacentibus, clamat; Vtrorumque obedientiam exa-  
 minemus, vt verum eſſe appareat quod teſtificamur. Suggestit  
 ſatellitibus ſuis ille qui malorum omnium auctor eſt, vt peie-  
 rent, vt mentiantur, vt fenerentur, vt conuiciantur, vt proximos  
 odio proſequantur, vt eorum ſamæ detrahant, vt aliena felici-  
 tate contabefcant, vt clanculariis delationibus & maledictis  
 factiones & diſcordias inter homines nutrant, vt inexplibili  
 auditate; omnia quæ viderint, concupiſcant, vt voluptates vn-  
 dique exquirant, vt vanitati & oculis hominum ſeruiant: quæ illi  
 omnia libètiſſimè, cum diſpendio etià rerum ſuarum, & vitæ peri-  
 culo, exequuntur. Contrà verò Chriſtianos Dñs quotidianis  
 Eccleſiæ vocibus ad pietatem, caſtitem, ad iuſtitiam, ad labo-  
 rum patientiam, ad veram cordis humilitatem, ad benignita-  
 tis officia, ad miſericordiæ opera, ad mundi contemptum, ad pecca-  
 ti odium, ad poenitentiae ſtudium adhortatur. Quis igitur has  
 voces intra cordis ſui aures admittit? quis opere implere ſtudet  
 quod auribus hauſit? Cum hæc igitur ita ſint, vter horum verè  
 Dominus iudicandus eſt, illène, cuius præceptis obtemperas,  
 quamuis verboreus hoſtè appelles; an ille, cuius præcepta con-  
 temnis, quamuis Dominum voces? An non meminifti ſe duo-  
 bus filiis quos Saluator Iudaïs in exemplum proponit, quorum  
 alter, obedientiam patri pollicitus, nihil præſtitit; alter, obedi-  
 entiam verbis quidem detrectans, iuſſa patris impleuit; priorem à  
 Domino inobedientem, poſtერიorem verò obedientem appella-  
 tum?

Ioan. 4.

Mat. 21.

tum? Vera enim obedientia non in verbis, sed in operibus sita est. Itaque Dominus non inanes voces & verba, sed opera præcipuè, & parèdi studium à nobis requirit. Quid ergo attinet dæmonem verbo solum detestari, abominari, & auditio eius nomine horrere, in terram expuere, & siontem signo crucis munire, si tu mandatis eius obtemperas, si spiritu eius duceris, si illius superbiam, inuidiam, odium in homines, mendacia, & mores imitaris! si denique, quod ille suggerit, ambabus (quod aiunt) manibus amplecteris? Rursum quid adiuuat Christum voce tenus Dominum appellare, si illius imperium recusas? si vniuersa eius præcepta contemnis? si nullo eius amore aut reuerentia tangeris? Si Pater (inquit ille) ego sum, ubi est honor meus? Si Dominus sum, ubi est timor meus? Itaque si verè illum Dominum & appellas & adoras, da operam, ut illum in spiritu & veritate adores. Tunc autem verè & piè adorabis, cum Domini appellationem fidelis obedientia fuerit consecuta; cum vocem & orationem tuam vitæ puritas comitabitur. Hinc sponsus in Canticis prius faciè Sponsæ videre, quàm vocem audire cupit. Ostende, ait, mihi faciem tuam; hoc est, puritatem anime tue, & tunc demum sonet vox tua in auribus meis. Alioqui, si sola tantum Domini vox eius auribus insonauerit, in promptu est, ut tibi ipse dicat: Non omnis qui dicit mihi, Domine, Domine, intrabit in regnum celorum; sed qui facit voluntatè Patris mei, &c. Nequaquam ergo summus ille puritatis & veritatis amator pulchra voce gaudet, si animæ facies deformis sit.

Adde etiam, quòd si Thomæ fidem imitari cupis, non Dominum solum, sed etiam Deum appellare Christum debes, quem admodum ipse appellauit. Iterum hoc in loco dices, te simili modo vtrunque & Deum & Dominum Christum confiteri. Fateor ita esse, informis enim fides hoc efficere potest. Sed memineris velim, quòd sanctorum Patrum scripta ubiq. testantur, nempe hoc unicuique Deum esse, quod ab eo præ ceteris colitur: illud enim est nobis Deus, quòd maximè inuquemur, quod ardentè diligimus, in quo vitæ præsidia collocamus. Vnde fit, ut aliorum quidem Deus venter sit, qui beatæ vitæ summam in ingluvie ponunt; aliorum venerea voluptas; tum alij pecuniam, alij denique inanes honores, & vana imperia, ut numina venerantur. Quidquid illud est, denique quod summum esse statuis, quod ardentissimè cõcupiscis, quod studiosissimè consecraris, in quo beatæ vitæ rationem ponis, id tibi Deus est. Hoc enim nomine Paulus auaritiā, idolorum seruitutem esse dixit. Si tu enim aurum plus diligis quàm Deum; si diuitiis magis seruis quàm Deo; si in illis fiduciā tuam, & felicitatem & omnia vitæ subsidia, vero Deo prorsus neglecto, collocaueris; vter, quæso, tibi re



atque opere ipso Deus, Christus, an Mammona, est? Iam verò cum aliquando honoris, vel voluptatis, vel rei tuendæ ratio, & Christi præcepta sibi invicem obfistunt (quod aliquando fieri necesse est, ut utrunque simul tueri non possis, nec alterum sine alterius iactura retinere) tu verò maiorem honoris & pecuniæ quàm Dei rationem habes, & ne illa amittas, Christi gratiam & amicitiam amittere non vereris: nōne illa in pectore tuo superiora & maiora Deo facis? nōne illa ultimum finē (quod est divinitatis proprium) statuis? nōne illa in Dei sede collocas? Quomodo ergo re ipsa Christum Deum appellas, qui honores, qui divitias, qui ipsam deniq. scēdissimā voluptatem Deo antefers? O verè dignum tali cultore deum! Quid enim vilius, quid turpius, quid magis sordidū, quàm ventrem sibi deum facere? An non pudet adeò nobilem creaturam sic à nobilitatis suæ dignitate degenerasse, ut tam turpis dei obsequio addicta sit?

Simile.

Ex quibus id colligere licet, fratres, quòd quamvis vera idololatria Apostolorū opera è mundo sublata sit, spiritualis tamen idololatria in multorum mentibus perseverat. Et quidem vera idololatria est, argentum & aurum deos credere; spiritualis verò idololatria (auctore Paulo) est, argentū & aurū supra Deum diligere, & propter illa Deum contemnere. Itaque ut aliquādo in morbis evenire solet, ut stomachi morbus in caput migret; ita idololatria ab intellectu in voluntatem aliquando demigravit. Olim quippe mundus creaturas deos esse credebatur; modò verò illas tanquam Deum, imò supra Deum diligit. Quicunque igitur hoc animo sunt, nondū eodē affectū, quo Thomas Apostolus illā cōfessionis vocē exprimit, *Dominus meus, & Deus meus*. Thomas enim adeò consentientem cum intellectu habuit voluntatem, ut Dei amore faucius, & vitæ suæ, & omnibus quæ in vita chara esse possunt, longè antetulit. Postquam enim Parthis, Medis, Persis, Hyrcanis & Bactrianis, Euangelium prædicavit, & Christi fidem, partim doctrina, partim miraculis, partim clarissimis virtutū exēplis longè lateq. propagavit, tandem ab his, qui luci veritatis insensī erant, primū est candentibus laminis adustus, deinde in fornacem cōiectus, ac postremò lanceis confossus. Ita qui adeò incredulus antea exstitit, ut nisi immisā in latus Christi manu se nullatenus crediturum affirmaret, ita postea fidelis & constans in fidei confessione persistit, ut corpus suū igni & ferro cruciandū atq. macandū promptissimò & alacri animo tradiderit. Hæc ergo nos fidē, fratres, charitatis affectu, obedientia, obsequio, & fortitudinis atq. constantiæ robore instruēt atq. munitā imitari studeamus, ut ipsa nos tandē bonorum operū & patientiæ fructu cumulatos, ad sempiternā beatitudinis regnum Domino dirigente perducant.

LISTÆ, CONCIO PRIMA: QUÆ  
lectionem Euangelicam explanat: in cuius fine,  
quid sit spiritualiter in sinu Iesu recumbere, &  
qua ratione fidelis anima ad hoc peruenire queat,  
differitur.

THEMA. *Vidit illum discipulum, quem diligebat Iesus  
sequentem, qui & recubuit in cœna supra pectus eius.  
Ioannis ultimo.*



O s est apud Reges, & Principes viros, quo die  
filius eis nascitur (præsertim si is natus maximus,  
& totius patrimonij hæres futurus sit) festum diem  
agere, & munifica etiam ciuibus suis dona largiri.  
Magna enim felicitatis esse putant, habere quem  
libenter facultatum suarum heredem relinquant, & quo nomen  
suum ac genus posteritati commendent. Hinc in Græcorum  
historiis memoriæ proditum est, Philippum Macedonum Re-  
gem, Alexandri patrem, cum eodem die duo ad eum faustissima  
nuncia perlata essent; alterum, quod exercitus eius bello victor  
extitisset; alterum, quod Olympia vxor filium peperisset; felici-  
tatis huius magnitudine permotum exclamasse; O dii, leui  
aliquo nunc incommodo afficite me! Qua oratione prudentis-  
simus Rex, & fortunæ inconstantiam (quæ nunquam eandem  
semper faciem retinet) & parentum de noua prole lætitiâ sa-  
tis declarauit. Quod si tanta lætitiâ recens natus filius parentes  
afficit (quamuis non ignorent felicitatem hanc sæpe insidio-  
sam, & parum stabilem esse) quantam hodie intemeratæ Vir-  
ginis lætitiâ fuisse credendum est, quæ talem filium, sine vlllo  
aut pudoris detrimento, aut doloris sensu, ad salutem mundi  
emissa est, & quæ in regno iam immortalitatis posita, nullam fe-  
licitatis huius iacturam pertimescit? Nihil enim ibidem fallax  
instabilisque fortuna, nihil casus potest, non eo nubilosi huius  
aëris turbines tempestatesque perueniunt. Non enim erit ibi  
amplius neque luctus, neque clamor, neque vllus dolor; quo-  
niam priora transierunt. Apo. 21.

Sed additur interim hodie lætitiâ lætitiæ, & felicitas felicita-  
ti. Duorum enim filiorum Virginis Mariæ natales dies hodie ce-  
lebramus. Scitis namq. duos Virginis sanctissimæ (quæuis valde  
inter se dissimiles) filios extitisse; alterum quæ cum summo gaudio,  
& Angelorum cœcentu peperit, nepe Christum Dñm; alterum, quæ cum

summo dolore, & totius orbis moerore suscepit, Ioannem scilicet Euangelistam, qui à moriente int' cruce filio Virgini matri in filium datus est. Et namq. iuxta crucem assistenti pendens in cruce Dominus ait; Mulier, ecce filius tuus: Ioanni verò, Ecce mater tua. Quæ quidem Domini vox, ad hanc filij dignitatem discipulo singulari quadam ratione conferendam satis fuisse credenda est. Si enim Reges solâ vocis appellatione ex Equitibus Comites vel Duces faciunt; quid faciet illa cælestis Regis atq. omnium Domini vox, qui vocat ea quæ non sunt, tanquam ea quæ sunt, cum sacra Virgini, matri; Ioanni verò, filij nomen indidit? Qua quidē appellatione sic cor Ioannis illo tempore erga Virginem affectum est, sic nouam matrem notum est amore & reuerentia prosecutus, sic denique se totum eius tradidit obsequio, ac si verè naturæ ordine filius extitisset, & multo etiam amplius. Quod planè idem Euangelista designauit, cum ait: Et ex illa hora accepit eam discipulus in suam: hoc est, ita eam coluit, ita erga illam affectus fuit, ac si naturæ eius mater esset. Si enim D. Ambrosio dicere licuit, se non minus diligere quos per Euangelium Christo lucrificasset, quàm si carne genuisset (cum non sit, vt idē ait, infirmior gratia quàm natura) quid de Ioanne credendum est, cui à dilectissimo Magistro mater Virgo virgini discipulo in matrē data est? Qua dignitate quid gloriosius? Nihil enim præter cælestem Patrem Christus neque in cælo, neq. in terra, matre sua charius habet: quā tamen discipulo in matrem assignans, ex discipulo fratrem fecit. Quod si ita Ioannes matrē Virginē dilexit, non minus utique ab ea dilectus fuit, utpote qui ab amantissimo filio in ipsius locū fuerat subrogatus. Huius ergo posterioris filij natalem hodie quoq. celebramus. Scitis enim, fratres, Sanctorū mortes ab Ecclesia natalium nomine nuncupari. Quia enim sancta Ecclesia nō adeo carnis, sed fidei oculis omnia considerat; ideo vbi carnis oculi nihil nisi luctum & mortem vident, suis illa oculis non mortem, sed natiuitatem intuetur. Si enim natalis dies est, quo homo ex angusto materni vteri ergastulo in hanc fragilē vitam moriturus ingreditur, quomodo non magis natalis dies erit, cū ex hac ærumnosa vita in sempiternam illam nunquā moriturus intraverit? Si ergo (vt antè diximus) tanta lætitia parentes filiorū natalitia celebrare solent, & magna item munera gratulantibus largiri, quid à sacra Virgine hoc die sperandum est, in quo non vnus, sed duorū filiorū natalis dies celebratur? Vt igitur faustissimum hunc diem rehgiosè & piè recolamus, cælestem opem, eiusdem sacratissimæ Virginis interuentu, suppliciter imploremus.

A V E M A R I A.

In lectione sancti Euangelij, fratres, Ioannis Euangelistæ laudes



des breuiter explicantur. Ea enim huius sancti viri humilitas fuit, vt idem ipse laudum suarum præconia, Spiritu sancto dictante, sine vilo instantiæ motu commemoraret. Hoc enim familiare plurimis Sanctorum fuit, vt virtutum suarum ipsi prædicatores existerent; vt ipse qui ab inanis gloriæ periculo tam immunes erant, quam apertè omnia quæ habebant, non laudes suas, sed Dei gratuita dona esse credebant. Sic Moyses mansuetudinem suam; sic Dauid pluribus in locis innocentiam suam; sic Paulus fidem, iustitiam, patientiam, ieiunia, ceterasque virtutes suas commemorat: qui omnes, cum virtutes suas numerant, Dei laudes prædicant, & ad eius amorem & obsequium homines inuitant. Quid enim aliud regius Vates intendebat, cum diceret: Venite, audite, & narrabo vobis omnes qui time-  
 tis Deum, quanta fecit animæ meæ. Nihil ergo mirum, si sanctus Euangelista Christi laudibus suas quoque laudes attexerit; vt virtutum suarum commendatione, ipsum magis virtutum auctorem Dominum commendaret. Quæ tamen Sanctorum exempla non omnibus imitanda proponuntur, nisi us tantum qui simili modo altis in charitate & humilitate radices iecerunt. Nos enim qui stipula leuiore, quauis humanæ laudis aura concitamus, non modò nostra commendare, sed etiam laudantes alios libenter audire prohibemur.

Psal. 65.

Sed quoniam huius sancti Euangelij lectio à superiore narrationis parte pendet, ideo paulo altius eius explanatio repetenda nobis est, vt totius historia seriè intelligamus. Ignor cum Dominus ac Saluator noster post passionem & resurrectionem suam in celum iturus, & corporis sui præsentiam esset hominibus subtrahitur, ne Ecclesia visibilis, visibili Pastore careret; illius gubernacula, & celestis regni clauis, quas antè Petro pollicitus fuerat, tunc re ipsa tradidit, & oues suas illi pascendas commisit.

Atque vt leges & stipendia huius tanti muneris declararet, eidem ait: Cum esses iunior, cingebas te, & ambulabas vbi volebas: postquam autem senueris, alius te cinget, & ducet quò tu nò vis. Hoc autem dicebat, significans qua morte clarificaturus esset Deum. Hoc igitur muneris huius præclarum stipendium est, hæc pastoralis curæ prima lex, vt bonus Pastor animâ suam ponat pro ouibus suis: quam & Princeps pastorum Christus posuit, & cæteris idem suo exemplo cõmendauit. Hoc exemplum Petrus & Paulus, Ecclesiæ principes, hoc cæteri Apostoli, hoc Prophetæ, hoc Pontifices sanctissimi, hoc inuicti Martyres sectati sunt: qui omnes ita Dei gloriâ illustrarunt, vt omnia suppliciorum genera perferre, quam fidem & obedientiam ipsi præstitam violare maluerint. Hoc enim est verè Dominum glorificare, cum illius legi & imperio nihil anteposimus, cum tantum

Iohn. vii.

Iohn. 10.

illius gloriæ, maiestati & bonitati tribuimus, vt dignissimum illum existimemus, pro quo omnia vitæ ornamenta, & vitam ipsam profunderere debeamus. Cum igitur Petrus hanc gloriam sibi à Domino destinatam intellexisset, quærit etiam de dilectissimo Ioanne: *Domine, Hæc autē quid?* Hoc est, si mihi fœdis frango, qui te in passione non modò deserui, sed etiam negaui, hanc laudem & gloriam seruaſti, vt idem mihi crucis vexillū, in quo tu salutem mundi constituisti, concesseris; quam, quæſo, gloriam huic tam familiari amico paratam seruas, qui in sinu tuo recubait? qui cæteris discipulis fugientibus, vnus te secutus est, vnus se tibi comitē præbuit? vnus astitit ante crucem, quem ex discipulo fratrem reddidisti, dum illi matrē tuam cōmendasti?

Quæret fortasse aliquis hoc in loco, cur adeò gloriosum sit variis calamitatibus in hac vita premi. Hac enim de causâ Petrus de Ioanne quærit, quo supplicio afficiendus esset; nimirū intelligens hanc esse præcipuā seruorum Domini gloriam, vt, quo quis apud Deum in maiori honore & amicitia sit, eo maioribus in vita doloribus exagitetur. Si huius rei causam quæris, ea est multiplex atque miranda utilitas, quæ huiusmodi laborū perpeſſionem cōsequitur; atque illa in primis quā Apostolus commemorat, nempe quòd faciat Dñs cum tentatione prouentum; hoc est, aucta tentatione, augeat & robur, & gratiam, vt possimus sustinere. Itaq. cum mundus in pios homines maximè sæuit, tunc Deus maximè blanditur, cum ille persequitur, hic cōsolatur; cum ille deserit, hic præstò adest: & quo magis calamitatis immanitas crescit, eo magis diuini præsidij lumen affulget. Itaque si Sacramenta nouæ legis iure quidem in maximo pretio habentur, quòd ea ex diuina institutione dignè suscipientibus gratiam conferant; tribulationes quoque, quamuis dissimiliratione, in magno pretio habendæ sunt: quæ licet non eodem modo gratiam conferant: cōferunt tamen ex Dei pacto, & promissione; qui se iustis semper affuturū in calamitate promissit. Quin eo blandius suos Dñs cōsolatur, quo violentius aduersus eos fremit mundus. Contemplare mihi, quæſo, Apostolum Paulū, & vide quæ à Dño solatia in laboribus suis percipit. Raptatur, trahitur, proteritur, & pugnis cōtunditur Hierosolymis; at in eadē nocte ipsum cæli ac terrę Dñm audit ad cōstantiam inuitantē, & animū addentē, & incolumitatē ac vitā promittentē, & de se in vrbe Roma testimoniū laturum pollicentē. Lystris verò flagellis cæditur cū Sila, sed eadē nocte caeleste lumen in carcere fulsit, & omnium qui in eo erant vincula soluta fuerūt, ipsiq. vno ore media nocte Dei laudes decantabant. Iactatur in mari sæuissima tēpestas; sed media nocte astat illi Angelus, salutē ei & vectoribus cūctis ob eius gratiā promittēs. Quid verò

Petrum

Ioan. vi.

*Tribulationes vbi;*

1. Cor. 10

Act. 16.

Act. 17.

Petrum Apostolū referā? an nō & ipsum, cū in carcere duabus  
 catenis vinctus stringeretur, media nocte Angelus superueniēs,  
 & tenebras carceris illuminans, vinctum soluit, saluūque &  
 incolumem Ecclesiæ pro eo Dñm deprecanti reddidit? Quid  
 hic protomartyrem Stephanū cōmemorem? An nō is dum ad-  
 uersus illum Iudæi lapides fulmināt, apertis caelis vidit gloriam  
 Dei, & Iesum stantem à dextris virtutis Dei, velut in procinctu  
 adiuuare paratū? Quis hoc solatio lapidū grandines, & senien-  
 tem mundum forti & elato animo non terat? Quis grauissima  
 incōmoda vitæ pro maximis lucris non cōputet, si hac tāta cæ-  
 lestium munerū vsura fruatur? Quid verò Ioannes Euāgelista,  
 cuius hodie festū celebramus? an non ipse in seruientis olei do-  
 lum missus, diuinā in se virtutem expertus est, cū nō mino-  
 ri miraculo ab hoc igne, quā tres olim pueri à fornace Babylo-  
 nis, ereptus fuerit? Quid cū in Pathmos insulam relegatus est?  
 An non ibi Apocalypsim conscripsit? An non ibi totius Ecce-  
 siæ statū, futurorum tēporum euentus, clades impiorū, passio-  
 nes Martyrum, & gloriam electorum (qui ex omnibus gentibus  
 cooptradi erāt) Angelo mōstrante cognouit? Quid deniq. cū  
 iuxta crucem assisteret, dilectissimiq. magistri lacerum corpus  
 acerbissimo animi sui mœrore cerneret; an nō in doloris huius  
 solatium matrem Dei accepit in matrem? Videtis ergo quā  
 verē dictum sit, Dominum facere cum tentatione prouentum,  
 vt possimus sustinere; qui tot in electos suos beneficia, ad vim  
 & impetum calamitatum fortiter sustinendū, confert? Quibus  
 rebus, incredibile dictū est, quanta in animis eorum exardescat  
 amoris erga liberatorem & consolatorem suum magnitudo,  
 quanta fiducia, quanta suauitas, cū iam non solum fide, sed  
 etiam beneficiis exhibitis summam Dei bonitatem, veritatem,  
 fidem, charitatem, & paternam erga se prouidentiam expe-  
 riantur, ac veluti manibus contrectent: quæ res eos ad omnia  
 virtutum officia miro modo promptos & alacres reddit. Vide-  
 tis ergo qua benignitate Dominus electos suos, ad maiorem  
 ipsorum profectum, variis calamitatum fluctibus exagitari pa-  
 tiatur? Nec verò resert quòd iisdem calamitatibus impij sæpius  
 disrumpantur, & veluti dolore furentes, in varia se scelera, hor-  
 rendaque flagitia præcipitent: hoc enim non medicamentu-  
 rum, sed agrotantium vitium est, qui medicamentis ipsis in  
 perniciem suam abutuntur. Sicut enim eodem igne ceram li-  
 quescere, lutum verò durescere videmus; ita eodem tribulatio-  
 nis igne & boni meliores, & mali deteriores euadunt. Cuius rei  
 velut imaginem quādam rubri maris vnda exhibent, quæ filius  
 Israël pro muro erāt à dextris & à sinistris; quæ tamē insequen-  
 tibus Aegyptius exitio fuerūt. Iā verò nubes illa quæ Israëlitarū  
 castra

A&amp;11.

A&amp;1.

Simile.

Exod. 14.



castra ab Aegyptiis separabat, illis quidem lucem praeferbat, his verò tenebras obsundebat. Quocirca mirum non est, si, quæ impiis ruinarum occasio sunt, piis virtutum, & profectus instrumenta fiant; quæ nisi ad hoc valerent, nunquam Dominus amicissimos sibi homines tot cladibus vexari pateretur: ideoq; non temerè Petrus martyrio vitam finiturus, de dilectissimo Ioanne querit, cum ait: *Hic autem quid? Cui Dominus: Sic enim volo manere donec veniam, quid ad te? tu me sequere.* Hoc est, Si ego illum in hac vita superstitem, & passionis expertem permanere volo, quid hoc ad te? quid gloriam tuam minuit, si eiusdem gloriae comitem non habeas? *Tu me sequere:* nimirum meis vestigiis insisterens, & eodem quo ego crucis supplicio ascensum tibi in cælum parans.

Quibus Domini verbis discipuli intellexerunt, Ioannem nequaquam moriturum. Quorum mentem Ioannes ipse corrigit dicens: *Et non dixit illi Iesus, Non morietur, &c.* Hactenus de Evangelica lectione: nunc ad proposita thematis verba redeamus.

### Tractatio Thematis.

*Vidit illum discipulum, quem diligebat Iesus, sequentem, qui & recubuit in cœna supra pectus eius.* In his verbis summa Ioannis excellentia prædicatur; qui cum tanto amore à Domino diligeretur, ut, quemadmodum Philosophi nomine, Aristotelem, propter singularem eius eruditionem, intelligimus, quamvis Philosophi alij apud Græcos & Latinos clarissimi non defuerint; ita planè quamvis discipuli omnes à Christo mira charitate diligerentur (quod idem ipse testatur: cum ait, Sicut dilexit me Pater, & ego dilexi vos) adeò tamen familiari dilectione Ioannes ab eo diligebatur, ut inter dilectissimos discipulos, hoc singulare dilecti nomen sibi solus vindicaret. Hæc autem maxima Ioannis excellentia est, quæ sola homini ad felicitatem sufficit, quæ bonorum omnium atque gratiarum fons est; sine quo frustra cætera Dei dona habentur. Hinc enim & prædestinatio, & vocatio, & magnificatio, & sanctificatio, multa quæ alia diuina beneficia oriuntur. Hæc sola hominem felicem efficit, sine qua miser esset, etiam si omnium aliorum bonorum compos esset. Id adeò verum est, ut eos etiam, qui in gehenna cruciantur, hoc solum pœnarum acerbitas, sed multo magis inimicitia cum Deo susceptæ miseros faciât. Magna ergo Ioannis cõmendatio, illum hac appellatione donari. Potuisset ille siquidem se & Apostolum, & Evangelistam, & Prophetam, & Virginem appellare; sed his omnibus nominibus prætermisiss, se dilectum à Christo discipulum nuncupavit; ex hoc enim fonte omnia hæc laudum insignia, & multa

Ioan. 13.

multa item alia manarunt. Qua in re illud obiter adnotandum est, quanta sit mortiferi peccati gravitas ( quod tamen adeo facile homines admittunt ) quandoquidem per illud à Dei gratia & amicitia homo decedit, & hostis eius efficitur. Quod quidem fatis erat, ut prius homo omnia mundi supplicia perpeti, quam in huiusmodi crimen incidere vellet. Quod sollicitè animadvertere debent, quicumque aut peierant, aut alterius seu famam, seu fortunas lacerant, aut odio fratrem prosequuntur aut vindictam expetunt, aut alienam uxorem concupiscunt. Hæc enim omnia mortifera crimina sunt, per quæ à divina gratia & amicitia cadunt.

Sed ut ad Ioannem redeamus, ex hac prima & summa eius excellentia sequitur alia, nempe Christum Dominum ab eodem Ioanne ardentissima charitate fuisse dilectum. Amor quippe animorum vnio. & veluti glutinum quoddam est, quo animi ita inuicem copulantur, ut amans amatum, tanquam seipsum, non tanquam alium, diligat. Vnde illud necessario sequitur, ut, quæ quisque sibi bona velit, eadem etiam dilecto velit, quandoquidem vnium cum illo per amorem effectus est. Quia verò in Deo idem velle atque facere est ( solo enim voluntatis imperio omnia condidit ) consequens profectò est, ut, cui plurimum velit, plurimum conferat. Quocirca cum inter Dei dona excellentissima sit charitas, hanc planè in Ioannem Christus Dominus cumulatissime effudit. Adde etià, quòd qui vehementer amant, nihil magis cupiunt, quàm ut amor amore rependatur, nec alia re amoris suo plenè satisfieri posse arbitrantur. Si igitur Christus Dominus tanto amore Ioannem prosequeretur; consequens etiam est, ut mutuam eius dilectionem vehementer optaret, eamque in Ioannis pectus instillaret: cum in eo efficaciter velle & facere, idem sit.

Quantum autem Ioannes dilexerit Christum, solus ille scit, qui spiritum ponderator est; sed mirabiles tamen amoris effectus vim eius latentè produnt. Nam, ut alia huius rei argumenta præteream, quid aliud Euangelium eius, quid insignis illa inter septem Canonicas epistolas, nisi dilectionem, & dilectionis opera, sonant? Quoties verò is in Euangelio hanc eandem sententiam ex persona Domini repetit? Hoc est præceptum meum, ut diligatis inuicem, sicut dilexi vos. Rursumque: Hæc mando vobis, ut diligatis inuicem. Iterumque: Mandatum nouum do vobis, ut inuicem diligatis. Itaque sanctus hic Euangelista, qui tantum in charitatis studio profecerat, ex tota Euangelicar historie serie, ea potissimum sibi scribenda desumpsit, quæ ad animos hominum charitate inflammandos maxime pertinebant. Vnusquisque enim ea potissimum tractat, ea versat ac voluit, ea

Ioan. 15.

Ibidem.

Ioan. 13.

semper

semper in ore habet, quibus magnopere delectatur. Cum olim magna fuisset de Apocalypsi Ioannis exorta controuersia, dum quidā Ioanni cuidam presbytero, alij Ioanni Euāgelistę tribuerent; illo argumento permoti quā plurimi sunt, vt Ioannis illam esse negarent, quod in ea nō esset tam frequens charitatis inculcatio, neque tam crebra amoris repetitio, quantum illius natura, ingenium, mores, & consuetudo postulare videbantur; ideoque tanquam spurium ferum nequaquam esse Ioanni tribuendum, qui charitatis cōmendatione non redundaret. Quorum opinio multis fuit argumentis repudiata. Quā tamen de re ambigere modō non licet, cū Ecclesia hunc esse Ioannis Euangelistę librum definierit. Quid verō illud, quod cū festino cōfectus ā discipulis ad Ecclesiam portaretur, vt fideles salutaribus pręceptis imbueret; hanc identidē sententiam inculcabat: Filioli, diligamus inuicem? Cumq. ab eo quæreretur, cur eadem toties verba repeteret, dignam (vt D. Hieron. ait) Apostolica auctoritate sentētiā protulit: Quia, inquit, pręceptum Dñi est; & si solum fiat, sufficit. Si ergo (vt Euāgelica vox testatur) ex abundātia cordis os loquitur, quantū, quāso, sancta huius viri charitas abundabat in corde, quā adeo frequēs erat in ore?

I I.

Sed quoniam de Ioannis charitate diximus, dignum est vt de charitatis fructibus & effectibus pauca dicamus. Ad hoc autem opus erit, vt aures dicenti mihi prōptiores adhibeatis; quicunque diuini amoris desiderio flagratis. Inter hos autem fructus pręcipuus esse videtur, qui Ioanni contigit, nē recumbere in sinu Iesu. Nō vulgaris quippe familiaritatis & dilectionis indicium est, in sinu recumbere alterius. Nemo enim hoc audet, nisi qui admodum familiari amicitia alteri coniunctus est. Quid est autem in sinu Iesu recumbere? O si nunc nobis huius mysticę Theologicę mysterium Ioannes ipse, qui in hoc sinu recubuit, aperiret? Ego qui ab hac singulari gratia tam longē absum, quid certi & explorati hac in re dicere valeam? sed conandum tamen est, vt ex litteris sanctis aliquid ad huius mysterij explicationē afferamus. Principio igitur, recūbere, idem esse videretur quod alicui rei inniti, quale illud est; In te omnis domus inclinata recumbit. Hoc autem modō Sponsa in Cant. Sponso innitebatur: de ipsa namque ibidem dicitur, Quę est ista quę ascendit de deserto, deliciis affluens, innixa super dilectū suum? Illa autē anima super dilectū suū innititur, quę humana cuncta pręsidia inania esse intelligens, sibi quę ipsi dissidens, vni Deo fidit, vni illi innititur, in illo spem omnem reponit, in illum curam omnem suam & solitudinem proicit, qui nullius spem fallere potest. Deinde in sinu Iesu recumbere, est, in illo obdormiscere,

Hieron.

Mal. 12.

Recumbere.

Cant. 2.



miscere, illius amplexibus frui, & per eum in pace illa, quæ exuperat omnē sensum, gaudere. Hoc autē modo in illum recumbunt, qui non modò spes omnes, sed omnes etiam cogitationes & voluptates suas in vno illo positas habēt, qui vnus instar omnium, & supra omnia est. Sicut enim vnus Sol plus mundum quàm omnia simul astra illuminat, ita vnus ille longè plenius atq. felicius mētem hominis, quàm creata omnia reficit & implet: quæ quidē refectio spiritalis animæ quies & somnus est; qua videlicet inexplēbilis hominis voluntas plenissimè satiata, ita reficitur & quiescit, vt nihil aliud optet, nihil curare velit, pro nihilo deniq. omnia ducat, quæ irrequietis & turbidis huius seculi moribus mētem nostrā sollicitā anxiamve suspēdere queāt.

Simile.

Hunc autē somnū carpebat sanctus ille Propheta, qui ait: In pace in idipsum dormiam & requiescam: Quoniam tu Domine singulariter in spe constituisti me; hoc est, quoniam tu Domine mihi præstitisti, vt spem omnem & amorem, curas & cogitationes omnes in te vno collocarem, ideo firmiter tibi vni adhærēs, securus dormio & quiesco: quia, qui tibi fidunt, sicut mons Sion stabiles & immoti permanēt. Hoc item modo Sponsa in Cant. 2. ticiis dormiebat, cuius somnus adeò charus & pretiosus Sponsus erat, vt filias Sion per capreas ceruosq. camporum adiuraret, ne illam ab eo somno excitarent, donec ipsa veller. Hic ergo somnus est, quem recubitus Ioannis designat, qui non tantum in cœna Domini, sed toto vitæ spatio, etiam cum in feruentis olei dolium mitteretur, perdurasse credendus est: semper enim recumbebat in sinu Iesu, qui semper in sinu suo gestabat Iesum, qui illum intra viscera retinebat, qui eius semper amore æstuebat, qui deliciis eius fruebatur, qui in vno illo suauiter acquiescebat, ac demū qui cum Sponsa dicere poterat, Fasciculus myrrhæ dilectus meus mihi, inter vbera mea commorabitur. Cant. 1.

Quod si fortè quæras, vnde recubitus & somnus iste oriatur; dictum paulo antè à nobis est, eum esse charitatis fructum & effectū. Quod si rursum quæras, vnde ipsa charitas manet, multos hæc virtus fontes habet, à quibus scaturire solet. Sed præcipuè tamen oratio, diuinarumq. rerum contemplatio, familiaris cum Deo consuetudo charitatē incendere & augere solent, cum homo vacat & videt, quàm suauis est Dominus, quando in solitudine & silentio mentis, diuinæ pulchritudinis speciem contempletur, quando immensæ bonitatis eius abyssus immergitur, quando innumera eius beneficia animo voluit. Harū enim rerum assidua commentatione cor nostrum mirabiliter in illius immensæ pulchritudinis & bonitatis amorē accenditur. Ex hac autē dilectione, firma quædā fiducia nascitur, qua homo fidēter in eo audet recubere quem ardentè amat. Vnde scriptum est; Sperent

**Psalm. 9.** Sperent in re. qui nouerunt nomen tuum: hoc est, qui non tam legendo, quàm fruendo, bonitatis & suauitatis tuæ dulcedinem agnouerunt (amore enim, vt D. Greg. ait, cognitio quædam est) hi namque amando didicerunt, quantū piis omnibus in diuina bonitate perfugium sit. Ex hac autem firma in Deum fiducia, mira quædam securitas, & pax illa, quæ exuperat omnem sensum, deriuatur: quæ inanes metus & sollicitudines, ceterasque animi agnitudines ac perturbationes pellit. Ex quibus omnibus confurgit plenissima illa refectio atque suauitas, omnibus deliciis affluens: quæ cū nihil aliud appetat, quàm quod habet; animam quiescere atque dormire, & in sinu Iesu recumbere molliter facit. Quam quidē suauitatem D. Bernardus experiebat, cū ait: Stans in domo solitudinis quasi onager solitarius, & habitaculum habens in terra saluginis, & attrahens ventum amoris mei, os meum aperio ad te Domine, & attraho spiritum, & nonnunquam, Domine, quasi clausis oculis ad te inbiantem mittis in os cordis, quod non licet mihi scire quid sit. Saporem quidem sentio; dulcedinem adeo confortantem, vt, si perficeretur in me, nihil ultra quærerem. Hactenus Bernardus. Hæc est autem illa piorum hominum suauitas, quam sub nomine Beniamin, Moyses describit, cū ait: Beniamin amantissimus Domini habitabit confidenter; tota die in thalamo commorabitur, & inter humeros illius requiescet. Quibus verbis, ea quæ diximus, paucis comprehēsa sunt. Nam quod amantissimum Beniamin appellat; charitatem hoc nomine apertè significat, quæ felicitatis huius fons & origo est: quod autem hunc fidenter habitare dicit, fiduciam solidam & viuam, quæ ex charitate nascitur, designat. Quod verò ait, Tota die in thalamo commorabitur; studium sanctæ orationis, & internæ vacationis, insinuat, qua veri Dei amici intra conscientie suæ thalamum, in quo cælestis Sponsus requiescit, cum illo commorantur. Porro autem quod in fine subdit, Inter humeros illius requiescet; id quidem est quod ex his omnibus consequitur, nempe deliciis omnibus affluere, tranquilla securitate, interna pace, iucundissima suauitate, & plenissima satietate in Deo frui. Hoc est autem in sinu Iesu recumbere: quod quamuis Ioanni singulari privilegio fuerit concessum, multis tamen Sanctorum, pro cuiusque meritis & virtute, spiritualiter donatur.

Non existimo autem vos omnes tam dura gestare præcordia, quin huius suauissimi somni atq. recubitus in sinu Iesu desiderium capiat, ac proinde rationē quærere, qua ad felicissimum hunc statū peruenire valeatis. Hoc autē Propheta docet, cū his verbis Christi sponfam erudit: Audi filia, & vide, & inclina aurē tuam, & obliuiscere populū tuum, & domū patris tui, & con-

& concupiscet Rex decorem tuum, &c. Quibus verbis declarat, primum ad hanc felicitatem gradum esse, terrena omnia despicere, mentemq. ad cælestia & diuina transferre; atq. vt vno verbo dicam, mori mundo, vt viuas Christo. Quod planè præstabat ille, qui dicebat, Quid mihi est in cælo? & à te quid volui super terram? Defecit caro mea, & cor meum, Deus cordis mei, & pars mea Deus in æternū. Quod perinde est ac si diceret: Quis mihi placeat in cælo præter te? què ego in terris amem, colam, suspiciam præter te? certè reliqua omnia mihi sordent, te vnum amplector, te vnum opto, te vnum suspiro atque ardeo, qui vnus es amandus & colendus, & roto animo desiderandus. Tabescit desiderio tui animus & corpus meum: tu Domine vis & robur es mentis meæ, tu opes, tu copiar, tu sempiterna hæreditas mea. Cor itaq. ab omnibus terrenis curis, cogitationibus, voluptatibus auocandum est, &, quatenus fieri possit, totum ad cælestia transferendum, quo ad hanc mundo incognitam felicitatem perueniamus, quæ non in externo apparatu, sed in internis Spiritus sancti muneribus sita est, quibus filia Regis miro modo fulget in vèstitu deaurato, circumdata varitate.

Psal. 72.

Psal. 44.

Ad hanc autem cælestem philosophiam tradendam vnicus Dei Filius venit in mundum; eamq. hoc die in stabulo natus, & in præsepio positus, sine strepitu verborū plenissimè docet. Cum enim infans hic sit ipsa Sapientia Patris, qui nouit reprobare malum, & eligere bonum: non dubium, quin quod ille reprobaui, reiiciendū; quod verò elegit, amplectendum sit. Eo autem ipso quod stabulum atq. præsepe natiuitatis suæ sedem delegit (in quo summa paupertas, extrema vilitas, maximaq. asperitas sita erat) omnes mundi opes, honores, atq. delicias; hoc est, quidquid mundus caprat, ambit, atque ardet, repudiauit, profligauit, & quodammodo capite damnavit. Quo exemplo summā quandam hominum cæcitatem, humanæ vitæ perturbatricem, damnavit. Omnes enim mortales flagrantissimo studio ad felicitatem aspirant, quam tamen in terrenorum bonorū affluentia sitam esse putantes, ea incredibili ardore & cupiditate sectantur. Tantum verò abest, vt horum bonorū affluentia felices homines faciat, vt vix quidquam veræ felicitati (quæ in sola summi boni adeptione sita est) magis esse possit impedimento; quando hæc omnia mentem nostrā ad Deum sese attollere conantem, velut ex alto deiciunt, & ad sese per amorem trahunt. Hoc est autem quod stabulum illud atque præsepe magna voce testatur, in quo sapientissimus infans homines exemplo suo à falsa & insidiosa felicitate, ad veram, quæ in solo Deo, & terrenarum rerum contempzione sita est, traducere conatur.

Isai. 15.

Proximis verò gradus (vt antè diximus) est, diuinis rebus af-

Tom. 5.

H

fuescere,



crescere, secum habitare, cum Deo colloqui, cælestium rerum  
 contemplatione pasci, & intra cordis sui penetralia Deum quæ-  
 rere, ac denique Propheticum illud implere; Gustare & videre  
 quoniam suavis est Dominus. His enim sanctis cogitationibus  
 velut igniculis quibusdam, charitatis ignem paulatim incendi,  
 incensumq. seruari certissimum est. Vnde quicumque magis &  
 sibi & Deo vacant, ij quotidie magis in sancto sui odio, & Dei  
 amore proficiunt. His igitur duobus gradibus ad hanc felicitatem  
 quam Christiana philosophia docet, peruenitur. Constat  
 enim, in omni motu tria esse necessaria; nempe terminum à quo  
 motus incipit, & in quem tendit, & medium spatium quo in il-  
 lum tendit. Cum igitur pius homo à falsa ad veram felicitatem,  
 hoc est, à terrenis ad cælestia, & à visibilibus ad inuisibilia bona  
 contendat; primo loco necesse est eum ab hoc visibilium amore  
 seungi, deinde spiritualium rerum contemplationi paulatim  
 assuefcere. Hac enim exercitatione fiet, vt diuinæ dilectionis  
 perfectionem (quatenus in hac vita licet) attingat, sempiternæ-  
 que felicitatis odorem, & velut prælibationem quandam in hac  
 vita percipiat. Hoc autem sancti Patres apertius explicare so-  
 lent, cum mysticę Theologię duo officia esse statuunt, quibus ad  
 fastigium charitatis ( in qua felicitas nostra in hac vita posita  
 est ) peruenitur: carnalium scilicet affectuum & desideriorum  
 mortificatio, qua homo à se ipso, hoc est, ab amore sui recedit;  
 & orationis atque contemplationis studia, quibus ad Deum ac-  
 cedit, atque ita à se ipso deficiens, & in Deum quodammodo  
 transiens, ex carnali spiritualis, ex terreno cælestis euadit. Quam  
 quidem Theologiam Plato etiam multis in locis copiose tractatam,  
 duobus postea verbis sapientissimè comprehendit, cum  
 hominis felicitatem in auersione & conuersione positam esse  
 definiuit: hoc est, in auersione à rebus terrenis, & conuersione  
 ad sempiterna atque immortalia bona. His igitur gradibus eo  
 peruenitur: vt in sinu Christi fidelis anima cum Ioanne re-  
 quiescat, ibidemque velut candida columba nidificet, & repo-  
 nat pullos suos, donec tandem ex quiete transeat in quietem, &  
 ex sabbato in sabbatum: atque ita demum felicitas quæ in hoc  
 sæculo incipitur, plenissima desideriorum omnium quiete, &  
 ineffabili iucunditate, sempiternis sæculorum ætatibus in pa-  
 tria consummatur.

simile.

plato.

115

# IN EODEM FESTO SANCTI

IOANNIS EVANGELISTÆ, CONCIO  
secunda: in qua, post lectionis Euangelicæ expla-  
nationem, de multiplici Ioannis martyrio agitur.

THEMA. *Domine, Hic autem quid? Ioannis ultimo.*



VAM facer ac religiosus hic dies omnibus mor-  
talibus esse debeat, in quo Saluator mundi pro  
nobis nasci misericorditer voluit (vt alia prætere-  
amus) facile declarat multitudo militiæ cælestis,  
quæ hodie de cælis in terram descendens, gloriam  
in altissimis Deo, & in terris pacem hominibus cecinit. Et qui-  
dem in præcipuis Domini solemnitatibus nunquam Angelo-  
rum obsequia defuerunt, quæ ipsas præsentia sua & ministerio  
decorarent. In ipsius namque conceptione Angelus Gabriel  
nuncius & testis tanti mysterij extitit. In resurrectione duo  
Angeli prope sepulchrum eius visi sunt candentibus vestibus  
induti, qui resurrectionis ipsius testimonium darent. In ascen-  
sione verò duo quoq. Angeli in vestibus albis adfuerunt, qui &  
eius ascensum in cælum, & reditum in mundum testati sunt. In  
hac tamen solemnitate non vnus aut alter Angelus, sed Ange-  
lorum exercitus, magna cum luce apparet: nec apparet modò,  
sed cantibus etiam & diuinis laudibus diei huius mysteriũ pro-  
sequitur. Et quidem ab Angelis Dominum laudari, non alienum  
aut nouum est. Quid enim aliud in illa cælesti curia, nisi gratia-  
rum actio, & vox laudis resonat? Ibi Dominum laudant astra  
maturina, & iubilât omnes filij Dei. Ille enim locus, à quo om-  
nis mœror & tristitia exulat, meritò diuinis laudibus dicatus  
est. At in hoc exilio, & lacrymarũ valle (cũ iuxta labentia Ba-  
bylonis flumina sedemus, cũ in salicibus organa nostra mœsti  
suspendimus, cũ cantare iubentibus respondemus; Quomodo  
cantabimus canticum Domini in terra aliena?) non tam decent  
hymni & laudum præconia, quàm lacrymarum & querelarum  
lamenta. Et tamen Angeli, qui festos semper dies in cælis agunt,  
qui perpetuis hymnis Dei maiestatem celebrant, cũ squalen-  
tem orbis faciem cernerent immutatam, cũ terram & caligi-  
nosam terram splendoribus diuinisq. muneribus claram &  
illustrem intuerentur, eisdem vocibus aëra complent, quibus cæ-  
lestes illi orbes perpetuò resonant. Quid hoc, quæso, est, beati  
cælitæ: quomodo cælum terra commutastis? cur adeò peregrini  
locũ diuinis laudibus canēdis elegistis? Nemp̃e his vestris

Lucæ 2.  
Ioan. 20.

Act. 1.

Luc. 2.

Iob 32.

Psal. 136.

H 2      laudibus

laudibus & cantu diuinitatis terram ( quæ hæcenus blasphemiarum voces contra Deum toties edebat, demonumq. laudes personabat) noui Regis aduentu immutandam esse, execratisq. falsis & committitis diis se totam in diuinas laudes effusuram. Quod quidem aperte Esaias vaticinatus est, cum ait: Lætabitur deserta & inuia, & exultabit solitudo, & florebit quasi lilium. Quamobrem? Quia gloria Libani data est ei, decor Carmeli & Saron. Hoc est, quoniam quæ erat desertum & solitudo, & terra inuia & inculta, quæ nisi tribulos & spinas non ferebat, modò per Christum ita excolenda est, vt fecundissima fiat; & omni genere virtutum exornata, fructus proferat æternæ vitæ. Quin & aliam Cantici huius esse causam arbitror; nempe quòd Angeli ipsi præcitant nobis, suoq. nos exemplo ad laudes & gratiarum actiones pro hoc tanto redemptionis nostræ beneficio inuitent. Quid enim aliud homines facere par est, cum videant Vnigenitum Dei Filium, qui est in sinu Patris, in sinu femine descendisse; vt homines non modò in terra, sed in ipsa penè gehenna ( ad quam damnati erant) iacentes, ad cælestes sedes, & Angelorum gaudia euocaret? Quid, quæso, damnati omnes, quid ipsi demones facerent, si (quemadmodum Origenes seminauit) pro ipsorum salute Christus iterum & nasci, & pati dignaretur? Quo magis nos accusandi sumus, qui ne hoc quidem tempore, quo tantum hoc beneficium recolitur, eius magnitudinem cogitamus: hoc est, quis ad nos venerit, quomodo venerit, ad quid venerit, quid ab ipso acceperimus, quid illi debeamus, quid nos facere par sit, non attēdimus. Cæterum quoniam hoc ipso tempore cum Natali Dñi Natalis etiam dilectissimi discipuli celebratur; seposito paulisper Natalis Domini mysterio, in D. Ioannis laudes sermonem hunc expendamus: sed prius tamen diuinam opem, sacratissimæ Virginis interuentu, suppliciter imploremus.

## A V E M A R I A.

Quemadmodum in Euangelica historia Petrus ac Ioannes frequenter coniunguntur, ita præsens lectio ( quæ de Ioannis exitu & laudibus agit) vix à Petri historia, quæ de eius quoque nece, summoque Pontificatu differit, secerni potest. Quamobrem in eius expositione altera pars alteri merito iungenda est. Historia igitur sic habet: Cum Dñs Ecclesiæ suæ, quæ vna est, pastorem vnum præficere voluisset, Petrum inter alios Apostolos potissimum delegit, cui hoc munus delegaret. Cur autem Ioanni hoc non commiserit, quem mira charitate diligebat, ille nouit, qui solus spiritu ponderator est. D. tamen Hieronymus hanc causam affert; quòd inuidiæ occasio quædam cæteris discipulis oblata fuisset, si & adolescentem, & familiariter sibi dilectum, cæteris Dñs præfecisset. Quamuis enim nullus ferè in discipulorum

corda



corda Spiritu sancto plena, liuor irreperere potuisset, auctorem tamen pacis & charitatis hoc facere non decebat. Hoc enim nos exemplo Dominus omnem offendiculi anſam vitare docet.

Sed opere pretium erit videre, quibus verbis hoc officium Dñs Petro demandauerit. Petre, inquit, diligis me plus his? Cui Petrus: Tu ſcis Dñe, quia amo te. Cui Dñs, Paſce, inquit, agnos meos. Cùm verò Dominus idẽ & ſecundò & tertio interrogaret; Petrus tam multiplici interrogatione perturbatus reſpondit: Domine, tu omnia noſti: tu ſcis quia amo te. Cui ruſum Dñs, Paſce, inquit, oues meas. Quæ quidem verba omnia non leuiter à nobis prætereunda ſunt. Vbi primò illud obſeruandum, Dñm non ſimpliciter interrogaffe, Simon Ioannis diligis me? ſed per comparationem, Diligis me plus his? Quibus verbis apertiſſimè docuit, non modò dignum, ſed ceteris etiam digniorem eſſe debere, qui ad paſtorale munus deligatur: & ita digniorem, vt (quemadmodum D. Greg. ait) comparatione eius, ceteri homines in gregum numero computari debeant. Tantum enim ſanctitate atque prudentia præire ceteros debet, quantum vita paſtoris vitam pecudum, rationis expertem, antecellit.

Gregor.

Sed illud hic etiam notandum eſt, quòd quamuis Dominus per comparationem interroget, Petrus tamen ſimpliciter, non comparatiuè reſpòdet: Tu ſcis Dñe, quia amo te. Periculo enim ſuo doctus, quàm eſſet temerarium ſe aliis præferre, didicerat. Qui enim ante paſſionem Dñi hac comparatione vſus fuerat, Et ſi omnes ſcandalizati fuerint in te, ſed ego numquã ſcandalizabor; eas præſumptionis huius pœnas pepedit, vt omnium fere primus ſcandalum pateretur, ſcœdiuſq. aliis corrueret. Quia verò electis (Deo ita ſtatuyente) omnia cooperantur in bonũ, etiam ipſa peccata, vt D. Auguſt. ait: ideo cautior & humilior poſt ruinaſ Petrus aſſurgens, non audet modò ſe aliis præferre, nec ſe (quamuis hoc modo interrogaretur) plus ceteris Dominum diligere conſiteri. Quin & hoc ipſum non ſine quadam animi trepidatione dicebat: vtpote qui, periculo ſuo doctus, in firmitatem ſuam probè nouerat. Ideoq. non tam ſuo ſenſu, quàm Dñi iudicio fretus, Tu, inquit, ſcis Dñe, quia amo te. Quam ſententiam confirmat interor, ac trepidatio illa, quam protinus Euangelista declarat his verbis: Contriſtatus eſt Petrus, quia dixit ei Dominus tertio, Amas me? Contriſtatus autem eſt, non ob aliud, niſi quòd repetita eiufdem rei interrogatio diſſidentiam quandam præ ſe ferre videbatur interrogantis. Qui enim reſpondenti firmiter aſſentitur, vnica reſpòſione contentus eſt: qui verò iterum atq. iterum rogat, nondũ ſe plenè reſpondenti credere oſtendit. Petrus verò cùm antea ſe nullo modo eſſe negaturum & credidiſſet, & prædicafſet (in quo tamen iudicio fuerat deceptus)

Mat. 26.

Rom. 8.  
Auguſt.  
in Medit.

hæret modò ac dubitat, num verè Dominum diligat, quamuis se diligere credat. Præterita enim ruina, huius tantę humilitatis, timoris ac diffidentię illi occasio exitit. Cuius exemplo, fratres, ex ipsis peccatis quę patrauimus, harum virtutum materiam arripere debemus; vt ea nobis & humilitatis, & timoris, & maioris solitudinis occasionem præbeant; nec velimus iterum gustare, quod gustatum attulit mortem, quodquę lacrymarum & amaritudinis nobis poculum propinauit.

Sed illud quoq. negligendum non est, quòd cùm fideles Dñs pascendos Petro commendasset, non fideles aut subditos, sed agnos potissimùm appellauit. Quo quidẽ nomine non temerè Saluator vsus est. Quia enim denominatio ab iis quę in rebus præcipua sunt, deriuari solet; non dubium quin id quod magnopere in Christianis moribus elucere debeat, mansuetudo sit, quę agni nomine significatur; non quòd charitas principem inter virtutes locum non teneat, sed quòd ea potissimùm mansuetudine ac lenitate decorẽ & speciem suam ostendat. Cuius rei gratia ab vtroq. Ioanne ipse quoque Dñs appellatur agnus, qui cùm pios omnes informet spiritu suo, non mirum si agnus agnos efficiat, & agnos lenitate & mansuetudine esse eos velit. Inter ergo agnos cælestis ille Agnus libentissimè commoratur, eosq. in pascuis latissimis propter vberimos Spiritus sancti fontes pascit ac dirigit. Cùm hos igitur agnos Petro Dñs commisisset; quoniam boni pastoris est (vt ipse antea præmonuerat) pro ouibus animam ponere; hanc quoq. gloriam eidem conferens, denuntiavit fore, vt, sicut se in officij dignitate, ita esset in passionis gloria secuturus. Vnde ait: Cùm esses iunior, cingebas te, & ambulabas vbj volebas: postquam autẽ senueris, alius te cinget, & ducet te quò tu non vis. Quę quidẽ allegoria interpretatione nostra non eget; quando S. Euangelista illam exposuit, cùm ait: Hoc autem dixit, significans qua morte clarificaturus esset Deum, videlicet morte crucis: vt, quem imitabatur officio, imitaretur etiam exitu, atq. ita particeps fieret (vt idẽ Ioannes ait) in tribulatione simul, & regno. Sic enim diuina prouidentia post generis humani lapsum vitã hominum instituit, vt gaudio mœror, labori requies, honori onus, ac deniq. secundis aduersa iungerentur; ne si omnia læta essent, supra humanam conditionem, homines efferrètur; si verò tristitia ac funesta, animò cõciderent. Quare nesciunt quid optant, qui more Iudeorũ omnia sibi fausta atq. felicia precantur, quiq. nihil sibi aduersi euenire volunt; cùm tamen à sapientissimo Philosopho dictum sit; Nihil mihi infelicius esse videtur eo cui nihil vnquam contigit aduersi: non enim licuit ei experiri seipsum.

Seneca  
in Epist.

I.  
Cùm ergo Petrus martyrij sui gloriam Dño tradente agnouisset;

uisset, quærit protinus de Ioanne, *Domine, Hic autem quid?* Cùm enim gloriosum sibi esse duceret, quòd per crucis passionem Christo assimilandus esset, nec ipse minorem Ioannes gloriam quàm suam futuram crederet (vtpote quem dilectissimum Dño sciebat), quærit meritò, quæ nam illi passionis & martyrij gloria destinata esset, an eadē ipsa, an aliqua alia? Vide, quæso, quantum ante aduentū etiam Spiritus sancti per amaritudinē lacrymarum Petrus profecerit! Prius enim quàm ad hunc pœnitentiæ gradum peruenisset, indignū esse credebat, pœnas & crucis supplicium pati: vnde Dñm passionis suæ ignominiam prænunciantem ab hac intentione reuocare nitebatur, dicens: Absit à te Dñe, non erit tibi hoc. Cuius Dominus ignorantiam acerrimè compescens, Vade, inquit, satana, scandalum enim mihi es: non enim sapis quæ Dei sunt, sed quæ hominum. Is verò qui tunc temporis terrena tantū sapiebat, & propter Deum pati, dedecus & ignominia iudicabat, modò lacrymis suis & pœnitentiā eruditus, iam humana ignorat, diuina sapit, & summam gloriam crucis supplicium putat: atq. ita de sua felicitate securus, de amicissimi Ioannis exitu & gloria inquiri dicens: *Domine, Hic autem quid?* Quid verò illud, quàm præclarū huius profectus indicium? quòd cùm Dominus piscantibus in mari Tyberiadis, Petro condiscipulisque eius in littore apparuisset, & Petrus voce Ioannis admonitus, Dominum esse intellexisset, tanto eius videndi & amplectendi desiderio incensus est, vt se miserit in mare, quo primus omnium ad illum accederet, cùm cæteri discipuli nauigio venerint. Vis enim amoris in corde eius astuans, hanc breuem moram ferre non potuit, nec consilio locum dedit, sed quacunque ratione fieri posset, ad dilectum per medios fluctus & vndas properare suasit. Ita factum est, vt, qui cæteris infirmior ante passionem Dñi extitisset, modò post pœnitentiæ lamenta feruentior exurrexerit. Vnde statim post tantam huius charitatis significationē opportunè interrogatur à Dño, Simon Ioannis, diligis me plus his? Videtis ergo, fratres, quanti vera pœnitentia facienda sit, ex qua tam magni progressus in virtute consequuntur? Hinc Ioannes Climacus, vbi sanctorum quorundam pœnitentium mirabilem cōpunctionem & labores vidisset, Patrem monasterij, stupore & admiratione correptus adiit. Qui cùm illum vidisset immutatum, & veluti attonitum, intelligens sapientissimus Pater immutationis causam, ait: Quid est Pater Ioannes? Vidisti ne laborantium certamina? Ad quem ille, Vidi, inquam, Pater, vidi, & admiratus sum, felicioresq. eos existimaui, qui post lapsum ita lugent, quàm qui nunquam lapsi sunt, & seipsos non ita desent. Illis enim ruina sua beatissimæ actutissimæ resurrectionis occasio extitit.

Mat. 16.

Ioan. 21.

Ioan.  
Clim.  
Grad. 8.



Sed ut ad propositum redeamus, cū Petrus de Ioanne quæ-  
 sisset: *Domine, hic autē quid?* Dominus respondit: *Sic eum volo ma-  
 nere donec veniam, quid ad te? Tu me sequere.* His verbis Dominus  
 Petri curiosum ingenium notare voluit: quo morbo genus ho-  
 minū grauissimē laborat, qui, seipsum neglectis, aliena tantū cura-  
 re studēt. Sic etiam Apostoli ante, ascensionem Dñi, hoc eodem  
 spiritu acti, quærebant: *Domine, si in tempore hoc restitues re-  
 gnum Israël?* Quam eorum curiositatem Dominus reprimens,  
 Non est, inquit, vestrum nosse tempora, vel momenta, quæ Pa-  
 ter posuit in sua potestate; sed accipietis virtutē, &c. Quasi dice-  
 ret: Hoc ad vos maximē pertinet, ut Spiritus sancti gratiam re-  
 cipiatis: hoc ergo curare; hoc expedite; reliqua verō, quæ ad vos  
 minimē pertinet, missa facite. Quod Dñi consilium vrinā mor-  
 tales omnes amplecterentur, qui tam studiosē aliorū mores, ge-  
 nus, vitam, opes, dicta, facta, & consilia inquirunt, cū tamen  
 seipsum proflus ignorēt, & intra seipsum, tanquā in aliena regio-  
 ne, peregrinentur. Longē tamen aliter nos gerere debere, quidā  
 sanctorum Patrum admonet, dicens: Ut te semper inspicias, ab  
 omnibus aliis oculis auerte. Meritō ergo Dñs ab hac curā Pe-  
 trum soluit, cū ait: *Sic eum volo manere donec veniam, quid ad te?*

His autem verbis innuitur, quod postea declarauit euentus,  
 nempe Ioannem, post aliorū Apostolorū gloriosos agones, diu-  
 tius in hac vita mansurū, nec crucis supplicio, aut alio martyrii  
 genere ē vita migraturū. Aequum enim erat, ut initio nascentis  
 Ecclesiæ lampas aliqua spēdidissima in ea permaneret, ad quam  
 omnes in rebus dubiis confugerēt, donec Ecclesia firmiter con-  
 stituta, ipsa per se firmitatē suam retineret. Hac autem de cau-  
 sa ex feruentis olei dolio (quo genere mortis illum Domitianus  
 occidere volebat) diuina providentia eripuit, ut illum Ecclesiæ  
 2. Reg. 21. stabiliendæ seruaret. Simile quiddam in lib. Reg. legimus: Cū  
 enim David in quodam aduersus Philisthæos certamine de vitā  
 periclitatus fuisset, præsidioq. ei fuisset Abisai; finito certamine  
 serui eius dixerunt: Non egredieris nobiscum amplius in præ-  
 lium, ne extinguas lucernam Israël. Ad hunc ergo modum cū  
 Ioannes in hoc vitæ discrimē adductus fuisset, diuina providen-  
 tia, quæ illum tanquam splendidissimā lucernam supra Ecclesiæ  
 candelabrum posuerat, ex hoc periculo liberatum in nullum  
 aliud simile adduci passus est; ne hanc veritatis lucernā, eo tem-  
 pore maximē necessariam, extingueret. Quemadmodum enim  
 in exordio nascentis mundi eadē diuina Sapientia primos illos  
 homines quam diutissimē viuere voluit, ut numerosam sobo-  
 lem procrearent, quæ per omnia terrarū sola diffunderetur: sic  
 etiam initio nascentis Ecclesiæ necesse erat vnum aliquem ex  
 Apostolis Christi, & eū præcipuē, qui ei in primis charus, maxi-  
 meque

curiositas huius

Aet. 1.

Simile.

meque familiaris fuisset, diu superstitem permanere, eius auctoritate, consilio, & institutione Ecclesia stabiliretur.

Cum igitur Dñs hanc de Ioanne sententiam protulisset, discipuli de Ioannis vita & morte inter se tractare cœperunt. *Exiit enim sermo iste inter fratres, quod discipulus ille nō moritur. Et non dixit Iesus, Non moritur; sed, sic eum volo manere donec veniam.* Ex his verbis magna inter doctores de Ioannis exitu quæstio oborta est. Ex historiis namque Eccles. illud constat, quod sexagesimo octauo post passionem Dñi anno, suæ verò ætatis nonagesimo nono, exstructum sibi apud Ephesum sepulchrū viuens subierit. Tunc splendor tumulo circumfusus, loci hominisque aspectum circumstantibus ademit; quo postmodum remittente, inane apparuit conditorium; nec ipse post id temporis amplius in terris est visus. Hunc autem Ioannis exitum paulo filius Simeon Metaphrastes narrat: ait namque, Ioannem quidem extra ciuitatem cum discipulis egressum, eisdem, vt ligonem & sarculum secum afferrent, præcepisse, ac protinus in montem quendam ascendisse, vbi nunc magnificientissimū in eius honorē templum exstructum est. Cum igitur in eum locū peruenisset, ad discipulos conuersus, Hic, inquit, filij, mihi fodite. Deinde vbi se totum consignasset, dixissetque, Et tu mecum esto Dñe Iesu Christe; astantibusq. subiunxisset, Pax vobis, fratres, in foueam demisit pallium, & ipse quoque in eam descendit. Porro discipuli comas euellebant, genasq. percutiebant, atque orbitatem suam lamentabili voce deplorabant, pastorem, gubernatorē, seruatorem, denique eum qui omnibus omnia erat, inclamantes. Deinde etiam ad ciuitatē accedentes, quod factum erat, ciuibz exposuerunt. Interim autē die illucescente, concurrūt ad monumentū, discere cupientes, num præceptor adhuc superuiueret. Porro is nusquā comparebat, solæ iacebant crepidæ; qui verò eas reliquerat, non apparebat. Discurrunt huc & illuc, quemadmodum ij, qui cum Eliseo erant; scrutantur, inuestigant, sed incastrum tamē. Deinde vix tandē illius vocis recordati, *Sic eum volo manere donec veniam, quid ad te?* ad mentē alacriorem redeunt. Hoc itaq. die, quo hæc contigerunt, splendidus huic Theologo celebratur Ephesi conuentus ab omni hominū genere, & ætate. Præterea in hoc sacro loco, ad quē is cum pallio declinauit, minutus quidā pulvis exoritur, qui accedentibus salutarem in omni morbo medelā præstat. Cum igitur in nocturnis laudibus festi ipsius sacer hic pulvis à ministris populo tradatur; nunquam tamen exhauritur, sed quo amplius colligitur, eo veluti perennis quidā thesaurus manat copiosius; qui simul & participātes reddit ditiores, ac seipso abundantior semper efficitur. Hactenus Metaphrastes. Huius igitur historię occasione magna inter doctores controuersia est,

quid de sacro Ioannis corpore sentiendum sit. Quidam (vt idem Metaphrastes sentit) cum Elia & Enoch illum adhuc viuere, & adseruari credunt; vt tres isti viri triplicis legis in extremo tempore testes sint. Fuit enim ab initio mundi sola naturæ lex: in qua vixit Enoch: fuit deinde scripta, quæ per Moysen data est, cui lex gratiæ successit, quam Christus Dñs in mundum attulit. Ex iis igitur tribus temporibus tres insignes viros elegit Dñs, quos illo tempore earum legum testes proferat. Alij contrà dicunt, non esse vero simile, quòd dilectissimum discipulum Dñs in carne manere, & amantissimi Magistri conspectu tam diu priuari voluerit: quod illi certè molestissimum esset. Quare verisimilius esse credunt, sanctissimā illam animam cum ipso corpore in cælum fuisse translatā, vt, quemadmodū de sacratissima Virgine, quia corpus eius in terra non inuenitur, cum anima in cælū assumptum creditur, idem etiam de Ioanne, adoptionis filio credendum sit. Nam cū corpus eius in terra non appareat, quò potuit purissimum corpus illud nisi in cælum cum anima demigrare? Cur enim ab humanis conspectibus illud Dñs subtrahebat, nisi in beatas illas oras asportare decreuisset: quando quidem aliorū Apostolorum corpora apud nos seruari voluerit? Hoc autem præmium castissimo eius corpori debebatur, vt videlicet expers esset corruptionis, quod tota vita omnis expers fuerat carnalis voluptatis: vt hoc exemplo & virgines puritatem suam, velut pretiosissimum thesaurum tueantur, & carnales homines impuritatem suam perpetuis lamentis desceant.

## I I.

Sed quæret fortasse aliquis, cur Ioannes corona martyrij fraudatus fuerit, qua cæteri Apostoli donati sunt, cū nullū ab homine gratius obsequium Deo exhiberi possit, quàm mortē (quæ terribilium omnium extremum esse dicitur) propter illius gloriam perperi. Ad hoc igitur respondemus: Ioanni Dominum aliud martyrij genus longè acerbius, sine sanguine tamen, destinasse. Hoc enim vos admonitos velim, fratres, eam esse diuinæ amicitiae legem, vt, quos Dominus flagrantiori dilectione prosequitur, grauioribus calamitatibus & laboribus exerceat. Vnde de quodam sanctissimo Patriarcha scriptū est: Custodiuit illum Dominus ab inimicis, & à seductoribus tutauit illum, & certamen forte dedit illi, vt vinceret, hoc est, non vt ab aduersariis victus succumberet, sed vt eos insuperabili fortitudine vincens, de illis gloriosum triumphum duceret. Quo fit, vt, quemadmodum in prælio erga milites suos Duces, ita se Dñs cum dilectissimis amicis in vita gerat. In castris enim periculosa fortissimis imperat Dux, lectissimos mittit, qui nocturnis hostes aggrediatur insidiis, aut explorēt iter, aut præsidium loco deiciāt.

Nemo

Sap. 10.

Simile.



Nemo eorum qui exeunt, dicit, Malè de me Imperator meruit, sed bene iudicauit. Cuius rei causam eleganter Seneca assignat; Lib. de Provid. quòd uidelicet nequaquàm summus ille cælitù Imperator muliebri atq. materna, sed virili atq. paterna dilectione amicos suos prosequatur. Sic enim ait: Non vides quanto aliter patres, alter matres indulgeant? Illi exercitari iubèt liberos ad studia obeunda maturè, feriatis quoque diebus non patiuntur esse otiosos; & sudorem illis, & interdum lacrymas excutiunt. At matres fouere in sinu, continere in vmbra volunt, nunquam flere, nunquam contristari, nunquam laborare. Paternum Deus habet aduersus viros animum, & illos fortius amat, & operibus, doloribus ac damnis exagitat, vt verum colligant robur. Languent per inertiam saginata, nec labore tantum, sed mole, & ipso sui onere deficient. Non fert vllum ictum illæsa felicitas. At vbi assidua fuit cum incommodis suis rixa, callum per iniurias duxit. Hæcenus ille. Hac ergo ratione Dominus dilectissimum discipulum quàm diutissimè in huius vitæ exilio manere voluit, vt acerbissimis illum doloribus ( quæ in diuturna vita accidere necesse est ) exerceret: vt maiora quotidie diuinæ gratiæ incrementa strenuè decertantibus promissa mereretur, & seipso indies fortior atque superior euaderet. Vt enim mercatores quibus magna pecuniarum copia suppetit, nequaquam illam in arca otiosam manere sinunt, sed eam variis mercimoniis exercendis quotidie cumulant: ita Dominus, quos cælestis gratiæ opibus larga & munifica manu locupletauit, nequaquam otiosos esse patitur, sed variis laboribus versat ac voluit; vt fortitudinis & patientiæ meritis gratiarum suarum talenta cumulet. Hi namque sunt, qui peracto huius vitæ curriculo, Regi suo dicunt: Domine, Simile. Mat. 25. quinq. talenta tradidisti mihi, ecce alia quinque superlucratus sum. Hac ergo ratione Ioannem Dominus non vno martyrij genere, vt cæteri discipuli, sed multis acerbissimisq. ( vt ita dixerim ) martyriis eum in tam longa vita torqueri voluit.

Queritis quanam ea sint. Breui ea oratione perstringam, quæ tamen nō exiguum vobis meditandi materiã præbeant. Primum igitur fuit, solum cum ex discipulis omnibus iuxta crucem assistisse, & Magistrum (quem super omnia diligebat) immanissimè cruciatu, & morte turpissima necatum conspexisse, sanguinisq. riuos ex sacratissimis eius vulneribus defluentes vidisse, & ipsas etiam quas gerebat vestes, eius sanguine conspersas, ad maiorem doloris cumulum secum forsitan tulisse. An non igitur hic tantus dolor instar acerbissimi martyrij exitisse putandus est? Quemadmodum enim beatissima Virgo plus quàm martyr extitit, quæ iuxta crucem posita, maternis oculis morientem filium cernens, doloris gladio transfixa fuit; sic Ioannes plus quàm martyr

martyr existimandus est, qui ea patientem dilectissimum Dñm vidit: quæ si quis in hoste etiam cerneret, vix posset misericordia non commoueri, nedum in eo quem supra omnia diligebat.

Secundum verò eius martyrium extitit, quòd triduo illo, quo Dñs tumultu conditus fuit, simul cum beatissima Virgine, & noua matre pertulit, quam plusquàm filiali (vt ita dixerim, amore diligebat; cuius animam sciebat incomparabili atq; inexplicabili doloris gladio fauciatam. Tertium verò fuit eiusdem Virginis gloriosæ funus, à cuius obsequio diuelli, eiusque aspectu & præsentia carere, suauissimoque contubernio & colloquio priuari, grauissimus ille mœtor & cruciatus extitit; cùm se tunc vtroque parente, Christo scilicet & beatissima Virgine, orbatum vidit. His aliud martyrij genus addo, nempe inter impios idolorum cultores (quibus tum mundus refertus erat) tam longo vitæ spatio habitare, & nefaria ipsorum opera castissimis oculis quotidie

Iob 39.  
Ezech. 2.

Mier. 9.

cernere. Si enim sanctus ille Iob dicebat, se fratrem fuisse draconum, & socium struthionum; si Ezechiel Propheta cum scorpionibus habitare dictus est: quid Ioannes sentiret, qui cum eisdem scorpionibus & draconibus habitabat? Si Hieremias Propheta vsque adeò molestè ferebat inter improbos homines vitam agere, vt diceret, Quis det me in solitudine diuersorum viatorum, vt fugiam populum meum? quia omnes adulteri sunt, & cœtus præuicatorum: quid Ioannes, qui quo magis Deum diligebat, hoc acerbius iniurias nomini eius illatas perfererebat? Si Pauli spiritus Athenis incitabatur in seipso, videns idololatricæ deditam ciuitatem; quid Ioannes, qui non minori diuinæ gloriæ desiderio flagrabat?

Act. 17.

Sed aliud acerbissimum martyrij genus extitit (quo cæteri Apostolici caruerunt) quo incredibili dolore sanctissimi discipuli anima cruciata fuit. Vidit enim ætate sua extremum gentis suæ exitium, quod non sine multis lacrymis pius antè Magister præ-nunciauerat; vidit, inquam, regni illius vastitatem, lamentabilemque casum: vidit tantam illam ciuium atque fratrum suorum stragem, qua post orbem conditum nulla vnquam omnibus seculis calamitosior extitit; in qua vndecies centena hominum millia cæsa, & multa hominum millia in captiuitatem abducta cognouit: vidit diruta ciuitatis sanctæ mœnia, solo æquatam Deitemplum, oblitteratam & extinctam religionem, regnumque Dei abiis, qui filij & domestici erant, ablatum, atque Gentibus & alienigenis traditum. Quo autem dolore pium Ioannis pectus hac tanta vastitate percussum fuerit, ex Hieremiæ lamentationibus lacrymisq; coniecere possumus. Si enim propter illam ciuitatis sanctæ captiuitatem atque ruinam, paulo post tempore resarciendam, vsque adeò pij Vatis animus cruciaba-

tur, vt

tur, vt diceret; Diuisiones aquarū deduxit oculus meus in contritione filiarū populi mei: quid de Ioannis dolore dicendum, qui tanto tristiorē casum & captiuitatē nullo vñquam tempore restituentā lugebat: Si cui verō hoc exiguum doloris argumētum videtur, acerbissimū Pauli dolorē propter populi sui cæcitatem contēpleretur, quem ipse his verbis prodidit: Veritatem dico, non mentior, testimonium mihi perhibente conscientia mea in Spiritu sancto: quoniam tristitia mihi magna est, & continuus dolor cordi meo. Optabam enim ego ipse anathema esse à Christo pro fratribus meis qui sunt cognati mei secundū carnē, qui sunt Israëlitar. Si igitur charitas Pauli eō vsq. progressa fuerat, vt propter Iudæorum cæcitātē atq. perfidiā in perpetuo luctu & squalore amarissimā vitam ageret, & (quod est longē mirabilis) anathema pro illis fieri optaret; quid minus de Ioanne existimandū est, qui nō minori charitate & Christum, & fratres suos diligebat, & (quod Paulo minimē contigit) superstes tantæ ipsorum calamitati extitit, eosq. atrocissimas perfidiæ suæ pœnas pendere vidit? Quis hunc Ioannis dolorē pro dignitate poterit æstimare? Quod ergo aliud martyrii genus atrocius in eo requiramus? An non multo libentius quoduis mortis supplicium Ioannes, quā hanc tantam gentis suæ cladem pertulisset? Verissimē enim ab Ecclesiastico dictum est, nullam plagam esse, quæ cum cordis plaga comparari queat. Alij igitur Apostoli martyres quidem corpore, hic martyr animo extitit.

Thren. 3.

Rom. 9.

Ecclesi. 2. 9.

II.

Sed inter hæc tamen spiritualia martyriorū genera non potestremum locū obtinet, tam longo vitæ spatio dilectissimi Magistri conspectu & præsentia caruisse. Sancti quippe viri instar martyrii esse putabant, diutius in hoc seculo detineri, posteaquā celesti lumine collustrati gustauerūt bonū Dei verbū, virtutesque seculi venturi, & torrente diuinæ voluptatis potati sunt. Si enim corpora graua eo velocius in centrū, hoc est, in naturalem locum suum feruntur, quō ad illū propius accedunt, (ea quippe naturalis loci vis, ad se vehementius allicit atque trahit) quanto magis summum illud bonum, quod humanæ mentis velut centrum, & expetendorum vltimum est, ea ad se corda traher, quibus se iam dudum insinuauit, quæque suauissimo odore suo perfudit atq. refecit! Hinc sancti viri omnes mortem quidem in desiderio, vitam autem in patientia habere dicuntur. Quamobrem inter egregias beati Martini laudes, illa meritō celebratur, quod mortis iam (hoc est, sempiternæ felicitatis gloriæ proximus) dixerit: Domine, iam satis est quōd huc vsq. certavi, sed quoad ipse iusseris militabo. Si igitur adeo grauiter omnes Dei amicos exilij huius incolatus angebat, vt cum Prophe-

Hebr. 6.  
Psalm. 35.  
Simile.

ta que-



**Psal. 119.** ta quærentur; Hei mihi, quia incolatus meus prolongatus est (quamvis ij nec in gratia confirmati, nec de salute sua securi essent:) quid de dilectissimo discipulo credendum est, qui quo ardentius Dominum diligebat, eo vehementius & illius immensæ pulchritudinis speciem, cernere, & in illius pectore requiescere desiderabat; præsertim cum tam longo sexaginta & octo annorum spatio, hoc tantum illius bonum differretur, cæteris eius fratribus in pace quiescentibus, dilectissimique Magistri consortio fruentibus? Itaque alios Dominus per mortem martyres efficiebat; Ioannem verò noua ratione per vitam, flagrantissimumque videndi Magistri desiderium martyrem fecit. Huius autem desiderij cruciatum solus ille intelligit, qui ardentissimè Dominum diligit, qui cum Propheta dicere potest: *Quemadmodum desiderat ceruus ad fontes aquarum, ita desiderat anima mea ad te Deus:* & Fuerunt mihi lacrymæ meæ panes die ac nocte, &c. Amor enim (vt antè diximus) est animorum coniunctio. Vnde fit, vt conquiescere non possit, cum ab eo segregatur quem vnice amat.

**Psal. 41.**

Atque hac præcipuè ratione, fratres, de vestra erga Deum dilectione coniecturam facere poteritis. Vix enim quisquam est, qui si an Deum diligat rogetur, non se illum toto corde diligere confiteatur. Cæterum ad amoris veritatem non satis est vnus linguæ testimonium, nisi cætera quoque membra & opera nostra cum ea conspirent. Amoris autem duo præcipua officia esse dicuntur; alterū, libenter pro re amata labores perpetui; alterum, eius præsentiam sitire, deque ea libenter loqui, tractare, agere, & cogitare: hoc est, quatenus licet, hoc modo cum illa semper versari. Quæ quidem causa viris sanctis fuit, vt nunquam (quoad fieri posset) à colloquiis diuinis & oratione cessarent, nec vlla in hoc studio satietate afficerentur. Cum hæc igitur sint præcipua veræ dilectionis opera, si tu omnem pro Christo laborem detrectas, si Ecclesiæ ieiunia, si carnis macerationem refugis, si voluptatum & libidinum tuarum impetum sequeris, teque ab omni honesto labore subducis, si vix vquam cum Deo in oratione loqueris, nec illum intra te loquentem audis, si fastidium tibi verba Dei pariunt, si sacra lectio nauseam prouocat, si nulla ex diuinis rebus caperis voluptate, si nullo videnti Dei desiderio æstuas, si maximam vitæ partem sine beneficiorum ipsius recordatione transigis; cum nihil, inquam, in te horum videam (quæ veræ dilectionis indicia sunt) quibus, quæso, argumentis Deum abs te diligere credam? Falleris, frater, falleris, si amorem verbis iactas, vbi verbis opera non consentiunt. In hoc igitur, fratres, speculo animæ nostræ faciem contemplemur, hoc exemplo animæ nostræ statum metientes. Cui enim

enim nostrum mors est in desiderio, vitaque in patientia? Quis huius vitæ fastidio ita laborat, ut supplicium reputet diutius in ea detineri? Quis ita mortem optat, ac non potius eam maxime reformidat? imò verò quam multi sunt sic huius vitæ amore capti, ut, si eam illis Dominus æternam concederet, non libenter amplecterentur, & alteram valere sinerent? Quomodo ergo Deum diligere credendus est, qui nullo illius videndi desiderio tenetur? qui libenter illo perpetuò careret, cuius cor in terra penitus defixum est. O miserandam temporum nostrorum conditionem! ô algentia in Dei amore pectora! Sola infelices nos terrenorum cogitatio oblectat, sola dormientes excitat, vigilantes occupat, gradientes comitatur, ad illam solum attentum sumus, in ea sine vlllo fastidio perpetuò versamur, vixque vlla cælestium rerum cogitatio, desiderium aut cura nos tangit.

Aristotelis sententia est, proprium esse virtutum omnium, & Aristot. habituum qui in anima nostra sunt, promptè & suauiter actiones suas exercere: aliter enim neque virtutis, neque habitus nomina merentur. Quæ ergo fieri potest, ut verè Deum diligat, veraque sit erga illum charitate incensus, qui cum de Deo, rebusque diuinis aut loquitur, aut cogitat, nulla suauitate, nulla dulcedine oblectatur? Præterea si proprius cælestis gratiæ effectus est, ad eum locum mentem hominis eleuare vnde ipsa digressa est (est enim fons aquæ saliens in vitam æternam) quomodo de diuina gratia gloriatur, qui ad cælestia non aspirat, qui Ioh. 4. eò non tendit vnde gratia ipsa defluxit? Vertamus ergo vela, fratres, & eò vitæ cursum dirigamus, ad quod ab ipso Deo conditi, redempti, & vocati sumus. Qui enim cæli ciues adscripti sumus, cælestia tractemus, ea in corde & ore versemus, ad ea toto studio contendamus, hæc dies noctesque cogitemus, nullumque propter ea laborem recusemus, ut ad illa tandem felici cursu peruenire mereamur.

## IN FESTO SANCTI IOANNIS

EVANGELISTÆ, CONCIO TERTIA:

in qua primùm de singulari Christi erga Ioannem amore, ac deinde de communi Dei in genus humanum charitate, agitur.

**T H E M A.** *Vidit illum discipulum, quem diligebat Iesus, sequentem, qui & recubuit in cœna super pectus eius. Ioannis ultimo.*



**C**VM multæ, ac penè innumeræ causæ sint, quæ nos, fratres, ad Conditoris nostri amorem & obedientiam prouocare, & quodammodo cogere videantur, illa nos vel maximè vrget, quæ ex immanfa Dei bonitate, benignitate, & plus quàm materna erga suos cura & indulgentia, colligitur. Dum enim pij homines vel Vitas sanctorum Patrum legunt, vel piorum hominum, familiariumquæ Dei amicorum secreta cognoscunt, animaduertuntquæ qualem Pater ille cælestis suorum curam & providentiam gerat, quibus eos gratiæ suæ opibus cumulet, quibus gaudiis & consolationibus lætificet, quibus armis, & laborum exercitatione ad certamina communiar, qua luce mentes eorum perfundat, quanta gloria, tam in vita, quàm in morte, non illos modò, sed eorū etiam posteros ornet (vtpote qui facit misericordiam in millia his qui diligunt illum) hæc, inquam, omnia cum animo & cogitatione diligèter pertractant, in huius tantæ bonitatis, charitatis, & suauitatis amorem mirabiliter rapiuntur, & se totos eius obsequio addicere cupiunt: quem non minus pium & beneuolum experturi sunt, si eum ardenti studio, & tota mente coluerint. Ad hos namq. omnes illa Domini promissio pertinet: Ad vbera portabimini, & super genua blandientur vobis. Quomodo si cui mater blandiatur, ita ego consolabor vos. Possem equidè plurima huius rei exempla referre, possem in medium producere Moysen, qui facie ad faciem, vt amicus amicum, Dominum alloquebatur. Possem Apostolum Petrum commemorare, cuius vel sola corporis vmbra salutem ægris omnibus conferebat. Possem coapostolum eius Paulum, qui raptus in paradysum, audiuit arcana verba, quæ non licet homini loqui. Possem denique ex recenti memoria nostra Catharinam Senensem afferre, quam admirabili charitate sibi Dei

Filius



Filius desponsauit; quam per se frequenter inuisere, familiariter alloqui, salutaribus præceptis imbueri, singulari splendore illustrare, amantissimis verbis exhilarare, & annulo etiam tanquam firmissimo sponsalium pignore donare, ac tandem sponsæ loco assumere dignatus est. His tamen omnibus prætermittis, vnum Ioannem Euangelistam in medium proferam, quem admirandis Seruator noster amoris priuilegiis clarum & insignem reddidit: vt ita tandem quicumque pietatis studiosi sunt, apertè videant, quàm beneficum Dominum, atque pium parentem colant & venerentur, & quàm eximia atque præclara munera ab immensa illius bonitate atq. magnificentia expectare debeant; & improbi contra lugeant, quòd vitio suo tam præclaris Dei beneficiis atque donis, non in altera tantùm vita, sed in hac etiam se ipsos priuent atque defraudent. Vt autem hoc argumentum piè & vtiliter tractare possimus; caelestem opem sacratissimæ Virginis interuentu, suppliciter imploremus.

## A V E M A R I A.

Floruit olim apud Gentiles insignis quidam pictor, qui vbi magno studio atque arte absolutissimum Helenæ simulachrum depinxisset, sui quoq. ipsius imaginem in eadem tabula non minore arte ad viuum sic expressit, vt nemo pulcherrimam illam tabulam intueretur, quin artificis quoque effigiem cerneret. Simile quiddam mihi Euangelista Ioannes in hodierna sancti Euangelij lectione fecisse videtur. Cùm enim in Euangelio suo absolutissimum vitæ Domini Saluatoris simulachrum diuinis coloribus expressisset, nobisque velut in tabula spectandum proposuisset; in calce tandem pulcherrimi operis seipsum quoque, hoc est, laudes, & ornamenta quibus fuerat ab ipso Domino affectus, descripsit. Quantum autem ex huius Euangelij lectione, cæterisq. colligere licet, hoc in summa deprehendimus, Ioannem quidem in omnibus donis atque priuilegijs, quæ cæteris Apostolis tributa sunt, nulla in re fuisse inferiorem, in multis tamen superiorem & ornatiorem extitisse. Primum enim ex septuaginta duobus discipulis, duodecim Dñs elegit, quos & Apostolos nominauit: qui (vt Paulus ait) inter omnes Ecclesiæ gradus principem locum tenent. In horum autem illustrem & gloriosum numerum (vt hinc illius laudes enumerare incipiamus) eum cooptatum fuisse scimus. Ad tres deinde Euangelistas, quos idem Dominus rerum à se gestarum scriptores esse voluit, quarto loco accessisse, atque inter omnes quidè mirabiliter excelluisse non ignoramus. Ex tribus autem Apostolis, quos Dominus ad duo longè diuersa maximeque miranda spectacula contuenda elegit, vt videlicet eius faciem in monte quidam Sole splendidiorem, in horto verò pallore mortis, & san-

1 Cor. 3.

guineo sudore perfusam cernerent, hunc etiam vnum extitisse constat. Ex duobus autē quos pramissit, vt Pascha sibi morituro pararent, hunc vnū fuisse legimus. Harum igitur siue communium, siue singulariū aliorum Apostolorū laudū particeps semper fuit Ioannes. At multis aliis laudibus, & peculiari gloria ita ipse solus floruit, vt sociū, aut parē neminē habuerit. Vnus enim fuit, qui virgo à Dño electus, virginitatem perpetuò conseruauit. Vnus, qui ceteris in passione Dñi fugientibus, & eundem vel abnegantibus, vel deserentibus, nunquā ferē destituit, neq. frangi aliquo timore potuit, quo minūs illū omniū itinerū atq. laborū indiuiduus comes ad crucē vsque sequeretur, & iuxta illam ardētissimā charitate inflāmatu astatet, eo presertim tempore, quo omnes eius notī atq. amici (vt ait Euangelista) à longē stabant. Vnus præterea fuit, cui Dñs, in cruce pendens, matrem virginem virgini commendauit. Vnus, qui supra pectus Dñi in cœna recubuit, eundemq. interrogauit: Dñe, quis est qui tradet te? Vnus, qui singularem huius nominis dignitatem promeruit, vt appellaretur discipulus quē diligebat Iesus. Vnus postremò, cuius maximē mirabilis extitit: corpus siquidem eius nusquā in terris apparet, sed (vt multi sanctorum Patrum piē testificantur) cum corpore simul & anima in beatas illas immortalitatis oras assumptus est; quod nulli Apostolorum contigisse legimus: corpora enim eorū apud nos adhuc in terris manēt, cū animę tamē sempiternis gaudiis in cœlo perfruantur.

## I.

Satis quidem constat, inter omnia Dei munera primum esse à Deo diligi: ab eo enim diligi, est eius dilectione dignū fieri. Hoc enim (vt D. Thomas ait) inter diuinā & humanam dilectionem atq. electionem distat, quòd homines cordati eos diligunt, quos ea dilectione & electione dignos esse cognoscunt. At omnipotens Deus, qui vocat ea quæ non sunt, tanquam ea quæ sunt; eo ipso quòd alios diligit, vel ad munus aliquod administrandum eligit, ipsa sua dilectione & commissio munere dignissimos efficit. Qua de re sic Picus Mirandulanus, cum Deo loquens, ait:

*Maiores in erratis bonitatis gloria nostra:*

*Et dare non dignis, res magis digna Deo est.*

*Quamquam sat dignis, si quos dignatur amare;*

*Qui, quos non dignos inuenit, ipse facit.*

Sed vt ad institutum redeamus: Christi erga Ioannem dilectio nō cōmunis & vulgaris, sed singularis & rara extitit: quod quidem illius nomen apertē declarat. Hoc autem cuius dignitatis & glorię sit, aulicorū exemplo discimus. Hi enim ad fores palatii Regem obseruāt, nec ante illius conspectū, nisi iussi, venire audent, & cū magna timoris & reuerentię significatione coram illo

illo assistit. At si quis singulari apud Regē gratia floruerit, omnes ei honorē deferunt, illi assurgunt, fores ei semper patēt, iniussu Regē adit, omnesq. Regis ministri illi obsequuntur & inferiunt. Quā ergo dignitatē & excellentiā inter ceteros regni Proceres is obtinet, qui vnicē Regi charus est; eandē inter sanctos & Dei ministros is tenet, qui singulari ab eo amore diligitur: quo quidē nomine Ioannē hoc loco pręcipuē cōmendamus.

Rationi autē consensaneum videtur, vt paulo diligentius expendamus, quibus potissimū argumentis singularem erga illum Christus Dñs dilectionem ostenderit. Quatuor autem ( vt cetera omittā ) pręcipuis signis vim amoris, quo amicū prosequimur, declaramus: si videlicet in illū beneficia conferimus; si familiaritatis illi signa exhibemus; si secretorū participem facimus; si postremo res pretiosas, nobisq. valde charas, illius fidei committimus. Hęc autem nunc sigillatim in Ioanne consideremus. Principiō igitur (quod ad beneficiorum collationem attinet): tantis quidem fuit atq. tam eximiis muneribus ornatus, vt, quidquid aliis per partes donatum est, totum penē fuerit in vnum illum simul congestum. Apostolus enim, Propheta, Euāgelista, Martyr, Confessor, Doctor, Pontifex, & Virgo exstitit. Quid ergo amplius in illo desiderare possumus? Si vnaquęque harū dignitatum illustrem & gloriosum efficit habentem; qua dignitate & gloria florebit, qui omnibus his simul titulis decoratus fulget? Nec omnino martyrii gloria (saltē essentiali, vt vocant) caruisse putandus est, cum Dñs illi, atque eius fratri dixerit, Calicem quidem meum bibetis; & cum pręterea is in Pathmos insulam fuerit relegatus, atque in dolium feruentis olei cōiectus. Vt enim D. Cyprianus ait, aliud est martyriū cordi deesse, aliud cor deesse martyrio. Quod in Ioannem nullo modo cadit. In feruentis enim olei dolium, in eo frigidus, libenti & constanti animo ingressus est. Secretorum autem reuelationem amicitia propriam & peculiare esse, ex Christi Seruatoris nostri verbis didicimus; ait enim: Iam non dicā vos seruos; quia seruus nescit quid faciat dominus eius: vos autem dixi amicos; quia omnia, quęcunque audiui à Patre meo, nota feci vobis. Hanc autem amicitia dignitatem Dominus eo tempore ostendit, cum ad Sodomorum euersionem pergeret, & Abraham se comitantē diceret: Num celare potero Abraham quę gesturus sum? Quod perinde est ac si diceret: Fieri certē non potest, vt, cum Abraham in amicitiam receperim, non illū quoq. secretorum meorum atq. consiliorum participem faciam. At Ioanni nostro, quę nou arcana detexit? quid non cum illo, tanquā cum amicissimo, cōmunicauit? Illi sui ipsius, illi domus atq. familie, illi denique cęlestis regni secreta, aperuit. Quod enim ad eius

Mat. 20.

Cyprian.

Ioan. 15.

Gen. 18.



personam atinet, summum beatissimæ Trinitatis arcanum, & ineffabilem diuini Verbi generationem ita illi ostendit, vt altissimæ huius Theologia summam vnico verbo comprehendit, cum Dei Filium, Patris Verbum appellauit. Hæc enim vox mysterij huius rationem mirabili compendio declarat. Quo nomine meritò inter sacros Euangelistas aquilæ comparatur; quæ oculis non conuiuentibus splendidissimū iustitiæ Solem contemplata est. Aquila, inquam, magnarum alarum, quæ in Libanum ascendit, atque inde medullam cedri tulit: hoc est, vnigeniti Filij naturam, qui est in sinu Patris, explicauit. Domus etiam, hoc est, Ecclesiæ suæ secreta, Angelo tradente, reuelauit, dum in Apocalypsi varios Ecclesiæ successus, persecutiones & victorias, prima, media, atque nouissima vsque ad Antichristi tempora admirandis figuris & imaginibus ostendit. Regni quoque celestis abdita manifestauit, & supernæ ciuitatis muros, moenia, plateas, portas & clarissimum eius ornatum atq. pulchritudinem oculis conspiciendam præbuit. Paulus quidem in paradysum raptus, nihil nos aliud docuit, quàm audisse se arcana verba, quæ non licet homini loqui; at Ioanni & videre, & scribere, atque aliis prædicare datum est.

Iam verò si familiaritatis signa veram amicitiam produnt; quod maius familiaritatis signum, quàm in sinu Iesu molliter recumbere, ibiq. dulci somno perfrui, & proditoris nomē interrogare: quod nec Apostolorum princeps, qui tam audacter Dñm semper alloqui consueuerat, percontari ausus est? Sed à quo, quæso, alio fonte tanta Ioanni fiducia, vt hoc à Domino quæret, & supra illius pectus recumberet, nisi à maxima dilectione, qua illum Dñs prosequeretur, oriri potuit? Hæc igitur dilectio tot argumentis atque indiciis perspecta, eam fiduciam præstitit, vt in cœna supra Dominicum pectus velut in mollissimo strato quiesceret. Baptista toto corpore contremuit, & sanctum Dei verticem contingere minime audet: columnæ quoque cæli ad eius nutum pauent: Angeli maiestatem eius perpetuis laudibus reuerentur: Dominationes summa illi reuerentia & obseruantia ministrant: Potestates in illius conspectu contremiscunt: & Ioannes tamen in eiusdem præpotentis Dñi sinu recumbit.

Venio nunc ad quartū familiaritatis indicium, in quo rerū pretiosissimarū & charissimarū commédatio est. Hoc igitur arctissimæ atque fidelissimæ amicitix munus esse nemo dubitat. Si enim amicū peregrè proficisci contingat; uxorem, liberos, opes, & quidquid tandem charissimum habet, fideli amico credit atq. cōmittit. Inspiciamus igitur quas opes Dominus Iesus Ioanni seruandas cōmiserit, quamq. amanter has veræ amicitix partes obierit. Is ergo in cruce moriens testamentum condidit, in quo

Patri

Patri spiritum, Ecclesię corpus, latroni paradisum, & vestes militibus à quibus fuit in crucem sublatuſ, legauit: dilectus autem discipulus ibi aderat, quid sibi donaretur expectās. At Christus, Quid tibi, inquit, charissime legabo? Quid, fidissime laborum & mortis meę comes, testamento relinquam? En mater adest, qua post cælestem Patrem nihil mihi neque in cælo neq. in terra charius & pretiosius est. Hanc tibi non solum in dominam, reginam, & aduocatam, sed etiam in matrem trado. Quo nomine nihil arctius, nihil dulcius, nihil amantius. Ecce, inquit, mater tua. Quę igitur mater mea est, tua quoq. sit; vt iam ex discipulo reddaris frater, quando vna mihi tecum & communis mater est. O summum dilectionis argumentum! ô singulare dignitatis & glorię priuilegium! Quid ad hanc dignitatem amplius accedere potuit? Quid hac materni nominis appellatione blandius? quid etiam sublimius atque diuinius? Non dubito, quin, si in supremos illos Seraphici ordinis spiritus vlla cadere posset inuidia, huic tantę Ioannis dignitati inuiderent; quòd, quam illi reginam ac dominam venerantur, Ioannes matrem appelleret. Sed operę pretium erit expendere, quibus potissimum meritis sanctus Euangelista hanc tantam dignitatem fuerit consecutus.

Ioan. 18.

In maximis quidem Dei donis tutissimum est, ad immensam Dei gratiam omnia referre, ex qua hoc singulare beneficium fluxit. Sed si hominis meritum spectare velimus, ingens certę & eximium meritum fuit, ceteris Apostolis fugientibus, Ioannem neque in Pontificis domo (in qua Petrus Christum negauit) neque in cruce Dominum deseruisse, sed eius lateri adhęſiſſe, & illius laborum & cruciatuum comitem exstitiſſe. Quanti enim hanc constantię virtutem Dominus faciat, non obscure declarauit, cū ad discipulos dixit: Vos estis qui permanſiſtiſti mecum in tentationibus meis: & ego dispono vobis, sicut disposuit mihi Pater meus regnum, vt edatis & bibatis super mensam meam in regno neo. Multas alias discipulorum virtutes commemorare Saluator poterat, quibus & regnum Dei, & cæleste conuiuium Apostoli promerebantur; sed huius tamen fidelitatis præcipuę mentionem facit, quòd ea sibi gratissima sit. Sic Mathathias in lib. Machab. morti iam proximus, hoc maximę nomine apud filios suos Abraham cōmendauit, quòd in tribulatione fidelis inuertus fuerit, ideoq. amicus Dei appellari, & à Domino audire meruerit: Nunc cognoui quòd timeas Dñm. Ob hanc igitur insignem virtutem arbitror fidissimo Ioanni tantum hoc donum fuisse donatum, vt Dei matrem ipse quoque in matrem haberet. Quo quidē exemplo perspicere licebit, fratres, quę illi apud Dominum locum & meritum teneant, qui in tribulatione fideles sunt; hoc est, qui nullis aduersarum rerum fluctibus

Luc. 22.

1. Mach. 2

ita opprimuntur, vt vel debitam Deo fidem & pietatem defecant, vel de gradu virtutis & constantiæ depellantur. Pium etiam fidelium affectum erga Dominicæ passionis beneficium hac ratione vehementer commendari existimo. Sicut enim Ioanni, iuxta crucem assistenti, hoc tam præclarum munus à Domino collatum est; ita his qui singularem deuotionis affectum erga Dominicæ passionis mysterium gerunt, menteque & pia consideratione iuxta crucem assistunt, maxima & præclara dona quotidie conferuntur.

Caterum vt ad hanc beatissimi Ioannis dignitatem redeamus; nemo sibi persuadeat, solum hic filij titulum Ioanni concessum fuisse. Cum enim Dominus nunquam frustra rebus aut personis nomina imponat; si Virginem Ioannis matrem, & Ioannem Virginis filium appellauit, affectus vtique & mores & animum hac appellatione dignum illi etiam donauit. Virginis itaque præcordiis plusquam maternum in Ioannem amorem impressit; Ioanni autem maximam in Virginem reuerentiam cum ardenti charitate & obedientia coniunctam iniecit. Hoc enim ipse Ioannes innuit, cum ait: Ex illa hora accipiteam discipulus in suam. Hoc est, maxima illam reuerentia & inflammato charitatis studio ex illa hora prosecutus est, sequè ad omnia illius obsequia paratissimum obtulit. Quamuis enim non naturam, sed gratiam filius esset, longè tamen perfectius gratiam quam naturam filij munus obijit.

Cum autem ex Ecclesiasticis constet historiis, ceteris Apostolis per vniuersum orbem dispersis, Ioannem diutius in Iudæa permanisse; facile certè diuinare possumus, hoc ingratiam Virginis contigisse, vt scilicet pretiosum illud depositum sibi commissum attentius seruaret, & Virginis orbitati se indiuiduum comitem exhiberet: vt sic tandem demandatum sibi filij munus & officium plenius exequeretur. Hic ego vos, fratres, appello, quicumque pio affectu, & ardenti studio sacrum Virginem, & eius filium Ioannem prosequimini; cum animis vestris cogitate, cuius felicitatis fuerit, tot annos post Domini in cælum ascensum cum illa castissima columba commorari, eius exemplis & virtutibus instrui, eius doctrina & magisterio imbui, eius denique sanctissima præsentia frui, quàm magnus ille Dionysius vbi primum vidit, quandam diuinitatis imaginem se in ea contemplatum fuisse confiteretur. O fidem Ioannem, qui post Christum Dominum talem meruit habere magistrum! Quid ab ea non didicit? quid non impetrauit? Dubium certè nemini esse potest, quin omnis eorum sermo, Dei & Virginis Filium identidem sonaret, eiusque facta, dicta, miracula, atque magnificentissima opera perpetuis laudibus decantaret.



cantaret. Quidquid autem ipsa tam longo tēporis spatio in priuatis colloquiis à filio audierat, quidquid insignium eius operū tam in infātia, quā in adolescentia viderat, totū ab illa fuisse cum dilectissimo Ioanne communicarum, piē certē credendum est. Neq. enim exstimare debemus, primū signorum omnium, quæ Christus edidit, exstitisse, quod in nuptiis aquā in vinū verterit. Neq. enim illud mater à filio poposcisset, si triginta annorum spatio nullū ab eo signū fieri vidisset. Multa igitur præcessisse apparet, quæ matri hanc petendi fiduciā præbuerunt. Hæc igitur omnia sacra Virgo cum Ioanne cōmunicauit. Quæ autē orationi: vis horū colloquiorū suauitate enarrare queat? Sancta virgo Scio lastica cum amantissimo fratre Benedicō de rebus cælestibus differens, tanta suauitate complebatur, vt cum à fratre imperare non posset, vt noctem illam in somnem in diuinis colloquiis traducerent, à Dño id breui, sed ardentissima oratione impetraret. Si igitur colloquia ista tanta erant suauitate atq. dulcedine referta; quid de Virginis & Ioānis suauissimis sermonibus exstimandū est, quorum erat tanto maior sanctitas atq. gratia, & tanto dulcior atque recentior operum Christi Domini memori? Si enim ad vnam Virginis salutationem Iohannes Baptista eiusque mater, Spiritu sancto repleti sunt; quantum tandem tot Virginis verbis vltro citroque collatis, Ioannem commoam atque inflammatum fuisse credendum est?

Vt igitur ad institutum redeamus, his argumentis, fratres, non solum galē se Christus erga Ioannem gesserit, sed qualis etiam in bono omnes existat, intelligetis. Quamuis enim hæc propria atq. peccatiaria sint Ioannis priuilegia, diuina tamen bonitas innumeralia in thesauris suis recondita dona habet, quibus pios in hac eam vita ornare, dicare, & miris modis honestare solet: quæ quidem ipsorum animos sic afficiunt, vt cum Propheta exclamare cogantur: Quā bonus Israël Deus iis qui recto sunt corde! Sd vt nobis Ioannis exēplo aditus ad hæc cælestia bona patefiat, proximū est, vt diuini huius erga Ioannē amoris causas inquiramus. Et quidem si de antecedentibus causis agamus, nulla antecedens diuinæ voluntatis causa, nisi diuina voluntas est: quæ rima rerum omnium causa, & prima veræ bonitatis regula extit. Hanc enim Apostolus insinuauit, cum ait: Nos sponte vocati sumus secundum propositum eius qui operatur omnia secundum consiliū voluntatis suæ. Sic etiam regius Propheta Saluum, inquit, me fecit, quoniam voluit me. Et alio loco: in beneplacito tuo exaltabitur cornu nostrum. hoc est, omnino nostra fortitudo atque felicitas ex diuinæ voluntatis beneplacito pender. Si verò de consequenti Dei voluntate differamus, omnes ferē sancti Patres testantur, puritatem,

psal. 71.

Ephes. 1.

psal. 17.  
psal. 88.

quæ in Ioanne eluxit, huius dilectionis causam extitisse. Virgo enim electus à Domino, virginitatem perpetuò conseruauit. Cum enim similitudo sit amoris conciliatrix, consequens certè erat, vt immaculatus Dominus immaculatum discipulum singulari amoris priuilegio prosequeretur. Id quod Iſaas huius virtutis sectatoribus pollicetur, cū ait: Hæc dicit Dominus Eunu-  
 136. 56. chis: Qui custodierint sabbatha mea, & elegerint quæ ego vo-  
 lūi: dabo eis in domo mea locum nominatum, & non enim me-  
 lius à filiis & filiabus. Videtis quibus verbis sermo diuinus aperte doceat, singularem quandā in domo Dei gloriam castitatis vir-  
 tuti propositam esse? Sed quia perpetuæ corporis integritati su-  
 perbia semper insidiatur, quæ de hac singulari laudē hominem  
 Ambros. efferre potest; ideo corporis integritas, cordis humilitate cōspicienda atq. munienda est. Ait enim Ambrosius: Virginitatis bonum  
 quā magnū video, tantū ei, ne pereat, furem superbiam perti-  
 mesco. Necesse igitur est, vt in Ioanne cum perpetua integri-  
 tate, summi cordis humilitatem, quæ virginitatis custos est,  
 coniunctam semper & copulatam esse fateamur. Quæquidem  
 tanto in eo mirabilior est, quanto vitæ puritas in eo mi-  
 nor existit. Et quidem ceteri sancti, qui non sunt in gratia vt. post-  
 li confirmati, habent quo tumore animi deprimeret, & sic sub-  
 misse gerere possint, cum hodie quidē sanctitate floreat, ma-  
 ne verò, quales futuri sint, ignorent. Quo nomine Diu-  
 Franciscus laudes sibi ab hominibus tributas reicere solebat; Ad-  
 huc, inquit, in eo statu sum, in quo filios & filias habere pos-  
 sum. Cum autem Ioannes hoc verè dicere non posset, colligi-  
 tur certè, cordis humilitatem in eo mirabiliorem extitisse. Quo  
 magis eorum detestanda superbia est, qui sceleribus inquinati  
 animo tamen efferuntur. Horum enim superbia, non iam su-  
 perbia quàm insania nuncupanda est. Quisquis igitur his Ioan-  
 nis virtutes pro virili sua fuerit imitatus; is planè, si non pro-  
 pria Ioannis priuilegia, at certè alia pulcherrima diuinæ gratiæ  
 munera ab illo inexhaustæ bonitatis fonte percipiet.

## SECUNDA PARS.

Sed quoniam de singulari Christi in Ioannem dilectione di-  
 ximus; consequens est, vt de dilectione eius in nos dicamus.  
 Quid enim nobis emolumentū afferet, si Ioannem Donno cha-  
 rissimum fuisse intelligamus, nisi ipsi etiam ab eodem diliga-  
 mur? Hæc enim votorum omnium summa est, ab eo diligī, qui  
 supra omnia est. Huius autem rei cognitio mirum in modum  
 nostrum erga illum amorem excitat & incendit. Quomodo  
 enim ignis nulla re magis quàm alio igne accenditur: ita  
 amor nulla re vehementius quàm alterno amore excitatur.  
 Hoc item spem nostram mirè alit atque confirmat. Ad cuius  
 136. 56. simile.

enim praesidium tutius confugiam, quam ad eius à quo me vehementer diligere existimo. cum amicorum omnia sint communia, nemoque simul & amare & deserere soleat? Quid autem (quocumque me fortuna verberet atque deuoluat) molestiae quippiam afferre queat, cum omnipotentem Deum amatorem, protectorem, defensorem, & vitae custodē habeam? Hoc igitur non modo scire, sed vel coniecturis colligere, magnam nobis iucunditatis atque laetitiae materiam suppeditat: neque vllum nobis Pascha sauisius atque felicius hoc nunciari poterit. Quia verò amor, cum verbis, tum vel maximè operibus patefieri solet; vtriusque rei plurima ex litteris sanctis afferre testimonia possem. Sed ne longius à praesentis solemnitatis mysterio recedam; satis superque ad hoc erit, summum illud diuinæ dignationis beneficium quod trepidantibus pastoribus hodierna die Angelus nunciavit, cum dixit: Annuncio vobis gaudium magnum, quod erit omni populo: quia natus est vobis hodie Saluator, qui est Christus Dominus, in ciuitate David. Quibus verbis (vt ingenuè quod sentio dicā) nescio an in tota sacra pagina inueniri quidquam possit aut iucundius, aut salutaris, quodque maiorem mentibus nostris laetitiam & amorem in Deum possit adferre. Quod vt intelligatis, sciendum est, duplici potissimum nomine aliquid magnū dici: aut quod reuera natura sua, ingenti etiam animo, magnum esse videtur: aut quod pusillo animo, ob eius exiguitatem & angustiam, magnum esse putatur; cum tamen reuera paruum sit. Prudenter enim à Seneca dictum est: Multis rebus non ex natura sua, sed ex paruitate nostra magnitudo accedit. Sic rudes & pusilli homines terrenas opes, & inanes honores magnos aestimant, quibus quidē, cum momento temporis velut vmbra euanescent, nihil minùs quam magnitudinis nomen conuenit. Vnde hos fallaces rerum aestimatores Salomon infantiae nomine vituperat, cum ait: Vsq̃uequò paruuli diligent infantiam, & stulti ea quae sunt sibi noxia cupient? Quod perinde est, ac si diceret: Vsq̃uequo adeò pusillo & infantili animo eritis, vt puerorū amore res lubricas & inanes consectemini, easque tanti faciatis, vt dignas existimetis, quas cum magno vestro malo ardentissimè cupiatis? Vt enim pecudibus & iumentis scēnū iucundius & gratius quam aurum est; ita isti, pecudum more viuentes, fluxa sempiternis, terrena celestibus anteponunt. Hac igitur quae vulgò fortunę bona appellantur, paruis quidem animis magna sunt; at ingens animus nihil magnū reputat, nisi quod reuera tanto nomine dignū esse intelligit. Vnde idem Seneca, Scitote, inquit, praeter animū nihil esse mirabile, cui magno nihil est magnū. Cum igitur Angelus Domini, hoc est nobilissima & excellentissima creatura, magnum nobis hodie gau-

Lucæ 2.

Seneca

Prou. 7.

Simile.

Seneca.



dium annunciet, necessario fatendum est, aliquid verè magnum & multis nominibus splendidum mortalibus nunciari. Magnum ergo gaudium de magno beneficio, eximia salute, amplissima gratia, copiosa redemptione, summisq. opibus atq. celestibus donis, oriri necesse est. Huius autem diuini muneris magnitudo ab iis duntaxat dignè percipitur, qui cum Apostolo Spiritum illum acceperunt, quo illustrati munerum in se collatorum vim & præstantiam intelligunt; & ardentissimo harum opum desiderio inflammati ad eas consequendas tota mente rapiuntur.

**Prou. 27.**

Perpicuum enim illud est quod à Salomone dicitur, Anima saturata calcabit fauum, & anima esuriens etià amarum pro dulci sumet. Hæc igitur diuina munera ab esurientibus & sitientibus, non autem à fastidiosis & saturis, verè magna putantur. Eos verò fastidiosos & saturos hoc in loco appellamus, de quibus Apostolus ait: Iam saturati estis, iam diuites facti estis, sine nobis regnatis, atq. vtiq. regnetis! Quorum quidem in numero reputari poterat is cui in Apocalypsi dicitur: Dicis, quia diues sum, & nullius egeo; cum tamen sis miser, & miserabilis, pauper, & cæcus, & nudus. Neq. illis sanè hoc magnum gaudium nunciatur,

**2. Cor. 4.**

qui apud Esaiam dicunt, Auferte à me viam, declinate à me semitam, cesset à nobis sanctus Israël. Hi igitur saturati, & terrenarum rerum amore repleti, nihil sibi magnum ab Angelo proponi existimant. Quod quidem vel eo solo argumento declaratur, quod nec Dñm pro tanto beneficio laudant, nec dignas illi gratias agunt, nec ea ratione latentur, quod Angelus Christi orum nunciauerit; sed quod festum aduètas se vident, in quo dies noctesq. in omni crapula & intemperantia consumere queant.

**Apoc. 3.**

His enim, qui terrena sapiunt, quo modo spiritualia iucunda & grata esse poterunt? Cui ergo hic fauus dulcis erit? Cui hoc Angeli nūcium felix, faustum, & verè magnum videbitur? Da mihi sitientem iusticiam; da æternam salutem auidè desiderantem; da veras diuinæ gratiæ opes auidissimè cupientem; da ad vnam Dei amicitiam toto pectore aspirantem; da bonis æternis inhiantem; da diuinam opem & misericordiam gemitibus inenarrabilibus implorantem, da non minori auiditate fructus dignos pœnitentiæ desiderantem, quàm Rachel filios olim desiderabat, cum viro suo diceret; Da mihi liberos, alioquin moriar. Da deniq. sua & aliorum peccata lugentem, & animæ vulnera plangentem, salutariaq. medicamenta desiderantem: hunc mihi da, & is planè huius legationis angelicæ gratiam sentiet, & præ iucunditate atq. gaudio seipse non capiet. Huius enim magni gaudij nomine intelligit cælitus nunciari atque offerri sibi summum malorum omnium remedium, vulnere cunctorum efficacissimū medicamentum, omnium piorum desideriorum complementum, & cele-

**Gen. 30.**

stium

fructum donorum & gratiarum largissimum proveniunt. Is igitur huius beneficii magnitudinem inenarrabili gaudio prosequetur. Neque mirum cuiquam videri debet, eos, qui ita animo affecti sunt, huius doni amplitudinem sentire; quando ad horum præcipue salutem Dei Filius se venisse testatur, cum ait se à Patre missum, ut mederetur contritis corde, & daret eis coronam pro cinere, *Isai. 61.* oleum gaudij pro luctu, pallium laudis pro spiritu mœroris.

Sed dicet aliquis forsitan: Cum ad omnium hominum salutem venerit Christus, cur non etiã ad omnes salutis per illum allatæ fructus perveniat? Huic quidem facile respondere possumus, Quemadmodum enim Adami lapsus ad illos solum, qui ab illius stirpe sunt generati; ita spectat, ut, si quis novus aliquis homo à Deo conditus esset, qui ab illo origine non traheret, nec etiam peccati ab eo commissi contagium traheret: ita contra nemo redemptionis Christi particeps esse dignè potest, qui spirituali fidei vigentis vinculo cum illo coniunctus non est. Illum namque cælestis Pater proposuit propitiatorè, siue (ut D. August. legit) propitiatorium per fidem in sanguine eius. Hæc igitur vix fides nos illi coniungit, hæc filios, & hereditatis eius participes constituit. Quod etiam idem Dñs testatur, cum ait: Hæc est voluntas Patris mei qui misit me, ut omnis qui videt Filium, & credit in eum, habeat vitam æternam. Quam lato & alacri pectore verba hæc audiunt, quid de sola fide, multistamen sceleribus obscurata & extincta, sibi blandiuntur! Sed ut intelligatis, hanc fidem, ut salutem dare possit, cum charitate copulandam esse, eundem audite Dominum sic ad discipulos dicentem: Ipse Pater amat vos, quia vos me amastis, & credidistis, quia à Deo exiui. Videris hic amandi simul & credendi officia coniuncta. Non satis ergo est si credas Christo, nisi diligas Christum.

Instabis tamè, & Christum à te diligì per sanctè iurabis. Tunc planè id verum esse fatebor, cum te ea exequi videro, quæ hunc amorè necessariò consequuntur. Et quæ nam illa sunt, inquires? Audi ipsum Dñm dicentem: Si quis diligit me, sermonem meum servabit. Et iterum: Qui habet mandata mea, & servat ea, ille est qui diligit me. Et in Canonica sua Ioannes, Hæc est, inquit, charitas, si mandata eius servamus. Vide igitur an eius mandata servas, hoc est, an proximum perinde ac te ipsum diligas, an illius miseras ope tua subleuare contendas, an eius felicitate tanquam tua lateris, & malis eius velut tuis indoleas; an illius contra Deum suscepta flagitia animi tuum pungant; an denique tot animarum quotidie pereuntium iactura solliciti te reddat. Hoc enim mandatum accepimus à Deo (ut ait dilectus Christi discipulus) ut, qui diligit Deum, diligat & fratrem suum. Si quis autem (ait idem) viderit fratrem suum necesse habere, & clauerit

viscera

140 IN PURIFICATIONE B. MARIAE

viscera sua ab eo, quomodo charitas Dei manet in illo? Filioli non diligamus lingua, sed opere & veritate. Quod si tu nihil horum praestas, sed contra aliorum te incommoda delectant, & aliena felicitate morderis; si aliorum fame detrahis; si contumeliis proximum laceras; si omnibus eum diris deuoues; si dum aut emis aut vendis, illum fraudare, & aliena iactura rem tuam augere studes; si impudicos oculos in eius vel vxorem, vel filiam, vel sororem coniicis; si eius dicta factaq. omnia perpetuo rodas; si alienum denique inuito domino retines: num, cum tantis sis sceleribus inquinatus, proximum tamen à te amari dictitabis? Quod si eum non diligis, quomodo à te Christum diligis iactas? Qui fieri potest, vt caput alicuius corporis diligas, cuius membra laniare non cessas? Ergo (vt iam dicendi finem faciamus) quisquis amoris Christi, quisquis salutis & redemptionis, quam is hodie natus attulit in mundum, particeps esse cupit, ab aliorum iniuria se contineat, omnibusq. hominibus & bene velit, & benignè, cum opus fuerit, faciat: & ita tandem charitatem perpetuo sectando, copiosum diuinæ gratiæ munus in hac vita accipere, in futura verò immensum gloriæ pondus ab eo. confectus, qui merebitur, qui hodie in terris natus est, vt nos Dei domesticos, & cælestium virtutum conciuēs efficiat.

IN PURIFICATIONE BEATÆ  
VIRGINIS Mariæ CONCIO PRIMA:  
in qua lectio Euangelica explanatur.

THE. Ecce homo erat in Hierusalem, cui nomen Simeon;  
& homo iste iustus & timoratus, expectans consolatio-  
nem Israël, Lucæ 2.



Vo hodie veneranda mysteria sub vnus diei so-  
lemnitate comprehendit Ecclesia; alterū quidem,  
oblationē Domini Saluatoris: alterū verò, beatif-  
simæ matris eius purificationem. Vtrumq. autem  
mysterium à duplici lege filijs Israël olim lata or-  
tum habuit. Altera enim lege Dominus præceperat, vt primo-  
genita omnia, siue hominum, siue iumentorū, sibi offerrentur.  
Quia enim is, vt eos ab Aegyptiaca seruitute liberaret, omnia  
Aegyptiorum primogenita vna nocte occiderat (qua plaga illa-  
ta, ab Aegyptiis manu missi sunt, & à finibus eorum exire com-  
pulsī) ideo in huius beneficii memoriam, omnia primogeni-  
ta filiorum Israël, perpetua sibi lege offerenda præcepit. Quo  
argumen-

Exod. 13.

Exod. 12.



argumento agnoscere licet, fratres, quantopere à nobis Dominus beneficiorum suorum memorem animum requirat, quamque is partim liberalissimus, partim etiam (si dicere fas est) auidissimus sit. Liberalissimus quidem in beneficiis conferendis; auidissimus autem in gratiis exigendis: non quod ipse laudibus nostris egeat, qui maior est omni laude; sed ne liberalitatis eius manus ingrati animi vitio constringamus, sed magis veterum memoria beneficiorum, nouorum incrementa mereamur: atque ita neque nos à gratiis agendis, neque is à conferendis beneficiis vnquam cesset. Hanc ergo legem beatissima Virgo hodie impleuit, quæ primogenitum & vnigenitum suum æterno Patri suppliciter obtulit: quem oblatum, postea quinque scilicet, iuxta legis præscriptum, redemit. Altera verò lex præcipiebat, ut puerperæ omnes, transacto à puerperio suo certo dierum numero, templū adirent, & pro emundatione sua sacrificium offerrent: ante quod tempus, ex legis institutione, immunda censebantur, & ab ingressu templi, contactuq. sacrorum omnium, tanquam imunde arcebantur. Quam hodie legem beatissima puerpera nostra implere voluit; quæ post quadragesimum à felici suo partu diem, templū adiit, & pro emundatione sua, quod lex præcipiebat, sacrificium obtulit: par videlicet turturum, aut duos pullos columbarum. Diuites enim matres agnum offerre iuebantur; pauperibus autem hæc auium oblatio assignabatur. Quia in te non est silentio prætereunda beatissimæ Virginis inopia, quæ tanta erat, ut ne agnum quidem habuerit quem offerret; si enim habuisset, non dubium quin propter auaritiam sumptui minimè pepercisset. Nam qui serui susceperat formam, & qui, cum diues esset, pro nobis egenus factus est, ut illius inopia nos ditaremur, is utique cætera omnia sui similia elegit, pauperem domum, pauperem familiam, pauperem matrem, pauperem discipulorum scholam, adeo ut vnus eorum diceret: Cum essem apud vos, & egerem, nulli onerosus fui. Itaque magnus ille inter Apostolos Paulus, qui in tertium cælū raptus, magister Gentium, & vas electionis à Deo destinatus erat, ut in eo mirabiles donorum caelestium thesauros reconderet, quibus vniversum mundū locupletaret, tanta rerū ad vitæ vsum pertinētium inopia laborabat, ut diceret: Cum essem apud vos, & egerē. Quibus egebas, Paule? Non utiq. supernuacancis, quibus nō utebaris; sed omnino necessariis. Egebas tunica, pane, domo, & calceo: adeo, ut sæpe inopia cogente inextenuatus accumberes, sæpe tibi deesset quo famem sedares, quo nudum latus regeres, & quo à te frigoris & nuditatis iniuriam depelleres. Hoc enim & ipse significasti, cum diceres: In fame & siti, in ieiuniis multis, in frigore & nuditate. Si ergo egebas, his utique necessariis, non superuacuis

Leuit. 12.

2. Cor. 12.

Ibidem.

cuis egebas ; vt hinc appareat , quàm chara Deo nostro sit humilitas , & humilitati cognata paupertas.

I.

Sed ad Virginis purificationem redeuntcs, libenter quæram, quænam te, ô purissima Virgo, necessitas ad hanc legem seruandam compulerit ? Lex enim non te, sed immundas solum feminas astringit: tu verò sicut ante partum purissima, ita post partum astris ipsis purior exististi. Quin & ipsa quoq. lex te vnâ nō obscure excipit, cū ait: Mulier quæ suscepto semine pepererit, &c. Quorsum enim hæc verba addere attinebat, quæ superuacaneæ videbātur, nisi in hanc vnam puerperam legislator oculos coniecisset, quæ longè alia ratione cōceptura & paritura erat? Priusquam huic quæstioni respondeam; libet, fratres, ingenium & morem Dñi Dei nostri paucis aperire. Quis, ait Propheta, sicut Dñs Deus noster, qui in altis habitat, & humilia respicit in cælo & in terra? Et iterum: Excelsus Dñs, & humilia respicit, alta autē à longè cognoscit. Similitudo enim cōciliatrix amoris est. Vnde volatilia (quemadmodum Sapiens ait) ad sibi similia conueniunt: & pares cum paribus (ex veteri prouerbio) facillimè copulantur. Diuersum autem in Deo nostro videmus, qui cū altus sit, alta à longè cognoscit, & cum humilibus & supplicibus sermocinatio eius. Quod non immerito D. Aug. miratur; Quid est, inquit, hoc, fratres? Altus est Deus: erigis te, fugit à te: humilias te, venit ad te. Quàm verò & humilitas illi grata, & inuisa superbia sit, duplici vobis argumento aperire conabor. Primus homo, qui sibi & posteris suis hereditatem regni cælestis, & originalis iustitiæ, atque immortalitatis dona acceperat, vnico superbiæ actui (quo Dei similitudinē concupiuit) non solum hæc omnia pulcherrima Dei dona amisit, sed etiam vniuersum genus hominū, hoc est, omnes omnium seculorū homines æterna morte damnauit; tantū vna illa superbia nocere potuit. Rursumq. alter homo, Christus Iesus, dum se vsque ad mortem crucis humiliauit, hoc profundissimè humilitatis opere totius mundi salutem promeruit. Itaq. vnum illud superbiæ crimen totum mundum euerit, & vnum item præclarum humilitatis opus euersum extulit atq. reparauit. Quid igitur magis aut in detestationē superbiæ, aut in humilitatis cōmendationem dici potuit? Addam adhuc aliud non minus illustre harū rerum exemplum. Cū in ordine creaturarum intellectualium ordo quidā & gradus sint, necesse est in eo & summam & infimam creaturā reperiri. Et in infimo quidem gradu hominē, ac sub eo adhuc feminam in eadē specie collocamus. Rationalem quippe animā in ordine substantiarū intellectualiū, velut materiā primā, purāq. potentiā Philosophi esse testantur. Itaq. infima in hoc ordine secundū naturam mulier

mulier est. Summum autem Seraphicum ordinem esse, cōmunis Ecclesiæ sententia prædicat, in quo spiritus illi beati numerantur, qui ceteris Deo similiores & propinquiores sunt. In quo quidem ordine (quamuis sint qui dissentiant) primatū tenuisse Luciferum D. Gregor. asserit. Mulier ergo in imo, Angelus autem ille in summo loco erat constitutus. Contigit tamen, vt in muliere (hoc est, in beata Virgine) humilitas summa reperiretur; in illo verò Angelo summa superbia: quo factum est, vt illa propter humilitatē ad summā omnium creaturarū dignitatem prouheretur; hic verò propter superbiam ex altissimo cæli cardine in imum barathrum detruderetur. Totum ergo pulcherrimum illum naturæ ordinē à Deo constitutum, superbia & humilitas inuerterunt, dum superba creatura ad imum ex summo deiecta est, humilis verò ex imo loco ad summū euecta. Animaduertite igitur quid humilitas, & quid superbia efficiant: quarum altera sic altissimam creaturam deiecit; altera verò sic infimā in sublimē extulit. Quid igitur hac tanta rerum mutatione mirabilius? Addam tamen ego aliquid non minus forsitan mirabile, nimirum, quod cum tam perniciosa fuerit principi dæmoniorum superbia sua, tamque salutaris & gloriosa fuerit beatissimæ Virgini humilitas sua; habet tamen Virgo paucissimos qui eius humilitatē sectentur; habet verò dæmon plurimos qui eius superbiam imitentur. Contra quos D. Bernard. exclamat: *Quem sequimini filij Adam? quem sequimini? Nōne videtis Satanam sicut fulgur de cælo cadentem? Si ergo ille de tanta sublimitate superbiens cecidit; quomodo tu de tanta vilitate superbiens de imis ascendes? Si hoc igitur ita est, quomodo, quæso, tanta superbiam pœna non terret? quomodo tam grande humilitatis præmium ad humilitatem non inuitat? Fuit in quadā Republica iudex quidam valde diligens ac seuerus in iudicādo, qui hac de causa magnis ab eius Reipublicæ Principe muneribus ornatus fuit; quo factum est, vt multi deinde iudices eius seueritatē ac diligentiam imitari conati fuerint, quo videlicet similibus præmiis afficerentur; atq. ita vnus strenui iudicis & præmiū & exemplū multos deinde habuit similis virtutis ac fortunæ cōsortes. Si ergo tam magnis admirandisq. muneribus humilitatis virtutē Dñs cumulauit: quomodo hoc tanto humilitatis præmio ad imitationē huius Virginis non accendimur? Quid enim aliud amator humilitatis Dñs faciat, quo ad humilitatis amorē homines alliciat? Si hoc apud nos nō valet; quid, quæso, valiturū est? Si nos atrocissima illa superbiam pœna nō terret; quæ pœna territura est? Si tāta illa humilitatis cōmendatio nō inuitat; quid est quod nos iam inuitare possit? Sed nunc iam propositæ quæstioni respondeamus. Cum ergo beatissima Virgo*

Gregor.

Bernard.

Simile.

hanc



hanc cælestē philosophiā adeò probè teneret. semper se ad infima quæq. deiciebat, semper in oculis suis vilis apparebat, & vndecunq. huius virtutis exercendę occasionē captabat. Ideoq. inspecta purificationis lege, quæ tota humilitatis erat, purificandi se occasionē arripuit, quæ nihil habebat quod hoc ritu purgari deberet, quandoquidem ipsa lex pudoris atq. honoris eius rationem habuit, dū eam à cōmunicatarū feminarū lege exemit.

Sed dico: Quid, quæso, obesse tibi poterat, ô sanctissima Virgo, honor hic ab ipso Deo tibi singulariter impensus? Te enim solā legislator aspiciebat, tui solū honoris curā gerebat, quando legē illam tulit. Quid ergo nocere tibi honor potuit (non à te susceptus, sed oblatas) vt eū subterfugeres? At qui verè humilis est, vndecumque honor proficiscatur, semper illum reformidat. Tantum quippe in magnis honoribus periculi est, vt pio semper

Bernard.

homini verè timendi sint. Hinc D. Bernardus: Quoties in corde carnali, terrenis dignitatibus alto, vlla vel minima scintilla cælestis amoris accensa videtur, diuinū sine dubio est munus, non hominis virtus. Hæc ille. Quo fit, vt terrenæ dignitatis & honoris sublimitas, vndecumq. veniat, verè timēda sit. Regiā quippe dignitatem Saul à Deo accepit, quæ tamē illi virio suo postmodum exitio fuit, quando in superbiam diuinis beneficiis elatus,

2. Reg. 15

erexit sibi fornicem triumphalē, & aduersus Dominum debacchatus, sacerdotes eius trucidauit. Prosperitatis etiam decus, quod Dauidi & Salomoni filio contigit, Domini vtiq. beneficio

1. Reg. 14.

2. Reg. 11

contigit: quo tamē beneficio abutentes, alter, in superbiam elatus, numerari populum iussit; alter (quod dictū etiam horrendū est) diis alienis aras erexit. Videtis ergo quā periculosus honor sit, etiam cū à Deo impenditur, nisi quis singulari se modestia, & magna animi submissione stabiliat & fulciat? Nam &

Luc. 1.

verba Angeli Mariam salutantis, & magnitudinem gratiæ, quæ Deum pollebat, extollentis, & eam cunctis feminis beatiorem prædicantis, verba Dei erant, quæ per os Angeli Virgini mandabantur: illa tamen cælestis oraculi honorifica verba excipiens, turbari cœpit, ac timere. Si ergo Virgo hæc prudentissima, quæ tam altas in humilitate radices iecerat, honores ipsos, à Deo etiam oblatos, ita refugit atque timet: quid nos facere par est, quos vel leuissima quæque aura vanitatis exagitat, qui, cū stipula sicca leuiiores simus, tanto studio nocituros honores atque dignitates ambimus? Qua in re satis animarum nostrarum agritudo & cæcitas apparet, quæ vsque adeò & nocitura appetunt, & salutaria quæque fastidiunt. Cū enim vi-

Simile.

demus aut pueros, aut feminas auidissimè terram comedere, & salubres cibos fastidire; intelligimus statim interiora ipsorum pestifero humore esse corrupta; quando re adeò noxia, &

ab hu-

ab humana natura aliena delectatur. Cum ergo videamus homines adeo pestilentes animæ suæ cibos deperire, & salutare atque profuturos odisse, hoc est, ita mûdi honores appetere, atque humilitatis opera detestari: quis iam dubitare queat, omnia interiora ipsorum esse corrupta? Quanto aliter puritatis & humilitatis hodie mater, quæ cum nihil haberet purificandum, legi tamen purificationis summa se humilitate subiecit.

## II.

Sed iam omiſſa paulisper Virgine, quæ adeo volutariæ paupertatis & humilitatis studiosa fuit, ad Simeonem veniamus, qui bodiernæ solemnitatis non minima portio est. Ecce, inquit Evangelista, homo erat in Ierusalem, cui nomē Simeon: cuius deinde virtutes describit cum ait; *Et homo iste iustus & timoratus, expectans consolationem Israël, & Spiritus sanctus erat in eo.* Excutiamus singula hæc verba. *Iustus*, inquit, & *timoratus*. Hæc absolutissima commendatio est. Iustitia enim Hebræorū lingua omnē complectitur virtutem. Timor verò Dei, præterquam quod iustitiæ magna pars est, ipsius etiam iustitiæ tutissima custodia est. Itaque iustitia est velut thesaurus: timor verò Domini velut clavis, & arca, in qua servatur thesaurus. Iustitia tanquam vinea est: timor verò velut maceria, quæ vineæ fructus servat intactos. Vnde sicut diruta maceria, fructus vineæ periclitatur: ita *simile*. planè virtutum atque donorum celestium fructus, si timoris Domini maceria defuerit, furibus patent. Vnde glossa quædam in hoc loco, Malè, inquit, servatur iustitia sine timore. *Gloss.* Denique sanctus ille timor velut pondus est, quo mercibus plena navis non facilè ventorum imperu subverti potest. Quo tamen destituta, cum maximo & mercium & vectorum periculo navigat. Cuius nos periculi Ecclesiasticus admonet, cum ait: Nisi in timore Domini tenueris te instanter, citò subvertetur domus tua. *simile.* *Ecclesi. 20.*

Est etiam timor hic velut internus quidā animæ vermis, interiora nostra depascens, qui nobis semper ob oculos ponit & pericula in quibus versamur, & leges quibus adstringimur, & rationem quam reddituri sumus: & hostes qui nos undiq. obsident, & à virtutis arce dericiunt. His igitur timoris Domini aculeis extimulatus animus, somnū à se, & segnitiam excutiens, & vigilantibus oculis salutis suæ prospiciens, sollicitè cū Propheta dicit: Super custodiam meam stabo, & figam gradū super munitionem, & considerabo quid dicatur mihi, & quid respōdebo ad arguendum me? Hoc est, curis aliis superuacaneis post terga relictis in hanc vnam curam totus incumbam, ut videlicet sollicitè in custodia mei perpetuò vigilem. Propter quod stabo; hoc est, non iners atque supinus iacebo, sed erecto animo peruvigil

Habac. 1.

durabo, & figam gradū super munitionē: hoc est, non solum vigilanti, sed etiam constāti & ex celsō animo ad omnes hostiū incursus paratus ero, vt nulla vi, nullo inimicorū impetu de gradu cōstanti atq; virtutis depellar. Et cōsiderabo itē quid dicatur mihi: hoc est, nō oscitāter aut segniter, sed vigilātibus oculis attendā omnia verba Dei; quid mihi prācipiat, quid admoneat, quid promittat, quid minetur, & quid me facere aequū sit. Nec hoc solo contentus, considerabo etiam quid respondebo ad arguentem me: quando videlicet creditorū mihi talentorū, & beneficiorum suorum rationē exacturus est. Quæ planē cura perpetuō animū meum punget; quando ex altera parte tantam diuinorum beneficiorum, ex altera verō tantam malefactorum meorum multitudinē considero. Hęc enim cura adeō sanctissimī Iob pectus extimulabat, vt diceret: Quid faciā cū surrexerit ad iudicandū Deus? & cū quāserit, quid respōdebo illi? En quales curæ, qualesq; cogitationes iusti hominis mentē diu noctuq; vrgeant, vt si ab eo quaras, Custos quid de nocte, custos quid de nocte (subaudi) specularis? nihil aliud neq; die neque de nocte se agere respōdeat; scriptū est enim: Vigilia honestatis tabefacit carnes, & cogitatus illius aufert somnū. Hęc enim cura toto pectore suscepta, ita iusti hominis mentē occupat & afficit, vt somnum etiam, & bonam valetudinem interdū quibusdam eripiat. Harum autem curarū & cogitationum aculeus, timor est, quo à periculis tuti seruamur; vt miro modo, cū timor & securitas contraria sint, timor tamen securitatem pariat. Anchora enim virtutis esse dicitur timor cordis. Vbi ergo timor est, ibi securitas est: quia vbi timor, ibi studiū, ibi cura, ibi diligentia & pia sollicitudo, quæ securitatis mater est. Vbi verō timor non est, ibi somnus, & negligentia, & incuria, quæ periculorum omniū materia existit. Nullus enim hostis perniciosior, quā qui contemnitur. Cuius rei euidentissimū exemplum in animantibus apparet. Nam quæ armis & viribus instructa sunt, timore carent; quoniam suis se viribus tuentur; quæ verō iis destituta sunt; vt capræ, lepores, & cerui; hæc solo metu & fuga salutem suam tuentur. Itaq; timor illis pro armis est. Homo igitur, qui communis peccati vitio fortissima illa originalis gratiæ & iustitiæ arma perdidit, quibus inuicta se firmitate tueretur, ad timoris præsidium confugere debet, vt eo salutem suam incolorem seruare queat. Merito ergo in laudibus viri sancti ponitur; *Iustus est timoratus.*

Quibus præterea additur, quod expectaret etiam consolationem Israël. Ecce alia virtutū cōiunctio, neque minus laudanda, neq; minus necessaria. Sicut enim conuenienter iustitia iungitur cum timore; ita cū spe timor apertissimē copulatur. Scire autem oportet,

Iob 31.

Isaia 21.

Eccli. 31.

Simile.



oportet, inter omnia Christiani hominis officia, maxime difficile esse, quoddam inter se coniungere virtutes, quæ specie ipsa secum pugnare videntur. Oportet enim prudentiæ iungere simplicitatem, iustitiæ misericordiâ, grauitati suauitatē, humilitati magnanimitatem, mansuetudini senecitatē, zelo diuinæ gloriæ discretionē, ac deniq. timori spem. Quas virtutes ita copulare, vt altera alteri non officiat, magnum planè diuinæ gratiæ beneficium est. Summus enim ille rerum conditor, qui ex contrariis qualitatibus omnia inferiora corpora constituit, poterit etiam huiusmodi virtutes in vno eodemq. pectore integra seruare; vt idem videlicet homo, & prudentissimus vt serpens, & simplicissimus vt columba sit idem iustus atq. misericors, idem grauis & suavis, idem mansuetus & seuerus, vt (quemadmodum D. Gregorius ait) & ridens possit timeri, & iratus amari: atque idem etiam spe pariter ac timore sustultus: qualis hic vir sanctus fuisse perhibetur, qui timore Dei plenus, in spem communis salutis totus erat intentus.

Gregor.

His etiâ addit quod *Spiritus sanctus in eo erat*. Consequens erat planè vt Spiritus sancti domicilium esset, qui talibus virtutum geminis ornatus erat. Est enim mirabilis quædam & mutua inter Deum puramq. mentem cognatio atq. similitudo, qua altera res cum altera facillimè cohaeret & copulatur. Quo fit, vt quemadmodum lapis naturæ suæ relictus (nisi aliunde impeditur, sponte sua tendit in centrum, ibiq. quiescit, ita mens hominis vinculis cupiditatum per gratiam Dei soluta, sponte sua in Deum, velut in suum centrum & vltimum finem, tendit, ibiq. plenissimè quiescit. Rursumq. Deus ipse, vbi mentem ita purgatam & solutam deprehenderit, incredibili quodam amore ac propensione totus in illam, velut in domicilium sibi aptum atq. destinatum, fertur. Vnde quemadmodum vbi infantis corpusculum in utero matris, membris suis & organis distinctum fuerit, statim Deus animam rationalem creat pariter & infundit: ita rursum, vbi anima iusti, virtutibus & gratia, veluti quibusdam spiritalibus organis, ipso Deo cooperante, instructa est; in ea Spiritus ille diuinus, una & tota Trinitas suum constituit domicilium, ipso eodem Domino testante, qui ait: Si quis diligit me, sermonem meum seruabit, & Pater meus diligit eum, & ad eum veniemus, & mansionem apud eum faciemus. Quocirca, expositis his sancti viri virtutibus, consequens erat quod subditur, *Et Spiritus sanctus erat in eo*.

Simile.

Simile.

Ioan. 19.

Et respondens, inquit, acceperat à Spiritu sancto, nō visurum se mortē, nisi prius videret Christum Domini. Quanta autē perflatus fuerit lætitia hac Spiritus sancti promissione, solus ille nouit qui responsorum dedit. Omnis enim humana faciliā impar est ad hoc

verbis explicandum. Neq. tamen hoc festum vigilia sua (vt ita dixerim) caruisse credendum est. Vix enim Dominus illustria huiusmodi dona, nisi paratis antea animis, cōmittit. De beato Dominico Patre nostro legimus, quòd arderet quasi facula zelo pereuntii. Quo quidem zelo incēsus, iugiter à Dño postulabat, vt proximos suos aliquādo à diaboli potestate eripere, & ad æternā salutem iutare posset. Cumq̃e diu multumq̃. hac oratione diuinas aures pulsasset; tandem à Domino impetrauit, vt auctor esset & institutor ordinis Prædicatorum, cuius esset peculiare officiū lucris animarum intēdere. Hoc enim pulcherrimum Dei donū talem exigebat in animo donatarij preparationem. Ad hūc ergo modū sanctus hic vir diuinæ gloriæ, & communis salutis amore incensus, non poterat non vehemēter ex cruciari, cūm tot in mundo mala cerneret. Videbat diaboli & peccati regnum omnibus in locis crudelissimā in homines tyrannidē exercere, videbat in toto terrarum orbe cultum dæmonū vigere, & in exiguo solūm Iudæorū angulo Deum superstitionē magis quām religiose à plerisq. colitū; itaq. inter Gentes pro vero Deo monstra colit; inter Iudæos autem pro vera religione atq. iustitia superstitionē, hypocrisis, auaritiāq̃, in plerisque dominari. Videbat exiguum iustitiæ superesse locum, iacēre & cōculcari diuina, & sola terrena bona in pretio haberi. Videbat cælestia regna feris & vectibus adamantinis obterata: contra verò dilataſſe infernū animam suam, atq. os suum absque vllō termino, & omne penē genus hominū mergi in profundū. His ergo curis sancti viri pectus dies noctesq. vehementissimē dilaniabatur. Intelligebat autem ex diuinis oraculis, tātorum malorum remedium in Messia aduentu positū esse, atq. ex eo salutem omnium seculorum pendēre. Animaduertebat etiam eadem Prophetarum oracula viros pios frequenter ad orandū excitare, vt Saluatoris aduentum assiduīs precibus postularēt. Sic enim apud Esaiam legerat: Qui reminiscimini Dominum, ne taceatis. & ne detis silentium ei, donec stabiliat & ponat Ierusalem laudem in terra. Hoc ergo admonitus oraculō, clamabat iugiter cū iisdē Prophetis ad Dominum: Veni Domine, & noli tardare; veni ad liberandum nos, Domine Deus virtutum: & ostende faciem tuam, & salui erimus. His ergo clamoribus adeo continenter diuinas aures pulsabat, vt victus tandē tot clamoribus misericordiarū pater, ac tot vocibus meritā gratiā rependere volens, hoc illū promisso cōsolatus est: *Non visurum se morietem, nisi prius videret Christum Domini.* Quā autē vir sanctus lætitia gettierit, cūm hoc à Domino responsum accepit; quid in animo suo senserit, quid responderit, quas gratias egerit, quo iubilo cordis exultauerit, quo eius amore arserit, qui ita dolorem suum

212 5.

Esaia 62.

Psal. 79.

suum in lætitiā commutauerit, & lacrymas suas atq. lamenta adeo clemēter inspexerit; non est humanæ virtutis aut facultatis pro dignitate explicare. Possumus quidē omnes priuata quedam gaudia & familiaria verbis exprimere: cæterum hæc adeo grandia & sublimia, quæ de rebus magnificentissimis Spiritu sancto operante percipiuntur, quæ vis orationis exponere aut æquare dicendo possit? Hoc enim gaudium non de priuato aliquo bono erat, sed de seculorum omnium salute, quā vir sanctus tantopere sitiebat. Porro autem si gaudium ex desiderari boni adeptione confurgit; quod planè tanto maius est, quanto quod desideratur bonum præstantius atq. sublimius existit; quale hoc gaudium fuisse credendum est, quod de tāto, & tantopere desiderato bono, Spiritu sancto cooperante, & animam ipsam latificante, ortum habuit? Hoc fortassis aliquo modo cogitari potest, explicari dignè non potest.

Cum ergo vir sanctus hac vna spe aleretur, deficientemque ætatem hac expectatione sustentaret, totusq. ad hūc Dñi Saluatoris aduentum pendēret, quotidie diuinam hanc promissionem expectās, & singulas penè horas ac momenta cōputans, tādē hoc ipso die cælesti Spiritu admonitus venit in templū: *Et cum inducerent parentes eius puerū Iesum; accurrit ipse, totusq. lacrymis, lætitiā, & rubore perflusus, flexis genib⁹ summa reuerētia, summoque deuotionis & amoris affectu, maiestatem Dñi, in paruo latentem corpusculo, reueretur, ex osculatur, & adorat: nec adorasse ac vidisse contentus, magnitudine amoris atq. lætitiæ timorē superāte, amplecti etiā, & contingere, & in vlnas suscipere ausus est. Quid autē hoc amplexu quid hoc desideratissimo spectaculo senserit, quis verbis consequi valeat? Si enim Christus Dñs à Prophetis appellatur Desideratus cunctis gentibus, Aggæi 1. & Desideriū collū æternorū, si tot Reges & Prophetæ vsq. adeo Genes. 48. eius faciē videre, & voces audire cupierunt; hic, cui & videre, & amplecti, & in vlnis retinere datū est, quo gaudio exultasse atq. gestisse putāndus est? Si Abrahā tot antē annis solā Christi imaginem, & diem eius videns, tantopere gaudius est; quo affectus est gaudio, cui & præsentem cernere, & amplecti datum est?*

## III.

En, fratres, quibus deliciis oblectat & rigat interim Dñs piorum mētes, quā diu plenitudo eius gaudij, quod in patria futurū sperant, differtur. Cuius gaudij magnitudinem vir sanctus nouis carminibus, fidem & misericordiam Domini prædicantibus, celebrauit dicēs: *Nunc dimittis seruum tuū, Domine, secundū verbū tuū in pace. &c.* Eadem penè verba Iacob Patriarcha protulit, cum dilectissimum filium Ioseph (quem extinctum fleuerat) & superstitē esse, & Aegypti principatum tenere cognouit.



Где-то. 44

Lucas 1.

Luc. 2.

loco colligere licet) acerbissimi cuiusdā martyrii genus extitit: quam tamen nunquā ipse ita affligi pateretur, nisi summa quēdam dignitas & utilitas in humili malorum perpeſſione poſita eſſet. Quo quidem vaticinio tota ſerē beatiffimæ Virginis vita velut martyrium quoddam mentis eius extitit. Vt hac ratione intelligamus, fratres, quāto gratiora ſint Deo ſuſpiria, quā gaudia noſtra: quādo innocētiſſimæ Virgini, poſt quadraginta dierum gaudia, reliqua ſerē vitæ portio lachrimis & doloribus, & lamentis deſtinata fuerit. Hac autem laborum & lacrymarū via Regina mūdi ad cæleſte regnū proceſſit; hac eadem eius filius, hac eadē Prophetæ, hac Apoſtoli, hac ſancti Martyres, ceteriq̃. Dei amici in cælum contenderunt. Quicunque igitur felicitatis eorum comites eſſe cupimus, eō curſum vitæ dirigamus, hac ipſa via gradiamur; vt, quō illi perueniunt, nos quoq̃. pertinere valeamus. Habemus autem etiam, ſi extern⁹ impiorū gladius deſit, intra nos latē patentem laborum materiam, in qua exerceri valeamus. Nimirum vt carnem noſtram cum vitiis & concupiſcentiis cruci Chriſti affigamus, frenum voluptatibus iniiciamus, ſuperbiæ, iræ, inuidiæ, atque odij lethalia venena à moribus noſtris repellamus, lubricę linguæ petulantiam & malevolentiam cohibeamus, diligentemq̃. & cogitationibus & ſenſibus noſtris cuſtodiam adhibeamus, & illata ab hominibus damna, variaſq̃. iniurias & contumelias, Dominicæ manſuetudinis exemplo leniter & moderate ſeramus: hac enim ratione & Virginis & Chriſti martyrium imitabimur.

Sed quando Simeonis ſenis pietatē & affectū expoſuimus, Anna quoq̃. (quæ non modica ſolemnitatis huius pars eſt) ſeniori noſtro iungenda reſtat: præſertim cū ſolemnis Eccleſiæ proceſſio, quæ hodie celebrata eſt, eadē ſuperueniente completa fuerit. Ambo igitur illi interſuere; ambo, inquam, ſenes & ætatis prouectę, ambo ſanctitate pares, deuotione ſimiles, caſtitate æquales, pietate cōcordes, eodē affectu & deſiderio, eadēq̃. ſpe deſideratū cunctis gentibus Saluatorem exſpectātes, & ante Euangelium, Euangelicę puritatis ac pietatis primitias dedicantes. His igitur ſenibus hodierna proceſſio cōpleta eſt, quæ Virgo mater ad templum Dñi filium oblatura proceſſit. Quatuor igitur hodie inſignes perſonæ ſimul procedunt, quæ nobis omnia virtutū officia (vt Guerrius ait) ante oculos ponunt. In Anna, quæ ieiuiniis & obſecrationibus nocte ac die ſeruiebat, ieiuinium cōmendatur & oratio. In Simeone, qui tanto Ieſum amplexus eſt gaudio, pietas & deuotio. In Maria, quæ cū nihil purificandū haberet, purificationis tamen legem impleuit, humilitas & obedientia. In Domino autem Ieſu, qui factus ex muliere, factus eſt ſub lege, vt eos, qui ſub lege erāt, redimeret;

Guerri-  
cus.

Galat. 3.

Lucæ 22.

charitas & misericordia. Hæc sunt, fratres, præcipua virtutum ornamenta, quibus nos gloriosam hanc processionem ornare & celebrare debemus. Sed & cereos quoque hodie in manibus gestamus. Quid autem aliud cereus accensus, nisi lumen illud ad reuelationem Gentium, quod hodie Simeon cecinit, designat? Quid præterea est lumen in cera, nisi Verbum in carne, Deus in homine, virtus in infirmitate, sapientia in infantia, & plenitudo diuinitatis in carne nostræ mortalitatis? Cerei ergo, siue lucernæ gestatio, fidei professio est. Sed illud tamen aduertite, fratres, lucernam hanc non in ore solum, aut in corde; sed in manibus portandum esse, quemadmodum Saluator ait: Sint lumbi vestri præcincti, & lucernæ ardentes in manibus vestris; quibus videlicet hanc fidei professionem circumferre & ostentare debetis. Hoc enim est fidei lucernam in manibus gestare, operibus ipsis, & vitæ ordine atque ratione profiteri, quod corde & ore confitemur; ne videlicet in illorum numero computemur, qui consentunt se nosse Deum, factis autem negant, Nec minus tamen ore & corde eadem quoque lucernam gestanda est, vt verba omnia & cogitationes nostras fidei legibus atque doctrina moderemur, neque quidquam extra illius præscriptum moliamur. Quisquis igitur hanc fidei lucernam primum quidem in manu, deinde vero in corde atque ore his rationibus portat, is profecto hodiernæ solemnitati plenissime satisfacit, is se in hac processione sacratissimæ Virgini, Simeoni, atque Annæ socium adiungit. Demus igitur operam, fratres, vt verba nostra statim ponderemus, vt opera nostra fidei regula moderemur, vt intentionem nostram in vnum Deum referamus, non hominibus, non nobis ipsis, non seculo, non denique carni & sanguini obsequi & seruire curantes, sed vni tantum Seruatori nostro (qui hodie pro nobis offertur & redimitur, vt nos offerret Deo, mortificatos quidem carne, viuificatos autem spiritu placere studentes, vt illum semper intuentes, illiusque vestigiis insistentes, per ipsum, qui est via, veritas, & vita, ad ipsum tandem peruenire mereamur, qui est benedictus in seculum seculorum, Amen.



## IN EODEM FESTO PURIFICATIONIS

BEATISSIMÆ VIRGINIS MARIÆ,  
Concio secunda: in qua, post breuem Euangelicæ  
lectionis explanationem, quàm felix & placida  
piorum, & quàm misera improborum sit mors,  
beati Simeonis exemplo disseritur.

THEMA. *Nunc dimittis seruum tuum, Domine, secundum  
verbum tuum in pace. Lucæ 2.*



**S**APIENTER quidem D. August. illud in prima August.  
rerū creatione adnotauit, quòd cūm Dñs singu-  
las quasq. res condidisset, easq. bonas esse iudica-  
set, vbi totam mundi fabricam absoluit, eas non  
bonas modò, sed valde bonas esse testatus est: sic  
enim Moyſes ait: Vidit Deus cuncta quæ fecerat, & erant val-  
de bona. Bonitas enim, quæ in singulis rebus erat, in vniuersis  
Genef. 1.  
conduplicata euidentius eminebat. Singularum enim rerum  
pulchritudo in ordinē redacta (quod in variarum vocum conſo-  
nantia fieri videmus) velut cōcentum quendā & harmoniā sua-  
uissimā efficit. Quod ergo in mundi creatione conspicitur, hoc  
multo magis in eius instauratione apparet. Cūm enim singula  
opera, quæ Dominus & Saluator noster edidit, admiratione di-  
guissima sint; vniuersa tamen simul cōsiderata, longè & mira-  
biliora & pulchriora iudicantur. Quod quidē ea mysteria, quæ  
proximis his quadraginta diebus peracta sunt, faciliè declarant.  
Primum enim is pro nobis de Virgine homo nasci dignatus est.  
Deinde cūm diues esset, adeò pro nobis egen⁹ fact⁹ est, vt in sta-  
bulo nasceretur, & in præsepio poneretur: qua paupertate nihil  
abiectius, nihil humilius, cūm stabulū & præsepe nō hominum,  
sed iumentorū loca sint. Tum præterea octauo exinde die circū-  
cisus peccatoris imaginē suscepit; dū peccatorū canterio inno-  
centissimus Agnus insigniri voluit. Sequitur deinde Magorum  
adoratio & oblatio, quæ tertio decimo à natiuitatis Dñicæ die  
ab Ecclesia celebratur, in qua recēs natus Dñs Gentium cōuer-  
sionem adumbrari, & salutis æternę spē mortalibus præberi vo-  
luit. Hodie verò serui formam induit, dum tanquam seruus &  
alieni iuris, & offerri in tēplo, & seruorū more redimi passus est.  
Hæc nobis tam varia, tamq. miranda spectacula, quadraginta  
dierum satis angusta spatia exhibent: in quibus apparet, quanta  
K 5 Domi-

Dominus auiditate, quantaq. celeritate redēptionis nostrę opus  
 adhuc paruulus aggressus sit. Quamobrē meritō inter nomina  
 quę ipsi apud Isaiam Deus Pater imponit, illa duo præcipuē  
 numerantur. Admirabilis, & Accelerata. Verē enim cū in  
 cunctis operibus suis mirabilis sit, in hac tamen celeritate, qua  
 salutis nostrę negotia procurauit, mirabilior est. Quā quidem  
 in spiritu Sponsa videbat, eū aduentum eius in mundum, cap-  
 rearum ac ceruorum cursui similem esse prædicauit. Eandem  
 verō celeritatem regius Propheta non capreæ aut hinnulo cer-  
 uorum, sed (quę inter omnes maxima est) solis velocitati com-  
 parauit. De ipso quippe ait: Exultauit vt gigas ad currendam  
 viam, à summo caelo egressio eius. Inter omnia enim celi alia  
 Christus Dominus maximē soli (à quo bona omnia in terras  
 manāt) cōparatur: vnde & Sol iustitię esse dicitur. Inter ea ve-  
 rō quę Solis propria sunt, eius celeritas Saluatori nostro præci-  
 puē conuenit; qui, nō expectata maturiori aetate, ab ipsis etiam  
 incunabilis salutem nostram operari, & meritō suorum nobis  
 opes congerere cœpit. Quod si solidis corporibus naturale  
 esse ferri deorsum, ex maximo impetu, quo feruntur, facili ag-  
 noscimus; quis Christi in nos amore quo in nostram salutem  
 incumbibat, ex ardore & celeritate qua se ad illam procuran-  
 dam tradidit, non intelligat? Quis verō hoc intelligens, non il-  
 lum vicissim diligat? non se totum in illius laudes ac præconia  
 effundat? Quo plura David beneficia à Dño percipiebat, eo si-  
 bi magis Deum esse laudibus & hymnis prosequendum prosi-  
 tebatur: Ego enim, inquit, semper sperabo, & adiciā super om-  
 nem laudem tuam. Os meū annuntiabit iustitiam tuam, tota  
 die laudem tuam. Quoniam nō cognoui litteraturam, siue (vt  
 alij verterunt) numerum: hoc est, quia beneficia tua tam multa  
 sunt, vt numerari nequeant, idē os meum tota die annuncia-  
 bit salutem & iustitiam, hoc est, bonitatem & misericordiam  
 erga nos tuam.

Sed hodierna tamen oblatio, qua pro nobis Dñs seipsū tan-  
 quam seruus Patri offerre dignatus est, non modō ad charita-  
 tem hoc tanto beneficio, sed ad humilitatē etiā hoc tam admi-  
 rabili exemplo nos prouocat: qui in similitudinem hominum  
 factus, & habitu inuentus vt homo, per omnia cæteris homini-  
 bus, extra peccatū, assimilari voluit: ideoq. circumciditur vt alij;  
 offertur & redimitur vt alij; baptizatur aliorum more; tribu-  
 tumq. Casari pendit vt cæteri; atque demum Dñs maiestat-  
 is ad infima se vsq. demittit; cū nos viles hominuli, si qua for-  
 tē in re vel minima aliis superiores sumus, singulares atq. pri-  
 mates inter omnes haberi velimus: quod propriē superborum  
 est, qui dignitatis cōsortem pari nequeunt. Vnde D. Bernardus  
 prophē-

propheticum illud in eos quadrare dicit: Errauerūt in solitudine, in iniquo solo. Superbi enim, inquit, in solitudine errant, quia omnibus in rebus soli & singulares esse volūt: nimirum ceteris omnibus aut nobiliores, aut prudētiores, aut doctiores, aut certe meliores se esse arbitrātes. Talis erat Phariseus ille, qui sic orabat: Deus, gratias ago tibi, quia nō sum sicut ceteri hominū, &c. Quo in loco (vt idē Bernard. ait) se solū decipit, quē solū excipit: cū nihil minū in eum caderet, quā quod sibi ipse tribuebat. Gratias agit, non quia bonus, sed quia solus. Quo modo ergo vilis homuncio cristas erigit, qui Dominum maiestatis sic hodie ad infimam serui formam deiectum videt?

Plal. 103.

Luc. 18.

Bernard.

Verū hodie non in filio solū, sed in matre etiā locupletissimū omnibus proponitur humilitatis exemplum, quā cū ceteris impuris mulieribus purificari voluit, quā nihil purificandum habebat. Quid enim in ea nō purū esse potuit, quā virgo concepit, virgo peperit, virgoq. permansit: imō verō, quā ipso conceptu & partu purior atque sanctior effecta est? quid, inquam, mundandum habuit cōceptusille, qui solus potest facere mūdum de immundo conceptū semine? quā fonte ipsum, quo immundi omnes purificantur, edidit, qui hodie quoq. scaturit perpetuoq. seaturit in ablutionem peccatoris & menstruate. O mater (ait Guericus) immaculata, mater intacta; nōne tuā tibi conscia es puritatis, quia scilicet integritatē tuā nec cōceptus, nec parus violauit, sed sacravit? Quare ergo, tanquam muliebri aliquid in concipiendo, vel pariendo sis passa, sic mundationis, quā muliebri promissa est infirmitati, quāris remedia? Sic, inquiet illa, decet nos implere omnē iustitiam, vt, quā sumā mater electa sum iustitiæ, speculū quoq. sim & exēplar totius probitatis & iustitiæ. Noui ergo superbā filiorum Eua, quā promptior est ad excusandū quā ad expugnandū cōmissa: necessariū arbitror, vt vitis originis antiquæ statim in initis omnia nouę generationis occurrāt exēpla. Mater preuaricationis peccauit, & excusauit procaciter: mater redemptionis nō peccet, & satisfaciāt humiliter, vt filij hominū, qui de matre veltutariis traducūt necessitatē peccandi, de matre saltem nouitatis trahāt humilitatē purgandi. Hactenus ille. Huius itaq. virginis purgationis causa nō vlla quidem necessitas, sed profundissima intemperatæ Virginis humilitas extitit: quē cū astris ipsis purior & pulchrior esset, sacrificiū tamen & oblationē pro peccato nō exhorruit. At nos miseri, tot sceleribus contaminati, nec scelera nostra agnoscimus, nec scelerum remedia quærimus. Itaq. cum pertinaci & rebellī populo dicimus: Absquē peccato & innocens ego sum, propterea auertatur furor tuus a me. Cui tamen Dñs respondit: Ecce ego iudicio contendam tecum, cō quod dixeris;

Gueric.  
cus.

Hier. 6.



dixeris; Non peccavi. Quod periude est ac si diceret: Etiam ob hoc ipsum quod iactas, ob hoc ipsum quod ais, Non peccavi (vt nihil esset aliud) te in iudiciū vocabo. Animaduersione profecto dignū est, quōd cūm ij, qui flagitiis omnibus cooperti sunt, nihil vereatur, nihil eos scelerū conscientia mordeat, nec de remedio solliciti sint; viri tamē sancti, qui quā lōgissimē ab omnibus flagitiis abstinēt, semper in luctu, semper in lacrymis, semper in purificationis remediis exerceantur. Quid hac sanctissima Virgine purius? Ea tamen gemebundas hodie aues, pœnitentiæ indices, alteram in holocaustum, alteram offert pro peccato. à quo prorsus immunis tota vita fuit.

Hæc duo habemus, fratres, hodie humilitaris exēpla: alterum quidē in matre, alterū in filio: in illa, dū se velut immunda purificat: in hoc autē, dum velut seruus emptitius à matre offertur & redimitur. Sed hæc quidē in ipso vitæ ingressu, at in progressu & exitu quid non tantū fecit, vt nos humiles redderet? Quibus verbis hanc virtutē cōmendauit? quibus exēplis animis nostris infingendam curauit? quæ humilibus præmia, quæ superbis supplicia proposuit, vt tota nimirum eius vita & doctrina, vix aliud quā quædā humilitatis disciplina fuisse videatur? Cur ita? Quia nimirū sciebat ipse, humilitatē (vt quidā ex Patribus ait) cæleste quoddā instrumentum esse, quod ex abyssō animas in cælū leuat. Adde etiā, quōd amator hominū id maximē hominibus persuasum esse voluit, quod non ad virtutē modō, sed etiā ad inernā animi pacē & quietē præcipuē cōducebat. Quod quidē humilitate potissimū fieri, elegāter D. Emissen<sup>9</sup> explicat, his verbis: Vbi est humilitas, ibi requies, ibi tranquillitas, ibi omnis serenitas. Dum enim ipsa sibi pacata est; etiam si qua tribulatio, si qua tēpestas oborta fuerit, nihil erectū, nihil sublime, nihil oppositū inuenit, vbi illud impetū iūum. Si quid itaq. ex aduerso irruerit, totū post se humiliata trōtet transmittit. Quælibet tribulatio ab humilitate mitigatur ac vincitur; sicut in planis littoribus sine aliquo fragore vnda cōsumitur: aurarum motus, ferociamq. ventorum, mōtium obiecta suscipiunt, vallium verō subiecta nō sentiunt. At verō ē cōtrario viæ superborum plenæ sunt offendiculis, plenæ præruptissimis præcipitiis: quia vbi est superbia, ibi est indignitas, ibi animositas, ibi labor, ibi tribulatio, vt iam ei ante iudicij diem iusta damnatio tribuatur; & improbæ quæque mentes in semetipsis habeant pœnam suam, probabiles & emendatæ in semetipsis inueniant refectionem, vel remunerationem suam. Hactenus Emissenus.

Sed quoniam de humilitate dicere cœpimus, illud quoq. adiiciendum puto, vt qui ad præstantissimam hanc virtutē aspirant, non fictam atque fallacem, sed veram humilitatem consequantur.

Homil. de  
Epiph.

Simile.

ctentur. Sicut enim est vera & falsa iustitia; ita quoque vera & falsa humilitas reperitur. Falsam porro suis velut coloribus D. Hieron. in epistola quadā describit his verbis: Fictam humilitatem fugiēs, illā sectare quā vera est, quā Christus docuit, in qua non sit superbia inclusa. Multi enim huius virtutis umbrā, veritatē pauci sequuntur. Perfacile est aliqū habere vestē contempnam, salutare submissiūs, manus & genua deosculari, inclinato in terrā capite, oculisque deiectis, humilitatem atq. mansuetudinem polliceri, lenta voce tenuiq. sermones infringere, suspirare crebrius, & ad omne verbū peccatorē atq. miserum se clamare: sed si vel leui sermone offensus fuerit, continuō videbis attollere superciliū, leuare ceruicē, & delicatū illū oris tonū insano clamore repētē mutare. Haecenus Hieronymus. Cuius verbis ad falsam humilitatem dignoscendam nihil addere opus est. Verā autē humilitatis rationē atq. naturā proposito in signi quodā exemplo Ioannes Climacus apposituissimē describit. Refert namque fuisse quendam suo tempore monachum nomine Isidorum, qui iubente Abbate septē annis ad fores monasterij excubauit. A quo cū idē Climacus quāsisset, quam exercitationem mens eius habuisset, cū ad portam moraretur. ita respondit: Initiō hoc existimaui, quod pro peccatis meis essem venditus: vnde cum amaritudine summa & violentia prouoluebar omnium pedibus. Impleueram vix annum, cū sine mōre iam atq. tristitia id faciebam, mercedem à Deo tolerantiae expectans. Impleto autem rursus alio anno, toto affectū cordis indignū me ipsum existimare cōpi conuersatione monasterij, Patrumq. aspectu & contubernio, diuinorumq. participatione Sacramentorū: indignū item qui in alicuius faciē intenderem. Quocirca defixis in terrā luminibus, nec ab oculis discrepante animo, intrantes atque exeuntes, vt pro me orarent, deprecabar. Haec ille. Hunc ergo, fratres, animum, hunc affectum, has cogitationes sectari studeat, quisquis Euangelicæ philosophiæ discipulus esse velit, & incomparabilem humilitatis thesaurum acquirere, & Filij Dei, atque beatissimæ matris eius exemplum, quod hodie nobis propositum est, imitari. Sed iam tempus est, vt paulisper à Virginis humilitate oculos deflectētes, ad Simeonem, qui huius diei festi non minima portio est, transeamus.

## I.

Et ecce (inquit Euangelista) homo erat in Ierusalem, cui nomen Simeon. Et homo iste iustus & timoratus, expectans consolationem israel & Spiritus sanctus erat in eo. Ex actissimo ordine sancti huius viri Iudas Euangelista persecutus est. Prius enim dignitatis causas, deinde subiecit dignitatem. Quod enim promissit, Iustum & timoratum; causa est propter quam in eo domicilium sibi Spiritus sanctus

Hieron.  
in epist.

Ioan.  
Clim.

sanctus

- Psal. 88.** sanctus delegisset. Alibi enim legimus: Iustitia & iudiciū preparatio sedis tuæ: quia videlicet ubi iustitia & iudiciū est, ibi Dei sedes est. Alibi verò idem ipse Dñs ait: Super quem requiescet Spiritus meus, nisi super humilem & mansuetum, & tremētem sermones meos? Quia ergo sanctus hic vir, iustus & timoratus erat, his utique virtutibus templum Dñi effectus erat. Quo in loco illud annotandum est, quòd non ait Propheta, timentē, sed tremētem sermones meos. Plus enim aliquid in tremore quàm in timore esse videtur, cum ea vis tremoris sit, ut non animus modò, sed corpus etiam externis motibus internum animi pavorem exprimat. Quem timorē Vates regius à Dño petebat; cum diceret: Confige timore tuo carnes meas: hoc est, Nō animam modò, sed ipsum etiam corpus timoris tui iaculo transfige: ut me non mens solū, sed ipsum etiam corpus à maleficio deterreat. Sicut enim cum cōtritio vehemēs est, in ipsum quoque corpus exundat, cuius rei lacrymæ indices sunt: ita cum timor Dñi ingens est, ipsum etiam corpus quatit, & horrore suo hominem in officio continet. Ad hūc autem timoris gradū nō **Esaiæ 66.** Propheta vocat, cum alibi dicit, Audite verbum Dñi, qui tremitis, ut is potissimū ea dignē audiat, qui totus audiendo contremiscit. Quod fecit sanctus Rex Iosias, qui, auditis verbis legis Dñi, ita perterritus est, ut vestimenta sua sciderit, & Dominum, quid sibi in ea re facto opus esset, sollicitē consuluerit. Talis ergo timor Spiritui sancto domum parat; qui iusti animā ingrediens, & amoris sui in ea ignē accendit, & eundem ipsum timorem, qui illi aditum præbuit, indies sic auget, ut, quo quisque magis in eius amore profecerit, eo magis hoc timore afficiatur: quia videlicet quo plus illum diligit, eo diligētius cauet, ne quā in re illum offendat, quem tam charum habet. Quo quidem timore ita frequenter piorum animus quatitur, ut non solū vigilans, sed etiam dormiens impuris somnis hoc metu reluctetur. Quin etiā si in ipso somnio aliquādo sibi peccato cōsentisse videatur, dormit pariter ac tremat, & in lacrymas interdum soluitur: à quibus excitatus, & somnia quidem illa, non vera crimina esse intelligens, vix conceptas adhuc lacrymas continet; vixq. gratis Deo agendis satiatur, quòd eripuerit animā eius à morte, oculos eius à lacrymis, pedes eius à lapsu. Hæc omnia sancti huius timoris officia sunt. Quo fit, ut hæc vel præcipua inter pios & improbos differentia sit: quòd hi quidē, tantū abest ut ad verbum Dei cōtremiscant, ut terē nihil magis irrideant quàm si quis, propositis aut Euāgelii, aut Pauli verbis, à maleficio aliquo eos renocare cōtenda. Hæc enim ad monachos aut sacerdotes, non ad se qui in mūdo degunt, pertinere putant. Itaq. si



eis omnia Christi verba, minas, promissa, beneficia, & mysteria omnia ante oculos ponas, quo eos à prauè cceptis auoces, nihil prorsus his tantis rebus cōmouentur. Sed animaduertite, queso, horum dementiā, Si quis hoc ipso tēpore, prætermisiss Dei legibus atq. rationibus, è vanis mundanorū legibus aliquid asserat, quo probet, illud ipsum quod suadetur, vel ad honorē & famam, vel ad Principum gratiā promerendam, vel ad aliquam corporis cōmoditatem consequendam pertinere, protinus colla submitunt, & vinctas manus porrigunt, nec vlla alia ratione aut persuasione egent. Hæc igitur improborū mens est. Contrā verò pij, mundi legibus & opinionibus spretis, Dei voces audiūt, eius leges attendunt, & per eas viam & mores instituūt. Itaque quod nauigantibus Cynosura, quod mūdi polus, quod denique nauigandi charta, hoc illis Dei lex est: illam semper aspicunt, illam in consiliū adhibent, illius ductū sequuntur: quemadmodum olim filij Israël per desertū gradientes, nubis & columnæ ducatum sequebantur. Nec sola diuinæ legis nuda obedientia contenti, timorem quoq. obedientiæ iungunt. Timent enim vehementer, ne vel leuissima in re ipsam Dei legem transgrediantur. Intelligunt enim, qua reuerentia, quo metu, quo obsequio & religione, immensæ illius maiestatis placita suscipienda atq. seruanda sint. In illis ergo, qui ita trepidi ad sermones Dei sunt, Spiritus ille celestis libentissimè requiescit. Quo minus mirandum est, si is in pectore iusti atque timorati Simeonis adeo placidè requienerit.

Sed fortè quis quærat, quonā modo Spiritus sanctus in anima iusti requiescat, quandoquidem sese ipse per omnes mundi partes insinuat, utpote qui orbem terrarum virtute & presentia sua repleat? Respōdebit aliquis, id fieri per dona atq. charismata sua, quibus intus animam mirabiliter instruit & exornat, quibusque eam in oculis suis gratissimam reddit. Est ita planè. Sed adhuc magis aliquid est, quod hac oratione significamus. Non solum enim sua illi, sed seipsum etiam tribuit, sine cuius ductu atq. præsentia, cætera omnia eius dona periclitātur. Itaq. animæ celestibus donis ornata Spiritus sanctus præsidet, ne qua fiat, ut natia libertate abutatur, & perceptis donis in superbiam efferratur. Hanc autem sententiā scholastici Theologi tuentur. Diserimen enim esse aiūt inter Spiritus sancti communionem & donorum ipsius: sed debuitque non modò Spiritus sancti dona, sed ipsum etiam Spiritum sanctū donari asserunt. Quod etiam docuerunt Athanasius, in epistola ad Serapionem; Ambrosius, de Spiritu sancto; Aug. 15. de Trinitate. Hanc autem eximiam & præcellentē gratiā, que nobis in iustificatione cōferretur, expressit Christus Dominus, cum ait: Si quis diligit me, ser-

Athanas.  
Ambros.  
August.

Ioan. 14.

monem

1. Cor. 3.

monem meum seruabit, & Pater meus diligit eum, & ad eum veniemus, & mansionē apud eum faciemus. Confirmauit etiā eandem Paulus ad Corinth. cum ait: Nescitis quia tēplum Dei estis, & Spiritus Dei habitat in vobis? Per hūc autē diuini Spiritus illapsum præcipuē renouamur: & ab eo crediderim prouenire quæ iusti habent spiritualia dona, aut certe ad illum ordinari. Affert quippe Spiritus sanctus secum sua dona, & templa sua ipse mundat & decorat; quasque sibi desponsat animas, his velut monilibus exornat, vt habitaculum in eis habeat non indecorum, nec omnino se indignum.

Psal. 36.

Hic ergo Spiritus qui in Simeone habitabat, hoc illum pulcherrimo dono affecit; quod anxie consolationē Israëlīs expectanti, totq. animarū ruinas miseranti, & salutē earum sitienti, ac pro ea Dñm dies noctesq. deprecanti, pollicitus est nō prius eum ex hac vita migraturū, quā mundi Saluatorem mortalitatis nostræ habitu indutum cerneret. O quā verē à Propheta dictum est, Melius est modicum iusto, super diuitias peccatorum multas! Quæ enim mundi opes atq. deliciæ, quæ mundi gaudia cum hoc tanto viri iusti gaudio cōparari possunt? Confer in vnum quidquid mūdus potest dare; etiam si totum se tibi vni possidendum traderet, quid hæc tanta felicitas ad hæc senis nostri felicitatē? quid ad hanc apertissimam diuinā erga se benevolentia significationē? Quod quidem beneficiū sanctus senex quoties recolebat (recolebat autem semper) non dubium quin toties præ amore Saluatoris sui liquefieret, totusq. in lacrymarum fontes efflueret. Duo sunt patrū erga teneros filios munera: alterum, quæ ad vitæ vsum necessaria sunt, suppeditare; alterum, quæ ad eorum iucunditatem & lætitiā pertinent, prouidere. Quæ duo Pater ille cælestis iis, quos in filios adoptauit, cumulatissimē præstat, dum illis non modò gratiam & virtutes, quibus spiritualis vita continetur; sed mirabiles etiam iucunditates, quibus eadē reficitur & recreatur, exhibet. Quæ tales sunt, vt (quemadmodū Theologi definiunt) omnes mundi delicias superent, siue quæ sensu, siue quæ intellectu percipiuntur. Neque enim falso aut paruo affectu Propheta dixit: Melior est dies vna in attriis tuis, super nullia. Omnis enim humana felicitas in vnum congesta, vnus dici felicitatem, qua pii homines fruuntur, æquare non potest.

Simile.

Psal. 83.

Itaque hoc ipso die vir sanctus ab eodem Spiritu admonitus, venit in templam. Cumq. inducerent puerum Iesum parentes eius, vt facerent secundum consuetudinem legis pro eo: ipse non vidisse Iesum & adorasse contentus, accepit eum in vlnas suas. Quo amore id fecerit, qua deuotione, qua reuerentia, quibus lacrymis, quo affectu atque gaudio, solus ille nouit, qui in eius

eius pectore habitans, miris eum modis afficiebat. Quot enim magnalia atq. mysteria Spiritus sancti magisterio percipiebat, tot affectibus pia eius mens excitabatur, rapiebatur, & accedebatur. Denique presentem cernens, quem tot ante secula expectabat: Venisti tandem, ait, cunctis gentibus desiderare; venisti captiuorum redemptio, mortuorum vita, peccatorum venia, omniumque seculorum salus & lætitia. Gratas tibi ago Dñe, gratias tibi ago, quia nos visitare dignatus es oriens ex alto. Implesti, Dñe, verbum tuum, reddidisti promissum tuum: sicut à Patribus accepimus, ita & vidimus. O quam multi Reges & Prophetæ desiderauerunt te videre, & non viderunt! quod mihi tandem dono tuo concessum est. Immortales tibi ergo, Dñe, gratias, quantas maximas animus meus capere potest, pro hoc inenarrabili dono tuo ago. Lætus iam & gaudens ex hac vita discedam; quia vidi faciem tuam, & te cum hominibus versatim relinquo. Defecerat enim anima mea in salutare tuum, o Domine: defecerunt oculi mei in eloquium tuum, dicentes: Quando consolaberis me? Factus eram sicut vter in pruinâ, frigidus corpore, aridus corde, spiritu marcidus, & totus desiderio languidus. Sed quia in verbum tuæ promissionis speravi, non visurum scilicet me mortem, nisi viderem Christum tuum; quod speravi, iam video; quod desideravi, iam teneo; quod concupiui, amplector. *Nunc ergo dimittis, Domine, seruum tuum in pace.* In abyssum iam descendere non formido; quia viderunt oculi mei salutare tuum, cuius meritis iam iam ab ea liberandus sum. Vadam ergo legatus ad pios manes, & felicissimum hoc nuncium ad eos deferam, optatum scilicet aduentare diem, quo tristitia linquant tartara, & in lucis & felicitatis regnum transferantur.

Psal. 128.

*Nunc dimittis seruum tuum Domine.* Non possum ab huius suauissimi Cantici principio cogitationem auertere. *Nunc, inquit, dimittis, Domine, seruum tuum in pace.* Hoc est; hætenus tanquam victus in huius corporis ergastulo detigebam, mortalitatis meæ pondere grauat, sed libenter tantam hanc molestiam sustinebam; ut te, priusquam è vita migrarem, presentem cernerem, ex quo vno vota mea omnia & desideria pendebant. Hac de causa differri mortem & exilium meum gaudebam, ut vitam cerne-rem quæ nunquam deficit; lucem quæ nunquam extinguitur; viam rectam, quæ nusquam deuiat; illud deniq. salutare, quod mentes morti obnoxias in vitam reuocat, atq. exules Adæ filios patriæ restituit. Quod si vitam iam cõspexi, si corpoream Domini mei faciẽ oculis vsurpau, si in illius manus & pedes tuissima oscula fixi, si cælesti illa misericordia tã diu expectata in huius tẽpli medio potius sum: quid est quod in vita manere diutius velim? quid mori ex timebam? Nihil iam superest



quod desiderare amplius debeam, nisi ut eo perpetuò in caelis fruatur, quem praesentem in terris tueor & adoro.

## I I.

En, fratres, qualis fuerit beatissimi huius senis mors. Vidit Christum Dñi, vidit ante mortē suā & omniū Saluatorem: atq. hoc tanto salutis suę pignore suscepto, diem clausit extremum. Qua morte quid iucundius? quid felicius? Talis autē est piorum mors, cum tamen longē alia sit improborum. De illa enim dicitur, Pretiosa in conspectu Dñi mors sanctorum eius: quippe quā illis ad aeternam vitam aditum præbet: de hac verò, Mors peccatorum pessima, ut pote quā sempiternæ mortis ianua est. Hoc interest Cicero inter senū & adolescentum mortem existimat; quòd adolescentes mori sic videntur, ut, cū aqua multitudine vis flammæ opprimitur; senes autem, sicut sua sponte, nulla adhibita vi, cōsumptis ignis extinguitur: & quemadmodum poma ex arboribus, si cruda sunt, vi euelluntur; si matura & cocta, decidunt; sic vitam adolescentibus vis auferit, senibus maturitas. Hactenus ille. Ego verò discrimen hoc ad piorum & impiorum mortem convenientiū referri puto. Impij enim ferē moriuntur inuiti & repugnātes, ut qui vitæ huius amore flagrant, atq. in ea spes omnes & opes suas repositas habent; & ad illam dolentes pergunt, in qua (vel ipsa teste conscientia) nihil se reposuisse cognoscunt. Dolent itaq. grauiter propter ea quæ deserunt, vehementiū tamen anguntur propter ea quæ sibi parata esse suspicantur. Pij autem ferē more huius senis placida & tranquilla mente discedunt, & in pace dimittuntur; quia in pace & iustitia vixerūt: sic enim legimus: Veniat pax, requiescat in cubili suo, qui ambulauit in directione sua. Quicumq. ergo in directione hac ambulauerūt, qui per semitas vitæ ingressi sunt, quò tandem, nisi ad caelestis patriæ cubile, peruenient? Hoc est autem quod Ioanni præcipitur, ut literis ad posteritatis memoriam consignatis mander. Audiui, inquit, de calo vocem dicentē mihi: Scribe, beati mortui qui in Domino moriuntur. Quamobrem? Quoniam amodò iam dicit Spiritus, ut requiescant à laboribus suis: opera enim illorū sequuntur illos. Amodò, inquit. Posteaquam enim sanguine suo clausas ad id vsque temporis caeli fores Agnus aperuit (qui vitæ & necis clauēs habet) minimè iam necesse est mille aut bis mille annos apud inferos manes expectare; sed protinus qui cū fide & pietate vixerunt, qui nihil habent quod igne purgandum sit, in illas beatissimas oras transferūtur, in quibus à laboribus suis plenissimè requiescent. Quare autem hac tanta requie perfruuntur? Nimirum quia ibi colligunt fructus laborum suorum: ibi merent cum lætitia, quæ cum lachrymis seminarunt. Ideoque lætabun-

Psal. 115.

Psal. 33.

Cicero.

Simile.

Isai. 57.

Apoc. 14.

lætabuntur coram Dño, sicut qui lætantur in messe: sicut exultant victores capta præda, quando diuidunt spolia. Opera, inquit, illorum sequuntur illos. Opera enim velut indiuidui comites sunt, quæ æterna atque indiuidua societate hominem comitantur. Apud Romanos in more positum erat, vt Imperatores qui se in bellis strenuè fortiterque gessissent, & prouincias bello subactas Romano imperio addidissent, urbem Romam ingrederentur, circumfusam captiuorum turbam, quam pugnando ceperant, cæteraque gestorum suorum insignia secum ad virtutis memoriam reportantes. Hoc ergo modo pij omnes cælestem Ierusalem, cum ex hac vita decedunt, ingrediuntur, omnia secum virtutum atque gestorum suorum monumenta clarissima referentes. Itaque ante ipsos præcedunt misericordiæ opera quæ fecerunt: ieiunia, quibus repugnantem carnis lasciuiam subegerunt; plagæ & verbera, quibus corpus suum attrieuerunt; itinera, quæ pietatis causa confecerunt; animæ, quas salutaribus monitis & exemplis Christo lucrifecerunt; illatæ iniuriæ & contumeliæ, quas propter eum pertulerunt; ac demum humilitas, charitas, mansuetudo, patientia, & obedientia, cæteraque virtutes, quibus potissimum enituerunt. Denique quidquid ab eis præclarè in vita gestum est, vsque ad calicem aquæ frigidæ propter Deum inopi porrectum, illos subsequetur. Labor quippe virtutis abiit; decus verò, meritum, & gloria nunquam abitura est. Pro captiuis verò, quos Romanorū Imperatores secum in triumpho ducebāt, isti afferunt gloriam triumphati mundi, demōnis, atq. carnis (uæ: cuius satellites sunt fornicatio, immunditia, impudicitia, iræ, rixæ, cōtentiones, æmulationes, inimicitia, cæteraque huiusmodi pestes, quas infracta virtute subegerunt. Quam felices verò tunc labores suos iudicabunt, quos videant tantum sibi decoris & gloriæ peperisse, quæ nunquam interitura sit!

Nec minùs tamen impios sua etiam opera consequentur, illosque indiuidua societate comitantur, & ad tribunal vsque superbi iudicis, non tanquam comites aut defensores, sed tanquam testes & accusatores procedent. Quale autè agmen hoc futurum est (in iis præsertim qui vitam omnem in flagitiis cōsumpserunt) in quo tam multa scelera congerentur? Numera mihi, si potes, omnes concupiscentias oculorum; numera omnia furtiua, mendacia, odia, periuria, libidines omnes, & vindictæ cupiditates, maledicta omnia, omniaque verba obscena, scurrilia, impura, vana, & perniciosæ; & numerum arenæ maris superabis. Contemplare, quaeso, demens, quibus comitibus stipatus ad eum iudicem perges, apud quem vt nihil latere, ita nihil impunitum relinqui potest. Sed præter hæc omnia numera

(quæso) detractiones omnes, quibus alienâ famam dilacerasti: quoties in hominum frequentia præcipuam tibi loquendi materiam alieni mores, vita, institutaque suppeditarunt: quoties nec virginum pudori, nec viduarum famæ, nec coniugum honestati, nec sacerdotum honori peperceris: quoties quæ leui adhuc erant suspicionem obscura & inuoluta, tanquam certa & explorata affirmasti, aut abdita & occulta in vulgus hominû sparsisti. Quid igitur in extremo illo vitæ agone facies? quò te verites? quid consilij capies, cum tot vallatus criminibus ante hunc iudicem apparebis? Sed fortè dices: Sacramentalis confessio, peccatorum omnium remedium & medicina est. Quid igitur? An tu satis esse putas confiteri, nisi læsam & violatam famam resarcias? In hoc enim vno crimine ita restitutionis debitores, ut non modò cum falsum crimen, sed etiam cum verum dixeris, ad restitutionem tenearis, si proximi fama læsa est. Quo nomine longè plus periculi in hoc vno crimine quàm in multis aliis etiam atrocioribus est. Si enim contumeliosus vel blasphemus in Deum fuero, sola pœnitentia & criminis cōfessione veniam impetrabo; si verò alteri læsi, nisi damnum quod intuli resarciâ, nulla me confessio, nulla pœnitentia iuuat. Quare plus etiâ periculi in famâ, quàm in aliarum rerum nocuentis esse video. Ablatam enim pecuniam vel in morte saltè auari quoque restituunt: ereptâ verò famâ quis restituet, cum tã multi sint qui lacerent? Lacerari enim eâ quotidie videmus: restitui nō videmus. Quomodo igitur iis & aliis infinitis propemodum peccatis onustus in districto illo examine apparebis? Verū enim est quod Aposto-

Galat. 7. 1<sup>o</sup> ait, Vnusquisq. on<sup>o</sup> suū portabit. Quot verò peccata cōmisti, tot supra te onera portabis. Certa narratione didici quo dmodò referâ. Seruus quidâ conseruum suū pecunias domini ferentē in via interfecit, & pecunias sustulit: qui postea à Iudice cōprehensus, suspēdio admissi criminis pœnas dedit. Qui paucis pōst diebus facie horribili inter ardētes flammarū globos conseruū, quē interemerat, supra tergū baiulans, pio cuidâ homini in oratione perseueranti apparuit. Crimen enim illud onus erat quod misere supra se anima gestabat, & in æternum gestatura erat. Quale ergo erit onus illud, in quo tam multa onera congerēda sunt, quot sunt eorū scelera, qui tota vita sine vllō Dei timore cupiditatibus cunctis habenas laxauerunt? Sed ais: Læto hora mortis in cruce pœnitens audire meruit, Hodie mecum eris in paradiso. Hoc tamē vni latroni cōtigisse legim<sup>o</sup>. Vnde D. Aug. colligit, parū esse huic felicitati fidendum, quæ tã rara fuit. Cōmune verò est, ut mors vitæ respōdeat, ut, qualis vita præcesserit, talis etiam mors secutura sit. Pauci enim sunt quibus ea felicitas cōtingit quam ariolus Balaam desiderabat, cum diceret:

Moriatur



Moriatur anima mea morte iustorū, & fiat nouissima mea horum similia. Itaq. vir auarus & impius cupiebat quidē pessimē vivere, & feliciter mori: quod planē multi cupimus, qui Simeonem quidē in morte, Iudam autē in vita volumus imitari. Hoc idem multi fidelium non tam voce quā re ipsa profitetur: quod tamen rarissimē cōtinget. Quā igitur dementia est, vt singularem vnius felicitatem omnes sibi polliceātur? Quā infania est, in tam multorum perditione vnius sibi tantū exemplo salutem polliceri? Si his temporibus, in quibus tam multæ in extremis Oceani sinibus opulentæ insulæ inuentæ sunt, vna aliqua nō minus diues inueniretur, in qua, vno aut altero homine excepto, omnes quotquot eō appulissent, propter aëris & cæli inclementiā variis langoribus cecidissent; quis adeo diuitiarum cupidus esset, qui, proposito sibi vnius aut alterius hominis exemplo, in eam insulam proficisceretur? Quomodo enim non magis tot mortuorum exemplis, quā vnius incolumitate moueretur? Quod si tanta cura temporariam corporis mortē homines reformidant; cur nō magis æternum corporis & animæ interitum, æternosq. cruciatus non simili metu perhorrescant?

Simile.

Sed nunc, fratres, non tam ratione quā obsecratione hanc causam concludere volo. Vos itaque per vestrā rogo obtestorq. salutē, vt prudēter attendatis nos omnes, quotquot hīc sumus, fortassis ante quadagesimū annū ex hac esse luce migratu-  
& ante districti iudicis tribunal adituros. Sexcēta enim millia homines eduxit Dñs de terra Aegypti, exceptis mulieribus & paruulis, qui totidem forsitan fuerunt: qui tamen omnes quadraginta annorū spatio, Caleb & Iosue exceptis, absumpti sunt. Quid ergo mirum, si nos, qui hactenus viximus, tantoq. pauciores illis sumus, ante quadagesimum annum è viuīs excedamus? Cum verò ad postremam hanc horam vētum fuerit, cum iā mortis imago ante oculos obuersetur, cum iā præsentiū oblitī, futura nobis præsencia esse cœperint; hoc est, futura mors, futura pœna, futura gloria, futurum iudicium, futuriq. iudicij irreuocabilis sententia: nemo tam perditis moribus est, qui hoc tēpore non magis diuinis legibus obtēperasse, quā totius orbis imperiū possedisse elegerit. Quō enim mihi mundi imperiū, quod iam desero; si supernū iudicem, qui me in gehennam precipitare potest, intusum atque iratum deprehendero? Nemo item est, qui non eo tempore omnia mundi supplicia pertulisse maluisset, quā vnum lethale crimē aduersus illum cōmississe; cuius fauore & gratia per id tēpus tantopere eget, vtpote in cuius arbitrio æterna salus, æternaq. vita sita sit. Quamobrem si hoc ita futurum est, si tātopere commissorum dolore eo tēpore torquēdi sumus: quid superest, nisi vt orem obtesterq. vos fratres,

L 3

vt ta-

vt tales nunc esse incipiat, quales tunc fuisse ardentissime cupietis. Quid enim iustius, quid vtilius, quid prudentius à vobis quicquid expetere poterit? quod salubrius aut opportunius consilium excogitari, quam vt tales modò esse velitis, quales tunc fuisse tantopere desiderabit? Hoc enim pacto fiet, vt beati Simeonis felicitatem consequi possitis, & mortem (quæ omnium terribilium extremum est) non modò non perhorrescere, sed etiam lætis oculis intueri, cum hoc beatissimo fene clamantes: *Nunc dimittis seruum tuum, Domine, secundum verbum tuum in pace: vt in pace vitam finientes, ad visionem pacis quæ nunquam finienda est, aspirante Domino, peruenire mereamini.*

## IN EODEM FESTO PURIFICATIONIS,

CONCIO TERTIA: IN QVA POST BREUEM  
Euangelicæ lectionis explanationem, primogeni-  
torum offerendorum lex latius explicatur.

THEMA. *Sanctifica mihi omne primogenitum, tam de hominibus quam de iumentis: mea sunt enim omnia.*  
Exod. 13.



VM inter omnia diuina beneficia, fratres dilectissimi, principem locum redēptionis & salutis nostræ mysteriū obrineat, ideò singulari deuotionis & grati animi affectu, quidquid ad huius beneficij rationem pertinet, à nobis celebrandum est.

Hodie verò salutis nostræ primitias recolimus, quando videlicet vnigenitus Dei Filius (cuius sacrificio & oblatione mundus erat expiandus) pro nobis Deo Patri offertur & redimitur. Redimitur autem quinque siclis, qui mundum postea quinque sacratissimi corporis sui vulneribus erat redempturus. Hæc enim velut prælibatio quædam redemptionis nostræ fuit, & veluti sacrificium matutinum. Duplex enim sacrificium lex olim instituerat; alterum, quod mane; alterum, quod vespere offerendum erat. Vtrumque autem sacrificium pro nobis Saluator noster obtulit: hodie quidem in præsentatione matutinum, postmodum verò in passione vespertinum. Hodie quoque cum filij oblatione matris purificationem celebramus: quæ cum nihil haberet purificandum, purificari tamen voluit; vt quemadmodum innocens filius in circumcisione suscepit imaginem peccatoris, ita ipsa, quæ mundissima erat, in purificatione im-

mundarum in se feminarum imaginem præ se ferret, dum legem purificationis implere non dedignata est. Quod quidem (vt de eius humilitate taceamus, duabus potissimum de causis factum esse constat. Altera, quod cum ipsa hodie primogenitum suum (hoc est, purissimam oblationem) Deo offerre velleret, ipso quoque hoc humilitatis obsequio sanctificari voluit: vt tanto esset eius oblatio gravior, quanto animus offerentis purior erat atq. humilior. Hoc enim est quod in muneribus nostris Dominus præcipuè requirit. *Qua de re ita D. Gregorius ait: Iram iudicis placare nescit oblatio, nisi ex munditia placeat offerentis. Non enim ex muneribus Abei munera oblata placuerunt. Vnde dicitur: Respexit Dominus ad Abel, & ad munera eius. Quamobrem, fratres, hæc curarum nostrarum prima sit, vt mentis puritatem diligentissimè tueamur, quo omnia opera nostra puritatis auctori grata sint: cui nihil quâlibet pretiosum, gratum est, nisi ex pura conscientia offeratur. Hæc igitur prior Virgineæ purificationis causa extitit; quæ tamē (vt diximus) purificationis legi adstricta non erat. Altera verò fuit, ne quod offendiculū aliis sacra Virgo præberet, si se à cōmuni purificationis lege subtraheret. Hanc enim vel præcipuā sanctorū curā esse, ne cuiquam offendiculo sint, latissimè D. Paulus in epistola ad Romanos, & in priori ad Corinthios docet: Omnia, inquit, mihi licet, sed nō omnia expediunt: omnia mihi licent, sed non omnia edificant. Hoc autē se idē Apōstolus præstitisse confirmat, vbi ait: Et ego, fratres, in timore & tremore multo fui apud vos: videlicet (vt Theophylactus hoc in loco interpretatur) sollicitus, ne cuiquam offendiculo essem. Multa enim & viri sancti faciūt, quæ facere non tenentur, & omittūt quæ facere potuissent; ne hæc eorum libertas infirmis fratribus offensionis materiam præbeat. Quod quidē hodierna die sanctissima Virgo fecit: quæ cum astris purior esset, purificari tamē cū immundis puerperis voluit; ne alicui obloquendi ansā præberet. Neq. hoc solum alienæ infirmitatis, sed nostræ etiā vtilitatis causa curādum est. Vult enim Sapiēs, vt curam quisq. habeat de bono nomine, meliusq. esse ait nomen bonū, quā ingētes opes & vnguenta pretiosa. Ideoq. Apōstolus Timotheo præscribit, vt non modò castum, sed irreprehensibilem etiam se ipsum exhibeat; vt per illud quidem ab omni malo, per hoc verò ab omni specie mali se abstineat, ne vllā contra se rumoris mali occasione maledicis præbeat: quandoquidem (quod ad integritatem nominis attinet) non minis falsus rumor, quā verus noceat, cū integritas famæ nō tam in re, quā in opinione hominū sita sit. *Qua in re illud admiratione dignū est, quod cū omnibus in rebus ea aut noxia aut salutaria sint, quæ verè hoc sunt quod dicuntur; quæ verò falsa**

Gregor.

Genes. 4.

1. Cor. 6.  
& 10.

1. Cor. 2.

Theoph.

Eccles. 7.

1. Tim. 6.



sunt, nihil efficiant, cum nihil sint: apud homines tamē nō minus falsa quā vera fama nocet. Nec minus vxoris vita periclitatur, cū falsò à viro suo adultera iudicatur, quā cū verè adultera est. Quot enim pudicas vxores putatis hac de causā à viris interemptas, atq. immeritas innocētiæ suę pœnas dedisse? Quò factum est, vt leges omnes non minùs, imò verò multo magis eos ad restitutionem famæ obligent, qui falsò, quā qui verè alienā famam lacerarunt: quòd intelligerent, hac vna in re non minùs mendacium quā veritatē nocere. Quo argumento facillè vir bonus colligere poterit, quātum sibi non solū ab omni malo, sed ab omni etiam specie mali cauere debeat; quādo non minùs claritas nominis falsis rumoribus quā veris obscuretur. Cui rei (vt cætera sileantur) intemeratæ nos hodie Virginis exemplum admonet: quæ cum nihil haberet purificatione dignum, purificationem voluit, ne vllam hominibus obloquēdi ansam præberet, si se à cōmuni purificationis lege subtraheret.

## I.

Venienti igitur in templum Virgini occurrit Simeon. Cuius eximiam sanctitatē Euangelista describit his verbis: *Et homo iste iustus & timoratus, expectans consolationē Israël, & Spiritus sanctus erat in eo. Qui in hunc vsq. diem à Domino seruatus erat, vt vitā mundi, salutem seculorum, lumen ad reuelationem Gentium, salutis nostræ pretium, priusquam ex hac vita migraret, oculis cerneret, manibus contingeret, brachiis stringeret, complexu foveret, totusq. in eius aspectu amore liquefieret. Cū ergo inducerent puerū Iesum parentes eius, vt facerēt secundum consuetudinē legis pro eo; & ipse accepit eū in vlnas suas, & benedixit Deum, & dixit: Nūc dimittis seruum tuū Domine, secundum verbum tuū in pace. Quod perinde est, ac si diceret: Antehac tristis erā, mœstus eram, & pro salute mundi anxius & sollicitus eram. Omnia hominum scelera viscera mea lacerabāt, & opprobria exprobrantium tibi super me cadebant; in luctu & squalore vitam perducebam; zelus enim domus tuæ & gloriæ tuæ pectus meum laniabat: his autem densissimis tenebris circumfuso, vna mihi reliqua spes & consolatio erat, à qua sola pendebam, eaque cadentes penē & moribundos artus sustinebam; nempe visurum me ante extremum vitæ diem salutem mundi, & vnicum malorum remedium, Filium tuum. Implesti iam, Domine, verbum tuum, consolatus es seruum tuum, & mœrores ac lachrymas meas præsentia tuæ beneficio in lætitiā cōmutasti. Nunc ergo, quando id, cuius gratia in hac vita distinebar, affectus sum, non est cur diutius in ea morari velim. Quamobrem educ, Domine, de carcere animam meam, & dimitte seruum tuum in pace. Non est profectò cur mirari quisquā debeat, si huic senī & vitæ ipsa, & quid-*

& quidquid in vita erat, fastidio fuerit, cum ipsum vitæ fontem iam vidisset, & complexus fuisset. Qui fixis oculis diu splendorem solis intuitus est, ubi ab illius conspectu discedens, ad interiora domus suæ regreditur, omnia adeo obscura deprehendit, ut splendore solis oculorum aciem occupante penè nihil videat. Quid ergo mirum, si beatus hic senex, ubi Solem iustitiæ vidit, nihil amplius videre voluerit, & ideo in pace dimitti postulauerit? Obmutuit Zacharias, Ioannis Baptistæ pater, cum Angelum Domini tot clarissima mysteria proferentem audiuit.

Simile.

Lucæ 1.

Quamuis enim silentium illud incredulitatis eius pœna fuerit, mysterium tamen (ut Chrysologus ait) non vacat: Tacet enim, inquit, minima, cum videt maxima; vocem cum percipit, vocem amittit. Cum ergo senex noster eadē mysteria non solum futura audierit, sed præsentia viderit; quomodo tantæ felicitatis gloria potius, mortalem vitam sustinere diutius voluisset?

Petrus  
Rauen.

Quamuis autem magno fuerit hodierna die sancti huius senis lætitia (utpote qui omnium votorū atq. desideriorum suorum compos factus est. Desiderium quippe, ut Salomon ait, si

Prou. 13.

compleatur, delectat animam: & Lignum vitæ, desiderium veniens) longè tamen maior fuit lætitia Virginis, cum dilectissimi filij gloriā à sanctis hominibus diuina reuelatione agnoscere & predicari vidit. Tunc enim summum illud gaudium, quo exultauit spiritus eius de diuini Verbi incarnatione, & maternæ dignitatis gloria, renouatum est. Vnde D. August. huius mysterij cōsideratione attonitus, Quis, inquit, o beata mater posset nobis indicare inter huiusmodi obsequia animi tui sensum, cum hinc cerneret ex te natum tantillum infantem, illinc attenderes Deum immensum; hinc creatum, illinc creatorem; hinc infirmum, illinc fortissimum; hinc alendum, illinc alentem; hinc non loquentem, illinc Angelos docentem? Quis, inquam, tui pectoris arcana nobis referare valeat; quibus modis cogitatum ad vtraque fletebas, cum vnum eundemque Dei Filium manibus tenēs, hinc adorares ut Dominum, illinc osculareris ut paruulum? Quis ad tam ineffabile miraculum non obstupescat? Quis non penè elinguis fiat? Generat puella suum & omnium creatorem, nutrit suum & omnium nutritorem, portat ad templum suum & omnium rectorem. Nutritandum spectaculum, ad quod non solum humana, verum etiam angelica stupefcit natura! Hactenus Augustinus.

August.

Cæterum hac ipsa hora superueniēs Anna prophetissa, sacri huius mysterij (Spiritu sancto docēte) conscia, sociam se beatissimæ Virgini addidit: atq. ita omnes, hoc est, duo sancti senes, & Anna atq. Maria cum primogenito suo, à vestibulo templi ad altare vsq. procedunt, hanc pulcherrimam hostiam Deo Patri

L 5. . . . . oblaturi.

oblaturi. Quam quidem processionem sancta hodie per totum Christianum orbem repræsentat Ecclesia: quæ etiam accensos cereos fidelium manibus gestâdos tradit, quibus incarnati Verbi mysterium proficitur. In hoc enim cereo tria sunt, nempe cera, linum, & flamma, quæ tres substâncias, quas in vno Christo cõfitemur, repræsentant. In cera enim carnem; in lino verò, intra ceram consistente, animam; in splendore autem, diuinitatis gloriâ, quæ carni & animæ cõiuncta est, accipimus: idèò morituri accẽsum cereum manibus tenemus, vt quo tempore lingua fidẽ Christi profiteri non potest, cereus profiteatur. Quem quidẽ cereum dum eo tempore manibus tenemus, illud etiam significamus, fidem non modò in intellectu, per cognitionem; sed in manibus etiam, per studiosam operationem, fulgere debere. Cuius rei gratia Dei seruos præcinctis lumbis esse, & lucernas in manibus gestare, Dominus in Euãgelio præcipit. Sanctus quoque Simeon non contentus fide Dominum adorasse, in vltimas quoque accepit; vt intelligamus, fidem quæ in intellectu est, ad opera vsq. progredi debere, vt videlicet sic vitam instituas, quemadmodum illa præscribit: alioqui frustra medici præceptis noxia à salutaribus discernentis fidem habes, nisi & à noxiis abstineas, & salutaribus vtaris. Nemo itaq. sibi de sola fide blandiatur, nisi fidei obedientiam, hoc est, ea fidei opera iungat, quæ fides dicat esse facienda. Sic enim ( vt Apostolus monet) habebimus mysterium fidei in conscientia pura: hoc est, non in intellectu solum per assensum fidei, nec in lingua solum per eius confessionem; sed in conscientia quoque per vitæ puritatem & piam operationem. Alioqui ( vt D. Iacobus ait ) quid proderit, si fidem aliquis habeat, opera verò non habeat; nuquid poterit fides saluare illum? Sicut enim corpus sine anima mortuum est; ita fides sine operibus mortua est. Tu credis in Filium Dei? bene facis. Sed aliquid tamen plus quàm tu dæmones habent: qui non modò credunt sed etiam contremiscunt: cum ipse tamen Deum non modò non timeas, sed etiam contemnas. Si ergo illi & credentes, & timentes adhuc dæmones sunt, quid de diuinæ maiestatis contemptore iudicandum est? Sed iam ad Virginis oblationem redeamus.

Hoc ergo solenni piorum hominũ comitatu ad altare virgo sanctissima primogenitum suum oblatura processit, ibiq. Deo Patri, vtriusque, hoc est, suũ & Patris æterni primogenitũ, vtriusque dilectissimũ, offert pariter & redimit: offert quidem, vt sit Patris; redimit autem, vt sit noster: oblatione quippe, Patris; redemptione, noster est. & ita noster, vt D. Bern. dicat: Totus es Deus meus, Domine Iesu, totus es meus: in meos videlicet vsus ita expẽsus, vt nihil à me sumptis, quod pro salute mea non insum-

Simile.

Luc. 12.

e. Tim. 3.

Iacobi. 2.

Simile.

Bernard.



insumpseris. Hoc etiā innuere Propheta voluit, cum ait: *Parvulus natus est nobis, & Filius datus est nobis.* Et Angelus etiam ad pastores: *Annuncio vobis gaudium magnum, quia natus est vobis hodie Salvator, &c.* Itaque ubique audis, & nobis, & vobis; quia hæc præmissa oblatio tota nostra est, quoniam & a patre data, & a matre redēpta est. Pater enim ita dilexit mundū, ut Filium suū vnigenitū daret: mater verò ita nos dilexit, ut pro nostra omnī salute illū hodie redemerit. Hic est autē, fratres, Primogenitus ille, quem omnia alia filiorum Itraël primogenita adumbrabant, hic ille, in quem vnū celestis Pater intētis oculis aspiciēbat, cum eorū primogenita exigeret, quē vnū desiderabat, quē vnū gratissimum habebat, & propter quem cætera omnia illi grata erant, quæcunque grata fuerunt. De eo namque ipse ait, *Hic est Filius meus dilectus, in quo mihi bene complacui.* Et quia vnus hic illi gratissimus erat, omnes alios adeo seuerē exigebat, quoniam inter eos vnus hic illi offerēdus erat. Sicut enim Herodes, propter maximū in Christum odium, omnes Bethlehemiticōs infantes occidi iussit, ut hunc vnū (quē summē oderat) inter illos occideret; ita contrā Deus Pater propter summum in Christum amorē, omnia alia primogenita sibi offerri mandauerat, ut vnus, qui solus erat gratissimus, illi inter omnes offerretur. Quamobrem, fratres, salutare hoc à me consilium capite, si vos ipsos, ac preces vestras Deo gratas esse vultis; vobiscum Primogenitum hunc, quoties ad orandū pergitis, deferre, ut à Deo Patre placidis oculis aspiciamini. Nutricēs, quæ filios regum educant, cum regibus ipsis maximē gratificari, & eorum graues assiduasque molestias lenire volunt, paruulos filios in vlnis gestātes ad illos deferunt, quorū aspectu ita oblectantur, ut supercilium, toruumque vultum deponētes, filioliis arridere, & regia seneritate deposita, cum illis velut repuerascere incipiant, ac læti & iucūdi effecti, faciles ad exorandum non modō nutricibus, sed etiam aliis se ipsos præbeant. Multi passim à nobis & orandi modū, & exquisitas orationes, quæ Deo gratissimæ sint, poscunt: quibus planē respondendum est, nullam orandi rationem Deo esse gratiorem ea quæ illi Primogenitum suum, omnesque eius & virtutes & labores simpliciter atque prudenter offert. Quam rem hodierna beatissimæ Virginis oblatio apertissimē repræsentat. Hactenus de Evangelica lectione. Nunc ad proposita thematis verba redeamus.

## TRACTATIO THEMATIS. II.

In hac autē sacra lectione, duæ potissimū leges proponuntur, quæ diuinæ puritatis & sanctitatis imaginem aptissimē ante oculos ponunt: altera, de puerperarum purificatione; altera, de primogenitorum oblatione. Prior lex puerperas omnes,

postea.

posteaquam enixæ fuissent, certo dierū numero immūdas esse decernit; & non solum ab ingressu tēpli, sed etiam ab omni hominum contactu & commercio arceat; ac demum post dies illos sacrificium & oblationem instituit, qua ab immunditia puerperio cōtracta expiarentur. Quæ nam hæc immūditia est, quæ possit oculos diuinæ maiestatis offendere? Nulla enim corporum sordes, cum non adest voluntatis prauæ consensus, diuinæ puritatis oculos offendunt. In partu verò vt non culpa, sed pœna; ita non spiritalis, sed corporalis immūditia est. Adde etiam alias huius corporeæ immunditiæ leges. Frequentissimè enim vetus illa lex puritatē corporis exigebat: eademq̃ simili ratione corporum sordes & immunditias arcebat. Cum igitur constet hisce rebus Deam nec placari nec offendi, hoc præcipuè captare videbatur, vt stupidos, & corporeis sensibus addictos homines, his veluti rudimentis ad veræ puritatis amorem (quæ in animo sola est) induceret. Hac etiam ratione voluit summus ille puritatis amator ostēdere, quo amore mentis puritatem prosequeretur, quando ipsam quoque puritatis imaginem (quæ corporis puritate constat) tot olim legibus commendauerit. Hoc igitur argumento monemur, fratres, vt, qui à Dño diligi vehementer cupimus, interni cordis puritati summa cura studeamus, nullam in eo impuram cogitationem, vel ad momentum, residere patientes: nec dubium, quin ab eo magnopere diligamur, qui tātò se puritatis amore teneri tot legibus declarauit. Cum enim ipse velut quidam puritatis & sinceritatis perennis fons sit, & amoris vel præcipua causa similitudo existat: quisquis Deo per amorem vniri studet, studeat etiam cōscientiæ puritati: atque ita (quod summæ dignitatis & felicitatis est) vnus cū Deo spiritus efficietur. Sed hac puerperarum lege prætermissa, ad alteram, quam Dominus his verbis tulit, veniamus.

Exod. 13.

Locutus est Dominus ad Moysen, dicens: Sanctifica mihi omne primogenitum quod aperit vuluam in filiis Israël, tam de hominibus quàm de iumentis: mea enim sunt omnia. Omne primogenitum hominis de filiis tuis, pretio redimes. Cumque interrogauerit te filius tuus cras, dicens, Quid est hoc? respondebis ei, In manu forti eduxit nos Dominus de terra Aegypti, de domo seruitutis. Nam cum induratus esset Pharao, & nollet nos dimittere, occidit Dominus omne primogenitum in terra Aegypti, à primogenito hominis vsque ad primogenitum iumentorum; idcirco immolo Domino omne quod aperit vuluam masculini sexus, & omnia primogenita filiorum meorum redimo. Et erit quasi signum in manu tua, & quasi appensum quid, ob recordationem, ante oculos tuos, eo quod in manu forti eduxit vos Dominus de Aegypto.

Hæc-

Haftenus de primogenitorum lege: quæ quidē lex ita iustitiam & aequitatē Dei, sicut prior illa puritatem, declarat. Quid enim iustius, quā diuinorum beneficiorum memorem animū gerere? Qua verò ratione memoria eorum arctius commēdari potuit, quā ut lege perpetua omnia Deo primogenita cōsecrarentur, ut cū quotidie maiores natu filij aut hominū aut pecorum, aut etiam iumentorum Domino offerretur, huius tanti beneficij memoria nunquam ex animis elaberetur? Hoc enim est quod ait: Et erit quasi signum in manu tua, & velut appensum quid, ob recordationem, ante oculos tuos. Itaque semel Dominus filios Israël ab Aegypto liberauit; semel propter eos Aegyptiorum primogenita interfecit; & tamen perpetuo grati animi officio beneficium hoc celebrari voluit: non quod ei his laudibus, aut hoc officio aliquid accederet (qui bonorum nostrorum non indiget) sed ut hoc argumento, quā gratus illi animus beneficiorum memor esset, indicaret.

Exod. 13.

Ex eadem quoq. lege facile erit intelligere, quē à nobis Dominus animū requirat, qui nos ut à diaboli tyrannide vindicaret, non hostium primogenita morte affecerit, sed primogenitū Filium suum acerbissima morti tradiderit. Quid enim hoc beneficij maius? Duabus enim de causis rerū pretia augeri solent; siue quia ipsa verē pretiosa sunt; siue quia maximē à suis possessoribus aestimatur. Quid autē pretiosius Filio Dei? Quid magis ab aeterno Patre dilectum? Sic tamen Deus dilexit mundum, ut hunc dilectissimū Primogenitū pro salute mūdi daret; sic autē dedit, ut illum in manus impiorum acerbissimis suppliciis & contumeliis excrucandum tradiderit: ut huius Primogeniti in ore à diaboli seruitute eriperemur. Quis ergo hoc tanti amoris iaculo non vulneretur? Verē sagittæ tuæ, Domine, acutæ, quibus corda hominum, olim tibi aduersa, charitate tua vulnerasti? Neq. immeritò idē Dei Unigenitus sibi apud Prophetam sagittæ nomen vindicauit, cū ait: Posuit me sicut sagittam electā, & in pharetra sua abscondit me. Te itaq. Pater æternus ad hoc usque tēpus seruauit, ut hoc insigni & electissimo spicula aduersantiū tibi hominū corda amore tui ita saucieret, ut ex inimicis amicissimos reddiderit. Hac eadem charitatis sagitta Sponsa in Cant. se vulneratā esse proficitur, quo vulnere sauciata, conuiescere nullo modo poterat, nec oculis somnum capere, sed per omnes vicos & plateas dilectissimum Sponsum quærens, his verbis occurrentes feminas cōpellabat: Adiuro vos filia Ierusalem, si inueneritis dilectum meum, ut nunciatis ei, quia amore languo. Cumq. illæ ad ea dilecti sui signa requirerent; Dilectus, inquit illa, meus candidus, & rubicundus, electus ex millibus. Cādidus videlicet splendore diuinitatis; rubicundus

Simile.

Ioan. 3.

Psal. 44.

Isaia 48.

Cant. 5.

Ibidem.

CIIIO-



- Cant. 5.** amore passionis; candidus ex patre, rubicundus ex matre; candidus ex puritate, rubicundus ex amore: candidus, quia verus Deus; rubicundus, quia verus homo. Demum post alias eius laudes enumeratas tandem subdit: Talis est dilectus meus, & ipse est amicus meus, filia Ierusalem. Quasi diceret. Cum talis tantusq. sit quē ego diligo, & ego talis tantillaque sim, non despicit tamen vilitatem & abiectionē meā, sed ardētissimo me amore complectitur: quare à tali tantoque amatore sic praeuenta, quomodo non illū vicissim redamem? quomodo non illū quarā, donec inueniam? quomodo non tota in eius amore liquefam?
- August.** Hoc eodem amore D. Aug. similiter aestuabat, cum huius beneficii iaculo vulneratus dicebat: Eia age Dñe, & fac; excita & reuoca nos: accende, rape, flagra; iam amemus & curramus. Sat scio tamen Dñe, quantumcumq. curram, quantumcumq. diligā, nunquā parē huic beneficio gratiā referā. *Quo in loco illa*
- Bernard.** D. Bernardi sentētia nos consolatur, qui ait: Et si. quod debeo, rependere non possum, nō tamen possum vltra quā possum.

## III.

- Exod. 13** Sed iam quid sigillatim à nobis Dominus propter hoc beneficium reposcat, expēdamus. Sanctifica mihi, inquit, omne primogenitum tam de hominibus quā de iumentis. Quando omnia olim in figura cōtingebant, quid hac lege Dominus voluerit adumbrare, videamus. Inter omnes animi affectus, amor velut primogenitus est, à quo ceteri proficiunt. Ex amore quippe alicujus rei oritur eius desiderium, cum abest; lætitia, cum adest; tristitia, cum ea nobis adimitur, ira, cum læditur; timor, cum periclitatur, atque idem de ceteris. Huc ergo primogenitum sibi Dominus consecrari vult, vt, quod pro nobis ille eximio amore gessit, amoris obsequio rependamus. Torus ergo amor noster ita Deo consecrandus est, vt non modò nihil supra eum diligamus, sed etiam nihil nisi propter eum diligamus. Hoc est autem summum quod Deus ab homine exigere, & summum item quod ab homine præstari possit.

Quia verò hoc summū inter omnia bona nostra est, explica, quæso Dñe, quibus hoc (vt ita dicam) titulus tantum hoc munus à nobis exigas. Multi sunt planē, sed ille omnium primus, quod (sicut ipse ait) omnia primogenita eius sint. Ipse enim amorem condidit, & voluntatem quæ amaret, & intellectu qui amorem antecederet, & memoriā quæ rationes amandi recole-ret, ac deniq. totum hominem cōdidit: quare nō mirū est, si iure suo, quod ipse cōdidit, repetat. Volūtas enim (vt D. Thomas ait) naturali amore plus diligit eum à quo est, quā à quo non est. Quamobrem cum ea à Deo profecta sit, plus hoc amore Deū, quā se, diligere debet. Hic igitur primus titulus est, quo

Deus

Deus creationis iure totum à nobis amorē meritò exigit. Est & alter lōgè maior, quòd videlicet ipse, quos creationis beneficio suos fecerat, redēptionis iure iterum suos fecit. Plus autem est redemisse quàm creasse. Creauit enim verbo, redemit morte. Quare cū is vitam suam propter eorum salutem prōfuderit, iustum est, vt ipsi quoque vitæ suæ se illi debitores prōfuderint. Quod quidem hoc argumento colligit Apostolus: Si vnus, inquit, pro omnibus mortuus est, ergo omnes mortui sunt, & pro omnibus mortuus est Christus; vt & qui viuunt, iam non sibi viuunt, sed ei qui pro ipsis mortuus est. Rectè planè Apostolus *2. Cor. 5.* philosophatur: perinde enim est ac si diceret: Omnes quidem Adæ filij propter primū illud peccatum ad mortem dānati fuimus; at Christus Dominus, misericordia motus, vitā suam (quæ supra omnes omnium vitas pretiosior erat) pro nostris obtulit, qua oblatione nos à mortis debito liberauit. Verum tamen consequens est, vt, qui eius beneficio viuunt, vitam suam se illi debere fateantur. Hoc enim legibus cautum est, vt cū fideiussor multorū æs alienum dissoluit, & creditori pro omnibus satisfacit, debitores quidē à creditore liberati, fideiussori obnoxij sint. Hic enim non soluendi obligatio, sed persona creditoris commutata est. Quare si omnes fideiussori Christo vitam debemus; consequens est, vt, qui viuunt, iam non sibi viuunt, sed ei qui pro ipsis mortuus est; hoc est, vt iam nemo ex voto suo, sed ex præsripto Saluatoris sui vitam instituat, seq. totū illius seruituti & obsequio tradat. Exigit itaq. huius debiti ratio, vt homo iam iuris sui esse desinat, & in alienam potestatē totus concedat, seq. instar holocausti (quod totum in Dei gloriam igne absumebatur) Deo offerat: vbi enim amor, ibi totus homo est. Quid mirū autē, si hoc à te Dñs exigit, vt per amorē te illi totū tradas, quando idem se totum ex amore pro te ad mortem tradidit? Cū Moysen Dominus ad liberādos filios Israël in Aegyptum destinasset, isq. se gēniū munus hoc exequi cœpisset, *Exod. 4.* voluit eum Dominus in itinere occidere. Tulit autem Sephora eius vxor acutissimam petram, & circumcidit filium suum, retig. pedes eius, & ait: Spōsus sanguinū tu mihi es. His quidem verbis Sephora filij sanguinem, pro viri incolumitate effusum, maximi beneficii loco ducens, virū, vt se magis ac magis amaret, inducebat: ac si diceret: Duplici iam nomine amoris mihi debitor es; primū, quia sponsus; deinde, quia sponsus sanguinum es, quòd videlicet te à morte, filij mei sanguine liberaui. Si ergo nouū amoris gradū à viro suo Sephora exorgebat, quòd illi alieno dolore, alienoq. sanguine, vitā impartita fuerit; quem obsecro amorem merebitur, qui proprio sanguine te ab æterna morte liberauit, æternamq. vitā contulit? Iuste ergo petit, quod pro

Simile.

pro te ipse pertulit, & quod tibi contulit. Ille animam tuam supra vitam suam dilexit, tu quoq. illum supra vitam tuam diligere teneris. Ille nihil salutis tuæ antetulit, tu illi nihil anteferre debes; alioqui eius amoris minimè respōdes. Vnde ipse ait: Qui amat patrem aut matrem plus quàm me, nō est me dignus. Et qui amat filium aut filiam plus quàm me, non est me dignus. Ille autē ista omnia plus quàm Christum amat, qui propter parentum aut filiorum vitā & incolumitatem tuendā, Christi leges violare non veretur. Quod si, quisquis hac de causa aduersū Christum delinquit, nō est eo dignus; quomodo digni erunt, qui pro rebus nihili, hoc est, propter vilissimarum rerum cupiditatem, illius leges transgrediuntur? Tales enim non quidem supra omnia, sed (quod dictū quoq. nefas est) infra omnia Deū diligunt; quando nihil adeo vile concupiscunt, quod non eius dilectioni anteferant. Quid verò esse monstruosius, quid magis præposterum possit, quàm quod Deus, qui diuinitatis ac beneficiorum suorum iure in summo cordis nostri loco collocandus erat (vt eum videlicet locum haberet in corde, quem habet in mundo) in infimo rerum ordine reponatur? Horret quidē hoc natura, reclamatione ratio, indignantur leges, stupet calum, terra miratur. O quāto in præstantiori loco te Deus posuit, quàm tu illum ponis? Ille quidem te primum supra tergum suum posuit, cū pro te flagellari terga sua passus est: posuit supra humeros suos, cū supra illos pro te crucem baiulauit, & in ea passus est: posuit supra caput suum, cū pro te illud spinarum aculeis undique transfigi voluit: posuit denique supra vitam suam, quam pro te obtulit ad mortē. Quomodo ergo, perfide, Deum audes sub pedibus tuis ponere, cū ille te despectissimum vermem supra caput suum collocauerit? Quanto aliter martyres Christi, qui vitam suam in imo, Deum verò in summo cardine collocantes, propter illius gloriam, vitam & sanguinem libentissimè profuderunt? Quicumque igitur hos imitantur, hi nimirum primogenita hominum, hoc est, quod in homine præstantissimum & primum est, videlicet summum amorem illi offerunt.

Neq. satis ad plenam legis huius obseruationē est, si primogenita rātum hominum, nisi iumentorum etiam primogenita offeramus. Quid hoc est? Constat planē in vnoquoq. nostrū aliquid esse proprium hominum, aliquid iumentorum. Hinc duplex in homine appetitus existit. Est enim rationalis; est etiam (vt appellant) sensituius: atque ita in nobis duplex amor est: alter rationalis, quo ad spiritualia & honesta rapimur; alter sensituius, quo ad carnalia & terrena ferimur. Cū ergo Dñs primogenitum hominis exigit, rationalē amorē postulat; cū verò iumentorum primogenitum, carnalē etiam à nobis amorem requirit;



requirit, non quidem ad seruandum; sed ad occidendum atque  
 maclandum: primogenita namq. hominū illaſa ſeruabātur, iu-  
 mentorū verō, niſi ouibus permutarētur, ſacerdotali gladio iu-  
 gulabantur. Cū ergo iumentorū à nobis primogenita Dñs re-  
 quirit, hoc præcipit, vt propter eius amorem omnes impuros  
 amores, & cupiditates, atq. libidines diuini verbi gladio refece-  
 mus. Ideoq. ſi impudico fortasſe amore æſtuas, iugula illū hu-  
 ius diuini verbi gladio: Omnis fornicator, aut immundus; aut Ephes. 5.  
 auarus non habet hæreditatem in regno Chriſti, & Dei. Si vin-  
 dictæ cupiditate flagras, adhibe gladiū illum. Si non dimiſeritis Matth. 6.  
 hominibus peccata eorū, nec Pater veſter cæleſtis dimittet vo-  
 bis peccata veſtra. Si carnalium deliciarum amore caperis, ad-  
 hibe illum: Qui in carne ſunt, Deo placere non poſſunt. Si te Rom 8.  
 auaritiæ & inhumanitatis peſtis exagitat, memineris ſcriptum  
 eſſe: Iudiciū ſine miſericordia ei qui nō fecerit miſericordiam. Iacob. 2.  
 Si praua iurandi conſuetudine teneris, in mentē illud Eccli. re-  
 uoca: Vir multum iurans, replebitur iniquitate, & non recedet Eccli. 23.  
 à domo eius plaga. Quiſquis autem hoc facit, iſ vtique iumen-  
 torum ſuorum primogenita Deo maclat. Quid verō magnum  
 aut mirabile facis, ſi propter Deum iugulas primogenitum iu-  
 mentitui, cū pro te Deus morti tradiderit primogenitum  
 ſuum? Nec verō lex hæc ſuperiori diſſimilis, ſed maxime con-  
 iuncta eſt. Cū enim ſpiritalis & carnalis amor, hoc eſt, cha-  
 ritas & cupiditas inter ſe contraria ſint, pugnant vtique aduer-  
 ſum ſe, & mutnam ſibi inuicem perniciem machinantur. Qua-  
 re ſi in te dominatur charitas, ſeruiet vtique cupiditas: ſi verō re-  
 gnet cupiditas, non dubium quin extincta ſit charitas. Quid  
 enim ſibi vult, quod cū Dominus in montem Sinai deſcen- Exod. 19.  
 diſſet, totus mons fumabat, quoniā eō Dominus in igne deſcē-  
 derat? Quis enim hoc temere factum credat? Quid verō aliud  
 conuenientius ignis & fumus indicare potuit, quā quod hoc  
 indicio Dominus charitatis & cupiditatis naturā (quæ per ignē  
 & fumū intelligitur) exprimere voluerit? Ignis enim proprium  
 eſt, vbi in aliquam rem incubuerit, humorem ſibi aduerſan- Simile.  
 tem expellere, vnde fumus oritur, quem ab ea re procul pellere  
 nititur. Hæc igitur charitatis natura eſt, quod perpetuò aduer-  
 ſus cupiditates omnes ſibi aduerſantes bellum gerit, & ab ani-  
 ma, quā ſemel obſedit, excutere nititur. Quo indicio, fratres,  
 vtcumque de veſtro erga Deum amore coniecturam facere po-  
 teritis, ſit ne legitimus & verus. Quod quidem non tam ex dul-  
 ci erga Deum affectu, quā ex forti aduerſus carnales affectus  
 pugna diiudicare debetis. Aduerſus hanc igitur cupiditatem  
 continenter bellum gerite, cum hac æternam pugnam capeſſite,  
 omneſque aduerſus eam diuini Spiritus machinas ad-

mouete, contra eam vires inuictas à Domino postulare, vt sic tandem compressa cupiditatis libidine, & voluntate propria superata, triumphum de immani & familiari hoste agentes, cælestis tandem gloriæ palmam percipere mereamini.

## IN EODEM FESTO PURIFICATIONIS,

CONCIO QVARTA: IN QVA POST BREUEM lectionis Euangelicæ explanationem, lex purificationis olim à Domino lata explicatur.

**THEMA.** *Postquam impleti sunt dies purgationis Maria, secundum legem Moyſi, tulerunt Iesum in Ierusalem parentes eius. Luc. 2.*



I quis à piis hominibus, Dei que amore incensis, quærat quid sit quod in hac vita præcipuè in votis habeant; illud asseueratè respondebunt, se nihil magis quàm Dei gratiam & amicitiam, & omnium peccatorum suorum veniã desiderare.

Rom. 8.  
Galat. 4.

Si quis igitur ex vobis, fratres, hoc desiderio flagrat, habet planè hodie magnum in Christi Domini oblatione solatium. Hodie namque Saluator peccatoribus adiungitur, cum peccatoribus Deo Patri offertur, & pro peccatoribus redimitur: quo huius tantæ humilitatis & obedientiæ merito, eos redemptionis suæ participes efficeret. Hoc est enim quod Apostolus ait; misisse Deum Filium suum in similitudinem carnis peccati, vt de peccato damnaret peccatum; & misisse item eum factum ex muliere, & factum sub lege, vt eos, qui sub lege erant, redimeret, vt adoptionem filiorum recipere mus. Vtrumque autem hodie pro nostra salute impletum est, quando innocentissimus Dominus paternæ legi subiicitur, & cū peccatoribus, ac pro peccatoribus offertur & redimitur. Hoc igitur peccatores spei solatium habent: non omnes tamen, sed ij solum, quos scelerum conscientia terret, quos peccatorum memoria mordet, qui Christi capiti tãquam vipsa mēbra, non fidei solum, sed spei & charitatis vinculo coniuncti sunt. Ad hos enim Christus Dominus venit, qui in hoc à Patre missus esse per Prophetam dicitur, vt mederetur contritis corde, & lugentes consolaretur, daretque eis coronam pro cinere, oleum gaudij pro luctu, pallium laudis pro spiritu mœoris. Hoc igitur spei solatiū ex primogenitorum oblatione, quam hodierna sancti Euangelij lectio initio statim proponit, capere licet. Sequitur altera lex quæ ad puerperarū purificationem

Isai. 61.

tionem pertinet: quam quidem fufius excutiemus, fi prius tamen sancti Simeonis historiam, qui pietate ac deuotione sua huius diei myfterium magna ex parte illustrauit, explicemus. De ipso quippe sanctus Euangelista subdit:

*Et ecce homo erat in Ierusalem, cui nomen Simeon, & homo iste iustus & timoratus, expectans consolationem Israel: & Spiritus sanctus erat in eo. Quo in loco cum Euangelista timorem cum iustitia viri sancti copulet, non illum timorē accipere debemus, qui est initium iustitiæ; sed illum, qui per omnes gradus indiuiduus iustitiæ comes est. Quomuis enim timor Domini, siue is quē parit amor, siue culpæ supplicium, Spiritus sancti munus & beneficium sit, multum tamen inter vtrūq. discriminē est. Ille enim qui a supplicij metu proficiscitur, quo magis charitas crescit, eo magis ipse decrescit: ita vt cū perfecta fuerit charitas, hic timor foras pellatur. At cōtrā timor ille quē parit charitas, adeo crescēte, illa nō decrescit, vt cū illa paribus incrementis sic augeatur & crescat; vt cū perfecta fuerit charitas, perfectē quoq. sanctus hic timor in anima dominetur. Quēadmodū enim qui ardēter aliquē diligat, simili studio atq. ardore illi placere desiderat, ita vehēmēter timet, ne qua in re animū illius offendat: ab eodem quippe fonte & alicui velle placere, & eius offensionem vereri, manat. Quo quidem timore sanctissima Christi anima tanto ceteris plenior fuit, quāto ardentius Verbum, cui erat vnita, diligebat. Vnde Isaias cū omnia Spiritus sancti dona Dño Saluatori tribuisset, vbi ad timoris donum ventum est, Replebit, inquit, eum Spiritus timoris Domini. Post Christum verò, beatissima virgo hoc timore plenissima fuit. Quo enim magis Dei amore flagrabat, eo magis eius offensionem vel leuissimam metuebat. Hoc igitur sancto timore beati Simeonis anima mirificē illustrabatur. Alterum verò timorem perfectā eius charitas foras miserat. Hæc igitur prima senis nostri commendatio est.*

Sequitur deinde altera, quod expectaret consolationem Israel: quam certē non ab hominibus, sed à Deo mittendam sperabat: vt pote qui non ex terra, sed è cælo; non carnalem, sed spirituales consolationem quærebat. Hoc enim vel præcipuum inter pios improbosque discriminē est, quod ij, de iuncto fonte aquæ viuæ, quærunť cisternas dissipatas, ex quibus terrenā felicitatē, & fallacia mundi gaudia haurire student; illi verò spem, solatiū, gaudium, & omnia bona sua in vno Deo posuerunt, vt pote qui mundo mortui, Deo viuunt. Hoc autem vtrorumque discriminē regius Propheta describit, cū de improbis cum Deo loquens ait: De absconditis tuis adimpletus est venter eorū; saturati sunt filii, & dimiserunt reliquias suas paruulis tuis; hoc est, spē suam, dum viuūt, posuerunt in diuitiis; quorū ventres si

simile.

Isaiæ xi.

Psal. 36.



**Psal. 16.** impleueris diuitiis, & abūdare eos feceris liberis; quibus morietes relinquāt diuitias suas, benē secū actum putabūt: aternitatis verō nulla cura, nullo desiderio tanguntur. Sed quid vir sanctus, quanto aliter affectus erat? Ego, inquit, in iustitia apparebo conspectui tuo, satiabor cū apparuerit gloria tua. Hoc est, ego iustitiā, quā inanium diuitiarum studiosior, illā vitā commitem habens, explebor gaudio: cū post mortem apparueris mihi ea specie ac forma, quā propriē tua est. Idem etiā discrimen illa eiusdem Prophetæ verba designant: Multi dicunt, Quis ostēdit nobis bona? hoc est, quis nobis præstabit ingentes opes atq. diuitias, quibus ab omni miseria liberati; & frumenti, vini, & olei copia abundātes, felicem vitam agamus? Hæc illorum vota, hæc studia, hæc desideria sunt: vix enim felicitatem aliam quā terrenā & corpoream quærunt. Quid verō vir iustus? Ego, inquit, in pace in idipsum, dormiam & requiescam.

**Ibidem.** Cur ita? quibus opibus & auxiliis fietus? Quoniam tu, inquit, Domine singulariter in spe constituisti me. Hoc est, quoniā tu Domine sic animum meum constituisti, vt. cæteris rebus tanquam fragilibus & caducis spreis atq. contēptis, in vna spe miserationis & paternæ providentiæ tuæ (quæ bona omnia complectitur) securus habitaret. Ideoq. in te vno securus dormio, in te requiesco, in te spes omnes atq. opes meas constitutas habeo. Quicunq. autem ad hunc felicissimum statum diuino munere peruenierunt, nō solum omnes humanæ vitæ molestias, sed omnes etiam diaboli laqueos euaserunt. Hinc D. Fulgentius, Non tenearis, inquit, nexibus humanæ delectationis, & de diabolo triumphabis. Neque enim antiquus ille hostis alia habet arma, quibus nos impugnet; nec escam aliam, qua nobis laqueos tendat. Senex ergo noster de diabolo triumpharat, qui non in terra, sed in cælo; non ab hominibus, sed à Deo consolationem exspectabat.

Sed illud quoque non negligenter prætereundum est, quod vir sanctus non tam sua quā aliorum commoda quærebat, nec tam de sua quā de aliorum salute sollicitus erat: *Expectabam enim consolationē Israël.* Quo nomine iusticiam eius diuus Ambrosius commendat. Bene, inquit, iustus: quia non suam, sed populi salutem requirebat. Cuius pietatis merito & gratissimum Deo fuisse, & felicissimum hoc responsum à Spiritu sancto tulisse, credendum est: videlicet, *non visurum se mortem, nisi prius videret Christum Domini.* Constat enim similitudinē, amoris esse cōciliatricem: nulla autem in re vir pius Deo magis assimilatur, quā cū ardentissimo amore aliorum salutem curat. Cū enim Deus propter immentam & infinitam bonitatē suam totus in iuuandis, tuendis, & seruandis hominibus positus sit, qui omnes vult saluos

**Ambros.**

saluos fieri, & ad agnitionem veritatis venire (cuius rei gratia non modo Unigenitum suum in mundum misit, sed etiam crucis supplicium subire voluit) ille quidem maxime Deo similis est, qui sui quodammodo oblitus, omnes curas & cogitationes suas ad hominum salutem confert. A quo studio tantum mundi homines absunt, ut sibi soli vivant, sua solum curēt; & dum res suas in tuto esse viderint, nihil ad se pertinere putant, si vel caelum ruat, vel terra incendio deflagret. At senex noster non tam priuata commoda, quam Israëlitis salutem & consolationem expectabat.

Is igitur hodie ab eodē Spiritu (qui in eius mente habitabat) admonitus, venit in templum: & cum inducerent puerū Iesum parētes eius, ut facerēt secundum consuetudinē legis pro eo; & ipse accepit eum in vlnas suas. Quis autem verbis consequi possit, quo affectu & ardore beatus hic senex flagrauit, cum suscipiens infantem in vlnas suas, stringeret brachiis suis, & gestiret includere, si posset, in imis visceribus suis? Ipse autem infans suavis & mitis, quo se affectu castissimo pij senis pectori insinuabat? quomodo eius illabebatur medullis? quam delectabilem se implicabat ossibus, inspirabat sensibus? Quo quidem beneficio prius liquefiebat Guerri. animus eius quasi cera a facie ignis. Amplectere o beate senex, cusin sapientiam Dei, & recalescant quasi de nouo sensus tui, renouetur ut Ser. Purr. aquilae iuuentus tua, adstringe vberibus tuis misericordiam Dei, & erit senectus tua in misericordia vberi. Inter vbera, inquit, mea commorabitur; & cum reddidero illum matri suae, manebit tamen apud me. Et cum inter matrem vbera continebitur, nihilominus inter vbera mea commorabitur. Letare ergo iam senior iuste, vide quod praeuidebas: discussae sunt mundi tenebrae, ambulabunt gentes in lumine isto, plena erit omnis terra gloria eius.

Cant. 2.

Sed ignis tamē qui ardebat in corde, foras erūpens, splendidas verborum scintillas emisit in ore. Nunc, inquit, dimittis seruum tuum Domine, secundum verbum tuū in pace, quia viderunt oculi mei, salutare tuum. Quod perinde est ac si diceret: Defecerat anima mea in salutare tuum, o Domine; defecerant oculi mei in eloquium tuum, dicētes, Quando consolaberis me? Factus eram sicut vter in pruinā, frigidus corpore, aridus corde, spiritu marcidus, & totus desiderio languidus: sed quia in verbum tuae promissionis supersperavi, non visurū scilicet me mortem, nisi viderē Christum tuū; quod speravi, iam video; quod desideravi, iam teneo; quod cōcupiui, amplector. Video Deum Salvatorem meum in carne mea, & salua facta est anima mea. Quamobrem iam dimitte seruum tuum in pace, quando omnium votorum meorum summa completa est, nec quicquam est cur in vita manere

Psal. 118.

Idem  
ibidem.

velim. Haftenus de hodierna folennitatis hiftoria: nunc purifi-  
cationis legem, quæ huic hiftoriæ occafionem dedit, quoniam  
non vulgaria vitæ documenta continet, excutere incipiamus.

## I.

Lex igitur olim à Dño lata erat, vt mulier quæ fufcepto fe-  
mine mafculû peperiffet, immunda effet feptē diebus, quibus &  
à viri thoro, & à cõmuni omniû cœtu feparata erat. Iis autē tres  
& triginta alij adijciebantur, in quibus nō quidē ab hominum  
cōfòrtio, fed ab ingreffu templi, & omniû facrorû contactu ar-  
cebat; qui omnes quadragenariû numerum conficiunt: qui-  
bus elapfis; pro emundatione fua agnum, quæ diues effet, offer-  
ret: par verò turturum, aut duos columbarum pullos, quæ pau-  
per erat. Hæc erat mulieris mafculum parientis lex: fi verò fe-  
minā peperiffet, hic dierum numerus duplicabatur, atq. ita qua-  
tuordecim diebus, hoc eft, duabus hebdomadibus, & octo ac sex-  
aginta diebus (qui omnes conficiunt octoginta dies) immunda  
cēfēbatur. Quis has Dei leges non miretur? Prima namque  
fronte imperitis iniuftitiæ fpeciem referre videntur. Quid enim  
nupta mulier delinquit, cū parit, vt ei, præter acerbiffimos par-  
tus dolores, hæc etiam legis pœna infligenda fit? Quod fi dicās,  
hanc non partus, fed conceptus culpā fuiſſe; quæ culpa eft ma-  
trimoniā à Deo inſtituti legibus deferuire; cum potiùs crimen  
fit, fi fe alter coniugū à cõmuni thoro & cōfòrtio fubtrahere ve-  
lit? Præterea cur hæc legis pœna duplicatur in partu filiæ, quā-  
do hoc in parientis facultate poſitū nō fit; quæ ſi in hac re quic-  
quam poſſet, mafculum magis quàm feminam parere voluiſ-  
ſet? Ad peccati quippe rationem (vt D. Aug. ait) adeo volunta-  
tis conſenſus eſt neceſſarius, vt vbicunq. is deſit, nullus peccato  
locus fit Vtrumq. ergo mirum eſt, & quod pœna infligatur pa-  
rienti, naturæq. officio deferuienti; & quod hæc pœna in filiæ  
puerperio magis quàm filij duplicetur. Hæc ratio Origenem in  
primis, cæteroſq. Patres in eā ſententiā adduxit, vt apertiſſimè  
docerent, in antiquis legibus, præter eum ſenſū quē verba præ-  
ſe ferunt, eſſe etiam myſticos & latentes ſenſus, ad quos ſit fre-  
quenter cōfugiendum, vt diuinæ legis æquitas & maietas, quæ  
in priori illo ſeſu minùs apparet, in poſteriori inueniatur. Cum  
ergo in iis legibus quæ ab inexhauſto illo totius iuſtitie & ſa-  
pientie fonte manarūt, nihil nō dicō iniuſtū & abſurdū, fed ne-  
otioſum quidē eſſe poſſit; neceſſe eſt, vt, cū in eis aliquid iu-  
dicio noſtro abſonū inuenerimus, mentē à littera ad ſpiritum  
atollamus: in quo dignas tali legiſlatore ſententias deprehēda-  
mus. Ipſa enim litteralis ſenſus humilitas nos admonet, vt, ea  
reliſta, latētia ſub eo litteræ velamine arcana rimemur, eos au-  
tem qui hoc faciunt, beatos Propheta pronūtiat, cū ait; Beati  
qui

Auguſt.

plal. 118.



qui scrutantur testimonia eius, qui videlicet superficie litterarum minimè contenti, interiora eius sollicitè perferuntur. Hac igitur promissione excitati, purificationis legem, quæ hodiernæ solennitatis fundamentum est, excutere incipimus.

Mulier, ait, quæ suscepto semine pepererit masculum, immunda erit septem diebus: hoc est, hebdomada una. Constat planè ex Evangelicis litteris, semen esse verbum Dei; eum verò qui seminat, verbi huius ministrum esse; mulierem autem esse animam fidelem, quæ hoc verbum audit. Itaque cum nos hoc ipso tempore verbum Domini tractamus, quid aliud quàm hoc ipsum verbum in corda vestra spargimus? Hoc autè semine suscepto, quædam animæ masculum filium, quædam feminam pariunt, quædam verò steriles prorsus & infecundæ sunt. Anima autem quæ masculum parit, ea est quæ ita huius diuini seminis virtute afficitur & fecundatur, ut ad omnia pietatis opera strenuè viriliterq; exequenda incitetur; quæ omni à se muliebri inertia & mollitie profligata, recto & excelsso animo accingit fortitudine lumbos suos, roborat brachium suum, & manum suam mittit ad fortia: hoc est, quæ sibi imperat & dominatur, quæ carnè spiritui seruire facit, quæ cupiditatē sub imperio rationis continet, quæ mundi gloriam spernit, quæ Satanam pedibus suis cõterit, quæ Prophetæ paret cõsilio, dicentis: Expecta Dominum, viriliter age: cõfortetur cor tuum, & sustine Dominum. Talis, inquam, anima filium parit, quæ videlicet, diuini verbi semine concepto, fortia & virilia opera molitur. Cuius rei (vt cetera prætereamus) clarissima in B. Francisco & Antonio habemus exempla: qui cum templum ingressi, ea Domini verba legi audiuiſſent, Si vis perfectus esse, vade & vende omnia quæ habes, & da pauperibus, & sequere me: hoc cælestis verbi semine concepto, sic mens eorum fecundata & affecta fuit, ut, nulla interposita mora, pulcherrimum pietatis fructum tanquam masculum foris ediderint; dum & mundum & omnia quæ habebant, ipso iam mundo altiores effecti, reliquerunt, & se totos Evangelicæ philosophiæ constanti animo tradiderunt. Neque hæc solum animæ filium parere dicuntur; sed illæ etiam, quæ ita in amore atq; timore Domini solidatæ sunt, ut cum Apostolo dicere possint: Quis nos separabit à charitate Christi? Tribulatio, an angustia, an periculum, an gladius? Certus sum quòd nec mors, nec vita, &c. Talis ergo anima, quæ diuino robore septa hoc ipsum verè dicere potest, ea est quæ filium parit. Tales autè masculos Pharaon, id est, princeps huius mundi, tanquam sibi regnoq; suo inſenos, vehementer odit, & in flumen proijcere, & suffocare omni studio atque labore contendit.

Mulier verò quæ filiam parit, ea nimirum anima est, quæ cæ-

lestis quidem verbi semen intra se concepit, sed muliebri tene-  
ritudine languens, virtutis opera non viriliter quidem & forti-  
ter, sed remissius operatur, quæ in pietatis operibus exequendis,  
magis consuetudine, quam spiritus fervore ducitur: quæ non  
fortiora & difficiliora virtutum officia (qualis est sui ipsius ab-  
negatio, cupiditatum compressio, carnis mortificatio, laborum  
perpressio) sed molliora tantum virtutum opera & faciliora per-  
sequitur. Terit enim Ecclesiæ limina, sacras conciones atten-  
tius audit, communibus Ecclesiæ precibus & diuinis laudibus  
frequenter assistit, orat etiam statis temporibus, & ceteras vir-  
tutum actiones (quæ non multum operæ atque olei requirunt)  
exequitur. Hac igitur est, quæ filiam parit, quæ à lethalibus cri-  
minibus abstinere contenta, ardua virtutum opera aggredi la-  
boris metu recusat.

Præter hæc autem duo feminarum genera, sunt quoq. femi-  
næ steriles, quæ nec filium pariunt, neque filiam: quæ videlicet  
quamvis frequentissime verbi Dei semen intra se concipiant,  
sic tamen animo affecte & constitutæ sunt, ut nihilo magis quo-  
tidianis concionibus audiendis commoveantur, quam si nihil  
profusus audirent. Sicut enim illorum discipulorum oculi, qui in  
Emmaus pergebant, diuina virtute tenebantur ne præsentē Do-  
minum agnoscerent (cuius tam diu familiaritate vti fuerant) ita  
spirituales horum oculi non Deo sed diabolo operante impe-  
diuntur, ne admiranda religionis nostræ mysteria, quæ tamen  
gentes ad virtutum aculeos animis addunt, prospicere vllō mo-  
do velint. Quo sit, ut quomodo nihil intra animæ suæ sinus aut  
retinent aut sentiunt; ita etiam nihil boni operis in vita pariant.  
Si enim ab eis quæras, quem fructum ex sacris concionibus to-  
ties auditis retulerint, nihil profusus in tam longo tempore se  
Christiano homine dignum gessi se fatebuntur. Qui ergo tales  
sunt, non immentō feminæ steriles appellantur.

## II.

Iam nunc expendamus, quid de hoc triplici animarū genere  
lex statuatur. Et quidem anima illa quæ filium parit, hoc est, quæ  
animosè & viriliter in virtute & officio se gerit, immunda esse  
pronuntiatur septē diebus. Cur ita? quid peccauit? quid cōme-  
ruit? Num præclara sanctorum opera crimē aliquod habet ne-  
cessariō adiunctū, quemadmodū in felices ætatis nostræ hereti-  
ci sacrilegis vocibus iactant? Nullo modo. Alioqui quomodo  
sanctus ille Rex in oratione sua dixisset: Obsecro Dñe, memē-  
to quomodo ambulauerim corā te in veritate, & in corde per-  
fecto; & quod rectū est in oculis tuis fecerim? Cur ergo hæc ip-  
sa opera expiationis legi subiiciuntur, quæ omni sorde & illuue  
vacant? Quia nimirū quamuis ea in oculis Dei pura & imma-  
culata

culata sint, in oculis tamē viri iusti suspecta frequenter esse debēt: quoniam (vt D. Greg. ait) bonarum mentium est, ibi timere culpam, vbi culpa non est. An nō hoc ipsum sanctus ille Iob sentiebat, cūm diceret: Et cūm inuocantem me audierit, non credo quōd exaudierit vocem meam? Quo etiam spiritu ductus, qui nullus sibi lethalis criminis conscius erat, tamen aiebat: Verebar omnia opera mea, sciens quōd non parceres delinquenti. Omnia, inquit, hoc est, non ea solū quæ leuis alicuius mali speciem præferebant, sed ea etiam quæ cum pietate & iustitia coniuncta erant. Hunc ergo viri sancti affectum in rectè factis etiam gerunt, vt qui sciant eam esse diuini numinis maiestatem, eamque rursus humanæ naturæ infirmitatem, vt vix credant se, hac tanta imbecillitate oppressos, dignū aliquid tanta illa sublimitate in vita moliri. Itaq. cūm aliquod pium opus faciunt, quamuis opus ipsum ex natura sua rectum sit, vix tamen putant, se illud aut eo animi conatu, aut ea alacritate & seruore spiritus, aut ea certè intentionis puritate perfecisse, vt non subinde vereantur, ne forrē aliqua in re in officio deliquerint: præsertim cūm intelligant non satis esse ad officij integritatem, bonum esse quod agunt, nisi cætera quoque boni operis circumstantiæ cum ipsa simul operis bonitate conspiciant. Quo fit, vt in ipsis rectè factis tā longē ab inani gloria absint, vt magis sibi videantur habere quod lugeant, quā fecisse quo gaudeant; magisq. cur admittā in bono opere negligentia veniam petere, quā cur boni operis præmium poscere debeant. Atque hinc fit, vt illis præclarē gesta, non quidem elationis & inanis gloriæ, sed magis humilitatis & pœnitentiæ materiā præbeant. Quo fit, vt totam huius vitæ hebdomadā pœnitentiæ & expiationis tempus esse credant, eundemq. & pœnitentiæ & vitæ finem esse statuunt; & tunc quidem pœnitendi, cūm viuendi finem se facturos esse definiant.

Hanc ergo philosophiā, veræ humilitatis magistrā, hæc purificationis lex nos hodie docet: cuius etiam typum in libris Numer. apertē Dñs expressit. Cūm enim lege statuisset, vt cineres Num. 19. combustæ vitulæ in loco mundissimo ad expiationem hominū adseruarentur, præcepit item, vt sacerdos, qui vitulam immolasset, lauaret protinus vestimenta sua, & immundus esset vsq. ad vesperā. Rursusq. qui immolatam vitulam combussisset, idem etiam faceret, atq. eodem se ritu expiaret. Postremō mundus etiam homo, qui eos cineres in loco mūdissimo reponere iubebatur, eidem expiationis legi esset obnoxius. Quæ ratio est (ait Flauianus) vt quod alios sanctificat, quod impuros mundat, hoc ipsum & sacerdotem iussu Domini immolantem, & ministrum ignem victimæ subijcientem, & mundissimos cineres aspor-

Gregor.

16b 9.

Ibidem.

Num. 19.

Flauianus in  
Leuiticū.



tantem, ita coinquinaret, & immundos usque ad vesperam redderet? Qui fieri, inquit, potest, ut quod asperzione sanctificat immundum, contactu suo contaminet mundum? Nimirum quia aliud de multis hominibus Deus, aliud ipsi de se iudicare debent; ne si mundos se esse credant, sibi quoque de sua munditie blandiantur, hoc ipso innocentiam amittant, quo se innocentes arbitrantur. Quod illi Phariseo videmus contigisse, qui hoc ipso iustus esse desit, quod se iustum existimavit. A quo quidem periculo cum longè abesse pii homines velint, causas semper timendi, atque sese profundius submittere quaerunt. Considerant enim humanum saepe falli iudicium, saepeque in oculis hominum fulgere quod diuinis oculis soseat. Huius rei gratia Apostolus aiebat: Mihi autem pro minimo est ut à vobis iudicer, aut ab humano die: sed neque me ipsum iudico. Nihil enim mihi conscius sum: sed non in hoc iustificatus sum. Hac etiam de causa innocentissimus Iob,

1. Cor. 4.

Iob 9.

Iob 10.  
Luc. 219.

Prou. 28.  
Psal. 142

Guerri-  
cus in  
Ser. Pur.

Hier. 2.

Idem 6.

Hieron.

Si lotus, inquit, fuero quasi aquis niuis, & fulserint velut mundissima manus meae, tamen sordibus intinges me, & abominabuntur me vestimenta mea. Quare? Nimirum quia meminerat se dixisse: Nunquid oculi carnei tibi sunt? aut sicut videt homo, & tu vides? Saepe enim (ut Saluator ait) quod hominibus altum est, abominatio est ante Deum. Talis enim erat ille cui à Dño in Apocal. dicitur: Dicis quia diues sum, & nullius egeo; & nescis quia tu es miser, & miserabilis, pauper, & cecus, & nudus. Cum igitur omnia haec viri sancti probe teneant, meminerintque scriptum esse, Beatus homo qui semper est pauidus; & illud item, Nō intres in iudicium cum seruo tuo Domine; quia non iustificabitur in conspectu tuo omnis viuens. Hac, inquam, omnia cogitantes, tantum abest ut ipsis virtutibus suis efferantur, ut inde magis sese submittere atque deiciendi materiam sumant. Hinc memoranda illa Guerrici Abbatis sententia: Vtinam, fratres mei, vtinam eam nos humilitatem haberemus in peccatis nostris, quam sancti habuerunt in virtutibus suis! Illi enim dum recta facerent, timebant, ne quod rectum erat, non rectè facerent: nos plerumque malè gesta partim defendimus & excusamus, partim etiam laudamus. Sic enim ille faciebat, apud quem per Hieremiam Dominus ait: Et dixisti, Absque peccato, & innoxens ego sum, propterea auertatur furor tuus à me. Ecce ego iudicio cōtendam tecum, eo quod dixeris, Non peccaui. Et rursum: Confusi sunt, quia abominationem fecerunt: quinimo non sunt confusi, & erubescere nescierunt. Ab hoc ergo crimine usque adeo se viri sancti immunes cōseruare student: ut, quamuis innocentissimi malè viuant, totam tamen huius vitae hebdomadam expiationis & poenitentiae tempus esse statuāt, atque hac ratione purificationis legem impleant. Sic D. Hieronymus, asperissimum

vita

vitaꝝ genus in deserto persequens, de se ait: Quotidie gemitus, quotidie lachrymæ: & si quando repugnantem somnus immi-  
nens oppressisset, nuda humo vix hærentia ossa collidebam.  
Hoc igitur modo viri sancti totam panẽ huius vitaꝝ hebdoma-  
dam in luctu, squalore & lachrymis agere solent.

## I I I.

Quod si hæc lex animæ filium parienti posita est; quid de ea  
censendum erit quæ filiam parit? hoc est, quæ in vita sua remis-  
sior & negligentior fuit? Hæc nimirum sciat, duas sibi esse heb-  
domadas ad pœnitentiam destinatas. Nã & in huius vitaꝝ heb-  
domada, & in altera expiare debet, quicquid ob remissiorẽ vi-  
uendi rationem in hoc seculo cõmisit. Nemo autẽ leue esse pu-  
tet, quod in altera vita luendum reservatur, cum D. Aug. dicat, August.  
Totam diem purgatorij omnes sanctorum passiones superare.  
Ideoq. opportunẽ Apostolus fideles admonet, vt diligẽter quis-  
que videat, quod supra fidei fundamentũ adificat. Alius enim 2, Cor. 5.  
adificat aurum & lapides pretiosos; alius lignum, fœnum & sti-  
pulam. Quid autem quisq. superstruxerit, dies Domini declara-  
bit, qui in igne reuelabitur; & vniuscuiusq. opus quale sit, ignis  
probat. Itaque ardentissimo illo igne purgandum erit, quid-  
quid ignis materia fuerit, hoc est, quidquid fuerit diuinæ iusti-  
tiæ legibus & puritati contrarium.

Caterum si huic legi obnoxia est anima illa quæ filiã parit,  
quid de illa censendum est quæ omnino sterilis est? quæ nec filiũ  
parit, nec filiã; hoc est, quæ toties concepto verbi Dei semine,  
nullũ omnino bonũ opus nec virili nec molli animo retulit, sed  
in perpetua sterilitate ad finẽ vsq. vitaꝝ perseverat? Hæc nimirũ  
per legẽ maledictioni obnoxia est. Sed cui tãdem? illi nimirum  
quam Apostolus protulit, cum ait: Terra venientẽ supra se bi- Hebr. 6.  
bens imbrem, proferes autẽ tribulos & spinas iis à quibus colit-  
tur, reprobata est, & maledicto proxima; cuius consumatio in cõ-  
bustionem. Quibus verbis quid dici acrius, quid formidabilius  
potest? Quid verò illud ex Euangelio? An non eandem Apo- Matth. 21  
stoli maledictionem Dñs confirmavit, cum vernanti ficulneæ  
maledixit; quod nullum in ea fructum, sed inania tantũ folia  
reperisset? Hi autem sunt qui fidei lumen, qui sacramenta, qui  
diuina eloquia frustra receperunt; quando his omnibus nihilo  
magis in pietatis & iustitiæ studio profecerunt, quã Ethnici, &  
exleges homines, qui his omnibus diuinæ gratiæ instrumentis  
destituti sunt. Qui autem in hoc statu degunt (degunt autem,  
vt arbitror, permulti) ad cumulum mihi malorum omnium  
peruenisse videntur. Hoc enim extremum illud supplicium est  
quod per Oseam Dominus rebelli & perfido populo minatur,  
cũ ait: Auferat fornicationes suas à facie sua, & adulteria sua de Osee 4.  
medio

medio vberum suorum, ne fortè expoliam eam nudam, & statum eam secundum diem natiuitatis suæ. Quando autem hoc impletur, nisi cum homo celestis gratiæ opibus spoliatus, ita sese in omnia scelera effundit, ita cunctis cupiditatibus & prauis desideriis habenas laxat, ut illi faciunt, qui nullum diuini nominis metum, nullam religionem, nullam certam viuendi legem habent? Quid igitur isti sperare poterunt, qui sic vitam sine vilo pietatis cultu transegerunt; cum ita nudi, & steriles, & sine vilo bonorum operum fructu ante supernum iudicem statuuntur: quem constat vnicuique secundum opera sua redditurum? His igitur nulla expiationis pœna, nec in huius aut alterius vitæ hebdomada, lege Domini designatur: quia tales, quàm diu ita manent, non temporaria expiationis, sed æternæ damnationis pœnam sustinere, & sterilitatem hanc non diluere: sed luere perpetuò debent.

Horum igitur vitâ derelictantes, aliorum fecunditatē, qui vel filios, vel saltem filias pariunt, imitari studeamus: quibus vtriusq. huius vitæ hebdomada expiationi, & agendæ pœnitentiæ destinata est. Hanc ergo, dum vita superest, du purgationis dies instat, toto pectore amplecti studeamus, fratres. Sarius enim & suauis est (ut ait Guericus Abbas) lacrymarum fonte purgari quàm igne. Qui enim nō fuerint hoc fonte purgati, igne purgari debent: quando scilicet iudex ipse, quasi ignis conflagrans & mundans argentum, purgabit filios Leui. Nunc Christus aqua diluens; tunc ignis cōsumens: modò fons patens in abluionem peccatorum & menstruata; tunc flāma sequens, & ignis vorans vsque ad medullas animæ. Hoc enim igne nihil acerbius, nihil acius aut vehementius in hac vita potest excogitari. Quòd si à me quæritis, qua potissimum ratione in hac hebdomada nostra purgari debeamus; ad hoc vobis idem auctor respondet, quòd cum multa sint quibus peccatorum maculæ in hac vita diluantur, quatuor tamen præcipua esse quæ huic officio maximè deferuiant, ad quæ cetera referuntur: nempe cōrrectionem cordis, afflictionem corporis, patientiam tribulationis, operaq. pietatis & fidei. Inter quæ quatuor, postremum hoc ut facilius & suauius, ita omnibus in commune propositum est. Ut enim delicatis hominibus aliquatenus morem geramus, si lachrymas non habent, si labores horrent, si nesciunt ferre tribulationem, nunquid excusare poterunt quod Salomon commendat, Per misericordiam, inquit, & fidem purgari peccata? Quid enim misericordia suauius? quid fide iucundius? De illa dicitur: Peccata tua eleëmofynis redime, & iniquitates tuas misericordiis pauperum. Et Dñs in Euangelio: Quod superest, date eleëmofynam, & ecce omnia munda sunt vobis. De hac verò Apostoli dicunt,

Gueric.  
in Serm

Prou. 13.

Dan. 4.

Lucæ 11.

AA. 13.



dicunt, fide hominum corda purgari. Quanquam in hac Salomonis sententia possit intelligi non fides qua credimus, sed qua credibiles nos exhibemus, dum fidem Deo & hominibus seruamus: vt quod hîc dicitur, Per misericordiam & fidem purgâtur Prou. 16. peccata; & paulo póst, Misericordia & veritate redimitur iniquitas; eadem sit in diuersitate verborû repetita sententia. Recte igitur misericordia & veritas seu fides lociata sunt, cum in omnibus viis nostris, nisi misericordia & veritas obuiant sibi, plus augeri quàm purgari peccata sit verendû. Sunt enim nonnulli, qui cum in pauperes & Ecclesias etiâ benigni & liberales sint, in veritate tamen, hoc est, iustitiæ officis, ad quæ ex diuina lege tenentur, inofficiosi & negligentes sunt. Quotî misericordia ingrata Deo est, qui obedientiâ victimis præfert, & odio habet rapinam in holocaustum. Vnde scriptum est: Qui offert Eccli. 34. sacrificium ex substantia pauperis, quasi qui victimat filium in conspectu patris. Caterum quod Dominus ex eo quod superest, eleemosynam præcipit dari, hoc significare voluit quod Apostolus ait, nempe, vt abundantiâ nostra aliorû suppleat inopiâ. Qua in re multû profus pepercit infirmæ & pusillæ nostræ fidei, qui bona cõmunia non ex æquo fratribus parti, sed ex eo quod superesset propria necessitati, iussit eleemosynâ eis impartiri. Esto tamê, sit istud ius ordinatæ charitatis, quod moderatio Euangelij suas cuiq. necessitates primum excepit: quis ille est qui recte meriatur necessitates proprias? qui inter æquû & superfluum æquo iudicio discernat? Quàm multa sunt quæ libido & vanitas nostra necessaria esse definiunt, quæ ab illo sapientissimo & incorrupto iudice (cui huius rei iudicium reservatur) superflua iudicabuntur? Attēdamus nobis, fratres, ne de mortibus pauperum fratrum nostrorum incipiamus iudicari, si superflue retinemus aut insumimus, nobis vnde vita illorum valeat sustentari.

## IIII.

Sed quoniâ satis hæcenus de purificationis tempore & mysterio diximus, sequitur vt sacrificij quoq. semina purificandæ rationem & significationem exponamus. Præcipiebat ergo lex, hoc dicere numero transacto, vt puerpera pro emundatione sua sacrificium offerret; quæ diues esset, agnû; quæ verò pauper ac tenuis, par turturum, aut duos pullos columbarum. Hac etiam oblatione totius Christiana philosophiæ summa cõtinetur, quæ hoc symbolo duas tantum ad felicitatem vias, alteram innocentia, alterâ pœnitentiæ, esse declarat. In agno quippe innocentiam; in turturibus verò & columbis, quæ gemitus semper edunt, pœnitentiæ lamenta designari notissimum est. Quicumq. ergo cælestium donorum diuites sunt, hi agnû offerunt: qui

190 INFESTO B. MATTHIAE APOSTOLI

**LUC. 13.** qui videlicet perpetuam in vita innocentiam retinuerunt. At qui hoc prestare nequeunt, sciant se non alia via, quam lamentis & gemitibus, ac veteris vite poenitentia ad felicitatem esse peruenturos, dicente Domino; Nisi poenitentiam egeritis, omnes similiter peribitis. Quid igitur cunctamini, fratres, qui toties innocentiam perdidistis? Quomodo tam anxie caelestis vitae hereditatem desiderantes, viam quam sola ad eam ducit, ingredi recusatis? Cur in aliud tempus differtis, quod quo citius, eo facilius perficere poteritis? Cur modò eam sementem facitis, unde postea nihil nisi luctum & lachrymas metere possitis? Cur rem tanti momenti in futurum tempus differtis, cum ignoretis quid superuentura pariat dies? Cur non timetis ne vos futura tempora computantes, caelestis illa vox intercipiat; Sulte, hac nocte re-  
**LUC. 12.** petent à te animam tuam; ea quae parasti, cuiuserunt; Felix plane & nimium felix, qui lauat manus suas in sanguine peccatoris; hoc est, qui alieno periculo sapit, qui alieni criminis supplicio admonitus, vitae innocentiam & puritatem sectari studet; hic enim non hanc Domini exprobrantis vocem, sed illam potius est auditurus; Euge serue bone & fidelis, quia in pauca fuisti fidelis, intra in gaudium Domini tui. Quò nos perducere dignetur, qui dolorum suorum acerbitate hoc nobis semper iter-  
**MAT. 23.** num gaudium comparauit.

INFESTO BEATI MATTHIAE  
APOSTOLI, CONCIO PRIMA: IN QUA  
post Euangelicæ lectionis enarrationem tria im-  
probæ vitæ onera explicantur, quæ nos ad eius  
odium ac detestationem maximè incitare debent.

THEMA. Venite ad me omnes qui laboratis & onerati  
estis, & ego reficiam vos. Matth. 11.



ACRA presentis diei solennitas, fratres dilectissimi, Euangelicæ prædicationis officium maximè cõmendat. Constat enim præcipuum Apostolorum munus, quo mundum ad fidem cõuerterunt, Euangelij prædicationem extitisse. Quæ verò sit huius officij dignitas, multa sanè declarant. Atque illud in primis, quod hoc ipsum Seruatoris nostri munus & officium fuit. Cuius rei gratia Paulus Apostolum eum & Pontificem confessionis nostræ appellare nõ dubitauit. Quale igitur officium est, ad quod

ad quod vnigenitus Dei Filius in terras à Deo Patre missus est, ut qui loquebatur antea patribus in Prophetis, nobis in Filio suo loqueretur? Electio deinde beatissimi Apostoli Matthiae, muneris huius dignitatē satis apertē declarat. In qua cum electores essent sanctissimi, & ab omni acceptionis personarum vitio (quod in electionibus maximē dominatur) alienissimi, non tamen iudicio suo tantum tribuerunt, ut electionis huius munus sibi usurparent, sed sibi suisq. cōsiliis diffusi, & ad primam illam veritatis regulā fallere & falli nesciā cōuersi: Tu, inquit, Dñe, qui corda omnium nosti, ostende quē elegeris ex his duobus accipere locum ministerij huius & apostolatus, de quo pręuaricatus est Iudas. Quæretis huius rei causam? ea est officij dignitas & maiestas, cui animarum salus (quæ non corruptibilibus auro & argento, sed pretioso immaculati Agni cruore redēpræ sunt) credita est. Quod ergo tati redēptori suo cōstituit, quodq. inter æterna præmia aut supplicia constitutū est, an non summo studio & diligētia curandū erit? Ex fine igitur officij facile erit eius dignitatē & necessitatē colligere: quæ cognita, mirum non erit, quod viri sanctissimi hoc tantū negotiū nō sibi sumere, sed Deo cōmittere voluerint. Quæ quidem ex re colligere licet, fratres, quo affectu & mēte sacris cōcionibus interesse debeamus, quarum ministri tanta religione coopratū. Neq. verō S. Apostolus se indignū hac electione præstitit. Nam cum in partitione prouinciarum, Iudæa ei nūtu diuino obrigisset, multos partim doctrina, partim vita, quam integerrimam ageret, partim miris & inulitatis operibus, quæ in agrotorū morbis profligandis ederet, ad Christianā religionem fidemq. traduxit. Quod cum Iudæi, quos ad sanā mentem à praua deducere non potuit, acerbē ferrēt, eū ad Pontificē pertraxerūt, doctrinamq. ac religionē ei ut crimē obijcere cœperunt. Ille magna fiducia, præsentiq. animo fretus, hoc statim respōdisse dicitur, ea quæ ipsi ut probra & crimina obiectarent, non longam desiderare orationem: Christianum enim esse, nō criminose esse, sed gloriosū. Cumq. Pontifex ex eo quaesiuisset, si rēpus pœnitentiæ daretur, mutare ne consiliū vellent? Deus, inquit, prohibeat, ut ne à veritate, quam semel inueni ac secutus sum, aliquādo quasi transfuga dēliciā. Tum concitati populi furore Pontifex præter priuatum odium impulsus, eum sententia sua lapidibus primò obruendū, deinde securi ferendū esse pronunciauit. Duo autem testes quos subornauerant, primi in eum lapides iaculati sunt. Ille verò testimonij causā, ut secum sepelirētur, rogauit. Sic beatus Matthias ad Christū migravit. Hic igitur beatissimi Apostoli finis fuit: in quo fidei suæ, integritatis, charitatis, & cōstantiæ clarissima nobis exempla reliquit. Nunc superest, ut Euangelicam huius diei lectio-

Heb. 1.  
Act. 2.

1. Pet. 1.



192. IN FESTO B. MATTHIAE APOSTOLI  
lectionem, quæ singularem continet doctrinam, explanare incipiamus. Quod ut religiosè præstare possimus, caelestè opem, sacratissimæ Virginis interuentu, suppliciter imploremus.

AVE MARIA.

Paulo ante huius sacræ lectionis initium narrat sanctus Lucas Euangelista Dominum misisse discipulos suos ad prædicandum, potestatem illis tradita sanandi languores omnes, & demones ex obsessis corporibus pellendi. Discipuli verò peracta Domini legatione, & re feliciter gesta, reuersi sunt cum magno gaudio ad Dominum, dicentes: Domine, etiam daemonia subiiciuntur nobis in nomine tuo. Quibus ipse, Videbā, inquit; Satanam sicut fulgur de cælo cadentem. Quæ Domini verba, vel casum principis huius mundi (qui erat Apostolica predicatione foras eiciendus) significare volunt; vel tacitè discipulorum lætitiā compescere, & superbiæ periculū exemplo ruinæ daemonum (qui, quòd caelestibus donis intumuiscent, è cælo deiectioni sunt) volunt eis demonstrare. Quamuis enim homo ex infimo elementorum omnium, hoc est, ex limo terræ formatus sit (piscis enim & aues ex aqua, quæ terra nobilior est, conditi fuerunt) tamen dictū mirum est, quo ardore ad sublimia feratur, seque supra omnia erigi cupiat, perinde atq. non ex terra, sed ex aëria vel ignea materia formatus esset. Verū leuitas hæc non illi ex materia cōditionis, sed ratione cognationis provenisse videtur. Refert enim moribus & ingenio primos illos generis sui parentes, qui cæca diuinitatis & sublimitatis cupiditate ducti, in huius ærumnosæ vitæ miseras inciderunt: ideoque non mirum, si in eo eadem illa quæ erat in antiqua dignitate ambitio & superbia maneat. Quo fit ut nō in fortuitis modò bonis, sed in naturalibus etiā (quæ aliena esse, & beneficio illi Domini contigisse intelligit) frequenter gloriatur. Vnde enim vel vocis suauitas, vel formæ pulchritudo, vel corporis vires, vel ingenij acumen, nisi ab auctore naturæ, & bonorum omnium sōte prodierunt? De his tamen rebus quæ sine suo labore, sola Dñi gratia perceperunt, multi inaniter gloriantur, cum tamen in illis nihil habeant, quod suo sibi iure vindicare possint. Sed in his adhuc minor est querela. Longè tamen indignius est, quòd non modo in naturalibus, sed etiam in caelestibus & supernaturalibus donis gloriatur: quomodo Apostolus quoque revelationum magnitudine gloriatus fuisset, nisi quotidiano carnis stimulo fragilitatis suæ admoneretur. Huic ergo Dominus periculo obuiare volēs, gestientibus, ob felicem successum discipulis miserabilem demonis casum proposuit, qui ob hoc tanquam fulgur è cælo deiectus est, quod acceptis à Deo muneribus fuerit elatus. Illam igitur periculosam rudium adhuc discipulorum lætitiā

tempe-

temperauit, & alteram veræ solidæque lætitiæ causam præbuit, cum subdit: Veruntamen in hoc nolite gaudere, quod spiritus Luc. 10. subiiciuntur vobis: gaudete autem quia nomina vestra scripta sunt in cælis. Quam quidem sententiam alio quoque loco Dñs confirmauit, cum ait: Nolite timere pusillus grex, quia cōplacuit Patri vestro dare vobis regnum. Felices, quibus hoc tā ingens bonum ab ore Veritatis promissum est. Felices quibus in hac etiam vita manentibus hoc tantum arcanum scire concessum est. Felices iterum atq. iterum, quibus in hoc exilio & calamitosa vita degentibus, spe licuit esse beatis, & in fragili corpore æternæ vitæ primitias degustare. Pusillus quidē grex, sed nō pusillus, cui tā magna merces in cælis reposita seruabatur. Quid his triste aut obscurum tantæ promissionis spe lætantibus euenire poterat? Si quis enim omnes omnium mortalium labores in corpore perferret, qui tamen certō sciret, se post breuem lucis huius vsuram cum mendico Lazaro choris esse Angelorum Lucæ 12. inferendum; quid illi hæc tanta malorum colluies nocere posset? Rursus si totius mundi imperio potiretur, qui tamen certō sciret, se exacta breui illa felicitate, cum epulone diuite ad tartarorum supplicia transmittendum (vbi ne guttam quidem aquæ, sicut enectus, esset percipiturnus) quomodo hunc felicitas illa sua exhilarare, & immensa deliciæ oblectare possent, cum tanta malorum vis supra caput illius impenderet? Merito ergo discipulis Saluator ait, Gaudete & exultate, quia nomina vestra scripta sunt in cælis.

Nec ipsis modō exultandum esse hoc nomine suasit, sed ipse etiam post hæc verba exultās in Spiritu sancto ad Patrem ait: *Confiteor tibi Pater Domine celi & terre.* Causa autem exultationis huius, salus nostra fuit, quam in prima illa discipulorum legatione præuidit. Hoc ergo nomine Patri gratias agit, quod huius tanti mysterij reuelationem sapientibus & prudentibus seculi absconditam, paruulis, hoc est, humilibus, & infimæ notæ hominibus, reuclauerit. Cuius rei nō aliam causam subdit, nisi hanc: *Ita Pater, quoniā sic placitum fuit ante te.* Neque enim Christianus homo in operibus, iudicis, electionibusq. diuinis aliam causam, quā diuinam voluntatem (quæ primæ totius æquitatis regula est) querere debet. Sicut enim (vt Saluianus ait) plus est Deus quā omnis humana ratio; ita plus apud me valere debet, quod à Deo gubernari cūcta cognosco. Hac enim ratione Christianum hominem contentum esse, nec vltra curiosius progredi debere, D. Athanasius in vita Magni Antonij docet. Saluian. contra Gent. Athanas. Memorat enim orāti Antonio reuelatum fuisse, duorum ad se monachorum per arida eremi loca venientium, alterū siti confectum, animam efflasse; alterum verò, nisi illi subueniretur, Tom. 5. N illico

Idem.

illo moriturum, cui vir factus, designato loco, protinus subueniri praecepit. Fortasse aliquis (inquit Athanasius) hoc in loco requirat, cur non, antequam alter moreretur, res Antonio declarata sit? Incongruo prorsus (ait) Christianis argumento vitur: quia non hoc Antonij, sed Dei iudicium fuit: qui & de moriente quam voluit sententiam tulit, & de sitiente reuelare dignatus est. Hæc ille. Hanc ergo philosophiam nos hoc in loco docet æterna Patris Sapientia, cum in hac tanta re non aliam causam, quam Patris voluntatem affert.

Bernard.

1. Cor. 8.  
1. Tim. 6.Genes. 4.  
Ibid. 21.Malach. 1.  
Gen. 49.

Lucæ 28.

Sed quamuis hoc nobis sufficere debeat, nō desunt tamen rationes, propter quas summa illa æquitas & sapientia hoc ita esse voluerit. Inter quas illa nō in postremis habenda est, quod humilitatis amator, & superbiæ osor Dñs, non solum humilia respicit in cælo & in terra; sed ea etiam quæ vel humilitati confinia sunt, vel ad humilitatem viam muniunt, placidis oculis contemplantur. Sicut autē (vt D. Bernardus ait) humiliatio ad humilitatem via est, ita etiam infima hominū fors atq. conditio humilitati propior est: sicut contrā opes, potentia, & secularis sapientia superbiæ sunt propiora. Huius enim gratia Apostolus scientiam inflare ait; & diuitibus huius seculi præcipit, non sublimè sapere: quod hoc vitium (nisi diligenter caueatur) opulentie atque seculari sapientie finitimum sit. Cuius rei vel iudicium vel figura est, quod toties in litteris sanctis videmus Deum maximos natu filios & primogenitos repudiasse, minores autē elegisse. Sic enim (vt ab ipsius mūdi exordio exempla repetamus) ex duobus Adæ filiis primogenitū Cain repulit, & Abelem natu minore elegit: ex duobus verò Abraham filius Ismaele primogenito repudiato, ad Isaac translata benedictio est. Ex duobus autem Isaac filiis, Esau & Iacob, hæc Dñs protulit sententiam: Iacob (natu videlicet minorem) dilexi, Esau autem odio habui. Ex duobus item Ioseph filiis, Manasse & Ephraim, minorem natu, maiori auus eorum Iacob commutatis manibus ex Dei sententia prætulit, quamuis hoc Ioseph vtriusq. pater agrè admodum tulerit. In his quidē electionibus fideli homini præ ratione satis abundè diuina voluntas esse debet. Sed illud etiā hic animaduertendum puto, adeo Dñm humilitatis virtute delectari, vt humilitatis etiam imaginem (quæ in infimis rebus elucet) honorare quodammodo videatur. Quod non obscure in Euangelio significauit, cum pueros ad se allatos blandè recipiēs atque complexans, discipulis illorum ad se accessum prohibentibus ait: Sinite paruulos venire ad me, & nolite prohibere: talium enim est regnum cælorū. Idem etiam de virginitatis virtute dicere licet: quam summus ille puritatis amator ita diligit, vt eius etiam imagini peculiarem quandam tribui hono-

ræm



tem velit, dū in vastatione ciuitatū aliquarū, cum nulli sexui vel  
 ætati parcere olim præceperit, virgines tamē iusserit referuari; Num. 31.  
 non quod infidelium seminarum virginitas Deo grata sit, sed  
 quod eius quodammodo imaginem gerat. Sic enim, quia sum-  
 mo illi Christi sacrificio maximè oblectandus atque placandus  
 erat, dum hoc tamen differebatur, eius imagines & simulachra  
 quedam in pecorum mactatione offerri sibi in lege præcipie-  
 bat: quæ tamen non ex natura sua, sed ex offerrentium deuotio-  
 ne illi grata erāt. Has ergo duas potissimū virtutes, humilita-  
 tem & virginitatem (quarum altera præcipitur, altera consoli-  
 tur) ita Dñs honorat; vt ipsarū quoq. imagines honorare quo-  
 dammodo videatur. Quo minis mirandum est, si tantus hic  
 humilitatis amator sapientes seculi, seculari scientia inflatos,  
 reliquerit, & rudes piscatores elegerit, vt pote qui à superbia tu-  
 more longius abessent, & verā humilitati propiores essent.

Humilitatem verò ducem esse ad sapientiam, idē Dominus  
 exemplo suo protinus confirmat, cum ait: *Disce à me, quia mitis*  
*sum, & humilis corde.* Causam verò cur homines ab eo discere de-  
 beant, mansuetudinem & cordis humilitatem esse ait: quoniam  
 qui his virtutibus præditi sunt, diuinæ sapientiæ participes effi-  
 ciuntur, ideoq. digni sunt, quibus celestis philosophiæ magiste-  
 rium cōmītatur. Super quē enim requiescit Spiritus ille Pro-  
 pheta: & Ecclesiæ magister, nisi super humiles mētes & man-  
 suetas? Hinc Salomon ait: Vbi fuerit superbia, ibi erit contu-  
 melia: & vbi humilitas, ibi & sapientia. Hinc D. Augustinus, Si  
 à me, inquit, quæsieris, quæ sit certissima ad sapientiam via, hu-  
 militatē respondebo: & si secundo idem quæras, humilitatem  
 iterū respondebo: & si tertio tandem ac centies idē à me re-  
 quiras, idē à me responsum feres. Superbos autem verā sapien-  
 tiæ expertes esse, idem August. cæcitas suæ exemplo ostendit,  
 cum ait: Tumore meo Dñe separabar abs te, & nimis inflata  
 facies claudebat oculos meos. Idem. Jam verò mansuetos eodē modo  
 à Domino illuminari atque doceri, regius Propheta testatur his  
 verbis: Diriget mansuetos in iudicio, docebit mites vias suas. Si  
 ergo mites & humiles præceptorem & magistrum Deum ha-  
 bent, dignum profectò est, vt, qui tanti magistri discipuli sunt,  
 aliorum magistri fiant, & ab omnibus audiantur. Quare non  
 immerito hunc sibi Dominus honorem & officium sumit, cum  
 ait: *Disce à me, quia mitis sum, & humilis corde.* Psal. 24.

D. autem Augustinus paulo aliter hunc locum interpretatur: August.  
 vult enim Dñm mortales omnes ad humilitatis suæ exemplum  
 imitandum inuitare. Itaq. Dominum inducit hæc verba profe-  
 rentē: Disce à me, non mundum fabricare, non cuncta visibi-  
 lia & inuisibilia creare, non in ipso mundo mirabilia facere, &

mortuos suscitare; sed queniā mitis sum & humilis corde. Magnus esse visus à minimo incipe. Cogitas magnam fabricam cōstruere celsitudinis? de fundamento prius cogita humilitatis. Hæc autem prima ad veram celsitudinem (hoc est, ad veram animarum requiem & felicitatem) via esse dicitur: altera verò in diuinorum mandatorum obedientia sita est: quod quidem apertissimè Dominus in præsentī lectione testatur, cum ferentibus legis suæ onus requiem promittit. Quam eius sententiam (quæ magnum piis omnibus solatium præbet) sequens sermo latius declarabit.

## TRACTATIO THEMATIS.

*Venite ad me omnes qui laboratis, & onerati estis, &c.*

I.

Simile

Quemadmodum inter virtutes, quibus anima decoratur, primum ordine locum tenet fides, quæ intellectum (à quo omnis actio proficiscitur) illustrat; ira contrā, cæcitas mentis, vitiorum omnium, quibus anima foedatur, initium est. Intellectu enim cæciciente (qui humanæ voluntatis ductor est) quid ab homine rectè geri & administrari poterit? Si enim cæcus cæco ducatum præstet, nonne ambo in foueam cadēt? Inter omnes autē mortalium errores, qui varij & multiplices sunt, ille mihi præcipuus esse videtur, quod virtutis viam asperam & confragosam, à diabolo decepti, credunt; vitiorum autē amœnam & iucundā. Quæ res facit, ut virtutis & honestatis via relicta, per blanda vitiorum itinera, ut ipsis apparet, gradientur. Ea enim humani cordis natura est, ut (quemadmodum Aristoteles ait) dulcia & voluptuosa maximè appetat, fugiatq. contraria. Vnde illa Rhetorum sententia manauit: Nihil lacryma citius arescere: quod humana mens tristitia cuncta, ut naturæ aduersantia, fugiat; & placida atq. iucunda, quæ eandē recreant atq. reficiunt, avidissimè concupiscat. Vnde sicut medici aiunt iecur nostrum cibis dulcioribus maximè oblectari, eosq. vehementer ad se trahere; ita sanè mens nostra ut amaris rebus offenditur, ita dulcibus ardentè inhiat. Quæ res (ut antè diximus) in causa est, ut virtutē improbi, tanquā horridā & difficilem fugiant, vitia verò tanquam dulcia & voluptuaria amplectantur. Hic igitur mihi, fratres, inter omnes hominum errores valde perniciosus esse videtur, quique vnus vitia, voluptatis nomine, maximè commendat. Aduersus autem hunc errorem frequenter mihi certamē inueniendum est, apertissimisque rationibus ostendendum, verissimum esse

Aristot.

Simile.

Eccl. 21.

quod in Ecclesiastico legimus: Via peccantium complanata est lapidibus, & post hæc inter, & tenebræ, & pœna.

Hoc ipsum autē ea quæ proposui Domini verba satis apertè prædicant. Cum enim Dominus ait: *Venite ad me omnes qui laboratis,*

ratis,

ratis, & onerati estis, & ego reficiam vos: nōne improborum hominum curas & labores, & piorum iucunditatem & requiē demōstrat? Quos enim hoc in loco alios ad se, nisi peccatores, peccatorū suorum pondere grauatos, vocat? Quibus verō refectiōnis & alleuiationis opem, nisi ad se confugientibus (hoc est, piis hominibus) promittit? An non hoc ipsum Moyses eisdem penē verbis pręuicatori populo comminatus est? Quia noluisti, inquit, seruire Dño Deo tuo in gaudio cordisq̃. lætitia propter rerum omnium abundantiam, seruiēs inimico tuo, qui ponet iugum ferreum super ceruicem tuam. Ita quod Saluator onus appellat, Moyses iugum ferreū vocat; quod ille refectiōnem, iste gaudium & rerum omnium abundantiam nuncupat. Hęc duo sanctorum litterarum testimonia, ab ipsius Veritatis ore profecta, satis superq̃. esse deberent, vt vulgari hominum errore deposito, diuinorū mandatorū viam, veris deliciis plenam, improborum autem grauissimis oneribus refertā esse, certissimē crederemus. Sed quoniam hęc ipsa generatim dicta min⁹ *mo-* Partitio.  
ueat, libet in reliqua concionis parte tria potissimū grauissima improborum onera, quę illos in præsenti vita premunt, paucis indicare, nempe ipsius peccati malitiam, sceleris conscientiam, derelictiōnemq̃. diuinam.

Et quidem primū peccati siue odium siue supplicium, breuiter ad Luciliū Seneca describit, cū ait: Prima peccati pœna est peccasse. Rursusq̃. alibi: Sceleris in scelere supplicium est. Sicut enim alibi idē dixit, fecisse, rectē facti mercedē esse: ita nūc sceleris in scelere suppliciū esse testatur. Ingēs enim scelus est, aduersus rationis lumen, aduersus diuinę legis imperiū, aduersus ipsam naturę pręscriptionē deliquisse. Quo nomine D. Thomas, quę improbē gerimus peccata, contra naturam esse testatur, quod videlicet aduersus naturę auctorē (cui omnia obtēperant elemēta) & aduersus naturę legē, cordibus nostris diuino lumine impressam, acriter pugnat. Quam eius deformitatē gētiles etiam Philosophi (quāuis fidei lumine destituti) apertissimē cognouerunt. Sic enim apud Ciceronem legimus: Si vnum in locum collata sint omnia mala, cū turpitudinis malo nō erūt cōparanda. Idemq̃. rursum, Nobis, inquit, persuasum esse debet, si Deos hominesq̃. celare possemus, nihil tamen auarē, nihil iniustē, nihil libidinosē esse faciendū. Et iterum, Simus, ait, ea mētē, quā veritas & ratio pręscribit, vt nihil in vita nobis pręter culpā cauendū isse putemus. Hactenus ille. Quid, quęso, ab homine Ethnico, imō & Christiano, dici amplius potuit? Audite tamen, fratres, aliud fortasse maius. Amicum quendā Seneca his verbis ad vitiorum derelictionem adhortatur: Vita cuncta, oro te, mi Lucili, persequere sine modo, sine fine: nam illis in Epist.



quoq. nec modus est, neq. finis: quæ si extrahi nequirent, cor ipsum cum illis reuellendū erat. Hoc dixit homo Ethnicus, quem neq. arernorum suppliciorum, neq. præmiorum fides, sed sola turpitudinis deformitas à vitiorum amore deterrebat. Quid hic Christianus homo dicet, quem caelestia & terrestria, quæ super & infera, quemq. ipse rerum omnium conditor & Dominus expansis in cruce manibus à peccando deterret? Hoc igitur primum peccati onus est, quod quamuis vulgus hominum non agnoscat, sapientum tamen iudicio grauissimum mentis nostræ onus est. Quid enim grauius, quàm illum offendere, cui Angeli seruiunt, cui elementa famulantur, à quo cælum & terra pendent, ad cuius nutum columnæ cæli contremiscunt, ante cuius conspectum vniuersa mundi machina vix vnius vermiculi instar obtinet: cuius numine regimur, cuius beneficio viuimus, cuius cibus alimur, cuius prouidentia gubernamur, ac postremo sine quo neq. esse, nec viuere, nec loco moueri, neq. spirare ad momentum possumus: propter cuius gloriam si mille mortes obeundæ essent, nõdum illius maiestati & beneficiis esset satisfactum. An non igitur hæc tanta sceleris deformitas satis magnum & importabile onus esse credendum est? Misera profecto, imo verò bis mortua illa mens est, quæ huius tam terri facinoris pondus intra se retinens nihil sentit.

Secundum verò onus est, sceleris conscientia, quæ grauiter etiam sceleratos homines, nisi omnem prorsus humanitatem & communem sensum exuerint, premere solet. Sic enim naturæ conditor Deus naturam instituit, vt intra ipsam aculei quidam essent, qui nos semper ad virtutem extimularēt, & à turpitudine renocarent. Hinc Gentiles etiam, quamuis fidei lumine destituti essent, quæ eorum scelera coargueret, hic tamen cōscientiæ stimulus, naturæ beneficio datus, peccantes accusabat, eoq. quæ scelerum conscientia perterrebat. Vnde est illud Poëtæ: *Legge Deum stabili semper metus angit iniquos*. Hinc illa Pythagoræ meritò laudata sententia, Neminem tam audacē esse, quæ mala conscientia non facit timidissimum. Non enim quiescit animus malè sibi conscius, sed ab omni vento pauet. Idemq. dicebat; Virum iniquum plus mali pati afflictum cōscientia, quàm eum qui corpore castigatur, & caditur: multo enim grauiora sunt ægroti animi mala, quàm corporis morbi. Ab hac autè Pythagoræ schola Philosophus quidam prodiit, cuius memorabile factum silentio præterire non debeo. Hic igitur cōmens sibi à sutore calceos, neq. promptam habens pecuniam, orat vt crastinum exspectet diem: quo cū venisset satisfactorius, audit sutorem iam defunctum. Non faciens igitur mentionem pecuniæ, nummos non inuita manu domum gratulabundus

bundus de facto iam lucro retulit. Verum cum sceleris conscientia subinde torqueretur, arreptam pecuniam in sororis domum proiciens, ait: Tibi uiuit, qui aliis defunctus est. Videtis ergo, fratres, sine fide etiam solam sceleris conscientiam & horrere peccata, & illorum admissionē lacerari? Si igitur sola hæc natura scintilla animum hoc modo vexat; quid ea faciet splendore fidei adinta, quæ menti reprobat iram Dei, mortem, iudicium, suppliciaque improbis constituta proponit? Nemo enim adeo sceleratus est, qui non Deum esse putet, illiusque sæpenumero iudicium metuat. Cum igitur esse numen putat, horret & tremat, nullaq; in sede consistit, cum sæpe animo anxio atq; sollicito scelerum pœnas extimescat, utpote qui certò sciat esse vim diuinam omnia contuentem & animaduertentem, pœnasque de scelere & improbitate repentem. Quomodo igitur qui animum suum tot facinorum ulceribus conscissum gestat, non assidue trepidabit, iramq; iusti iudicis formidabit? Est enim mala conscientia comes odiosa, turbulenta tempestas, animum perpetua iactatione concutiens, assiduusque terroribus obiectis incessanter exagitans. Ut enim si aliquis transfixus esset venenato telo, quod è corpore euelli non posset, nullum temporis punctum dolore vacuū haberet: sic, ubi iniustitiæ mortiferum venenum in viscera penetrat, & in præcordiis hæret, animoque mortiferum vulnus imponit, vix quidquam est quod miserum hominem valeat à summis angoribus, & assidua dolorum acerbitate liberare. Cum enim totus miseriæ fœrem intra pectus habeat; euenit, ut nunquā vim molestiæ à se dimouere possit; sed quocumque pergit, eximio dolore & solitudine conflictetur. Ex quo fit, ut, neque domi quietem, neque foris oblectamentum inueniat. Neque enim domus, neque ciuitas, neque celebritas, neque solitudo illis iucunda esse potest, qui gerunt animū vulneribus iniquitatis & iniustitiæ conscissum. Itaq; sicut æger, cuius viscera ardentissima febris vrit, nullo modo in latus vnum consistere diu potest, sed modò in hanc, modò in illam partem voluitur atque iactatur; neq; tamen tot mutationibus quietem, quam quærit, inuenit (quoniam intra se inquietudinis suæ causam gestat) ita improbi homines vix vlla rerū aut locorū mutatione lethale telum, quod intra se ex malorum suorū conscientia gestant, excutere possunt. Quæ quidem restantur in nobis peccati odium parere deberet, ut quāuis nulla alia siue præmia siue supplicia nos ab eo deterrerent, hoc vnum satis superque futurum esset. Hac enim ratione prudentissima femina Abigail Davidis furorem in lenitatem vertit, & ab indignissima corde furem reuocauit. Cum enim is indignanbundus ad euertendam Nabalis domum atque familiam pergeret, illa

Simile

Simile.

1. Reg. 25.

obuium excipiens, inter alia verba, quæ iratum lenire possent, hoc quoque intulit: Malitia, Domine mi, nō inueniatur in te omnibus diebus vitæ tuæ. Cūq. fecerit tibi Dominus domino meo omnia bona quæ locutus est de te, & constituerit te ducem super Israël, non erit tibi hoc in singultum, & in scrupulū cordis, quòd sanguinem innoxium effuderis, aut ipse te ultus fueris. Qua quidem oratione ira concepta Davidis ita deferbuit, vt non modò arma deponere coactus sit, sed in prudentissimæ mulieris laudes effusus, Benedictus, inquit, Dominus Deus Israël, qui misit te hodie in occursum meum; & benedictum eloquium tuum; & benedicta tu, quæ prohibuisti me hodie ne irem ad sanguinem, & vlscerer me manu mea.

Denique vt breuiter hanc partem finiam, rem certè admiratione dignā cōmemorabo, quæ interni huius cruciatus certissimam fidē faciat. Epicurus, voluptatis assertor, qui summū bonū vna voluptate definiuit, cū is neq. Dei providentiam, neque animarum immortalitatem, ac multo minù bonorū præmia, suppliciaq. malorū agnosceret, cū is omnes ad voluptatē illam suam vias diligentissimè excogitasset; virtutem ad hoc in primis sequendam, vitiaq. maximè fugienda esse docuit. Quid nouum hoc Epicure? quid tibi cum virtute, cui nullum à Deo præmiū cōstitutum esse fateris? quid tibi cū odio vitiorū, quorum supplicia nulla formidas, quæq. magnas interim voluptates pariunt? Certè, ait, quoniam ego omnibus in rebus voluptatem capto; nihil autem virtutis honestate atq. decore voluptuosius aut iucundius esse cognosco. Ego item omni ratione dolorem & acerbiteriam voluptati contrariam, tanquam summum malum, fugio; nihil autē magis animū quàm scelerum cōscientia torquet, assiduoq. metu exagitat. Potest enim, ait, nocenti contingere vt lateat, latendi fiducia nō potest. Cuius sententiæ sensum Seneca sic exponit: Ideò non prodest latere peccatibus, quia latendi etiam si facultatem habent, fiduciam non habent; ideoq. à continuo metu & angore animi tuti esse non possunt. An non igitur testimonium, ab ipsa voluptatis officina profectum, satis esse debet, vt intelligamus, quanto sit virtutum quàm vitiorum professio iucundior; cū hac assidua conscientia laceratione animū cruciet, illa verò contrā mentem decoris & honestatis suæ pulchritudine exhilaret? Verissimè enim à Salomone dictum est: Gaudium est iusto, facere iustitiam. Et: Secura mens quasi iuge conuiuium. Perpetuò enim epulatur, qui virtutum & meritorum suorum cōscientia pascitur & oblectatur. Magnum peregrè proficiscentis solatium est, cū certissimè se rectā ingredi scit: magna autem cura & sollicitudine iter facit, qui se rectum iter reliquisse, & per auios saltus, & inuia

loca

Seneca.

Prou. 21.

Simile.



loca ingredi videt. Hoc igitur secundum improborum hominum, & quidem grauissimum, onus est.

## II.

Tertium verò ex dissimili prouidentia quam Deus malorum & bonorum gerit, facile colligitur. Ad bonos quippe illa Domini verba pertinent: Ego quasi nutritius Ephraim portabam eos in brachiis meis. Et illa: Factus sum Israël pater, & Ephraim primogenitus meus. Ad improbos autè illa referuntur, quæ per Zachariam Dominus ait: Non pascam vos: quod moritur, moriatur: & quod occiditur, occidatur: & reliqui deuorèt vnusquisque carnè proximi sui. Quæ quidè ratione Apostolus Gentiles sine Deo esse dixit in hoc mundo: non quòd is rerum humanarum prouidentiam non haberet, sed quòd talè se Deus erga improbos gerat, quales se ipsi erga ipsum gerunt: atq. vt Deum illi ab animo & cogitatione sua repellūt, ita ipsi à paterna eius cura & prouidentia repelluntur. Quod quidem Azarias, Spiritu Dei afflatus, Asa regi ab Aethiopum cæde cū magna gloria reddenti, significauit his verbis: Dominus vobiscum, quia fuistis cum eo. Si quæsieritis Dominum, inuenietis eum: si autem dereliqueritis eum, derelinquet vos. Hæc Dei lex, hæc iustitiæ & æquitatis diuinæ regula est. Quæ cū ita sint, iam nūc expendamus, qualis eorum conditio sit, qui hoc tam salutari præsidio vel instructi vel destituti sunt. Est enim vita, quā in hoc fragili corpore degimus, abyssus curarum, continua militia, assidua mentis corporisq. lactatio, in qua labor laborem excipit, cura curam trahit, dolor ex dolore necitur: infinitæ curæ, molestiæ, sollicitudines animum peruagantur, eumq. frangunt atq. debilitant, & de omni statu deiiciunt. Quid ergo faustum, quid lætum in ea vita esse poterit, quæ à maternis visceribus ad terræ vsque viscera tot laboribus resperfa est? cuius conceptio culpa, nasci pœna, viuere miseria, & mori tormentum est? Cū igitur tam multis calamitatibus vita reserta sit: quid, quæso, fragilis homuncio in tam turbulento & procelloso mari à Deo derelictus, eiusq. paterna prouidentia destitutus faciet? quò se verteret? quid consilij capiet, qui hoc malorum omniū profugium à se vitio suo alienauit? At quanto alia piorum sois in calamitate est? Vir enim pius Deum paterna cura sibi consulentem haber, secūq. vt pupillam oculi custodientem, scapulis suis obumbrantem, veritatis suæ scuto tegentem, murumq. igneum (vt est in Zacharia) se illi in circuitu exhibentem; quemadmodū dæmon ipse aduersus Iob cum Deo agens testatus est: Nunquid (ait) frustra Iob timer Deū? Nunquid non tu vallasti eū, & omnem domum eius? Operibus manuum eius benedixisti, & possessio eius creuit in terra. Quæ vis igitur calamitatum hominem

Osee 11.

Hier. 31.

Zach. 11.

2. Par. 15.

Zach. 2.

Iob 2.

hoc caelesti praesidio septum, deicere aut frangere queat? Adde etiam spiritalia arma, quibus homo ad incommoda omnia perferenda, omniaque inimici tela propulsanda, instructus est. Fide enim munitur, spe in caelestia subleuatur, charitate incenditur, fortitudine roboratur, orationis praesidio armatur, clamans cum Propheta; *De tribulatione inuocaui Dominum, & exaudivit me in latitudine Dominus*: hoc est, gaudio & letitia dilatauit cor meum, quod calamitatis pondus angustare ac premere debuisset. His igitur auxiliis adeo vir pius in tribulatione non concidit, ut vehementer etiam Deo custode & protectore lætetur. At improbus homo huiusmodi praesidiis septus non est, Deum verò contra se iratum & insensum habet, non modo plagas non repellentem, sed etiam inferentem. Cum ergo his omnibus auxiliis destitutus sit, sibique ipse relictus; quibus, quæso, armis aduersus omnes diaboli congressus, & læuentis fortunæ tela, decertabit? Quod malum igitur tantum comprehendit cogitatione potest, quod sit cum hac tanta calamitate cõferendum? Nam cum homo impietate prolapsus, illud Dominum, qui omnia potestate infinita complectitur, cuius ope cuncta bella facile depellebat, non modo à se alienauerit, verum etiam acrem sibi aduersarium constituerit; quod nam tandem habere poterit in vita malorum perfugium? Ideoque malis omnibus patebit, quia à vitæ suæ custode derelictus est. Sic enim olim Dominus Moysi prænuñciauit his verbis: *Ecce tu dormies cum patribus tuis, & populus iste consurgens fornicabitur post Deos alienos, & irritum faciet fœdus quod pepigi cum eo. Et irascetur furor meus contra eum in die illo: & derelinquam eum, & abscondam faciem meam ab eo, & erit in deuorationem. Inuenient enim eum omnia mala & afflictiones, ira ut dicat in illo die: Verò quia non est Deus mecum, inuenerunt me hæc mala. Quod igitur maius veritatis huius testimonium sperandum est, quam ipsorum improborum aperta confessio, qua & malorum suorum magnitudinem, & eorum causam (hoc est, iram Domini) consententur?*

Hæc ipsa quæ diximus, breuissima oratio e sanctus ille Tobias filium suum admonens complexus est; cuius admonitionis hoc exordium fuit: *Memor esto, fili, quod pauperem vitam gerimus, sed multa bona habebimus si timuerimus Dominum. Cum enim pauperis vitæ mentionem fecit, mala ea, quæ superius commemorauimus, vnico verbo complexus est. Cum verò ait, multa bona nos esse habituros, si timuerimus Dominum, malorum omnium perfugium, & caelestes piorum opes comprehendit. Quid enim deesse illi poterit, cui omnipotens rerum omnium Dominus adest, ut non cum Propheta dicere possit;*

*Dominus*

*Psal. 117.*

*Deut. 31.*

*Tob. 4.*

Dominus regit me, & nihil mihi deerit? Deus enim, in quo sunt omnia, pijs quidem hominibus fit in omnibus omnia; in labore requies, in æstu temperies, in fletu solatium, in paupertate diuitiæ, in fame cibus, in siti potus, in nuditate indumentum iustitiæ, in morbo medicamentum salutis: quem admodum beata Agatha Apostolo Petro, curationem offerenti, respōdit: Medicinam carnalem corpori meo nunquam exhibui, sed habeo Dominum Iesum, qui solo sermone restaurat vniuersa. Videris ergo, fratres, vtriusq. vitæ discrimina; quàm sit videlicet piorum vita secura, quantilq. contrà malorum fluctibus improborum vita obnoxia.

Psal. 21.

Quæ cum ita sint, quis adeò mentis inops erit, qui non aperte videat, peccatum esse onus illud atq. talentum plumbi grauiissimum, quod Zacharias Propheta vidit; contrà verò iugum Christi esse, vt idem ait, leuissimum & iucundissimum? Si enim æterna illa Veritas legem suam, iugum suauē, & onus leue nominat: si doctrinæ suæ præceptis & institutis, animæ requiem parari ait; si nos ipse non ad laborem, sed ad refectionem; non onerandos, sed exonerandos hoc in loco vocat: quis adeò impudens & infidelis erit, qui audeat graue aut acerbum appellare, quod ipsa Veritas leue & suauē esse testatur? Quis igitur adeò demens, adeoque sibi ipsi insensus erit, qui velit magis diabolo obsequi, iugum ferreum super cervicem imponenti, æternæque supplicia minitanti; quàm Christo, ad suauē iugum & onus leue nos inuitanti, & æterna præmia pollicenti? Quocirca, fratres, inuitanti Domino aures libenter præbeamus, ipsumq. ad se nos amantiſſimis vocibus compellantem audiamus; *Venite (ait) ad me omnes qui laboratis, & onerati estis, & ego reficiam vos.* Qui enim hanc electis suis refectionem, hanc animarum requiem, has postremò diuini spiritus delicias pollicetur in via; non dubium quin multo illis maiores ac diuturniores repositas seruet in patria.

Zach. 5.



IN EODEM FESTO B. MATTHIÆ,  
CONCIO SECUNDA, IN QVA, VITIORVM  
atque virtutum collatione facta, aperte monstra-  
tur, quanto sit iugum Domini, diaboli iugo leuius  
& suauius. Vnde colligitur dementia eorum, qui  
captandæ iucundioris vitæ gratia virtutis iter  
planissimum deferunt, & per difficilem vitiorum  
viam gradiuntur.

THEMA. *Iugum meum suauē est, & onus meum leue.*  
Marth. 11.



ODIE, fratres, beatissimi Apostoli Matthiæ na-  
talem diē celebramus, qui ex numero septuagin-  
ta duorum discipulorum, duodeno sanctorū Apo-  
stolorū choro diuina electione meruit copulari.

A&1.

Assumpto enim in celū Domino, Petrus, Ecclesię  
Princeps, ab hac electione, Pōtificatus sui ministeriū ante Spi-  
ritus sancti aduentū exorsus est. Exurgens enim in medio fra-  
trum (erat autem turba hominū ferē centum viginti) Viri fra-  
tres, ait, opōrter impleri scripturam, quam locutus est Spiritus  
sanctus per os Dauid, de Iuda, qui fuit dux eorum qui compre-  
henderunt Iesum; & cætera quæ sequuntur. Ex quō quidem lo-  
co intelligimus, fratres, verū esse quod diuus Hieronymus ait:

Hieron.  
in Epist.

Non quæruntur in Christianis initia, sed fines. Paulus malè  
cepit, sed benè finiuit. Iudæ laudantur exordia, sed finis prodit-  
ione damnatur. Ex hoc item loco intelligimus, quā cura illud

Apoc. 3.

Domini præceptū in Apocalypsi seruare debeamus: Tene quod  
tenes, ne alius accipiat coronam tuam. hoc est, quamuis tibi vi-  
dearis à Deo etiam ad munus aliquod electus, vel in eius gratia  
constitutus, non ideò te negligenter & oscitanter geras, nec tibi

2. Pet. 1.

tuta omnia à diuina electione pollicearis, sed cautè & diligen-  
ter supra tui custodiam vigila, vt (quemadmodum Petrus Apo-  
stolus ait) per bona opera certā facias vocationem tuam. Nam  
& Saul à Domino ad regni sedem, & Iudas ad Apostolatus cul-  
men electi sunt, qui tamen huius præcepti immemores, quia  
solicite quod iam tenebant, tenere noluerunt, aliis coronas suas  
tradiderunt; Saul quidem Dauidi Regi, Iudas verò Matthiæ

Bernard.

Apostolo. Qua de causa diuus Bernardus in omni statu nos ad  
continuum vigilemq̃ue timorem inuitat his verbis: In veri-  
tate

tate didici, nihil esse æquè efficax ad gratiam promerendam, retinendam, & recuperandam, quàm si omni tempore corâ Deo inueniaris non alium sapere, sed timere. Time ergo cùm arri-  
ferit gratia; time cùm abierit; time cùm denuò reuersa fuerit: hoc est enim semper esse pauidum. Cùm adest, time ne eius occa-  
sione in superbiam efferaris. Superbiæ enim spiritus, si impe-  
dire non praualeat actionem, tentat intentionem, suggerens &  
suadens vt effectum gratiæ arroges tibi. Quod quidem genus  
superbiæ intolerabile esse non ambigas. Timendum est etiam  
manente gratia. Quid ergo si abierit? nõne multo magis ti-  
mendum? planè multo magis: quia vbi deficit gratia, deficiis tu.  
Audi quid dator gratiæ dicat: Sine me nihil potestis facere. Ioan. 15.  
Time ergo subtracta gratia, tanquam mox casurus. Time, Deo  
tibi (vt sentis) irato. Time, quia reliquit te custodia tua. Nec  
dubites in causa esse superbiam, etiam si nihil tibi conscius sis.  
Superbiam dico, aut præteritam, aut futuram, si gratia subtra-  
heretur. Habes huius rei euident argumentum in Apostolo, qui  
stimulum carnis accepit; non quia extolleretur, sed ne extolle-  
retur. Iam si gratia redierit, multo magis timendum ne recidi-  
uam pariaris, quod est longè deterius. Hactenus Bernardus. Sed  
iam ad historiam redeamus.

Hic igitur beatissimus Apostolus hodierna die inclyto marty-  
rio, sicut cæteri Apostoli, coronatus, victor migravit in cælum.  
Posteaquam enim Iudææ provinciam (quæ illi in diuisione or-  
bis terræ obtigerat) prædicando lustrasset, multosq. Iudæorum  
ad fidem conuertisset, apud principes sacerdotum, quod Chri-  
sti fidem & gloriam constantissimè prædicaret, accusatus, lapi-  
dationis sententiam, tanquã blasphemus accepit. At ille lapidi-  
bus obrutus, & securi etiam, Romano more, percussus, expansis  
in cælum manibus, gloriosoque cruore respersus, per martyrij  
coronam migravit ad regnum; vbi pretiosæ mortis, & laborum  
suorum meritis perpetuo fruitur. Hactenus de glorioso beati  
Apostoli exitu; nunc postrema præsentis Euangelij verba, quæ  
diuinæ legis iugum suauissimum esse docent (rem certè fide-  
libus cunctis gratissimam) explanare incipiamus: prius tamen  
cælestem opem, sacratissimæ Virginis interuentu, suppliciter  
imploremus.

#### A V E M A R I A.

Iam primùm cõstat, inter omnia diuinæ bonitatis opera sũ-  
mum & maximũ extitisse, quod Deus ipse ad homines descen-  
dere, terras lustrare, & in crucem tolli, atq. acerbissimum mortis  
supplicium perpeti dignatus sit. Quod si huius tãti operis causam  
quaras, paucis Apostolus respondet, nempe Christum Domi-  
num semetipsum pro nobis tradidisse, vt mundaret sibi populũ Tit. 2.  
accepta-

acceptabilem, sectatorē bonorū operum. Nec hoc solum opus (quod omnem superat admirationem) sed omnia etiam quae hactenus à Deo facta, dicta, & instituta sunt; leges praescriptae, opes ostensae, terrores illati, bona in fideles magnificētissime collata, supplicia nocentibus & facinorosis acerbissime constituta: haec, inquam, omnia in quae alium finem referuntur, nisi vt, repudiatis sceleribus, in iustitia & sanctitate viuamus? Quae cum ita sint, non abs re quaeri solet, quid sit in causa, quod fidelium multi, qui haec omnia certissimo fidei lumine cognoscunt, virtutis via relicta, per vitiorum itinera gradiantur.

Ad hoc quidem multi, vitiorum dulcedinem & voluptatem, virtutum verò asperitatem & iniucunditatem, huius tantae peruersitatis causam esse aiunt. Hanc autem voluptatis illecebram improbi homines adeo esse expetendam censent, vt eam omnibus virtutum meritis & ornamentis, quamlibet praestantissimis, antepoant. Itaque cum tria bonorū genera philosophi statuunt, honestū, vtile, & iucundū; duo priora bona sine vlla cōtrouersia vt virtutibus tribuunt, ita vitii detrahunt (quae & turpissima & perniciosissima sunt) iucunditatem tamen & voluptatem vitiiis quidē tribuunt, virtutibus adimunt. Qua persuasione decepti, & voluptatū falsa opinione delintri, deserto virtutū cultu, adeo praecipites in vitia feruntur, vt nullis neq. Ecclesiae vocibus, nec Dei beneficiis, nec promissis, minis & plagis ab hoc studio reuocari velint. Qua quidē opinione diaboli operā concepta, non sibi ipsis modò perniciē adferunt, sed Dei quoq. prouidentiam, & rerū ab eo dispositarū ordinē accusant: quod cū omnia opera ad humanae vitae vsum & propagationem necessaria, voluptate quadam & oblectatione condierit (ne sibi ipsis, atq. natura suae homines deessent) virtutē tamen (quae ad immortalis vitae gloriam necessaria est) omni suauitate nudauerit, & acerbā, asperam & inaccessam fecerit, perinde atq. virtutem & felicitatem hominibus inuiderit. Cum igitur haec impia persuasio tantorū malorum causa sit, nō vulgarem hominibus vtilitatem afferet, quisquis eam ab ipsorum mentibus reuulserit, & improborum vitam, acerbissimam; bonorū verò, iucundissimā esse monstrauerit. Hoc est igitur quod in reliqua sermonis huius parte probare cōstitui. Et quoniā hoc idem argumentum in superiore concione tractaui, nunc alia ingrediar via: vbi enim vniversē rem demonstravi, nunc sigillatim ad omnia capitalia vitia, virtutesq. eis contrarias, descendam: quantum in singulis quibusq. vitiiis cruciatus & laboris sit; quantumq. in virtutibus suauitatis & iucunditatis, apertissima oratione declarabo.

## I.

Principiō igitur à superbia (quae vitiorū omnium caput est)

exor-



exordiū capiamus. Ea verò est (vt Theologi definiunt) inordinatus honoris & propriæ excellētiæ amor; cū homo nulli feruire, nulli obtemperare, nulli subesse, sed omnibus præesse, & omnes dignitate & gloria anteire acerrimè concupiscit. In hoc autem affectu (vt ceteros prætermittam) tres maximos cruciatus inuenio. Primum enim, cū hæc ipsa homo ardentè exoptet, ac frequenter voti compos effici nequeat; an non vehementer cruciabitur, cū se iis rebus, quas tantopere cōcupiscit, frustrari videat? Si enim (vt Salomon ait) desiderium cū cōpletur, oblectat animam; consequens est, vt, si non cōpleatur, candē torqueat atq. conficiat. Cum verò rātus in magna siti cruciatus sit, vt Dñs in Euangelio gehennæ supplicium ardentissimæ siti comparauerit; quomodo nō grauissimè cruciabitur, qui honorem & gloriam auidissimè sitiens, voti cōpos effici nō potest? Nec minus tamen cruciabitur, si ea ipsa, ad quæ adspirabat, fuerit adeptus, cū ab eisdem sperare & cupere maiora didicerit. Semper igitur in continua siti fameque versabitur, semper sibi indigere videbitur; nullsq. mens eius honoribus expleri poterit, dum prioribus votis aliquid semper addere festinat. Et hoc quidē primum superbix tormētum est. Alterum verò est, quod ex inuidia, superbix comite, proficiscitur. Qua de re ita Seneca

ait: Nemo corū qui in Repub. versantur, quos vincat, sed à quibus vincatur, aspicit: & illis non tam iucundū est multos post se videre, quàm iniucundum aliquem ante se. Ideoq. idem alibi, Ambitionem nō respicere, ait. Quo verbo significare voluit, superbū nō respicere quos à tergo relinquat, sed quos ante se, hoc est, sibi prælatos cernat. Ianum olim veteres fixerūt duplices oculos, in fronte & in occipitio, habentem quos quidē prudentes homines habere debent, quibus & præterita meminerint, & futura prospiciāt: superbus autem solos habet anteriores, vt qui non magni estimet quàm multos à tergo relinquat, si vel vnum ante se viderit. Hac vna re vritur, hac afluat, huc omnes conatus suos cōparat, vt ex præcedente sequentē faciat. Quid enim aliud miserrimos Casārem atq. Pompeium in bella ciuilia (hoc est in generis humani pernitiē) misit, nisi quod neuter alterum ante se videre poterat? Quis autē superbus ab hac intidiæ peste immunis esse poterit, qui videat summū Dei sacerdotē Aaronem, & sororē eius Mariam, prophetiæ laude insignē, aduersus mitissimū & innocentissimū fratrem inuidiæ liuore tactos fuisse, propterea quod frater ex imperio Domini principatū in populo generet? Si tabes hæc in fraternis pūsq. visceribus habere potuit, quid in superbiorum mentibus efficiet? Est & aliud commune superbiorum tormētum, cum aliquis videlicet vel eorum conatibus obsistit, vel ad candē honoris & laudis gloriam simili

Prou. 19.

Seneca.

auiditate

auditate contendit. Inter hos quippe non magis quam inter eiusdē sponsē procos conuenire potest. Vnde Salomon inter superbos ait semper iurgia esse. Hinc Cicero, Pestis, inquit, maior esse, nulla in amicitia potest, quam in quibuscūq; honoris certamen & gloria: ex quo inimicitia maxime semper inter amicissimos extiterunt. Estq; in hoc vitio singulare quiddā, quod cū improbi homines, eiusdēq; sceleris participes, sese mutuo diligant (in ædibus enim Babylonis inuicē sibi respondent vltæ, clamatq; pilosus ad pilosum) superbus tamen superbū vehemēter odit: vel quod eundē uterq; honorē ambit; vel quod neuter alteri se submittere velit. Iam verò quam indignē ferūt, si quis eis vel non illico reuerenter assurgat, vel minus aliquid honoris impertiat! Exemplo esse poterit superbus ille Aman; qui cū Mardocheum ad fores palatii sedentē sibi non assurrexisse vidisset, adeo cōmotus est, vt pro nihilo duxerit in vnum Mardocheum scire, quin potius Iudæorū omniū, qui erant in regno Assueri, nationem vno nuncio, atq; vno die trucidare construxit. Quo ergo furore illum æstuasse credendum est, qui hoc nouum & inauditum supplicij genus mente tractare atque definire potuerit? Hæc sunt igitur superbi hominis tormenta, quibus perpetuū illum cruciari necesse est.

Bernard.

A quibus, bone Deus, quam longē vera cordis humilitas abest! Est enim (vt diuus Bernardus ait) humilitas virtus, qua homo verissima sui cognitione sibi ipsi vilescit. Huius autem diuus Anselmus septem gradus facit; cuius postremum esse ait, vt non minori auditate verē humilis infimum gradum, quam superbus primum, desideret. Cuius rei Palladius in sine memorat beati Pascentij exemplum: qui quoniam in maximo apud suos honore habebatur, ad ignotas regiones, & longē posita monasteria, dissimulata nominis sui claritate, profugit, vt ibi, tanquā rudis & nouus monachus, optatæ humilitatis officis fruere-  
retur. Quod ita factum est, ibiq; illum, Deo ita volente, fratres quidam stercus ad hortorum cultum humeris portantem inuenerunt, inuentumq; magna vi ad suū monasterium reuocarunt.

vbi sup.

Aliud quoq; narrat memorabilis exemplum. Ait enim virginem quandam in aliarum virginū monasterio fuisse, quæ tantopere ignominiarum & opprobriorum desiderio flagrabat, vt insaniam longo tempore simulauerit, quo derisui & contemptui omnibus esset, & abiectissima monasterij officia sibi iniungerentur. Cuius cū admirabilē innocentiam, cognouisset, & ille acceptis à Deo signis ad eam visendam perrexisset, ipsoque reuelante res tota patefacta esset, ceteraq; virgines (quæ illā variis contumeliis & iniuriis afficiebant) stupefactæ essent; illa  
honorem

honorem hunc sibi delatum, molestissimè & indignissimè tulit. Caterùm qui verè humilis est, quâvis nondum eò peruenit, vt hoc modo propter Christum ignominiarum calicem bibere cupiat, hoc tamen habet, vt superiores dignitatum gradus non ambiat, & quemuis locum, quâlibet infimû, paruitati suæ idoneum iudicet. Itaq. ad vtramq. fortunâ sic aptatus est, vt neque excelso loco intumescat, neq. in fimo perturbetur, cum nec hoc quidem se dignum iudicet. Est igitur humilis in star quadrati ligni, quod quocumq. ieceris, fida & solida statione cõsistit. Videtis ergo quâm placidum & quierû sit humilium pectus; quod nullis iniuriis perturbatur, nullis contumeliis vritur, nihilque se indignum pati putat, cum se propter humilitatem iniuriis omnibus dignum esse arbitretur? Quo nomine D. Bern. superborû infaniam miratur, quod tam difficilem sponte sua prouinciam susceperint. Cum enim, inquit, superbia semper ascendere, humilitas verò descendere nitatur; & descendere quidem facillimum, ascendere verò difficillimum sit: quæ dementia, inquit, est, deserta placida ac prona humilitatis via, in abrupta superbiæ præcipitia velle conscendere? Demq. sicut arbores in excel-  
simile.  
Bernard.  
simile.

## II.

Haftenus de superbia, nunc auaritiâ excutiamus. Est autem auaritia inordinatus pecuniæ amor: id est, inexplibilis auri famæ. Hoc autem vitium similes atque superbia tortores habet, ne dicam plures. Auarus enim auri sacra famæ & siti primùm laborat, cum non assequitur quod ardentè concupiscit: nec minus tamen angitur cum id assecutus est; cum non ideo minorè auri famæ in copia quâm in inopia patiatur. Quam rē appositissima similitudine Seneca describit his verbis: Vidisti aliquando canē missa à domino frustra panis aut carnis aperto ore captantē: quidquid exceperit, protinus integrum deuorat, & semper ad spē futuri inhiat. Idem euenit nobis: quidquid expectantibus fortuna proiecit, id planè sine vlla voluptate demittimus, statim ad rapinam alterius erecti & attenti. Hinc D. Gregor. Nyssen. Quid pecuniæ studiū? an nō, inquit, doliū perforatum est, toto fundo persuens? cui si vel totū mare infundas, ea natura est, vt expleri non possit. Quod si causam quæras, cur cætera desideria cum expleta fuerint, cõquiescant, auari autē cupiditas nulla copia satiati possit: ad hoc tibi argutè Seneca responderet his verbis: Neminem pecunia diuitē fecit: imò contrâ nulli non maiorem sui cupiditatē iniecit. Quæris quæ sit huius rei causa? Plus in-  
simile.  
Seneca in Epist.  
In oratione suæ nebr.  
simile.  
Seneca.



cupit habere posse, qui plus habet. Acutè sanè huius auaritatis causam insignis Philosophus exposuit. Quia ergo diues, ipsi suis opibus fultus, plura consequi potest, efficitur planè, vt, quo plura habet, plura desideret. Procul enim posita, velut impossibilia, aut difficilia, minus desiderantur: in ea verò præceps animus incurrit, quæ ad manum, & veluti ante oculos posita sunt. Iam ergo mihi aduersus auaros omnes cum eodem Philosopho exclamare licebit: A quo malo liberant diuitiæ, si ne hoc quidè adimunt, sui nimirum cupiditatè? Famelicus, vbi comedit, famè expleuit: sitibundus, vbi potum hausit, sitim sedauit; irati animus, vbi de hoste vindictâ sumpsit, cōquiescit: pecuniæ verò cupidus, adepta pecunia, maiorè pecuniæ famè patitur: quia videlicet plus habere posse cœpit. Quid verò miseram auari seruitutem cōmemorem; qui dies noctesque in hoc vnum incumbit, hoc vnum capiat, vt pecuniarum cumulum augeat? Quid varias eius lites, curas, sollicitudines, & mendacia, quibus niti ferè debent qui diuitias augere cupiunt, referam? Iam verò si vel furto, vel fortuna, vel seruorum negligentia aliquid effluxerit, vel negotiatio parùm feliciter cesserit; bone Deus, quo angore distrūpitur, quibus curis dilaniatur! Non enim potest non esse rei vehementer amata: grauis & acerba iactura: adeo, vt non defuerit nostra ætate, qui hac ipsa de causâ (cum multis etiam opibus circumflueret) manus sibi iniecerit, & laqueo vitam finierit.

Hæc sunt igitur auari hominis tormenta. Auaritiæ autè contraria est liberalitas & misericordia: quæ ab his omnibus tormentis immunis, adeo ad benè merendum de aliis propèsa est, vt nunquam auarus tantum pecuniis cumulandis, quantum hic elargièdis gaudet. Qua ratione hoc poteris cōprobare? Afferam sanè locupletissimum huius rei testè, nempe acerrimum voluptatis assertorem Epicurum: qui (vt memorat Plutarchus) ait, nō modò pulchrius esse beneficio alios afficere, quàm affici, verum etiam iucundius atq. suauius. Nam nulla res perinde parit gaudium, vt beneficentia. Quapropter multi sæpe pudore suffunduntur, cum beneficiū accipiunt: semper autè gaudent, qui beneficium præstant. Hactenus ille. Videris ergo, fratres, testimonio quoque illorum qui in ipsa voluptatis officina versantur, liberalitatis virtutè esse iucundissimam? Sed ad nostra veniamus. Hanc eandem voluptatem regius Propheta breuiter indicauit, cum ait: Iucundus homo qui miseretur, & cōmodat. Cur ita iucundus? nēpe quia scit verum esse quod Apostolus ait, Hilarem datorè diligit Deus: qui videlicet tribuit non ex tristitia, aut ex necessitate, sed promptissima voluntate. Scit etiam, nihil magis secundum naturā esse, quàm naturæ conforrem iuare. Scit (vt Ambrosius ait) solam esse misericordiam comitem defunctorum. Scit

Lib. de  
disp. Phil.  
los.

Psalm. III.

2. Cor. 9.

Scit illam se in morte vocē emissurum, quā Marcum Antonium, ab Augusto superatū, Seneca protulisse scribit: Hæc habui, quæ dedi: cætera enim quæ hic relinquo, quæ mecū auferre non possum, quomodo illa habeo, quæ velim nolim aliis trado? Quisquis ergo hæc omnia in imo pectore conlita seruat, quomodo non hilaris esse donando debet? Si gaudium est iusto facere iustitiam, multo maius gaudiū erit facere misericordiam. Videtis ergo, fratres, quanto sit liberalitas auaritia incundior & hilarior; immo quā illa tristis, marcida, exanguis & pallida; quā verò hæc læta, iucunda, hilaris & suavis.

Seneca  
lib. de be-  
neficiis.

## III.

Iam ad luxuriam transcamus, quæ ad eundē modum describi potest, ut sit immoderatus impuræ cōmixtionis ardor. Huius autē cruciatus qua oratione describā? Constat enim ex Theologorum sententia, nullibi magis cōmunis peccati virus & potentiam, quā in hoc impuro affectu, deservisse, quo ipsius peccati labes in posteros transmittitur. Hoc autē cū aliorum innumerabilem, tū vel maxime Davidis sanctissimi, & Salomonis sapientissimi ruinæ illæ maxime & stupēdæ declarāt; à quo malo, neq. illum tam spectata vitæ sanctitas, neq. hunc tam admiranda sapientiæ claritas inimmunem integrumq. servarunt: tanta morbi huius vis atq. potentia est; de qua idē Salomon ait: Multos enim vulneratos deiecit, & fortissimi quique interfec-  
ti sunt ab ea. D. autē Ambros. in opere sex dierū, diuitem quē-  
dam fuisse ait, cui ob grauem oculorum morbum medici vxoris consortio interdixerūt, alioquin fore, ut protinus lumine orba-  
retur; qui tamen cupiditatis impotentia victus, Vale, inquit, lu-  
men amicū: minus enim molestū illi fuit in æterna nocte & ca-  
ligine vitā ducere; quā cupiditatis illius ardore & vehemētia  
cruciari. Quis igitur vel hoc vno argumento cupiditatis huius  
vim & immanitatem nō agnoscat? quæ adeo furenter hominū  
pectora obsedit, ut alios quidē ad insaniā, quosdā in morbum,  
nonnullos etiam in mortē impulerit; quā vel vis doloris intulit,  
vel manibus ipsi suis sibi eam consciverunt, dum voluptatibus,  
quas ardentissime exquisierant, potiri nequiverunt. Si autem  
adeo istis molestum & acerbū est voluptatibus suis carere; quot  
molestissimas curas perpeti illos necesse est, cū tanta sollicitu-  
dine ab aliis seruetur, quod illi tā ardentē cōcupiscunt? Quā  
multis enim claustris atq. repagulis homines huic dedecori ob-  
sistere solent! adeo enim indignē læstæ pudicitia inuriā ferunt,  
ut ciuitates sæpe & provincias propter vim pudori illatam, ad  
solum vsq. deiecerint, & euerterint. Cū igitur ea sit huius fla-  
gitij deformitas & infamia, cumq. tanta seueritate de filiabus  
patres, & de vxoribus adulteris viri supplicium sumant, facile

Prou. 7.

Ambros.  
in hexa.

colligitur,

Pontanus.

colligitur, quibus tormentis crucientur, qui tantopere quas cupiunt delicias, tot modis impediri, sibi. subtrahi vident. Quid igitur desperationis huius cruciatu molestius & acerbius? Adoleſcentē quendam ſeculo ſuo memorat Pontanus virginis amore ita capri fuiſſe, vt, cum propter ſingularem virginis pudorē voti compos effici deſperaret, iniecto contra eius fenestram laqueo mortē ſibi conſciuerit: vſq. adeo furor hic & mentē homini eripit, & (quod eſt multo grauius) ſempiternae etiam morti adiicit. Sed quid ego vnū memoro, cum innumeros penē & viros & feminas ex hiſtoriis recensere poſſem, qui ſimili ſorte vitam ſinierunt, mortem magis quā animi cruciatus (quibus ob interdictas cupiditates exagitabantur) ſerre volentes? Quod ſi terribilium cunctorū mors eſſe vltimū dicitur, quale tormentū illud erit, quod ipſa etiā morte acerbius iudicatur? Tam verō ſi quid turpiter geſtum eſt, & hoc vel fama vel ſuſpicio ad aliorū aures derulit, qui aſtus, quae odia, quae cades, qui fluctus irarū, quae in animo tēpeſtates excitantur! Cōſtat igitur vitii hoc tanto ceteris acutius impudici hominis peccus lacerare, quanto & cupiditas eius immanior, & cōcupitae rei aſſectio difficilior eſt. Quis autem ſordidiſſimos corporis morbos, familiae labes, patrimonij iacturā, in familiae dedecus, quae ex hac impuritate conſequi frequenter ſolent, oratione complecti poſſit? Si haec igitur omnia enumerare vellem, multae ſanē charitae implendae eſſent. In hiſ igitur tribus vitiis (quae haecenus expoſuimus) eadem famae atq. ſitis miſeros homines vexat, quam luxurioſus filius à paterna domo diſcedens pertulit, qui ne ſiquis quidem porcorum impleri poterat. Neq. enim ſuperbi in honorum ſtudio terminis vllis continentur, nec avari modum pecuniae cupiditati praefiniunt, neque qui voluptatibus dediti ſunt, ſamem, qua laborant, ſedare vnquam poſſunt.

Quae cum ita ſint, quid, quaſo, caſtitate iucundius, quae ſolo ſtrenuē decertandi labore ab hiſ omnibus moleſtiis libera, placidiſſima, & ab omni curarū aſtu ſolutam vitam homini conſert? Neque verō intolerandum in hoc certamine labor eſt. Cum enim pudicus homo nō minus omnes laſciuiæ occaſiones, quā ipſam laſciuiæ peſtē fugiat, & impura carnis germina intra peccus ſuū adoleſcere non ſinat, ſed in ipſo velut ſemine ſuppullulencia protinus abſcindat, & peccoris flammam, cum primum ſerpere incipit, ſine vlla mora extinguat, nullā in victoria moleſtiam patitur: quoniam non cum adulto hoſte, ſed (vt ita dicam) cum lactente & inermi congreditur. Quae cum ita ſint; quis iam dubitare poterit, multo plus eſſe in impudicitia quā in caſtitate laboris, quamuis ſtultis hominibus longē aliud prima fronte videatur?

Venia-



## IIII.

Veniamus ad iram, quæ est vehemens ultionis & vindictæ appetitio: cui mäsuetudo & clementia (charitatis & misericordiæ filia) cōtraria est. Quis est autē adeo rerum humanarum imperitus, qui luce clariùs irati hominis perturbationes, furorē & rabiem se ipsam dilacerantem non videat? contraque, lenitatem, placabilitatem & suauitatem mansueti hominis non agnoscat? Alter enim fonti perlucido leniterq. fluenti; alter procelloso & furenti pelago, naues ad scopulos allidēti, similis est. In illo omnia tranquilla sunt & placida: in hoc concitata, rabida, & turbulentis moribus irrequieta. Hinc illud vulgo iactatū, nēpe, Iratum à furioso, tempore solūm differre. D. autem Basilus iratos nō furiosis modò, sed iis qui à dæmone obsessi sunt, similes esse testatur his verbis: Irati nihil prorsus ab iis qui à dæmone obsessi tenentur, neque habitu, neque animi affectione differunt. Cū enim vlciscendi libidine vindictam de aliquo sumere cupiunt, tum iis sanguis circa cor effervesceat, quasi calore ignis agitur & ebulliens: at cū in extrema cute efflorescit, aliam irati speciem demonstrat, familiarem & notam omnibus. Qualis verò ea species sit, copiosè & eleganter Seneca describit his verbis: Flagrant & micant oculi, multus ore toto rubor, exstuant ab imis præcordiis sanguine, labia quatuntur, dentes comprimuntur, horrent ac surriguntur capilli, spiritus coarctus ac stridens, articulorum seiplos torquentium sonus, gemitus, mugitusque, & parum explanatis vocibus sermo præruptus, & cōplosæ sepius manus, & pulsata humus pedibus, & totum concitum corpus, magnasq. iræ minas agens, fœda visu, & horrenda facies deprauantium se ac intuentiū. Nescias vtrum magis detestabile vitium sit, an deformitas. Quibusdam (vt ait Sextius) iratis profuit aspexisse speculum: perturbauit illos tāta mutatio sui: veluti in rem præsentē adducti, non agnouerūt se. Et quantum ex vera deformitate imago illa speculo repercussa reddebat? Animus si ostendi, & si in vlla materia perlucere posset, intuentes non cōfunderet? ater, maculosus, æstuas, & distortus, & tumidus. Nunc quoq. cū tanta deformitas eius sit, per ossa carnesque & tot impedimenta effluentis, quid si nudus ostenderetur? Hactenus Seneca. Deniq. ea est irati hominis rabies & furor, vt sæpe, cū de alio supplicium sumere non possit, de se sumat, & contra omnes naturæ leges, quo alium furore petere debebat, seipsum perat, sibi que manus afferat. Quocirca argutē idem Seneca iram ruinis simillimam esse dixit, quæ supra id, quod oppressere, frangitur. Plutarchus verò hac ratione inductus, iram homicidio peiorē esse ait. Homicida namq. aliū perire sine suo detrimento vult: at ira non hoc conatur, ne quid ipsa

simile.

simile.

Lib. 1. de ira.

Sextius apud Senecam.

Vbi supra lib. de cohibenda ira.

patiatur mali, sed ut male etiam habeat, modo funditus perdat alium. Quod si aliquando ea felicitas (ut ipsi putant) iratis contingat, ut illatis in alterum iniuriis aut contumeliis, furor suum expleant; quam graviter paulo post ob patratum scelus (cum furor ille defecit, & pristinae serenitati animus redditus est) discrucietur? Alexander ille rerum dominus, & cupiditarum feruus, ubi ira & furore percitus, Clitum, inter amicos charissimum, interfecisset, seipsum postea, sceleris poenitentia ductus, interficere voluit. Iam vero qui hac furia exagitati, manus suas aliena cedere cruentarunt, & de hoste supplicium sumpserunt, quam longo deinceps tempore, quam multis periculis & laboribus, quor calumitarius & iacturis suis suorumque omnium, breuem illam vindictam voluptatem, Reipublicae magistratibus sceleris ultionem experientibus, luere solent? Peregre enim proficisci, alieno caelo uti, a suorum complexu diuelli, maximasque opum suarum iacturas perpeti necesse est, quo a legum & iudiciorum severitate tuti esse valeant. Quid? quod istis frequenter neque cibus, neque somnus, nec iocus, neque ludus, vel tutus, vel gratus esse potest, cum pericula undique capiti suo ab aduersariis impendere videant? quae quantum nulla sint, ipsa tamen sceleris conscientia, & illata iniuria menti saepe obijcit, & fingit. Quanto igitur felicius esset, primum illum irae impetum consilio regere, & exigua mora temporis refrigerare, quam ob hanc adeo breuem & ferinam voluptatem, tam diuturnis & acerbis calamitatibus exagitari!

Neque vero illi, quibus impune favere in alios licet, ab omni prorsus poena immunes sunt: satis enim poenarum dat, qui viscera sua rabido furore prius laniat, quam in alios deserviat. Quo enim furore Saulis Regis animus lacerabatur, quando sine ulla vera luminis suspicione, septuaginta sacerdotes Domini, vestritos Ephod lineo, ante oculos suos strangulari precepit? Nec hac feritate contentus, sacerdotum civitatem, nihil comeritam ferro vastavit, nulli vel sexui, vel ordini, vel aetati parcens: quodque immanius est, & boues, & oves, & camelos, & asinos in ore gladii interfecit. Quo igitur furore intus agebatur, qui omnem plane humanitatem exutus, non tam ferarum quam daemonij crudelitatem hoc scelere imitatus est? Quid enim atrocius vel ipsi etiam daemones designare potuissent? Sed quid in re apertissima iam dudum moror, cum res ipsa loquatur, iram quidem, daemonum furorem & rabiem; mansuetudinem vero, Angelorum lenitatem & tranquillitatem imitari? Hinc illud est Psal. Mansueti autem hereditabunt terram, & delectabuntur in multitudine pacis. Unde enim pax, nisi ex lenitate & mansuetudine nascitur? In Evangelio vero Dominus ad lenitatis & humilitatis suae nos imitationem inquit, quod hac ratione animabus nostris,

2. Reg. 11

Psal. 36.

Mat. 11.

stris, requiem (ad quam humana mens semper aspirat) inuenire possimus. Plutarchus verò placabilitatem & mansuetudinem nulli familiarium atq. seruorum perinde gratam esse ait; nulli tam amicam & omni molestia carentem, quàm ipsi quibus ea virtus adsit. Omnibus enim amabilis & grata, sed multo magis habenti gratissima, omniq. molestia libera est. Hæc de iræ cruciatu, & mansuetudinis iucunditate.

Lib. de  
cohiben-  
da ira.

## V.

Nunc ad voracitatis & gulæ vitium, quod quinto loco inter capitalia crimina numeratur (quod voluptariis hominibus iucundissimum inter cætera vitia creditur) veniamus. Verùm ego faciliè ostendam, multo plus in sobrietate ac temperantia, quàm in gula & ingluvie voluptatis esse. Primum enim, edentium voluptas (vt D. Chrysof. ait) non tam in eduliorū pretio, quàm in edentis fame posita est. Quam sententiam Salomon confirmat his verbis: Anima saturata calcabit fauum; anima autem esuriens etiam amarū pro dulci sumet. Vnde cum quidam Socratem properè ante cœnam deambulantē rogasset cur ita properaret, ille, Paro, inquit, mihi obsonium ad cœnam. Fames enim illa, sudore & exercitatione cōparata, instar suauissimi obsonij illi erat, quæ cibos sine arte condiret. Quid verò sobrij & ebrij, tēperati & intemperātis discrimina cōmemorem? In dubium vocari certè non potest quod Ecclesiasticus ait: Vigilia & cholera, & tortura viro infrunito; somnus sanitatis in homine parco. Dormiet vsq. manè, & anima illius cum ipso delectabitur. Et iterum; Quàm sufficiens est, inquit, homini erudito vitium exiguum! & in dormiendo non laborabis ab illo. Hinc nobilis quidam vir, parca & philosophica cœna à Platone inuitatus cum placidè noctem illam, & consequentem etiam diem, stomacho minimè lacescente, transegisset, & sequenti die eiusdem cœnæ conuiuium obuium exceperisset; Vos, inquit, Philosophi altero etiam die conuiuamini: sentiens videlicet, sobrietatem in conuiuiis, duplicatum esse conuiuium; propterea quòd cœnæ frugalitas & noctem & diem consequentem quouis epulo lætiori efficiat. Iam verò si & sanitatem quam temperantia efficit, & morbos quos ingluuiēs & intemperantia parit, hoc in loco recēdere velim, nōne faciliè apparebit multo esse temperantiam intemperantia suauiorē? Quid enim aliud multos morbos, nisi multa fercula fecerunt? Quam quidem sententiam eleganter & copiosè Seneca persequitur his verbis: Medicina quondam paucarum fuit scientia herbarum, quibus sisteretur fluens sanguis, vulnera coirent. Paulatim dein-

Chrysof.

Prou. 12.

Eccle. 31.

Ibidem.

Sen. lib.  
natur. 4.



corporibus, cum facili cibo, nec per artem voluptatemq. corrupto, alerentur. Qui postquam cepit non ad tollendam, sed ad irritandam famem quærí, inuentæ sunt mille condituræ, quibus auditas excitaretur; & quæ desiderantibus alimenta erant, onera sunt plenis. Inde pallor, & neruorum vino madentium tremor; & miserabilior ex cruditatibus quàm ex fame macies. Inde incerti labetium pedes, & semper, qualis in ipsa ebrietate, titubatio. Inde in totam cutem humor admissus, distentusq. venter, dum malè assuescit plus capere quàm poterat. Inde suffusio luridæ bilis, & dedecor vultus, tabesq. in se putrescentiũ, & retorti digiti articulis obigescentibus, neruorũ sine sensu iacentium torpor, aut palpitatio corporum sine intermissione vibrantium. Innumerable præterea febrium genera, aliarum impetu subeuntium, aliarũ tenui peste repentium, aliarũ cum horrore, & multa membrorum quassatione venientium. Quid alios referam innumerabiles morbos, supplicia luxuriæ? Immunes erant ab istis malis qui nondum se deliciis soluerant, qui sibi imperabant, sibi ministrabāt, corpora opere ac vero labore durabāt, aut cursu defatigata, aut venatu, aut tellurem versantia: excipiebat illos cibus, qui nisi esurientibus placere poterat. Itaq. nihil opus erat tam magna medicorum suppellectile, nec tot sstrumentis atque pyxidibus. Simplex erat, ex simplici causa, valetudo; multos morbos, multa fercula fecerunt. Hactenus Seneca. Denique (vt paucis rem absoluã) ea est sobrietatis atq. tẽperantiæ incũditas eaq. contrã intẽperantiẽ, ob stomachi cruditatẽ & morbos ex ea consequentes amaritudo, vt Plutarchus iis, qui voluptatem sibi maximè expetendã persuaserunt, sobrietatem præcipuè ad hoc ipsum amplectendã esse, apertissima ratione demonstrat. Morbi, inquit, non tam multa negotia, nec tot spes, neq. tot peregrinationes, nec tam multa exercitia nobis eripiunt ac perdunt, quàm multas adimunt voluptates. Vnde fit, vt, qui maximè festantur voluptatẽ, his minimè expediat corporis sanitatẽ negligere. Siquidem permulti sunt, quibus aduersa valetudo nequaquã est impedimẽto, quo minus philosophiã dent operam, aut rem etiam exerceãt militarem, aut imperium administrẽ: at corporis voluptates eiusmodi sunt, vt his in morbo frui nullo modo possint. Videtis ergo, fratres, quanto sit sobrietas ebrietate & intemperantia iucundior?.

## VI

Iam ad inuidiam, & inuidiæ aduersam charitatem veniamus; sed in hac cõparatione quid multis opus est, cum satis constet, eã esse vtriusq. habitus huius naturam, vt, quod alteri cruciatus, alteri lætitiã materiã præbeat? Vt enim aliena felicitate torquetur inuidia, ita hac potissimũ vera charitas exultat atq. triumphat.

Plutar-  
chus.

phat. Cū enim inuidiā propriū sit de aliena prosperitate cruciari; consequens est, vt, quidquid in aliis felicitatis & latitiæ fuerit, inuido meroris & infelicitatis occasio sit: vt eleganter in inuidorū suppliciū Seneca optare dicat, oculos eorū per cunctas ciuitates circumferri, quo de omnium hominū felicitatibus tristarentur. An obscurū esse potest, quā miserē humana pectora inuidiæ pestis dilaceret? Hinc clarissimi quique auctores infestissimis atq; acerbissimis rebus inuidiæ morbum similem esse dixerant. Diuus quidē Chrysostomus spirituale animæ tinea illā esse ait. Sicut enim tinea vestimētum; ita inuidiā liuidi hominis viscera exedere. D. autem Basilus arugini illā simili ratione comparat. Sicut enim ferri dorities ferrugine absuntur; ita inuidi præcordia spiritali hac arugine deteruntur. Plutarchus verō eam nō minus apposito nomine vlcus animæ appellauit, à quo prurigo semper tristitiæ & malevolentia manaret. Socrates autē animę serrā esse dixit, quæ miserū animæ pectus assiduo cruciatu cōsumit & cōficit. D. porrō August. hoc vitium diaboli proprium esse ait, & ab eo in corda hominū immissum. Non enim (ait) Diabolus damnatur propterea quod adulteriū cōmiserit, aut furtū fecerit, aut rem alienam rapuerit; sed quia homini stanti lapsus ipse continuo inuidit, & inuidia sua in orbem terrarum mortem intulit. D. verō Chrysost. deteriorē adhuc hominis quā dæmonis inuidiam esse ait; propterea quod dæmon quidem non dæmonibus, qui eiusdem naturæ participes sunt, inuidet; homo verō in nullū magis quā in naturā suā consortē inuidiæ liuore desauit. Quale autem, quā funestum, quā rabiscum illud vitium erit, quod à tali fonte manauit! Quamuis autem (vt D. Greg. ait) per omne vitium, quod perpetratur, humano cordi antiqui hostis virus effunditur, in inuidia tamen tota viscera sua serpens concutit, & imprimēdæ malitię pestem vomit. Quo ergo furore, quo æstro exagitantur ea corda quę tam diro veneno tincta & infecta sunt? Hinc non ineleganter Gregorius Theologus hoc vitium inter cetera omnia & iniustissimum simul & iustissimum esse ait: illud, quia viros bonos & felices insecatur; hoc verō, quia auctore suū grauius torquet, quā illum ipsum cui infestum est; atque ita ipsum de se ipso meritis pœnas sumit. Cuius quidem morbi cruciatus Cypr. in serm. de zelo & liuore, elegantissimē simul & copiosissimē persequitur, ad quē studiosum lectorē remitto. Vt autem inuidia nihil amarulentius: ita contrā charitate (quę illi aduersatur) nihil iucundius, nihil blandius, nihil suauius. Charitas enim (vt Apostolus ait) patiens est, benigna est, non emulatur, non cogitat malum, non gaudet super iniquitate, congaudet autem veritati. In charitate enim (vt D. August. ait) aut non

Seneca in  
epist.

Simile.

Chrysost.

Basil.  
Simile.

Plutarch.

Simile.  
August.

Chrysost.

Gregor.

Nazian.

Cyprian.

1. Cor 13.

August.

laboratur, aut ipse etiam laboratur. Itaque tantum abest, ut aliquid amaritudinis in charitate sit, ut ipsa omnium aliarum virtutum amaritudinem (si qua fuerit) suauitate sua in dulcedinem vertat. Tantum enim abest ut aliena felicitate offedatur, ut vix vlla in re maiori laetitia efferatur. Non enim ut aliena, sed ut sua, aliorum bona reputat: ideoque non ut alienis, sed ut suis, gaudet. Quae cum ita sint, satis apparet, quantum amarulentiae & acerbitalis liuor; quantum vero suauitatis & iucunditatis habeat illi contraria charitas; quae non suis modo bonis, sed omnium hominum felicitate laetatur.

## VII.

Supereft vitiorum extremum, acedia, cui spiritualis alacritas, & deuotionis virtus aduersa est. Illius enim est, hominem ad omnia virtutis & pietatis officia morosum, segnem, ac tardum effecere; huius autem promptum, alacrem & expeditum reddere. Acedia namque animae languor & tristitia est, quae spiritualia bona non minus insuauia facit, quam sit aegroti, fastidio laboranti, salutaris cibus. Vtrique enim, & acedioso, & aegroti, fastidio est, quicquid innoxium & salutare est. Quo exemplo facile vtriusque habitus, ratio, & natura agnoscitur. Sicut enim ager fastidio laborans, nullamque in edendo voluptatem capiens, usque adeo graui in comedendo molestia afficitur, ut interdum ne mortis quidem metu induci ad edendum possit; cum contra qui bona valetudine est, magnam in edendo capiat voluptatem; ita plane qui propter acediam spiritualia cuncta fastidit, graue, dum illis vacare compellitur, molestiam patitur: qui vero deuotionis virtute praeditus est, maximam, dum rebus diuinis operam dat, voluptatem percipit. Vnde est illud: Gaudium est iusto facere iustitiam. Quod quidem exemplo suo Propheta confirmat, cum ait: In via testimoniorum tuorum delectatus sum, sicut in omnibus diuitiis. Quod ut clarius perspiciamus, duos nobis ante oculos fideles proponamus: alterum acedia morbo laborantem, alterum deuotionis virtute vigentem. Huic igitur quaecumque ad fouendam atque nutriendam deuotionem iuuant, nempe ieiunium, silentium, oratio, sacra lectio, Sacramentorum perceptio, & solitudo, quietis & orationis amica, non dubium quin gratissima sint. Hinc D. Hieronymus: Viderint, ait, quid alij sentiant; unusquisque enim suo sensu ducitur. Mihi oppidum, carcer: solitudo, paradisus est. Ad eandem quoque solitudinem simili studio Magnus ille Antonius monachus properabat. Is namque, ut D. Athanasius scribit, post clarissima miracula (quae in Alexandria contra Arrianorum perfidiam, mirabilibus & laetabilibus populis, ediderat) in hoc praecipue laetabatur, quod hoc religionis officio functus, ad desideratam solitudinem remearet. Hoc igitur

Simile.

Prou. 21.

Psal. 118.

Hieron.  
in epist.

Athanas.



tur animo, hoc studio bona opera, qui deuotionis spiritu feruent, persequuntur. At qui accedat morbo laborat, quā grauiā & onerosa hæc omnia putat! Ieiunia illi molestissima sunt, insuauis sacra lectio, insuauior oratio, fastidiosus paulo longior de Deo sermo, solitudo ingrata, quies & silentium molestissimum, sacramentalis verò cōfessio planè tormentum est. Cū enim redeunte anno cōsistendi tempus aduenit, quot illā diebus differt! quā difficile se ad eā pręparat! quot moras quotidie necit! quoties itque reditque domum! non dissimilis ægrotis, qui amarum pharimacū bibituri, horrent, differunt, tergiuersantur, molestissimeq. sumunt, quod necessariō illis ad salutem fumen- dum est. Quia ex re obiter colligere licet, omnia monasticę vitę instituta, si deuotionis suauitate cōdiantur, esse quidem suauissima; si verò accedat morbus monachi mentem occupet, esse acerbissima. Quam ob causam Apostolus legem non iustis, sed 2. Tim. 3. iniustis positā esse ait. Cū enim lex Domini, iugum & onus appelletur, hoc quidem nomen apud illos non retinet, qui in lege Domini, velut in omnibus diuitiis, oblectantur: retinet autem apud illos, qui propter hunc accedat morbum, onus graue, & iugum ferreum esse arbitrantur.

Quę cū ita sint; quis, quęso, fratres, hac vitiorum & virtutum collatione facta, nō luce clarius videat, piorum vitā vt honestissimā, ita & iucundissimā; contrā verò improborum non minus laboriosā & acerbā, quā perniciosā & turpem esse? Nihil enim subterfugimus, nihil in tactū reliquimus, sed æquali lance vitia simul, & virtutes illis aduersas, in omnium conspectu appendimus; vt quid acerbum, quid suauē esset, vtrinq. collatione facta apertissimē cerneremus. Quę cū ita sint (neque enim negare rem adeo apertā possumus) quid, quęso, demēti- tius, quid indignius, quid magis deplorandum, quā virtutem omnibus diuinis ornamentis cumulātā, rerumque omnium reginā propter falsā amaritudinis speciem relinquere; & improbitatem atque iniustitiā, quę malorum omnium origo & seminarium est, non quidem falsis, sed verissimis laboribus & cruciatibus cinctā amplecti? Vos igitur, fratres, ante quorum oculos vtriusque rei facies proposita est, si hactenus communi errore delusi, virtutem, vt horridā atq. difficilem, fugiebatis, iam nunc, quęso, patet facta veritate, vt suauissimā & iucundissimā (certē vitii multo iucundiorē) amplecti debetis; ac Dominum ipsum, per Salomonem vobis obuiam prodeuntem, & manum porrigentem, seq. custodem vitę, & itineris ducem pollicentem, audire dicentem: Ducam te per semitas Prou 4. equitatis; quas cū ingressus fueris, nō ardebuntur gressus tui, & currens non habebis offendiculum. Huic igitur testimonio creda-

220 IN FESTO S. THOMÆ AQVINATIS  
 credamus, & huic voci, non dementis & insani vulgi erroribus,  
 fidem habeamus; hunc certissimum vitæ ducem sequamur, qui  
 nos in hoc mari magno & procelloso gradientes, per has clarif-  
 simarum virtutum semitas, quas oratione persecuti sumus, fe-  
 lici cursu ad optatum salutis portum & patriam perducet clari-  
 tatis æternæ.

IN FESTO B. THOMÆ AQVINATIS,  
 CONCIO PRIMA: IN QV A, DE TRIBVS  
 admirandis D. Thomæ virtutibus, hoc est de sa-  
 pientia, castitate, & humilitate, agitur;

THEMA. *Mirabilis Deus in Sanctis suis.* Psal. 66.



ANC breuem Prophetæ sententiã, fratres cha-  
 rissimi, in hodierna concione tractandã suscep-  
 i, quæ Deum non modò in cæteris operibus, sed in  
 Sanctis suis maximè mirabilem esse testatur.  
 Quod cum de omnibus in commune Sanctis ve-  
 rè à Prophetâ dictum sit; de beatissimo tamen Patre nostro  
 D. Thoma propter admirandam eius sapientiam, cæteraq. vir-  
 tutes singulari quadam ratione dicitur. Vt igitur hoc argumen-  
 tum vtiliter & religiosè tractare possimus, cælestem opem, sa-  
 cratissimæ Virginis interuentu suppliciter imploremus.

A V E M A R I A.

Dux sunt præcipuæ causæ, fratres, propter quas Ecclesia quo-  
 tidie vitas & exempla Sanctorū nobis ob oculos ponit: altera, vt  
 per eos clariorem diuinæ bonitatis notitiã adipiscamur; altera,  
 vt per eorū imitationē tot clarissimarum virtutū exemplis pro-  
 positis accingamur. A priori igitur illa causã exordiū capientes,  
 constat felicitatis & salutis nostræ initiū in Dei cognitione po-  
 situm esse. Omnis enim homo (vt D. Hieronymus ait) absque  
 conditoris sui cognitione, bellua, non homo, existimandus est:  
 Deū verò in hac vita per magnifica ipsius opera cognoscimus.  
 Est enim effectus omnis (vt Philosophi tradunt) participata  
 quædam suæ causæ similitudo: ideoq. speciem nobis, & velut  
 eius simulacrū exhibet. Quemadmodum enim ex fructu cog-  
 noscitur arbor, & ex fabrica operis opificis ars atq. peritia; ita  
 ex effectibus virtus & præstantia causæ cognoscitur. Cæterum  
 quo effectus nobilior atq. præstantior, eo illustriorē causã suam  
 esse declarat. Cum autem inter omnia diuinæ virtutis opera  
 principem locum opera gratiæ teneant (quæ ad rationalis crea-  
 turæ

Hieron.

Simile.

turæ sanctificationem destinata sunt) vix quidquam est, quod in hac vita maiorem nobis diuinæ bonitatis atq. virtutis cognitionem, quàm exempla & opera Sanctorum præbeât. In quibus (vt alia prætereamus) diuinæ bonitatis magnitudinē ita cognoscimus, vt cum Propheta exclamare cogamur: Quàm bonus Il- Psal. 71.  
rael Deus iis qui recto sunt corde! Hoc est, quàm benignus, quàm misericors, quàm exorabilis, quàm amabili- pater, quàm pius Dominus, quàm fidus amicus iis qui recto sunt corde?

Nec sola Dei erga pios bonitas & benignitas, sed admiranda quoq. eius virtus & potētia hac ratione cognoscitur. Quid enim potentius & mirabilius, quàm ex carne spiritu, ex terreno caelestem hominem efficere; & impura carne septum, angelicæ vitæ puritatem imitari? Hinc Paulus, Non, inquit, erubescō Euāgelium; virtus enim Dei (siue vt alij verterunt) potentia Dei est in salutē omni credenti. Quod perinde est ac si diceret: Non pudēsco, cum Christum crucifixum, Iudæis quidē scandalū, Gentibus verō stultitiā, prædico. Quam quidem prædicationem, non ignominiā, sed Euāgelium gloria Dei magna voce nuncupo. Cur ita? Quia virtus Dei est, in salutem omni credenti: hoc est, quia sub illa infinitatis imagine latet admiranda vis & potētia Dei. Quam quidem vim Regus Propheta designauit, quando Christum Dominum alloquens ait: Accingere gladio tuo super femur tuum potentissime. Quæ verò potentia hæc? quis hic gladius est? Certē nō alius quàm qui hoc in loco à Paulo virtutis & potentia nomine designatur. Quod si hanc salutarē vim & potentiam agnoscere velis, in sanctorū Martyrum, Virginum & Confessorum præclarissima gesta oculos conijce: omnia enim eorum magnifica opera, ineffabilem diuinæ virtutis & gratiæ vim & potentiam prædicant atq. testantur. Atq. (vt alia huius rei argumenta prætereamus) quānam obsecro illa vis fuit, qua inuictus Christi martyr Vincentius immanissimo Tyranno dixit: Insurge, & toto malignitatis spiritu debacchare: videbis me, Dei virtute, plus posse dum torquor, quàm possis ipse qui torques. Quod eius responsum nō minus verē quam animosē dictum fuisse, exitus cōprobauit; quando ipse Tyrannus post tam multa & dira tormēta in vnū corpus inflata, cum eius inexpugnabilem fidem atque constantiam nullo modo frangere potuisset, tandem ait: Victi sumus. Quæ itē vis illa fuit, qua beatissimus Laurentius Tyranno varia tormentorum genera minitanti subridens dixit: Infelix, has epulas ego semper optaui. Cumq. idem in craticula subiectis prunis assaretur, tam inuicto & alacri animo ardentiu flammarū cruciatum pertulit, vt vocē illam admiratione dignissimam emisit: Hæ flammæ mihi refrigeriū præstant. Sed viros omittamus. Quæ

Rom. 1.

Psal. 44



vis illa fuit, quam B. Cyprianus inter Martyrum laudes cōmemorat, vbi feminam tortam, viris torquentibus fortiorē esse dicit? Quæ vis illa fuit, quæ multarum virginum pudorem adeo illassem integrumq. seruauit, vt ne in longissima quidē vita non opere, nō verbo, nō vel sola cogitatione hunc virginitatis candorem aliqua labe fuscauerit? Quæ vis illa fuit, quæ multos itē sanctorum Patrum toto vitæ spatio non modo ab hac impuritate, sed ab omni etiam capitali crimine immunes conseruauit? Quod quidem munus beatissimo Patri Dominico, Petro Martyri, Catharinæ Seuenfi, & D. Thomæ tributum fuisse (vt alios prætereamus) res eorū gestæ, & vitæ innocentissimæ acta declarant. Post beati enim Thomæ gloriosum exitū F. Reginaldus, fidelissimus eius socius, in frequentissima concione se totius vitæ confessionē audiuisse testatus est, neq. vllū prorsus in ea lethiferum crimen deprehendisse. Sed Sanctos, quī Ecclesiæ laudibus celebrantur, omittamus, & ad pios quosq. homines transeamus. Quæ vis illa est, quæ facit, vt homo carnis fragilitate sepius, quæ spōte sua, sola corporea & terrena bona (quæ sensibus vsurpare potest) cōsestatur, his omnibus spretis atq. repudiatis, ad sola inuisibilia (quæ nec oculis cerni, nec manibus attrectari, nec vllō externo sensu percipi possint) tota auiditate festinat? Quæ vis illa est, quæ in summa rerum omnium egestate, sine vllō terrenarum rerū splendore & apparatu, eā piorū animis quietē & tranquillitatē tribuit, vt nihil aliud in hac vita desiderēt, quā quod habent? Quis enim piorum hominū spirituales opes atq. delicias, quis firmitatem in eo quod credunt, pacem in eo quod sperant, gaudiū in eo quod amant, iucunditatē in eo quod desiderant, patientiam in eo quod tolerant, robur & alacritatem animi in eo quod aggrediuntur, oratione consequi possit? Hæc igitur interna diuini Spiritus opera an non satis mirabilē Dei vim & potentiā declarāt? Hinc D. Aug. in Epist. ad Paulinū (qui de vxoris consensu secesserat, & mundū relinquens, omnia quæ habere poterat, pauperibus erogauerat) nihil esse ait Christianæ charitati dulcius aut iucundius, quā cūm videt homines alacri animo cunctis mundi opibus & voluptatibus renunciare; quod diues ille adolescēs in Euangelio facere recusauit, ideoq. tristis audita Dñi voce, recessit. In hac enim terrenarum rerum abdicatione, quas homines auidissimē cōsestuntur, diuinæ potentie virtus maximē cernitur. Verē enim admiratione dignū est, humi repentes homines multo se feliciores rerū omnium deſpektione, quā earundē possessione reputare, maioribusq. delictis frui nihil habentes, quā si omnia possiderēt. Quam rem faciliē D. Thomæ exemplo cōprobare licebit, qui tanto paupertatis & professionis suæ amore tenebatur, vt summa vi precū a beatif-

Auguſt.

Luc. 12.

beatissima Virgine impetrare cōtenderit, ne vnquā professionis suae conditionē sublimiori aliqua dignitate cōmutaret. Quam rem ab eadē beatissima virgine obtinuit, quē se illi externa specie videndā exhibēs, hoc ei pro magno munere cōcessit. Hunc, quāso, mihi animū, fratres, cū Alexādri magni ambitione cōferte: qui cū Anaxarchū Philosophū, infinitos alios mūdōs esse affirmantē, audiūset, fesse dicitur, quōd ipse vni<sup>9</sup> tantū imperiū nondū esset adeptus. Quid igitur hoc animo in tanta rerum opulētia miserius? quid verō illo in tāta paupertate felicius? An non igitur hāc adeō magnifica diuini Spiritus opera eius vim atq. potentiā apertē prādicāt; quā facit, vt homines in paupertate diuitias, in humilitate gloriā, & in laboribus quietē atq. lētitiā inueniant? An nō igitur verissimē ab Apostolo dictum est, Virtutem & potentiā Dei in Euāgelio prādicari. Hęc igitur facit, vt huius tātā virtutis auctōr, in Sāctis suis mirabilis esse dicatur: & ita mirabilis, vt lōgē mirabilior sit in vni<sup>9</sup> creaturę sanctificatione, quā in tota vniuersitatis huius fabrica & molitione. Quo fit, vt vir iustus, qui plura de Deo suo, per ea quā facta sunt agnoscit, plura etiā, per ea quā intra se operatur, intelligat. Hinc D. Greg. locū illū B. Iob enarrās; Cū te consumptū putaueris, orieris; Iustus, ait, per Luciferi esse accipiēdos; cum propter alia, tum vel maximē quia in ipsis cognoscimus Deū, quē nō videmus: quemadmodū per Luciferi ortū proximē venturū Solē agnoscimus. Quā cū ita sint, meritō sanē Ecclesia res gestas Sāctorū nobis ob oculos ponit, vt pereas in diuinā virtutis, summāq. illi<sup>9</sup> bonitatis cognitione indices proficiamus.

Est & altera pij huius instituti causa, quōd hac ratione nos eadē Ecclesia, propositis tot Sāctorū exēplis, ad eorū imitationē accēdere intendit. Quid enim pratexere possumus, quo ab hac imitatione retrahamur, quando & eiusdē naturā consortes sumus, eundēq. Dñm colimus, qui sine personarū acceptione gratię suę dona omnibus elargiri paratus est? Fidelis quippe est, & seipsum negare non potest. Magnus enim ad pietatē & virtutem stimulus bonorū exempla sunt, quā & virtutis iter monstrant, & faciliē viam à multis trita ostēdunt, & nō sequētes arguūt, atq. pudore suffundunt. Quod quidē sacra illa Ezechielis animalia nos docēt, quā sese mutuo alis percuterē, & ad volandū incitare perhibētur. Vt enim Greg. interpretatur, is planē ala sua me percutit, qui exēplo suo me ad bene viuendū prouocat. Nec ad bene viuendū modō, sed ad ferēda quoq. huius vitę incommoda & labores, exēpla Sāctorum mirē adiuuāt. Cū Abdimēlech Archiops Hieremiā à cœnulēto lacu (in quē Sedechiā Regis tyrānde proiectus fuerat) demissis funib<sup>9</sup> extrahere vellet, proiecit illi simul veteres pannos, & antiqua vestimēta quā

Rom. 1.

Gregor.  
Iob. 11.

2. Tim. 2.

Ezech. 1.

Gregor.

Hier. 35.

com-

computruerant, præcepitq. vt iis vestibus, sub vtrifq. cubitis applicitis, fûnes deinde subijceret, ne eius brachia, dum à lacu extraheretur, grauiter læderentur. Quid autē per hos veteres pannos & antiqua vestimenta, nisi veterū Patrum exempla, & virtutum ornamenta intelligimus? Hæc ergo dum piē & religioſe cogitamus, facile eorum comparatione incōmoda noſtra (quæ ſunt multo leuiora) ſuſtinemus. Vnde eſt illud Greg. Facta præcedentium penſemus, & grauiā non ſunt quæ toleramus. Hæc igitur exempla pius homo ſibi frequenter ante oculos ponere debet, vt & leuius mundi huius aduerſa ferat, & (quemadmodum diximus) ad hoc exemplar vitam & mores ſuos effingat. Hinc D. Baſilius: Quemadmodum, inquit, pictores, cum imaginem aliquam ad alterius exemplar exprimere volunt, identidem exemplar ipſum ſpectantes, illius lineamenta & colores ad viuum referre conantur, ita quiſquis ſe ipſum ſtudet virtutibus cunctis perfectum reddere, debet in hoc elaborare, vt quaſi ad ſimulachra motu & actione prædita (vitas dico ſanctorum Patrum) ſæpe oculos animi conuertat, vt eorum in ſe puritatem & innocentiam transferre valeat.

Gregor.

Baſil.  
Simile.

Cum igitur hæ ſint præcipuæ cauſæ, propter quas Eccleſia Sanctorum feſta celebrat, ideo ad hūc veluti ſcopū referēda ea ſunt quæ de D. Thomæ laudibus in præſenti concione tractabimus. Quia verò longū eſſet omnes eius virtutes recēſere; tres ex iis, quæ in eo præcipuè eſſe videntur, attingemus; nempe incomparabilem eius ſapientiam, puriſſimam caſtitatem, & altissi-  
mā humilitatem: quibus diligenter inſpectis, quā ſit Deus in Sanctis ſuis mirabilis, facile intelligemus.

I.

Ab hac eius ergo incomparabili ſapientia exordiū capientes, multa in eo deprehendemus ſingulari quadam admiratione digniſſima. Inter quæ primum eſt, eius doctrinæ dignitas & excellentia: conſtat enim ſine vlla controuerſia, illum inter ſcholasticos Eccleſiæ Doctores principem locum obtinere, eoſq. ita ſuperare, vt marutinus Lucifer cætera cæli ſidera ſplendore ſuo vincit. Quo fit vt in omnibus ſacris Cōciliis, quæ poſt eius mortem celebrata ſunt, Patres ea definiērint quæ D. Thomas antea docuerat. Quam rē ipſa Conciliorum decreta ſatis indicāt, quæ miro modo cum ſancti Doctōris doctrina cohærēt. Nec ſolū dignitas & excellentia, ſed veritas etiam & ſinceritas doctrinæ in eo præcipuè cōmendatur: quod quidem partim diuinæ gratiæ, eius calamum regenti, partim admirandæ ipſius humilitati tribuendum eſt. Quo factū eſt, vt Spiritus ille cæleſtis, qui myſteria ſua paruulis reuclare ſolet, tanta paruulum hunc imbue-  
rit ſapientia. Non enim fruſtra dictum eſt: Vbi fuerit ſuperbia,  
ibi &

Prou. 11.



Ibi & cōtumelia; & vbi humilitas, ibi & sapiētia. His adde multiplicem doctrinæ varietatem, in qua cæteros omnes plurimum antecellit. Alij namq. sacri Doctores vel in exponendis scripturis, vel in hereticis confutandis, aut hominibus ad pietatem instituendis ferè versantur; ideoq. mirum non est, eos in vno aliquo argumēti genere excellere, quod solum sectati sunt: at sanctissimo huic Doctori cōuenire videtur quod de Salomone dictum est, disputasse videlicet à cedro quæ est in Libano, vsq. ad hyssopū, quæ egreditur de pariete. Nihil enim fuit de quo Doctor sanctus non dissereret. A Dialectica enim exorsus, vniuersam Aristotelis Philosophiam, Naturalem, Moralem, Metaphysicam explanauit; & ita explanauit, vt quæadmodum ij qui corpora secāt, vt Anatomen addiscāt, ita ipse in singulis Philosophi capitibus velut anatomiam exercet, dum minimas etiam eius partes dissecat: quod sine magno certè studio & ingenio fieri nō potuit. Iam verò in Theologia quid intactum reliquit? Commentaria in magistrum Sententiarum edidit; summam Theologiæ complexus est; cōtra Gentes disputans, miris rationibus fidei nostræ dogmata confirmauit; multa item ex sacris literis volumina interpretatus est, & innumera alia opuscula edidit, quæ recēdere longum esset. Cumq. inter sacros Doctores Augustinus, Hieronymus, & Chrysostomus eo nomine celebrentur, quòd plurima scripserint; D. Thomas hoc nomine superior est: longè enim plura quàm quisquā eorū scripta reliquit: quod facillè voluminū moles & numerus declarat. Quæ res eo mirabilior est, quòd sancti Doctoris vita exiguo annoru numero definita fuerit, cum cæteri Patres longè diutius in vitamāserint. Quid ergo mirabilius, quàm hoc tam breuis æui spatium tam multa & varia didicisse? tam multa legisse? tam multa memoria cōplexum fuisse? tam multa deniq. literis consignata posteris tradidisse? An non ergo verè mirabilis Deus in Sanctis suis, qui tam ingentes thesauros in vase fictili potuit collocare?

3. Reg 9.

Simile.

## II.

Sed à sapiētiæ laude digressi, ad pudicitix gloriā, quæ puritate sua ad diuinæ lucis radios excipiēdos mentē præparat, trāseamus. In quo virtutis genere illud primo loco sciendū est, ad omnes penè virtutes naturā ipsā nos aliqua ratione iuuare, ad solā autē castitatis & cōtinentiæ virtutē adeò nō iuuare, vt magna etiā nobis impedimēta præbeat. Ad amorē quippe in Deum ipsa nos inuitat stimulatq. natura, quæ plus caput quàm cætera corporis mēbra, plus totū quàm partes diligere suadet: Deus autē & caput, & totū, & omne totius vniuersitatis huius bonū est. Iā verò ad eleēmosynæ & benignitatis officia à natura mignopere iuamur, quæ piū miserationis affectū nobis indidit, & visceribus

Tom. 5.

P

nostris

Luc. 10.

nostris impressit. Quod facile Samaritani illius exēplo discim<sup>9</sup>, quē non verā religio, sed misericordiā affectus ad vulnerati hominis curā extimulauit. Vnde illa sententia manauit; Nihil esse tā secundū naturā, quā iuuare cōsortē naturā. Ad lenitatis verō & clementiā, atq. māsfuetudinis officia natura nos ipsa finxisse videtur, quā & exarmatos, & ciuilibus societatis amantes effecit. Ciborum verō parsimoniā, & victus sobrietatē, sanitatis & vitę amor ā natura nobis ingeneratus (qui frugalitatis virtute cōparatur) ā nobis exigit. Idē penē de quibuscūq. aliis virtutibus, quā ad ciuilibus vitę societate pertinet, dici potest: quā quoniam sunt animi habit<sup>9</sup> rationi cōsentanei, magnopere cū rationalis creaturę ingenio & natura coharēt, & ab ea aliqua saltem ratione iunātur. Ceterū castitatis virtus (vt antē diximus) tantū abest vt ā natura inuuetur, vt ab ea vel maxime insitā naturā propensione & cupiditate impugnetur: adeo vt, ex Theologorū sententia nullus inter omnes corruptā naturā turbidos motus neque immanior neq. violentior existat. Quod facile infinitis prope modū generis humani ruinis cōfirmare possē. Verissimē enim

Prou. 7.

de hac tyrannica passione ā Salomone dictum est: Multos enim vulneratos deiecit, & fortissimi quiq. interfecti sunt ab illa. Adde aliud non minus formidandū, quod ceteri quidē virtutū habitus breuioris tēporis exercitatione parantur. Qui enim initio Quadragesimā vix ferre ieiunij inedia potest, si superata hac difficultate reipare pergat paucis post diebus vel nullo vel exiguo labore inedię molestiā perfert. Lōgē tamē aliter in castitatis virtute accidit. Nō desunt enim pij homines, qui posteaquā viginti aut triginta etiam annos hanc virtutem illibatam integramq. seruauerunt, nō minū tamē post hoc tā longū spatiū, quā ante illud, variis imaginibus, & scdis motibus infestātur. Vnde

Simile.

sicut Philosophi de Rhinocrote truculentissimo animāte aiunt, nulla eu tēporis diurnitate ad homines assuescere, cum tamē & leones & tigrides breui etiā tēporis spatio & māsfueant, & cicurētur: ita de indomita libidinis cōcupiscentia dici potest, vix eam vllō tēpore sedari & veluti mansuefieri; propterea quod in ipsis pręcordiis fixā intra nos & permanētē causā habeat. Hinc multos Sanctorū legim<sup>9</sup> diu multūq. hac tēratione fuisse infestatos. Taceo illumū carnis, quo vas electionis Paul<sup>9</sup> post raptū

2. Cor. 12.

in tertiu cēlū exagitat<sup>9</sup> est. Taceo nōnullos ex Christi Cōfessorib<sup>9</sup>, qui post cōtentionis gloriā, & equales superatos, ab hoc insidioso & molli vitio superari sunt: quos enim tormēta vincere minimē potuerāt, libido prostrauit. D. Hieron. in ea Epist. quā ad Eustochiū de virginitate seruanda scripsit, quāta vi ab impuris cogitationibus impetitus fuerit, cōmemorās ait: Scorpionu tantū socius, & ferarū, lāpe choris intererā puellarū. Horrebant

hant sacco mēbra deformia, & mens desideriis aestuabat. In arido corpore, & ante hominē suum iā carne pramortua, sola libidinum incendia bulliebāt. In vitis verō Sanctorū Aegypti Patrum legimus, sanctissimā virginē Saram annis quatuordecim à spiritu fornicationis laceffitam fuisse, quæ tamen hoc tā lōgo spatio nunquam à se abigi hunc fœdū spiritum à Dño postulauit: sed cū tentabatur, fortius ieiunabat, & orabat attrētius. Quibus rationibus inductus, iam dudū apud me persuasum habeo, neminē eorū qui corpora sua huic virtuti cōsecrarunt (siue illi clerici, siue monachi, siue viduæ, & continētes sint) posse hāc supernaturālē virtutē diu integrā inuiolatamq. seruare, nisi multarū aliarū virtutū p̄sidio septū. Nā & caro extenuāda, & mēs assiduæ orationis ac deuotionis adipe impinguāda est, & omnis incendiorū materia & occasio subtrahēda. Ad hæc, omnia periculosa cōtubernia fugiēda: oculorū etiā licentia cōprimenda, & malarū cōgitationū iniria summa celeritate ab animo sunt abigēda, si hāc Angelorū puritatē perpetuō tueri & cōseruare volumus. Itaque vt lapis angularis in summo testudinis loco stare nequit, nisi inferiorum lapidum positu fulciatur: ita virtus hāc integra & illæsā non erit, nisi aliarum accessione fulciatur.

simile.

Sed ad D. Thomā redeamus: is planē mirabili quodā supernæ gratiæ dono virtutē hanc in eo gradu, quē heroicū appellāt, habuisse videtur. Quod vt apertius intelligatis, tres in virtute à Philosophis & Theologis gradus numerātur, infimus, medius, atq. supremus. Et quidē in infimo, quæ continentia nomine designatur, certamina tērationum sunt, & rebelles motus, qui tamen rationis virtute frēnantur. Et homo quidē rectē operatur, sed cū labore tamen & animi cōtentione. Secundus verō gradus (qui iam commune virtutis nomē meretur) est, cū homo virtutis operibus assuetus, rectē operandi habitū acquisiuit; ideoq. promptē & delectabiliter operans, facili turbidos carnis motus spiritui subijcit. Tertius autē & summus gradus, virtutes, quas heroicas, siue purgati animi appellāt, cōplectitur. Quarū temperantiam atq. fortitudinem Macrobius (D. Thoma referente) ita definit: Temperantia purgati animi est, terrenas cupiditates nō reprimere, sed penitus obliuisci: Fortitudinis autē est, passiones ignorare, nō vincere. D. verō Thomas & has & reliquas virtutes cardinales ita definit: Prudētia est, quæ sola diuina intuetur. Tēperantia, quæ terrenas cupiditates nescit. Fortitudo, quæ passiones ignorat. Iustitia, quæ cum diuina mēte perpetuo fœdere sociata est, eam videlicet imitando. Quas quidem virtutes idem D. Thomas ait esse beatorum, aut aliquorum perfectissimorum virorum. Castitatē porro heroicā D. Ioannes Clim.

Macr. 9.

D. Th. 2  
q. 61. ar. 9

Clim.



similitudinis imaginem tranſit, vt nō magis animo cōmouetur pulcherrimo corpore inſpecto, quā ſi marmoreā ſtatuem cerneret. Hanc autem virtutem in hoc ſummo gradu D. Thomam ſingulari Dei munere habuiſſe memoratur. Qua verō ratione hoc tātum donum fuerit aſſecutus, exiſtimo vos frequenter audiuiſſe. Cū enim mater eius & fratres à monaſtica vitæ propoſito illum renocare conarentur, multis aliis rationibus fruſtra tentatis, hanc nouā excogitarunt, vt ſpecioſam meretriculā ad illū deſtinarēt, quæ blanditijs ſemineis pueri innocentiam violaret, & cōſtantiam emolliret. At is inſtiſſimo indignationis furore cōmotus, titione ex igne arrepto, illam à ſe effugauit. Quid autem poſt hunc triumpū puer innocentiffimus fecerit, animū certè meum magnopere afficit. Eodē enim titione, quo pro gladio aduerſus caſtitatis hoſtē pugnauerat, ceu pennis quodam vſus; Dominicæ crucis ſignū in pariete depinxit (nec enim altare aliud, aut ſacras imagines ſanctus puer habebat) & flexis genibus ante viuificum illud ſalutis noſtræ ſignum, oratione fuſa, ſuppliciter à Dño inuiolatæ caſtitatis puritatem poſtulauit. Quid hīc faceret ſumma illa atq. immenſa bonitas, cū puellum tredecim annos natū adeo prudenter & viriliter decerantem, & de antiquo generis humani hoſte triumphantem in tam tenera ætate vidiffet? Quid, inquā, facere debuit ſummus ille innocentiae & puritatis amator, niſi quod feciſſe memoratur? Duos enim ad illum Angelos deſtinauit, qui ipſius renes ſtringentes, In virtute Dei, inquiunt, tecingimus cingulo caſtitatis, quod nunquam diſſoluetur. Cuius muneris adeo fuit efficaciſſima gratia, vt ex eo tempore nullū venereæ voluptatis ſtimulum ſenſerit. Quid igitur hoc dono mirabilius; in carne non ſecundū carnem viuere; & ante reſurrectionis gloriā, reſurrectionis primitias deguſtaſſe; & in mortali adhuc corpore conſtitutū, gloriſicati corporis naturam referre; & poſt generis humani lapſum, originalis iuſtitiae puritatem corpore in peccatis concepto quodammodo amulari? Miramur tres illos pueros inter Babylonicæ fornacis ignes ſine vllō corporū ſuorū incendio perduraſſe: non minus certè mirabile eſt, animam intra corpus originis peccato vitiatum, adeo puram & incōtaminatam permanere. An non ergo apertè liquet verum eſſe quod inſtituimus, mirabilem eſſe Deum in Sanctis ſuis?

## III.

Quamuis autē virtus hæc in ſancto Doctore admiratione digna tueri, fortaſſe mirabilior eſt quam mox referā. Non enim caſtitate modò, ſed humilitate etiā in eodē gradu heroico habuiſſe narratur. Si enim ad heroicā humilitatem pertinet, non ſolum ſuperbos motus reprimere, ſed neſcire, hoc idē in ſancto

Doctore

Doctoris laudibus hodie cecinimus: O munus diuinæ gratiæ,  
 vincēs quoduis miraculū, pestifera: superbiæ nunquā perferens  
 stimulū. Idem etiā amicis familiariter narrauit, nunquam se ex  
 Dei gratia propter hominū laudes aut gloriam siue disputandi,  
 siue legendi, siue scribendi, siue cōcionandi animo intumuisse,  
 aut inani gloria se extulisse. Et si quis fortasse primus motus ra-  
 tionē anteiret, facili illum, vbi aduertisset, velut manu à se pro-  
 cul abegisse. Quod quā mirabile in tanto viro fuerit, facili in-  
 tellexeris, si prius superbiæ & inanis gloriæ naturā cognoueris.  
 Est autē superbia, immoderata honoris & gloriæ appetitio.  
 qui quidē affectus adeo latē patet, vt omnibus ferē actionibus  
 nostris insidiat. Siue enim loquaris, siue taceas; siue ieiunes,  
 siue vt abstinentiā dissimules, nō ieiunes; siue purpura & bys-  
 so induaris, siue pānis oblitus sis; siue solus gradiaris, siue famu-  
 lis stipatus; vnde cūq. pestis hæc ansam arripit inuadendi, vbiq.  
 nutrimenta inuenit quibus coalescat, & acrius mētem hominis  
 imperat: omne sublime videt, & omnibus rebus excelsis maxi-  
 mē insidiat. Hinc D. Hieron. Superbia, inquit natione cæle- Hieron.  
 stis, sublimiū mentes inhabitat; in cinere frequēter & cilicio re-  
 cubans. Quo fit, vt quatuor genera rerum huic morbo obnoxia  
 sint. Primi quidē ingentes opes, nobilitas atq. potētia secularis.  
 Cuius rei gratia Apostolus Timotheo scribit: Diuitibus huius Tim. 6.  
 seculi præcipe non sublime sapere. Secundo verò loco sapientes  
 infestat. Quo nomine idem Apostolus dixit, scientiam inflare; 1. Cor. 6.  
 quod tamen nō suo, sed hominū vitio contingit, qui bonis sape  
 rebus perperā abutuntur. Huius verò rei causa est, quòd scientia  
 hominū, quatenus rationalis creatura est, maximē perficiat atq.  
 nobilitet. Rogatus enim Socrates, quid ei pulcherrimum inter  
 omnia animantia videretur; Homo, inquit, scientia ornatus.  
 Cleanthes. verò homines imperitos sola forma à bestiis distare  
 prædicabat. Salomon verò aliquid addidit sublimius: Cognoui Eccli. 1.  
 (inquit) quòd tantū præcederet sapientia stultitiā, quantū dif-  
 fert lux à tenebris. Quo fit, vt vir doctus, nisi sibi prospiciat, tā-  
 to se cæteris hominibus superiorem credat, quāto eos doctrina,  
 & rerū maximarū cognitione antecellit. Inde adeo fit, vt sese  
 animo efferat, & rudiores quosq. elato supercilio cōtemnat. Ter-  
 tio verò loco eadem superbia Sanctorum etiam virtutibus insi-  
 diatur, & inanis gloriæ laqueos necit. Hinc D. August. Alia (in- August.  
 quit) iniquitas in malis operibus exercetur, vt fiāt; superbia ve-  
 rò bonis operibus insidiat, vt pereāt; quod perinde est ac  
 si diceret: Aliorū quidē vitiorū est, praua opera moliri; superbiæ  
 verò, bona opera inanis gloriæ labe inficere & maculare. Cæte-  
 rum inter virtutes ipsas sunt quæ magis à superbiæ spiritu in-  
 fectari soleāt; inter quas præcipuē castitas periclitatur; de qua sic

Ambros.

Ambrosius ait: Castitatis bonū quā magnū video, tanto magis ei, ne pereat, furē superbīā pertimesco. Est enim rara virgin-  
 itatis virtus, & quæ hominibus maximē admirationi ac vene-  
 rationi sit: quemadmodū contrā impudicitia virtutum despectui  
 & contemptui. Quo fit, vt, qui hac virtute præditus sit (hoc est,  
 qui nunquam corpus suum corruptionis huius labe inquinauit)  
 seipsum interim miretur, & alios, quos in libidinis ceno volu-  
 tari cernit, nonnunquam despiciat. Ex his ergo, quæ hæcenus  
 diximus, colligere licet, fratres, quā fuerit in hoc beatissimo  
 Patre humilitas admiranda, quæ inter tot superbīæ incitamen-  
 ta, incōcussa tamen & illibata permanfit. Neque enim generis  
 claritas illius animū extulit, cum adeo nobili loco natus esset,  
 vt duæ matris eius sorores, altera Siciliæ, altera Aragonum Re-  
 ginæ fuerint. Neq. rursum admiranda illa doctrina (qua velut  
 lucifer inter omnes sacros Doctores emicuit) vllam ei elationis  
 occasionē præbuit. Neq. pulcherrimus virginatus flos (quo ad  
 Angelicæ vitæ puritatem accesserat) aliquid eius humilitati de-  
 traxit: neq. præstātissimarum aliarum virtutum splendor (qui-  
 bus tanquam vas auri solidum, ornatum omni lapide pretioso  
 effulsit) vllam eum inanis gloriæ labe fuscavit. Quid igitur mi-  
 rabilius, quā tot superbīæ incitamentis non modò nunquam  
 extolli, sed ne vllū quidem superbīæ stimulū sentire? Nec inter-  
 nā solum cordis humilitatem, sed externā etiā non minori cura  
 studioq. seruauit. Cuius rei, nisi temporis angustia impediret,  
 exempla multa commemorarem: sed illud tamen silentio præ-  
 tereundum non est, quod cum quidam frater laicus ignoranter  
 ipsum in itineris sociū adseuisset, fratri se sociū exhibens, pro-  
 perantem illum sequebatur, non tamen passibus æquis. Cate-  
 rum cum frater ille admonitus à quodam, errorem suum agnor-  
 uisset, veniamq. à sanctissimo Patre petuisset: ille (vt erat  
 humilitatis spiritu plenus) placidè respondit, sibi nihil prius  
 esse, quā maiorum suorum præceptis obtemperare.

Hæc de sanctissimi Doctoris virtutibus breuiter dicta sunt:  
 nūc sinē principio iungamus, in quo admonuimus, in hoc præ-  
 cipuè Sāctorum festa ab Ecclesia celebrari, vt ad clarissimas eo-  
 rum virtutes imitandas excitaremur. Ex omnibus autem san-  
 ctissimi huius Patris virtutibus duas tantū (ne vos præceptorū  
 multitudine onerem) ad imitādum proponā; nempe heroicam  
 illius castitatem, & altissimam humilitatem, superbīæ & inanis  
 gloriæ nesciā. Quæ duæ virtutes inter se nexæ & colligatæ esse  
 debent: quoniam altera alterius fidissima custos est. Vt enim  
 ignis intra cinerem inextinctus cōseruatur, sic splendida casti-  
 tatis virtus, humilitatis cineri cōiuncta, dignitatē & splendorem  
 suum perpetuò retinet. Castitatis autem eximia laus est, quod

simile.

non



non mentem solum, sed corpus etiam immaculatum puritatis auctori in holocaustum offert. Ad quod nos Apostolus inuitat cum ait: Obsecro vos, fratres, ut exhibeatis corpora vestra hostiam viuentem, sanctam, Deo placentem. Omne enim peccatum quodcumq. fecerit homo (ut idem ait) extra corpus est: qui autem fornicatur, in corpus peccat; illud videlicet turpiter fornicando & inquinando. Humilitatis autem fructus est, omnes diaboli laqueos euadere. Hinc cum magnus ille Antonius in oratione positus, vniuersum mundum laqueis sese inuicem connectentibus plenum vidisset, nimioq. timore correptus exclamasset: O quis istos effugiet? vocē ē cēlo audiuit, Antonii, humilitas. Hec enim eximia virtus, superbiq. (quæ ruinarum omnium mater est) expultrix, quo magis suis viribus diffidit, magisq. diuinæ miserationis opibus fidit, eo magis Deum sibi patronum ac defensorem efficit, qui ab omnibus hisce laqueis hominem tutum & incolumem seruat. Has igitur virtutes, fratres, præcipuè colamus, easq. ab auctore virtutum assiduīs precibus & gemitibus impetrare contendamus: ut casto corpore, & mundo atque humili corde, ad cælestem gloriam, humilibus atq. puris mentibus promissam, aspirante Domino, peruenire valeamus.

Rom. 12.

## IN EODEM FESTO DIVI THOMÆ

AQVINATIS, CONCIO SECVNDA: IN qua de dono sapientiæ (quod in D. Thoma præcipuè fulsit) deque itineribus quibus ad eam peruenire possumus, disseritur.

THEMA. *Optavi, & datus est mihi sensus: inuocaui, & venit in me spiritus sapientiæ. Sapient. 7.*



AM primum cōstat, fratres dilectissimi, hoc con-  
cionandi officium (quod adeo frequenter in Ec-  
clesia exercemus) in hoc institutum esse, ut fide-  
lium mentes ad virtutum amorem, & viti-  
orum odium excitemus. Id quod non in aliis concio-  
nibus modo, sed in iis etiam quæ Sanctorum laudibus dica-  
tæ sunt, fieri debere diuus Basilus præcipit: qui nequaquam  
huiusmodi conciones encomiorum legibus, quas Rhetores  
tradunt, seruire debere ait. Hi namque solam eius, quem  
laudant, gloriam, & præclara gesta illustrare dicendo volunt;

Basilius.

nos autē Sanctorū, quos laudamus, virtutes nō tam ad ipsorum gloriam, quā ad vitæ nostræ institutionem accommodare debemus. Parū enim nostra refert, si sciamus illos virtutibus cunctis ornatissimos fuisse, nisi nos pro virili nostrā illorum virtutes æmulari studeamus. Quamvis autē Sancti omnes omni genere virtutum cumulati fuerint, alij tamē in aliis magis excelluerunt: vnde illa sponsæ Christi varietas existit, quæ ad eius dexteram sedet in vestitu deaurato circūdata varietate. Cuius vestis typū gerebat tunica illa polymita, quā nō s̄ctus Patriarcha Iacob, sed cælestis Pater Ioseph nostrū vestiri voluit, & ornari. Quo fit, vt nos quoq. orationem nostrā sic instituere debeamus, vt pro varia dignitate & conditione Sanctorum, varias quoq. eorundem virtutes in concionibus nostris vobis imitandas proponamus. Itaq. in Apostolis eximiam charitatem, & diuinæ gloriæ atq. humanæ salutis desiderium cōmendamus: in Martyribus fidei ardorem, & insuperabilem constantiam attollimus: in sanctis Pontificibus diligentissimam ouium suarum curam, & pastoralis officij sollicitudinem prædicamus: in sanctis verō Doctoribus sapientiæ atq. doctrinæ cælestis studium colaudamus: in Virginibus autem illibatam corporis & animi puritatem ad imitādum proponimus. Cū igitur hodierna die de beatissimo Patre nostro D. Thoma Aquinate concionem habere debeamus (qui inter Ecclesię Doctores velut clarissimus Lucifer sapientiæ dono emicuit) quid in eius laudibus potius quā hoc ipsum donum prædicabimus? Hac enim de causā s̄ctio, quæ sapientiæ laudes continet, in eius hodie solennitate canitur, vt intelligamus, hoc maximo Dei dono virum sanctissimum decoratum fuisse. De hoc igitur excellentissimo sapientiæ dono sermonem hodie instituere paro, de quo duo mihi dicenda esse video. Primum enim sapientiæ nomine exposito, eius dignitas & fructus qui ex ea consequuntur, ac deinde gradus & virtutes quibus ad eam peruenitur, explicanda sunt. Si autem quæ de hac re dicturus sum, communem hominū fidem atq. captum superare videbuntur, mirari non debetis: quia cū inter septem Spiritus sancti dona, sapientiæ donum summum locum teneat, maxima etiam & altissima esse debent quæ de ipso dici possunt. Huius autem argumēti tractatio, cū alia multa, tum præcipuē hoc præstabit, vt quicūq. Deo neglecto, amorem suum in fluxis seculi rebus posuerunt, apertē videant, quantas diuinæ gratiæ opes atq. delicias amittant, quibus Dominus familiares amicos suos in hac etiam vita reficere, pascere, & quodammodo beare solet. Quam rem quisquis singulari Dei dono expertus fuerit, non poterit illorum vicem nō vehementer dolere, qui cū his tantis opibus frui possint, per turbidas Aegypti lacunas,

Psal. 44.

Gen. 37.

Partitio.

lacunas, veræ felicitatis fonte relicto, miserimè vagantur. De hac igitur tanta re dicturi, caelestem opem, sacratissima Virgini interuentu, suppliciter imploremus.

## AVE MARIA.

Quoniam de altissimo sapiëntiæ dono sermo nobis hodie institutusest; quid sapientia sit, ante omnia expediamus. Cum autem sapientia cognitio quædam sit; scire oportet duplicem esse rerum cognitionē: quædam enim cognoscimus, quia multa de iis vel legimus, vel auduimus; quædam verò, quoniam eorum vim atque naturam experimento nostro didicimus. Aliter enim partus doctores puerpera sentit quæ illos experta est, aliter quæ hoc solum auditu aut etiam lectione didicit: aliter etiã paternum erga liberos amorē intelligit qui filios habet, aliter qui non habet. Cuius rei commodissimum exemplum inter clarorum virorū Apophthegmata extat. Ferunt enim Agesilaum Lacedæmoniorum Regem clarissimū, multisq̃ victorū illustrem, cum miro esset erga filios amore, arundine aliquādo pro equo concessa, cum isdem similiter ludentibus in secretiore domus loco luisse. Cumq̃ familiaris quidam eius amicus repentē palatium ingressus, huiusmodi ludū vehementer admiratus esset, ille contrā, Obsecro te, inquit, o amice, ne cuiquam hūc meum ludum detegas, quousque tu filiorum parens effectus eris. Intellexit Rex sapientissimus, quanto aliter intelligamus quæ experimento cognouimus, quàm quæ alia ratione didicimus.

Sciendū præterea est, hac duplici cōcione Deum ab hominibus in hac vita cognosci: aut enim legendo, speculādo ac disputando immēsam Dei bonitatem, ceterasq̃ eius virtutes & laudes agnoscimus, aut hæc ipsa, familiariter cum Deo agentes illumque toto pectore amplectētes, in nobis ipsis quodāmodo experimur. Hoc autē fit, cum homo diuinorū donorum communione experitur bonitatem eius; spiritali verò complexu, atq̃ interno mentis osculo, charitatē eius; suauissimo ipsius gustu, dulcedinem & placabilitatem eius; miseriarum suarum reuelatione, misericordiã eius; quotidianisq̃ beneficiis, quæ semper ab eo recipit, largitatem & beneficentiam eius. Hæc autem cognitio, quæ Spiritus sancti magisterio paratur, est diuina illa sapientia, quæ inter cetera eius dona principem locū tenet, ad quam alia ordinantur. Sapientiæ verò nomen, à sapore deductum est; vt sit sapientia, quasi sapida quædam & suauis scientia. Huius autem sapientiæ opus est, altissima diuinæ bonitatis & pulchritudinis contemplatio, in qua Theologi felicitatem (quæ in hac vita haberi potest) sitam esse definiunt. In qua quidem contemplatione, sancti viri tanta nonnumquam suauitate fruuntur, vt corpora sensus omnem sentiēdi facultatē amittant.



D. Bern.  
in Cant.  
serm. 85.

Qua de re D. Bernardus: In hoc genere contemplationis interdum exceditur & seceditur etiam à corporis sensibus, vt se mens non sentiat, quæ Verbum sentit. Hoc autem fit, cum mens, ineffabili Verbi illecta dulcedine, quodammodo se sibi furatur, imò rapitur atq. elabatur à se ipsa, vt Verbo fruatur. Hactenus Bernardus.

Ad huius autem rei fidem faciendam locupletissimum nobis exemplum D. Thomas exhibet, qui frequenter, dum deuotius oraret, sic à se ipso excedebar, vt omnis prorsus motus & sensus expers fieret. Vnde cum in graui quodā morbo ex medicorum decretoq. esset cauterio adhibito curandus, ministris præcepit, vt se diutius in oratione persistentem obseruarent, atque eo tempore ferrum illi & ignem adhiberent. Quod cum factum esset, vir sanctus non magis candentis ferri vim sensit, quam si mortuum corpus gestaret. Quæ res facile declarat, quanta sit illius diuinæ dulcedinis & charitatis vis, quæ sic hominis animam, atque omnes eius vires post se trahit, vt in corpore viuo omnem vitalem sensum atque motum extinguat.

Quid verò illud? quanto mirabilius! quod non modò exter-  
norum sensuum vitales actiones diuinæ dulcedinis magnitu-  
dine sopiuntur, sed corpus interim graue & ponderosum, ma-  
gna vi spiritus sese ad cælestia subleuantis, cum eodem spiritu  
in sublime feratur. Vt enim aqua igni admota, vbi eius in se ca-  
lorem concepit, motum quoque imitatur; & cum natura grauis  
sit, deorsumq. feratur, naturæ tamen suæ quodammodo oblita,  
more ignis sursum agitur: ita nonnumquam Sanctorum homi-  
num corpora, vbi eos diuini Spiritus vis, per sapientiæ donum,  
ad sublimia eleuat, eius quoq. motu sequuntur, & aduersus om-  
nem naturæ vim sursum aguntur. Cum enim sapientia vapor  
quidā sit virtutis Dei, & emanatio quædam claritatis illius sin-  
cera, quæ è cælis ad homines descendit, eorundem etiam men-  
tes & corpora eò perducere nititur, vnde ipsa descendit. Quam  
rem eiusdem D. Thomæ exemplo confirmare licet, qui non ra-  
rò, dum attentius oraret, à terra eleuabatur; corpore videlicet  
mentis in Deum raptæ motum & impetum sequente. Quæ res  
non obscure declarat, quanta vi meus illa in Deum ferebatur,  
quæ terrenum & graue corpus post se trahebat. Semel autem in  
huiusmodi raptu singularis quædam diuinæ visitationis gratia  
ei cōtingit. Cum enim Neapoli in Ecclesia diuinæ contēplatio-  
ni vacaret, visus est à quodā monacho à terra quasi duobus cubi-  
tis eleuatus. Quam rem cum ille vehementer, vt par erat, mi-  
raretur, audiuit sacræ crucifixi Dñi effigiem, ad quā vir sanctus  
conuersus orabat, hanc vocem edentem: Bene scripsisti de me  
Thoma: quæ ergo percipies pro tuo labore mercedē? Sanctūq.  
virum

simile.

Sap. 7.

virum protinus respondisse: Non aliam præter te, Domine.

Hæc omnia, fratres, eo cōsilio à me dicta sunt, vt intelligatis, humanæ vitæ felicitatem non in fluxu huius mundi rebus, hoc est, non in corporis voluptatibus, non in opibus atque diuitiis, non in honoribus & imperio (quibus in rebus sæculi homines sitam esse arbitrantur) sed in diuina pulchritudinis contemplatione (quæ à sapientiæ dono proficiscitur, positam esse. Hæc enim mentem hominis per amorem cum Deo copulat, hæc diuinæ bonitatis ac felicitatis participem efficit, hæc desideriorum nostrorum sitim sedat, & in summi illius boni, in quo sunt omnia bona, cunctis huius vitæ deliciis repudiatis atque contemptis, suauissimè dormire & requiescere facit.

## I.

Atque vt hoc ipsum quod dicimus, proposito aliquo exēplo, mentibus vestris altius imprimamus, fingamus esse aliquē hominem, quem Dñs ex infima sēce vulgi ad summā imperij dignitatem euexerit, cui etiam omnia quæ in cæteris mundi Imperatoribus maximè illustria fuerunt, hoc est, diuitias Cæsar, potentiam Alexandri, gloriam Assueri, felicitatem Octauiani, cætera quæ his similia fortunæ munera contulerit. Deinde verò ipsum, elapso certo temporis spatio, tota illa opulencia rerum atque magnificentia priuet, & ad inopis & mendici inopiam redigat; sic tamen, vt eius mentem hoc diuinæ sapientiæ dono ea mensura repleat, qua vel D. Thomam, vel quemuis alium Sanctorum impleuit. Exinde verò Dominus hoc modo cum ipso agat: Tu quidem, homo, ad cælestis regni gloriam, in quacunque vixeris fortuna, à me iam pridem ab omni aternitate cooptratus ac destinatus es; verum quā diu in hoc mortali corpore vixeris, optionem tibi permitto, vt ex duplici hac felicitate, spiritali videlicet & corporea, quas expertus es, vtram malueris, eliges, à me illico eandem percepturus. Si hoc, inquam, homini in vtroque statu diu versato Dominus proponat, incunctanter & absque vlla hæsitatione respondebit, malle se extrema inopia atque nuditate constrictum, hac spiritali felicitate frui; quā omnibus huius vitæ opibus circumfluentem, ea destitui. Quis hoc vestrum, fratres, credat? quis non miretur? & tamen hoc esse verum, sacra præsentis diei lectio apertissimè confirmat. Sic enim Sapiens, diuino Spiritu actus de hac sapientiā dicit: *Preposui illā regnis & sedibus, & diuitias nihil esse duxi in cōparatione illius. Nec cōparauit illi lapidem pretiosum: quoniam omne aurum in cōparatione illius arena est exigua, & tanquā lutum estimabitur argentum in cōspectu illius. Super salutem & speciem dilexi eam, & proposui pro luce habere illam: quoniam inextinguibile est lumen illius.* In his verbis Spiritus sanctus omnia ferè terrenorum bonorum genera,

quæ

quæ vulgus hominum miratur, cōplexus est: nempe argentum, aurum, diuitias, lapides pretiosos, sedes, regna, imperia, ac postremò salutem & pulchritudinem, cæteraquæ quæ sub his nominibus continentur: quibus omnibus non modò sapientiæ donum anretulit, sed ex his etiam quæ commemorauit, argentum, aurum, atque diuitias, arenam exiguam, vile lutum, ac postremò nihil sapientiæ comparatione esse testatus est. Quid igitur hoc testimonio apertius? quid illustrius? Quis huic veritati diuinis oraculis confirmatæ refragari audeat?

Adijciam & aliud non minùs firmū veritatis huius testimonium. Rex enim Salomon vtriusq. felicitatis conditionem, quam suprâ descripsimus, expertus est. Nam & florentissimum eius regnum exiit, & tot tantisq. deliciis abundauit, vt idem ipse de se dixerit; Quis ita vorabit, & deliciis affluet, vt ego? Idemq. hoc sapientiæ dono illuminatus, internam hanc & spiritualem felicitatem degustauit. Nec enim Christi & Ecclesiæ sponsæ epithalamium, quod totum flagrantissimo sponsi atque sponsæ amore plenū est, sine magna diuini Spiritus dulcedine, & sapientiæ dono scribere potuit: quamuis postea miserabili casu atque ruina ab hac tanta felicitate deciderit. Hic igitur tantus vir, qui vtriusq. felicitatis experimentum ceperat, de interna felicitate (quæ sapientiæ dono constat) sic ait: Beatus homo qui inuenit sapientiā, & qui affluit prudentia. Melior est acquisitio eius negotiatione argenti, & auro primo fructus eius. Pretiosior est cunctis opibus; & omnia quæ desiderantur, huic nō valēt cōparari. Quo vno verbo omnia expetendorum genera complexus est, cum dixit: Omnia quæ desiderantur, non valent ei comparari. quibus omnibus sapientiam longo intervallo prætulit. Hoc ipsum autem quod sanctarū literarū testimonia probant, sanctorū quoq. Patrum exempla facili cōfirmant. Quàm multi enim Reges & Reginae, quàm multi principes viri, opibus & mundi gloria florentes, fortunis omnibus renunciarunt, vbi hanc celestium rerum dignitatem degustare cœperunt! Sed nequaquam à D. Thoma recedamus; qui Romā acceersitus, oblatas ei vltro à Pontifice Maximo Ecclesiæ dignitates, maxima quidē humilitate, sed maxima tamen cōstantia accipere recusauit. Quis igitur dubitare iam poterit verum esse quod paulo antè mirabilis, sanctissimos quosque viros, spirituales opes atq. delicias cunctis mudi opibus & voluptatibus prælaturos, felicioresq. si illis fruatur, in summa etiā inopia futuros, quàm si illis destituti, rerum omnium cōpotes essent? Quid igitur humano sensui mirabilius, quàm hominem cū extrema inopia & paupertate cōstictantem (quæ vel sola miseriarum omnium seminarium est) tanta felicitate in summa illa nuditate atque solitudine frui? Nulla sunt apud



apud eum opes, non splendida mensa, non familia obsequens, non vnguenta pretiosa, non vina suavia, non cibi è longinquis regionibus aduecti, non transmarina dapes, non domus maritima atq. auro vestita, nō aurea & argentea vasa, non varia diuitius domus supellex, non deniq. amicorum greges ludantium, confabulantium, atque iocantium; nihil postremò apud hunc hominem latum atque iucundum conspicies, nihil non vile ac sordidum; quotidie insuper gemitus, quotidie lachrymæ. Vnde ergo homo hic, si he istis externæ felicitatis adminiculis, tanta deliciarum copia fruitur? In promptu sanè responsio est, si in Deum, huius tantæ felicitatis auctorem, oculos conijciamus. Quis enim nesciat, vnicum illud & summum bonum, in quo sunt omnia bona, longè plenius atq. felicius pij hominis mentē, quàm fallacia, lubrica, & momentanea huius mūdi bona reficere, oblectare, atq. bonis omnibus implere posse? Quā multum Simile. in celo sunt astra, quæ nocti lucem præferunt! sic enim Dominus ad Abrahā. Numera, inquit, stellas cæli, si potes: at vnicus Gen. 15. Sol quanto splendidius, quàm omnia in vnum collecta sidera, mundum illuminat! imò verò ea omnia, quamlibet innumera sint, ante eius splendorem prorsus euanescent, fulgoremq. suum tueri non possunt. Hoc igitur exemplo, fratres, internæ felicitatis præstantiā atq. causam intelligere licebit. Ab vno enim illo inexhaustæ bonitatis fonte cætera bona manāt: quæ tamē omnia cum eo collata, bonitatis nomen amittunt, isq. vnus mentem hominis infinitis partibus vberius atque copiosius reficere atq. implere potest. Hæc autē, fratres, facile declarant, quantus in sapientiæ possessione thesaurus sit, quādo inchoata felicitas, extremumq. expetendorum omnium quæ in hac vita haberi possunt, in eius actione sit positum. Quo nomine Sapiēs in sacra huius diei lectione, infinitū thesaurum esse ait. Fateor quidem hæc ipsa omnia, quæ diximus, sublimia esse, & quæ communem hominum fidem atque virtutem superent; quæ tamen, dum sanctissimorum virorum laudes & virtutes prædicamus, transire silentio non possumus. Hæc enim & ipsorum sanctitatem declarant, & diuinæ gratiæ vim atq. magnificentiam commendant, hominesq. minimè desides, verāq. felicitatis appetentes, ad has tantas diuinæ gratiæ opes adspirare faciunt.

## II.

Existimo, fratres, neminē inter vos esse adeò rerū diuinarum negligētem, qui dum hæc audit, felicitatis huius desiderio non capiat, & quo in loco tantus hic thesaurus (quē cunctis mundi opibus anteferrī diximus) delectescat, scire cupiat. Nec enim aut passim aut facile rara res inueniri potest. Hanc autē curam innocētissimus ille Iob pro nobis suscepit, qui post magnificen-

tissimas

Iob 28.

tissimas sapientiae laudes omnia mundi loca lustrauit, ut eius locum inueniret. Vbi enim dixisset, Deū rebus omnibus sua loca designasse (nam & auro, & argento, & ferro, ceterisque metallis, & pretiosis etiam lapillis sua loca, licet occulta, destinauit, & luci ac tenebris sua tempora distinxit) querit idem Sanctus, quo in loco, aut à quibus hac pretiosa margarita inueniri possit. Sapientia, inquit, ubi inuenitur? & quis est locus intelligētiae? Non inuenitur in terra suauiter vinētium. Abyssus dicit, Nō est in me: & mare loquitur. Non est mecum. Vnde ergo sapientia venit? Abscondita est ab oculis omnium viuentium, volucres quoque caeli latet. Per volucres autem caeli, mundi sapientes, & summos Philosophos intelligit, qui non modò ea quae in terra marique nascuntur, sed ea etiam quae in caelo fiunt (hoc est, astrorum & signorum cursus, variasq. eorum conuersiones & affectiones) rimantur. Qui tamen omnes, ubi esset vera sapientia, quae homines efficere beatos, assequi non potuerunt. Post hanc igitur tam longam inquisitionem, breui oratione sapientiae locum in solo Deo esse docet; sic enim ait: Deus intelligit viam eius, & ipse nouit locum illius. Et dixit homini: Ecce timor Dñi, ipsa est sapientia: & recedere à malo, intelligētia. Quibus verbis non modò sapientiae locum designauit, sed viam etiam, qua ad illam peruenitur, ostendit. Verè enim initium sapientiae timor Dñi. Similique consilio cū Salomon hominis felicitatem in Ecclesiae variis rationibus indagasset, qua tandē in re ca sita esset, nouissimis his verbis cōcludit: Finem loquendi omnes pariter audiamus: Deū time, & mandata eius observa, hoc est enim omnis homo. Quibus verbis totā hominis felicitatē in timore Dñi collocauit, utpote qui nos in sapientiae possessione cōstituat.

August.

Prima igitur cura, fratres, ad parandam sapientiam, vitæ puritas & innocentia est, sine qua omnis diuinarum rerum commentatio insuauis est. Scitum est enim illud Augustini: Palato non sano pōna est panis, qui sano est suauis: & oculis ægris odiosa lux, quæ puris est amabilis. Vnde idē Augustinus Deum appellat purgatæ mentis sapientiam. Iis enim dulciter sapit, qui purgatum animæ palatum gestant. Quocirca sapientie studiosus vitæ puritatem præcipuè colere debet; quoniam (ut Sapiens ait) in malenolam animam non introibit sapientia, nec habitabit in corpore subdito peccatis.

Proposita verò iā vitæ puritate (quæ totius iustitiæ & sapientiae fundamentū est) charitatis studio cū primis vacare conuenit; quæ sicut cæterarum virtutum, ita etiam sapientiae vita & forma est. Vnde duo illa, quæ sapientiae nomen cōplectitur, Dei videlicet cognitionem atq. laporē, charitas subministrat. Quid enim charitate dulcius? quid suauius? eius quippe proprium est, de

de dilecti præsencia mirificè gaudere. Illā præterea diuinæ bonitatis cognitionem, quæ experimēto magis quā humano studio discitur, inflāmata in Deū charitas potissimū tribuit. Vnde Apostolus ad Philip. Hoc, inquit, oro, vt charitas vëstra magis ac magis abundet in omni sensu & in omni scientia, vt proberis potiora. Quibus vëbis nō obscurè Apostolus designauit. Spirituum rerum sensum & cognitionem, quo potiora eligimus & probamus, à charitatis radice derivari. Hinc D. August. Qui vult (inquit) cognoscere Deū, amet. Qua de causa adolescētulæ in lib. Cāt. qualis spōsi species & forma sit, ab amātissima spōsa quarunt: quod intelligerēt neminem apertius huius rei cognitionē traditurum, quā eā quæ ardētissimo spōsi amore flagrabat. In superna itē illa hierarchia Seraphicis spiritibus, qui conditoris sui amore incēsi sunt, Cherubini, qui sapientiæ dono excellunt, sunt cōiunctissimi. Quo indicio intelligimus, duo hæc diuina munera, Dei videlicet cognitionē & amorē, maxime inter se cōiuncta esse. Vnde cū à beatissimo Patre Dominiaco, mirabiliter de diuinis rebus disserēte, quæsitum esset, vbi admirandā illā doctrinā didicisset; ille, In libello, inquit, charitatis. Charitas quippe excellentissima spiritualis doctrinæ magistra est. Hæc autē cognitio, quæ à charitate proficiscitur, adeo præstans est, vt omnē aliam Dei cognitionē charitate vacante, nec cognitionis quidem nomine dignā esse Ioannes dicat: sic enim ait: Qui non diligit, nō nouit Deū. Quid enim in causa esse putatis, fratres, cur in fidei Symbolo Spiritum sanctum per Prophetas locutū fuisse profiteamur? Quamuis enim beatissimæ Trinitatis opera indiuisa sint, loqui tamen & docere magis Filio (qui Patris Verbum & Sapientia est) quā Spiritui sancto cōuenire videbatur: cum ad verbum loqui, ad sapientiam autem docere pertineat. Est ita planè. Hæc tamē ratione Prophetarum eloquia Spiritui sancto tribuuntur; quoniam Spiritus sanctus amor est. Qui quidem amor ad res diuinas intelligēdas perspicacissimus, ad explicandas eloquentissimus est. Si enim D. Bernardus verè dicere potuit, animæ linguam esse deuotionem, cur non magis diuinus amor animæ lingua esse dicatur? Nec enim hic amor, quemadmodū impurus amor, cæcus est (qualē Ethnicus Poëta amoris Deum oculis captū fingūt) sed oculatissimus est, quemadmodū Propheta dicit: Præceptū Dñi lucidū, illuminās oculos. Hæc igitur charitas, fratres, præcipua doni sapiētiæ causa existit; quoniā, vt paulo antè diximus, forma & vita eius est.

Proxima verò sapiētiæ causa est flagrantissimum eius desiderium. Flagrantissimū, inquit; quoniā ad hoc pigri & inertis hominis desideria nihil iuuant. De his namq. scriptum est: Vult, & non vult piger. Cur ita? Quoniam (vt alibi idē Salomon ait)

Philip. 2.

August.

Cant. 5.

1. Ioan. 4.

Bernard.

Psal. 18.

Prou. 15.

deside-



Ibid. 21.

Sap. 6.

Eccli. 24.

Prou 2.

Prou. 10.

Isa. 56.

Psal. 33.

Deut. 32

desideria occidunt pigrum: noluerunt enim quidquam manus eius operari. Ideo igitur nolle dicitur, quia operari renuit. Nequaquam igitur huiusmodi languida desideria, sed ardentia & operosa, ad sapientiam viam muniunt. Hinc Sapiens, Initium, inquit, sapientiae, verissima est disciplinae concupiscentia. Hac enim te hoc donum consecutum fuisse idem Sapiens in hodierna lectione ostendit, cum ait: *Optavi, & datus est mihi sensus; inuocaui, & venit in me spiritus sapientiae.* Eademq. sapientia, Transite, inquit, ad me omnes qui concupiscitis me, & a generationibus meis, hoc est, a fructibus meis, adimplemini. Non igitur diuina sapientia opes suas in inertibus, sed concupiscentibus, hoc est, ad illas vehementer aspirantibus, pollicetur. Hinc Salomon de eadem sapientia disserens, Si quaesieris, inquit, eam quasi pecuniam, & quasi thesauros effoderis illam, tunc intelliges timorem Domini, & scientiam Dei inuenies. Hoc autem desiderium, quod a Spiritu sancto proficiscitur, frustra esse non potest. Nec enim summa illa & immensa bonitas huiusmodi desideria in priorum meritis accedit, ut eos cruciet, sed ut ea impleat. Verissime enim dictum est: Non affliget Dominus fame animam iusti. Ex hac enim spirituali fame sancta desideria proficiscuntur, quae velut amoenissimi flores sunt, qui sapientiae fructum antecedere atque promittere solent. Hac autem desideria habere nemo poterit, nisi qui eiusdem sapientiae primitias ante gustauerit; neque eam quisquam ardentius quaeret, nisi eandem prius aliqua ratione inuenerit. Prius igitur aliquo modo inuenire oportet, ut quaeras; deinde quaerere, ut plenius inuenias.

Ex hoc autem desiderio continuum orationis studium nascitur. Cum enim oratio ad omnia valeat, potissimum tamen ad diuina dona consequenda, quae in summa Dei beniginitate & gratia posita sunt, praecipueque ad sapientiae donum impetrandum maxime necessaria est. Hinc Sapiens initio sacrae huius lectionis utrumque simul coniungit: desiderium videlicet, & orationis studium, cum ait: *Optavi, & datus est mihi sensus; inuocaui, & venit in me spiritus sapientiae.* Pios namque Dominus in oratione diu perseverantes, miris consolationibus atque deliciis oblectare, eorumque viscera atque salutaris sapientiae rigare atque fecundare solet. Quod quidem illis prophetica voce pollicetur, cum ait: Adducam eos in montem sanctum meum, & laetificabo eos in domo orationis meae. Nec saporem modo, sed cognitionem etiam diuinarum rerum, quae ad sapientiam requiruntur, oratio praeber. Hinc Vates regius, Accedite, inquit, ad Deum, & illuminamini, & facies vestrae non confundentur. Ad Deum vero accedimus, cum illum attentius oramus; cum oratio, mentis in Deum eleuatio esse dicatur. Moyses item, Omnes, inquit, sancti in manu Dei sunt, & qui appropinquant pedibus eius, accipient de doctrina illius.

Cuius

Cuius rei locupletissimū exēplum vnus D. Thomas exhibet, qui insignem illam admirandamque sapientiam studio magis orationis, quàm humano ingenio atque labore se affectum fuisse charissimo socio fratri Reginaldo secretò reuelauit: quod secretum, quàm diu in vita maneret, seruari voluit. Ideoq. in more semper habuit, vt quoties ei legendum, scribendum, vel disputandum esset, ad secretum orationis locum prius confugeret, vt à Deo disceret quod homines doceret. Intelligebat enim (quod est à D. August. dictum) Melius interdum oratione solui dubia, quàm humana inquisitione. Qua ex re liquet, virū sanctum non modò sapientiæ, sed etiam scientiæ donum (quod inter Spiritus sancti quoq. dona numeratur) orationis studio consecutum fuisse. Ex hoc enim dono admiranda illa doctrina tot voluminibus tradita ortum habuit. Qua in re nunquam satis mirari possum, quònam modo vir sanctus inter tot scribendi, legendi, docendiq. officia, temporis spatium ad tam sublimem diuinarum rerum contemplationem, qualem antea descripsimus, habere potuerit. Hæc enim contemplatio totum hominis studium otiumque requirit. Quam rem Anachoritarum exemplo discimus, qui in solitudine degentes, dies noctesq. in sola diuinorum eloquiorum meditatione transigebant. Contrà verò scientiæ atq. doctrinæ studium plus etiā quàm totum hominem exigere videtur, præsertim ei qui cogitationes suas literis mandare decreuit. Tam multa enim legenda, tractanda, ac disputanda ei sunt, vt vix longissima ætas huic rei sufficere videatur. Quæ si huic sanctissimo Patri (quemadmodum D. Hieronymo & Augustino) contigisset, non perinde hoc mirum esset. Illud tamen maximè mirabile est, quòd cum quinquagesimo anno viuendi finem fecerit, tam multa scripserit, ad quæ legenda & intelligenda vix longa hominis ætas sufficiat. Verum hanc tantam rem mirari desinet, quisquis aliud in eo longè mirabilius fuerit contemplatus. Qui enim fieri potuit, vt vir sanctus mentem suam adeò spinosæ atque aridis Philosophorum disputationibus implicatam, tanta promptitudine ad diuinarum rerum contemplationem eleuare potuerit, vt toties in oratione positus, mentis excessum pateretur? Minus enim hoc mirabile esset, si ætatem omnem in sola sacrarum litterarum explanatione insumpisset: sed cum tot, tamque variæ, & multiplices, subtilissimæque quæstiones disputandæ atque desinendæ essent; cum vniuersam Aristotelis philosophiam oblectatissimis quæstionibus & translationibus implicatam (hoc est, Dialecticam, Phisicam, Metaphysicam, & Moralem philosophiā; explanandam, & minutissimis illis partitionibus illustrandam suscepisset: qui fieri potuit, vt mens tantis difficultatibus disten-

Ioan.  
Cassian.

ta, tam facile viam ad altissimam illam contēpationem inueniret: Nec enim valde sanctos illos Anachoritas miramur, qui (vt Cassianus memorat) manuariis operibus intēti, liberam ab hac exercitatione mentem ad diuina attollebant. Non enim mens, sed solā manus canistra illa viminea, vel fiscellas iunco terebant: at scribendi, disputandi atque legendi studium, non manuum ministerio, sed mentis vi & acumine tractandum est. Quo magis mirari debemus sanctissimi Doctōris mentem, tot difficultatibus implicatam, tam facile assurgere potuisse in Deum. Hæc igitur tanta res (vt verum fatear) me frequenter in stuporem admirationemque diuinæ virtutis abducit. Hæc autem omnia, fratres, eo consilio tam multis à me dicta sunt, non solum vt eximiam sancti Doctōris nostri sanctitatem atq. doctrinam miremini, sed etiam vt animos vestros ad amorem sapientiæ (in qua humanæ vitæ felicitas posita est) inflammarem, viamque vobis ostenderem, qua ad illam esset perueniendum. Via enim, puritas & innocentia vitæ: via, charitatis studiū; via quoque, ardens illud sapientiæ desiderium quod paulo antè descripsimus; via item, frequens atque deuota oratio, ab desiderio profecta, quæ hoc cæleste donum continenter à Domino flagitet. Quod quidem donū magis ardore voluntatis quam intellectus acumine, magis dilectione quam humano studio, magis lacrymis quam disputationibus, magis denique orandi quam legendi officio assequimur. Virtus quippe orationis non ad hoc solum, sed ad omnia alia quæ impetrare à Deo cupimus, quam latissime patet. Quo nomine valde familiaris ea homini Christiano non in hoc solum, sed in omni tempore atq. negotio esse debet. Quod in more fuisse priscis illis nascentis Ecclesiæ fidelibus Tertullianus declarat his verbis: Nihil vilitatis, nihil immodestiæ cœna nostra admittit. Non prius discumbitur quam oreitur. Ita saturantur, vt meminerint per noctem Deum sibi esse orandum. Ita fabulantur, vt qui sciunt Deum cuncta audire præsentem. Oratio conuiuiū dirimit. Post mensam, vt quisque potest, Deo canit. Denique non tam cœna cœnatur, quam disciplina. His igitur gradibus, fratres, ad clarissimum sapientiæ donum ascenditur: in cuius exercitatione, inchoatam felicitatem, quæ in hac vita haberi potest, sitam esse diximus. Faxit autem Christus Dominus, vt vtrique nobis felicitas contingat; & inchoata hæc, quæ percipitur in via; & consummata illa, quam fideles omnes speramus in patria.

Tertull.



IN FESTO ANNUNTIATIONIS  
DOMINICÆ, CONCIO PRIMA: IN QVA  
lectio Euangelica explanatur.

THEMA. *Quæ cum audisset, turbata est in sermone eius,  
& cogitabat qualis esset ista saluatio.* Lucæ 1.



VAMVIS absoluto sex diebus creationis opere, requiescere dicatur Dñs die septimo ab omni opere quod patrauerat (cuius rei gratia Sabbathi religionem Iudæis indixit) nihilominus tamen vera est illa Saluatoris sententia; Pater meus vs- Ioan. 9.  
que modò operatur, & ego operor. Consummata quippe paucis diebus mundi fabrica, hominum salutem indefinenter operatur, nec ab hoc vnquam opere manum subtrahit: adeò maius hominis sanctificatio, quàm totius mundi creatio est. Hæc autem Pater, & Filius, & Spiritus sanctus semper operantur, dum variis modis homines ad se trahere, & celestibus donis ornare nunquã intermittunt. Qui tamen modi omnes ad duos potissimum referuntur: aut enim beneficiis & muneribus ad se homines allicere; aut recusantes terroribus ac minis à vitis reuocare student. Quem quidem morem medici sequi consueuerunt, qui, quos blandis medicamentis sanare non possunt, incisuris frequenter & igne curant. Hunc autem posteriorem modum à diuinæ bonitatis natura (quæ in iuuandis hominibus maximè cernitur) alienum esse, Isaias apertè testatur, qui cum vastationem decem tribuum, propter graua ipsorum peccata, prænu- Isaiæ 28.  
casset, tandem subiicit: Alienum opus eius ab eo, peregrinum opus eius ab eo. Verè enim ab infinita illa bonitate (quæ sese atq. opes suas in omnia largè atq. munificè effundit) alienum & peregrinum est vastare ac delere, quos ideò condidit, vt serua- ret, & bonis omnibus cumularer, nisi eorum impietas piis eius votis obstaret. Hac autem seueritate vtitur, non modò vt fontes puniat; sed vt alios etiã iudicij sui metu perterrefactos in officio contineat. Prior autem ille modus, quo beneficiis ad se homines allicere studet, maximè illi proprius, maximèq. hominibus salutaris est. Hac enim ratione immensam eius misericordiam, bonitatem & paternam charitatem agnoscetes, illum toto corde diligunt, seque totos illius seruituti & obsequio plenissimè tradunt. Magna enim beneficiorum vis est, quæ non generosa solum hominum corda, sed immanes etiam feras ad benefactoris amorem & obsequium inducit.

Hac igitur de causa olim Dñs in lege plurima sacrificia & caeremonias hoc consilio constituit, vt beneficiorum suorū memoriā (ne temporum iniuria intercederet) assidue renouaret. Ad hoc enim primum Circūcisionis sacramentū pertinebat, vt Abrahæ posterī pacti illius amantissimi recordarētur, quo illos Deus ex innumeris nationibus in peculiarem populum elegerat, seq. illis in Deum, hoc est, in patrem, tutorem, & protectorem obtulerat, terramq. peregrinationis eorum in hereditatem illis assignauerat. Hoc autem apertē designauit, cū dixit: Circuncidetur ex vobis omnē masculinum; vt sit signum fœderis inter me & vos. Iam verò cū primogenita omnia sibi offerri, & Paschalem agnum immolari iussit, quid aliud quā beneficium liberationis ab Aegyptiaca seruitute iis. legibus ad memoriā reuocabat? Sic enim ait: Et erit quasi signum in manu tua, & quasi appensum quid ob recordationē ante oculos tuos, vt lex Dñi sit semper in ore tuo. Hic enim præcipuus diuinorum beneficiorū vñs est. Non enim ob id solū data sunt, vt vel ab insidiis periculis erueremur, vel opulētiōres aut potētiores efficeremur, sed vt paternam Dei curam & prouidentiam agnoscentes, illum super omnia diligeremus, illiusq. præceptis & legibus obtemperaremus. Sunt enim quidam adeo sui amantes, perceptorū nō. beneficiorū immemores, vt ita diuinis beneficiis atq. donis afficiantur, ita se totos fruendis illis addicant, vt hoc cupiditatis laqueo irreuti, benefactoris memoriā depōnant, & inde obliuionis occasionem arripiant, vnde memores, grati, atq. officiosi esse debuerant. Quale, quæso, esset, si vir aliquis multis, maximisq. beneficiis à Rege auctus & locupletatus, (quo illi esset obstrictior, & ad eius obsequium paratior) ipse contrā fruendis his tantis opibus ita se totum dederet, vt regis seruitutis oblitus, vitam omnem in otio atq. desidia transigeret, nec præceptis Regis obtemperaret? Hoc autem faciūt, qui diuitiis, honoribus & potentia à Deo donati, hisce rebus ita effeuntur, & quodammodo inebriantur, vt omnem benefactoris memoriā ab animo excutiant. Quo quid esse indignius potest? Quis, vis autem ita se gerit, non modò diuinæ beneficentiæ & largitati aditum obstruit, sed ipsa etiam Dei dona, quæ saluti eius seruiebant (velut is qui in portu naufragium facit) in maioris damnationis suæ cumulū vertit.

Hac igitur de causa tot rationibus beneficiorum suorū memoriā à nobis Dominus exigit, ne in tantū hoc ingrati animi scelus incidamus, néve eius beneficiis & benignitati aditū obstruamus. Est enim (vt D. Bernardus ait) ingratitudo ventus vrens, omnia exsicans fluentia diuinæ gratiæ, ipsumque arefaciens fontem misericordiæ.

Quæ

Quæ cum ita sint, utroq. nomine salutis nostræ auctori ob-  
 stricti sumus; & quod nos tot beneficiis ornati, & quod tanta se-  
 ueritate hæc à nobis beneficiorum suorum memoriâ, & grati  
 animi officium requirit. Cum enim verè amantis sit, beneficiis  
 ornare velle quos amat, ingratus autem animus benignitati  
 huic aditum obstruat; quo amore ac benefaciendi studio teneri  
 se ostendit, qui tanta cura omnia benefaciendi impedimenta  
 amouere studet? Perinde enim ac bonis nostris ipse trueretur,  
 & malis premeretur, ita viam beneficiis suis munire, & obstan-  
 tia quæque amouere curat, quibus ad bene merendum de no-  
 bis via intercludi posset. Hunc autem benignitatis affectum  
 singulari quadam ratione erga verè pœnitentes Dñm gestare  
 D. Aug. testatur his verbis: Tardius sanè videtur Deo peccatori  
 veniam dare, quàm ipsi peccatori veniam accipere. Sic enim  
 festinat absolvere tormenta compassionis suæ, quasi plus cru-  
 ciet ipsum compassio miseri, quàm ipsum miserum compassio  
 sui. Hic ergo tantus diuinæ pietatis affectus in causa exitit, vt  
 tot olim sacris & solemnibus caremoniis Dominus beneficio-  
 rum suorū memoriâ renouari, & quotannis instaurari voluerit.  
 Vnde post huiusmodi præcepta addit: Custodies huiusmodi cul-  
 tum statuto tēpore à diebus in dies. Quod quidem exemplum  
 secuta Ecclesia, tam multa singulis annis sacra festa instituit, quæ  
 nobis ante oculos clarissima Dñi beneficia subijcerent. Cumq.  
 inter ea, redemptionis & salutis nostræ beneficium maximè  
 excellat, eius præcipuè memoriam pluribus festis instaurat.  
 Omnia enim Domini Saluatoris, atque adeò omnia sacre Vir-  
 ginis festa, quid aliud quàm redemptionis nostræ beneficiū no-  
 bis ob oculos ponunt? Inter quæ tamen hodierna potissimum  
 solemnitas eminet, quæ exordium continet nostræ salutis;  
 cuius seriem sanctus Lucas Euangelista his verbis exponit:

August.

Exod. 15.

## I.

*Missus est Gabriel Angelus à Deo in ciuitatem Galilee, cui nomen  
 Nazareth, &c.* Querit hoc in loco D. Bern. quò Angelus ingres-  
 sus sit: Puto, inquit, in secretum pudici cubiculi, vbi illa fortasse  
 clauso supra se ostio orabat Patrem in abscondito. Solent An-  
 geli astare orantibus, & delectari in his quos vident leuare puras  
 manus in oratione; holocaustum sanctæ deuotionis gaudent se  
 offerre Deo in odorem suauitatis. Hæc ille. Ingressus ergo An-  
 gelus ad Virginem his eam verbis salutauit: *Aue gratia plena,  
 Dominus tecum, benedicta tu in mulieribus.* Iam primum con-  
 stat, nusquam Angelos (qui tam sedulo Patribus & Prophetis  
 apparere) quemquam ex ipsis hac tam magnifica salutatione  
 honorasse; quæ tamen vni illi seruabatur, quæ hominū & An-  
 gelorum Dominum erat paritura. Ideoque non modò inter  
 mulie-

Bernard.



D. Tho.

mulieres omnes singulari priuilegio insignitam prædicat, sed tanta etiam gratia plenam, quanta Dei matrem esse ornatam decebat. Mensuram enim gratiæ D. Thomas ex propinquitate ad fontem gratiæ sumendam esse ait. Quia verò Christus Dominus fons gratiæ, & Sol iustitiæ est (non enim ad mensuram dat Deus Spiritum Filio) nihil mirum, si beatissima Virgo plus hausit gratiæ; utpote quæ cæteris omnibus huic fonti propinquior extitit. Quid enim propinquius filio quàm mater! aut in quem filius munera sua largiùs atque libentiùs quàm in matrem effunderet? Ut enim inter creaturas omnes nihil Dei Filius matre sua charius habuit (cùm gratia naturam nõ destruat, sed perficiat) nullam sanè pluribus & maioribus donis illustrauit. Cùm enim diligere sit bene velle; bene autem velle Dei, sit etiam benefacere (subest enim illi, cùm voluerit, posse, & sermo eius potestate plenus est) quàm maximè omnium dilexit, maximis muneribus exornauit. Inter beata illa supernorum Spirituum agmina illos esse D. Dionys. ait cæteris præstantiores, celestibusq. donis pleniores, qui Deo propinquiores sunt. Cùm ergo nihil Dei Filio quàm eius mater sit propinquius, quo propinquitas maior, eo gratia eius vberior atq. copiosior extitit. Hac ergo mensura, plenitudo gratiæ, quæ Virgini ab Angelo tribuitur, metienda est. Quia verò gratia virtutum omnium radix est, charitas verò velut huius radicis truncus, cæteræ autè virtutes velut huius trunci rami sunt; ideo ex radicis magnitudine & arboris truncus, & cæteri variarum virtutum rami æstimadi sunt: inter quas tamen charitas maximè enituisse putanda est. Cùm enim ea virtutum omnium decor, & forma, & vita sit, sine qua cæteræ virtutes ad salutem minimè sufficiant; in ea potissimum sacra Virgo excellere debuit. Itaq. quàm diu in hac vita fuit, tã perfectò sese in Deum amore conuertit, & in intimum animæ suæ templum se recepit, ut nec ipsam, nec vllam rem creatam, nisi in Deo, & propter Deum diligeret; nec vlla item cordi eius imago illa pfa fuerit, quæ purissimæ eius erga Deum dilectioni impedi-menti aliquid afferret. Integro enim & indissolubili Deum prosequeretur amore, & in Deo cætera omnia diligebat. Recipiebat igitur se cum vniuersis viribus suis in interiorè animæ fundum, in quo diuina latet imago, atq. ibi in tẽplò animæ suæ commorabatur, trahens, miuansq. in illud ipsas vires suas omnes, & adorans illic vnicũ Deum suũ in spiritu & veritate. Itaq. memoria eius in simplicem lucem erecta, & in vnitatem spiritus stabilita erat. Intellectus verò splēdidissima quadã claritate profunde- batur, qua cælestia atq. diuina mirabili ratione agnoscebat. Voluntas autè ipse deuotissimo quierit amoris æstu flagrabat, per quẽ supra creata omnia rapiebatur. In hac autè mētis eleuatio-

D. Dion.

ne,

ne, supra imagines rerum omnium posita, diuinum susurrum siue alloquitur, diuinasq. inspirationes in silentio percipiebat. Quiescebat hic supra omnia in Deo, & semetipsam per ineffabilis amoris complexū in vastissima diuinitatis solitudine atque caligine amittebat, Deoq. arctissimè copulabatur, vnus spiritus cum illo effecta: quæ quidem coniunctio omnia alia creata dona, charismata, atque lumina superabat. Sed quoniam de Virginis charitate mentionem fecimus, de profundissima eius humilitate (quæ charitatis custos & comes indiuiduus est) ex hac eadem lectione pauca proferamus. Sequitur enim:

*Quæ cum audisset, turbata est in sermone eius.* Solent (ait Bern.) virgines, quæ verè virgines sunt, ad omnem viri pauere aspectum, semper pauide, & nunquam esse securæ, & vt caueant timenda, etiam tuta pertimescere; sciente se in vasis fictilibus thesaurum portare pretiosum, & nimis arduum esse Angelicè inter homines viuere, & in terris more cælestium conuersari. Ac proinde quidquid nouum subito fuerit ortum, suspectas habent insidias, totum contra se existimant machinatum. Hactenus ille. Verum nos paulo fusiis huius timoris causam excuriamus. Vbi sanctus Euangelista dixit, *Turbata est in sermone eius;* subdit protinus: *Et cogitabat qualis esset ista saluatio.* Pastores, viso Angelo Dominicæ natiuitatis nuncio, timuisse perhibentur timore magno. Zacharias item, Ioannis Baptiste pater, Angelo ei à dextris altaris incensi apparente, vehementer turbatus est, & timor irruit super eum. Daniel verò fulgentis Angeli visione non modò turbatus, sed penè exanimatus est. At sanctissima Virgo, quamuis coruscantis Angeli speciem vidisset, & nihilominus ad eius aspectū expauisset; sic tamen honorifica illa Angeli salutatione, laudibusque suis turbata fuit, vt illius trepidationis causa fileatur, huius verò sola exprimatur. Cæterum vt timoris huius causam exponamus, sciendum est, beatissimam Virginem, vt ceteris virtutibus, ita humilitatis gratia à Deo præcipuè decoratam & insignitam fuisse. Sicut enim qui excelsam turrim erigere parant, altissima eius fundamenta iaciūt, ne magnitudine superstructæ molis adificium corruat: ita cum Dominus hanc sanctissimā Virginem omnium gratiarum muneribus supra creaturas omnes ornare decreuisset, altissima in ea humilitatis fundamenta iecit, ne tantarum virtutum atq. donorum cælestium occasione, vlla ei elationis vel exigua labes obreperet. *Quia* enim hac virtute clarissimus ille Angelus destitutus fuit, è summo dignitatis culmine in imū barathrū corruit: quoniam (vt est apud Ezechielē) eleuauit cor suū in decore suo. Paulo verò stimulus carnis dat<sup>9</sup> est, ne reuelationū magnitudinem extolleretur. Itaq. humilitas eius hoc carnis stimulo quodā

Bernard.

Luc. 1.

Luc. 1.

Dan. 10.

Simile.

Ezech 28

1. Cor. 22

modò iuvanda fuit, qui infirmitatē illi suam, & vitiatā naturā morbū quotidie ante oculos poneret. At purissimæ huius Virginis humilitas his stimulis non indigebat, quæ propter singularem matris dignitatis honorem crani impunitatis stimulo carere debebat; sed ea tamen humilitate fulcienda erat, quæ altissimam omnium virtutum & gratiarum fabricam firmissimè sustinere posset. Cum ergo hac rāta humilitate donata esset, ut ipsa sibi infimum inter omnes creaturas locum delegisset; an non turbari atque trepidare debuit, quæ se supra omnes feminas benedictam Angelica voce appellari audiuit, cum ipsa se in infimo cunctarū seminarū ordine per humilitatis spiritum collocasset? Verè enim humilī, ac de se humiliter ac demissè sentienti, nihil magis aut nouū aut incredibile est, quàm suas laudes audire aliudq. de se pronunciari, quàm quod ipse de se singulis penè horis ac momentis statuit. Nec solum hoc tanquam inopinatum & nouum, sed etiam tanquam valde periculotum exhorret. Sic enim qui diues auri & argenti est, vehementer timet, cum circa thesaurorum suorum apothecas fures circumcursare videt; ita verè humilis non minus trepidat, cum laudes suas audit, quas humilitatis (hoc est, maximi & incomparabilis thesauri) fures esse cognoscit. Vbi aliquando B. Bernardum (cum adolescens adhuc in sæculo degeret) dormientem impudica femina esset adorsa, ut illi violandæ castitatis occasionem præberet; pudicus adolescens voce magna clamasse dicitur, Latrones, latrones. Cumq. ad hanc vocem excitati famuli, lustrata domo, quæsitos latrones minimè reperissent, illumq. frustra clamasse contenderent; ille contrā: Verè, inquit, latro affuit, qui irreparabilem castitatis thesaurum furari voluit. Ut ergo impudica femina castitatis, ita humanæ laudes veræ humilitatis insidiosi atq. blandi fures sunt. Quid enim blandius, quid suauius, quàm suas quemq. laudes audire? Si enim cum laudes eorū audimus, quos charos habemus, nō veras modò, sed interdū etiam falsas, voluptatem capimus: quomodo quisq. laudes suas moleste ferat, cum se supra alios charissimū habeat? Quod cum facit, & se ipsum decipit, & humilitati aduersatur; cum iam non in Deo (cuius bona omnia sunt) sed in seipso gloriatur. Aduersus autē hoc furtū Propheta clamat: Popule meus, qui te beatum dicunt, ipsi te seducunt, & semitas gressuum tuorum dissipant. O quam delicata est, fratres, virtus humilitatis, quæ sæpe lenissima vanitatis aura, vel aliunde spirata, vel à nobis exorta, extingui solet! Quid enim aliud Pharisæus ille in Euangelio fecit, quàm quod gratias Deo egit, quod his flagitiis careret, à quibus longissimè aberat, & solida virtutum suarum officia recenseret? & in ipsa tamen gratiarum actione locū inuenire superbia

Bernard.

Isaie 3.

Lucæ 18



perbia potuit. Est enim subtilissimus superbiæ status: cui quamvis diligenter aditus omnes obstruas, si vel vna ei rimula pateat, illa intrat, illa penetrat, & incomparabili humilitatis thesauro hominem spoliat. Quocirca hostis hic adeo perniciosus centenis est oculis observandus, & omnis cogitatio, quæ laudis, vel virtutis, vel exultationis aliquid nobis tribuat, tanquam dira pestis, & quædam gehennæ scintilla, sine vlla mora est à nobis excutienda.

Quæ cum ita sint, non mirum, si humillima Virgo audiendis laudibus suis turbatur ac timeret, quas humiliatris (hoc est, inæstimabilis thesauri) fures esse sciebat. Vtinam Reges omnes & Principes viri, qui tor adulantium greges post se trahunt, vel hoc vnum ab hac sanctissima Virgine discerent, ut ad laudes suas, vel Angelico etiam ore prolatas, trepidi semper, pauidique subsisterent. Hoc certè cõstat, humanas laudes instar vini meri esse, quod Principum mentes inebriat, eosq; sibi ipsis eripit, & à verissima sui cognitione abducit. Denique gravissimus Stoicorum Philosophoru Seneca, cum omnia in opulentorum atq; felicitum domibus esse fateatur, veritatem tamen, pulcherrimum Dei munus, ab eorum auribus quàm longissimè abesse testatur. Eius hæc verba ad Liberalem amicum sunt: Mõstrabo tibi cur Seneca  
ius rei inopia laborant magna fastidia, & quid omnia possiden- in Epist.  
tibus desit. Ille, scilicet, qui verum dicat, & hominem inter mē-  
tientes stupentē, ipsaq; consuetudine pro rectis blanda audien-  
di, ad ignorantiam veri perductum, vindicet à contemptu fal-  
forum. Non vides quemadmodum illos in præceps agat extin-  
cta libertas, & fides in obsequium servile submissa: dum nemo  
ex animi sui sententia suadet dissuadetq; (sed adulandi cer-  
tamen est, & vnum amicorum omnium officium, vna conten-  
tio, quibus blandissimè fallant.

Sed ut eò, unde digressa est, oratio redeat; cum Angelus trepidationem Virginis intellexisset, metum illi omnem his verbis adimit: *Ne timeas Maria; inuenisti enim gratiam apud Deum.* Rectè ait, Inuenisti. Ea enim inuenire dicimur, quæ aliud agētes, non tam quæ sita quàm oblata deprehendimus: quomodo Euangelicus ille fossor thesaurum in agro, quem non quærebat, inue- Mat. 13.  
nit. Quod ideo dicimus, quia maternæ dignitatis gratia à sacra Virgine (ut ita dicam) inuenta est, non quæ sita. Ea enim dignitatis huius magnitudo est, ut potuerit quidem inueniri, non tamē vllis meritis ex æquo dari. Nulla quippe sanctitas adeo eximia, nulla merita, quam liber maxima, esse potuerunt, quibus hanc tantam gloriam vlla creatura ex condigno (ut loquuntur mereri potuisset. Quod autem merita superat, diuina gratia largitur; quæ plura donare potest, quàm iustitia nostra pro-  
mereri,

Simile.

mereri. Sicut enim infinitis partibus misericordia Dei peccata omnia superat: ita eius liberalitas merita omnia longissimo intervallo vincit: hoc est, sicut infinitis partibus plus est quod Deus ignoscere, quam quod fragilis homo peccare potest; ita longè plus est quod Dei gratia donare, quam quod iusti hominis labor & industria mereri potest. Nec enim ea meritis hominum (quæ exigua sunt) alligata semper est, sed ab ineffabili Dei bonitate pendet, quæ immensa est. Rectè ergo Angelus, *Inuenisti, ait, gratiam apud Deum*: quia ad eam dignitatis magnitudinem euecta es, quæ merita omnia (ut paulo antè exposuimus) superat, quamque sola diuinæ bonitatis largitas donare potuit. Quid verò hæc tanta gratia contineat, exponit protinus cum ait:

*Ece concipies in utero. & paries filiū, & vocabis nomen eius Iesum. Hic erit magnus, & filius Altissimi vocabitur, & dabit illi Dominus Deus sedē David patris eius. & regnabit in domo Iacob in eternū.* Hic locus exigit, ut cuiusmodi hoc Christi regnum sit, exponamus. Constat igitur domum Iacob & Israëlitis, Ecclesiam Christi esse) ex veris Israëlitis, (hoc est, ex iis qui Israëlitis fidem sectantur, constaram. Si enim Israëlita est, qui genus, hoc est, carnem & sanguinem ducit ab Israël; quomodo Israëlita non erit, qui spiritum & mentem habet Israëlitis? Illum autem Apostolus designauit, cum ait; Videte Israël secundum carnem; hunc autem Saluator ostendit, cum viso Nathanaële dixit: Ecce verè Israëlita, in quo dolus non est. Ille enim carnem & sanguinem, hic fidem & spiritum ab Israël fortitur. Quare sicut magis beati Dominici vel Francisci filij dicendi sunt, qui eorum spiritum hauserunt, & mores imitantur, (cuiuscunque status aut ordinis existant) quam qui in eorum solūmodo instituta iurant, illorumque habitu vestiuntur: ita magis Israëlitis aut Abraham filij censendi sunt, qui eorum fidem & pietatem referunt, quam qui ab eis originem ducunt. Constat item, regnum Christi, de quo Angelus hoc loco mentionem facit, spirituale & æternum esse. Huius autem regni proprium est, spiritualibus atq. diuinis opibus homines locuplerare, eosque à veris malis eripere, sanctissimisque legibus ad optatum sempiternæ felicitatis finem dirigere. Quæ omnia nobis Christus Dominus cumulatissimè præstint. Ipse enim nos à veris malis, hoc est, à peccato, gehenna, & inimicitia Dei liberauit; & ita liberauit, ut omnia diuini furoris tela in nos intenta, in se vnus exciperet. Eius enim est illa vox: Omnes gurgites tui & fluctus tui super me transierunt. Ipse etiam iustissimis legibus vitam nostram regit ac moderatur; quodque maius est, non scriptis legibus modo (littera enim occidit, spiritus autē viuificat) sed Spiritu suo nos in cælū dirigir,

1. Cor. 10.

Ioan. 1.

Simile.

Iona 2.  
1. Cor. 3.

git, & vitæ cælestis monstrat iter, non solum erudiens mentem ad salutem, sed etiam voluntatē, ad id quod salutare est, stimulan- & excitans: vtrumq. enim Spiritus Christi officium & munus est. Qui enim oculos docet inter varias herbas saluta- res eligere, noxias respicere; & lupum quidem hostem, canem verò lupo similem, amare: idem singulari providentia pios om- nes interno quodam afflatu, vitiorum odium, & virtutum amo- rem illorum mentibus ingenerat: idemq. ipsos, dæmonem hor- rere, Deum diligere, terrena despicere, & ad cælestia semper ad- spirare docet. Qui enim sit, ut vir pius mille mortes prius subi- re, quàm mortiferum crimen committere paratus sit, nisi quòd hic Spiritus cælestis tantam illi peccati deformitatem ostendit, tantumq. adversus illud inspirat odium, ut si hinc gehennæ ignem, inde lethale peccatum ante oculos ponas, in ignem ma- gis irruere, quàm in huiusmodi peccatum incidere malit. His ergo rationibus Christus Dominus in cælo residens, Ecclesiam suam ductu atq. imperio sempiterno regit & moderatur. Quos enim semel visibili corporis præsentia reliquit, Spiritus sui du- ctu nunquam deserit: hoc enim nobis solatium, è mundo abiēs, cum dixit; Ecce ego vobiscum sum omnibus diebus, Mat. 28. usque ad consummationem sæculi. Et alio in loco: Non vos, in- Ioan. 14. quit, relinquam orphanos; vado & venio ad vos. hoc est, Nun- quam vos deferam, sed semper inuisam, semper tuebor, semper quæ vestra sunt curabo. Ita fit, ut quisque nostrum cum Pro- pheta dicere possit: Ego quidem mendicus sum & pauper, Do- Psa. 39. minus sollicitus est mei. Quid ergo mihi tali providentia tecto vel obesse poterit vel deesse, nisi ipse mihi desim? Hoc est au- tem regnum illud quod quotidie in oratione Dominica ad nos venire precamur: hoc enim à Deo petimus, ut non iam caro & sanguis, non cupiditatis tyrannis, non terreni affe- ctus, non propria voluntas, non denique mundus ipse, (hoc est, mundi leges atque iudicia) sed Dei Spiritus in nobis regnum obtineat, & clauum vitæ moderetur, ut ab his impuris atque sæuissimis dominis manumissi, eius solum legibus & Spiritu dirigamur: Venit enim (ait Bernard.) auaritia, & vindicat in me sibi sedem; iactantia cupit dominari; superbia vult mihi prin- cipari; luxuria dicit, Ego regnabo; ambitio, detractio, invidia & iracundia certant in me ipso de me ipso, cuius ego potissimum esse debeam. Veni ergo, Domine Iesu, & disperse hostes meos in virtute tua; quia tu es Rex meus, & Deus meus. Hoc est ergo regnum Christi, quod perpetuo mansurum, & Ange- lus hoc in loco Virgini, & sanctus Daniel, ceterique Prophe- tæ multis in locis cecinerunt: quia nunquam in Ecclesia piæ mentes deerunt, quæ, rebus omnibus sæculi contemptis, se totas

Simile.

Mat. 28.  
Ioan. 14.

Psa. 39.

Mat. 6.

Bernard.

Dan. 7.



252 IN ANNUNCIATIONE DOMINICA  
 totas diuinis legibus, diuinoque Spiritui regendas tradant.

His igitur tam magnis mirandisque promissis auditis, sacra Virgo in id præcipue oculos coniecit, quod prima fronte, quam Deo seruauerat, pudicitiam lædere videbatur; ideoque ait: *Quomodo fiet istud: quoniam virum non cognosco.* Quæcunque alia virgo hoc cælesti oraculo, cælestiq. nuncio audito, nihil quereretur, nihil hæsitaret, nec de iactura pudoris, Deo imperante, sollicita esset; sed magis de hac singulari felicitate iucunditatem, quàm de iactura virginis dolorum caperet: nostra tamen Virgo, ut prudentissima, ita puritatis amantissima, non tam de felicitate sua læta, quàm de iactura pudoris anxia, prudentissimè quærit; *Quomodo fiet istud: quoniam virum non cognosco.* Quibus verbis nequiqua se diuinæ voluntatis imperio subtrahit, sed tamen propositi sui firmitatem declarat, ut ne hac tam magnifica promissione commota (si id quidem illi per Deum liceret) ab eo retrocedere vellet. Quæ quidem tam admiranda Virginis stabilitas atq. constantia nostram facillè arguit leuitatem & inconstantiam; qui stipula leuiore, quouis flatu huc & illud agitatur: nec in iis, quæ quotidie coram Deo proponimus, firmitatem vllam retinemus, sed leuissimis de causis ab intentionis nostræ proposito deducimur. Quo fit, ut quotidie incipientes atq. dicentes, nunquam ad scientiam veritatis perueniamus. Sola enim perseverantia indefessumque proficiendi studium, hominem ad perfectionis culmen perducit, solaque coronatur.

Bernard.  
 super  
 Missus  
 est.

D. autè Bernard. hoc Virginis respõsum sic explanat, ut illam dicat non de facto dubitasse, sed modum & ordinem requisisse. Nec enim quærit, an fiat istud, sed quo modo fiet: eius hæc verba sunt: Cum sciat Dominus meus votum esse ancillæ suæ, non agnoscere virum; quo ordine, qua lege placebit ei, ut fiat istud? Si oportuerit me frangere votum, ut pariam talè filium; & gaudeo de filio, & doleo de proposito. Hastenus ille. Fateor hoc in loco, fratres, sepe me hanc D. Bernard. explanationem in magnam admirationem adduxisse, & inestimabilem Virginis huius puritatem ante oculos posuisse. Quid enim immensa Dei opulentia in hoc genere maius habuit quod huic Virgini conferret? Hac enim maternitatis dignitate, nulla dignior in femina aut esse, aut animo fingi potest. Audit ergo quæ tenera puella, humili fabro desponsata, se in Dei omnipotentis matrè, in hominum Angelorumque Reginam, in mundi & calorum Dominam eligit; atq. (ut vno verbo finiam) in hac tanta cælestium atque terrestrium rerum vniuersitate proximè sibi locum post vnicum Dei Filium assignari. An non ergo æquum esse videbatur, ut hæc tanta dignitas amittendi pudoris (si is fortè amittendus esset) memoriam omnem ex eius animo deleteret, quæ tam singu-

singulari dignitatis honore pensabatur; præsertim cum ad hoc ipsum diuinæ voluntatis cōsensus & imperium accederet? Hæc planè nostra sententia, hoc iudicium foret: alius tamè animus, alia mens, aliud consilium immaculatæ Virginis extitit. Tantus enim medullis eius virginittatis amor infederat; tantumque in hac virtute pulchritudinis & dignitatis esse iudicabat, tamque ardenti eius dilectione rapiebatur, vt ne hac tanta dignitate (qua nulla post sacram Christi humanitatem maior excogitari potest) oblata, mœrorem omnem amissi pudoris, si is forsitan (vt dixi) amittendus esset, ab eius animo excutere potuisset. Quam quidem puritatem atque animi firmitatem adeo diuinæ maiestatis oculis gratam fuisse credo, vt, si matris Dei dignitas virtutum meritis obtineri potuisset, huius certè operis merito obtinenda fuisset. Quo in loco meritò aduersus impudicos omnes indignari & exclamare possemus, qui inæstimabilem castitatis thesaurum vilissimis pecudum voluptatibus cōmutare non verentur: O stulti mercatores! ô detestandū cōmercium! ô cæci & amentes homines! Certè si non humano sensu, sed pondere sanctuarij (hoc est, diuino iudicio) castitatis dignitatem appenderetis, tanti eam faceretis, quanti hæc prudentissima Virgo fecit; quæ cælesti lumine illustrata, virtutis huius dignitatem, candorem, pulchritudinem, suauissimum odorem, & Angelicam puritatem ita agnouit, vt nullis, nec terrenis, nec cælestibus eam opibus velleret commutare. Tu verò miser & amens, vilissimo illam pretio venalem habes; imò & te ipsum atque animam tuam vendis, & miseræ seruituti & captiuitati, nunquam fortasse dissoluendæ, addicis. Sic enim legimus: Pretium scorti vix est vnus panis; mulier autem viri pretiosam animam rapit. Rursus hæc, Inueni, ait idem Salomon, amariorem morte mulierem, quæ laqueus venatorum est, & sagina cor eius, viscera sunt manus illius. Hinc etiam colligere licet, quantum pia mens distat ab ea quæ Dei Spiritu destituta est. Olim quidem Iephthe Dycis filia, quod intacta & innupta esset moritura, duorum mēsum inducias à patre poposcit, vt virginittatem suam in montibus cum sodalibus suis fieret. Itaque se miseram lamentabatur, non quod virginittatem amisisset, sed quod amittendi causam non haberet. De corruptione igitur, quam in futuris nuptiis sperabat, gauisura esset, quæ tunc virginittatem descebat. Atque hic quidem est animus, hic affectus eorum qui humano spiritu & sensu ducuntur: verum qui Dei Spiritu agnuntur, aut Virginis exemplo incorruptam virginittatem perpetuò seruant, aut malè amissam perpetua lamentatione deploant.

Quid ergo ad hæc Virginis interrogationem Angelus? *Spiritus.*

Prou. 6.

Eccle. 7.

Iudic. 10.

tus, ait, *sanctus superueniet in te, & virtus Altissimi obumbrabit tibi. Ideoq; quod ex te nascetur sanctum, vocabitur Filius Dei.* Cūque exemplo sterilis Elizabeth huius admirandæ veritatis fidem fecisset, beatissima Virgo nihil morata, cælesti legationi consensum summa cum humilitate præbuit. Ecce, inquit, *ancilla Domini: fiat mihi secundum verbum tuum.* Quo vno verbo, salutis & redemptionis humanæ opus, cunctis retrò sæculis desideratum, hodierna die feliciter cœptum est.

Lucæ 1.

Quid ergo nunc superest, fratres, nisi vt finem principio iungentes, cū à diuinorum beneficiorum cōmemoratione cœperimus, in eam tandem redeamus. Immortales ergo pro hoc tanto beneficio; non solum Virgini, sed multo magis Saluatori nostro gratias agamus, & cū Zacharia suauissimū illud canticū concinamus: *Benedictus Dominus Deus Israël: quia visitauit, & fecit redemptionem plebis suæ. Quod si hanc tantam animi gratitudinem sanctus hic sacerdos pro hoc communi beneficio ostendit; quid beatissimam Virginem hodie fecisse credendum est, quæ tanto maiori communis salutis desiderio flagrabat; quæq; cū maxima sua gloria totius generis humani salutem coniunctam esse videbat? Quas illa hodie laudes Deo cecinit? quas pro hoc tam ineffabili mysterio gratias egit? quo deuotionis & charitatis affectu in Deum exarsit? quo stupore in admirationem tantæ bonitatis suspēsa fuit? Quis autem verbis consequi, vel cogitatione complecti possit, quo affectu, quo iubilo cordis, quo ardore charitatis, Canticum illud paulo pōst cecinit;*

Luc. 2.

*Magnificat anima mea Dominū, Et exultauit spiritus meus in Deo salutari meo: Quantum, quæso, beata Virgo, Dominum magnificabas, qui tā magna in te fuerat operatus! quātum exultabas in Deo, quæ non vt Deum modò, sed vt filium, supra omnes filios dilectum, incredibili amore diligebas! Nec enim dignitatis tuæ ignara eras; vtpote quæ ab Angelo edocta fueras; quam etiam mundo nō ignotam fore vaticinata es, cū te à cunctis generationibus beatam esse prædicādam verissimè prædixisti. Quis autem huius vaticinij veritatem non miretur, cū sponsa humilis fabri in angulo Iudææ posita, id sibi tribuendum dicat, quod nullis in orbe Regibus aut Reginis, imò nulli creaturæ hactenus tributum est? Beatam enim hanc Virginem vīq; hodie prædicant & fideles, & hæretici, & Mahometani item atque immanissimi etiam Turcæ Mariam prædicant, Mariæ laudes resonant, Mariæ dignitatem & sanctitatem in cælum tollunt. Generationes igitur omnes linguis, moribus, legibus, religione, fide, & capitali odio inter se dissidentes, in hoc vnum tamen pari mente conspirant: tanto Christus matrem suam honore celebrari voluit. Agamus ergo Redemptori gratias: primum, quod*



quod vitam nobis initio conditionis nostræ donauit; deinde, quod eandem per peccatum amissam restituit; ac postremo quod vitam suam impendit, quo nostram nobis redderet. Datus ergo mihi & redditus (vt D. Bernard. ait) me ipsum totū de-  
 beo, & his debeat. Quid verò pro nobilissima illa Dñi mei vita  
 Bernard.  
 (qua in vitâ redditus sum) exoluā? Quid enim sum ego ad Do-  
 minum meū? Quantum ergo nefas est, vitā, quam illi tot no-  
 minibus debeat, mundi & carnis, hoc est, turpissimorum domi-  
 norū seruituti addicere, & à diuino imperio subtrahere! Quod  
 autem furtum execrabilius, quā id velle Deo eripere, quod  
 tot ei nominibus debitum est? In hoc enim (vt Apostolus ait)  
 Christus mortuus est, vt viuorum ac mortuorum dominetur; Rom. 14.  
 vt, qui viuunt, iam non sibi viuunt, sed ei qui pro ipsis mortuus  
 est. Cuius autem periculi sit, hoc officium, tot nominibus debi-  
 tum, præstare nolle, idem Apostolus declarat his verbis: Irrita  
 Hebr. 10.  
 quis faciens legem Moyse, absque vlla miseratione duobus vel  
 tribus testibus moritur. Quanto ergo deteriora mereri putatis  
 supplicia, qui Filium Dei conculcauerit, & sanguinem testa-  
 menti pollutum duxerit, in quo sanctificatus est, & Spiritui gra-  
 tiæ contumeliā fecerit? Huius ergo tanti mali vitandi gratia,  
 fratres, diuina nobis quotidie beneficia ob oculos ponuntur, vt  
 amore tanti Redemptoris incensi, illum ante oculos semper  
 habeamus, illum inis præcordiis infigamus, illum dies noctes-  
 que cogitemus, illius præceptis pareamus, illum denique tan-  
 quam verum salutis nostræ auctorem, & certissimum vitæ du-  
 cem, sequamur, vt illius vestigis insistentes, cum eo in cælesti  
 gloria perpetuò regnare mereamur.

IN EODEM ANNUNTIATIONIS  
 DOMINICÆ FESTO, CONCIO SECUNDA:  
 in qua lectio Euangelica explanatur.

THEMA. *Ecce concipies in utero, & paries filium, &  
 vocabis nomen eius Iesum. Luca 1.*



**S**I QVIS verè latus & faustus dies mundo hacten-  
 us illuxit, hic certè vnus est, in quo mala generis  
 humani finē, & bona omnia felicissimū sumpserē  
 principiū. Hodie re adeo mirabilē & nouā mun-  
 dus audiuit, vt eā nulla nec hominū nec Angelorū  
 cogitatio, nisi Deo reuelāte) aut sperare, aut credere posuisset;  
 nempe sum mū illū hominū & Angelorū Dominum (ad cuius  
 nutum

nurum columnæ cæli contremiscunt, quem laudat astra matutina, cuius pulchritudinem Sol & Luna mirantur) mortale hominem, similemque nobis passibilem effectum esse. Quid igitur hoc miraculo maius? quid hoc mysterio sublimius? quid hoc beneficio mirabilius? Sicut enim inter infaustos huius mundi dies (qui multi quidem olim fuerunt, & multi adhuc futuri expectantur) nullus funestior illo fuit, in quo callidus serpens primam feminam decepit, eique poculum mortis propinauit: ita inter faustos sæculi dies vix ullus eo felicior extitit, in quo Angelus sacram Virginem Dei iussu conueniens, & illi & nobis omnibus vitæ fructum obrulit. Merito ergo dies hic felicissimus nobis & celeberrimus esse debet. Caterum ea in re mirè quidè diuinæ sapientiæ consilium elucet, quod hac potissimum ratione salutis nostræ consuluit, ut quemadmodum femina ruinæ nostræ causa existit, ita femina salutis nostræ ministræ esset: ut, sicut illa mortis venenum toti mundo porrexit, dum viro obtulit, in quo vniuersum genus hominū erat; ita femina esset, quæ toti mundo vitam largiretur, dum Christum peperit, qui vitæ nostræ auctor & instaurator est. Itaque maledictio quæ in mundum inuecta fuit per Euam, hodie sublata est per Mariam. Iam ergo (ut D. Bernardus ait) non habes homo, cur de Deo queri possis, curve dicas: Mulier quam dedisti mihi sociam, dedit mihi de ligno, & comedi. Hæc enim fuerunt verba malitiæ, ad excusandas excusationes in peccatis, quæ iram magis quam misericordiam prouocarēt. Sed ne hoc ipsum iactare possis, datur tibi hodie femina pro femina, humilis pro superba, quæ pro ligno mortis, gustum porrigat vitæ. Muta ergo iniquæ excusationis verbum in vocem gratiarum actionis, & dic: Mulier, quam dedisti mihi, gratia plenam, dedit mihi de ligno vitæ fructum benedictum, & comedi, & dulce factum est super mel osi meo, quia in ipso vinificasti me. De hoc igitur salutis nostræ beneficio hodie dicturi, cælestem opem, eiusdem beatissimæ Virginis interuentu, suppliciter imploremus:

Genes. 3.

Bernard  
Gen. 3.

Psalm. 140.

## A V E M A R I A .

Quoniam exordium redemptionis nostræ hodierna die celebramus; libet, fratres, Evangelicam lectionem, quæ huius mysterij narrationem continet, Domino aspirante, explanare.

*Missus est Gabriel Angelus à Deo in civitatem Galilæe.* Hunc Angelum non ex infimis, sed summis illis ordinibus extitisse, non solum D. Bernardus, sed multi etiā sanctorum Patrum arbitrantur: quod & ipsius quoque nominis interpretatio (interpretatur enim fortitudo Dei) & legationis dignitas faciliè declarat. Nec enim hoc tantum munus, quo salus & instauratio mundi continebatur, nisi summo alicui auncio committi debuit; præ-

fertim

tertium cum iuxta Patrum traditionē inferiorū Angelorum sit, minora; Archangelorum autem, maiora nūciare. Nullū autem nunciū hoc neq. maius, aut mirabilius, aut mundo salutaris hactenus annūciatū fuerat. Vnde colligere possumus, & Angelos, & sanctos item homines, quō Deo propiores sunt, eō magis quæ nostra sunt, curare, magisq. nobis omni ratione cōsultare. Quo enim Deo sunt coniunctiores, eo magis immensam illius charitatem, benignitatem, & misericordiā referūt. Quæ ex re facile mihi persuadeo, sanctissimā Virginem, quæ charitatis virtute sanctos omnes superauit, in hoc diuinæ incarnationis mysterio, non tam de sua dignitate, quā de nostra salute exultasse; nec tam pro beneficio sibi collato, quā pro mundi redemptione communi Domino gratias egisse. Vnde colligere licet, fratres, eos quos proximorum mala non tangunt, qui alienis miseriis non cōmouentur, qui illis, pro facultatibus quisque suis, subuenire negligunt, qui saluis rebus suis, si omnia funditus corruant, nihil ad se pertinere putant, lōgissimē à Christiana charitate, imō à Deo ipso distare, quando & Angeli, & Sancti omnes, quō Deo viciniore, hoc communis salutis & publicæ utilitatis sunt audiores, cum diuinitatis natura, bonitas, benignitas, & misericordia sit. Sed ad historiam redeamus.

Hic ergo insignis Angelus à Deo mittitur in ciuitatē Galilee, ad virginē desponsatam viro, cui nomen erat Ioseph. Quæ fuit necessitas, vt quæ illibata virgo futura erat (qualem esse Dei matrem decebat) viro desponsata esset? Multæ sunt causæ, sed illa tamen præcipua, quā D. Ambrosius asserit: quod hac ratione Dominus genitricis suæ honori & famæ consultū esse voluit, ne videlicet sacer ille partus dedecoris & infamiæ notam aliquam virginī, quamuis falsam, inureret. Ita factum est, vt Virginis filius sicut matris integritatem nascendo nō minuit, sic nec eius gloriam aliqua dedecoris labe asperferit: nec enim in hoc venerat, vt quæ nostra essent minueret, sed vt ea nouis accessionibus aucta cummlaret. Hac etiā ratione parum prouidis & incautis virginibus excusatio omnis adempta est, ne hoc leuitatis & licentiæ suæ solatium habere possent, quod ipsa quoq. mater Domini infamata fuisset. Vera enim virginitas non minori penē cura famā pudoris, quā pudorem ipsum seruare studet: hoc, ne puritatis amatori displiceat; illud, ne hominum oculis offendant, & aliis exemplo suo, vel obsceni rumoris, vel impudici operis occasiōem præbeat. Habet enim illud Apostoli semper ante oculos, Rom. 12

Prouidentes bona, nō solum coram Deo, sed etiam coram omnibus hominibus. Quod præceptū cum ad omnes omnibus in rebus pertineat, tū ad feminas & virgines magnopere spectat. Pudica enim femina vt corporis castitatē, ita nominis integritatem



258 IN FESTO ANNUNTIAT. DOMINICAE  
tatem summa cura tueri debet. Hinc Philosophus quidam ro-  
gatus, quæ esset pudica femina; sapientissimè respondens, Illa,  
inquit, de qua mentiri fama veretur.

Vbi verò celestis nuncius ad Virginem venit, eamq. vt futu-  
ram Dñi sui matrem, honorificentissimis verbis salutasset, gra-  
tiam plenam, & super omnes mulieres benedictam appellans: sa-  
cra Virgo his nouis titulis & laudibus adeò delectata non fuit,  
vt etiam turbaretur ac trepidaret, & intra se tacita cogitaret,  
quid noui isti tituli & laudes sibi vellēt: quas illa, vt verè humi-  
lis, in se non agnoscebat. Maria namq. non minus humilitate  
quàm virginitate, ceterisq. virtutibus, eminebat. Imò verò quo  
magis cæterarum virtutum amore flagrabat, eo magis humili-  
tatem colebat, quæ & ipsius virginitatis & cæterarum virtutum  
custos existit. Hinc sancti Patres asserere nō dubitant, Mariam  
virginitate quidem concepisse, humilitate autem placuisse;  
eiusque humilitatem scalam fuisse ( vt D. Augustinus ait) qua  
Deus ad homines descenderit. Hac autem virtute diuinus Spi-  
ritus mentem eius potissimùm exornauit: quia cum Virgo vir-  
ginum, hoc est, virginitatis exemplar, in Ecclesia constituenda  
esset, decuit planè illam virtutē in ea maximè elucere, quæ vir-  
ginitatis comes indiuidua esse debet; sine qua virginitas adeò  
non placet, vt etiam magnarum ruinarum occasio sit. Minus  
enim periculi est in humili culpa, quàm in virginitate superbia.  
Superbia enim effecit, vt quinque illæ fatuæ virgines ab ipsis  
cæli foribus repulsæ fuerint; quia (vt D. Chrysost. ait) magnum  
virginitatis consilium seruantes, paruū humilitatis mandatum  
seruare neglexerūt. Superbia quippe virginitati insidiatur, quæ  
& alios contemnere, & sibi nimium tribuere suadet. Quocirca  
virgines illud Apostoli consiliū ante oculos semper habere de-  
bent: Qui nō manducat, manducantē nō spernat: hoc est, Qui  
in vna aliqua virtute præcellit, nō protinus eos despiciat, qui ea  
destituti sunt. Fieri enim potest (& id quidem non rarò) vt qui  
in vna aliqua virtute alios vincit, in multis ab aliis superetur.  
Quamobrem virginitas, tanquā vallo quodam, humilitate sepi-  
eda est, ne per superbiam ruat. Alia enim vitia virtutibus ex-  
tinguuntur, sola autē superbia & inanis gloria est, quæ, nisi di-  
ligenter prospicias, virtutum aliarum accessione pinguescat, &  
quodammodo vires colligat. Eo ipso enim homines supra alios  
efferuntur, quòd multis eos virtutibus antecellant. Quia ergo  
virginitas humilitatis præsidio sepieda est, Spiritus ille celestis,  
certissimus virtutum magister, quam virginitatis exemplar in  
Ecclesia statuebat, perfectissimæ humilitatis exēplum esse vo-  
luit. Ideoq. non mirum si ea laudes angelico etiam ore prolatas  
audiens, turbetur ac timeat; quia verè humili nihil magis aut  
nouum,

August.

Mat. 25.

Chrysost.

Rom. 14.

nouum, aut timendum est, quàm suas laudes audire.

## I.

Sed quæret fortasse aliquis, quoniam modo humilis corde sanctissima Virgo esse potuit, quæ peccati omnis expers erat? Cum enim in hoc sita esse humilitas videatur, ut se homo vilissimum peccatore credat, qui, instar illius Euangelici publicani, ne oculos quidē ad cælū leuare audeat: quomodo sacra Virgo peccatricem se crederet, quæ nullius sibi peccati cōscia erat? Vera enim & solida virtus non deceptione & mendacio (quod fragile fundamentum est) sed veritate niti debet. Ad hoc igitur sciendum est, non solum admissi sceleris conscientiam, sed multo magis paupertatis suæ certissimam cognitionem virtutis huius solidum fundamentum esse: hoc est, ut homo inopiam & nuditatem suam, imò & nihilum suum apertissimè cognoscat, videatque, se quidem ex se nihil esse, nihil Deo dignū sapere, nec aliquid boni ex se, tanquam ex se, cogitare posse; ac denique nihil sibi vel in bonis naturæ vel gratiæ arrogare, sed omnia Deo, bonorum omnium fonti, demisso cordetribuere, nec aliquid, nisi nihilum ipsum, suum esse ducere; quidquid verò supra nihilum est, alienum esse, hoc est, gratuitum Dei donum esse. Hac cordis humilitate ipsæ quoque Angelicæ mentes (quæ ab omni peccato immunes semper fuerunt) & Sancti omnes, qui in cælo sempiterna felicitate fruuntur, præditi sunt: quia quicquid habent, quidquid sunt, clarissimo intuitu Dei esse cognoscunt, & illi tribuunt, illi acceptū ferunt, illi continēter pro eo gratias agūt, illi se totos profunda humilitate, & æterna seruitute submitunt; atque ita demum in se humiles, erga Deum verò grati atque deuoti persistunt. Quod quidē Ioannes in Apoc. appositissima imagine repræsentat, qui illos quatuor & viginti seniores Deo assidentes, aut ante eius thronū procidisse, & coronas aureas, quibus eorum capita redimita erant, ante pedes eius proiecissee; hoc ipso opere profluentes, se & coronas aureas, & regiam dignitatem & gloriā ab eo percepisse, ideoque totos sese illi submittere, & pro hoc tanto munere gratias agere: quæ omnia veræ humilitatis officia sunt. Hanc ipsam cordis humilitatē supra cunctos etiā Angelos retinuit ille qui ait: Discite à me, quia mitis sum, & humilis corde. Non solum enim humili corporis obsequio, sed interna quoque animi submissione humilis erat; & ita humilis, ut quo propior sempiterno Dei Patris Verbo secundum humanitatē erat, clariūq. immentum illud lumē videbat; eo etiā clariū vniuersam illam cælestiū donorū atque gratiarum opulentiam, quā perceperat, gratis se à Deo Patre recepisse intelligeret; & ab eo se ita pendere videret, ut ipsum quidem esse, quo lacra illa humanitas subsistebat, non à se, sed à Verbo, cui

Apoc. 4.

Mat. 12.

vnita erat, mutuatū cognosceret; ita, vt si ab illo dimitteretur, in nihilū protinus recideret. Quo clariū autē anima illa sanctissima hæc omnia cognoscebat, eo & humilior erat, seq. submissiūs ante illius tremendæ maiestatis conspectū demittebat. Hoc est

Isai. 11.

enim quod Vates sanctus significare voluit. cū dixit: Replebit eum Spiritus timoris Domini. Hāc igitur cognitionem secundo loco beatissima Virgo post filium habuit, ideoq. supra creaturas omnes humilitatis virtute excelluit, quamvis peccati omnis expers fuerit. Satis enim ad hanc virtutem retinendam erat clarissima illa cognitio, quæ, quicquid erat, Dei donū esse apertissime nouerat. Quam quidem cognitionem profunda quadam submissio, mentis denotio, aidentissimus amor, & gratiarum actio cōsequebatur. Hoc autē cū ex aliis scripturæ locis,

Bernard.

tum præcipuē ex visitatione Elizabeth D. Bernardus colligit his verbis: Ventum est ad Elizabeth, & cōtinuō Virginis gloria singularis eidē per Spiritū reuelatur. Deniq. & mirabatur personam venientis, dicens: Vnde hoc mihi, vt veniat mater Domini mei ad me? Commendabat & vocē salutantis, adiciens: Vt facta est vox salutationis tuæ in auribus meis, exultauit in gaudio infans in utero meo: & beatificabat fidē credentis; Beata, inquiens, quæ credidisti, quoniam perficientur in te quæ dicta sunt tibi à Dño. Magna quidem præconia, sed & deuota humilitas, nihil sibi passa retinere, in eum magis vniuersa refudit, cuius in se beneficia laudabantur. Tu, inquit, magnificas matris Domini, sed magnificat anima meā Dominum. In voce tua filium tuū perhibes exultasse, sed exultauit spiritus meus in Deo salutari meo. Beatam esse dicis quæ credidit; sed credulitas, & beatitudinis causa, respectus est supernæ pietatis; vt ex hoc magis beatam, me dicant omnes generationes, quia ancillam humilem & exiguum respexit Deus. Hactenus Bernardus.

Lucæ 1.

Verū his iactis fundamētis; quinam surculi ex hac humilitatis radice nascantur, paucis aperiamus, quo ad virtutis huius amorē accedamur. Primū igitur ex hac clarissima paruitatis suæ ac diuinæ gratiæ cognitione oritur contemptus atq. despicientia sui; in qua (vt D. Thom. ait) humilitas ipsa consistit, quæ in voluntate, tanquam in subiecto, sedē habet; ideoq. humilitatem D. Bernardus sui ipsius despicientiam esse ait; quæ ex verissima sui cognitione proficiscitur. Secundus verō surculus est, diffidentia sui, ex hac ipsa cognitione procedēs. Qui enim nihil se esse verē cognoscit, quid habet, cur sibi vni citra Dei opē fidere debeat? Terrius, qui hūc sequitur, est, eū sibi ipsi homo fidere nō audeat, quærat deinde, cui tutō fidere possit; cui præstō fides adest, fiducia illi subministrans, quæ diuina misericordia, eiusq. pietate nititur. Solius enim Dei est propria virtute niti, solusq.

S. Thom.

Bernard.

cur.



cui tutò homines fidere possint: cætera quippe humana præsidia, vt instabilia, ita sunt incerta, infida, fragilia & spes nostras sæpe fallentia. Quartus est, humilis & fidelis erga Deum conuersio, & oratio: qua, qui nihil sibi tribuit, nihilq. se per se posse cognoscit, suppliciter & fidenter opẽ eius implorat, in quo vno fiduciam suã, certamq. salutis spem repositam habet. Quintus est, gratiarum actio, & vox laudis. Cum enim pius homo vel è malis emerit, vel egregium aliquid molitus est, non habet cur hoc sibi sumat, qui se nihil esse cognoscit, sed totum hoc vni illi tribuit, à quo est omne datũ optimũ, & omne donũ perfectum; *Iacob. 1.* ideoq. deuotissimo affectu se totũ in laudes eius effundit, cuius beneficio salutem se retinuisse cognoscit. Sextus est, non in se, non in creaturis, sed in vno Deo gloriarı atque lætari, & cum Propheta dicere: Ego autem in Domino gaudebo, & exultabo *Abac. 1.* in Deo Iesu meo. Et illud itẽ: Fortitudo mea, & laus mea *Psal. 117.* Dominus, & factus est mihi in salutẽ. Ad hoc autem verum & solidum gaudium pios omnes idem Propheta inuitat, cum ait: Lætamini in Domino, & exultate iusti, & gloriamini omnes re- *Psal. 31.* ã cordẽ. Quod perinde est, ac si diceret; Lætent alij opes suas, nobilitatem, potẽtiã, clientelas, corporis vires, ingenij lumen, cæteraq. vel naturæ, vel fortunæ ornamenta; vos verò, qui diuinis beneficiis affecti & cumulati estis, fragilia hæc & inania esse reputantes, opes vestras non in vllis hominum præsidiis, sed in illius benignitate & gratia collocate, in eo solo gloriemini, felicesq. vos esse putate, quòd talem parentem ac Dominum nacti sitis. Et quoniam omnia illi deberis, vos quoq. totos vicissim illius obsequio tradite, quando ipse quoq. totus vester est. Videtis ergo, fratres, quàm salutare & frugiferos surculos radix germinet humilitatis? Quam non solum his tantis vtilitatibus inducti, sed etiã quòd ea in beatissima Virgine mirabiliter eluxerit, sectari debetis, quicunq. eam vitæ magistrã, & apud filium aduocatam fortiri estis. Hanc porrò humilitatem non obscure ipsa declarauit, cum turbata est, & timuit, vbi se ab Angelo adeo magnificis titulis ornari vidit.

## II.

Cum ergo Angelus trepidam Virginem aspexisset: *Ne timeas,* inquit, *Maria; inuenisti enim gratiam apud Deum. Ecce concipies in utero, & paries filium, & vocabis nomen eius Iesum:* quod quidẽ Saluatorem sonat. Quid autem tam oprabile miseris, tam necessarium perditis, tã vtile desperatis, quàm hoc dulcissimum Iesu, hoc est Saluatoris nomen? Huius autem nominis suauitatem Sponsa in Canticis degustauerat, cum ait: Oleũ effusum nomẽ tuũ. Gustauerat itẽ D. Bern. qui huius olei suauitatẽ explicans, inquit: Aridus est omnis cibus, si nõ oleo isto, nomine scilicet

Bernard.  
Cant. 2.

R 3

Iesu,

Iesu, infundatur, insipidus est, nisi isto sale condatur. Si scribas, non mihi sapit, nisi legero ibi Iesum: si disputes aut conferas, non sapit mihi, nisi sonuerit ibi Iesus. Iesus mel in ore, melos in aure, iubilus in corde.

Postquam ergo caelestis nuncius legationis suae causam diligenter exposuit, sacra Virgo respondet: *Quomodo fieri istud? quoniam viri non cognosco.* Bis iam Angelus perorauerat, nec adhuc Virgo silentium soluerat, sed tacita, secum oracula diuina cogitabat. Ecce alius virginittatis & pudoris comes, silentium: quod quidem

Ambros.

D. Ambros. virginibus studiosè commendat his verbis: Custodi virgo vias tuas, ut non delinquas in lingua tua: etenim bona loqui plerumque crimen est virgini. A quo crimine râtum abfuit, beatissima Virgo, ut inter præcipuas huius laudes silentium ma-

Bernard.

ximè D. Bern. efferat his verbis: In omni textu quatuor Euangeliorum, si bene meminimus, non nisi quater Maria loquens

Luc. 1.

auditur. Primò quidè ad Angelum, sed cum is iam semel atque iterum allocutus eam fuisset. Secundò ad Elisabeth, quâdo vox

Luc. 1.

salutationis eius Ioannem salutare fecit in utero; & ea magnificante Mariam, ipsa magis Dñm magnificare curauit. Tertiò ad

Luc. 2.

filium, cum iam esset annorum duodecim, quòd ipsa & pater eius dolentes quæssissent eum. Quartò in nuptiis ad eundem fi-

Ioan. 2.

lium, & ministros. Et is quidem sermo certissimus index ingenitæ mansuetudinis, & virginalis verecundiæ fuit. Aliorum quippe verecundiam, suam reputans, non potuit vini dissimulare defectum: ubi sanè increpata à filio, tanquam mitis & humilis corde nec illi respondit, nec tamen desperauit, ministros admonēs facere quod eis diceret. Væ nobis, qui spiritum habemus in naribus, qui totum proferimus spiritum, qui, iuxta illud

Comici, pleni rimarū effluimus vndique. Toties denique Maria filium audiuit, non modò turbis loquentem in parabolis, sed & discipulis seorsum regni Dei mysteria reuelantem, vidit miracula facientem, vidit deinde in cruce pendentem, vidit expirantem, vidit resurgentem, vidit & ascendentem; sed in his omnibus quoties verecundissimæ Virginis, quoties pudicissimæ turturis vox memoratur audita? Hactenus Bern. Et quidè exemplum hoc satis esse debebat, ut hanc silentij virtutem (quæ non solū castitatis, sed & innocentiæ custos est) studiosissimè coleremus. Sed quo virtutis huius amor vestris cordibus altius infigatur, silentio matris, filij quoque silentium adiungamus. Inter cætera enim virtutum insignia, quæ in hoc venerando incarnationis Dominicæ mysterio elucet, silentium Christi præcipuè miratur Guericus Abbas, de quo sic in sacra huius diei solemnitate ait: Omnium tamè humanarum infirmitatum vel iniuriarum, quas pro nobis pertulit diuina dignatio, sicut tempore

Gueric.

primam,

primam, sic etiam humilitate ferè maximam existimo, quòd in vtero cõcipi, in vtero nouem mensium tempore maieestas illa incircumscripta passa est contineri. Vbi enim sic se exinanuit? aut quando ita penitus à semetipso defecisse visus est? Tanto tempore nihil illa virtus manifestum operatur? nullo signo visibili maieestas, quæ clausa latet, proditur? Non sic in cruce visus est infirmus, vbi, quod infirmus ipse fuit, statim apparuit fortius omnibus hominibus; quãdo & moriẽs glorificat latronem, & exspirãs inspirat Centurionem; quãdo horarius dolor passionis eius nõ solum compati facit elemẽta creaturaru, sed etiam contrarias fortitudines subegit æternorũ passioni dolorum. In vtero autem sic est, quasi non sit; sic omnipotens virtus vacat, quasi nihil possit, & Verbum æternũ sub silentio se premit. Vobis tamẽ, fratres, illud silentium Verbi loquitur, vobis clamat, vobis vtiq. disciplinã silentij cõmendat. In silentio enim & sperit fortitudo vestra, sicut Isaïas promittit; qui cultum iustitiæ silentium esse definiuit. Sic namq. puer ille conceptus in vtero ad maturitatem partus sub alto & diuturno profecit silentio, sic spiritum hominis disciplina silentij nutrit, format, & roborat; & quanto occultius, tanto tutius & salubrius incrementum præstat. Nostis, fratres, quomodo quietus & modestus spiritus sub silentio roboretur, pinguescat, & floreat; quomodo è contrario per verba velut quadam paraly si dissoluatur & defluat; quomodo marcescat, & aridus decidat. Deniq. si in silẽtio fortitudo nõ esset, Salomon nequaquam dixisset: Sicut vrbs patens & absque

Isaïa 32.

Prou. 25.

Simile.

Bernard.  
Simile.

Quomodo fiet istud: quoniam virum non cognosco. In ea lege posita Virgo sanctissima, quæ virginitatẽ non agnoscebat, & sterilita-



- tem damnabat, supra legem, imò supra naturam assurgēs, Deo auctore votum virginitatis emiserat. Virginittas quippe virtus supra humanæ naturæ conditionem posita est, quæ, natura ipsa quodammodo reclamāte, Angelorū puritatē in terris meditatur.
- Ambros.** Hinc D. Amb. Supergreditur, inquit, virginittas conditionē humanæ naturæ, per quā homines Angelis assimilātur. Maior tamē est victoria virginū quā Angelorū. Angeli enim sine carne viuūt: virgines verò in carne triūphant. Sic etiā D. Hieron.
- Hieron.** Quid, inquit, castitate pulchrius, quæ mundū de immūdo conceptū semine, de hoste domesticū, Angelū deniq. de homine facit? Quæ quāuis sterilitati cōiuncta sit, felix tamē esse prædicatur sterilis, & incoinquinata, quæ nesciuit thorū in delicto; habebit quippe fructū in respectiōe animarū sanctarū: tūc enim vberissimi fructus eius agnoscētur. Quoniā (vt D. Amb. ait) nuptiæ quidē terrā, sed virginittas implet paradisum. Nemo tamen huius virtutis prædicatione ita afficiatur, vt protin⁹ virginittas votū sine maturo cōsilio emittēre audeat. Multa enim (vt idem Ambros. docet) diligenter expēdenda sunt, prius quā se homo huic sempiternæ puritati deuoueat. Perpetua enim corporis & animæ puritas, Dei donū & quidē maximū donū est. Sic enim
- Mat. 19.** Saluator ait: Non omnes capiunt verbū hoc, sed quibus datum est: qui potest capere, capiat. Ideoq. virginittas hominibus non præcipitur, sed cōsultitur. Vnde idem Ambr. Integritas corporis expetēda à nobis est, quā ego pro cōsilio suadeo, non pro imperio præcipio. Sola est enim virginittas, quæ suaderi potest, imperari non potest. Non idē tamen quicunq. matrimonio alligati sunt, animū abijciant, nec se prorsus à virginittas gloria omnino alienos putent. Castæ enim & sobriæ nuptiæ Abraham, Davidis, ceterorumq. Patrum, virginittas gloriā æmulantur.
- August.** Nec minus difficile D. August. esse credit, sobriè semper, & modestè cōiugio vtī, quā omni semel cōiugio renunciāsse. Hinc in Vitis Patrum legimus, sanctum Macharium, (qui inter eius ætatis monachos celeberrimus habebatur) è cælo semel vocem audiuisse, quæ illi significaret, nōdum se ad duarum mulierum perfectionem, quæ in proxima ciuitate morabātur, peruenisse. Cumq. protinus eò vir sanctus perrexisset, earumq. domum Deo reuelante cognouisset, duas inuenit mulieres, quæ duobus fratribus nuptæ erant; à quibus cum diu multumq. rogasset, vt vitæ suæ rationem sibi exponerent, illæ tandē multa vi precum inductæ, dixerūt, se quidem vndecim annis in eadem domo degentes, in summa semper pace vixisse, & à viris suis frequenter postulasse, vt in castitate viuerent. Quod cum impetrare non potuissent, cordis tamen sui puritatem, quā solam poterant, Domino obtulisse, summaque semper cura & studio cauisse, ne
- illum

illum vilo aut verbo aut opere offenderent. Quod cum sanctus vir audiisset, exclamavit, In quocunq. statu cordis puritatem ita Deo gratam esse, vt interdum etiam monachorum & virginum sanctitatem superaret. Date ergo operā, fratres, vt harum feminarum puritatem & pacis atque innocentie studium sectemini; hac enim ratione monachorum & virginum puritatem si non æquare, certe æmulari poteritis.

## III.

Sed vt ad Virginem redeamus: *Quomodo*, inquit, *fiet istud? quoniam virū nō cognosco. Et respondens Angelus, dixit ei: Spiritus sanctus superueniet in te, & virtus Altissimi obūbrabit tibi.* hoc est, Non humano more, sed cælesti virtute sacer hic fetus in lucem edendus est. Ea est enim eius dignitas & maiestas, vt duplici miraculo, & de Spiritu sancto concipi, & ex Virgine debeat nasci. Quod si huius tantæ rei modū & rationem, o homo, inquiras, D. August. tibi respōdet his verbis: Si cogitamus Virginem, quæ August. sine cōcupiscentia carnis cōcepit carnē, & sine viro peperit virum; si volumus facti huius querere rationem, in ipsa inquisitione succumbimus, cum scriptum sit: Generationem eius quis *istare* 31. enarrabit? Si enim ratio quæritur, non erit mirabile; si exemplū exigitur, non erit singulare. Demus Deum aliquid posse, quod nos fateamur inuestigare non posse: in talibus enim tota ratio est potētia facientis. Hactenus Augustinus: qui deinde mysticæ illius virgæ miraculum huic simile esse docet his verbis: Dicat mihi incredulus Iudæus, quemadmodum arida virga fronduit & floruit, & nuces protulit: & ego dicā illi, quomodo Virgo concepit, & peperit. Sed profectō nec Iudæus virgæ poterit explicare conceptū, nec ego Virginis. Aliud verō non dissimile exemplū D. Maximus in sermone proponit his verbis: An non *D. Max.* putas eum nouum puerum in aluo Virginis potuisse formare, qui cum primum conderet hominem, nec semen patris, nec viscera materna quæsiuit? Dic igitur quicunq. es supernæ dispensationis arbiter & discussor, quæ tibi videtur virtus eminentior, partum dedisse Virgini, aut perfectum hominē creasse de terra? Primus enim homo (vt ait Apostolus) de terra terrenus, secundus homo de cælo cælestis. Si contra naturam esse contendis, quod in mysterio redemptionis nostræ sine viro puella asseritur cōcepisse; cuius, quæso, naturæ est, quod in parente generis nostri caro sine carne formata est? Quæ ista est ratio, imō quā cæca conuentio, vt non credatur Deus hominem facere posse de femina, quem credimus fecisse de pfluere? Et si sollicitus perscruteris, præter hunc legitimum humanæ conceptionis vsum, tres valde mirabiles nascendi species operatam reperies Trinitatem. Et prima est quidē; quod Adam figuratus ex limo *R. 5* est:

est: secunda, quod mulier formata est de masculino: tertia, quæ & celestis est, quod Christus ex Virgine. Quid horum non nouum? quid horum non mirabile? quid horum, nisi fidem sequamur, inquisitio poterit humana cõplecti? Quod autem mystico hoc conceptu visitare mundum suum Dei dignatus est Filius, nostræ hoc salutis necessitas flagitabat; nimirum vt celestis tãdem generatio repararet, quod natiuitas terrena perdiderat. Hactenus Maximus. Quid igitur reliquum est, nisi vt sacrum hoc venerandumq. mysterium humiliter magis adorantes, quàm curiosè perferutantes, cum D. August. dicamus: Considero conceptum tuum, beata virgo, & expauesco: intueor partum tuum, & contremisco: adoro filium tuum, & reuiuifco.

August.

Exposita ergo ratione mysterij, nihil morata sacra Virgo, summa animi submissione respondit: *Ecce ancilla Domini: fiat mihi secundum verbum tuum.* Hæc autem respõsio summæ humilitatis, perfectissimæ obedientiæ, & fidei admirandæ extitit. Longè minus erat quod Zachariæ, quod Ezechîæ, quod Gedeoni prænuntiarum est; qui tamẽ omnes, ad infimæ fidei suæ solatiũ, signa à Domino petierunt. Cæterum Abraham Patriarcha Deo, illi in ætate iam affecta filium promittenti, fideliter credidit, nec ab eo signum petiuit: quod planè illi iustitiæ in laudẽ imputatum est; cuius fidem Paulus in Epistola ad Rom. mirè attollit his verbis; Et non est infirmatus fide, nec considerauit corpus suum emortuum, cùm ferè centum esset annorum; nec emortuam vuluam Saræ. In repromissione etiã Dei non hesitauit diffidentia, sed confortatus est fide dans gloriam Deo: plenissimè sciens, quia quæcunq. promissit Deus, potens est & præstare. Quod si has tantas laudes Abraham meretur, quibus, quæso, laudibus sacræ Virginis fides prædicanda est; quæ tanto plura & maiora, atq. omnem vim naturæ superantia, credidit? Ille enim sterilitatem nouo partu secundandam Deo promittente credidit, hæc autem & Virginis partum, & Spiritus sancti conceptum, & Dei atq. hominis ineflabile sacramentum, Angelo referẽte, sine vlla hesitatione credens, *Ecce, inquit, ancilla Domini: fiat mihi secundum verbum tuum.* Ideoq. vbi primũ hoc fidei verbum protulit, ibi statim fide concepit, & ineffabile Dei Verbum è sinu Patris in viscera sua traxit; ibiq. protinus ima summis, & humana diuinis sociata sunt. Ibi enim (vt Damascenus ait) Deus & homo perfectus, sub exigua tamen carnis materia, quod humilitatis summæ fuit, inuentus est. Simul enim caro, simul Verbi Dei caro, simul animata caro rationali anima fuit: atque ita tandem illud effectum est, quod tanto antè Hieremias pronunciauerat: Nouum fecit Dominus super terram: femina circundabit virum. Perfectus enim vir Christus Dominus

Luca 1.  
4. Reg. 20  
Iudic. 6.  
Genes. 17

Rom. 4.

Damasc.

Hier. 31.



CONCICIO SECVNDA. 267  
nus in illo temporis puncto fuit, qui virginis visceribus, sine  
villo viri consortio, latebat inclusus.

Hæc autem omnia, charissimi, propter nos. Sed quæ potissi-  
mum fructū ex hac tanta molitione, tantoq. opere caprare Do-  
minus voluit? Nempe ut quemadmodum ipse humanitatis no-  
stræ particeps effectus est, ita nos diuinitatis suæ participes effi-  
ceret. Hoc ergo cōsilio Deus homo factus est, ut homines deos  
faceret factus homo. Ideo hominis naturam sibi inseparabili  
vnionis sacramēto copulauit, ut inseparabili amoris vinculo ho-  
mo Deo copularetur. Ideo Verbū caro factū est, ut carnalis ho-  
mo Deo vnitus, vnus cum eo spiritus fieret. Ideo ad terrena no-  
stra descendit, ut nos à terrenis cupiditatibus adductos, ad cæle-  
stia trāferret. Hoc autē fieri posse, incarnationis suæ argumēto  
apertissimè declarauit. Si enim Deus humanitati copulatus, ve-  
rus homo factus est; quid mirum si Deo coniunctus homo in  
Deum quodāmodo transformeretur? Longè enim maius est, hu-  
manitatis participatione Deum hominē fieri per naturā, quā  
diuinitatis participatione hominē Deum fieri per gratiā. Non  
ergo desperare iam homo potest quod minus est, cū factum  
videat quod multo maius atq. mirabilius est. Illa igitur ineffa-  
bili Verbi Dei vnione, spiritualē hanc vnionem Saluator noster  
efficere intendebat, quo diuina humanis vno charitatis vinculo  
colligaret. Quemadmodū enim cū duo finitima regna capi-  
tali odio dissident, coniugio aliquo regiarū vtrinq. personarum  
celebrato, reconciliari solent, corporea q. nuptiarū vnio, animo-  
rum inter se dissidentium efficit vnionem: ita cū iam olim ab  
origine mundi cælestia & terrestria regna mutuis inter se odiis  
dissiderent, sacramento nuptiarum Agni in antiquam gratiam  
reuocata sunt. Diuinitas namq. è cælo, & humanitas assump-  
ta de terra, cū indissolubili vinculo fœderātur, terrena cælestibus,  
& humana diuinis copularūt. Si igitur, o homo, Deū antea ira-  
tū & seuerum diligere volebas, quomodo nunc naturæ tuæ cō-  
sortem & tuorum propter te laborum & ærumnarum participē  
nō diliges? Si te ab illo furor & seueritas abigebat, quæ tot im-  
missis plagis declarabatur; quomodo nunc tanta charitas & bo-  
nitas, hoc ineffabili amoris opere declarata, non ad illum reuo-  
cabit? non ad mutuum amorem alliciet & incitabit?

Hæc igitur amoris vnio, illius ineffabilis amoris fructus (ut  
antè diximus) & finis extitit. Quod si nec hac tantæ charitatis  
exhibitione cōmotus es; si nondum tantæ salutis auctori, chari-  
tatis nexu colligatus es, si nōdem ex carnali spiritualis (hoc est,  
iustitiæ cultor) effectus es; si te adhuc terrena bona captiuum &  
vincū tenēt; cogita tibi necdū Saluatorem aduenisse, necdum  
(quod ad te attinet) carnē assumpsisse, necdū tibi hunc iustitiæ

Ioan. I.  
I. Cor. 6.

simile.

Solem

268 IN FESTO ANNUNTIAT. DOMINICÆ  
Solem illuxisse, necdū ad te latū Euangelij nunciū peruenisse. Ideoq. adhuc te in tenebris & cæca nocte esse reputa, adhuc in exilio & dira captiuitate sub diaboli potestate degere, adhuc vinculis peccati detineri, adhuc sub ira & inimicitia Dei manere, ac deniq. bonorū omniū, quæ Christus attulit in mundū, extorré, & malorū omniū quæ ex peccato oborta sunt (quā diu ita perseueras) participē esse. Qua cōditione quid esse miserius, quid indignius, quid lamētabilius potest? Quod si hanc tātā calamitatē modō nō sentis, senties planē, quādo, qui modō clementissimus ad te Redemptor venit, seuerissimus cōtra te in fine mundi iudex venturus est, cū te ab agnorum suorū grege separatū, hōdis adiunget, in ignē æternū exturbandū. Tunc enim senties, quid sit anathema esse à Christo, qui modō, cū hoc ipsum sis, nihil sentis. Quare, quæso vos, fratres, vt hac tantā inuitantis Domini lenitate commoti, his tantis beneficiis affecti, his tantæ charitatis argumentis prouocati, si amare pigeat, redamare non pigeat, vt hoc illi amoris nodo copulati, eius tandem felicitatis & gloriæ consortes effici mereamini.

Mat. 24.

IN EODEM FESTO ANNUNTIATIONIS  
DOMINICÆ, CONEIO TERTIA: IN  
qua, post explanationem lectionis Euangelicæ,  
de eximia Christi Domini in genus hominum  
charitate, & causis eius, latē disseritur.

THEMA. *Spiritus sanctus superueniet in te, & virtus  
Altissimi obumbrabit tibi. Lucæ 1.*



Deut. 10. **V**B I Moyses Israëliticū populū in partem promissæ terræ intulisset, seque iam mortī proximum intellexisset, luculentissimū ad vniuersū cœtum filiorum Israël sermonem habuit, in quo de perceptis à Domino beneficiis, deque ipsorum aduersus Deū ingratitude & inobedientia mirabiliter disseruit. Itaque inter alia sic ait: Vos vidistis vniuersa quæ fecit Dominus coram vobis in terra Aegypti, & signa illa portentaque ingentia, & non dedit vobis Dominus cor intelligens, & oculos videntes, & aures quæ possent audire vsque in præsentem diem. Hanc autem cæcitatem aureus ille vitulus declarat, quem post admiranda illa signa terra marique patrata, populus fabricauit, cui & beneficium liberationis ab Aegyptiaca seruitute acce-

acceptum retulit, dicens: Hi sunt dij tui Israël, quæ duxerunt de terra Aegypti. Nemo nostrum est, fratres, qui hanc tantam illius populi excitatem, & ingrati animi scelus non miretur. Quid si nos quoq. in eodem crimine, aut etiam grauiori sumus, cuius illos accusamus? Quanto enim maius est, omnipotentem & immortalem Deum, mortalem naturam assumere, & verum hominem fieri, quàm maria diuidere, manna de cælo pluere, & aquam è silice demittere. Hoc cum quotidie audiamus, quotidie in ore versemus; nemo tamẽ hoc tam inges miraculũ, hanc tãtã diuinę bonitatis dignationẽ pro dignitate miratur. Theodoretus in historia religiosa cuiusdam viri sanctissimi (qui in terra deges, cogitatione & amore totus erat in cælo) vitam describens, de ipso ait, quod mentem haberet alatam. qua videlicet terram deserens, perniciosissimo volatu cælestia penetrabat. Si quis igitur, fratres, hanc mẽtem haberet, qua in cælum cõscendens, supernam illam maiestatem, supra omnes Angelorum choros, supra Cherubin & Seraphin sedentẽ, & omnia supera atq. infera sempiterno imperio moderantem, mentis oculis vsurpater, indeq. se ad abiectissimum stabulum, & vilissimum præsepe deliciens, altissimam hanc naturam, humana carne vestitam, & infantilibus iniuriis expositã, contẽplaretur; nõne hanc adeo mirabilem dissimilium naturarũ coniunctionẽ, tãtamq. diuinę bonitatis dignationẽ attonitus obstupesceret? Aristoteles enim in 1. 2. primæ Philosophiæ libro, de prima rerum omnium causã differens, Primum quidem, ait, illam esse actũ purũ: quo nomine tantam illi dignitatẽ, sapientiam, potentiam, & bonitatem, & omnes denique perfectiones tribuit; vt nulla ei accessio fieri possit. quod omnia hæc in eo summa sint, neq. vllũ incrementũ pati possint. Addit præterea, ipsam esse vitã, & vitã agere felicissimã; cuius felicitatẽ in immensã pulchritudinis & opulentię suæ contẽplatione positã esse testatur. Eam verò esse eius celsitudinem & puritatem cõfiteretur, vt nihil aliud nisi se ipsam cogicer, neq. quidquam aliud eius intellectui, nisi sui ipsius, suæq. essentiæ cõtemplationem adæquatũ esse, quod videlicet eius intellectus vilesceret, si se ad hæc inferiora cogitanda demitteret. Si igitur insignis hic Philosophus, qui adeo sublimia de diuinæ naturæ dignitate & puritate sentiebat, altissimã hanc naturã, femineis visceribus inclusam, & humana carne vestitã, in vili præsepio iacentẽ, & reliquorum infantium more vagientem, vidisset, & firma fide huic veritati credidisset; quid, quæso, faceret, quid diceret, qua admiratione & stupore percussus fuisset? Hoc vtcunq. fortasse intelligi potest, verbis tamẽ explicari non potest. Nos igitur, fratres, grauius quã Iudæi accusandi sumus, qui, hoc tãto beneficio in oculis & aspectu proposito, nihil prorsus

Exod. 32.

Theod.

Arist. 12.  
Metaph.



sus cōmouemur, nec amore in tantæ salutis auctore exardescimus. Quocirca orandus assidue nobis idem Dñs est, vt, qui ineffabili benignitate sua hoc tantū in nos beneficiū contulit, eadē nobis sensum & affectum, eius magnitudini respondentem, largiri dignetur, vt iā cum Apostolo dicere possimus; Nos autē non spiritū huius mūdi accepimus, sed Spiritum qui ex Deo est, vt sciamus quæ à Deo donata sunt nobis. Cū autem omnia nobis ab eo donata sint; hoc tamen beneficium aliorū omnium initium & fundamentum est. Tantum autem nostra refert, eius dignitatem & amplitudinem agnoscere, vt, quod Iudæis Dñs in Euangelio dixit, nobis quoq. dictū putare debeamus: Amen dico vobis, non me videbitis ampliùs, donec dicatis, Benedictus qui venit in nomine Domini. Quis autē hoc dignè, vt par est, dicit? Nimirū qui cælesti lumine illustratus, summi huius beneficii amplitudinem agnoscit, & in eo immensas diuinæ bonitatis, charitatis, & misericordiæ opes cōtemplatur. Quæ contemplatione permotus, omnes animi sui fibras in tantū beneficii largitorem laxans, ex toto corde ait: Benedictus qui venit in nomine Domini. Vt igitur nos grati animi officio tantum hoc diuinæ misericordiæ opus recolamus, cælestem opem, sacratissimæ Virginis interuentu, suppliciter imploremus.

## A V E M A R I A.

Quia Dominicæ incarnationis beneficiū hodie celebramus, quo ordine sacramentū hoc intemeratæ Virginis fuerit annuntiātū, breui oratione exponam, vt mihi liceat verba in themate proposita (quæ huius mysterij rationē & originem continent) paulo fusiùs explicare. *Missus est Angelus Gabriel à Deo in ciuitatē Galilee, &c.* Hunc Angelū ex superioribus ordinibus esse, sancti Patres asserunt. Neq. enim tanti huius sacramēti legatio inferioris ordinis Angelis cōmittenda erat; præsertim cū ad Virginē, futurā Dei matrem, & Angelorum reginam, mitteretur. Constat autē duos esse præcipuos Angelorum ordines; alterum eorum qui ad nos mittuntur, quibusq. salutis nostræ ministerium cōmittitur; alterū verò, eundemq. sublimiorē, eorum qui Deo assistere dicuntur. Vtrumq. enim ordinem, ministrantium videlicet atq. assistentium, Daniel Propheta se in spiritu vidisse testatur. Quamuis autē rarò superioris ordinis Angeli ad nos mittātur, omnes tamē mitti testatur Paulus, qui omnes administratorios spiritus esse ait, qui in ministerium mittuntur propter eos qui hæreditatē capiunt salutis. Qua autē omnes alacritate & promptitudine Principis sui mandata exequantur, mystica illa Isaia visio docet, in qua is vidit Dominum sedentē super solium excelsum & eleuatū, cui assistebant duo Seraphici spiritus, senas alas habentes; quarū duabus faciē Domini, duabus

verò

1. Cor. 2.

Mat. 25.

Dan. 7.

Hebr. 1.

Isaia 6.

verò pedes eius tegebāt, duabus autē volabāt: & clamabāt alter ad alterū; Sāctus, sāctus, sāctus Dñs Deus sabaoth. Per faciē autē & pedes Dñi, vtramq. Dñi Saluatoris naturā, diuinā scilicet & humanā, intelligimus. Vtriusq. autē naturā, quāuis longē dispar dignitas sit, ea tamē sublimitas est, vt ne ipsi quidem seraphici spiritus eā plenē cognoscere valeāt. Hoc est enim quod facies & pedes Domini velati significant. Duarum verò alarū motus obedientiā promptitudinem & alacritatem designat, qua mentes illarū beatissimæ Domini sui iussū persequuntur.

Ex his ergo superioribus Angelis Gabrielem Dñs misit ad Virginem: qui, priusquā legationis suæ rationē exponeret, honorificentissima hac oratione eā salutauit: *Aue gratia plena: Dominus tecum: benedicta tu in mulieribus.* Qua oratione humillima Virgo turbata est, quod se his adeo magnificis titulis indignā indicaret. Cogitabat ergo intra se, trepida simul & tacita, qualis esset ista saluatio, nec tamē vliū verbū Angelo salutātī respondit. Quo in loco Virginis silentium sancti Patres commendare solēt. Est enim silētiū virtus virginibus familiaris, & iis etiā qui perpetuō cū Deo versantur: diuinis enim colloquiis assueti, humana colloquia dedignātur, nisi cū vel charitas eos ad hoc, vel necessitas vrget. Qui enim cum Deo commercium habēt, assidueq. cū eo versātur, eo molestiūs cū hominibus loquūtur, quodulcius cū Deo cōuersantur. Quid enim sibi vult quod Moyses Exod. 4. impeditioris linguæ se factū esse ait, ex quo cū Deo sermonem habere cōpit? Certē quod mutos & elingues eos Dominus efficere soleat, cum quibus versari, & quib⁹ ad aures interni hominis loqui incipit. Tales enim initio fieri necesse est, quo virtus eorū coalescat, & firmas in charitate radices iaciat, ne nimia loquacitate, tota velut in fumū euanesca. Ad hoc enim illos Zachariæ patris silētiū inducit, qui mut⁹ effectus est, vt Ioannē, Luc. 1. id est, gratiam, generaret: vt intelligamus, diuturno silētio Dei gratiā in hominibus adulescere & conseruari. Sanctus ille Abbas Pambus, inter veteres Anachoritas celebris, adeo virtutis huius studiosus fuit, vt, cū Theophilus Episcopus eū inuississet, vt aliquod spiritalis vitæ documentū ab eo audiret, vir sanctus cōsuetum silentiū seruās, nihil ei dixit: & monachis cum incusantibus, quod nullum adificationis verbū Episcopo dixisset, qui huius rei gratia ad illū venisset, respōdit: Si meo silētio illū nō adifico, non video quomodo verbis adificare possim. Hunc eundē ferunt, cū: mortī proximus esset, dixisse, se lætū ē vitæ exire, quod nullum ei verbū vnquā exciderit, cuius ipsum per id temporis grauitate pœniteret. O verē felix & beatus, quisquis eo tempore hoc de se ipso testimonium ferre possit! Quantum autē hic vir beatus illo tempore iatabatur, tātum nobis miseris id Idem Abbas. tempo-

tēporis lugendum est, qui fortasse nulla frequentius in re, quā in lingua, delinquimus. Cetera enim serē peccata plus negotij habēt, neq; ita ad manum sunt; quod in furto, homicidio, sacrilegio, adulterio, ceterisq; similibus videre licet; at linguæ lapsus in promptu est, nec tantum negotij exigit, cum præfertim lingua adeo versatilis & lubrica sit. Atq; vinam quā facilis est linguæ lapsus, tam leue esset quod infligit vulnus. Sed non ita est, cum Ecclesiasticus dicat; Flagelli plaga liuorem facit, plaga autem linguæ cōminuet ossa. Et, Multi ceciderunt in ore gladii, sed non sic qui interierunt per linguā suam. Quā late vērō huius peccati virus pateat, Esaias Propheta in ea visione, cuius paulo antē meminimus, declarauit, qui vbi Seraphicos illos Spiritus Domini laudes prædicantes audiuit, ipse quoq; laudandi Domini desiderio incensus, vehementer angebatur, quod ad diuinas laudes celebrandas mutus & elinguis fuisset. Vae, inquit, mihi, quia tacui; hoc est, a tuis, Domine, laudibus prædicandis cessauī. Sed cur, o Vates sancte, cessasti? Ad hoc idem respondet: Quoniam, inquit, vir pollutus labiis ego sum, & in medio populi polluta labia habentis ego habito. Itaq; ex omnibus peccatis, quæ vel ipse in vita admiserat, vel populus ipse cū quo habitabat, nullius omnino nisi, huius tantum meminit; vti intelligamus, peccatum hoc quo est ceteris facilius, eo latius inter homines dominari. Quo diligentius nobis cauendum est, fratres, ne pestis hæc, quæ totum penē mundum occupauit, nos quoque inficiat.

Sed ad Angelum redeuntēs, cum is Virginem turbatam atque trepidantem animaduertisset, metum illi adimit his verbis: *Ne timeas, Maria; inuenisti enim gratiā apud Deū; Ecce cōcipies in utero, & paries filiū.* Hic sacra Virgo silentiū quod diu tenuerat, soluit, vbi cōcipiendi, & pariendi mentionē fieri audiuit; quod ea res castissimo eius pudori aduersari prima fronte videbatur. Ideoq; interrogat; *Quomodo fiet istud? quoniam virū non cognosco.* Cui cum Angelus conceptionis huius auctore Spiritum sanctū esse dixisset, & rationem modumq; huius mysterij declarasset; illa protinus sine ulla cūctatione respondit: *Ecce ancilla Domini; fiat mihi secundum verbū tuum.* Obseruate, quaeso, fratres, hoc in loco fidem, magnanimitatem, prudētiā, & obedientiā Virginis. Nihil discutit, nihil rogat, nihil inquit, cum tā multa hoc in loco humana prudētia requirere potuisset. An non in prōptu erat, vt ad Angelum diceret: Tu mihi conceptū & partū Spiritus sancti virtute denūcias; quid ergo sponsus, cuius fidei cōmissa sum, dicet, quid faciet, cū me grauidā viderit? Sic enim Samuel iustus à Dño Dauidē vngere in Regē, mortis metū illi obiecit, dicens: Audiet hoc Saul, & interficiet me. Cum verō Ananias à Dño

mitte-

Eccli. 28  
Ibidem.

Isaia 6.

1. Reg. 16



mitteretur, ut baptisimi gratiā Paulo impēderet; ille cōtrā, Domine, inquit, audiui à multis de viro hoc, quanta mala fecerit Añor. 7. sanctis tuis in Ierusalem. Similem ergo mortis metum & infamiam obrēdere hoc in loco beatissima Virgo potuisset. Itaq. duo quæ summa inter homines bona putantur, vita scilicet & fama, in discrimen vocari videbantur. Quem quidem metum non inanem fuisse, res ipsa postmodum declarauit, quando Ioseph Virginem deserere parabat, nisi prohibitus ab Angelo fuisset. Cum hæc igitur, omnia prudentissima Virgo præuidisset, nihil tamē hæsitauit, nihil amplius quæsiuit, sed torā se eius prouidentię commisit, cuius illi voluntas nunciabatur. Et quidem antea oblata Dei genitricis summa dignitate, cum arbitrari potuisset, hoc sine pudoris iniuria fieri non posse, & substituit, & quæsiuit, *Quomodo fiet istud? &c.* Vbi verò intellexit, hoc illæso pudore suo peragendū esse (quāuis & vita eius, & fama, prima fronte periclitari viderētur) nihil moratur, nihil amplius requirit: quoniam de pudoris sui integritate secura, nec de vita, nec de fama sollicita erat, quam diuinæ prouidentię commiserat. Itaque cælesti nuncio respondet: *Ecce ancilla Domini: fiat mihi secundum verbum tuum.* Hactenus de Euangelica lectione: nunc thematis sententiam paulo diligentius excuriamus.

Matth. 2.

## TRACTATIO THEMATIS. I.

*Spiritus sanctus superueniet in te, &c.* Priusquam verba hæc explanare incipiā, fratres: quid mihi propositum sit, & quæ ad vos utilitas ex huius argumenti tractatione peruertura sit, paucis indicabo, quo vos attentiores explanationi meæ reddā. Iam primum ex Apostolo constat, diuinæ legis summam maximo illo Rom. 13. dilectionis mandato cōtineri. Cum autem multa sint quæ nos ad hanc dilectionem in Deum excitare valeant; vix quidquam hoc magis, quā perspecta eius erga nos charitas, efficit. Plurimum quidem ad hoc innumera eius beneficia valent, quibus is carbonēs ignis congeffit super caput nostrum; plus tamen eius in nos dilectio vrget, quæ beneficiis prior, & beneficiorum omnium causa est. Ideo enim beneficia in aliquē conferimus, quia eum diligimus. Quo fit, ut amor donorum omnium primum idemq. maximū esse dicatur. Adde etiam, quod is, qui alicui benefacit, res suas illi donat: qui autem ex animo diligit, nō modo sua, sed seipsum illi tradit. Quod cum ita sit, efficitur planē, ut nihil nos magis ad charitatem in Deum, quā animaduersa eius in nos eximia charitas, excitare valeat; de qua me hodie dicere, verba in Themate proposita compellunt. Quod quidē argumenti genus gratissimū vobis fore confido. Quod enim maius homini bonum, quā à Deo diligī, contingere potest? Ex hoc enim veluti fonte, cætera eius dona (ut modo diximus) in

nos dimanant. Nam & ad vitam æternam prædestinari, & iustificari, & sanctificari, ac postremo æterna felicitate beari, ab hoc amore proficiuntur.

Huius igitur argumenti occasione querendum est, cur incarnationis Dominicæ sacramentū Spiritui sancto potissimum in his quæ proposuimus verbis tribuatur, & id etiam quotidie in fidei Symbolo confiteamur. Constat enim, beatissimæ Trinitatis opera esse indiuisa (omnia quippe in ea sunt vnum, vbi non obuiat relationis oppositio) vnde cōsequens est, totius beatissimæ Trinitatis, Patris scilicet, Filij, ac Spiritus sancti, hoc opus extitisse. Cum hoc igitur ita sit, cur opus hoc Spiritui sancto sigillatim tribuitur? Hunc igitur quæstioni vno consensu sancti Patres respondent, huius attributionis causam esse, quod Spiritui sancto inter diuinas personas bonitas & charitas tribuatur Patri enim, qui est diuinitatis principiū, tribuimus potentiam; Filio verò, qui Patris verbum & conceptus est, sapientiam. Spiritui verò sancto bonitatem & amorē, quandoquidem ipse essentialiter Patris & Filij amor est. Quia verò Dominicæ incarnationis opus ab immensa Dei bonitate & charitate processit (neq. enim aut in Deo vtilitas vlla, aut necessitas, neq. in homine vlla sanctitas & iustitia intercessit, quæ Deum ad tantū hoc opus cogeret) ideò Spiritui sancto potissimum hoc opus attributum est, vt intelligeremus, Filij Dei incarnationem, non iustitiæ nostræ, sed immensæ illius bonitatis & charitatis opus fuisse. Vt enim D. August. ait; Non illū de calo ad terras merita nostra, sed peccata traxerunt. Hinc Apostolus, Commendat, inquit, charitatem suam Deus in vobis; quoniā cū adhuc peccatores essemus, secundū tempus Christus pro nobis mortuus est, nec tamen minor Patris & Filij, quā Spiritus sancti, erga genus hominum charitas extitit. De Patre quippe Filius ait: Sic Deus dilexit mundum, vt Filium suum vnigenitum daret. Et Apostolus, Proprio, inquit, Filio suo non pepexit Deus, sed pro nobis omnibus tradidit illū. De se autem idem Filius ait: Sicut dilexit me Pater, & ego dilexi vos. Idemq. primus ille homo mysticē designauit, cū ad mulierem dixit: Hoc nunc os ex ossibus meis, & caro de carne mea. Propter hāc relinquet homo patrem & matrem, &c. Quo in loco quæri potest, cur hæc verba viro magis quā mulieri tribuantur, cū ad eam pertinere potius videretur? quæ (vt animal est tenerum, molle, & infirmum, multisq. miseriis obnoxium, à quibus se ipsa sine viri præsidio explicare vix potest) dicere merito potuisset: Propter hūc relinquet mulier patrem & matrem, & adhærebit viro suo. Hoc certē ratione mysticij ita factum esse constat. Hæc enim verba Apostolus Christo Domino tribuit, quibus & suam erga Sponsam Eccle-

Ecclesiam, & Ecclesia erga illū charitatem declarat. Quia verò multo magis Christus Ecclesiā, quā Ecclesia Christū diligit; quemadmodum multo magis parentes diligunt filios, quā ab ipsis diligantur; ideo nihil mirum, si hæc verba quæ huius charitatis imaginē expriment, viro magis quā mulieri tribuātur.

Quando his igitur testimoniis de Patris & Filij charitate erga homines constat, causam eius modò inquirere debemus: quandoquidem humana mens, nisi causis rerum cognitis, non quiescit. Quæri ergo potest, cur prudentissimus ille amator, sapientissimūque rerum æstimator tantopere hominem diligit, cum hic hoc tâto amore indignus esse videatur (preſertim cum prudentis amatoris sit, & res, & personas pro dignitate, non supra aut infra earum dignitatem amare) cur prudentissimus ille amator & sapientissimus rerum æstimator tâtopere hominem diligit, qui hoc tâto amore indignissimus esse videtur? Hoc est enim quod S. Iob miratur, cum ait: *Quid est homo, quia magnificas eū, aut quid apponis erga eum cor tuū?* Item q. regius Iob 7. Prophetæ: *Domine quid est homo, quia innotuisti ei, aut filius hominis, qui reputas eū?* Homo vanitati similis factus est, &c. Psal 143 Alibi verò non modò vanitati hominē similem facit, sed vniuersam vanitatem illum esse ait. Nec hoc cōtentus, alio in loco Psal. 38, 67. ipsa vanitate vaniorē illum esse testatur. Pro eo enim quod nos legimus: Veruntamen vani filij hominum, mēdaces filij hominum in stateris: alij verterunt; Certè vani filij hominis, mendaces filij viri, in stateras si ascēdant, ipsi pariter leuiore sunt vanitate. Est autem elegantissima hyperbole, quæ exaggerat stultitiam & leuitatem mortalium. Perinde enim est ac si dicat: Si ponas in altera libræ lāce inanitatem, in altera verò vniuersum genus humanum, profectò inanitas ipsa præponderabit. Cum igitur tanta sit hominum vanitas, cur prudentissimus ille amator rem adeò amore in dignam tantopere dilexit, vt pro illa & humana carne vestiri, & in crucem agi sustinuerit?

Vt huic igitur quæstioni respondeamus, de Christi Domini erga Patrem suum dilectione, & causis eius, hoc est, summis in ipsum beneficiis collatis, dicendum prius est. Nunc igitur, fratres, adesse animis, vt omnium operum, & gratiarū, atq. mirabilium quæ vnquam à Deo facta sunt, quæque in posterum fiēt, maximum audiat. Principiò igitur constat, vbi sanctissima Virgo Angelicæ lēctioni consensum præbuit, atq. extrema illa verba protulit, *Ecce ancilla Domini, fiat mhi secundum verbum tuum;* hæc omnia quæ nūc audietis, in felicissimo eius vtero, celebrata fuisse. Primum quidē in eo momento corpus Christi, omnibus mēbris atq. organis distinctum, Spiritus sancti virtute formatū est. Deinde, eodem momento sanctissima eius anima creata est. S 2 & cor-



& corpori vnita fuit. Quod enim in cæteris infantibus, qui communi lege concipiuntur, quadragesimo ab eorum conceptione die fit, hic eodem momento factum est: atque ita Christus Dominus, verus & perfectus homo ibidem extitit. Nunc quid sacræ huius humanitati donatum fuerit audite.

Primum enim ea vnigenito Filio Dei in eadem persona sic vnita fuit, vt in vtraque natura, vna tantum persona, vnumque esse, nempe diuinum, cõsisteret. Quemadmodum enim anima suum esse corpori communicat; sic Verbum Dei suum ipsius esse ita sacræ humanitati communicauit, vt ea nõ per proprium esse, sed per diuinum sibi præstitum subsisteret. Quia verò in vtraque natura idem esse diuinum erat; cõsequens fuit, vt, quæ Dei erant propria, humanæ naturæ; & quæ erant humanæ naturæ, Deo adscriberentur. Hæc autem à Theolõgis gratia vnionis appellatur: qua nihil maius, ne per diuinam quidem potentiam, concedi potest. Nulla enim maior dignitas, quàm diuini esse communio. Post hoc autem summum donũ, sequitur aliud maxime mirabile, videlicet, quòd eadem Christi anima aperta facie diuinam essentiam viderit, sicq. in ipsa superiori portione beata extiterit, & ita beata, vt (quod ad essentialẽ beatitudinis gloriam attinet) quam modò habet beatitudinem in cælo, eandem habuerit in Virginis vtero. Post infinitam autem illam vnionis gratiam, ea etiã, quæ hominem Deo gratum facit, (ex qua virtutes omnes, omniãq. Spiritus sancti dona oriũtur) tãta plenitudine ei donata fuit, vt nulla maior de lege, ne per diuinam quidem potentiã, dari cuiquam possit. In eius quippe anima, tanquam in propria sede, Spiritus sanctus cum omniũ donorũ suorũ plenitudine requieuit. Qua de re sic Esaias: Egre-dietur virga de radice Iesse, & flos de radice eius ascēder: & requiescet super eum Spiritus Dñi, &c. Christum Dominum, & virgam, & florẽ appellat. Virgam propter immensam eius fortitudinẽ, & regiam potestatem; Florem autem, propter incomparabilem eius speciem & pulchritudinem, suauissimũq. virtutum omnium odorem. Qua de causa ipse se in Canticis hoc nomine appellauit, cum dixit: Ego flos campi, & lilium cõualium. In hoc ergo amœnissimo flore Spiritus sanctus placidissimẽ quieuit, quia nihil ibi, quod sibi aduersaretur, inuenit. Hæc porrò gratia tanta fuit, vt non sibi tantum, sed omnibus etiam Adæ posteris sufficeret ad salutem, si eius beneficio vni vellent. Quæ à Theologis gratia Capitis appellatur, & infinita esse dicitur: quia si infiniti esset homines (quod humanæ naturæ non repugnat) iis omnibus abudẽ sufficeret. Hinc Ioannes Baptista, De plenitudine, inquit, eius nos omnes accepimus. Quo nomine Christus Dñs Sol iustitiæ appellatur: quia vt Sol splendore suo

Esaię 11.

Cant. 2.

Ioan. 1.

Malac. 4.

suo vnuerfum mundum illuminat; ita is iustitiam & gratiā in iustos omnes meritis & virtute sua effundit. Cum enim hanc gratiam percepit, nequaquam sibi vni reseruauit, sed omnibus eam in commune proposuit. Illi enim multo magis quā beatorū Iob illa eius verba cōueniunt; Si comedi buccellā meam solus, & alienus non comedit ex ea. Itaque Sancti omnes, qui ab exordio nascentis mundi ad finem vsque erunt, ab hoc iustitiæ Sole sanctitatē & gratiam perceperūt. Hoc enim primæ mulieris fabrica (quæ ex viri costa formata est) designat. Quid enim in causa fuit, quod humani generis cōditor, qui primum hominem ex limo terræ plasmavit, noluerit ex eadē materia, sed ex costa viri, fēminam procreare? Quis verō hoc mysterio vacare credat? Quid autem commodius hoc symbolo significari nobis potuit, quā Ecclesiæ sponsæ Christi virtus & fortitudo: quæ non aliunde quā à Christo Domino (cuius primus ille homo figuram gerebat) in eam deriuata est. Quid tunc præterea? Post hanc admirandam diuinarum gratiarum opulentia sequuntur aliæ gratiæ, quæ gratis datæ nuncupantur; qualis est gratia sanitatum, miraculorum, linguarū, scientiarū, & prophetiæ donum, ceteræq. similes: quæ omnes plenissima atq. largissima manu in sanctissimam illam animam effusa sunt. His namque gemmis atq. pretiosissimis margaritis ornari decebat sacram illam humanitatem, quam Dei Filius ad diuinitatis suæ consortium assumptæ. Vbi enim diuina bonitas hanc sibi sponsam copulare decreuit, talem utiq. formare debuit, quæ nullum dedecus diuinæ personæ inureret, quod talē sibi naturam tam arcto vinculo copulasset. Qua de causa quidquid erat in thesauris diuinis reconditum, sine vlla mensura huic animæ sanctissimæ eodem temporis momento concessum fuit. Quin & illud etiam his omnibus adiiciendum est, quod vbi primum hanc animam sanctissimam Deus creauit, & his tantis muneribus adornauit, sibi q. in vnitæ personæ coniunxit, omnibus beatissimis spiritibus præcepit, vt ante illam procumbētes, tanquam legitimam Domini sui sponsam adorarent. Hoc enim Apostolus testatur cum ait: Et cum iterum introducit primogenitum in orbem terræ, dicit; Et adorent eum omnes Angeli Dei. Iob 32.  
Genes. 2.  
Hebr. 2.

Audistis, fratres, admiranda dona quæ sacræ illi humanitati hodierna die in felicissimo Virginis vtero collata sunt. Nunc illud expendite, quod hæc omnia ex sola immensa Dei liberalitate & gratia, ante omne meritum, eodem temporis momento donata sunt. Simul enim perfectē formata caro, simul anima creata, simul. Verbo Dei vnita, simul omnibus donis & gratiis, quas audistis, ante omne meritum dotata, illustrata, atq. ornata fuit. Qua de causa D. Aug. significantissimo nomine Christum August.

simile.

Dominum diuinæ gratiæ exemplar appellat. Vt enim ludimagistri, qui scribendi artē profitentur, quanta possunt dexteritate elegantissimos characteres effingunt, eosq. populo spectandos proponunt, vt artis suæ peritiā ostendent: ita omnipotens illa bonitas absolutissimū liberalitatis & gratiæ, atque magnificentiæ suæ exemplar in Christi humanitate constituit, in quā hac tanta gratiarum omnium opulentiā, ex sola sua largitate, ante omne meritum effusa est; vt hoc argumento & homines & Angeli immensam communis Domini magnificentiā agnoscerent, illumq. propter hanc tantam liberalitatis gloriam laudarent, & sibi ipsis gratularentur, quod Dominum tam immensa benignitate præditum colerent, à quo magnificentissima laborum suorum præmia expectarent.

## II.

Ephef. 3.

Verūm dicit aliquis: Quorsum hæc tam longa narratio, cum tu de Christi erga genus hominum charitate te dicturum professus sis? Nō sum, fratres, propositi mei immemor: hoc ipsum enim hæcenus egi, vt iam videbitis. Quæro enim à vobis, cum hæc sanctissima Christi anima, vbi primum condita est, vidisset se ante omne meritū Verbo Dei vnitam, & ad diuinā existentiam communionem eleuatam, & his tantis omnium diuinarum gratiarū opibus locupletatam, & ab omnibus Angelicis spiritibus adoratam; quo, quæso, amoris igne, quo dilectionis incendio, quo mentis ardore tantæ felicitatis & gloriæ auctorem diligeret? Est ne quisquam vel hominū, vel Angelorū, qui hoc aut verbis exprimere, aut cogitatione comprehendere possit? Verè enim ab Apostolo dictū est, Charitatem Christi omnem scientiam, hoc est, omnem etiam Angelorum cognitionē supereminere. Vbi autem tanta vis charitatis extitit, quantum ex ea charitate desiderium manauit, parendi, obsequendi, & quauis in re gratificandi illi, qui se ad tantæ celsitudinis gloriam euexerit? Hoc etiam omnem dicendi atq. etiam cogitandi vim longè superat. His aliud nunc adijciamus. Vbi anima illa beatissima Patris æterni voluntatē (ipso tradēte) cognouisset, & ab eo in mandatis accepisset, vt perditū mundum instauraret, vt humanum genus à diaboli potestate eriperet, & pro cōmuni humanæ naturæ debito satisfaceret, ac postremò vr tāta charitate homines (quorū illum caput, pastorem, ac Regem constituebat) diligeret, vt pro illis capi, vinciri, colaphis & alapis cēdi, flagris verberari, & in crucem agi sustineret; qua, quæso, is animi promptitudine, qua alacritate hoc Patris mandatū amplexus est, qua dilectione homines profecutus, quos ei Pater æternus quā commendatissimos & charissimos esse voluit? Iraque similiratione se mihi cælestis Pater cum Christo, atque Christus ipse cū Petro

trig



tro Apostolo gessisse videtur. Vbi enim ter ab eo quesisset, Petre  
 amas me? subiūxit, Pasce oues meas. hoc est, Si me, o Petre, to- Ioan. 21.  
 to corde diligis, si mei amore flagras. mihiq̃ue obsequi ardentem  
 experis, nulla magis in re gratificari mihi poteris, quā si vigi-  
 lantissima cura & studio pascas oues meas. Ad hunc ergo mo-  
 dum cū cælestis Pater ardentissimam Christi charitatē, sum-  
 mumq̃ sibi obsequendi desiderium vidisset, quā in re hoc præ-  
 stare posset, illi declarauit: nempe, vt salutis humanæ procura-  
 tionem susciperet, & pastorem ouiu suarum curam gereret;  
 & ita illas diligeret, vt pro illis mori non dubitaret. Vbi igitur  
 amantissimus Filius hanc amantissimi Patris voluntatem intel-  
 lexit; quo, quæso, amoris, quo charitatis ardore homines profe-  
 curus fuerit, quæ mens, quis intellectus, quis Angelus pro digni-  
 tate cōcipere valeat? Cū ingentes ferrei globi, sulphureo pul- Simile.  
 uere acti, in materiam duram & impenetrabilem iaciūtur; quo  
 maiori impetu feruntur, hoc violentius in contrariam partem  
 reflectuntur. Ad hunc ergo modum vbi flagrantissima Christi  
 charitas, quæ in Patrem rectā ferebatur, ad nos redire iussa est;  
 quo maiori impetu rapiebatur in Patrem, hoc maiori vi atq̃ ar-  
 dore ad diligendos homines reflexa est. Hoc autem ardore in-  
 census, exultauit vt gigas ad currēdam viam, hoc est ad omnes Psal. 18.  
 mortalitatis nostræ labores, quos illi cælestis Pater iniunxerat,  
 alacriter perferendos. Quam Christi charitatē Apostolus cō-  
 siderās, se ab ea vim pati pronuntiabat, dicens: Charitas Christi 1. Cor. 5.  
 vrget nos, hoc est, vim quodammodo cordibus nostris infert, vt  
 illum ad mortem vsq̃ diligamus, à quo tātopere dilecti fuimus.  
 Ex hoc autem dilectionis igne, ardentissima illa eius verba pro-  
 dierunt: Baptismo habeo baptizari, & quomodo coarctor vsque Lucæ 12.  
 dum perficiatur! Tanto enim ardore fundendi sanguinis sui,  
 quo erat aspergendus, tenebatur, vt rei tantopere concupitæ  
 dilatio, instar supplicij cuiusdam illi esset.

Ex his ergo quæ hæcē<sup>o</sup> diximus, fratres, intelligere poterim-  
 us, vnde tāta illa erga homines Christi charitas manarit. Nec  
 enim ea ex hominū dignitate, sed ex immensa Christi Domini  
 in Patrē charitate nata est, sicut ipse apertē in Euangelio testa-  
 tur, cū instāte sacratissimæ passionis tempore dixit: Venit prin- Ioan. 13.  
 ceptus mūdi huius, & in me non habet quidquā: sed vt cognoscat  
 mūdus, quia diligo Patrem; & sicut mandatū dedie mihi Pater,  
 sic facio. hoc est, Venit diabolus, qui huius mundi princeps esse  
 dicitur, vt mihi satellitum suorum operā vitam eripiat, quam  
 iure eripere non poterat, cū in me nihil suum agnoscat. Cur  
 igitur morior? Quia diligo Patrem, & quia mandatū hoc accepi  
 à Patre meo. Ex perfectissima igitur obedientia, & ardentissi-  
 ma in Patrē charitate, Dei Fili<sup>o</sup> homines dilexit; & ita dilexit, vt

Hebr. 12. tanta alacritate ac deuotione pro eorum salute se omnibus passionis suæ ludibriis atq. tormentis obiecerit, quantam nulla vis dicendi explicare, nulla creata mens concipere pro dignitate queat. Hoc est enim quod Apostolus insinuauit, cum dixit: Qui proposito sibi gaudio, sustinuit crucem, confusione contempta. Vis enim gaudij, quod ex hac tanta charitate & obedientia oriebatur, effecit, vt omnes corporis & animæ suæ cruciatus libentissimè exciperet.

Simile. Sed quādo iam charitatis erga nos Christi originē vidimus, paternæ quoq. charitatis rationem breuiter expendamus. Sicut Christi erga nos dilectio ex dilectione in Patrem; ita cōtrā Patris erga nos dilectio ex immensa in Filium charitate nascitur. Astrologorum sententiā est, ex vario siderum inter sese positu & aspectu, varios in huius inferioris mundi corporibus effectus oriri. Sic igitur, dū se Pater & Filius mutuò respiciunt, flagrantissimus hic in homines amor excitatur. Filius quippe ex Patris imperio nos diligit, & causam nostram apud illum agit: Pater verò cælestis Filium videns pro nobis in cruce patientē, & causam nostram apud ipsum agentem, seq. ipsum pro salute nostra immolantem, nos in gratiam & amicitiam recipit, sceleribusq. nostris propitiatur. Hic est enim mysticus ille arcus in nubibus cæli positus, quem cælestis Pater intuens, placatur, seq. à seueritate ad misericordiam flectit. Videtis ergo ex hoc mutuo Patris & Filij aspectu, & eorundem in nos amorem, & omnes diuinæ gratiæ opes, & magnificentissima dona proficisci?

Rom 8. Sed ne quis, dum has diuinæ erga nos dilectionis causas assignamus, circulari argumētatione niti calumnietur; sciat is primum huius tantæ dilectionis, tantiq. beneficij vim ad immensam diuinæ bonitatis & charitatis opulētiam esse reuocandam. Ex hac enim summum illud maximumq. diuinorum donorum manauit, quo Deus Pater ita dilexit mundum, vt Filium suum vnigenitum daret. Quo vno tam magnifico dono, cætera deinde omnia (vt Apostolus ait) nobis simul cū illo donauit. Is igitur tantam illam in Christo charitatem incendit, is nos talem Sacerdotem, Regem, Aduocatū, Mediatōrē, Redemptorē, & Propitiatorē habere voluit, per quem nobis propitijs fieret, omnesq.ue in nos gratiæ & misericordiæ suæ opes effunderet. Ceterū si huius diuini cōsiliij causam quæras, ea nimirum est, quod summus ille rerum omnium Dominus omnia opera suæ misericordiæ simul & iustitiæ (vt ita dixerim) cōdire & illustrare solet. Quam rem in hoc clarissimo humanæ redēptionis opere præcipue captauit; in quo summa eius misericordia cum summa iustitia coniuncta cernitur. Summa eius misericordia fuit, quod nobis vnigenitum Filium suum dedit; summa verò iustitia,

iustitia, quòd nos propter infinita Filij merita placidis oculis intuetur, & maximis beneficiis afficit.

## III.

Supereſt aliud in hoc incarnationis Dominicæ ſacramento non negligenter cõſiderandum. In eo namq. diuinæ ſapientiæ conſiliũ mirabiliter elucet. Cũ enim Chriſtianæ philoſophiæ ſummam Apoſtolus in charitate ſitam eſſe docuerit, illud prius ſalutis noſtræ auctor curare debuit, vt ægentia hominũ pectora hoc cæleſti igne inflammaret. Quid autẽ nos ad hunc amorem vehementius incẽdere poterat, quàm hoc ipſum Dominicę incarnationis opus, quod totum (vt iam oſtendimus) ex immenſo diuinæ bonitatis amore proſectum eſt; quo humanis diuina copulata ſunt; quo altiffimus ille calitum Imperator humana carne veſtiri, nobiſq. per omnia, abſque peccato, ſimilis fieri dignatus eſt: vt quos tam diſſimilis & diſpar naturarum conditio diſiungebat, earundem communio copularet. Excitat ergo primum nos ad redamandum tantus hic amor oſtenſus, tam aperta diuinæ bonitatis in hoc ipſo opere declaratio, tantum nobis beneficium impenſum, ac poſtremo (quod caput eſt) tanta inter Deum & hominem coniunctio & ſimilitudo.

Quantam porro ſimilitudo hæc atq. coniunctio ad amorem cõciliandum vim habeat, propoſito aptiſſimò (vt mihi quidem videtur) exemplo vobis explicare tentabo. Refert Plutarchus, Alexandrum illum Magnum, vbi victo Dario, ampliſſimo Perſarũ regno poſitus eſſet, vt ſubactos bello Perſas ſibi Macedonibuſque ſuis conciliaret (quo paribus animis ac ſtudiis in fide victoris permanerent) centum virgines ex Perſis elegiſſe, eaſq. ſub vno aureo tẽporio centum Macedonibus in matrimonium collocare; vt hac ſanguinis communionẽ, & comuni filiorum procreatione omnes in vnum quodammodo populũ ſub vnius Regis imperio coaleſcerent, & conſpirarent. Nec his contentus (quo maior intercederet inter Principem & populos ſibi ſubditos ſimilitudo) idem Perſarum cultu inſpecto, miſcellaneum quoddam geſtamen ex Perſico Macedonicoq. habitu inſtituit: hac videlicet ratione honore veſti habito, eorũ quos armis obtinuerat animos ſibi cõcilians, quo magis in fide permanerent, & Macedones ſibi imperantes non vt hoſtes odio, ſed vt conciuẽs amore proſequerentur. Belluas captantes homines ceruorum ſibi tergora obuoluunt; plumatiſque tuniculiſq. amiciuntur qui ad aucupia exeunt: at magnus ille Rex, gẽtes indomitas ferarum in modũ manſuefaciens, vernaculis eaſ veſtitis, aſſuetiſq. vitendi inſtitutis demulſit, placidioreſque reddidit. Hæc omnia ex Plutarcho: qui hoc exẽplo grauiter aduerſus Xerxẽ, eorundẽ Perſarũ Regem, cõmouetur; quòd is, animaduertens

Plutarch.  
de Alex.



Europam & Asiam interiecto Hellepontico mari diuisas, decreuisset multis in vnum ratibus lignisque coniunctis pontem extruere, qui vtramque hanc mundi partem coniungeret. Quanto verò prudētius Alexander, qui nationes inter se dissidentes, non ratibus & lignis, sed amore legitimo, castisq̃ue coniugijs, & liberorū procreatione copulauit! Hoc igitur exemplo, fratres, (vt antè diximus) diuinæ sapientiæ consilium intelligere licebit: quæ dum humanam naturam sibi desponsauit, nos omnes in illa sibi copulauit, & sempiterno amoris vinculo deuinxit. Quo etiam opere communem sibi & nobis mortalitatis vestem aptauit: vt si iam altissimum Deum, tanquam à natura nostra alienum amare pigeat, modò iam similem nobis factum, & humanitatis nostræ habitu vestitum, amare non pigeat; & sic amare, vt quemadmodum is amore nostri deuinctus, non sanguini, non vitæ, non vlli rei pepercit, vt salutem nostram conseruaret; ita nos sic huic tantæ dilectioni vicem reddere curemus, vt cum Apostolo, non tribulatio, nō angustia, non fames, non nuditas, non periculum, non gladius, non denique res vlla vel tam acerba, vel tam grata & pretiosa sit, quæ nos ab eius dilectione valeat separare; à qua tunc separamur, cum in aliquod lethale peccatum incidimus: quod à nobis idem Dominus clementer auertere dignetur, qui cum Patre & Spiritu sancto viuut & regnat in secula seculorum, Amen.

Rom. 8.

## IN FESTO APOSTOLORVM

PHILIPPI ET IACOBI, CONCIO PRIMA:

in qua prior pars Euāgelicæ lectionis explanatur.

**THEMA.** *In domo Patris mei mansiones multæ sunt: si quo minus, dixissem vobis: quia vado parare vobis locum.*  
Ioan. 14.



**MODI** ODIERNA sancti Euangelij lectio dilectissimi, pars quædam est consolatorij sermonis, quem Dominus pridie eius diei quàm pateretur, ad discipulos habuit; in quo illos de dilectissimi Magistri abscessu mœrentes multis rationibus consolatur, & spiritualis doctrinæ præceptis ad futura certamina, quæ illos manebant, munit & armat; quorū nonnulla in sacra huius diei lectione continentur: quam vt salubriter & religiosè explanare possimus, cælestem opem, sacratissimæ Virginis intercessionem, suppliciter imploremus.

AVR

## AVE MARIA.

Sunt inter Christianas virtutes nonnullæ adeo præstantes, vt nō solum per se ipsæ viles & salutares sint, sed alias etiam virtutes ad actiones, & officia sua vehementer acuant. Inter quas tres illæ virtutes, quæ à Theologis Theologicæ, hoc est, diuinæ appellatur, nempe fides, spes, & charitas, principem locū tenēt. Has autem virtutes cum primis sectari debet, quisquis ad omnium aliarū virtutum laudem ad dignitatem aspirat. Sed, prætermisssa nūc spe & charitate, in signem fidei dignitatem & vtilitatem inspiciamus. Constat enim, fidem virtutum omnium radicem & fundamentum esse. Sine fide quippe impossibile est Hebr. 11. placere Deo. Si autem radicis nomen verè in fidem cadit, cōsequens est, vt quemadmodum arbores quæ altius in terra radices simile. iaciunt, sublimius sese attollunt, & vberiores fructus proferunt: ita planè viuā fides, quo firmitus in mente nostra fundata & radicata fuerit, hoc maiores iustitiæ atq. virtutum omnium prouentus funder. Quamuis autem fides clarissimum Dei donum sit, & ab eo in fidelium mētes deriuetur, nihilominus tamē multis ac miris argumentis & testimoniis illustratur; maioraq. recipit incrementa, per quæ iustus homo ex fide in fidem (vt Apostoli verbis vtat) quotidie proficit. Cum enim vtrumq. lumen, Rom. 2. naturæ scilicet & gratiæ, ab eodem auctore profisciscatur; adeo alterum alteri minimè aduersatur, vt etiam alterum altero cumuletur. Vt ergo corpora nostra non solum hausto cibo & potu interiori calefiunt, sed exteriori etiam applicitis vestibus calorem concipiunt: ita fides non solum interno diuini Spiritus lumine, sed externo etiam, hoc est, miraculorum & diuinorum operum testimonio, eodē Spiritu cooperante, roboratur & confirmatur. Quo fit, vt quamuis ea quæ fides prædicat, supra omne rationis humanæ facultatem posita sint, nos tamen nō temerè, sed maximis rationibus & argumentis inducti, cū magna ratione credamus. Cum sint autē innumera testimonia & argumenta quibus fidei veritas cōprobatur, vnū dūtaxat ex tā multis, quod ex hodierna sancti Euāgelij lectione colligitur, in mediū afferam.

Ad hoc igitur sciendum est, ea quæ in sacra huius diei lectione cōtinentur, Dominum ea ipsa nocte qua erat in manus impiorum tradendus (vt paulo antè diximus) inter discipulos perorasse. Non ignorabat autem is, quæ hostium suorū illo die cōfisia essent, quæ insidiæ, qui armorum apparatus, quæ supplicia contra ipsum pararētur. Nam & Iudæ proditiōne prænuclauit, & illū accelerare ea, quæ tūc moliebatur, admonuit, & trinā Petri negationē ante galli cantum, & discipulorū fugam, & scēdulum quod ea nocte passuri essent, & imminēs sibi mortis supplicium eo ipso die apertissimè prædixit, quod sæpe etiā alijs ante passio.

passionem denunciarat. Si ergo Dñs is fuisset quem Iudæi prædicabant, quem & malefactorem, & gentis illius subuersorẽ, & blasphemum esse clamabant (vtpote qui, cum homo esset, diuinitatis sibi gloriam intoleranda superbia arrogaret) si, inquam, talis fuisset; quid, quæso, facturus erat eo die quo se atrocissimis hostibus tradendũ, & immanissimo crucis supplicio afficiẽdum sciebat? Quid, inquam, tũ esset facturus, nisi quod malefici homines solẽt, cum ad necis supplicium à Præfectis vrbium quæruntur? Fuga enim celerrima sibi cõsulunt, omnes latebras exquirunt, omnes vrbis angulos lustrant, si quem fortẽ aptum ad latendum inueniant. Sunt qui se vel in cisternis, vel in tumulis inter mortuorum cadauera condunt: sunt qui se præcipites vel ex tectis, vel fenestris exturbãt, si alia via sibi ad fugã aditus non pateat: sunt etiam qui ad Indos vsque, hoc est, ad extremos mudi fines, vxore liberisq̃, charissimis relictis, fugiant, si alia ratione mortis periculum vitare nequeant: denique nullum non mouent lapidẽ, nulla siue corporis, siue rerum suarum incommoda recusant, tantisper dum vitam incolumem seruent. Iam verò qua trepidatione & consternatione exagitatur, qua celeritate huc & illuc consilij inopes discurrent, vt aliquam salutis & vitæ conseruandæ rationem inueniãt! Hæc igitur malefici homines. Sed quid ego maleficos dici, cum etiã sanctissimi quique viri, quo tempore vel ab infidelibus, vel ab hæreticis ad necem quærerentur, desertas & inuias solitudines peterent, vt à morte etiam gloriosa eriperentur? Sic enim S. Blasius ad Argeum montem aufugit, qui tamen ab Agricolai Præsidis militibus, in eo monte venantibus, deprehensus est. Quid verò magnus ille Athanasius? quas non mundi oras peragrauit, vt Arrianorum gladios effugeret? Qui etiam (quod incredibile dictu est) sex annos continuos in sicca cisterna sine Solis aspectu latuit.

Nunc in Dominum Saluatorem oculos coniciamus: ea ipsa nocte, qua sciebat se ad mortis supplicium quarendũ, cũ discipulis cœnauit, & Pascha cum illis religiosissimẽ celebrauit, pretiosissimi corporis & sanguinis sui Sacramẽtum instituit; quodque omnem superat admirationem, vt humilitatis virtutẽ exemplo suo commendatissimam redderet, discipulorum pedes lauit: quodque non minus mirabile est, longissimum ad eos sermonem habuit, quo illos & ad mutuam dilectionem, & laborum patientiam, & omnia virtutum officia instruxit, & multis maximisq̃ rationibus eos de abscessu suo moerentes atque trepidantes cõsolatus est. Nec hoc cõtentus, in eo sermone pro illis orationem ad Patrem fudit; vt eius patrociniõ adiuti, quod ipse verbis docuerat, illi moribus & vita præstaret. Qui ergo sic se hoc tẽpore gerebat, qui hac tâta pace & tranquillitate animi

hæc



hec pietatis officia exercebat, quo die hostes eius hastas pollic-  
bāt, gladios acuebāt, faces accēdebant, & exercitū ad se capien-  
dum comparabant; quonam modo is esse poterat, quem Iudæi  
maleficum, subuerforem, & blasphemū esse clamabant? Si enim  
is esset, haud dubium quin illo tempore ea faceret quæ ij solēt,  
quibus præsens mortis periculum imminet. Quis igitur adeo  
pertinax & amens erit, qui hac ratione dignitatem & innocentiam  
Domini, & hostium suorum cæcitātē non agnoscat? Quis  
huic tam firmo fidei nostræ argumento refragari queat? Nec  
dissimile huius veritatis & innocentia argumentum est, sum-  
mum illud eiusdem Domini, inter tot accusantium calumnias  
atq. mendacia, silentium. Quis enim reus, cum de capitis peri-  
culo agitur, & à falsis testibus ante iudicē accusatur, silentium  
seruat? quis nō clamoribus omnia complet? quis non iuramen-  
tis iterum & iterum repetitis innocentiam suam tueret?  
quis denique non cælum terramque hoc tempore pertimescet?  
quis non Dei atq. hominum fidem aduersus tantum nefas im-  
plorat? Si hoc ipsum nocentes quoque faciunt, quid innocentes  
facturos putamus? At Dominus tantum inter tot falsa crimina  
silentium tenuit, vt Præses ipse vehemēter admiratus, ad illum  
dixerit: Mihi non loqueris? Nescis quia potestatem habeo cru- Ioan. 19.  
cifigere te, & potestātē habeo dimittere te? Quis igitur vel hoc  
vno indicio & fidei nostræ veritatem, & Christi Domini digni-  
tatem non agnoscat? Sunt quidem grauissima & innumera pe-  
næ argumenta, quibus Catholica fidei veritas comprobatur, è  
quibus tamen hoc vnum in medium afferre volui, quod ex ho-  
dierna sancti Euangelij lectione desumitur; vt vel hac vna ra-  
tione radix fidei mentibus nostris altius impressa, vberiores  
virtutum atque iustitiæ fructus germinet. Sed iam ad Euan-  
gelicam lectionem propius accedamus.

## I.

Ait ergo Dominus discipulis: *Non turbetur cor vestrū.* Triplici  
de causa discipulorum animi turbati erant. Primum, quod di-  
lectissimū magistrum, cuius gratia omnia reliquerant, à se dis-  
cedere intelligebant; vt non possent filij sponti, ablato spontō  
non lugere. Deinde, quod audierant vnum ex ipsis in tantum  
nefas prolapsurum, vt Magistrum hostibus proderet. Quamuis  
enim huius tam tetri facinoris sibi cōscij non essent, suæ tamen  
infirmis memores, pro se quisq. tantum illud nefas fornai-  
dabat. Itaque (vt Matthæus Euangelista refert) cōtristati valde, Mat. 16.  
cœperūt singuli dicere: Nunquid ego sum, Domine? Postremō  
illos etiam grauer angebat, quod audierant, Petrum, qui velut  
columna erat inter eos, ter Dominum esse negaturū, ipsosque  
ea nocte graue scandalum passuros. Hanc igitur discipulorum  
trepida-

Rupert<sup>9</sup>.

trepidationem Dominus adimere intendit, cum ait: *Non turbetur cor vestrum*. Quo in loco diligenter obseruandū esse ait Rupertus abbas, quod non dixerit, Ne turbemini: quandoquidem paulo antē dixerat, ipsos ea nocte scandalum passuros, ipsumq. Dominum relicturos. Ergo quod ait, *Non turbetur cor vestrum*, idem est ac si dixisset, Non deficiat fides vestra. Quoniam, inquit, Satanas expetiuit vos, vt cribraret sicut triticum; & tanta tritura vis erit, vt dispergami omnes, & me solum relinquantis: hoc vnum ergo restat persuadere, vt corporaliter dispersi, saltem corde imperturbato permaneatis mecum in tentationibus meis. Hoc enim est quod ego rogavi pro te Petre, vt, dum voce negas, saltem in corde fides tua non deficiat; & de hoc ipso quod offendis in verbo, aliquando conuersus, confirmes fratres tuos. Itaque non turbetur cor vestrum, sed credentes in Deum, credere & in me; neque tentationum mearum euentu turbati, errasse vos arbitremini in eo quod hactenus credidistis in me. Credite, inquam, in me. Et si nunc ingruentis asperitas hiemis extrinsecus virentia confessionis vestrae folia deterit ac dispergit, viuat saltem intrinsecus radix bonae arboris, vt postquam haec hiems transierit, postquam hic imber abierit & recesserit, de radice credulitatis, quae viget in corde ad iustitiam, reflorescat oris confessio ad salutem. Hactenus Rupertus.

Secd expendamus, quae Dominus salutis praesidia discipulis proponat, vt illis metū adimat. Certē talia, vt illis muniti, etiam si caelum cōcideret, & terra incendio deflagraret, nihil esset cur trepidare atque turbari deberent. *Creditis*, inquit, *in Deum, & in me credite*. hoc est, Sicut fidem atque spem vestram in vno Deo repositam habetis, ita in me etiam reponite, mihi fidite, me tutorem, defensorem, ac patronum, & salutis vindicem agnoscite: nihil enim minus in me diuinitatis ac potestatis, quā in Patre est. Cum autem tot mea erga vos dilectionis argumēta habeatis; quae tanta calamitas esse potest, quae vos, me protegente, de gradu virtutis & constantiae depellere queat? An non in Esaia legistis: Iuxta est qui iustificat me; quis contradicet mihi? stemus simul. Quis est aduersarius meus? accedat ad me. Ecce Dñs Deus auxiliator meus, quis est qui condemnet me? Huius ergo Domini patrocinio muniti, nihil est cur vel cūctorum hominum, vel inferorum etiam vim & potentiā timeatis. Haec quidē autem vel maxima piorum hominū in calamitate felicitas, quod in rerum omnium Domini tutela securi latent. *Qua de* causa ipsos Propheta ad laetitiam adhortatur, cum ait, *Laetamini in Dño, & exultate iusti, & gloriamini omnes recti corde*. Merito non in se, aut humanis praesidiis, sed in Deo latari monet; quod videlicet Deum habeant tutorem, protectorem, au-

ctorem

ctorem felicitatis, vindicem libertatis, atque postremo fidiſſimum parentem, qui non minorem illorum, quàm parentes ſi-  
liorum, curam & providentiam gerat. Hoc igitur primum Do-  
minis diſcipulis præſidium atque ſolacium proponit.

Sequitur aliud: *In domo patris mei mænſiones multe ſunt: ſi quo mi-  
nus: hoc eſt alioqui, vel ſi ſecus eſſet, dixiſſem vobis: quia vado pa-  
rare vobis locum.* Hac oratione Dominus profectionem ſuam ad  
eorum ſalutem pertinere ait, quòd ad parandum eis locum pro-  
ficiſceretur: quocirca non modò illis minimè trepidandũ, ſed  
ſummopere etiam lætandum eſſe. Sed paulò diligentius hæc  
Domini verba excutiamus, quibus de cæleſtis gloriæ præmio  
diſſerit. Præmium autem, quod eſſentiale vocant, in aperta im-  
menſæ illius pulchritudinis contemplatione & dilectione con-  
ſiſtit. Hac enim in re nõ ſolũ hominũ, ſed angelorum etiam  
felicitas poſita eſt. Quamvis enim (vt D. Thom. ait) naturæ cõ-  
ditione longè inferiores ſint homines Angelis, in beatitudinis  
tamen dignitate pares ſunt. Nec enim aliud eſt quod homines,  
quàm quod Angelos beatos efficit. Imò ſi beatitudinis obie-  
ctum ſpectare velis, non eſt aliud quod Deum & quod homi-  
nem beatum facit. Neque enim alia Dei beatitudo eſt, quàm ſe  
videre, & ſe ipſo frui; eademq. hominis, ſuo tamen gradu, bea-  
tutudo eſt. Hoc eſt enim illud Domini ſui gaudium, in quod fi-  
delis ſeruus intrare præcipitur. Summus ſiquidem ille bono-  
rum omnium largitor non aliam ſibi, aliam fidelibus ſeruis  
beatitudinem propoſuit; ſed quod ſibi diuinitatis iure conuenit,  
in illos per adoptionis gratiam contulit. In illius ergo amplexu  
& contemplatione felices erimus, in illo ſummo gaudio exple-  
bimur, in illo volubilis & inquieta deſideriorum noſtrorum ro-  
ta conquieſcet: quia nihil vltrà habebit quod deſiderare poſſit,  
cũ in illo ſummo & infinito bono, bonorum omnium ſum-  
mam deprehendat. Hoc enim bono Propheta ſe beandum pro-  
fitebatur, cũ diceret: Satiabor cũ apparuerit gloria tua: ſive,  
vt alius vertit, Satietas lætitarum eſt cum vultu tuo. Hic eſt  
autem denarius ille diurnus, qui Dominicæ vineæ operarius in  
Euangelio promiſſus eſt. Denarius autem complexu ſuo om-  
nem continet numerum; vt hac ratione intelligamus, bono-  
rum omnium ſummam in hoc ſempiternæ felicitatis præmio  
contineri.

Hoc cũ ita ſit, cur, Saluator ait, *In domo Patris mei mænſiones  
multe ſunt:* hoc eſt, multiplices felicitatis & gloriæ gradus; cũ  
tamen vnum ſit beatitudinis obiectum, vnusque operariis om-  
nibus denarius (vt modò diximus, fuerit promiſſus: Huic quæ-  
ſtioni D. Thomas reſpondet, cæleſtem illam beatitudinem &

D. Tha.

Pſal. 136.

Mat. 20.

D. Tho.

Primum



Primum quidem vna est omnibus qui eundem Dominum re-  
 lecta facie contemplantur. Omnes enim cælestem illum Re-  
 gem in decore suo vident; quamuis solus ipse immensam pul-  
 chritudinis suæ magnitudinem cōprehendat. Omnibus deinde  
 eadē æternitatis mensurā hæc ipsa gloria distribuitur. Sciunt  
 enim se in Dei gratia & amicitia ita esse confirmatos, vt nulla  
 vnquam temporis diuturnitate ab illa casuri sint. Postremò ita  
 inter sese mutua charitate deuincti sunt, vt propria singulorum  
 gaudia omnibus cōmunia sint. Si enim materna charitas facit,  
 vt dignitas de gloria quæ filio obigit, nō min⁹ ipsam, quā  
 filium attingat; quid flagrantissima illa bonorū charitas faciet,  
 quæ multis partibus omnem naturæ dilectionem superat? Quo  
 fit, vt, cū infinitus propē sit numerus beatorum, infinita pro-  
 pe sint gaudia singulorum. Quos autem ad virtutem aculos  
 hæc tanta spes, tantaque felicitas nobis addere deberet, quibus  
 hæc tanta gloria proposita est? His ergo rationibus felicitas illa  
 vna eademque esse dicitur: nihilominus tamen (vt hoc in loco  
 Saluator ait) multiplex, maximeq. varia est; quia nō omnes ea-  
 dem mensura diuinæ pulchritudinis speciem contemplantur,  
 nec illa eadem pari mensura fruuntur. Cū enim in diuinæ pul-  
 chritudinis contemplatione atq. fruitione sanctarum anima-  
 rum felicitas posita sit; quicumque cordis puritatem in hac vitā  
 maximè coluerunt, seq. ipsos à terrenarum rerum contagione  
 & amore puros integrosque seruarunt, hi planè longè clari⁹  
 diuinam illam speciem contemplabuntur. Vnde Saluator, Beati,  
 inquit, mundo corde, quoniam ipsi Deum videbunt. Qui-  
 cunque etiam flagrantiori charitate Deum in hac vita dilexe-  
 runt, seruentioresque & alacriores in eius obsequio fuerunt, hi  
 planè maiori voluptate atq. gaudio afficientur, cū illū ipsum  
 aperta facie videant, quem adhuc velatum tantopere in hac vi-  
 ta dilexerunt. Ex his autem illud efficitur, vt quemadmodum  
 ex eodem fōte alius maiorem, alius minorem aquæ mensuram  
 pro vasis magnitudine, refert; ita beatæ illæ mentes, pro meri-  
 torum dignitate, & maiorem vel minorē felicitatis gloriam ex  
 inexhausto illo immensæ pulchritudinis fronte haurient. Hoc  
 est ergo quod cælestis Magister insinuauit, cū in domo Pa-  
 tris sui mansiones multas esse dixit: quia videlicet diuersa sunt  
 merita viuētium, diuersa dona gratiarum, quæ vobis & illis dis-  
 tributa vel distribuenda sunt. Itaque sicut alia claritas Solis, alia  
 Lunæ, atque alia stellarum; stella quoque differt à stella in cla-  
 ritate: sic & ipsæ mansiones multæ sunt, & in gloria differunt;  
 veruntamen omnes in firmamento immortalitatis & incorru-  
 ptionis stabilitæ sunt.

Cæterum ne discipuli hanc rātam gloriam quā diutissimo  
 temporis

Matth. 5.

simile.

1. Cor. 15

temporis spatio differendam putarent, adiunxit protinus, se eo proficisci, vt eas illis mansiones pararet. *Et si abiero, inquit, & preparauero vobis locū, iterum veniā, & accipiam vos ad me ipsum, vt, vbi ego sum, & vos sitis. vt videlicet, vbi fuerit corpus, ibi congregentur & aquilæ; vbi caput, ibi membra; vbi magister, ibi discipuli; vbi deniq. sponsus, ibi etiam filij sponsi.* Quod autem dicit; *Iterum veniā, & accipiam vos ad meipsum:* hoc in fine vitæ Apostolorum, atq. adeo piorū hominum accipiendū est, quo tempore illos Dominus ad felicitatis suæ consortiū rapiet. Nec in morte tantū, sed ante mortem etiam spiritualiter eos inuisere solet. Hoc enim Sponsa in Cant. insinuat, cū ait: Dilectus meus descendit in hortum suum ad areolam aromatum, vt pascatur in hortis, & lilia colligat. Hic autem hortus, Ecclesia est: areola verò aromatum, piorum hominum cœtus, qui variarum virtutum fragrantia, Christi bonus odor sunt. Harum autē virtutum suauitate celestis Sponsus mirificè pascitur & oblectatur. Præcipue verò lilia colligere dicitur, quæ candore suo & pudicitia & virginittis puritatem designant; vt hac ratione eximiam illam dilectionem agnoscamus, qua summus ille puritatis fons erga huiusmodi animas afficitur.

Cant. 6

## II.

Verū hoc in loco non negligenda questio obijcitur, quæ in reliqua concionis parte tractanda est. Quid enim sibi vult, quod Saluator ait, se in hoc proficisci, vt locum discipulis inter cælestes illas mansiones pararet: Hæ namque mansiones ab æterno iam diuinæ prædestinationis decreto electis omnibus paratæ sunt; & quam quisque felicitatis mensuram sit percepturus, iam olim a Deo constitutum est. Est ita, fateor: sed qui in his mansionibus collocandi sunt, non sunt adhuc parati. Has namque mansiones nō impuris hominibus, sed iustis, sed Dei amicis atq. adeo filiis charissimis (qui adoptionis iure in paterni patrimonij possessione collocandi sunt) Pater æternus destinauit. At omnes posteri Adæ, impuri, & in peccato cōcepti sumus, sicut Esaias ait: Et facti sumus inimundi omnes nos, & omnes inimici nostræ quasi pannus menstruatus: omnes item inimici Dei, omnes naturā nascimur filij iræ, omnes ferè multis criminibus alligati, & sempiternæ mortis rei effecti sumus. Quocirca necesse est, impedimenta hæc, quæ hominibus cælestis regni aditū intercludūt, amouere, vt digni efficiātur qui in illas mansiones admittendi sint. Hoc est igitur, quod nunc se Dominus facturum pollicetur, cū se ad parandum nobis locū proficisci ait: perinde enim est ac si diceret: Ad crucē modò atque passionem propter vestram salutem constituendam pergo, per quam commune generis humani debitum sanguinis mei oblatione

Esaię 64.

Ephes. 1.

dissoluam, per quam peccata mundi expiabo, per quā vos Patri meo reconciliabo, & ex ira filiis, Dei amicos & filios, atq. celestes parimonij hæredes efficiam; & per quam deniq. gratiam & Spiritum sanctum vobis impetrabo, qui intra vos manēs diuinę puritatis & sanctitatis participes efficiat, & sic tandem ad illas mansiones, quæ iam olim paratæ sunt, vos præparet, & illis dignos reddat. Hac ergo ratione vado parare vobis locum. Quæ ex re, charitatis erga nos Christi magnitudinē agnoscere licet, qui tanto suo incommodo nos ad illas mansiones parauit. Morte quippe sua nobis immortalitatem contulit, doloribus suis semperternæ felicitatis gaudium nobis promeruit; ignominioso crucis supplicio immortalem nobis gloriam comparauit, & omnia in corpore suo diuinæ iustitiæ tela excipiens, noscum Patre, à quo dissidebamus, in gratiā restituit, ac postremò pretioso sanguinis sui cruore peccatorum nostrorum chirographum, quod erat nobis contrarium, deleuit: atque ita demum impedimenta omnia, quæ nobis aditum in æternas illas mansiones intercludebant, mortis suæ sacrificio sustulit. Hoc est autē summū illud beneficium quod Ioannes in Apocal. de Domino Salvatore loquens, suauissimis his verbis exposuit: Qui dilexit nos, & lauit nos à peccatis nostris in sanguine suo. Quamuis autē hoc summum diuinæ pietatis beneficium latissimè ad omnes pateat, vnusquisque tamē fidelium singulariter sibi impensum existimare debet. Vt enim Solis lumen, quod omnia illuminat, non minùs vnicuique lucet, quàm si eum solum illuminaret; ita Dominicæ passionis sacrificium, quod pro omnibus oblatum est, non minùs vnicuique prodest, quàm si pro eo solum oblatum esset. Hoc enim animo Apostolus huius beneficij gratiam sibi applicabat, cum de Domino Salvatore diceret: Qui dilexit me, & tradidit semetipsum pro me: hoc est, tanta me charitate dilexit, vt, cum ego morti adiudicatus essem, ipse se mediū obiecerit, & mortem, quam peccata mea merebantur, ipse, qui nihil morte dignum admiserat, pertulerit. Qui ergo fieri potest, vt non illum redamem, qui tanto me amore dilexit?

Vt ergo quisq. nostrū, fratres, Pauli exemplo hoc grati animi obsequium Redemptori exhibeat, oculos in sublime tollat, & pendētis in cruce Domini imaginē pio cordis affectu contemplans, sic cum illo agat: Quis te, quæso, Domine, ferreis clauis in hoc ligno confixit? quæ noxa tua, quod scelus tuum, quæ flagitia, quæ rapinæ tuę fuerūt, propter quas inter maleficos homines appēdereris, & quasi sceleratus pœnas dares? Tu fōs puritatis, tu agnus ille innocentissimus, in quo nulla erat macula, qui iniquitatem non fecisti, neq. dolus inuentus est in ore tuo.

Isaia 53.

Omnes nos quasi oves errauimus, vnusquisq. in viam suam declinauit,



elinavit. Nemo nostrum dicere potest: Mundum est cor meum, purus sum à peccato. Tu solus sine peccato, tu solus sanctus, innocens, impollutus, segregatus à peccatoribus, & excelsior cælis factus. Huic interrogationi respondeat Dominus poterit: Non mea iniquitas, sed tua, me huic patibulo affixit; superbia tua me sic humiliavit, auaritia tua sic spoliavit; lascivia tua in tot me dolores coniecit; & inobedientia tua manus meas & pedes clavis in ligno confixit. Vidi enim homines ob primi parentis inobedientiam à paradiso expulsos, eosdemq. ob priuata cuiusque scelera ad sempiternam mortem damnatos. Vidi nullum esse inter eos virum à peccati & mortis debito liberum, qui secundum diuinæ iustitiæ leges pro omnibus satisfacere posset. Solus autem ego hoc poteram, quia solus inter mortuos à peccati debito liber eram. Cum ergo animaduertere miseros homines diuinæ iustitiæ decreto ad sempiternam mortem damnatos; usque adeo miserandam eorum vicem dolui, ut salutis ipsorum gratia me in hoc tantum dolorum & cruciatuum pelagus sponte coniecerim, ut, quæ non rapui, exsoluerem. Hæc & multa alia in cruce positis respondere Dominus posset. Quæ cum diceret; an non mentes nostras hac tanta amoris significatione liquefaceret? Si enim bonitatis, & charitatis, & beneficiorum magnitudo ferrea etiam corda ad amorem excitant, quæ maior diuinæ bonitatis declaratio, quæ ardēior charitatis exhibitio, quod maius diuinæ misericordiæ beneficium, quam quod in Christi morte & passionē cōspicitur? Cū bello civili, ut Seneca refert) nobilis quidam vir ad necem quæreretur, fidelissimus quidam eius famulus, qui eximio domini sui amore flagrabat, vestes eius induit, & annulus digitis aptauit, seq. intrepidū pro domino morti obtulit. Quid hic, quæso, dominus famuli morte seruatus, tantoque deuincitū beneficio facere deberet? quo affectu tantum illud fidei & dilectionis opus recoleret? quā beneuolentia demortui liberos, si qui forte superessent, prosequeretur? Si igitur hunc erga seruū dominus annuum gereret, quem summū beneficium in sui amorem pellexerat, quid nos facere, quid sentire, quo affectu atq. ardore liquefieri par est, cū maiestatis Dominum pro seruandis nobis ad mortem se obtulisse videamus? Ille enim seruus hic verum omniū Dominus; ille beneficiis astrictus, hic non modò nullis nostris meritis obligatus, sed multis etiam iniuriis affectus; ille temporariam vitam breui temporis spatio definitam morte sua domino contulit, hic sempiternam nobis vitam dedit, & à sempiterna morte liberauit. Quæ ergo beneficij ad beneficium comparatio? Ut enim alia præteream, tantum hoc beneficium beneficio præstat, quantum diuinæ maiestatis dignitas seruli conditione præstantior est. Si ergo

Seneca.

beneficium illud flagrantissimam seruati Domini charitatem, & sempiternam memoriam merebatur; quid, quæso, fratres, à nobis hoc salutis nostræ beneficium suo sibi iure vindicat, quod infinitis partibus præcellit? Qua ergo charitate tantâ Dei nostri charitate prosequi, qua dilectione tantas diuinæ bonitatis opes diligere, quæ gratias pro tam ineffabili diuinæ clemenciæ beneficio agere, quibus laudibus hoc tantum misericordiæ opus prædicare, qua deuotione clementissimi huius Seruatoris obsequio & seruituti nos addici par est? Quid enim illi non debeamus, qui vitam illam, quæ rerum omnium conditarum dignitatem infinitis partibus vincit, in vitæ nostræ remedium contulit? Quod si me totum, vitamq. meam illi tradidero, quid sum ego ad Dominum meum? O quantus se nobis hic lugendi campus aperiebat, si illos in iudicium vocarcmus, qui nulla huius tanti beneficij memoria tanguntur! qui tantum abest, vt vllam tanto amatori amoris vicem rependant, vt etiam continuis sceleribus eius maiestatem violent, & (quod in ipsis est) totum Dominicæ redemptionis sacramentum euertant, cum se illo indignos sceleribus suis faciunt.

Sed fortasse aliquis dicat; Fateor me multū Redemptori debere, qui tantam in me salutem contulit; sed propter suscepam pro me mortē & cruciatum quid illi debeo, qui cum Deus esset, ab omni doloris sensu immunis erat? Vt enim in Abraham sacrificio aries iugulatus est, Isaac autem mortis periculum euasit; ita in Christi sacrificio sacra illa humanitas passa fuit, diuinitatis autem maiestas illesâ permanuit. Est ita planè. Sed quârum, quæso, vnigenito Dei Filio debes, qui dilectissimâ illam humanitatem, quam sibi indissolubili vinculo desponsauerat, cuique esse suum contulerat, pro cōseruanda vita tua ad mortis supplicium obtulit? Hoc autē quale sit, propositis exemplis declarabo. Huius enim dilectionis magnitudinem ex ea dilectione, qua anima nostra corporis sui vitam diligit, conijcere poteritis: quæ nimirum tanta est, vt damon apud Iob, rebus omnibus, liberisque sancti viri amissis, dixerit: Pelle pro pelle, & cuncta quæ homo habet, dabit pro anima sua, hoc est, pro vita sua. Cuius quidem dilectionis causa est quia (vt modò diximus) anima suum ipsius esse atque vitam corpori tribuit. Neque enim corpus à se, sed ab anima vitam habet: ideo sublata anima, corpus in cadauer, atque adeo in sterquilinum transit. Inde fit, vt anima, quæ suum ipsius esse corpori tribuit, illud vehementer diligat. Hoc autem exemplo, quo amore Dei Filius sacram illam humanitatem diligat, perspicere licet: is namque suum ipsius esse, hoc est, diuinum esse humanitati inexplicabili rationi tribuit, quamuis nullo modo eius forma sit. Hanc ego adeo dilectam

Simile.  
Gen. 22.

Iob 2.

dilectam sponsam salutis humanæ gratia in dolorum atq. tormentorum omnium torrentem cōieciſſe, quāta, quæſo, dignationis, quanta pietatis & miſericordiæ fuit! Adieciam alterum huius rei exemplum, quo res fiat dilucidior. Ferunt maleficum quendam hominem nullis tormentorum generibus ad commissi criminis confessionem adigi potuisse. Iudex autem prudentissimus, excogitato nouo cōſilio, paruulum eius filium ante patris conſpectum atrociter verberari iuſſit. Quo cruciatu ita patris viscera laniata ſunt, vt admiſſum ſcelus aperta voce confiteretur. Quo indicio colligimus, quātum nos eorum, quos chariſſimos habemus, cruciatus torqueat; quandoquidem apud hunc hominē plus dilecti corporis dolor, quā proprii cruciatus, valuit. Quod ideo dixi, vt hac ratione intelligatis, fratres, quantum salutis noſtræ auctori debeamus, qui dilectiſſimam & puriſſimam illam humanitatē immaniſſimis hoſtibus cruciandam, illudendam, conſpuendam, verberandam, crucifigendam, & mille modis excarnificandam incredibili pietate & miſericordia tradidit, etiam ſi aſciſſimam illam diuinitatis ſubſtantiam nullus dolor attigerit.

ſimile.

Quid eſt autem quod hoc ſummum redemptionis noſtræ beneficium à nobis præcipue exigit? Certe vt huic tantæ erga nos diuinæ charitati vicem rependamus, & charitatem alterna charitate compenſemus: neq. enim alia re plenius amor, quā amore, compenſatur. Si ergo Dominus maiori dilectione animarum noſtrarum ſalutem, quā corporis ſui vitam proſecutus eſt; efficitur planē, vt nos illum ſupra vitam noſtram, ſupraque omnia quæ in vita chariſſima ſunt, diligere debeamus, eaq. omnia prius, quā eius gratiam & amicitiam, interire patiamur. Hac enim ratione nos illum ſupra omnia diligere comprobabimus. Deinde illud etiam à nobis exigitur, vt, quando ille propter peccatum è cordibus noſtris eliminandum diſſiſſima ſupplicia ſubire non recuſauit, nos quoque nulla neque incommoda, neque ſupplicia recuſemus, ne id admittamus, quod iſtam immani odio execratus eſt. Poſtremo, quoniam vera dilectio in laboribus ob dilecti gratiam perferendis maximē comprobatur (hac enim ratione ſuam erga nos dilectionem Saluator præcipue declarauit) noſtra quoque erga illum charitas nullo modo conquieſcat, donec variorum laborum & calamitatum inſeparabili patientia comproberetur. Hæc igitur tanta diuinæ erga nos charitatis dignatio effecit, vt ſancti viri multo magis cruciatus & mortem propter Chriſti gloriā, quā alij diuturnam vitam deſiderarint. Sic enim beatus Pater Dominicus flagrantifſimo ardore non ſolum mortem, ſed omnium etiam membrorum dilacerationem propter Chriſti gloriam ſitiebat.



A<sup>ctor</sup> 5.

sic sanctus Laurentius craticulas & ignes, tanquam suauissimas epulas, exoptabat. Sciebant enim hanc solam esse dignā moris Christi compensationem, cum sanguis sanguine pensaretur. Quid verò Apostolos memorem, qui ibant gaudentes à conspectu concilij, quod digni habiti essent pro nomine Iesu contumeliam pati? Qua de causa Dominus, qui eorum desiderium, & martyrii gloria probè norat, noluit eos neq. hac tāta gloria, neque desideratissima martyrii corona fraudare. Omnes enim Apostoli, vno Ioāne excepto, qui ex feruentis olei dolio incolumis euasit, scalam sibi in cælum per varias cruces & mortes erexerunt. Hac autē regia & Apostolica via Philippus & Iacobus hodie cælestem aulam, martyrii sanguine laureari, gratulatibus cælestis curiæ ciuibus, simul ingressi sunt. Quorum breuiter & sanctissimæ vitæ cursum, & mortis exitum attingam. Philippus igitur, in partitione prouinciarum, Scythiam sortitus est, in qua cum annos ferè viginti Christianæ religionis institutis animos populi imbuisset, innumerabilemq. multitudinem à falso cultu ad verū traduxisset, à nonnullis, qui à religione nostra abhorrebant, comprehensus est primum: deinde ad statuam Martis ductus, vt ei diuinum honorem & cultum tribueret. Eo vt vêtum est, draco inuiscerata magnitudinis ex basi statuæ erupisse dicitur, Pontificisq. filium, qui ignem ad sacrificium ministrabat, duosq. Tribunos, qui prouinciæ præerant, quorum satellites Philippum comprehensum habebant, certo quodam imperu vulnerasse, multosq. statu oris in grauem morbum præcipitasse. Philippus autem, qui omnia lamentationum, gemituum, morborumq. plena cerneret, omnibus tum exposuit, si consilium ipsius sequi vellent, fore vt nō solum ij, qui draconis statu in morbum incidissent, cōualescerent; verū etiam ij qui iam extincti essent, ab inferis excitarentur. Quin etiā se Dei sui nomine draconem, qui eis tam pestifer esset, fugaturū promisit. Omnes eum tum orare, vt cōsiliū daret, quo quā primum vterentur, enixè cōperūt. Ille Martis statuam deiciendam esse dixit, & in eius loco Iesu Christi crucem figendam, quam ipsi veneraretur & colerēt. Cumq. agri sibi vires deesse clamarent, & ostenderēt lacrymis, se, si possent, quā primum deiecturos statuā, Philippus draconi Christi nomine, vt eo abiret, vbi nocere nemini posset, imperauit: atque ita eius iussu inde abiit. Tum autem & Pontificis filium, & duos Tribunos, quos paulo antè dixi, ab inferis excitauit, & omnes, qui statu draconis in morbum inciderāt, curauit. Quo factum est, vt omnes, qui antea Philippo infesti erant, pœniteret scelerum suorum, ipsiq. eum vt Deum in hominis specie & figura adoraret. Ipse autem annum ibi præterea commoratus est, totumq. illud tempus in tra-

in tradendis docendisq̃ue religionis nostræ mysteriis institutisq̃ue consumpsit. Eius itaque operâ innumerabiles homines ad Christi cultum & religionem traducti, baptizatiq̃. sunt. Institutis autem eorum hominum ordinibus & gradibus, qui rem diuinam procurarent, delectoq̃. Pontifice, multisq̃. templis ædificatis, ipse, oraculo diuino admonitus, in Aſiam reuerſus eſt. Ibi in vrbe Hierapoli ſectam Ebionitarum (qui Dei Filium veram hominis naturam ex Maria Virgine ſumpſiſſe negabant) euerſiſſe ac ſuſtuliſſe, eorumq̃ue inuidia & ſcelere in crucem actus, & lapidibus obrutus eſſe dicitur. Hęc de glorioſo Philippi agone. Iacobus autem, poſteaquam Hieroſolymorum Eccleſiam ſumma cum laude rexisset, rogatus à Iudæis, vt in die Paſchæ, cum plurima turba conuenire ſolebat, ex loco ſublimi ad populum cōcionaretur, & à cultu Ieſu, quem per errorem multi ſequerentur, oratione & auctoritate ſua populares auerteret, pinnam templi conſcendit. Vbi magna Iudæorum Gentiliumq̃ue aſtante multitudi- ne, à Scribis & Pharifæis, quid ipſi de Chriſto videretur, alta voce rogatus, reſpondit: Quid me interrogatis de Filio hominis: Ecce, ipſe ſedet in cælo à dexteris ſummæ virtutis, & ipſe venturus eſt in nubibus cæli. Quo ſermone audito, Scribæ & Pharifæi conclamant: Prô, iuſtus etiam errauit. Aſcenderuntq̃ue, & præcipitauerunt eum, & lapidibus obruere cœperunt. Ille verò cōuerſus, & ſuper genua procumbens, quæ illi ob aſſiduum orandi uſum in camelorum ſpeciem occalluerant, pro ipſis orabat, donec pertica fullonis capite comminuto, ſpiritum emiſit. Hoc ergo ſupplicij genere duo hi ſanctiſſimi Apoſtoli Chriſti gloriam ſanguine ſuo illuſtrarunt, clariſſimæq̃ue nobis fidei, conſtantia, charitatis, & inuiſtæ patientia exempla reliquerunt, per quæ nos, ceu per gradus quosdam, ad cæleſtem gloriam, quam illi ſanguine ſuo mercati ſunt, ſine ſanguine etiam, aſpirante diuina gratia, peruenire poterimus.

## IN EODEM FESTO APOSTOLORVM

PHILIPPI ET IACOBI, CONCTO SECVNDA:  
in qua lectio Euangelica explanatur.

THEMA. *Ego sum via, veritas, & vita. Nemo venit ad Patrem, nisi per me. Ioan. 14.*



Galat. 2.

Ioan. 19.

**H**ODIE, fratres, dilectissimi, duplicatam duorum insignium Apostolorum Philippi & Iacobi gloriam sub vna solemnitaris lætitia celebramus. Et quidem de Philippo in sacra huius diei lectione, & sæpe aliàs in Euangelicis litteris mentio fit. De Iacobo autem, qui frater Domini dictus est, & Lucas in Actis Apostolorum, & Paulus in Epist. ad Galatas, & Corinth. mentionem facit: Alium, inquit, Apostolorum vidi neminem, nisi Iacobum fratrem Dñi. Frater autem Domini appellatus est, quod eius esset consobrinus, utpote Mariæ Cleophæ, sororis beatissimæ Virginis Mariæ filius. Cuius femine singularis pietas in hoc elucet, & quod iuxta crucem Dñi cum piissima Virgine astitit (sic enim Ioannes ait; Stabat autem iuxta crucem Iesu mater eius & soror matris eius, Maria Cleophæ, & Maria Magdalena) & quod quatuor sanctissimorum filiorum mater extitit, nempe Iacobi huius, Simonis, & Thaddæi (qui alio nomine Iudas appellatur) atq. Iosephi. Hæc verò sancta femina in Euangelicis litteris modò Maria Cleophæ, scilicet filia; modò Maria Iacobi, scilicet mater; & Maria Iacobi & Iosephi, scilicet mater; appellatur: quæ ex Alpheo viro quatuor has cælestes propagines suscepit: quarum tres, hoc est, Iacobum, Simonem, & Thaddæum, Dominus ad Apostolici muneris dignitatem extulit: quartam verò, nempe Iosephum, in discipulorum ordinem cooptavit. Hodierna verò sancti Euangelij lectio de solo (ut dixi) Philippo mentionem facit. Admonitos autem vos, fratres, in huius cõcionis initio velim, sacre huius lectionis scriptorẽ esse Ioannem Euangelistam; qui & aquila, & discipuli quem diligebat Iesus, nomine designatur. Hic autem dilectissimus discipulus hoc præcipuè inter alios Euangelicæ historia scriptores suscepit, ut agentia hominũ pectora diuini amoris igne inflàmaret. Ad hoc autem, amoris huius causas, hoc est, clarissima diuinæ charitatis beneficia in genus hominum collata, ante oculos ponit. Quod singulari quadã ratione in sacra huius diei lectione facit; cuius quot sunt verba, tot penè sunt igniti amoris incitamenta. Idem tamẽ ut aquila regia, adeo sese supra nubes attollit, & inter



& inter nubila condit, vt non rarò caligantem mentis nostræ aciem effugiat. Quod in hac etiã lectione animaduertere licet, quando quæ in ea Dominus differuit, neq. Thomas Apostolus, neq. Philippus, assequi potuerunt. Qua de causa Dominus Philippi atque aliorum discipulorum tarditatem corripuit dicens: *Tanto tempore vobiscum sum, & non cognouistis me?* Quæ cum ita sint, apertè liquet, nos diuinæ gratiæ lumine in præsentī concione indigere, vt hanc cælestem aquilam in sublime volantem, altissimæque Christi mysteria docentem consequi valeamus. Quod vt præstare possimus, cælestem opem, sacratissimæ Virginis intercessione, suppliciter imploremus.

## Ave MARIA.

In hodierna sancti Euangelij lectione discipulos Dominus de abscesu suo, & futurorum laborum atq. persecutionum, quæ illos manebāt, prædictione turbatos, multis rationibus cōsolatur. Ait igitur, *Non turbetur cor vestrum*. Cur ita? *Quam mihi spēs salutis, Domine, ostendis, cum tu me deferas, & tot mala mihi impediētia prænūcias?* *Creduis*, inquit, *in Deum, & in me credite*: hoc est, *Quod vobis de Dei Patris benignitate promittitis, de me quoque polliceri potestis*. In illo fidem & spem omnem salutis repositam habetis: in me quoque, qui eiusdem cum Patre naturæ, eiusdemq. diuinitatis sum, reponite. His ergo duobus adeo firmis præditiis muniti, nihil est quod turbari aut trepidare debeatis; sed cur potius cum Propheta dicatis; Dominus illuminatio mea & salus mea, quem timebo? Dominus protector vitæ meæ, à quo trepidabo? & quod Esaias ait, Ecce, Deus saluator meus; fiducialiter agā & non timebo. Me ergo salutis vestræ defensore atque patrono, quid vobis formidandum est? *Non ergo turbetur cor vestrum, nequē formidet. Audistis quia ego dixi vobis, Vado, & venio ad vos* hoc est, Nunquam vos derelinquam, semper inuisam; absensq. corpore, Spiritu atque fauore præsens semper adero. Hoc igitur primum vobis solatium atque præditiū propono.

Psal. 26.

Esaiæ 11.

Deinde aliud adiungo: quod hic meus discessus ad salutem vestram destinatus est: *In domo*, quippe, *Patris mei mansiones multæ sunt*: hoc est, Diuersa virtutum atq. iustitiæ in cælo præmia, variorq. piorum laborum mercedes electis omnibus iam inde ab omni æternitate constitutæ sunt; in quas tamen mansiones nullus iustorum hominū admittendus est, nisi in illas ego omnium primus introducar, qui eas omnibus sanguinis mei pretio comparare debeo. Vnde est illud Propheta: Me expectant iusti, donec retribuas mihi. Quod cum ita sit, nequaquam molestè discessum meum ferre debetis, quando is eò spectat, vt locum vobis inter cælestes illas mansiones parem. *Et si abiero*, inquit, &

Psal. 141.

Ioan. 14.

preparauero vobis locum, iterum veniam, & accipiam vos ad meipsum, vt vbi ego sum, & vos sitis. Itaque meus hic ad horam discessus sempiterna mecum societate (quam nulla vnquam vis poterit dissoluere) compensandus est. Neque vllus vos error ab hac tanta spe deiciat: Nam & quò ego vado scitis, & viam scitis. Magnus enim ad felicitatem gradus est, & in quo sit vera felicitas, & quo ad illam itinere perueniatur, agnoscere: quod vtrumque vos minimè latet. Vtrumq. enim Dominus illos non rarò docuerat, cum se ad Patrem, vnde in hunc mundum venerat, tunc regredi nunciasset. Via autem qua ad Patrem peruenitur, & mors Christi, & diuinorum mandatorum obedientia est: quam saepe Dominus discipulis exposuerat, ideoq. ait: *Ei quò vado scitis, & viam scitis.*

Ad hæc Thomas (qui nondū celesti Spiritu hausto, hanc philosophiā non satis percipiebat, sed de aliquo corporeo loco atq. itinere Domini loqui existimabat) *Domine*, inquit, *nescimus quò vadis, & quomodo possumus viam scire?* Quia enim Dominus paulo antè Petro dixerat: Quò ego vado, non potes me sequi: modo, sequeris autem postea: discipuli nihil his Domini verbis nisi corporeum locum intelligebant; ideoq. Thomas suo & illorum nomine rogat: *Domine, nescimus quò vadis, & quomodo possumus viam scire?* Equidè in tota hac sacra lectione ita mihi se cū discipulis gessisse Dominus atq. cū Samaritana videtur. Cū enim is de spiritualis aquæ dignitate atq. natura, hoc est, de diuini Spiritus gratia philosopharetur, carnalis mulier, quæ nihil spirituale nouerat, de materiali aqua illum semper loqui arbitrabatur. Sic ergo cū in hac sacra lectione Dominus de trāsitu per mortem suam ad Patrem loqueretur (quo nobis iter in cælum aperiebat) rudes adhuc discipuli, nihil horum assequentes, sola corporea loca & itinera cogitabant. Qua in re diuinæ sapientiæ dignatio mirabiliter elucet, quæ ita se ad ima nostra demisit, vt cū rudibus discipulis, qui vix eius mentem assequerentur, adeò blandè atq. familiariter loqueretur: quod certe nemo sapientum huius seculi facere voluisset. Perstat igitur Dominus in philosophia sua, Thomamq. de corporeo itinere & via interrogantem, ad spirituales sensum reuocat, dicens: *Ego sum via, veritas & vita. Nemo venit ad Patrem, nisi per me.* Faxit autè idem Dominus, qui hæc aurea verba sanctissimo ore suo protulit, vt illorum nobis hodie sensum aperire dignetur. Video enim his pauculis verbis totius Euangelicæ philosophiæ summam contineri. Itaq. cū Thomas & de via, & de viæ termino interrogaret, Dominus vtrumque docet, cū seipsum illi ostēdit, qui simul & via, & viæ terminus est. Quia enim in ipso duplicem naturam confitemur & adoramus, humanam scilicet ac diui-

ad diuinam; per illam quidem via, per hanc autem via terminus est. Terminus quippe humanorum desideriorum est, primam illam veritatem agnoscere, quæ omnium in se complectitur scientiam & veritatem: & ad sempiternam illam vitam peruenire, quæ mortis & morborum nescia, omnem in se vitam iucunditatem continet. Cum enim huc peruenit homo, nequaquam ultra progredietur: quia nihil erit quod amplius desiderare queat. Rectè ergo Saluator utrumque in se vno demonstrat, cum ait: *Ego sum via, veritas, & vita.* Quod (quemadmodum diuus Augustinus ait) perinde est, atque si cum homine agens diceret: *Quà vis ire? Ego sum via.* Quò vis ire? *Ego sum veritas.* Vbi vis permanere? *Ego sum vita.* Itaque (vt diuus Hieronymus ait) nequaquam in erratica ducit ille, qui est via; nec illud per falsa, qui est veritas; neque in mortis relinquit errore, qui est vita. Hac ratione Saluator omnibus omnia factus est. Sic enim quidam hunc locum interpretantur: Ego sum via incipientium, veritas proficientium, vita perfectorum. Ego sum via ducens: Ducam, inquit, te per semitas æquitatis. Veritas lucens: Vobis, inquit, timentibus Deum, orietur Sol iustitiæ. Vita pascens: ingredientur enim oves & egredientur, & pascua inuenient. Ego sum via vitæ, veritas doctrinæ, vita salutis æternæ: Ego sum via in exemplo, veritas in promisso, vita in premio.

August.

Hilar.

Sed nunc, viæ termino prætermisso, de via differamus, de qua Dominus adiecit: *Nemo venit ad Patrem, nisi per me:* quia videlicet ego sum via qua ad Patrem peruenitur. Hoc in loco diligenter inquirendum nobis est, qua ratione Christus Dominus via ad Patrem esse dicatur. Necesse est enim, vt qui ad vitam tendimus, viam, qua ad illam peruenitur, probè teneamus. Rectè enim dicitur, Melius esse per viam claudis etià pedibus ingredi, quam extra viam celeriter currere. Quo enim quisque celerius extra viam currit, hoc magis à via deerrat atque declinat. Ideoq. Propheta sollicitè hanc rectam viam quaerendam esse monet, cum ait: *State super vias, & interrogate quæ sit via bona, & ambulante in ea.* Quod eo diligentius curandū est, quo occultiora in hac via nobis ab antiquo hoste offendicula tenduntur. Qua de re Propheta queritur cum ait: *In via hac qua ambulabā, absconde.* runt superbi laqueum mihi. Ne igitur in re tanti momenti saluamur, sciendū est, diuinā sapientiam, quæ homini diaboli inuidia lapsa opem ferre decreuit, cum multis hoc rationibus efficere potuisset, hanc commodissimā iudicasse; vt, quia vnus hominis superbia & inobedientia exitum attulerat mundo, summa vnus Dei & hominis humilitas & obedientia (quæ vsque ad mortem crucis progressā est) salutem conferret mundo.

Ierem. 6.

Psalm. 143.

Hæc



Hæc autem tanta vnigeniti Filij Dei humilitas & obediẽtia vsque adeo æterno Patri grata fuit, vt furorẽ omnem & indignationem quam aduersus prauaricatorem hominem, eiusq. progeniem conceperat, penitus remitteret; & iram in lenitatem ita cõmutaret, vt ex inimicis amicos, & ex iræ filijs adoptionis filios efficeret; & quos à terrestri paradiso expulerat, ad cœlestis regni sedes euocaret. Atque vt omnes nouum hunc hominem salutis nostræ auctorem, & libertatis vindicem agnoscerẽt, & salutem suam illi acceptam ferrent; hoc etiam decreuit, vt salutis & iustificationis nostræ beneficium à fide in sanguine eius sumeret initium; quo profiteremur, nos quidẽ non opẽrũ nostrorum merito, sed proptẽr illius gratiã, & sacrificij meritum, gratis iustificari. Vnde Apostolus, Iustificati, inquit, gratis per gratiam ipsius, per redemptionem quæ est à Christo Iesu; quem proposuit Deus propitiatorem per fidem in sanguine illius. Fidem autem primo loco Apostolus posuit: partim vt Christi sanguinem (quo à peccatorum sordibus abluti sumus) debito honore afficeret: partim quia fides in Christum, prima radix & origo est nostræ iustificationis. Ex eius quippe lumine atq. magisterio (nisi nostro vitio, & arbitrij libertate impediatur) cetera omnia, quæ ad iustificationẽ sunt necessaria, oriuntur. Dum enim ea nos docet, Christum seipsum pro sceleribus nostris expiandis in sacrificium obtulisse, nõsque pretioso sanguinis sui cruore lauisse, & à diaboli captiuitate redemisse, atq. omnium meritorum & laborum suorum participes effecisse; pios omnes motus, qui ad iustificationem requiruntur, animis nostris ingenerat, nisi nos peruicacia & prauitate nostra rebelles huic diuino lumini simus. Quæ cum ita sint, quis talibus virtutum meritis fultus, spem salutis abijciat? quis talem redemptorem atque propitiatorem non flagrantissima charitate diligat? quis scelera sua, quibus immensam illius Maiestatem toties violauit, non amarissimẽ defleat? quis ea firmissimo atque constanti animo vitare cum vitæ etiã periculo non studeat? His igitur (vt ita dixerim) condimentis, quæ fides non impedita secũ affert, iustificationis gratiam fidelis homo cõsequitur; qua ex iræ filio, Dei amicus & filius, & regni eius hæres instituitur. Fides igitur non sola (ne quis vestrũ de sola sibi in formi fide blandiatur) sed his virtutibus adiuta, iustitiam & salutem parit. Vt enim sunt inter cibos aliqui per se quidem viles, qui certis tamen condimentis apparandi sunt, vt grati & suauis edentibus fiant: ita fides, vel informis etiam, inter Dei dona numeratur, quæ tamen spei, charitatis, & pœnitentiæ virtutibus, ceu condimentis quibuscumque, perficienda, & veluti condienda est, vt & nobis salutaris, & Deo gratissima fiat.

Rom. 3.

Simile.

His

His ita constitutis, facile quisque vestrum intelliget, fratres, quæ ratione Christus Dominus via esse dicatur. Hæc enim fides, quæ descripsimus, aditus est, quo per iustitiâ ad Patris eternam gratiam & gloriam peruenimus. Quod quidē Christus Dñs non dissimili metaphora significauit, cum dixit: Ego sum ostiū: per me si quis introierit, saluabitur, & ingreditur, & egredietur, & pascua inueniet. Neque verò hac de causa solum, quæ præcipua est, Christus Dñs via esse dicitur, sed multis etiam aliis. Primum enim via dicitur ad Patrem; quia ipse nobis Patris sui cognitionem præbuit, sicut ipse ait: Pater, manifestaui Ioan. 15. nomen tuum hominibus. Hoc autem fecit, cum immensas paternæ bonitatis, charitatis, misericordiæ, atq. iustitiæ opes, parum antea mundo cognitæ, summo incarnationis & passionis suæ beneficio mortalibus cōspiciendas, & veluti manibus contractâdas præbuit. Deinde via est, quia Patris leges & præcepta, quibus itur in cælum, planissimè nobis exposuit. Quo nomine illum Prophetæ Doctorem iustitiæ, atq. Præceptorem, nuncupant: sic enim Esaias ait: Et erunt oculi tui videntes præcepto- Esaię 30. rem tuum, & aures tuæ audient vocem post tergum monentis. Hæc est via; ambulate in ea, & non declinetis neq. ad dexte- Ibidem. ram, neque ad sinistram. Nec modò verbis, sed multo magis clarissimarum virtutum exemplis nos hanc viam docuit. Recens quippe natus dum in stabulo ponitur, in præsepio reclinatur, & octauo die circumciditur, & Herodianas insidias patitur, ac postremò dum se in passione omnibus telis & iniuriis atrocissimorum hostium obrulit; altissimæ humilitatis, flagrantissimæ charitatis, perfectissimæ patientiæ, & plenissimæ obedienciæ, cæterarumque virtutum omnium locupletissima exempla nobis ad imitandum proposuit, quibus planissimam nobis in cælum viam muniuit. Itaque qui tanquam doctor iustitiæ à tergo viam salutis demonstrabat, modò tanquã dux in cælum, & gregis Domini pastor anteq. oves suas vadit, & virtutū suarum exemplis, quæ illum sequantur, ostendit. Ad hæc, via quæ in cælu est, cum nouę legis Sacramenta instituit, quibus nō modò natura ægra sanatur, sed magna etiã virtute roboratur, vt inoffenso pede, & infatigabili virtute hac via incedat, nec vllis hostis antiqui machinis ab ea declinare cogatur. Hæc enim de causâ Esaias in aduētū Domini, praua, hoc est, obliqua, in re- Esaię 40. ctā; & aspera in vias planas cōmutanda esse prædixit: quoniam virtus gratiæ, quæ per Sacramenta cōfertur, planam nobis atq. expeditam in cælum viā munit. His igitur rationibus Christus Dominus via in cælum esse dicitur: quoniam humanæ salutis amator non vna ratione solum, sed his omnibus nobis ad sem-  
piternam

picernam felicitatem, in qua bonorum omnium summa constituta est, manum porrigit, & opitulatur.

Gen. 23

Quo quidem nomine appositissime per scalam quam Iacob in somnis vidit (quæ terræ innixa, multis gradibus cælum, in quo Deus erat, attingebat) adumbratus fuit. Quia enim sanctus ille Patriarcha, percepta Patris benedictione, diuinæ promissionis hæres effectus erat, quæ mundi Saluatorem, in quo gentes omnes essent benedicendæ, ex eius stirpe propagandū promiserat; voluit Dominus hac imagine, qualis Saluator ille futurus esset, ostendere. Reuera enim ille ut via regia, & ostium otium; ita scala est, per quam à terra ad cælum, imò ad ipsum vsq. Deum scalæ innixum ascendimus. Diuersi autem huius scalæ gradus omnia hæc adiumenta quæ suprà memorauimus (quibus nos Christus Dominus ad hoc iter conficiendum adiuuat) rectissime intelliguntur. Merito autem tum scalæ, tum viæ nomine designatur. Habet enim utraq. initium atq. terminum: & initium quidem in nobis, terminus verò ad quē tendimus, in Deo est. Vtrumq. autem Christo Domino aptissime conuenit: quia cum verus homo sit, initium est huius viæ; quia verò Deus & summum bonum, eiusdem viæ terminus existit. Hinc diuus Augustinus, Ambula, inquit, per hominem, & peruenies ad Deum. Nulli igitur commodius viæ & scalæ nomen, quam Deo & homini, conuenire potuit.

## II.

Hæc autem tria nomina, fratres, quæ metaphoricè Christo Domino tribuuntur (quibus illum viam, ostium, & scalam appellamus) plurimum nobis ad pleniorē eius cognitionē conferunt: plenius tamen hoc præstabit proprii eius nominis interpretatio, quæ à nobis hoc in loco excutienda est. Quem autem fructum hæc cognitio pariat, idē Dominus ad Patrem loquens declarat his verbis: Hæc est autem vita æterna, ut cognoscant te solum verum Deum, & quem misisti Iesum Christum. Hæc autem cognitio, quæ bipartita esse videtur, simplex est. Cognito enim Filio, qui est eiusdem cum Patre substantiæ, protinus & Pater ipse cognoscitur. Vnde in præsentī lectione Saluator ad Philippum ait: *Philippe, qui videt me, videt & Patrem.* Quæ ex re liquet, in perfecta Filij cognitione vitam æternam consistere, quando in ea Pater etiam cognoscitur, si tamen ea cognitio sit quam Ioannes definiuit, cum dixit: Qui non diligit, non nouit Deum. Ut igitur hoc modo Christum Dominum cognoscamus, eius ego vobis imaginem & veluti ideam quandam ponere ante oculos volo, quæ vobis totum Christi mysterium & officium vnico velut intuitu repræsentet, ut scire liceat, quibus illum oculis aspicere debeatis.

Ioan. 17.

1. Ioan. 4.

Hoc



Hoc autem (vt dixi) proprij eius nominis interpretatio efficit. Ea quippe nomina, quæ prudenti consilio rebus imponuntur, ad earum naturam cognoscendam lucis plurimū afferunt. Vnde nomina, quæ primus ille homo ante lapsum cunctis animantibus imposuit, eorundem naturam maximè declarabant: hoc enim illa Genesis verba insinuant: Omne quod vocauit Adam animæ viuētis, ipsum est nomē eius. Nomen videlicet, quod eius rei, cui inditum est, naturam ingeniumque declarat. At proprium Iesu nomen summo diuinæ sapientiæ cōsilio Angelo nunciante illi impositum fuit. Iesus autē Saluatorem sonat. Saluatoris autem appellatio nō tam dignitatis quā officij nomen est: qualia sunt ea nomina quæ ad aliqua officia siue artes exercendas hominibus imposita sunt; vt pictoris, scriptoris, & sculpsoris, & his similia. Quemadmodum igitur artifices isti, qui victum sibi his officiis exercendis parant, continenter illis incumbunt (totos enim se his operibus destinant) ita Christus Dominus, qui Saluatoris nomen & officium sortitus est, se quoque totum atque omnem vitam suam ad salutem hominum destinauit: quos omni ratione ad hoc iuuare nunquam in vita destitit. Hoc enim (vt paulo antè diximus) præstitit & meritis & doctrinis, & clarissimis virtutum suarum exemplis, & sacramentorum, quæ salutem nostrā continent, medicamentis: ac præcipuè accerbissimis illis, quos pro nobis in passione sua perculit, doloribus: quando per illos non modò peccatorum nostrorum debita dissoluit, sed carbones etiam ignis supra caput nostrum congescit, quibus charitas in illum nostra magis accendebatur. Nec in passione solū, sed post passionē etiam à mortuis resurgens, hanc eandem sollicitudinem & curā ostendit. Eo enim ipso die quo fuit à mortuis excitatus, primum quidem (vt Euangelistæ tradūt) Mariæ Magdalene apparuit; deinde prius in via mulieribus, quæ pedes eius tenuerūt; tum Simoni Petro, qui negationis suæ crimē amarè fleuerat; exinde duobus discipulis in Emmaus peregrinibus; ac postremò Apostolis omnibus, absente Thoma, in vnū cōgregatis. Quis igitur in hac Domini sollicitudine, qua huc ac illuc circueursans, dispersas oues requirerebat, easq. in fide resurrectionis cōfirmare volebat, non aperte diligentissimi pastoris, & clementissimi Saluatoris officij agnoscat? Nec solū eo tēpore quo inter homines versatus est, verum etiā posteaquam mundum reliquit, & ad Patris dexteram sederet, hoc idem officium nūquam intermittebat, sicut ipse in præsentī Euāgelio testatur, cum ait: Amen dico vobis, qui credi in me, opera quæ ego facio, & ipse faciet, & maiora horū faciet: quia ego ad Patrem vado: & quodcumque petieris Patrem in nomine mco, hoc faciam: hoc est, ego causam vestram apud Patrem agam, & quod in nomine

Genes. 2.

simile.

nomine meo petieritis, impetrabo. Quo quidē officio se ad finem vsq. mundi vsurum, Apostolis pollicitus est. Ab illis quippe discedens, hoc summum eis solatium reliquit: *Ecce ego vobiscum sum omnibus diebus vsq. ad consummationem seculi.* Nobiscum autem esse, est, nobis omni tempore adesse, nobis omni ratione prodesse, quæ nostra sunt curare, & pro salute nostra apud Patrem intercedere. Tunc autē (vt Paulus ait) huius officij finis erit, cum tradiderit regnū Deo Patri. hoc est, Cū salutis humanæ constituendæ officium sibi à celesti Patre delegatum plenissimè absoluerit, tunc electorum omnium regnum, operā suā partum & amplificatum, eidem Patri tradet. His ergo rationibus, fratres, Iesus noster Saluatoris officium, nascēs, viuens, moriens, à mortuis resurgens, in cælum ascendens, & ad Patris dexteram sedens perpetuò exercet.

Sed cū inter Saluatoris huius officium, & artificum illorum quos supra memorauimus, multa sunt discrimina; hoc vel maximum est, quod illi operam tantum suam, & diurnum nocturnumve laborem artibus suis exercendis impendunt: at Iesus noster non operā tantum & studio, sed sanguine etiam, & acerbissima nece, immanissimisque sanctissimi corporis sui cruciatibus salutem nostram operatus est. Quid quidem beneficium tantum est, vt plus illi propter salutis nostræ (vt ita dixerim) expensas, quàm propter salutem nobis traditam, debeamus. Salutem enim dare, diuinæ bonitatis opus est; tormenta autem perferre, à diuinæ naturæ conditione alienissimum est.

Est & aliud non minus obseruandum discrimen. Artifices namq. illi victus parandi gratia, (sine quo vitam tueri non possunt) operibus suis instant: at Iesus noster nullum ex tot laboribus (quod ad gratiæ & beatitudinis incrementum pertinet) fructum aut emolumentum retulit, cū eius neq. gratiæ, neq. beatitudini accessio vlla fieri posset. Quid igitur, inquires, illum ad hanc tam arduam, totq. laboribus plenam provinciam impulit? Ad hoc respondemus, duos in Christo Domino grauissimos aculeos, qui illum ad tantum opus vrgerent, extitisse; quorum alter humanam, alter diuinam eius naturam attingit. Vt homo enim, commissum sibi à Patre Saluatoris officium tanto studio atq. diligentia profecurus est, quanta eius erga Patrem charitas & obedientia, & paternæ gloriæ desiderium extitit. Hoc autem quale quantumq. sit, nulla neque hominum, neque Angelorum mens pro dignitate, non dico verbis consequi, sed ne cogitatione quidem comprehendere poterit. Quatenus verò Deus est, immensæ bonitatis suæ stimulis ad hoc ipsum opus vehementissimè incitatur. In omnibus quippe diuinis operibus nō aliam maiorem causam, quàm immensam eius bonitatem, requi-

requirere debemus. Bonitate sua (vt Plato quoq. dixit) mūdum Plato.  
 condidit, bonitate alit, moderatur, atq. gubernat; bonitate bona  
 omnia, imō valde bona fecit, bonitate peccata nostra, & iniurias  
 numini suo illatas, patienter tolerat, & in eos beneficia confert,  
 quorū sacrilego sæpe ore, & impiis factis violatur: ac postremo  
 (quod omnia superat) & bonitate mundum per passionē suam  
 redemit, & perpetuam eorum, quos redemit, curam gerit. Non  
 igitur aliam huius tantæ benignitatis & officij causam indage-  
 mus. Vt enim à niue frigus, ab igne calor, à sole lumen oritur:  
 ita, ac multo etiam magis, à perenni illo bonitatis fonte omnia Simile.  
 bonitatis opera & officia manant. Neque enim bonitas in illo,  
 vt in rebus ab eo conditis qualitas & accidens, sed eadē ipsa bo-  
 nitatis essentia atq. substantia est. Quo fit, vt inter externa di-  
 uinitatis opera, nullum magis naturale, magisq. illius proprium  
 sit, quàm sese in omnia diffundere, de omnibus benē mereri,  
 omnia ad similitudinem suam, pro cuiusq. naturā captū, trahē-  
 re, & ad bonitatis suæ communionē prouehere. Hæc igitur im-  
 mensa bonitas facit, vt Christus Dominus Saluatoris officium  
 nunquam intermittat, quō nos immensæ bonitatis suæ partici-  
 pes efficiat. Illa ergo bonitas, quæ illum impulit vt nos gratuito  
 conderet, impulit etiam vt gratuito redimeret: & quæ fecit vt in  
 nos conferret bona naturæ, fecit vt conferret etiam bona gra-  
 tiæ: & quæ fecit vt ex nihilo aliquid essemus, fecit vt à peccato  
 ad gratiam surgeremus. Non igitur aliam huius tanti beneficiij  
 causam, quàm eius bonitatem requiramus.

In quo quidē beneficia quatuor inuenire licet adeo singula-  
 ria, vt nulla accessione fieri maiora possint. Si enim, quid nobis  
 Saluator opera sua contulerit, inspicias; vitam æternā, & diui-  
 næ beatitudinis participationem esse deprehendes: quæ summa  
 hominis felicitas est. Si verò beneficiij pretium, & veluti ex pen-  
 sas attendas, sanguis & vita Filij Dei est: quæ vita quid esse ma-  
 ius, quid sublimius potest? Si autem huius tantæ donationis  
 causam expendas, Apostolus tibi respondet: Non ex operibus  
 iustitiæ quæ facimus nos, sed secundum misericordiam suam, Tit. 5.  
 hoc est; per viscera misericordiæ suæ saluos nos fecit. Neq. enim  
 illum de celo ad terram merita nostra, sed peccata traxerūt. Si  
 verò donantis & morientis dignitatem consideres; is vtiq. vni-  
 cus Dei Filius, candor lucis æternæ, & splendor est paternæ glo-  
 riæ, quo nihil cogitari maius potest. Quisquis igitur Christi  
 imaginem, & veluti ideam quandam (vt antè diximus) animo  
 comprehensam tenere cupit, has quatuor summi huius benefi-  
 cij circumstantias cum animo suo piè & religiosè cogitet, vt  
 sciat, quibus Salvatore suum oculis aspicere, & quo erga illum  
 amoris igne accendi debeat.



- I. Quid igitur ex his conficitur? Primum quidem, ut intelligamus quantum nos Saluator diligat, quantoque salutis nostrae desiderio flagret, qui tot rationibus, tantoque suo incommodo nos ad hanc salutem parandam adiuuat. Quasi enim ipse felix esse non posset, nisi nos felicitatis suae consortes efficeret, ita nos ad hanc felicitatem parandam modis omnibus adiuuat. Deinde ex hoc etiam apparet, qua dilectione, quo affectu, quo meritis ardore hunc salutis nostrae auctorem, præceptorem, vitae ducem, animarum medicum, & apud Patrem advocatum observare, colere, venerari atque diligere debeamus; qui tot rationibus charitatis erga nos suae magnitudinem ostendit, ut nostram erga se vehementius excitaret. Hanc enim præcipuam tot beneficiorum causam exitisse, Esaias testatus est; qui ubi hæc adeo magnifica Domini beneficia enumerasset, eorundem causam subiecit, dicens: Zelus Domini exercituum faciet hoc. Zeli autem nomine Vates sanctus diuini erga nos amoris magnitudinem, & (ut ita dixerim) impatientiam designauit, quæ nequaquam amoris erga se nostri consortem ex æquo paritur. Totum enim amorem ab eo exigit, propter cuius gratiam se totum impendit. Quæ illi causa exitit, ut neque alicui summorum Angelorum, aut etiam sanctorum hominum, redemptionis humanæ officium committeret; ne amor noster inter conditorem Deum, & redemptorem hominem vel Angelum diuideretur, sed totus in vno eo collocaretur. Quod cum ita sit, quanta, quæso, illorum cæcitas atque dementia est, qui amorem suum in res adeo infra Dei atque Angelorum dignitatem positas, collocare non verentur! Quæ enim maior dementia est, quam amorem nostrum ad res inanissimas atque vilissimas abicere, quem summus ille rerum omnium Dominus, iustissimusque rerum æstimator tanti fecerit, ut non dubitauerit vitæ suæ pretio, & acerbissimis cruciatibus illum emere, & ad se trahere? Quisquis autem hoc cum animo suo attentius reputauerit, & quibus in rebus seculi homines amoris suum collocent, expenderit, non poterit eos aut insignis stultitiæ, aut singularis improbitatis non accusare. Si enim hoc diuinæ charitatis argumento amoris sui dignitatem æstimare nesciunt, amantissimi sunt: si verò sciunt, & nihilominus illum, Deo neglecto, in res vanissimas conferunt, improbissimi existunt. Quam tamen philosophiam usque adeo perdit homines non assequuntur, ut de Deo etiam queratur, quod omnem nostrum amorem sibi vni vindicet: cum tamen hoc illos magis ad eius amorem excitare debuisset, cum hoc maximum diuinæ erga se dilectionis argumentum sit. Quod planè quisque experimento suo doctus intelligere facile poterit, qui, quo magis aliquem diligit, eo vehementius erga se alterius amorem flagitat, &

tat, & molestiis hoc sibi negari sustinet.

Neq. verò hæc eadem philosophia minus ad spem in Christum quàm ad eius nos amorem excitat. Neq. enim parua dona ab eo sperare debemus, qui cum multum possit, multum etiam diligit; cum amicorum omnia sint còmunia. Quis igitur, cum Christum orat, non magnam impetrandi fiduciam concipiat; quando illi & paternæ obedientiæ exequendæ, & immensæ bonitatis suæ exercendæ occasionem exhibet? Si enim artifices ij quorum paulo antè mentionem fecimus, gaudent cum exercendi officij sui materiam illis præbemus: quanto ergo magis Seruator noster gaudeat, cum nos, suis ad eum pro tuenda salute precibus, exercendi officij sui occasionem damus?

Tum illud etiam sequitur, vt hoc exemplo intelligamus, quo studio atque diligentia salutis nostræ opus curare debeamus; quando propter illā vnicus Dei Filius (cuius felicitati nihil aut salute nostra accedere, aut interitu decedere poterat) tantopere laborauit, tam multa sustinuit, tam multa molitus est. Indignissimum quippe est, vt minus nos salus nostra quàm ipsum aliena moueat: indignissimum, vt pro nobis nos negligamus. quod ille non pro se, sed pro nobis tanto studio atque labore curauit. Iam igitur ex hoc loco digressi, ad sequentia veniamus.

## III.

Addit deinde Dominus, *Si cognouissetis me, & Patrem meum utique cognouissetis, & amodò cognoscetis eum, & vidistis eum.* Hæc oratione Dominus, quod paulo antè dixerat, nempe se viā esse ad Patrem, neminemq. ad Patrem, nisi per ipsum, venire, confirmat planè, cum subdit: *Si me cognouissetis, & Patrem meum utique cognouissetis; & sic intelligitis, quoniam modo ego via sum ad Patrem agnoscendum, quando, me cognito, cognoscitur etiā Pater.* Hoc autem ita esse, clarissima illa duo Seruatoris nomina probāt. Is nāq. (vt Apostolus ait) imago Dei inuisibilis, idemq. Verbum Patris est. Nihil autem rectius alicuius rei cognitionem, quàm eius imago præbet; neque quidquam aliud latentem animi nostri sentum commodius quàm verbum indicat. Sunt enim (vt Aristoteles ait) ea quæ sunt in voce, earum quæ sunt in anima passionū notæ. Cum ergo Dei Filius perfectissima Dei Patris imago sit (vt pote qui eiudem sit cū Patre substantiæ) idemq. eius Verbum, quo Pater æternus se totum explicauit; efficitur planè quod Saluator ait: *Si me cognouissetis, & Patrem meum utique cognouissetis.* Sed bono animo estote, amodò enim agnoscetis me. Cum videlicet Spiritus sanctus mentes vestras cælesti sapientiā imbuat, plenissimamq. diuinitatis cognitionem præbeat. *Et vidistis eum. Quia videlicet cum me vidistis, illum in me videre potuistis.*

Coloss. 1.

Ad hæc Philippus, *Domine, inquit, ostēde nobis Patrem & sufficit nobis.* Simili ignorantione ac tarditate Philippus, qua Thomas, nihil nisi corporeum, corporeisq. oculis videndum, cogitabat. Hoc enim perinde est ac si diceret: Te quidem magister ac Domine Christe Fili Dei vivi, te, inquā, iam vidimus & agnovimus, dileximus, & confessi sumus, & beatos esse scemur oculos nostros, quia te videre potuerunt; iam nihil superest, nisi ut Patrem ostendas. Nam de te sufficit nobis. Hæc ergo petitione Philippus ignorantiam suam facile demonstrat, qui inuisibilem Patrem eadem specie, qua Filium, videri posse arbitrabatur. Quare eius tarditatem Dominus corripit his verbis: *Tanto tēpore vobiscū sum, & nō cognovistis me? Philippe, qui videt me, videt & Patrē. Quomodo tu dñs, ostēde nobis Patrē: Nō credis, quia ego in Patrē, & Pater in me est? Verba quæ ego loquor vobis, à me ipso non loquor. Pater autē in me manēs, ipse facit opera.* His quidē verbis Dominus se esse eiusdem cum Patrē substantiæ, adversus facilem Arri impietatem, apertissimè declarat. Deinde discipulos docet, eam cognitionem quæ de Patrē haberi in hac vita solet, (quando nequaquam illum per speciem, sed per eius opera cognoscimus) iam dudum illos habuisse, cum Filij opera vidissent. Itaq. ait: *Verba quæ ego loquor vobis, à me ipso nō loquor. Pater autē in me manens ipse facit opera.* Quod perinde est, ac si diceret: Tanta inter me & Patrem meum vnitas est, ut verba quæ ego loquor, ipsius quoque verba sint, & insignia miraculorum opera quæ ego facio, ipse in me, & per me exequatur. Quocirca si me ex verbis & operibus meis iam pridem cognovistis, & Patrem meum vtrique cognovistis, cum hæc ipsa verba quæ audistis, & opera quæ vidistis, non minùs Patris quàm mea sint. *Ideo quæ qui videt me, videt & Patrē.*

Hic autem locus singularem quandam, maximeque notandam philosophiam continet. Ex his namq. Domini verbis illud etiam sequitur: quod si cælestis Pater humana carne indutus in mundum venisset, sic in omni vita atque Christus Dominus se gessisset; eodemq. modo & stabulum, & præsepe humile ad natiuitatis locum delegisset. sic Herodis insidias fuga in Aegyptum evasisset; sic ad Ioannis baptismi cū publicanis & peccatoribus abluendus venisset. Si de adultera muliere iudicium ab eo quæreretur, eadem lenitate & clementia respondisset. Si Samaritani aut damoniaci conviciis peritus fuisset, eadem mansuetudine has insignes contumelias pertulisset. Si discipulos de primatu cōtendentes animaduertisset, eodem humilitatis exemplo inanem illam ambitionem corripuisset, eorum se pedibus submitrens; eosq. diuinis manibus suis abluens atque detergens. Quid plura? Eadē etiā charitate, humilitate, propter generis humani salutem



salutem constituendam, se hostibus vinciedum, conspuendum, flagellandum, atq. in crucem agendū traderet, & pro ipsis carnificibus simili charitate preces funderet. Quisquis igitur ex nobis, fratres, ex Christi Domini operibus se illū iam cognoscere arbitratur, & eius Patrem cum Philippo ostendi sibi desiderat, non aliam de eo imaginē & ideam atq. de vnigenito Filio eius in animo suo effingat. Quod ideo dixi, ne quis humano errore delusus, sequiorem Patrem quā Filium existimet: cū eadem in vtroq. lenitas, eadem pietas & misericordia sit. Vnde quemadmodum vterq. Ioannes Christum Agni nomine designat, vt miram eius lenitatem, innocentiam & mansuetudinem declararet; ita quoq. Patrem appellasset, si is humanam carnem induisset. Hæc autem consideratio spem nostram in Deum Patrem mirè roborat & alit, nostramq. erga illum dilectionem vehementer accendit, dum omnia quæ nos ad eius vnicū Filium, eundemq. salutis nostræ auctore, amandū excitāt, in Patre etiam esse cōsideramus. In quibus enim est vna eademq. natura, eadē quoq. opera, eandemq. charitatem, lenitatē & misericordiā esse cōsistendum est. Quod quidem Saluator ipse intelligere nos voluit, cū ad Philippum dixit: *Philippo, qui videt me, videt & Patrem.*

Atq. vt rei huius fidem faceret, indissolubile argumentum ex diuinis operibus atq. miraculis attulit: *Aliquis* (ait) *propter opera ipsa credite:* quæ cū solius Dei opera sint, Deum habes huius fidei auctore ac testem, qui, vt naturam vniuersam omnipotēti virtute condidit, ita eandē pro arbitratu suo variè versat ac voluit. Cuius tanta potētia est, vt (quod est longè mirabilius) eandem facultatem in se credentibus conferat. Itaque ait: *Amen, amen dico vobis: Qui credit in me, opera quæ ego facti, & ipse faciet, & maiora horum faciet.* Huius autem sententiæ veritatē Petrus Apostolus ostendit, qui sola corporis vmbra omnia morborū genera depellebat; quod de Domino Saluatore nō legimus. Idemq. vno sermone, hominū quinq. millia ad Christi fidem traduxit, eosq. sic instituit, vt, rebus omnibus distractis, earū pretium Apostolorum pedibus substernerent, cū hoc tamen Christus Dominus diuiti adolescenti non persuaserit. Quod si dixeris, mundi creationem solius Dei opus esse, nec Apostolis cōuenire; maius tamen aliquid eis collatū est, videlicet peccata remittere, & Spiritus sancti gratiam (qua homines iustificantur) manuum impositione conferre. Hoc autē excellentius opus esse, illud argumento est, quod cælum & terra inter res corporeas numerātur, cū tamen impij iustificatio inter spiritualia opera cōputetur, ad quæ corporea cuncta referuntur. Sed incidit tamen hic ex D. Tho. dubitatio, quod cæli nomine, cælestes etiā virtutes, hoc est, Angeli intelligūtur, qui ab omni corporea mole secreti sunt.

Añor. 5.

Añor. 4.

D. Tho.

August.

Num ergo maiora facit qui cooperatur Christo ad impij iustificationē, quā qui Angelos creat? Hanc planē dubitationem D. Aug. dissoluere non est ausus, itaque ait: Iudicet qui potest, vtrum maius sit, iustos creare Angelos, quā impios homines iustificare. Certē si æqualis est vtrumque potentia, hoc maioris est misericordiae. Quo argumento, quicumque se à peccato ad iustitiam, probabili saltem coniectura, vocatos arbitrantur, intelligere poterunt, quantum huius tantæ salutis auctori debeāt, qui nihil minus fecit, cum eos à peccato ad gratiam transtulit, quā cum cælum & terram condidit.

1. Ioan. 2.

Simile.

Sed cur humanæ infirmitati hæc tanta virtus atque potentia conferenda sit, subdit Saluator causam, cum ait: *Quia ego ad Patrem vado. Et quodcunque petieritis Patrem in nomine meo, hoc faciam.* Hæc est igitur gratiarum atq. bonorū omnium, quæ in nos conferuntur, causa, quod aduocatum habemus apud Patrem, Iesum Christum iustum, qui sacratissimæ humanitatis suæ atq. vulnerum offensione semper pro nobis aduocat; cuius meritis & interpellatione hæc tanta cælestium donorum inundatio in nos dimanat. Itaque sicut monachorum ordines Cardinalem aliquem in Romana curia protectorem habet, qui eorum causam apud Pontificem Maximum agit: ita cælestis Pater vnicum Filium suum hominibus in protectorem dedit, vt salutis humanæ sollicitam perpetuò curam gerat. Inde adeo fit, vt preces, quas in eius nomine ad Patrem fundimus, ipse illas fauore suo prosequatur; quemadmodum is hoc in loco pollicetur, cum ait: *Si quid petieritis Patrem in nomine meo, hoc faciam.* Hoc est, Ego, quod petieritis, à Patre meo impetrabo.

Act. 6.

Egesip.

Hæc autem certissima impetrandi spes in causa fuit, vt Apostoli etiam, qui & in gratia cōfirmati erant, & plenitudinē Spiritus acceperant, orandi officium nunquam intermitterent, vt maiora adhuc gratiæ incrementa perciperent. Cuius rei gratia alendorum pauperum ac viduarum curam à se repulerūt, & selectissimis hominibus demandarunt, ne ipsi vnquam ab orandi & docendi officio ferialentur. Non est, inquit, æquū nos derelinquere verbum Dei, & ministrare mensis. Cōsiderate ergo, fratres, viros ex vobis boni testimonij septē, plenos Spiritu sancto & sapientia, quos constituamus super hoc opus. Nos verò orationi & ministerio verbi instātes erimus. In quo quidē officio D. Iacobus (cui⁹ hodie festū celebramus) assiduus erat. Nec hæc solum orandi virtute, sed multis aliis plurimum commendatur. De eo enim Egesippus, vicinus Apostolorum tēporibus, hæc scribit: Iacobus hic ex vtero matris suæ sanctus fuit: vino nunquam vsus est, neq. vlla alia potione quæ ebrios reddit, nec animalium carnibus vnquam vesci voluit: ferro & nouacula nunquam

nunquam rasum est caput eius, oleo corpus nunquam perfudit, aut vnxit. Ei vni in templum interius (quod sancta sanctorum dicitur) ingredi licebat; neque enim lanceis, sed tantum lineis vestibus utebatur. Solus in templum venire solitus erat, ibique diu genibus humi hærentibus, Deum, vt populo suo propitius esset, orabat. in eoq. tam diu perstitit, vt genua eius quasi callo quodam obduruerint. Itaq. ex hac opinione quam de incredibili eius abstinencia & sanctitate omnes habebant, Iusti cognomen inuenit. Quæ quidem opinio adeo celebris erat, vt Iosephus, qui à nostra disciplina abhorruit, ob indignam eius necem, causam daram fuisse Hierosolymitanæ oppugnationi, atque adeo euersioni & cladi scripserit; idque sapientissimum quicq. atque optimum iudicasse. Tantum apud homines sanctitatis eius & innocetia fama valuit. Est & alia eius magnifica laus, cuius Paulus in priori ad Corinthios Epistola meminit: ait enim, Christum, cum excitatus esset ab inferis, Iacobo se ostendisse. Quod quemadmodum gestum sit, Hieronymus in Evangelio quod Hebræorum dicitur, quodq. ipse, vt ait, ex Hebræo in Græcum & Latinum sermonem conuertit, se reperisse memorat. Iurauerat ipse, vt Evangelium illud exponit, nunquam se cibum esse capturum ex ea hora qua cruci Christus suffixus fuerat, quoad excitatum eum à mortuis cerneret. Itaq. Christus, qui, quanto ille sui desiderio moueretur, consideraret, venit ad eum, instructaq. mensa panem ei porrexit, adnons eum vt ederet, quod ipse ab inferis excitatus esset. Hic igitur diuinus Apostolus, posteaquam Hierosolymitanam Ecclesiam triginta annis sanctissime rexisset, tandem propter Christi confessionem è pinna templi crudeliter præcipitatus, & pertica fullonis percussus, gloriosa morte occubuit. Philippus vero, posteaquam viginti annis in Scythia prædicasset, innumerablemque hominum multitudinem ad Christi fidem adduxisset, ab Ebionitis crucifixus, & lapidibus obrutus est. Vtroque autem exemplo monemur, fratres, per varios labores aditum nobis in regnum cælorum patefieri. Hac enim via Apostoli, hac Prophetæ, hac sancti Martyres, hac postremo Sanctus sanctorum processit, exemplum nobis relinquens, vt vestigiis eius insilamus, ipsumque in hac vita sequamur, si alteram consequi, in eaque diuina illius præsentia frui volumus.

I. Cor. 15.



## IN F E S T O I N V E N T I O N I S

SANCTÆ CRVCIS, CONCIO PRIMA: IN QVA,  
post breuem Euāgelicā lectionis explanationem,  
de Dominicæ crucis beneficiis agitur: ad quod  
verba in themate proposita latius explanantur.

THEMA. *Arcum meum ponam in nubibus celi; & erit  
signum fœderis inter me & inter terram. Genes. 9.*



Ad hæc verba locutus est ad Noë Dominus post diluuium, quorum ego mysterium in præsentī cō-  
tione explicandum suscepi, quod ea summum  
quoddam Dominicæ crucis beneficiū (cuius ho-  
die inuentiōem celebramus) maxime declarant:  
prius tamē quā hoc attingam. Euangelicā lectiō breuiter ex-  
plananda est. Vt autem hoc pie & religiosē, & pro tantarum re-  
rum dignitate præstare valeamus, celestem opem, sacratissimæ  
Virginis interuentu, suppliciter imploremus.

## A V E M A R I A.

Hodierna sancti Euangelij lectiō, dilectissimi, instar dialogi  
cuiusdam est, inter quendam Phariseorum principem ac Dñm  
Saluatorem, in quo vtilissima quædam quæstio (cuius ad nos  
cognitiō maxime pertinet) tractatur: nempe, quid nobis sit. Co-  
opus sit, quo sempiternam vitam atq. salutē cōsequi valeamus.  
Initiō tamē disputationis princeps hic breui oratione Domini  
beneuolentiā captare incipit his verbis: *Rabbi, scimus quia à Deo  
venisti magister: nemo enim potest hæc signa facere quæ tu facis, nisi fue-  
rit Deus cum eo.* Erat hic planē princeps, quamuis Phariseus, à  
Phariseorū vitiis, luore scilicet, avaritia, & ambitione imbutus,  
ideoq. piorum amator Dñs illius mentem hac luce collustrauit,  
vt ex clarissimis Christi miraculis fidem in eum conperet.  
Quamuis enim miracula fidei veritatē plenissime confirmant;  
quia tamen fides Dei donum est, necesse est, vt cum ipsis mira-  
culis diuini Spiritus virtus mentem hominis ad credendum ex-  
citet. Quā multa enim miracula in Aegypto Pharaō, quā  
multa Iudæi à Christo Dño edita viderunt: qui & quadriduani  
Lazari, & ipsius etiam Domini resurrectionē sepulchri custodi-  
bus apertissime illam consentibus agnouerunt, qui tamen, his  
atq. innumeris alijs Domini signis inspectis, in perfidia sua ob-  
stinatis animis persistierunt. Hinc Saluator, Si signa, inquit, in  
eis non fecissem quæ nemo alius fecit, peccatum non haberent:  
nunc

Joan. 3.

Joan. 15.

nunc autem exultationem non habent de peccato suo. Quominus mirandum est, fratres, si multi quotidianis concionibus audiendis nihil proficiant; quando infelices isti nec magnificis illis Domini signis (quæ multo maiorem vim quam nostra verba habent) in fide profecerunt. Faxit autem Christus, ne tales si mili cordis obstinatione & cæcitate laborent.

Sed ad institutū redeunt, princeps hic à diuina gratia iam prauentus, illud à Domino quæsisse videtur, quod prius quidā adolescens ab eo quæsiuit his verbis: Magister bone, quid faciendo vitam æternam possidebo? Ex Dominica quippe respōsione hoc illum quæsisse apparet; subdit enim Dominus: *Amen, amen, dico tibi, nisi quis renatus fuerit denuo, non potest videre regnum Dei.* Quod perinde est ac si diceret: Tu quidē altissimam, maximeq. salutarem Theologiam assequi cupis; scire enim desideras, quid tibi facto opus sit, vt ad cæleste regnū peruenire, cum Deo regnare, inter Angelorum choros versari, cælesti mentē accūbere, Angelorum pane vesti, ac postemō diuinæ felicitatis consors fieri valeas. Hoc est planē extremum omnium expetendorum, hoc bonorū omnium maximū; hic vltimus humanæ vitæ finis, ad quē homines à Deo conditi sunt. Quævis igitur id quod inquisitione dignissimū, maximeq. necessariū est. Sed non perinde facile est quod obtinere concupiscis. Neq. enim est ad astra mollis è terris via. Illa enim ciuitas est aurū mundū, simile vitro mundo, nihilq. in ea intrat coimquinatum & immundum. Ad tātā ergo dignitatē oportet vt homo similis Deo fiat in vita, qui similis ei fieri cupit in gloria. Hæc enim animi preparatio atq. dispositio ad hanc tantam dignitatem necessaria est. Vide-  
simile.  
 mus enim pretiosissimas gemmas annulis aureis, nō ferreis aut æneis insculpi: sic preciosissima illa cælestis gloriæ gemma nequaquam ferreas & impuras, sed aureas (vt ita dixerim) atq. ab omni terrena fæce purgatas mentes requirit. Felicitas enim & gloria Angelorum, puritatē quoq. in hominibus requirit Angelorum. Quid enim magis absconū aut p̄posterum, quā vitam pecudum, & gloria Angelorū? hoc est, velle in hoc sæculo pecudum more vitā ducere, & in futuro seculo Angelorū gloria frui? Hoc est igitur quod Saluator significauit, cū ait; *Amen, amen, dico tibi: nisi quis renatus fuerit denuo, non potest videre regnum Dei;* quod perinde est ac si diceret: Tantā mentis puritatem cælestis illa gloria desiderat, tantūmq. à communi perditorum hominum vitā, p̄ij hominis vitā distare debet, vt non modō aliorum, sed sui etiam dissimilis esse debeat. Aliud enim vitæ genus, alia mens, alius animus, alia desideria, alia consilia, alia gaudia, alia de rebus iudicia atque decrera, alia totius vitæ destinatio ab homine peccatis assuetō exigitur; ac postremō tanta esse debet

eius vitæ mutatio, ut qui illum antea nouerant, dicere possint: Hic homo nequaquam ille est qui antea fuerat. Ille enim prior homo superbus, ambitiosus, libidinosus, auar<sup>9</sup>, prodigus, detractor, maledicus & intemperans erat: nunc cōtra, humilis, mansuetus, placabilis, religiosus, bonorum amicus, benignus in pauperes, atque virtutum studiosus est; adeoque in alium virum mutatus, ut vix agnoscas, eundem esse. Hanc ergo tantam vitæ mutationem Dominus designauit, cum hominem denuò oportere nasci dixit. Usque adeò enim humana natura per commune peccatum à prima illa originis suæ puritate degenerauit, ut, nisi diuini Spiritus virtute renouetur, ad cælestis regni gloriam capeffendam minimè idonea sit.

Hoc autem est quod cælestis magister significauit, cum protinus subiicit: *Quod natum est ex carne, caro est; & quod natum est ex spir<sup>itu</sup>, spiritus est.* Quo in loco cum Dominus carnē à spiritu distinguat, carnis nomine significare voluit, quicquid diuino Spiritu vacuū est. Sensus ergo est: Quod ab homine solum est, quod Spiritu Dei destitutum est, quod carnis propagatione generatum est, nequaquam supra naturæ suæ conditionem assurgere potest. Quomodo erga natura humana cælesti Spiritu destituta, nihilque nisi humanum in se cōtinens, ad cælestem vitam, & diuinam felicitatem assurgere valeat? necesse enim est, ut caro intra fines carnis, & humanitas intra humanitatis fines sese contineat, nec cancellos, natura lege circumdatos, transgrediatur. Cæterum quod ex Spiritu feliciter renatum est, quod in nouam vitam nouo spiritu animatum est, quod intra se diuinum semen & numen continet, quid mirum si ad spiritualem atque diuinam vitam aspirare possit?

Sed dicetis forsitan; Nōne intra hominē spiritus latet, qui ut à carnis natura alienus est, ita supra carnis naturā attolli poterit, & spiritualem homini vitam cōferre? Latet planè: verum hic spiritus carni immersus, in carnis quodammodo naturā degenerauit. Corpus enim quod corrumpitur, aggrauat animam; & terrena inhabitatio deprimat sensum multa cogitatem. *Qua-*  
**Rom. 7.** *lis autem caro nostra post peccati lapsū relicta sit, Apostolus expressit, cum ait: Scio enim quod non habitat in me, hoc est, in carne mea, bonum. Qualis igitur spiritus noster erit huic carni implicatus atq. immersus? Quod igitur huic tanto malo remedium adhiberi poterit? Non aliud certè quàm quod Saluator designauit, cum nos denuò nasci oportere dixit: hoc est, ut vetus homo moriatur, & nouus pro illo resurgat, non iam ut antea carnalis, sed spiritualis, qui sit apertus regno Dei.*

Est & alia mutationis huius causa, nempe altissima illa cælestis gloriæ dignitas, ad quam homo preparari in hac vita debet. Constat



Constat enim ex Philosophorum doctrina, ea quæ ad aliquem finem destinata sunt, eiusdē ordinis atq. dignitatis esse debere, cuius finis est ad quem destinantur. Quocirca cū finis supra naturæ conditionem positus sit; illa etiam quæ huic fini consequendo proposita sunt, eiusdem ordinis esse debent. Cū ergo regni Dei nomine, beatorū mentium felicitatem intelligamus, quæ in aperta diuinæ pulchritudinis visione consistit, quæque omnem naturæ facultatem superat; consequens est, vt, quisquis huius tantæ felicitatis particeps esse cupit, non humanam, sed diuinam quodammodo vitā viuere debeat; vt, qui Deo similis futurus est in gloria, similis etiam sit in vitæ puritate atq. sanctimonia. Hoc est enim quod Ioannes Euangelista in Epistola sua significauit, cū ait: Charissimi, nunc filij Dei sumus, sed nondum apparuit quid erimus. Scimus autē, quoniam cū apparuerit, similes ei erimus, quia videbimus eum sicuti est. Hoc est igitur regnum Dei, hæc summa illa felicitas ad quā omnes aspiramus. Qua ratione autem se pius homo ad hanc tantā felicitatē preparare debeat, declarat protinus idem Ioannes, cū ait: Omnis qui habet hanc spem, sanctificat se, sicut ille sanctus est; vt videlicet illum imitari studeat in vita, cui similis fieri cupit in gloria: sic enim inter se rerum fines & initia consentient. Hanc ergo tantam vitæ mutationem Saluator designauit, cū ait, oportere hominem nasci denuō; hoc est, cū is qui sæculo seruebat, se regno cælorum dignum exhibere cupit, adeo sui dissimilis esse debet, vt non idem qui antē fuerat, sed nouus quidam homo denuō natus esse videatur. Hoc enim nascendi verbum designat.

1. Ioan. 3.

Territus autem hac respōsione Nicodemus, ait: *Quomodo potest homo nasci, cū sit senex? Nunquid potest in ventrem matris suæ iteratō introire, & renasci?* Cui Dominus rationem exponit, quæ hæc tanta vitæ mutatio fieri debeat, Non enim humanis viribus, sed regenerationis lauacro, & Spiritus sancti virtute, qui in eo operatur, peragenda est; hoc est enim quod ait: *Amen dico tibi, quia nisi quis renatus fuerit ex aqua & Spiritu sancto, non potest introire in regnum Dei.* Hoc igitur cælesti Spiritu hausto, idoneus fiet qui in cæleste regnum cooptari mereatur. Subditque protinus causam: *Quod natum est ex carne, caro est; & quod natum est ex spiritu, spiritus est.* Quod perinde est ac si diceret: Effectus omnis, causæ suæ conditionem sequitur. Sic enim ex bona arbore fructus bonus; ex mala verō malus nascitur. Sic etiam ex perito opifice perfectum opus, ex imperito imperfectum proficiscitur. Sic ex nobili patre, nobilis filius; ex ignobili autem ignobilis. Ad hunc ergo modum, quod ex carne nascitur, caro est, neque supra carnis naturam assurgere potest; quod

Simile.)

quod verò cælesti Spiritu hausto in nouam creaturam animarū est, cælestem & spiritualem vitam degere potest: ideoq. cælesti regno aptum est. Quocirca mirari non debes, si tu, quia ad hoc regnum aspiras, hoc cælesti Spiritu animari, eiusque virtute deniq. renasci debeas.

Pleniore  
huius lo-  
ci expli-  
cationem  
inuenies  
concione  
prima pē  
tecostes.

Quia verò rudis adhuc Phariseus, neq. hanc tantam diuini Spiritus vim, neq. hanc tantam vitæ mutationem satis percipiebat, appositissimo aëris exemplo vtrumque illi Dominus exposuit his verbis. *Spiritus ubi vult spirat, & vocem eius audis, &c.* Hoc in loco spiritus nomine D. Chrysost. ceteriq. interpretes Græci, non Spiritum sanctum, sed aërem & ventum (cui Spiritus sanctus comparatur) commodissimè intelligunt. Est igitur sensus: Quemadmodum spirante vehemēiori aura, effectum quidem eius videmus (cū arborū fragorē vento agitāte percipiamus) ipsum tamē aërem minimè videmus: ita qui per veram poenitentiam ad Deum conuersi, cælestē hunc Spiritum hauserūt, & per eū renati, & in nouā vitā animati sunt, moueri se vehementer ad insolita virtutū officia sentiunt, nec tamen à quo ita moueantur, satis intelligunt; quia videbent nequaquam in seipsis, hoc est, in humanæ naturæ facultate vident cur ita moueantur. Cū enim tam breui temporis spatio hanc tantā intra se affectuum suorum mutationē videant, non possunt non vehementer admirari, & secum hoc modo philosophari: Ego idem sum qui antea eram, idem corpus, eadem anima, eadem caro & sanguis; vnde ergo hæc tanta cordis mei, tamque subita mutatio, vt, quæ perpetuò mihi tota vita placuerunt, modò displiceant, eaque tanquam oldum sterquilinum derester: quæ verò mihi nauseam mouebant, modò tota auaritate diligam atque complectar? Sentio igitur intra me hos novos atq. insolitos animi motus, à superioris vitæ meæ affectibus longè diuersos.

Eccle. 9.  
simile.

Percipit autem is hanc animi & affectuum suorum cōmutationem, causam tamē eius intra se minimè deprehendit. Coniicit ille quidem hunc diuini Spiritus intra se commorantis motum esse, nō tamen hoc affirmare audet, cū nemo certò sciat, vtrum odio vel amore dignus sit. Quemadmodū ergo aëris effectum videmus, ipsum tamē non videmus: ita qui sic ad Dominum conuersus est, & diuini Spiritus virtute renatus, hos intra se motus videt, causam verò intra se nō videt, nec an à Spiritu sancto interioris habitāte sint, certò scire ac definire potest. Sed, ne lōgius ab Evangelica historia recedamus, Nicodemū ipsum diligentius contēplemur. Hic enim venit ad Iesum nocte: humano quippe timore correptus, veritusq. hominum iudicia, venit ad eum nocte: ne videlicet quisquam illum se cum eo commercium habuisse intelligeret. Et quidem hoc metu laborauit,  
quo

quo tempore clarissima miraculorū Domini fama per omnium ora volitabat. Vade quidam illum Eliam, quidam Hieremiam, nonnulli Christum, aut aliquē ex veteribus Prophetis esse prædicabant. Quo tempore minimē inglorius illi fuisset, Christi discipulum appellari. Verūm qui adeo imbecillus & meticulosus per id temporis fuit, incomparabilem animi firmitatē atq. constantiam paulo post demonstravit. Cū enim Dominus Iudaici senatus, atq. omnium principum & sacerdotū auctoritate, ac totius etiam populi clamoribus ad ignominiosissimum mortis supplicium damnatus esset, & inter latrones, tāquam eorū princeps, crucifixus, & (quod summum ignominia genus fuit) indignior vita & communi luce, quā Barabbas homicida, & publicæ pacis perturbator indicatus: (quo tēpore princeps Apostolorum Petrus dedecori atq. ignominia sibi esse putavit, discipulum se eius esse confiteri.) Nicodemus hic qui ad eum nocte venerat, in publicū prodicens, seque vel discipulum vel amicum eius professus, sacratissimū Domini corpus linteis & aromatibus cōdiuit, & in tumulo reposuit, extremosq. illi honores summa deuotione perfoluit. Quis igitur in hoc opere tantā in eodem homine cordis mutationem non miretur; nō apertē videat, hoc opus aliudē quā ab humana virtute profectum? Sic igitur pius homo diuini Spiritus intra se motum videt, eius tamen causam (vt modō explicauimus) non agnoscit. Hoc autem exemplo Dominus & Nicodemus, & omnibus qui difficile esse putant denuō nasci, & in nouā creaturam transformari, metum atq. terrorem adimit, cū hanc tantam vitæ mutationem non sola hominis virtute, sed Spiritus sancti ope & beneficio fieri doceat: qui omnia in electis operatur. Hac enim de causa, vbi Apostolus dixisset, te plus omnibus laborasse, adiecit protinus; Non ego autem solus, sed gratia Dei mecum.

1. Cor. 15

Quamuis autē celestis magister satis apertē hanc doctrinam tradidisset, Phariseus tamē, externis legis cēremoniis assuetus, nouæ legis gratiā & mysteriū minimē assequabatur; ideoq. rogat: *Quomodo possūt hæc fieri?* Cui Dominus, *Tu es, inquit, magister in Israel, & hæc ignoras?* Amen, amen dico tibi, quia quod scimus, loquimur: & quod vidimus, testamur, & testimonium nostrum non accipitis. Si terrena dixi vobis, & nō creditis; quomodo si dixero vobis celestia, creditis? Terrena appellat moralis vitæ præcepta, ad quorū cognitionem Philosophi rationis beneficio & naturæ lumine peruenerūt. Quæ tamē cū Dominus populo explicaret, & inter cetera crimina auaritiā grauiter accusaret, à Phariseis irridebatur. Rectē igitur ait: Si terrena hæc, hoc est, moralis vitæ præcepta nō percipitis; quomodo celestia dogmata, & oculis diuini Spiritus opera percipietis, quæ nemo tradere perfectē potest.

nisi



nisi qui à cælesti sede in hunc mundum demissus est? Hoc est enim quod ait: Nemo ascendit in cælum, nisi qui descendit de cælo, &c.

Simile.  
Cõcione  
3. eiusdẽ  
festi.

In fine autem adiungit Dominus quod ad plenã gratiæ doctrinam deerat, nempe, qua ratione illam fidelis homo assequi possit. Hoc autẽ proposito serpentis ænei figura declarat, vt suo loco dicemus. Vt enim filij Israël, dum in deserto in hunc serpentem aspicerẽt, salutem consequebatur: ita nos, cum Dei Filium in cruce suspensum, piis fidei & charitatis oculis contemplamur, salutem, & Spiritus sancti gratiã, qua cælestem vitam agere possumus, cõsequimur. Hactenus de Euãgelica lectione: nunc eam sententiam, quam initio proposuimus, excuriamus.

# TRACTATIO THEMATIS.

## I.

Iacob. 1.

Quamuis in hac cõcione de Dominicæ crucis beneficiis differendum sit, nemo tamen sibi persuadeat, nos ea omnia verbis consequi posse: tam multa enim sunt, vt prius quidẽ astra cæli, quàm ea quisquam enumerare queat. Hoc tamen in vniversum dici potest, omnia quæ Deus ad salutem hominum ab exordio mundi ad hoc vsq. tempus operatus est, quæq. ad finem vsque operabitur, huic arbori vitæ esse tribuenda. Vt enim Philosophi docent, effectus omnes nõ solum principi causæ, sed eius etiam instrumẽto, quo illa vsa est, meritò assignatur. Vnde cum Deus optim. max. à Philosophis primus rerum omnium motor atque moderator esse dicatur, primum tamen mobile, hoc est, primus cælestium orbium, qui perenni motu suo ceteros secum orbes quotidie rapit, rerum omniũ, quæ in hoc inferiori mundo procreantur, causa etiã esse dicitur, quod illius principis causæ instrumentum sit. Ad hunc ergo modum Deum dicimus primum omnium donorum atque gratiarum causam, hoc est, primum fontem & originem, & velut Oceanum quendam esse. Omne enim datum optimum, & omne donum perfectũ de sursum est, descendens à Patre luminum. Huius autem principis causæ duplex instrumentum est; alterum coniunctum, alterum separatum. Et coniunctum quidem est sacra Christi humanitas, Dei Verbo vnita; separatum verò, Dominicæ crucis vexillũ, in quo Christus triumphauit, & mortem morte superauit. Quo fit, vt quicquid diuinitas & humanitas Christi Domini in salutis nostræ opere, per passionem crucis effecerant, ipsi etiam adorandæ crucis ligno tribuamus: quando per mortem in ligno oppetitam, & mors mortua, & vita reddita, & mala omnia sublata, & bona omnia restituta sunt.

Inter hæc autem tam varia & multiplicia Dominicæ crucis beneficia, vnum duntaxat, quod multa alia ambitu suo claudit, explicare

explicare est animus. Illud verò est, quod huic vniuersæ crucis  
 ligno debemus stare mūdum, qui iam altera inundatione, pro-  
 pter innumera hominū peccata, submersus atq. absorptus fuit.  
 nisi huius sacri ligni virtus obsterisset. Quam rem mirabili  
 ratione Dominus post illud commune diluuium, quod vniuer-  
 sum mundum exhaustit atq. absumpsit, voluit adumbrare. Vbi  
 enim diluuij aquæ cessauerunt, & solita mundo facies atq. serenitas  
 reddita est: Aedificauit Noë altare Domino, & tollens de  
 cunctis pecoribus & volueribus mundis, obtulit holocaustum  
 super altare. Odoratusq. est Dominus odorem suauitatis, & ait  
 ad eum: Nequaquam vltà maledicā terræ propter hominem,  
 nec vltà percutiā omnem animā viuētem sicut feci. Et paulo  
 post: Dixitq. Deus: Hoc est signū fœderis, quod do inter me &  
 vos, & ad omnem animā viuētem quæ est vobiscū in genera-  
 tiones sempiternas. Arcum meum ponā in nubibus cæli, & erit  
 signum fœderis inter me & inter terrā. Cumq. obduxero nubi-  
 bus cælum, apparebit arcus meus in nubibus, & recordabor fœ-  
 deris mei quod pepigi vobiscū; & non erunt vltà aquæ diluuij  
 ad delendā vniuersā carnem. Eritq. arcus meus in nubibus, &  
 videbo illum, & recordabor fœderis sempiterni, quod pactū est  
 inter Deum & omnem animam viuētem. Hac autem verba  
 (quantum coniectura colligere possum) magnam plerisque ves-  
 strū admirationis materiā incussisse puto; quam etiam mihi  
 non raro attulerūt. Admirationis verò causas hoc in loco refe-  
 ram. Primum enim, quæ tanta virtus, quod tātum meriti pon-  
 dus in pecudum & volucrum strage, vel etiam in affectu & reli-  
 gione alienū sanguinē litantis erat, vt huius sacrificij meritō,  
 vniuerso mundo, hoc est, omnibus omnium seculorū homini-  
 bus, quamuis essent sceleratissimi, Deus parceret; cū diuina  
 puritas non pecudū sanguine, sed pietate & iustitia oblectetur;  
 neq. maxima præmia, nisi maximarū virtutū actionibus, præ-  
 beat: Hac enim mensura multiplicem sobolem Abrahæ pollici-  
 tus fuit, quod is nō pecudes, sed dilectissimū filiū manibus suis  
 immolare parabat. Sed multo magis mihi admirationis mate-  
 riam fœderis huius signū assert, nepe celestis arcus, qui nō tam  
 arcus, quā deceptio & ludificatio existit oculorum. Vt enim  
 rubeo vitro oculis apposito, omnia rubea videntur, quæ tamen  
 rubea non sunt: ita arcus ille iis coloribus tinctus apparet, quo-  
 rū tamen nullū habet, quia nihil est. Nec minus me tam multi-  
 plex huius verbi repetitio in admirationem adducit. Quoties  
 enim idem verbum Dñs repetit & inculcat! Erit, inquit, arcus  
 meus in nubibus. Et, Apparebit arcus meus in nubibus. Et, Ponā  
 arcū meum in nubibus. Et, Eritq. arcus meus in nubibus, &  
 videbo illū. Iā verò quid necesse erat hoc signū intercedere, vt  
 Deus

Genes. 8.

Genes. 9.

simile.

Genes. 7.

Deus recordaretur? Nunquid in illum promissionis suæ, aut vilius omnino rei obliuio cadere potest? An nō eius æternitas, instantis nomine significatur? Vt enim in instanti nulla diuisio, nihil prius aut posterius à Philosophis esse dicitur; ita in æternitate omnia simul Deo præsentia, nihilque aut præteritum aut futurum est. Quorsum ergo æterna illa Sapientia his signis promissi sui admonenda erat? Hæc sunt, fratres, quæ magnam vniuersique nostrum admirationem incutere merito debent. Vt igitur hoc mysterium in lucem eruere incipiamus, pauca quædam à nobis è Philosophorum scholis prælibanda sunt.

Primum enim cōstat ex philosophia, quatuor esse genera causarum, quæ ad omne opus necessariò requiruntur; inter quas finem primo loco ponunt, eamque causam causarum appellant, propterea quod efficientē causam ad agendum moueat; efficiēs verò materiam apparat, & formam inducit. Deinde etiam ex eadem philosophia constat, omne agens agere propter finem, atque eo magis quo & agens sapientius, & opus, quod molitur, præstantius est: Deo autem, qui mundi huius, hoc est nobilissimi operis auctor atq. opifex est, nihil cogitari potest sapientius. Cum igitur non ab æterno, sed in tēpore, & nec multis ab hinc annis hunc mundum creauerit; quærendū est, quem sibi finem tantus hic artifex in tam magnifici operis molitione præfixerit. Nefas enim, atq. adeo furor est, dicere, frustra illum ac temerè hoc tam nobile opus edidisse, & tam diu sustētas. Quis igitur hic finis exitit? quid illum ad tantum opus, tamque multiplex & varium ac mirabile, fabricandum impulit? Si enim ne passeruli quidem, cum nidos struunt, & filios educant, nihil nisi proposito sibi fine agunt; quem summa illa Sapientia sibi finem constituit, cum tam pulchrum & magnificum opus condidit?

Arist. 12.  
Metaph.

Hanc quæstionem Aristoteles in 12. primæ philosophiæ, hoc est, naturalis theologiæ libro tractauit: qui posteaquā grauissimis rationibus ostendisset, vnum esse totius vniuersitatis huius principem ac moderatorem Deum, primamque causarum omnium causam, à quo & cælum, & rerum omnium natura penderet; de huius tantī operis fine, quem sibi artifex Deus proposuerit, disputauit. Quærit enim, an ipsius mundi ordo atq. pulchritudo, finis sit propter quem mundus conditus fuerit? Cui quidem quæstioni, mirabili sapientia respōdet; nequaquam mundi ordinem & mirabilem ornatum, sed ipsum qui mundo præfideret, vltimū huius tantī operis finē esse. Vt enim, inquit, in militari exercitu, non ipse exercitus ordo & pulchritudo, sed Imperatoris gloria & obsequium, qui exercitum congregauit, finis est: sic in magno vniuersitatis huius exercitu, nequaquā ipsius ornatus atq. ordo, sed conditoris gloria extremus finis est.

Quæ



Quæ quidem Ethnici hominis sententia idem prædicat, quod Salomon ait: Omnia propter semetipsum operatus est Dominus. Quid est autem, propter semetipsum? Certè propter sui nominis gloriam; hoc est, ut homines, pulcherrimū hoc & mirabile opificium considerantes, immensam opificis sui potentiam, sapientiam, providentiam, bonitatem, & maiestatem agnoscentes, illius gloriam prædicarent, illius sapientiam mirarentur, illius immensam potentiam vererentur, illius bonitatem diligerent, & in eius contemplatione & amore felicitatem suam collocarent.

Quia verò in hunc finem omnia condidit, summo eadem artificio elaboravit, ut perfectio operis, summam artificis perfectionem declararet, hominesque ad eius cultum & venerationem excitaret. Harum enim rerum consideratione Galenus, Medicorum princeps, inductus, quandam religionis atque divini cultus rationem cognovit, atq. his memorabilibus verbis expressit: Ego, dum hæc scribo, conditoris nostri verum hymnum compono: existimoque in eo veram esse pietatem, non taurorum hecatombas ei plurimas sacrificari, & calias, aliaque sexcenta vnguenta suffumigari; sed si nouerim ipse primus, deinde & alius exposuerim, quænam sit ipsius sapientia, quæ virtus, quæ bonitas. Quòd enim cultu conueniente exornarit omnia, nullique bona inuiderit, id perfectissimæ bonitatis specimen esse statuo: & hæc quidem ratione eius bonitas hymnis nobis est celebranda. Hoc autè omne inuenisse, quo pacto omnia potissimum adornarentur, summæ sapientiæ est: effecisse autè omnia quæ voluit, virtutis est inuictæ. Hactenus Galenus: qui, quamvis ethnicus, idem ferè mihi dixisse videtur, quod per Prophetam, Dominus ait: Misericordiam volui, & non sacrificium, & scientiam Dei magis quàm holocaustū. hoc est, Ea divini numinis cognitio, quæ verum eius cultum atque venerationem parit, multo gratior Deo est, quàm quoduis pecudū sacrificium & holocaustum, eodem Dño testante, qui reiectis huiusmodi sacrificiis ait: Sacrificium laudis honorificabit me.

Hic igitur finis est, propter quem summus ille artifex hanc rerum vniuersitatem mirabili artificio condidit, nec minus mirabili ordine regit & moderatur. Ob hoc enim vètos, & pluuias, & nives, & glacies, & imbres temporaneos atque ferotinos, & matutinum rorem statis temporibus ex alto demittit. Ob hoc dies & noctes, & varia labentis anni tempora æquis partibus diuisit, quæ ferendis, maturandis, atq. colligendis frugibus aprisimè accommodantur. Ob hoc ipsum, Solis & Lunæ vias, & astrosum cursus, mirabilemque in multiplici conuersione constantiam (vnde omnia procreantur) dirigit & moderatur.

Seneca in  
Epist.

Si igitur in hunc finem hæc opera diuina Sapientia molita est, eademq. perpetuò gubernat: frustra igitur viuunt homines, frustra his beneficiis vtuntur, qui huius finis obliti, se totos cumulandis opibus, terrenisq. curis atque cupiditatibus dederunt. Quos ego non alio exemplo, quàm ethnicus hominis, castigare atque pudefacere volo. Seneca enim, vbi de conditarum rerum dignitate, & mirabili ratione disseruisset, tandem ait: Nisi ad hæc admitterer, non fuerat operæpretium nasci. Quid enim erat cur in numero viuentium me positum esse gauderem? An vt cibos & poriones percolarem? vt hoc corpus casurum ac fluidum periturumq. nisi subinde impleatur, farcirem? & viuerem agri minister? vt mortem timerem, cui omnes nascimur? Detrahe hoc inæstimabile bonum; non est vita tanti, vt sudem, vt astuem. O quàm contempta res est homo, nisi supra humana se erexerit! Hactenus Seneca. Quis igitur, cum ethnicum hominem hoc modo philosophantem audit, nõ erubescat, cum multorum Christianorum mores cõsiderat, qui tam longè ab hoc officio & instituto absunt? Quis enim hunc finem considerat? quis ad hoc se natum putat? quis sic vitam instituit, vt huius rei gratia in hunc mundum missus esse videatur? Hinc intelligeris verum esse quod à Propheta dictum est: Homo cum in honore esset, non intellexit, comparatus est iumentis insipientibus. hoc est, Cum homo in hunc finem nobilissimum à Deo conditus esset, vt magnifica eius opera contemplaretur, eundemq. propter percepta beneficia meritis laudibus prosequeretur; huius finis oblitus, pecudum more totus terræ affixus, sola terrena curat, sola captat, sola sitit, diuinisq. beneficiis fruens, non magis oculos in benefactorem attollit, quàm pecudes, quæ, victu & pastu cælitus prouiso vten-tes, conditorem & altorem suum non agnoscunt.

## II.

Ad institutum ergo redeunt, cum princeps ille mûdi Deus in hunc finem, quem oratione descripsimus, hunc mundum condiderit; consequens est, vt, si homines ab hoc fine deficiant, Dei quæ cultum & gloriam negligant, & conditis rebus non ad conditoris gloriam, sed ad luxum & superbiam abutantur, nulla subsit causâ, cur mundus stare aut permanere debeat. Sublato enim fine, non est cur ea quæ eius finis gratia constituta sunt, durare aut permanere debeant. Nec enim minus indecorum Deo est, homines sic à suo fine deniantes conseruare, quàm ad talem finem condere: cum nihil aliud sit conseruare, quàm ea quæ condita sunt, perpetuò procreare; & quod semel fecit, semper facere. Hæc ergo de causâ recens conditum mundum delere constituit, quod omnis videlicet caro corrupisset viam suam,

suam, & à suo fine deuissset. Hoc enim illa verba significant : Pœnituit eum quòd hominem creasset super terram. Quo loquendi genere se pœnitentium hominũ morẽ imitari significauit, quos pœnitere solet, cum frustra se opus aliquod suscepisse vident: quo tempore vel cœptum opus destituunt, vel, quod iam fecerant, demoliuntur. Sic paucis antehac diebus aquariam molam, quæ magnos domino suo proventus afferebat, flumine alium sibi alueum, aliasq. sibi ripas faciente, diruit. Cum enim multa vi, multisq. sumptibus, fluminis venam ad priorem alueum reuocare minimè potuisset, neque casa illa, in qua mola collocata erat, in alium vsum extructa esset, solo protinus æquata est. Ad hunc ergo modum cum æterna illa Sapiëntia genus hominum à fine suo deslexisset animaduertisset, nulla causa suberat, cur diutius mundum seruare aut regere debuisset. Vnde ait: Delebo hominem, quem creauit, à facie terræ, ab homine vsque ad animantia, à reptili vsque ad volucres cæli; pœnitet enim me fecisse eos. Itaque tot vrbes, tot nationes & regna, tot opes atque diuitias vna alluione deleuit; neque ex hac multiplici rerum vniuersitate, nisi quod vna caperet arca, permanere voluit. Sic Elias tribus annis atque mensibus oratione sua cælum clausit, vt homines, qui Deum non colebant, fame atque inedia consumerentur, nec vlla pereuntium multitudine fleebatur. Sciebat enim eos frustra viuere, qui auctorem vitæ non colerent; & indignũ esse, vt imbres & pluuia, hoc est, creaturæ Dei, Dei contemptoribus deseruirent. Hoc exemplo, fratres (vt alia prætermittam) peccati malitiam & deformitatem, & summum, quo Deus illud prosequitur, odium intelligere licebit; cum videatis illum misericordiarum patrem tam dira & stupenda clade supplicium de improbis sumpsisse, neq. tot infantibus, tot animantibus, tot opibus, tot denique nationibus & regnis pepercisse. Hoc enim argumento nos Petrus Apostolus ad diuinæ iustitiæ timorem, & acerbissimum peccati odium adhortatur, cum ait, Deum originali mundo, id est, recenter à se condito, propter peccata hominum parcere noluisse; sed quidquid antea in terra condiderat, aquis inundantibus obruisse. Neque enim erat cur homines à Deo conditi viverent, qui à fine, propter quem conditi erant, impiè & sceleratè deflexerant.

Existimabit aliquis fortasse, fratres, me instituti mei oblitũ. Non sum planè, sed per has ambages ad illud iam tandem peruentum est. Quæsitum enim erat, cur Dominus illud Noë sacrificium tam gratum habuisset, vt propter illud perpetuã mũdo incolumitatem & salutem promississet, atque in huius tantæ rei signum arcum in nubibus cæli positum esse dixisset.

X 2 Ad

Genes. 6.

Simile.

Genes. 6.

1. Pet. 2.



Ad hoc igitur respondemus, nullo modo illud sacrificium tanti apud diuinam aequitatem fuisse, vt seculorum omnium salutem in illius merito constitueret: neque arcum item, qui oculorum ludificatione fit, signum illud esse, cuius conspectu summus ille mundi arbiter a seueritate ad gratiam flecteretur. Sed illo tamen Noë sacrificio, cuius odore Dominus captus fuisse dicitur, summum illud Seruatoris nostri sacrificium adumbrabatur, quo is pro generis humani salute æterno Patri se obrulit in odorem suauitatis. In craticula quippe crucis, charitatis igne crematus, suauissimum ex se virtutum omnium odorem effudit. Idemque in cruce suspensus, totque liuoribus & vulneribus tinctus, arcus est in nubibus cæli positus, cuius conspectu cælestis Pater placatus fuit, semperque placabitur. Ipse namque est

1. Ioan. 2.

propitiatio pro peccatis nostris, non pro nostris autem tantum, sed etiam pro totius mundi. Atque hac ratione Dominus arcum illum cælestem huius fœderis symbolum esse dixit, vt cum hic arcus (vt antè diximus) nihil esset, ea res mentem nostram ad aliquid maius atque diuinius intelligendum attolleret. Hoc enim consilio diuina sapientia frequenter in lege, rebus, & ceremoniis, quæ nihil ad pietatem agere videntur, vititur; vt rerum humilitas intellectum nostrum ad aliquid sublimius, & diuina maiestate dignius inuestigandum excitaret. Ideoq. nihil mirum, si hæc tam multiplex fictitiij arcus repetitio nos ad salutis & redemptionis nostræ auctorem in eo arcu contemplandum veluti manum ducit.

His ita expositis, faciliè intelligeris, nihil mirum esse, si propter hoc immaculatū Christi sacrificiū, quod illo veteri figurabatur, perpetuam mundo salutem & incolumitatem Dominus polliceatur. Cur ita? Quia nimirum passionis & crucis eius merito sic placatus fuit, vt non modò erratis hominum verè pœnitentium veniam concesserit, sed gratiam quoque, & Spiritum sanctum, atque omnia dona sua in eos propter eiusdem Filij merita effundere perpetuò decreuerit. Quo tandem fiet, vt pietas & iustitia semper in mundo vigeat, nullaque diuinæ æquitati causa sub sit, cur mundum iterum propter hominum peccata abolere debeat. Cum ergo Dominus se non amplius vniuerso mundo aquas immisurum promississet, intelligebat utique quid promitteret, & qua de causa promitteret, quia sciebat Filij sui meritis religionem & iustitiam inter homines perpetuò regnaturam; qua vigente, causa nulla erat cur mundus denique abolendus esset. Hoc autem ita futurum esse, omnis Prophetarum chorus consona voce testatur. Hinc Esaias, post narratam Dominicæ passionis historiam, eius protinus fructum explicat, dicens: Si posuerit pro peccato animam suam, videbit

Esai. 53.

bit semen longæuum, & voluntas Domini in manu eius dirigetur. Longæuum, ait; quod videlicet perpetuo in mûdo duraturum sit: quod quidem alibi confirmat, cum ait: Super solium *Idem.* David, & super regnum eius sedebit, vt confirmet illud, & corroboret in iudicio & iustitia amodò & vsque in sempiternum.

Quæ cum ita sint; facîle ex his intelligetis, fratres, crucis mysterio deberi, quòd mundus perpetua stabilitate maneat, & nos in eo maneamus: neq. oportet nos Babylonis turrim superuacaneo labore extruere, vt ab aquarum inundatione seruemur, cum iam per Christi crucem omnis futuri diluuij trepidatio adempta sit, Intelligetis etiam iustitiam & pietatem eiusdem crucis merito in mundo nunquam defuturam, ne vlla subsit diuinæ iustitiæ causa, propter quâ mundû aquis absumere velit.

Quia enim (vt Esaias vaticinatus est) per Christum in mundo iustitia inundatura erat, ideo nulla erit causa cur mundus aquarum inundatione intereat. Intelligetis etiam, omnia gratiarum dona, omnia Spiritus sancti charismata propter crucifixi Domini meritû & gratiâ in nos cõferri. Ille nobis primâ gratiam, qua à peccato surgimus, promeruit: ille nos à peccato, à morte, & à gehenna liberauit. Itaq. si à peccato surgimus, illius merito iungimus: si iustitiam ad finem vsque retinemus, illius merito retinemus: si hostis antiqui tentationes superamus, illius merito superamus: si bonum aliquod opus molimur, illius merito molimur: si pio desiderio accendimur, illius merito accendimur: si nec aduersarum rerum fulminibus quatimur, nec secundis attollimur, eius vtique meritum & beneficium est. Hæc crux Apostolos mundi victores effecit, Martyres in prælio roborauit, Confessores cælestibus præceptis instruxit, Doctores illuminauit, Virginum puritatem constituit, Monachorum choris deserta impleuit, pereuntem mundum instaurauit, idola Gentium comminuit, daemonum templa atq. aras euerit, iustitiam & religionem exulem, & penè extinctam, in vitam reuocauit. Hæc paruulorum sapientia, lumen in tenebris sedentium, fortitudo certantium, corona triumphantium, Christianorum philosophia, & aduersus ignita diaboli tela impenetrabile scutum. Verum hæc omnia Dominicæ crucis beneficia persequi, infiniti operis esset: satis nobis sit, in illa malorum omnium depulsionem, & bonorum omnium summam esse constitutam. Hec Deum hominibus conciliauit, Spiritum sanctum è cælo dimisit, insatiabilem homicidam ligauit, cælum aperuit, Angelorum ruinas instaurauit, & homines, qui iumentis insipientibus similes effecti erant, ad imaginem Dei reformauit. Hæc igitur tam multa beneficia nobis Christus Dominus in cruce pendens contulit.

Nunc ad vos, fratres. Si hæc tam multa & magnifica beneficia Christus Dominus sine vilo suo labore in nos gratis cōtulisset, quid, quæso, dignum illi pro tot tantisq. muneribus rependeremus? Nihil certè tanta benignitate dignum in humana facultate inueniri potest. Si ergo ad hoc impares sumus, etiam si mille mortes propter tantorum donorum largitorem oppeteremus: quid erit, si labores & dolores, quibus hanc tantam salutem nobis promeruit, expendamus? Hoc enim nomine Sponsa in Cant. in illius amorem rapiebatur, cū diceret: Botrus cypri dilectus meus mihi. Quid autem hoc nomine, nisi crucis torcular, & vinum in eo expressum, voluit designare? Ex botro quippe vinum nisi in torculari non exprimitur. Quæ res Saluatori nostro maximè conuenit, qui in torculari crucis dolorum pondere pressus, cæleste nobis vinum propinauit: vinum, inquam, quod lætificat cor hominis, quod vires animæ roborat, quod charitatem incendit, quod mentem sobria ebrietate inebriat, & à sensibus corporis abalienatam in Deum transfert. Quid igitur superest, fratres, nisi vt immortales gratias Redemptori nostro agamus, qui tam multis doloribus hoc nobis salutaris & suauitatis poculum propinauit; quo refecti & confirmati, ad illud tandem vinum nouum hauriendum perueniamus, quod electis omnibus per eundem Christum propinatur in patria.

## IN EODEM FESTO INVENTIONIS

SANCTÆ CRVCIS, CONCIO SECUNDA:  
in qua duplex viuifici ligni fructus explicatur, alter dulcis, alter amarus: quorum altero ad patientiam laborum, altero ad charitatem, fiduciam, & animi tranquillitatem inducimur & excitamur.

THEMA. Dixi, Ascendam palmam, & apprehendam fructus eius. Cantic. 7.



PRIMUM primum constat, fratres charissimi, palmæ nomine pretiosum Dominicæ crucis lignum, cuius hodie inuentionem celebramus, commodissimè designari. Palma enim triumphi atq. victoriæ insigne est. In ligno autem crucis Saluator noster communem generis humani hostem debellauit: per mortem quippe destruxit



destruxit eum qui mortis habebat imperium, & clarissimum de illo triumphum duxit; nosque omnes ab eius tyrannide liberatos diuinis muneribus cumulauit. In hanc igitur arborem fidelis Sponsa, hoc est, pia mens, ascendere nititur, & fructus eius carpere, quibus se pascat atque reficiat. Sunt autem adeo multiplices & varij huius arboris fructus, vt vix vlla oratione enumerari valeant: qui tamen omnes ad duos potissimum referuntur, quorum alter amarus, alter adeo dulcis est, vt dulcedine sua prioris amaritudinem temperet atque minuat. Crux enim nos ad crucem & labores exemplo suo hortatur; eademque, dum immensam Seruatoris nostri bonitatem, charitatem, & potentiam declarat, spem & charitatem in nobis ascendit; atque ita demum sub huius arboris vmbra dulciter obdormire & requiescere facit, & cum eadem Sponsa dicere: Sub vmbra eius, quem desideraueram, sedi; & fructus eius dulcis gutturi meo. De hoc igitur duplici vitalis ligni fructu in presenti concione dicturi, caelestem opem, sacratissimæ Virginis interuentu, suppliciter imploremus.

Hebr. 2.

Cant. 2.

## A V E M A R I A .

Præquam ea, quæ proposuimus, tractare incipiamus, quemadmodum hodie crux Dominica reperta sit, & quid nobis eius inuentio insinuet, paucis aperiendum est. Ad hoc igitur illud in primis statuamus, quod quemadmodum multæ sunt mansiones in cælo, ita quoque itinera multa sunt, quibus ad illas mansiones peruenitur. Alij enim per viam obedientiæ incedunt; per quam omnes monasticæ vitæ professores ingrediuntur. Hanc autem obedientiam Ioan. Clim. appellat confectum dormiendo iter. Verus enim obediens, qui à maiorum suorum præscriptis nulla in re discedit, non habet cur velde rebus agendis, velde ratione reddenda sollicitus esse debeat, cum is non examinare quæ sibi præcipiuntur, sed exequi teneatur, reddendæ rationis curam in eum reijciens, qui sibi præpositus est, Dei quæ vices in terra gerit. Alij autem per viam patientiæ ingrediuntur; qua sanctus Iob & Martyres omnes ingressi sunt; quæque incedunt qui variis morbis & calamitatibus conflantur, & vxores etiam quæ viros habent intractabiles, quorum tamen ipsæ mores propter Deum humiliter & patienter ferunt, patientiæ suæ sacrificium Domino quotidie immolantes. Alij per paupertatis iter gradiuntur; per quod beatus Pater Franciscus, verus paupertatis amator, & Lazarus quoque mendicus ingressus est. Per quod etiam ingrediuntur qui inopiam & egestatem leniter & blandè ferunt, gratias Domino pro paupertate sua agentes, caelestiumque diuitiarum spe, cum sancto illo Tobia, paupertatis laborem

Ioan.  
Clim.

- mitigantes. Alij cum Martha, Christi hospita, misericordiae openbus incubunt; quibus in extremo illo examine aeternae vitae praeium constitutum esse sciunt. Alij verò cum eius sorore Maria, omnibus huius vitae curis relictis, & mundo ipso superiores quodammodo facti, supra mundum mēre & cogitatione eleuantur, & diuina dies noctesque tractare nunquam intermittunt. Sunt & alia multa itinera, quae referre longum esset; quorum nullum, quam diu in hoc corpore versamur, periculo suo vacat; sic enim scriptum est: In via hac qua ambulabam, absconderunt superbi laqueum mihi. Ea verò subtilitate & arte superbi isti, nempe daemones, superbiae auctores, hos laqueos parauerunt, vt de ipsis iterum dicatur: Narrauerunt vt absconderent laqueos; dixerunt, Quis videbit eos? O quam multos arbitror his laqueis irretitos teneri, qui tamen nesciunt se esse illaqueatos, cum maximè sint! Non enim temerè Salomon ait: Prou. 16. Est via quae videtur homini recta, & nouissima eius ducunt ad mortem. Quocirca orandus semper nobis cum eodem Propheeta Deus est: Ab occultis meis munda me Domine. Inter has tamen multiplices vias, regia quidem maximeque tuta in caelum via, vera cordis & corporis humilitas, animiq. demissio est. Vt enim diuus Bernardus ait, ex aliis virtutibus superbia capit incrementum; à sola autem humilitate, eius superba tyrannis repellitur. Hanc autem viam Saluator nobis exemplo commonstrauit, qui humiliavit semetipsum, factus obediens vsque ad mortem, mortem autem crucis: propter quod & Deus exaltauit illum, & donauit illi nomen quod est super omne nomen. Quo nomine Petrus Apostolus ad huius nos virtutis amorem hortatur, cum ait: Humiliamini sub potenti manu Dei, vt vos exaltet in tempore visitationis.

Quorsum hæc in festo sanctæ Crucis? Nimirum vt intelligatis, fratres, crucis suæ gloriam Dominum eadē qua ipse via, quaque omnes electi ingressi sunt, procedere voluisse: vt quemadmodum is & membra eius per humilitatis viam ad celsitudinis gloriam peruenerunt, ita etiam crucis suæ vexillum, ex summa abiectiois ignomina, ad summum gloriæ fastigium deuenire voluerit. Eius autem humilitas & abiectio prima fuit, quod erat latronum & facinorosorum hominum extremum & abiectissimum supplicium. Secunda verò, quod ab vniuerso orbe impugnata & execrata fuit. Tertia verò, quod Adriani Romani Imperatoris iussu in vilissimo loco fuerit defossa. Cū his enim anno post Saluatorem natum centesimo & quadragesimo, Hierosolymorum urbem exadificari præcepisset; animaduertens in Caluarie monte Dominum fuisse crucifixum, volensque omne Dominiæ passionis monumentum, tanquam perfidus, & idolorum cultor,

cultor, aboleri, Christi crucem, & latronum qui cum illo pependerant, & clauos in eodem loco defodi iussit, & ruderibus impleri, & in eodem loco Veneris simulachrum erigi; vt, si quis fidelium in eo loco crucem adoraret; non crucem, sed Venerem adorare videretur. In sepulchro autem Domini, Iouis statnam collocauit, & in Bethlehemitico præsepi, Adonidis, hoc est amasi; Veneris simulachrum substitui iussit, cuius mortem apud Ezechielem perfida Hebræorum femina lamentabantur. Hac ratione omnia salutis nostræ monumenta impius Cæsar se funditus aboliturum credidit. Sed non est potentia, non est sapientia, nō est consilium contra Dominum. Anno enim salutis nostræ 218. imperante Constantino magno, crucis gloria patefieri cœpit. Cū enim idem Constantinus, adhuc paganus, cū Maxentio tyranno, militaribus copiis instructissimo, cōgressurus esset, deque belli exitu trepidaret; vidit circa meridiem, sole declinante, crucis signum in cælo coruscans, his litteris inscriptum, In hoc vince. Cū autem & de signo, & de inscriptione incertus esset, eadem nocte Christus Dominus illi apparens, & signum quod viderat ostendens, præcepit vt eo signo omnia militaria vexilla insigniret, quo victoriam de hostibus reportaret. Cū autem in eo prælio victor euassisset, & Christianorum illud signum intellexisset; ipse quidem primus Romanorum Imperatorum maiestatem Domini Saluatoris cognouit, & honorauit, & eius Ecclesiam infinitis propè muneribus & ornamentis auxit.

Ezech. 8.

Post aliquod verò tempus, Helena, in signi pietate & religione femina, & Imperatoris mater, nocturno visu admonita, Hierosolimam petiit, vt Dominicam crucem, ex qua salus humana pependisset, inquireret. Qua de re sic diuus Ambrosius ait: Venit ergo Helena, cœpit reuiscere loca sancta, in fudit ei Spiritus vt lignum crucis requireret: accessit ad Golgotham, & ait: Ecce locus pugnæ, vbi est victoria? Quæro vexillum salutis, & non inuenio. Ego, inquit, in regnis, & crux Domini in puluere? Ego in aulis, & in ruinis Christi triumphus? Ille adhuc latet, & latet palma vitæ æternæ? Quomodo me redemptam arbitror, si redemptio ipsa non cernitur? Video quid egeris, diabolus; vt gladius, quo peremptus es, obstrueretur. Sed Isaac obstructos ab alienigenis puteos eruderauit, nec latere aquam passus est. Tollatur igitur ruina, vt vita appareat; promatur gladius, quo veri Goliæ caput est amputatum; aperiatur humus, vt salus fulgeat. Quid egisti, diabolus, vt absconderes lignum, nisi vt iterum vincereris? Vicit te Maria, quæ genuit triumphatorem, quæ sine imminutione virginittatis edidit eum qui crucifixus vinceret te, & mortuus

Ambros.



tuus subiugaret. Vinceris & hodie, vt mulier tuas insidias deprehendat. Illa quasi sancta Dominum gestauit, ego crucem eius inuestigabo. Illa generatum docuit, ego resuscitatum. Illa fecit vt Deus inter homines videretur, ego ad remedium peccatorum diuinum de ruinis eleuabo vexillum. Hactenus Ambrosius. In hac igitur pia inquisitione miracula non defuerunt, quibus Dominus pretiosum crucis suæ vexillum & prodidit, & honorauit. Helena igitur voti compos effecta, partem crucis, & clauos tres ad filium detulit; partem, magnificentissimo templo in eodem loco extructo, ibidem reliquit thecis argenteis inclusam. Reliquit etiam (vt auctor est Rufinus presbyter) hoc indicium religiosi animi Regina venerabilis. Virgines enim quas ibi reperit Deo sacratas, inuitauit ad prandium, & tanta eas deuotione curauit, vt indignum crederet si famulorum vterentur officiis. Ipsa enim manibus suis, famulæ habitu succincta, cibum apposuit, poculum porrexit, aquam manibus infudit; & Regina orbis, ac mater Imperij, famularum Christi se famulam deputauit. Et hæc quidem Hierosolymis gesta. Hæc fuit igitur, fratres, prima Dominicæ crucis gloria, qua à sterquilinio (in quo sub execrandæ Veneris simulacro condita erat) in sacrum & venerandum locum reposita fuit.

Sequitur deinde alia eius gloria; quòd per totum orbem fuerit prædicata, & ab omni mortalium genere in summo pretio & honore habita. A suppliciis latronum transit ad frontes Imperatorum; & quæ antea probro erat hominibus, nunc summo honori esse cœpit. Quin & hunc ei Dominus honorem contulit, vt eadem adoratione, qua ipse, qui in illa pependit, adoratur, ipsa quoque adoretur. Quidquid enim honoris illi tribuitur, crucifixo in ea Domino deputatur. Itaque maiori illam honore, quàm sacram & inremeratam Virginem honoramus. Virgini quippe eam reuerentiam exhibemus, quam Theologi Hyperduliam appellât: quæ superior eâ est, qua Sanctos honoramus, quæ ab eisdem Dulia nuncupatur: Dominicæ verò cruci, in qua id operatus est, meritò adscribatur. Hinc D. Aug. Crux, inquit, de erroribus nos liberauit, sedentes in tenebris & vmbra mortis illuminauit; hæc nos Deo reconciliauit; ex alienis domesticos, ex longinquis proximos, de peregrinis reddidit ciues.

Rufinus.

August.

cives. Hæc est inimicitia: temperatio, pacis firmamentum, omnium denique bonorum thesaurus. Hactenus ille.

Nec his honoribus contentus Dominus (qui perpetuo cum seculo durabunt) post seculum etiam extremum illi adijciat honorem. Tunc enim (ut idem Dominus ait) apparebit signum Matth. 24 Filij hominis in cælo: hoc est, pretiosum crucis vexillum (quod cunctis astris splendidiùs fulgebit) videlicet ad piorum solatium, & improborum damnationem & cruciatum; quando illi quidem salutis suæ pretium, isti verò damnationis suæ indicium in eo prospicient. Dignum profectò erat, ut quoniã crux Christi, clavis esse dicitur cæli; clavis autem in ipso sæpe ostio relinqui solet; eam ibidem perpetuo collocaretur, & ad maiorem beatorum gloriam ibidem perpetuo cerneretur. Decebat etiam ad Dominici triumphi sempiternam gloriam atque memoriã, ut sacrum hoc signum, tanquam gladius, quo princeps huius mundi iugulatus est, in sublimi hoc loco reponeretur. Cuius rei imaginem Goltæ gladius exhibet, qui in sacro loco post Ephod legitur fuisse collocatus. Ephod autem ornamentum erat sacrum, quo sacerdotes in ministerio templi utebãtur, post 1. Reg. 17. quod tamen gladius ille appensus fuit. Cur ita? An non gladius ille execrabilis (utpote gentilis hominis) à sacro loco repellendus erat? Erat planè. Verùm quia eo gladio perfidi hostis (qui Dei populum insectabatur) caput amputatum est, non immerito ad huius triumphi memoriam in eius templo collocatur. Ad hunc ergo modum, quamvis Christi Domini crux execranda olim fuisset (utpote latronum & facinorosorum hominum supplicium) quia tamen per eam Imperator noster clarissimum de hoste antiquo triumphum tulit, & eius detestabile caput contriuit, ad perpetuum huius victorię monumentum in cælo cum summo honore reponitur.

## I.

Hæc ad Dominicæ crucis gloriam breuiter dicta sunt. Nunc, quid ex hoc mysterio ad institutionem vitæ nostræ haurire debeamus, explicandum est. Frustra enim crucis Christi gloriam celebramus, si virtutum & meritorum eius expertes relinquimur. Si enim Paulus, qui in tertium cælum raptus fuit, nihil se nisi Christum crucifixum scire arbitrabatur, magna certè philosophandi materia in cruce piis mentibus proposita est. Nos ergo pro ingenio nostri tenuitate hoc modo in ea philosophari incipiamus. Principiò igitur hoc crucis mysterium docere videtur, ut quo modo crux ipsa primùm quidem ab hominibus despecta & impugnata, postea super calos exaltata fuit, & ab omnibus honorata, & ipse idem Dominus, qui in ea peccauit, per humilitatem & acerbiter passionis, exaltationem 2. Cor. 12  
2. Cor. 2. & glo-

Guerri-  
cus.

Exod. 24.

& gloriam sui nominis est cōsecutus; ita nos hac eadem humilitatis & patientiæ via ad sempiternæ felicitatis gloriam tendere studeamus: vt sicut ille non pro se, sed pro nobis; ita nos non pro illo, sed pro nobis eisdem vestigiis insistamus. Rectè enim Guericus Dominum ait propter nos in cruce animam ponere voluisse, vt redemptionis sacramentum, iustificationis fieret exemplum. Vbi Moyses fœdus in deserto inter Deum populumq. percussit, & ad fœderis confirmationem victimas immolauit, sanguinis earum partē fudit super altare, partē verò super populū, sanguine videlicet altare aspergens. Sanguinem autem illum Dominici sanguinis typū gessisse, fœderis ratio declarat: neque enim pecudum, sed Christi sanguis pro peccatis nostris effusus Deum conciliat, & fœderat hominibus. Hic igitur sanguis super altare Dei, atque super populum fusus, & Deum placat, & homines obligat. Deum quidem placat merito & sacrificio, homines autem obligat singulari beneficio & exemplo; vt sicut ille per sanguinem introiuit in sancta, ita nos quoque per sanguinem in eadem introire contendamus: & sicut ille, nostri amore deuinctus, pro nobis sanguinē fudit, ita nos in eius obsequium (si opus fuerit) vel sanguinem fundamus, vel terræ carnem nostram cum vitiiis & concupiscentiis crucifigamus. Hæc enim sola digna retributio, cum sanguis sanguine compensatur. Hic igitur, fratres, primus huius salutiferi ligni fructus est, quem amarum quidem initio diximus.

Sed instabis modò: Qui fieri poterit, vt hunc fructum quis carpere atque edere possit, aduersus quem tota naturæ vis pugnare videtur; quæ dulcia & suauia vbique captat, acerbam verò semper & amara refugit ac reformidat? Medici quidem solent amara pharmaca aut melle aut saccharo condire, aut etiam auro tegere: nos ergo medicorum more multiplici dulcedine hunc amarum crucis & patientiæ fructum dulcorabimus.

Primum enim, laborum, quos Christi gratia patimur, dignitas atque sublimitas nos ad eorum amorē incitare debet. Omnes namque hi labores à Christi cruce gloriam & dignitatem trahunt. Quid enim, quæso, Dominicam crucem tantopere honorauit (quæ antea flagitiosorum supplicium erat) nisi quòd in ea Christus Dominus passus est, eamque sacratissimi corporis sui contactu nobilitauit? Hoc enim beatus Andreas Apostolus confessus est, qui paratam sibi crucem à longè conspiciens, O, inquit, beata crux, quæ decorem & pulchritudinem de membris Dñi recepisti! accipe me, ab hominibus, & redde me magistro meo; vt per te me recipiat, qui per te me redemit. Et quidè ante timorè humanū habuisti, nunc autem pro voto susciperis. hoc est, Antequam in te vita penderet, meritò homines sup-  
plicij



plicij tui cruciatum horrebant; vbi autem sacratissimi corporis tactu sanctificata & consecrata es, iam non est cur te quisquam horrere, sed cur magis reuereri, adorare, & amplecti debeat. Si ergo tanta reuerentia lignum crucis veneramus, quod sacrum Christi Domini corpus tetigit; cur non etiam hæc omnia corporis incommoda honorabimus, quæ non corpus modò, sed eius quoque animam contigerunt? Eius est enim illa vox: Saluum me fac Deus, quoniam intrauerunt aquæ vsque ad animam meam. Aquarum autem nomine, dolorum impetus intelligit, qui multo acerbioris piissimam eius animam quam corpus cruciarunt. Quomodo ergo non summam venerationem merebitur, quod ad ipsam vsque animam Christi penetravit? Sicut ergo crux, quæ mortalibus antea probro erat, postquam vita in ea pependit, honori esse cœpit, ita lachrymæ, dolores, inopiæ, cæteraquæ corporis incommoda quæ ille pertulit, ab eo diuinis honoribus affecta sunt. Quis igitur indignum sibi esse putet pati, quod ipse vnigenitus Dei Filius, & splendor paternæ gloriæ, perpeffus est, & ex eo calice bibere, quo ille bibit: eodemque modo à mundo tractari, quo ille tractatus est; eisdemque doloribus affici, quibus ille affectus est? Si magna gloria est sequi Dominum; quid esse homini gloriosius potest, quam eundem Dominum sequi, & in ea re potissimum sequi, quæ in illo maxime gloriosa & prædicanda extitit? Fuit olim Phocion Atheniensis vir iustitiæ opinione celebris, inuidia tamen & odio perditorum hominum magno iudicum scelere ad mortem innocens damnatus. Ex his autem qui cum eo erant morituri, quidam, nomine Thudippus, complorabat sortem suam: quem ita consolatus est Phocion; Non tibi, inquit, Thudippe, satis est cum Phocione mori? Quod si tantum valuit auctoritas Phocionis, vt mori cum eo gloriosum putaretur; quid de illis existimandum est, qui ipsius Regis gloriæ mortem imitantur? Hoc igitur primum & maximum laborum & dolorum nostrorum solatium est, quod Christum imitamur, quod ei similes efficiamur, quod eius nuptiali veste (quæ nimirum dolorum patientia extitit) ornatur. Non poterit enim is non diligere quos sui similes viderit, cum similitudo sit amoris conciliatrix.

Psal. 68.

Phocion.

## II.

Est & aliud solatium ab hoc eodẽ fonte dimanãs, quod hanc Apostolus regiam viam esse dicit, qua itur in cælum. Si enim, Rom. 6. inquit, complantati facti erimus similitudini mortis eius, simul & resurrectionis erimus. Et mox: Si mortui sumus cum Christo, credimus quia simul etiam viuemus cum eo. Vnde cum Iacobus & Ioannes fratres regnandi gloriam ambirent, Dominus illos

- Mat. 20.** illos ad eius regni & gloriæ iter reuocauit, cum ab eis quaesuit, Potestis bibere calicem quem ego bibiturus sum? Qua quidem interrogatione illud admonere voluit, quòd quemadmodum ipse, qui caput & dux noster est, per ignominiam passionis ad regni gloriâ peruenit; ita eodem itinere eius essent membra processura, vt, si non illam ipsam Christi crucem, certè suam quisque à Deo sibi impositâ portaret. Vnde ipse in Apocalypsi ait: **Apoc. 11.** Qui vicerit, possidebit hæc; sicut ego vici, & sedi cum Patre meo. Hinc in eadem Apocalypsi Ioannes ante thronū electos omnes ex omnibus tribubus & linguis astare vidit, qui omnes albis vestibus amicti, palmas in manibus gestabant; quod quidem triumphi atque victoriæ insigne est. Ad hanc verò palmam & victoriam nisi per labores & certamina non venit. Ideoque non sine Dei consilio regius crucis titulus supra Christi Domini caput in cruce figitur; vt hoc symbolo admoneremur, per crucem ad regnum, per bellum ad pacem, per ignominiam ad gloriâ, per patientiam ad coronam, & per labores ad requiem, per dolores ad sempiterna gaudia, ac postremò per humanarum rerum contemptum ad imperuestigabiles Christi diuitias esse veniendum. Hac igitur tanta laborum proposita mercede, quis non lucrū putabit variis propter Christum vexari laboribus? Hinc D. Basilius tristium naturam post Christi crucem immutatam esse ait. Eius hæc verba sunt: Primum quidē Sanctorum mors planctu ac lachrymis cohonestabatur: nūc verò morientibus sanctis exultamus. Tristium namque post crucē Domini immutata est naturam: iam non amplius Sanctorum obitus lamentationibus prosequimur, sed tripudiis diuinis circum ipsorū sepulchra veluti choreas ducimus. Somnus autem iustus est mors, immo magis migratio ad vitam meliorem. Ideoque Martyres exultant dum trucidantur. Nam desiderium felicioris vitæ, iugulationis dolorem extinguit, & emortuum reddit. Pericula non respicit martyr, coronas respicit; plagas non horret, sed præmia numerat. Non videt illictores infernè flagellâtes, sed Angelos supernè lætos hominibus acclamâtes imaginatur. Non spectat ad tēporalia pericula, sed ad præmiorū æternitatē. Hactenus D. Basilius. Hac ipsa autem via caput Martyrum Christus Dominus & nominis & corporis sui gloriâ affectus est. Hoc est enim quod Propheta canit: De torrētē in via bibit, propterea exaltauit caput. **Psal. 109** Nomine autem torrentis, quod incitatissimo cursu ferri solet, Vates sanctus vsus est, ad significandā vim & magnitudinē ærumnarum quas ad extremum vsque spiritum innocentissimus agnus pro nobis exhaustit. Qui enim omnia peccata omnium mortuorū pro suis assumpsit, eorūq. pœnas pertulit, is necesse fuit vt tales ac  
tantos

tantos dolores & cruciatus sustineret, quales & quantos nemo vnquam neque verbis assequi, nec animo possit comprehendere. Subiungit autem, Christum propterea sublaturum caput, quoniam prauidebat, illum per has arumnas & acerbitates ad potentiam & regnum sempiternum esse peruenturum.

Est & mira alia huius virtutis vtilitas, nec minoris facienda. Quisquis enim eo perductus est, vt his rationib<sup>9</sup> inductus, spiritualis crucis amator existat; is facili virtutum omnium compos efficietur. Cum enim virtus circa difficilia opera versetur, solusq. nos ab eius cultu & amore difficultatis labor deterreat; qui eo perductus est, vt ob crucifixi Domini sui amorem adeo non refugiat labores, vt libenter etiam amplectatur, is plane non habet quod eum a virtutis studio remorari possit. Quam rem facili exemplo commonstrabo. Aiunt Philosophi, elementa ea facili inter se transmutari, quæ altera solum qualitate dissideant, altera conueniant. Quod in aëre videre licet, qui vbi igni proximus fuerit, leui flatu in flammam igneam permittitur. Simili ergo modo virtus, qua parte rationi consentanea & amica est, facili cum homine, hoc est, cum creatura rationali cõuenit; quatenus verò circa difficilia opera (vt antè diximus) versatur, corruptæ carnis affectibus repugnat, qua sponte sua laborem refugit, & voluptatem caprat. Vbi autem spiritualis crucis amor, hoc affectu carnis superato, hanc difficultatem nõ horret, sed etiam libenter propter Deum amplectitur, nihil intercedit quod hominem a virtutis complexu & amore deterreat. Quocirca diligentissimè homini ad virtutum decus adspiranti enitendum est, vt hanc sibi crucem amore deuinciat, & velut dilectissimam spõsam sibi adiungat. Sic enim fiet, vt minimo negotio ad virtutum omnium fastigium perueniat: quæ res votis omnibus expetenda est. Hoc autem argumento apparet, in quo periculo versentur, qui in omni vita voluptatem vbique captare student, qui vitam in otio transigunt, qui vnde cumque varii corporis oblectamenta conquirunt, qui ludis, iocis, fabulis & rumoribus audiendis, & futili loquacitate omne tempus infumunt, omnemque honestum laborem tanquam vitæ scopulum declinant. Hi enim quomodo virtutem amplecti poterunt, quæ honestis semper studiis atque laboribus adiuncta est? Rectè enim a Philosophis dictum est: In regno voluptatis virtuti non esse locum. Hoc est autem illud genus hominũ, quod Apostolus lamentatur, cum ait: Multi enim ambulant, quos sape dicebam nobis (nunc autem & flens dico) inimicos crucis Christi: quorũ finis interitus, quorum deus venter est, & gloria in confusione eorum qui terrena sapiunt.

Crucis

Philip. 3.



Crucis autem inimicos non eos intelligit, qui sacram Dominicæ crucis effigiem detestantur, sed qui hanc ipsam adorantes, spirituales Christi crucem, hoc est, carnis & cupiditatum suarum interitū refugiant. Hos igitur crucis Christi inimicos appellat, qui corpoream crucem venerantes, spirituales detestantur; quique non minori odio spirituales crucem, quam infideles corpoream prosequuntur. In quanto ergo hi salutis periculo degant, satis abunde Apostoli lacrymæ declarant, quas sola huius periculi cogitatio, dum hæc scriberet, exprimebat. Hoc enim aperte docet, cum ait: Nunc autem & fletus dico.

Hæc sunt igitur, fratres, solatia, quibus spiritualis crucis acerbicatem lenire poteritis. Si enim ea Dominicæ crucis dignitatem & gloriam participat; si Christo Domino similes facit; si regia in cælum via est; si maximum divinæ gratiæ, & charitatis & perfectæ virtutis argumentum, si facilem nobis ad virtutes omnes viam munit; si postremo natura ipsa & mundo malisque omnibus superiores, & Deo proximos homines facit; cur non hanc crucem libenter amplectamur, ut tantorum bonorum compotes simus? Cur non cum Evangelico illo mercatore, inuenta hac pretiosa margarita, omnia pro ea adipiscenda libenter offeremus? Cur non cum diuo Andrea Apostolo dicamus: Quia semper amator tuus fui, & desideravi amplecti te, & bona crux?

## III.

Hactenus, fratres, priorem vitalis ligni fructum, acerbum illum quidem, sed multis tamen modis dulcoratū, vobis proposuimus, nunc dulcem offeramus. Ad quem percipiendum non dubito vos esse multo paratiores. Cæterum quemadmodū Dominica crux ipsa sua specie atq. imagine patientiam nobis prædicat & commendat; ita spem in Deum, & amorem ingenerat, dum mirabilem crucifixi Domini in genus hominum charitatem ostendit, quæ summum nobis fauorem, protectionem, paternam curam & providentiam pollicetur, sub qua (ut initio dicebamus) dulciter obdormire & requiescere poterimus. Quid igitur aliud Christi crux, quid clavi, quid spinæ, quid alape, quid verbera, quid plagæ, quid denique mors ipsa, nisi summam erga genus hominum charitatem prædicant? Vera enim est illa sententia: Aduersis probatur amor, pœnis examinatur dilectio. Unde consequens est, ut, quo maiora quis propter amicum incommoda acerbioresque dolores fuerit perpessus, hoc maiorem veræ dilectionis significationem præbeat. Cum verò constet, cruciatus, quos salutis nostræ gratia Christus Dominus pertulit, omnes alios vitæ huius cruciatus superasse, etiam si omnes in unū iungerentur; liquidò constat, eius erga nos dilectionem

nem, omnem aliā longissimo interuallo post se reliquisse. Mitto nunc cruciatus quos in anima pertulit, corpus solum in cruce pendens inspiciamus. Quid in eo à planta pedis vsq. ad verticem non vulneribus faucum, plagis liuidum, sanguine deformatū cernimus? Quid autem amanti animæ, & oculos habēti, quibus patibulo affixum Dominū contēplatur, hoc est spectaculo suauius? Quid autē tot corporis eius vulnera sunt, nisi tot ora, tot voces, & clamores qui nobis eius charitatem prædicant? Quid nisi eiusdē amoris certissima pignora? Quid nisi purissimum speculū, in quo ardorē charitatis interiūs latentem cernimus? Quid nisi acutissima illæ amoris sagittæ, de quibus scriptum est; Sagittæ tuæ acutæ (populi sub te) cadent in corda inimicorum regis: quibus ex inimicis amicos fecisti? Quid postremo nisi patentēs fenestræ sunt, per quas vis amoris eius ostēditur? Patent enim, ait Bernardus, viscera per vulnera. Vnde enim paruisset, quod tu Domine multus sis in misericordia, multus in charitate, multus in bonitate? Ad redēptiōis quippe nostræ munus vel vna pretiosi sanguinis tui gutta sufficere posset, vt pro totius mūdi sceleribus satisfaceres. Sed quod ad satisfactiōnē satis erat, ad declarandā charitatis & bonitatis tuæ magnitudinem satis non erat: ideoq. tam multa pati voluisti, vt tot bonitatis & dilectionis tuæ testes atque obsoles haberemus, quot in corpore tuo vulnera numeramus. His igitur duobus ceu iaculis atque sagittis, corda nostra configere voluisti; bonitatis videlicet & charitatis tuæ ostensione: vt plusquam ferreus esse incipiat, qui tantam bonitatem non exosculatur, tanta charitate non incenditur. Quis igitur se ab huius ignis calore defendet? Quis hoc igne, quem Dñs mittere in terram venit, non ardeat? Ceteris enim beneficiis Dominus nos ad sui amorem pellexit, hoc autem penē vim intulit. Quod Apostolus designauit, cū ait: Caritas Christi vrget nos. Hoc enim immenso charitatis suæ ardore vim quodāmodo mētibus nostris infert, vt nemo se iam possit ab eius calore abscondere. Idem etiā Sponsa in Cant. indicauit, cū Sponsum ait ordinasse in ea charitatem. Charitatis autem ordo exigit, vt, quod summum & supra omnia est, amore summo supra omnia dirigatur. Vnde alia lectio habet; Cuius vexillum erga me charitas: quæ quidem lectio mirē ad hunc locum facit. Hoc enim significare videtur, quod quemadmodum in bello milites vexillum militare sequitur, nec ab eo oculos despectūt; ita Sponsa pro vexillo immēsam hanc Sponsi dilectionem habebat; quæ illam ad se rapiebat, quæ sibi semper adherere faciebat, quæq. nunquā ab eius contemplatione animum abesse patiebatur; quæ denique agebat, vt ab omnibus aliis curam, cogitationem, & amorem auertens, in hanc vnā

Psal. 44.

Bernard.

2. Cor. 5.

Cant. a.

D. Bonaventura.

suspensa, de vna illa charitate loqueretur, illam vnâ semper cogitaret. Vt enim magnes occulta quadam vi ferrum post se trahit; ita immensum hoc diuinæ charitatis opus purgas mentes vehementi quodam impulsu post se rapit. Sic B. Bonaventura, vbi se totum in sacra Christi vulnera misisset, in illis se perpetuo habitare, nec ab illis egredi, neque quidquam nisi sanguinem se videre posse testatur.

Ex his liquere puto, fratres, quàm dulcis ex salutaris crucis arbore fructus carpatur. Quid enim amore dulcius? quid charitate iucundius? quid in hac vita spei virtute suauius? Hęc enim sacra arbor, inter alios multiplices fructus spem atque amorem præcipuè profert. Si enim ea tantam nobis potentiam, tantam Domini charitatem ostendit; quid non ab eo sperare potero, qui adeo potentem, adeoque amicum & benenolum se nobis in cruce declarauit? Si potens solum esset, nec tamen amicus; dubitare quidem de eius voluntate non de potentia potuissim: si verò amicus, & tamen infirmus & impotens esset, de facultate dubitarem. At cum idem mihi & potentissimum & amicissimum sese apertissimis argumētis demonstrauit; quomodo non spem & amorem meum, quomodo non omnem meam curam & sollicitudinem in illum reponam? Si ille me non quærentem quæsiuit, quomodo quærentem repudiabit? Si is tot me beneficiis vitæ suæ dispendio affecit; quomodo, cum iam ab omnibus laboribus immunis sit, mei curâ abiiciet? Qui mihi, quod summum erat, vitâ & sanguinem donauit; quomodo minora negabit? Dubitas, inquit Augustinus, an tibi neget bona sua, qui non dedignatus est propter te recipere mala tua? Si (vt Apostolus ait) proprio Filio suo cælestis Pater non pepercit, sed pro nobis omnibus tradidit illum; quomodo non cum illo nobis omnia donauit? Quid igitur, ô miseri mortales, per terrenas opes sine vlllo fructu vagamini? quid quietem & firmitatem in rebus fragilibus & inquietis queritis? cur, veræ felicitatis & salutis fonte relicto, feculentis Aegypti lacunis sitim vestram extinguere pergitis? Quare, inquit Propheta, appenditis argentum non in panibus, & laborem vestrum nõ in saturitate? Felix qui ab hoc communi mortalium errore liber, spesque omnes in creaturis fallaces esse intelligēs, spes omnes suas, curas & cogitationes in crucis praesidio constituit. Quisquis enim huc peruenit, hic planè Dominicam crucem cum Helena inuenisse putandum est. In ea namque laborum solatium, infirmitatis remedium, virtutis exemplum, amoris incitamentum, spei refugium, & malorum omnium leuamentum inueniet. Hac enim de causa Dominus crucem suam inueniri voluit, vt hoc amoris sui testimonium, & virtutis trophæum corporeis etiam oculis, ad sempiternam eius

August.  
Rom. 8.

memo-



memoriam atq. salutem nostram, in terris conspiceretur. Quid ergo superest, fratres, nisi vt cum Sponso hanc palmam cōscendamus; vt hos ex ea mirabiles fructus carpere possimus? Ascendimus autem non corpore, sed spiritu; non pedibus, sed sanctis cogitationibus & affectibus. Quod faciunt, quibus de more est quotidie se ipsos intra se colligere, & ineffabile Dominicæ passionis beneficium, eeu animalia munda, pio corde ruminare. Hi namque fructibus his cum magna iucunditate in præsenti vita pascuntur, vberiores eorum fructum in sempiterna illa cum beatis mentibus percepturi.

INEODEM FESTO SANCTÆ  
CRUCIS, CONCIO TERTIA: IN QVA  
verba in themate proposita fusiùs explanantur:  
vbi etiam occasione verbi credendi, de fide viuæ  
& mortua paulo copiosiùs differitur.

THEMA. *Sicut Moyses exaltauit serpentem in deserto, ita exultari oportet Filium hominis: vt omnis qui credit in ipsum, non pereat, sed habeat vitam æternam.* Ioan. 3.

**S**I quando regia sponsa ab amantissimo sponso similè longè abest, neque eius sibi videndi copia fit, magnum existimat solatium, si illius effigies ad viuū expressa sibi ante oculos proponatur; vt in imagine saltem cōtempletur, quem coram cernere non potest. Non aliter, cum Deus Pater ab æterno Vnigenitum suum cum humana natura indissolubili matrimonij vinculo copulare decreuisset, & in hoc felicissimo coniugio generis humani salutem constituisset; quàm diu coniugij tempus differretur, dilectissimi Filij sui imaginem, & salutem, per eundem Ecclesiæ sponsæ suæ conferendam, miris multisque modis repræsentandam curauit: vt hac saltem ratione ipsa exhilarata & confirmata, confidentius in spem salutis allurgeret. Vnde Apostolus, omnia in figura, huius videlicet tanti mysterij, 1. Cor. 10 prioris seculi hominibus cōiugisse ait. Inter has autem figuras, ea quæ à nobis de serpente æneo proposita est, magnum mysterium continere videtur: mirabili namque ratione, quo nam modo Dominicæ crucis beneficium consequi valeamus, exponit. Hoc igitur tantum mysterium in præsenti concione  
Y 2 expli-

explicaturi, caelestem opem, sacratissimæ Virginis interuentu, suppliciter imploremus

## A V E M A R I A .

- Ex sacra præsentis Euangelij lectione, fratres charissimi, hæc nouissima verba, quæ à me proposita sunt, ad huius diei festum præcipuè pertinent: quæ quidem adeo secunda videntur, vt non exigui operis sit, omnia quæ in eis latent mysteria vno sermone comprehendere. Quod vt commodius efficere possimus, tractanda nobis in primis illa quæstio est: cur videlicet, cum Christi Domini passio ad totius generis humani salutem cõstituentem satis superoue fuerit, tam pauci sint, qui hanc salutem consequantur. Constat enim verum esse quod ipsa Veritas ait, arctâ esse viam quæ ducit ad vitam, & paucos ingredi per eam; laram autem quæ ad perditionem ducat, & per eam multos incedere. Christum autem Dominum non pro his tantum qui seruantur, sed pro omnibus se ipsum in sacrificium obtulisse, testatur in epistola sua Ioannes, cum ait, ipsum propitiationem fuisse pro peccatis nostris; nec pro nostris tantum, sed etiam pro totius mundi. Paulus quoque pro omnibus mortuum fuisse Christum ait, vt, qui viuunt, iam non sibi viuunt, sed ei qui pro ipsis mortuus est: idemque Apostolus ait, efficaciorē nobis ad salutem fuisse Christi gratiam, quàm ad perniciē primi parentis culpam. Non enim, inquit, sicut delictum, ita & donum: vbi enim abundauit delictum, superabundauit & gratia. Multo enim magis grata Christi Domini obediētia superno Patri fuit, quàm ingrata extitit primi hominis inobediētia. Si ergo propter illā inobediētiā tam multi peccatores constituti sunt, cur non plures per Christum in iustitiæ possessione reponantur; præsertim cum ea fuerit dignitas & efficacia sanguinis Christi, quæ diuinitati erat vnita, vt vel vna eius gutta totum mundum, immo innumerabiles mundos redimere atque seruare potuisset? Quid igitur causæ est quod tam pauci seruentur? Huic quæstioni sapienter admodum D. August. respondet his verbis: Poculum salutis nostræ, quod ex diuina humanaque natura confectum est, quamuis ex se habeat vt omnibus prosit, non tamen prodest, nisi bibatur. Quibus verbis significare voluit efficacissimum quidem malorum nostrorum medicamentum Christi Domini passionem extitisse. Vt autem medicamenta omnia, quâlibet salubria sint, nihil opis ægrotantibus præbent, nisi sumantur: ita planè hoc salutis humanæ poculum ad sanandos omnium morbos sufficientissimum est: nemini tamen est salutare, nisi ei qui illud ebiberrit. Quid autem est bibere, nisi illud ad se trahere, sibi quæ vnire, vnumquæ quodammodo cum illo fieri? Hoc enim & cibi & potus proprium est, in corpus &
- sub-

Substantiam alicui permixtari, & vnum cum illo effici. Quisquis ergo Christi particeps esse cupit, vnum cum illo per fidem & amorem effici debet. Quemadmodum enim caput vim suam non in abscissa atque separata mēbra, sed in ea quæ sibi cōiūncta atque vniūta sunt, infundit: ita generis humani caput Christus Dominus, nisi in membra charitatis gloriose sibi copulata, meritum & gratiam suam non effundit. Quid enim in causa esse puratis, cur primi parentis peccatū in totam eius posteritatem deriuetur, (omnes enim in illo peccauimus, & eo labente lapsi sumus) nisi quia illic principium & veluti radix totius generis humani exiit; ideoque radice vitium in omnes eius propagines deriuatum est. Inde adeo fit, vt, si quem modò Deus hominem vel ex limo terræ, sicut primum illum, vel aliunde creasset, qui nullo affinitatis vinculo cum eo coniunctus esset, non minus ab eius culpæ cōmunionē, quā ab affinitatis vinculo immunis esset. Sicut ergo hæc corporea vniō in causa est, vt parentis primi labes posteros omnes inficiat; ita spiritualis vniō cum Christo capite necessaria est, vt eius meritum & gratia in spiritualia ipsius membra transfundatur. Quæ deficiente, nulla subest ratio, cur aliquis Christi particeps fieri debeat. Hæc autem spiritualem cum Christo capite vniōnem, vt modò diximus, fides efficit; non quæcunque, sed quæ charitatis igne incensa atque inflammata est. Quam rem Dominus his, quæ à nobis ait: *Sicut Moyses exultauit serpentem in deserto; ita exultari oportet Filium homini: ut omnis qui credit in ipsum, non pereat, sed habeat vitam æternam.* O quā magnum hac tam breui oratione sacramentum nobis propositum est! Hic enim animaduertere licet, humani generis salutem in Christi adpectu positam esse, cum vel illum cælestis Pater adspicit, vt nostri misereatur, vel ipsum nos adspicimus, vt eius misericordiam consequamur.

Sed quoniam in his Domini verbis serpentis ænei mentio fit, eius nobis historia primum exponenda est. Filij Israel in deserto, itineris tædio fatigati, aduersus Deum ac Moysen obloqui cœperunt, quod ipsos ab Aegypto in illam solitudinem adduxissent. Quo quidem scelere ita Dominus offensus fuit, vt ignitos serpentes in illos immitteret, qui venenato morsu eos peterēt, qui optimi ducis sui vitam mordebant; vt quemadmodum Aegyptij aquis interempti fuerant, qui aquis infantes Hebræorum interfecerant; ita isti serpentum moribus perirent, qui viri sanctissimi vitam mordebant; & à serpentibus peterentur, qui serpentum malitiam sectabantur. Ait namque Salomon: *Sicut mordent serpentes in silentio, sic qui fratri suo occultè detrahit.* Quod si hac eadem pœna Dominus detracto-



res hoc tēpore puniret, omnia serpentibus replerētur, vt venetæ lingua serpentum veneno atque morſu interirent. Sed ad hiftoriam redeunt: cū præſentiſſimum illud periculum ad poenitentiam populum prouocaſſet, & veniam atque ſalutem à Moſe poſtulaſſet, ait ad illum Dominus: Fac ſerpentē æneum, & pone eum pro ſigno: qui percuſſus aſpexerit eū, viuet. Fecit ergo Moſes ſerpentem æneum, & poſuit eum pro ſigno: quem cū percuſſi aſpicerent, ſanabantur. Quis hic non miretur? quis, quamlibet rudis atque hebes, non myſterium aliquod in his Domini verbis latere intelligat? Quid agis Domine? quod medicamentum vulneratis adhibes? Nōne facilis erat ſerpentes abigere, qui ſerpentes immiſeras: quemadmodum antea ranas in paludes, & locuſtas in mare relegaſti? Quod ſi ſerpentes manere volebas, vt earum metu derahētium linguas comprimeres; quid ſibi vult hoc remedi genus, hoc eſt, æneus ſerpens in edito loco poſitus? Vnde huic ſerpenti ea virtus? Non certē ex æris materia, non ex eius forma & figura. Iam verò aſpectus in æneum ſerpentem quid ad ſanitatē conferret? O mira Dei ſapientia, quæ cū myſteria ſua celare vult, ita celat, vt prodat! Cū enim infinita ſit eius ſapientia, nihil quē temerē aut fruſtrā, ſed ſummo conſilio atque ratione omnia opera ſua moliatur, hac ipſa rerum inconcinnitate (quæ in diuinam ſapientiam cadere nullo modo poteſt) nos ad ſublimius aliquid inueſtigandum excitat. Quid igitur hoc eſt? Nimirum ſicut per veros ſerpentes, veros peccatores intelligimus; ita per imaginem ſerpentis, peccatorem, non quidem verum, ſed apparentem accipimus. Quis verò alius peccati omnis expers, & peccatoris imaginem gerens, niſi Chriſtus Dominus inter latrones patibulo affixus: qui (vt Eſaias ait) cum impiis deputatus eſt: de quo tamen paulo antè dixerat, quod neque peccatum fecerit, neq. dolus fuerit in ore eius. Hic igitur peccati omnis expers, à peccato nos omnes liberat. Omnes enim nos quaſi oues errauimus, vnusquiſque in viam ſuam declinauit, & Dominus poſuit in coiniquitates omnium noſtrū. Hic ergo ſerpens, non verus, ſed apparens, contra venena ſerpentum ſingulare reſugium & medicamentum eſt.

Eſaiæ 53.  
Ibidem.

Num. 21.

Sed qua ratione ſerpens hic nos à morſu ſerpentum liberat? Qui percuſſus, inquit, aſpexerit eum, ſanabitur. Hæc certē figura nō tam figura, quàm apertiffimum vaticinium, quod crucis virtutem prædicat, exiſtimanda eſt. Quid enim aliud ſignificare commodè poterit, niſi hoc ipſum ſignificet? Quid ſit autem ſerpentem aſpicere, idem Dominus apertè inſinauit, cū poſt hæc verba ſubiunxit: *Vt omnis qui credit in ipſum, non pereat, ſed habeat vitam æternam.* Aſpicere ergo, eſt credere, & Chriſti  
fidem

fidem profiteri: quem videlicet proposuit Deus propitiatorem *Rom. 7.*  
 per fidem in sanguine ipsius. Quam alacri & libenti animo  
 hanc salutis rationem excipient. qui de sola sibi fide, eaq. mor-  
 tua, blandiuntur! Sic enim salutem suam in tuto positam arbi-  
 trabuntur, cum his fidei oculis Christum aspiciant, eumque  
 suum ac mundi Saluatorem inconcussa fide profiteantur. Ve-  
 rum, nolite, fratres, errare. Cum enim fidem dico, non mortuā,  
 sed viuam fidem intelligo; de qua scriptum est: Iustus autem  
 meus ex fide viuít; quem locum D. Bernardus breuiter expla- *Rom. 8.*  
 nans, Iustus, inquit, ex fide viuít, vtrique si viuat & ipsa: aliter *Bernard.*  
 quomodo vitam dabit, si mortua est?

## I.

Sed quia de mortua & viua fide sermo incidit, (quæ fre-  
 quenter in concionibus nominare solemus, & de fidei ratione  
 tam multa hoc nostro seculo disputantur) non alienum fuerit  
 hoc in loco, quid vtraque sit, aperire. Fides ergo mortua, est  
 quidem vera fides, à Spiritu sancto fidelium mentibus infusa,  
 quæ nisi per hæresim, aut apostasiam à fide, nō amittitur, quā-  
 libet multa lethalia crimina quis admiserit. Vt enim euersa *Simile.*  
 atque diruta domo, eius adhuc fundamenta manent; ita amis-  
 sa per peccatum gratia, & structura virtutum quæ ex ipsa man-  
 nant, fidei tamen & spei fundamenta perstant. Dicitur tamen  
 fides hæc mortua, quia nihil vitale in homine operatur, vt pote  
 quæ in solo intellectu residens, nullos in voluntate charitatis  
 & religionis igniculos & motus excitat. Est enim tanquam *simile.*  
 lucerna sub modio, quæ, licet accensa sit, minimè tamen lu-  
 cem præfert; quoniam obiectu corporis impeditur, quo mi-  
 nus splendorem suum in proximum sibi aërem effundat. Quod  
 ergo in lucerna modius, hoc in fide lethale peccatum agit, quod  
 charitatem ab anima pellit, qua fides viuificanda atque per-  
 ficienda erat. Hæc igitur mortua fides est. Contrà verò viua  
 esse dicitur, quæ non solum mentem illuminat, sed consen-  
 tientes etiam sibi motus & affectus excitat in voluntate, vt  
 pro ratione earum rerum, quas intelligit & credit, tales quoque  
 affectus in voluntate accendat; quibus interdum ad diuini nu-  
 minis amorem, aliquando ad salutarem metum, semper au-  
 tem ad diuinorum præceptorum obedientiam incitat. Itaque  
 sicut in qui ad citharam vel ad organa canit, variè vocem ad *simile;*  
 instrumenti sonum flectit, vt hæc duo sibi mutuò consona  
 modulatione respondeant; ita fides viua hoc potissimum effi-  
 cit, vt duæ principes animæ nostræ vires, nempe intellectus &  
 voluntas, ita sibi mutuò respondeant, vt pro ratione eorum,  
 quæ per fidem concipit intellectus, voluntas moueatur & affi-  
 ciatur. Subijciamus exemplum. Proponit fides intellectui ex-  
 tremum

tremum illum Symboli fidei articulū: Qui bona egerunt, ibunt in vitam eternam: qui verò mala, in ignē eternum. Explicat autem hanc breuem sententiam vna fides hoc modo: Qui fidem cum pieteate coluerint, ad felicissimam illam vitam peruenient, in qua regnabit vita sine morte, salus sine egritudine, lætitia sine merore, opulencia sine indigētia, felicitas sine miseria, ac omne denique bonum sine ullius mali contagio: in qua postremò pauper homuncio, qui nunc humi repit, ad diuinæ beatitudinis & gloriæ consortium (quod omnia superat vota) rapietur. Contrà verò qui vitiis & prauis cupiditatibus inquinatus fuerit, duo mala omnium grauissima incurret: nam & ab huius felicitatis communione excludetur, & in gehennæ ignem cōiicietur, sicut Ioannes ait; Foris canes & venefici, & impudici, & homicidæ, & idolis seruientes, & omnis qui amat aut facit mendacium, hoc est, omnes hi & ab hac sempiternæ felicitatis gloria cadent; & foris, hoc est, in tenebras exteriores detrudentur. Cum ergo humanus intellectus fide illuminatus, hæc voluntati proponit, voluntas verò partim desiderio tantæ felicitatis incensa, partim tantorum suppliciorum metu perterrefacta, & bona agere, & à malis abstinere omni studio atq. labore contendit, tunc planè à fide viuā agitur & concitatur, Hæc est igitur fides qua iustus viuīt, quæ hominem iustificat, quam Apostolus à nobis exigit, quam diuinæ litteræ ubique prædicant, quæ nos Christo copulat, quæ Christum Dominum in cordibus nostris habitare facit; ac postremò quæ (vt Ioannes ait) vincit mundum, nec mundum modò, sed vires etiam atq. potentiam inferorum. Vbi Sampson capillis suis ornatus erat, hominibus cunctis erat valentior; vbi verò fraudulentæ vxoris dolo capillos amisit, vires etiam omnes amisit, & infirmus, aliorū hominum more, effectus est. Ad hunc ergo modum fides nostra, vbi piis & inflammatis motibus & affectibus, velut capillis ab ea prodeuntibus, instructa & ornata fuerit, omnibus mundi atque gehennæ viribus superior est: si verò is destituta sit (quod non rarò vitio nostro euenit) infirmū, & telis omnibus expositum, & (quod ad mores attingit) similem aliorum hominum, qui fide destituti sunt, relinquit. Quos enim fideles sunt, qui, licet veram fidem habeat, nihilo melius quam ethnici & exleges homines viuant! Sic enim peierant, sic detrahunt, sic rapiunt, sic omnia quæ viderint concupiscunt, sic denique in omnia flagitiorum genera sine vllō doloris sensu, & sine vllō diuini numinis metu rapiuntur, ac si prorsus fide carerent. Et hi tamen omnes fidem habent, sed, vt ita dixerim, more Sampsonis attōsam, hoc est, piis motibus & affectibus vacuum. Quod typicè olim Dominus in lege prohibere videbatur, cum primogenitū ouis,

qui



qui Deo erat consecrandus, tonderi verabatur. Constat enim, cuius nomine fidelem quemque designari; cuius omnis primogenitus, fides est: quoniam in spirituali virtutum sobole, prima omnium naturā est fides. Hunc ergo primogenitum ne tondeamus, sed cum vellere suo Deo offeramus. Vellus autem à fide prodians, virtutes omnes sunt, quæ cum fide consentiunt; ad quas nos ipsa fides inclinatur, dum æterna & infinita bona piis, & æterna item supplicia improbis & flagitiosis constituta esse profiteretur. Hunc verò primogenitum tondent, qui, sola informi fide contenti, omnes fidei fructus ac germina abscindunt; & ita quod verbis prædicant, moribus impugnant, dum cōfitentur se nosse Deum, factis autem negant. Tit. 2.

Sed hic tamen non levis insurgit quæstio; quī fieri possit, ut, qui hæc firmissima fide tenent, sese in omnia flagitia, sine vllō diuini numinis metu, præcipientes agant? Ad hoc igitur respondemus, partim humana malitia, partim fraude antiqui serpentis id fieri; qui ea quæ Deus ad salutem hominum instruit, ipse ad eorum perniciem invertere conatur. Sic ignis ille Babylonicus, in quem iussu regis impij, tres pueri coniecti sunt, verus utique ignis erat; cuius tamen actio Dei virtute impedita fuit, ne in Dei cōfessores Dei creatura sæuieret. Sicut ergo tunc Deus naturalem ignis actionem propter electos suos in igne suspendit: ita contra dæmon pios fidei motus in filiis diffidentiae exstinguit, ut aliter iudicent, & aliter afficiantur; & ita demum fidei, quam habent, actionem virtutemque suspendat; ne homines, vel dum horrēda improborū supplicia audiunt, metu concutiantur; vel contrā, cum magnifica & admiranda Dei beneficia cōfidentur, in eius amorem rapiantur. Vtrumque enim animi motum, siue timoris, siue amoris, fidei lumen in pectore nostro (nisi diaboli astu & vitio nostro impediretur) ingeneraret. Non est ergo hæc fides, quæ hominem Christi participem facit, sed ea quam hætenus descripsimus.

## II.

Ut hoc autem apertius intelligamus, fidei vigentis officium erga Christi crucem explicemus. Fides igitur velut digito Christum Dominum in cruce pendētem ostendens, idem vnicuique nostrū dicere videtur, quod olim Ioannes Baptista Christum Dominum intuens dixit: Ecce agnus Dei, ecce qui tollit peccata mundi. Quod perinde est ac si diceret: O fidelis anima, hic, quem in cruce appensum vides, peccata mundi sustulit; hic pro te æterno Patri satisfecit; hic pro te, quæ non rapuit, exoluit; hic iram diuini numinis auertit; hic chirographum peccati deleuit; hic te à diaboli tyrannide eripuit, hic tibi clausas cælestis regni fores aperuit; hic in te Spiritum sanctum effudit; hic

Ioan. 1.

Genes. 14

te regni celestis heredem instituit; hic te diuinæ naturæ confortem effecit; ac postremo hic tibi morte sua immortalitatis gloriam contulit. Vbi ergo voluntas hoc fidei testimonio induta, parem his beneficiis amoris affectum exhibet, viua fides esse dicitur, quæ pendentem in cruce Dominum aspicere debemus. Quem quidem aspectum typicè à nobis Dominus requirit, cum anei serpentis aspectu vulnera hominum sananda esse prædixit. Quisquis igitur venenato serpentis antiqui morfu sauciatus est, in Christi cruce remedium sibi paratum esse cognoscat. si his fidei oculis, quos modò descripsimus, illum intueatur. Subiciamus autem, quo res fiat dilucidior, huius rei exemplum. Cum Rebecca è Mesopotamia in terram Chanaanorum cum seruo Abraham veniret, vt Isaac matrimonio copularetur, isque per id temporis obuiam ei pergeret, quærit illa à seruo, **Quis est ille vir qui venit in occursum nobis?** Cui ille, Ipse est, inquit, dominus meus Isaac, tuus videlicet sponsus. At illa descendit è camelo cui insidebat, tulitque citò pallium suum, seque ita composuit, vt ante illum honesta specie atque habitu appareret; nec dubium est, quin protinus hoc responso accepto, quædam casti amoris flamma, pudori & verecundiæ coniuncta, in eius pectore excitata sit: quem quidem affectum atque animum cognitio illa peperit, quæ sponsum suum seruo nunciantem cognouit. Quod ergo seruus Abraham fecit, hoc in nobis quotidie fides facit, quæ voluntati, tanquàm Rebecca, Christum Dominum velut digito indicans. Hic, inquit, ô fidelis anima, est sponsus tuus, qui sibi naturam humanam in vnitæ personæ indissolubili vinculo copulauit: hic est verus Isaac, qui pro salute tua in ara crucis immolatus est: hic itè Rex tuus, qui te Spiritu suo regit ac dirigit, & à sempiterno generis humani hoste defecit: hic pastor tuus, qui te & pane Angelorum, & doctrinæ suæ pabulo quotidie reficit & alit: hic medicus tuus, qui sacramentorum & gratiæ suæ medicamentis sanat omnes languores tuos: hic pater tuus, qui te longè felicius in cruce regenerauit, quàm prior ille in paradiso genuit: hic denique assertor est & vindex libertatis tuæ, qui te à malorum omnium fonte recēdere, à peccato & carnis tyrannide per crucem suam liberauit, Apostolo testante, qui ait: **Vetus homo noster simul crucifixus est, vt destrueretur corpus peccati, vt vltra non seruiamus peccato.** Sed ne hæc quidem nomina, & plura alia, quæ longū esset recēdere, satis eius in nos charitatem & magnifica beneficia declarant. Est quidē ille pater, sed ita pater, vt cum ego iam morti destinatus essem, ipse pro me mortis supplicium subierit, vt ego in vita retinerer. Est quidem ille liberator atque redemptor meus, sed me tamen ita liberauit, vt, cum ego perpetuò ad triremes damnatus, & ferro victus

Rom. 6.

vincituseffem, ipse in triremem descenderit, & pedes suos non vinculis, sed ferreis clauis figi passus sit, vt ab hac ego sententia liberarer. Denique cum ego in faucibus leonis rugientis iam iam deuorandus essem, ipse se pro me rugienti leoni escam prebuit, vt ab eius ego faucibus eriperer. Num ergo pater aliquis tot se periculis & cruciatibus propter amantissimi filij vitam exposuit? Quibus igitur oculis talem patrem nos aspicere par est, fratres?

Si ergo tot amandi rationes fides nobis predicat, sinamus hanc tantam lucem ulterius progredi, & ad finem vsque voluntatis permeare, vt tot diligendi causis voluntas nostra pari dilectione respondeat. Si enim vnumquodque horum beneficiorum partem amoris nostri suo sibi iure vindicat? quid omnia in vnum collecta facere par est? Canonice leges hac ratione potissimum matrimonia inter consanguineos prohibent, ne concupiscentia ardor, qui per se satis inter coniuges accensus est, consanguinitatis accessione magis accendatur. Itaque quo plures amandi rationes in vnam personam coeunt, eo magis dilectionis flamma solet excitari. Cum ergo tot amandi causa in vno Salvatore nostro ita conspirent atque consentiant, vt nulla amandi ratio sit quae non in illum plenissime cadat; consequens profecto erat, vt vniuersas amoris nostri fibras in illum profinderemus, quo huic summo iustitiae debito aliqua saltem ex parte responderemus. Hunc igitur animum, hunc amorem, hunc fidei vigentis motum ad salutem nostram requiri, satis aperte Dominus monstrauit, cum malorum nostrorum remedium in mystici serpentis, hoc est, in Christi Domini crucifixi aspectu constituit.

## III.

Nunc, fratres, quid ex his, quae hactenus dicta sunt, ad vitae nostrae institutionem colligi possit, inspicimus. Principio igitur illud consequens est, vt eum, qui tam magnifica in nos munera contulit, tota mente totisque viribus diligamus, illum semper intueamur, illius laudes, & gloriam, & magnificentiam vbique decantemus, illi pro tanto hoc salutis nostrae beneficio immortales gratias agamus, illius nos obsequio & imperio sempiterna seruitute addicamus, & (quod caput est) in vno illo spes omnes opesque nostras repositas habeamus. Hoc autem tacito quodam magisterio nobis predicat illa crux, illi clauis, illa spinarum corona, ac sacrum illud Dominicae passionis mysterium. In medio quidem paradisi olim plantauerat Deus lignum vitae; at modo in Ecclesiae paradiso lignum spei in cruce Christi conseruit. Quamuis enim pretiosum hoc lignum omnes virtutum & gratiarum fructus germinet, tamē singulari quadam  
ratione



ratione salutarem spem atque fiduciam in piorum meritis profert. In ligno quippe crucis tum Dei virtus & potentia, tum flagrantissima in genus hominum charitas mirabiliter elucet. Potentia quidem, quoniam Dominus illa tāta infirmitate atq. ignominia crucis, totam mundi potentiam stravit, & diaboli regnum (quod latissime patebat) euerit, & ad se omnia traxit,

**Joan. 12.** sicut ipse ait; Ego, si exaltatus fuero à terra, omnia trahā ad me ipsum. At verò diuinæ bonitatis & charitatis erga homines magnitudo sic in cruce declarata est, vt ipse Dominus dixerit;

**Joan. 15.** Maiorem hac dilectionem nemo habet, quā vt animā suam ponat quis pro amicis suis. Si igitur Dominica crux tam evidenti argumento probat atque testatur, eum, qui in illa pender, tum potentissimum, tum etiam mihi amicissimum esse; quid ego sub tali protectore metuere, quid non ab illo sperare, quid non mihi de eius immensa potentia & charitate polliceri poterō? A quibus enim beneficia in alios manare solent, nisi ab his, qui & possunt, & volunt beneficiis alios afficere? Vbi igitur tanta potentia, tantaque in nos charitas elucet; cur diffidere, cur dubitare, cur trepidare, cur angī & sollicitus esse debeam, si me totum humili ac fidenti corde illius tutelæ atque providentiæ commiserō?

**Fulgent.** Quid enim (ait Fulgentius) in eo deesse potest, in quo & omnipotens misericordia, & omnipotentia misericors est? Quisquis igitur hanc spem & dilectionem ex crucis mysterio concepit, is planē altissimam crucis philosophiam affectus est; idemque Dominicam crucem cum Helena sancta inuenit: hoc est enim spiritualiter crucem Domini inuenire. Parum enim profuerit salutare crucis lignum inuenire, nisi crucis mysterium, & philosophiam simul inueniamus, quæ in hac spe & dilectione constituta est. Ad has autem virtutes ex crucis mysterio hauriendas, ipsa etiam crucifixi Domini species (vt quidā ex Patribus ait) nos omnes erudit. Cū is enim brachia sua in cruce aperta atque expansa præfert, an non immensæ charitatis sue latitudinem nobis ostendit, à qua ne ipsos quidem carnifices suos exclusit, pro quibus ad Patrem orauit? Cū verò manus pedesq. clauis in ligno constrictos tenet, satis indicat, se nos ibidē patienter ad poenitentiam expectare, nec à nobis vsquam aufugere posse. Quod verò sacratissimum peccatum suum ferro aperiri voluit, quid aliud significat, nisi quod facilem nobis aditum in præcordia sua patefecerit, vt ibidem dilectissima eius viscera contemblemur, in eo ob omnibus huius vitæ periculis tuti conseruemur? Iam verò quod totum pro nobis sanguinem fudit, quod mortem pertulit, quid aliud designat, quā quod nobis & seipsum, & vitam suam impendere cupiat? Hac igitur ratione crucifixi Domini species nostram

nostram in illum spem mirabiliter erigit & accendit.

Ceterum si hæc tanta spes parum certa & firma esset, nutare utique infirmitas nostra, & hæsitare potuisset. Quam tamen hæitationem Dominus sustulit, cum per Prophetam dixit: Iuravit Dominus, & non pœnitebit eum; Tu es Sacerdos in æternum secundum ordinem Melchisedech. Satis quidem ad spei nostræ firmitatem erat diuina promissio, etiam si iureiurando firmata non esset. Quid igitur cum ea iuramento firmata est? Quæ ergo tam imbecilla & nutabunda spes erit, quæ hoc duplici firmitatis vinculo munita languescat? Cur autem Christum Dominum Sacerdotem esse ait secundum ordinem Melchisedech? Quia nimirum is Rex simul & sacerdos erat: quod maxime Christo Domino cõuenit, qui & Rex & Sacerdos noster est. Quid igitur ex his conficitur? Certè ut intelligamus, & regia & sacerdotalia beneficia nobis à Christo speranda esse. Ad Regem autem spectat, magnifica in populares suos munera conferre; ad Sacerdotem verò preces pro populo suo ad Deum fundere, & commissorum veniam, & salutarem in necessitatibus opem impetrare. Hæc igitur duo præstantissima officia Christus Dominus in Ecclesia exercet: dum magnifica in nos beneficia confert, & pro nobis apud Patrem sine intermissione aduocat, & vulnerum suorum ostensione causam nostram apud illum agit. Vtrumque autem hoc munus & officium, pretiosum crucis lignum nobis apertissime repræsentat. Crux enim velut imperij Christi sceptrum & insigne est, quod regiam eius potentiam (qua mundum imperio suo subiugauit) declarat: & crux item ara illa est, in qua summus hic Sacerdos se ipsum æterno Patri pro nobis obrulit in sacrificium. Quæ ex re liquet, in cruce Dominum hæc duo summæ dignitatis officia, Regis videlicet & Sacerdotis, singulari quadam ratione exercuisse.

Hoc est igitur, fratres, quod Dominicæ crucis mysterium nobis tacendo prædicat. Illa nobis mirabilem Christi potentiam, illa flagrantem eius in homines charitatem, illa eius regnum, illa sacerdotum apertissimis argumentis declarat. Hæc autem omnia & dilectionem à nobis exigunt, & spem nostram roborant atque confirmant. Hæc enim singula salutem, hæc firma præsidia, hæc cælestes opes nobis pollicentur. Quanta ergo illorum infania est, qui hoc bonorum omnium fonte relicto (vnde salutarem aquam, quæ eorum sitim extingueret, haurire possent) per turbidas Aegypti lacunas miserimè vagantur, ut sitim expleant! O miseri mortales, quò cæci & amentes pergitis? Cur cum tanto vestro labore infidum atque fallacem mundum infano amore diligitis? cur fugientem sequimini? cur fe-

Psal. 109.

rientem

**Bernard.** rientem amplectimini? cur deniq. toties mentienti. & spes vestras deludēti fidem habetis? Rectē sanē contra vos D. Bernardus, Mundus, inquit, clamat, deficiam; caro clamat, inficiam; dæmon clamat, decipiam; Christus clamat, reficiam; & tamen ea est mentis nostræ cæcitas & amentia, ut Christo, nos ad se amantissimis verbis inuitante, relicto, deficientem mundum, carnem inficientem, ac dæmonem decipientem sequamur. Quantus, quæso, ille mundi amor est, qui ne tot quidem eius plagis atque repulsis extingui potest!

**Basil.** Verūm dicit fortasse aliquis: Tu in Christo mihi & bona omnia, & malorū omniū remedia polliceris; at ego multos eius cultores video variis calamitatibus affictos, maximaq. inopia & egestate oppressos. Huic quæstioni diuus Basilus respondet, dum tristiū naturam per Christi Domini passionem commutatam esse asserit. Posteaquā enim summus ille rerum omnium Dominus pro salute nostra calicem hausit passionis, & labores atque dolores in corpore suo consecrauit ac nobilitauit, & per illos iter omnibus in cælum patere docuit; tunc apud pios omnes id effecit, ut in mœroribus lætitiā, in laboribus solatium, in paupertate diuitias, & in ignominia gloriam & honorem inuenirent. An nō hoc ipsum satis apertē illa Apostoli verba testantur? In omnibus tribulationem patimur, sed non angustiamur; aporiamur, sed non destituimur; persecutionem patimur, sed non derelinquimur; humiliamur, sed non confundimur; deicimur, sed non perimus. Vnde autem hæc tanta virtus, nisi ex crucis Christi virtute, manauit? Ideoq. meritō idem **Galat. 6.** Apostolus in ea gloriatur, quod per illam & mundum sibi, & se mundo mortuum esse prædicabat. Ut enim mundus mortuorum corporibus nocere non potest, etiam si mille in ea iacula contorqueat, ita nihil in Apostolum poterat: quia crucis Dominicæ virtus impenetrabilem ipsum omnibus mundi telis effecerat. Qui enim in plagis, vinculis, & carceribus adeo, non angebatur, ut in ipsis etiam, tanquā in regis triumphis, gloriaretur; an non eō iam deuenerat, ut superior mundo factus, omnibus eius telis minimē læderetur? Hoc autem vel maximē crucis Christi virtutem illustriorem facit, quandoquidem longē maius atque excellentius est, malis mundi non lædi, quā ab eislem liberari. Hoc enim Reges terræ aliquando præstare possunt, illud autem solius diuinæ potentiaæ gratuitum & supernaturale munus est.

### IIII.

Hoc igitur primum est, fratres, quod ex mysterio Dominicæ crucis colligere licet. Est & aliud nō minus ad salutem nostram necessarium, quod ex iis, quæ à nobis paulo antè dicta sunt, intelligimus.



telligimus. Diximus enim, medicinam eorum, qui à serpentibus infestabantur, in serpentis anei aspectu posita fuisse. Hoc autem mysticè nobis innuit, omnium malorum nostrorū medicamentum in crucifixi Domini contemplatione consistere. Quo fit, ut, quisquis mentis suæ oculos diutius in hac contemplatione defixerit, non modò commissorum veniam, sed etiam gratiarum atque cælestium donorum incrementa sit à Domino percepturus. Est enim pretiosum crucis lignum vitæ arbor, quod in medio paradisi, hoc est, in Ecclesia sua Dominus plantavit: in medio, inquam; non in angulo: quoniam ad omnes omnium ordinum homines virtus eius latissimè patet. Voluit enim diuina sapientia, ut, quoniam inobedientia ligno mors irreperat in mundum, obedientiæ ligno vita reuocaretur in mundum. Quod quidem Sponsus in Cant. ad Sponsam declarauit, cum dixit: Sub arbore malo suscitauit te. ibi corrupta est Cant. 8. mater tua. Mater enim omnium viuentium Eua, dum vetitæ arboris fructum degustauit, inobedientia sua & se & totam generis humani massam corripit. Quocirca ego contraria via ingrediens, dum per obedientiam in arbore crucis pendeo, vitam tibi, quam amiseras, contuli. Ut illud igitur lignum mortis, ita hoc lignum vitæ meritò appellatur: ex quo planè ad illos copiosior cælestis vitæ gratia manat, qui per studium, amorem, deuotionem, & assiduam summi huius beneficii recordationem, illi propiores & coniunctiores fiunt. Si enim crux Christi donorum omnium fons & origo est; sequitur planè, eos, qui propius ad hunc fontem accesserint, vberius ex eo potaturos, vberiorémque gratiarum omnium copiam percepturos. Ad illum porrò accedimus, non passibus corporis, sed affectibus mentis, hoc est, fide, spe, charitate, deuotione, cōpassione, & grati animi obsequio pendentem in cruce Dominum contemplantes. Quod faciunt, quicumque quotidiano hoc studio Dominicæ passionis beneficiū meditantur.

Constat præterea, quòd quemadmodum (ut D. Bernard. ait) ingratitude est, ventus viens, exciccās fluentia diuinæ gratiæ: ita Bernard. contrā gratitudo, omnium gratiarum venas aperit. Dignus enim est, ut nouis beneficiis cumuletur, qui veteribus gratus inuenitur. Quem affectum vsque adeò à nobis in passione sua Dominus requirit, ut ad eius memoriam excitandā, sacramentorum omnium maximum, videlicet Eucharistiam instituerit. Hoc, inquit, quotiescumq. feceritis, in mei memoriam facietis. Luc. 22. Hunc autem memoris & grati animi affectū exhibemus, cum quotidie statis horis atque temporibus, eius præ considerationi vacamus. Qui sic igitur hunc summo beneficio gratus est, an non est æquum ut præ cæteris eius particeps efficiatur?

Postremo

Postremo pie credendum est, enim, qui in hoc studio ad finem vsque vitæ perseverauerit, singulare aliquod auxilium in tremenda illa mortis hora (quæ nos omnes præstolatur) à Domino esse percepturum. Cum enim Dominus dixerit, eadem mensura qua alios metimur, nos esse remetiendos; consentaneum est, vt ei, qui tota vitæ morienti Domino in cruce deuotus assistit, idem ipse Dominus in eius quoque morte præsentiope assistat, protegat, consoletur, in spem salutis erigat atque confirmet, à sempiterno generis humani hoste defendat, & ad cæleste tandem regnum, quod ille sanguinis sui pretio meratus est, felici cursu perducatur.

IN CONCIONES  
BEATISSIMÆ VIRGINIS  
CATHARINÆ SENENSIS,  
AD LECTOREM PRAEFATIO.



VNT, amice lector, adeò mirāda quæ de beata virginis Catharine gestis, miraculis, atq. virtutibus referuntur, vt iis quæ incōparabilem Dei erga suos charitatē minus perspectam habent, incredibilia forsitan videri possint. Quocirca priusquā de his dicere incipiam, quā sit iis, quæ de ea dicuntur fides habenda, & cur habenda sit, explicare necessariū duxi.

Primum quidē res gestas huius virginis multis literis mandauerūt, sed omnes ferè scripta sua ex Reuerēdi P. F. Raymundi historia hauserūt, qui cum sacre virginis confessorius esset, ea quæ scripsit, partim ex ipsius virginis ore audiuit, partim ipse testibus oculis vidit, partim etiam ab aliis fide dignissimis accepit. Fuit autem hic vir & litteris, & vitæ integritate, & singulari prudentia adeò celebris, vt totius Prædicatorij Ordinis (quæ summa apud nos dignitas est) generalis Magister creatus fuerit. Hic igitur vir adeò insigni iureiurando cōfirmatus, se nihil in ea historia dicturū cuius testimonium, & rationem qua id sibi compertum fuerit, non afferat.

Scripsit etiam nonnulla de huius virginis virtutibus R. P. Stephanus Senensis, Prior Carthusiæ Ticinensis, qui antequam hoc vitæ institutum profiteretur, familiaris admodum huic virginī, & amanuensis eius fuit, omniumque itinerum eius comes indiuinus. Qui etiam solemni iuramento eorum quæ scribit, quorumque oculatus testis exiit, fidem facit.

Quamquam autem horū duorū insignium virorū testimonia iureiurando confirmata ad faciendū fidem satis essent, maiorem tamen adhuc fidē facit Pij Pontifici Max. bulla, qua sacra Virgo in sancti virginitatis catalogū relata fuit, in qua omnia ferè, quæ de ea in eius vitæ referuntur,

App.

Apostolica auctoritate confirmata sunt. Ab eo namque Fredericus Romanorum imperator, Senensis ciuitas, ac Venetiarum Dux suis precibus, ut hanc virginē, ob singulares eius virtutes (quae in processibus summa auctoritate conscriptis continebantur, in Sanctarum catalogum referret, postalant. Quorum precibus, inquit Pius Papa in eo diplomate, non statim annuimus, sed pro veteri consuetudine fratribus nostris, sanctae Ecclesiae Romanae Cardinalibus, uni Episcopo, alteri Presbytero, reliquo Diacono vine vocis oraculo commisimus, ut habitis processibus de vita & moribus ipsius beatae Catharinae, deq; miraculis eius siue in vita, siue post mortem patris, & de reliquis ad canonizationē necessariis diligēter inquirerent, nobisq; in secreto consistorio, ut moris est, fidēlem relationem facerent. Commissarii autem per annum, & ultra, donec ex Mantua Romam rediissent, rem discutientes, inuentis processibus antiquis apud Venetos & alios habitis, examinatisq; de nouo testibus, & summa cum diligentia cunctis ponderatis, cum scorsum inter Cardinales tantū, omniumq; quae inuenerant, veracē nobis relationē fecissent, ac deinde per aduocatum ea quae nobis exposuerant, in publico consistorio denū recitari curassent; postmodō conuocatis in aula nostra Romae vniuersis qui tunc erant in curia Ecclesiasticā Praesulibus, assistentibus nobis Cardinalibus, iterum Commissarii praefati, per organū venerabilis fratris nostri Gulielmi Episcopi Portuensis, natione Gallici, qui primus eorum erat, rursus cuncta quae inuenerant & ritē probata viderantur, coram explicauerunt. Ex quorum relatione, quae amplissima fuit, haec summi utimur cepimus, quae vera, cōperta, cognita & explorata sunt. Virgo Catharina ex ciuitate Sordani oriunda, mediocribus orta parentibus, prius Deo se dedicauit quā Deum posset per eam cognoscere. Sex annos nata, ut Domino seruiret, eremū concupuit: & urbe egressa, in caueria quiddā loco solitario, delituit, quāuis, iubente Spiritu, paululum demorata domū redierit. Angelicam saturationē edocta, quoties paternae domus scalam ascendit, toties per singulos gradus flexo geniculo beatissimam Virginem in uirem Domini salutauit. Eo anno maior, virginis aeternam consecrauit Christo, quem in sua maiestate sedentem mirabili uisione contemplata est. & arcana celestis aule uidit, quae non potest effari lingua mortalis. Mundanas delicias se omnes abdicauit; orationi totā se dedit; corpusculum suum ieiuniis ac uerberibus afflixit; coequales puellae, ut idem facerent, & docuit & persuasit. Pubes effecta, siis criminibus mortale coniugium recusauit, conuicia & maledicta hominum spreuit. Beati Domini habitum (quem semine gestant de poenitentia nuntiate) extorsit potius quā impetravit. Ancillare officium in patris domo exercebat, nihil magis cupiens quā uilis apud homines & abiectus uideri. Pauperibus Christi (nā ad pauperes sibi indulserrat) largam manu subuenit; egrotantibus summa diligentia ministravit. Diabolicas tentationes, & assiduas malignantium spirituum pugnas, patientiae clypeo & fidei galea superauit. Incarceratos & oppressos, quibus ualuit modis consolare est. Nullum ab ea uerbum non religiosum, nō sacrum exiit.



Omnis sermo eius de moribus fuit, & de religione, de pietate, de contemptu mundi, & amore Dei & proximi, deq. celesti patria. Nemo ad eandē accessit, qui non doctior meliorq. abiit. Doctrina eius infusa, nō acquisita fuit. Prius magistra visa est quā discipula: quippe quæ sacrarū literarū professoribus, ipsiq. magnarum ecclesiarū Episcopis difficillimas de diuinitate quæstiones proponētibz, prudentissimē respondit: adeoq. satis fecit, ut tanquam agnos mansuefactos remiserit, quos tanquam lupos & leones ferocientes acceperat. Quorum nonnulli diuinam in uirgine sapientiam admirati, distributis mox inter Christi pauperes quas possidebat substantiis, accepta Domini cruce, uitam deinde Euangelicam egerunt. Summa huius uirginis abstinētia fuit, & mirabilis uita austrias. Nam cū uini & carniū usum prorsus abiēcisset, neq. pulmentariis uilibus uiretur, ad extremum eō deducta est, ut nec legumina ederet, nec pane uesceretur, nisi celesti; quem uerus Christianus in Sacramento sumit altaris. Inuenta est aliquando a die Cinerum usque in Pentecosten ieiuniū productisse, sola Eucharistia cōmunionē contēta. Per annos circiter octo minimo herbarum succo, eoq. parū retento, & Communionē altaris (quæ illi ferē quotidiana fuit) quasi ad celestes nuptias inuitata esset, summa cū alacritate proficiscēbatur. Cilicio sub ueste utebatur, quo carnē macerabat, nulle illi pluma, nulla puluinaria erāt. Lectum sibi ex asseribus construxit, atque in eo iacens breuissimum somnum accipiebat. Raro enim ultra duas horas interdiu noctuq. dormiebat: reliquum omne tempus vigilando, orando, predicando, epera misericordiæ agendo contriuit. Spinosis chordulis carnem suam macerauit: dolore capitis penē assiduo torquebatur, estuabat febribz, nec illarum cruciatu carebat. Lucebatur quā frequentissimē cum demonibus, multisq. illorum molestiis vexabatur, sed aiebat cum Apostolo: Cum infirmor, tunc fortior sum. Nec enim in tantis laboribus desiciebat nec charitatis opera negligebat. Assisteat miseris indigna ferētibus, arguebat peccatores, blādissimis uerbis ad penitentiam reuocabat, præcepta salutis omnibus leta dabat. Quid si claudum, quid fugiendum esset, alacri vultu ostendebat: dissidentes summo studio componebat: nulla extinxit odia, & mortales sedauit inimicitias. Pro pace Florentinorum, qui cum Ecclesia dissidebant, & interdīcto suppositi erant Ecclesiastico, Apenninum & Alpes transire, atque usque in Auinionem ad Gregorium X I. Pontificem Max. antecessorem nostrum proficisci non dubitauit. Cui totum suum de petenda urbe Roma in oculis factum, sibi solī ac Deo notum, sese diuinitus cognouisse monstrauit. Fuit enim in eius spiritus prophetia: multa prædixit, antequam fierent, & occultissima reuelauit. Rapiebatur sæpe a spiritu, & in aëre suspensa diuinis contemplationibus pascēbatur: adeo extrinsecus acta, ut expuncta, percussaque nihil animo semiret. Idque frequenter sibi contingebat, cum diuinissima reficeretur Eucharistia. Magnum & sanctum erat in plebibus Catharine nomen: undique ad eam egroti & malignis uixati spiritibus

spiritibus deducebantur, & multi curabantur. Languoribus in Christi nomine imperabat, & demones cogebat ab obsessis abire corporibus. Propter quas res duobus Romanis Pontificibus, Gregorio (cuius paulo ante meminimus) & Urbano V. acceptissima fuit adeo ut legationibus eorum fungeretur, multisq; & magnis spiritualibus gratiis ab eis donaretur. Eadem, cum vitae agonem iam peregisset, anno etatis suae tertio circiter ac trigesimo, in urbe Roma diem suum clausit. De cuius anime in calu assumptione & gloriosa receptione, stupēda & admirabiles reuelationes factae reperiuntur apud eas personas, quae virginē dilexērūt. Maxime vero apud eius confessorē Raymundum Capuanum, sacrae Theologiae Magistrū, qui postea Generalis totius Ordinis Predicatorū pater, Magister & Rector effectus est. Is namque cum Genue ageret, ea nocte qua virgo migravit, hora matutina intra dormitorium apud imaginem matris Domini eam contemplantur miro splendore fulgentem, & verba ad se consolatoria dicentem. Corpus aliquandiu seruauit, deniq; in Ecclesia fratrum Predicatorum, quae de Miluua dicitur, Roma cōstitutum est, non sine maxima populi deuotione ac reuerentia. Cuius tactu plerique egroti salutem consecuti sunt: adeo ut nonnulli saluti fuerit, ea tetigisse quae sacrae virginis membra tetigere. Postea quoq; virgo ipsa iam calo recepta, vota supplicantiū benigne audiuit, & ut a sponso & Domino suo Christo Salvatore exaudiretur, curauit. Multi enim ex diuersis egritudinibus curati sunt, qui audita beate Catharinae gloriosissima summa, eius patrocinio subito petinere. Propterea Venetiis (ubi nunquam virgo ipsa fuit) & multis in locis nomen eius cum veneratione repertum est, & vota ei plurima sunt. Haec & alia quā plurima cum venerabilis idem Episcopus Portuenfis in cōuentu Cardinalium & Praesulum exposuisset, & liquiddo probata esse affirmasset, rogati singuli ut omnes, cum Cardinales, tum Praesules, qui plurimi affuerunt, sententiam dicerent, cunctorum suffragiis beata virgo digna celo & astris declaranda visa est: nec quiquam fuit, qui non magno opere canonizationem eius faciendū probauerit. Haecenus diplomatis verba. Hoc igitur Apostolicae sedis testimonium satis cuiq; esse debet ad eorum quae dicturi sumus, fidem faciendam. Quamuis ea de re nonnulla postmodum referemus, ut omnem haesitandi materiam timido auditori minusque in spiritualibus negotiis experto adimamus.

Ceterum diligenter mihi huius virginis uita contemplanti apparet, omnia quae de ea literis mād.ita sunt, ad duo praecipue capita referri posse: aut enim praeclaras eius uirtutes & officia continent; aut singulares gratias & priuilegia, quae in illam celestis Sponsus contulit, explant. Ex utriusque autē rei narratione colligere licet, qualis sacra virgo erga sponsum suum existerit, qualisq; rursus celestis sponsus erga eam fuerit. Quae tamen sic accipienda sunt, ut nequaquam alterum ab altero secernamus. Nec enim minus Dei dona sunt, quae virgo ob sponsi sui amorem fecit & perulit, quā dona quae ab eo recepit. Verum nos docendi gratia alterum ab altero, quatenus licuerit, secernere curabimus. Due igitur

priores conciones, eximias virginis nostre virtutes; quæ verò posteriores, singularia vereq. miranda Dei dona explicabunt. In quibus tamen multa pene ad verbum ex vite eius historia, rudiori sermone (ut in ea continebantur) transcripsimus, studiosi Lectoris iudicio, quid in illis præcipue annotare & ponderare debeat, relinquentes. Sed inter hæc tamen immensa Dei bonitas & charitas, quam erga eas mentes ostendit quæ se totas illius amori & obsequio plenissime tradiderunt, cum primis mihi observanda esse videtur. Huius enim rei consideratio ad tante bonitatis & charitatis amorem nos vehementer excitabit. Illud certè de me fateri possum, cum multa de diuine bonitatis & charitatis amplitudine ubique legerim, nihil tamen (post ineffabile Dominicæ incarnationis mysterium) legisse, quod maiorem mihi diuine bonitatis & charitatis significationem præbuerit, quàm huius virginis res geste, & singularia privilegia, quæ illi à Domino concessa sunt. Erunt fortasse alia quæ magis alios moveant, quæque ad hoc efficiendum potentiora sint; mihi autem pro captu & ingenio meo hoc euenisse negare non possum.

## IN FESTO BEATISSIMÆ VIRGINIS

CATHARINÆ SENENSIS, CONCIO PRIMA:

in qua sanctæ huius virginis gloriosa initia, varij pro Christo suscepti labores atque certamina explicantur.

THEMA. *Simile est regnum celorum grano sinâpis.*  
Matth. 13.



SCITIS iam, fratres charissimi, regni celorum nomine, non ipsum modò celorum regnum, sed omnia etiam quæ ad hoc regnum pertinent, designari. Hoc autem in loco, regni celorum nomine præsens Ecclesia significatur; quæ grano sinâpis duplici ratione comparatur: altera, quòd à parvis initiis ad maxima incrementa peruenerit; quod in grano sinâpis animaduertere licet, quod in terram iactum, in latam arborem surgit: altera, quòd quemadmodum cum hoc sinâpis granum teritur & contunditur, tunc vel maximè vim & acrimoniam suam demonstrat. Quæ quidem proprietates nō minus quàm prior illa in Ecclesia cadit; quæ tunc vel maximè virtutem & fortitudinem suam ostendit, cum variis tyrannorum cruciatibus & tormentis pressa & veluti corrusa fuit. Cuius rei imaginem in filiis Israel, Pharaonis tyrannide oppressis, cernere licet: qui quo magis



gis opprimebantur, eo magis crescebant & augebantur. Vtroque autem nomine hæc grani sinapis similitudo beatissimæ virginis Catharinæ (quæ non minima huius Ecclesiæ pars est) hodie accommodatur; quoniam humili & obscuro loco nata, ad altissimam sanctitatis dignitatem Domini beneficio euecta fuit; & quoniam multis modis tum à dæmone impetita, tum à seipsa ieiuniis, vigiliis, orationibus & verberibus grauissimè macerata, inæstimabilem virtutis & sanctitatis odorem dedit. Et quidem priorem illam similitudinem in sequenti concione, posteriore verò hanc in præsentī tractabimus.

Prius tamen pium auditorem admonitum velim, me in hoc sermone aliam dicendi rationem, quàm quæ & mihi & cæteris concionatoribus in vsu est, sectatum fuisse: non tam enim concionatoris, quàm historici officium suscepi. Si enim singulis virginis virtutibus amplificandis paulo diutius (sicut in aliis concionibus quæ de Sanctis haberi solent) immorer, maxima pars virtutum & clarissimorum operum eius silentio tegeretur, auditoresque maximarum atque vtilissimarum rerum cognitione (quod nulla ratione ferendum erat) fraudarentur. Nos igitur gesta quidem simplici oratione narrabimus: vestrum autem erit singula quæque iustis ponderibus librare, & vestris moribus accommodare.

Ab eius igitur infantia initium capientes; virgo sanctissima quinque tantum annos nata, mentem suam ad diuina atrollere cœpit. Siquidem salutationem edocta Angelicam, illam crebrò repetebat, & cælitus permota, cœpit per singulos paternæ domus gradus, cum ascendendo, tum descendendo, ad singulos singulas flexis geniculis Virginis matris salutationes promere, & in eius piis studiis magis ac magis proficere. Hoc exemplo pii parentes discant filios suos in ipsa adhuc infantia diuinis præceptis imbueri, vt cum materno lacte pietatem simul sugere incipiant. Vnde D. Hieronymus matrem monet, vt in canis etiam filias alleluta decantare doceat. Nulla enim ætas, quamlibet tenera sit, cælesti disciplinæ perdiscendæ immatura est.

*saluandæ Angelicæ*

Hieron.  
in Epist.

Paulo autem plus ætate progressa, ad seruandam virgineam puritatem vehementer aspirabat: cognouitque, Deo reuelante, beatissimam Dei genitricem omnium primam nuncupasse perpetuæ virginitatis votum. Itaque anno ætatis septimo, non vt septennis puella, sed vt planè grandæua, maturè ac diu de eiusmodi præstâdo voto secum deliberauit; assiduè rogans matrem Dominæ, Virginum & Angelorum Reginam, vt à Domino ipsi impetraret gratiam id faciendi quod esset illi gratius & suæ salutis conducibilis. Atque interim augebat in ea quotidie feruor amoris diuini, & desiderium puritatis Angelorum. Vnde

intelligens quid Domino placeret, quadam die secretum petiit locum, & flexis humi genibus sic precata est beatissimam matrem Christi. O Virgo sacratissima, quæ prima inter feminas perpetuam Domino virginitatē vouisti, qui te voluit esse matrem vnici Filij sui, obsecro benignitatem tuam, vt non attentis meritis meis digneris mihi sponsum dare Filium tuum, quem toris animæ visceribus concupisco: & ego promitto & illi & tibi, quod nullum vnquam admittam sponsum, sed virginem: me illi perpetuam conseruabo. Ita septem nata annos, Christo sponso suo immortali suam dedicauit virginitatem.

Quia verò virginum est, carmen illud ore atque opere cælesti sponso decantare, Regnum mūdi & omnem ornatū seculi contempti propter amorem Domini mei Iesu Christi, capillos in primis, qui præcipuus seminarū ornatus est, quōdam Dominicano Patre suadente, sibi ipsa ad curem vsque abscidit. Quod vbi Lapa mater vidit, clamare & fremere aduersus filiam cepit, quod elegantissimos capillos perditos cerneret. Clamore autē matris permoti maritus & filia accurrunt, cognitaque causā grauiter commouentur. Inde porro alterum virgini ortum est certamen, priori acrius: sed Deo bene iuuante, victoria cessit virgini, & ipsa quoque impedimenta salutis & casti propositi eius versa sunt ei in instrumenta virtutis, & profectus spiritualis adiumenta. Iam palam parentes & dictis & factis eam persequebātur, iactabāque in eā cōiicia, & minas intētabant, ita dicentes: Purāne vilissima, quod defectis crinibus à nostra te possis voluntate subducere? rumpātur licet illa tibi, marito copulaberis. Simul etiam omni secreto loco illi interdixerūt, & seruitiis domus eam perpetuò vouerunt occupari, ne posset se Christo sponso suo coniungere & precibus vacare. Atque vt intelligeret se planè haberi contemptui, amota ancilla culinaria, eius sordida officia illi demandarūt. Cogebatur itaque mitis & verecunda puella audire quotidiana impropria, verborum iniurias, & multiplicē sui ferre contemptum. Volebant autē parētes & germani eius his rationibus eam frangere, & ad sibi consentiendum impellere; quod iuuenem quendam inuenissent, cuius genus & familia eis pergrata esset. Ex hac autem parentum & fratrum infestatione liquidò apparet, verum esse quod Saluator ait, Inimicos hominis esse domesticos eius. His enim tanquā valētoribus instrumentis pestilens ille serpens vti solet ad piorum constantiam euertendam. Sic prima illa femina, cunctorum viuentium mater, primum parentem illaqueauit. Sic beati Iob, sanctissimi que Tobia vxores subornauit, vt viros suos ad impatientiam & sacrilegam in Deum blasphemiam incitarent. Aduersus autem hanc tenebram virginem non vnum aliquem, sed totam parentum & filiorum

Mat. 10.

Genes. 1.  
Iob 3.  
Tob. 2.

filiorum familiam concitavit. Quid igitur hic faceret innocens puella, secreto orationis atque contemplationis suæ cubiculo priuata, totque externis occupationibus & familiarum seruitio impedita, quæ innumum variè distrahunt atque dissipant, neque unum, quod solum est necessarium, in silentio quærere sinunt? Cui enim præcipua aduersus antiquum hostem arina in assidue precibus posita sint (iuxta illam Domini sententiam: Vigilate & orate, ne intreris in temptationem) quid hæc virgo faceret, cui & orationis loco & orandi spatium interdictum erat? Sed non est scientia, non est sapientia, non est consilium contra Dominum, virulentus enim draco, cuius machinationibus ista fiebant, quibus rebus se sperant virginem euersurum, his ipsis magis eius animum, Domino iuuante, confirmavit. Nam nihil his omnibus permota, docente eam Spiritu Dei, intra se ipsam sibi fabricante conclauis, siue secretam cellulam, unde nunquam vellet cuiuscunque rei causa egredi. Ita factum est, ut quæ hæcenus vsa illa externa cellula nonnumquam fuisset egressa foras, iam deinceps perpetuo maneret secum in cellula animi sui, quæ illi eripere nemo posset: planeque celesti victoria triumphauit de diabolo, in interiori homine (ubi Christus habitat per fidem in cordibus nostris) sibi construens spirituale domicilium. Solebat illa postea crebro admonere Raymundum Patrem, cum negotiis externis penè obrutum videret, ut sibi tale non manu factum in suo pectore fabricaret domicilium, nec inde vnquam euagaretur. Ibi enim, ut diximus, per fidem Christus habitat in nobis, ibi regnum Dei intra nos est, ibi nunquam non præstans est ille qui dicit, Ecce ego sto ad ostium & pulso: si quis audierit vocem meam & aperuerit mihi ianuam, intrabo ad illum, & cenabo cum illo & ipse mecum. Hoc ergo suauissimo hospite contenta & fratre sacra virgo, vicit diabolus & omnes machinas eius. Docebat ille eam intus vias & rationes mirabiles externa omnia superandi. Fingeat animo sacra virgo, patrem suum representare Christum Iesum; matrem suam, sanctissimam Christi genitricem; ceteros de familia, Apostolos & discipulos Saluatoris. Hac imaginatione fortiter concepta, id assecuta est, ut omnibus illis, cum omnium admiratione, hilariter & officiosè inferuaret: tunc etiam, ut illis seruendo, semper cogitaret de sponso suo Christo, cui se ea omnia officia præstare credebat: sicque factum est, ut dum in culina versaretur, semper esset intra sancta sanctorum; seruensque ad mensam recumbentibus, animum suum mirè præficeret contemplanda præsentia Saluatoris. Ex hac autem virginis victoria liquidò apparet, quanta sit diuinæ gratiæ vis & potentia; quia qui fuerit armatus, facillè omnes diaboli machinas, Deo se protegente, superabit. Nec minus etiam apparet

Mat. 26.

Prou. 28.

Ephes. 3.

Apo. 3.



2. Cor. 10. verum esse quod Apostolus dixit, fidelem esse Deum, qui faciat etiam impiorum tentationibus prouentum, ut eas possint viriliter sustinere. Quod in hac virgine cernere licet: quæ quo acrius tentabatur, eo maioribus diuinæ gratiæ præsiidiis ad victoriam muniebatur.

Constat autem, ad virginis pudoris virtutem conseruandam, carnis macerationē cum primis esse necessariā. Vbi enim magis quā inter carnis delicias carnis integritas periclitatur? Hinc  
 1 Tim. 5. Apostolus, Vidua, inquit, quæ in deliciis est, viuens mortua est.  
 1o. Clim. Vnde etiā magnus ille spiritualis vitæ magister Climacus, eum qui saturo corpore castitatem se putat seruaturum, appositissima comparatione ei similem ait, qui proiecto pane canem à se abigere conatur. Quantum autem hæc sancta virgo carnē suam domuerit, cum continuis etiam morbis vrgeretur, vix credibile est. Primum enim cuiusvis generis coctos cibos, præter panem, paulatim sibi subtrahēbat, & intra breue tempus eō suū adegit corpusculum, ut pane & crudis herbis esset cōtentum. Anno ætatis vigesimo, aut circiter, etiam pane abstinuit, nihil præter crudas herbas sibi permittens. Postremò, nō vsu, neque natura, sed diuino miraculo eō vsq. peruenit, ut licet corpusculum eius multis morbis esset obnoxium, & labores susceperet intolerabiles, non tamen in ea consumeretur humor ille quem radicalem vocant, nec stomachus concoquendi fungeretur aut fungi posset officio: nec vires corporeæ ob cibi & potus defectum frangerentur, ita ut tota ipsius vita miraculum esset; quod etiam Medici fatebantur. Quas autem persecutiones & cruciatus propter huiusmodi inediam sustinuerit, suo loco referemus. Lectum autem ipsa sibi parauit ex tabulis ligneis, nihil quicquam alterius rei addens; in eo vel sedens meditabatur, vel prostrata orabat, suoque tempore nullis detraclis vestibis somnum capiebat. Volens verò imitari sanctum Patrem Dominicum, multo tempore quotidie ter se cadebat catena ferrea, singulis vicibus ad sesquihoram, sanguine ab humeris in pedes manāre, ut sanguinē pro sanguine redderet suo Redemptori. At Lapa mater has carnis macerationes indignissimē ferens, vi eam secum pertrahēbat ad lectum suum. Illa verò flexis genibus, ut matrem deliniret, offerebat se promptam ad communem utrique lectum. Posita ergo in extrema lectuli parte, vbi matrem dormire senserat, ad solitas preces & vigilias redibat, & clam dupligna subiiciebat, ut in illis iacens, nihil de duritie lecti mutaret.

Flagrauit autē sancta virgo magno Dominici habitus & religionis desiderio. At desiderium animæ eius tribuit ei Dominus, & voluntate laborum eius nō fraudauit eam. Postquā autem nouæ militiæ vel professionis genus complexa est, dicebat

bat sibi ipsi; Ecce iam religiosum vitæ institutum suscepisti, ad eius præscriptum vias oportet, & quidem multò aliter quàm feceris hæctenus. Habitus tuus, ater & candidus, te admonet; illud, vt mundo sis mortua; hoc, vt maximè studeas puritati.

## I.

Iam ad cælestis Sponsi magisteria veniamus. Hac enim tantæ vitæ puritate innocentissima virgo nitens, diuinæ lucis radios tanto clarius in animæ suæ speculo excipiebat, quâto speculum ipsum defæciatius, atque ab omni terrena fæce purius erat. Cuius autem felicitatis sit, tali vtî magisterio, regius Propheta declarat, cum ait: Beatus homo quem tu erudieris Domine, & de lege tua docueris eum. Hæc igitur sancta virgo puritatis suæ merito Christum habere meruit præceptorem, à quo varia documenta, quæ ad hanc vitam sanctissimè degendam pertinent, accepit. E quibus nos tria tantum, pio cuique maximè necessaria, referemus.

Psal. 95.

Principio igitur sapientissimus ille architectus, qui virtutum atque cælestium donorum fabricam in virginis mente altius erigere decreuerat, firmissima prius humilitatis fundamēta iecit, ne miraculorum atque reuelationum cælestium magnitudine, humanum aliquid virginis animus pateretur, tantoque periculosius rueret, quantò altius ascendisset. Itaque in ipso diuinarum visionum initio Christus Dominus apparuit oranti, dixitque: Si nosti, filia, quis ego sim & quæ tu sis, beata eris. Ego enim sum qui sum: tu es quæ non es. Hac cognitione freta, facild omnes coateres laqueos inimici. Verè enim totius Christianæ Philosophiæ summa in hac duplici cognitione, sui Dei que sita est: neque quicquam illi deesse poterit, qui harum duarum rerum cognitionem in visceribus infixarit. Qui enim seipsum probe cognouerit, intelliget, se ex se nihil esse, sed infinita Dei virtute, cum profusus non esset, essendi beneficium accepisse. Qui quoniam ex nihilo factus est, ita sponte sua ad nihilum tendit; & in nihilum prorsus recideret, nisi eius virtute cōseruaretur, à quo accepit vt esset. Vtroque igitur modo à Deo pendet; quoniam & ab ipso est, & per ipsum existit. Iam verò cum peccatū quoque minus adhuc sit quàm nihil, (à quo, nisi Dei virtute, immunis prorsus esse nemo potest) iam hac de causa minus adhuc se putat esse, quàm nihil. Peccatum enim per se committit; opus verò Deo gratum sine illius ope edere non valet, sicut ipse ait: Sine me nihil potestis facere. Quisquis igitur huius sententia veritatē intimis animi sensibus inclusam tenuerit, quoniam modo aut superbire, aut inaniter de alieno gloriari, aut in se, aut in fragili hominis creatura spē ponere, aut in inferiorē contēnere aut superiori inuidere poterit; cū se nihil ex se esse penitus

Ioan. 15.

cognitum & exploratū habeat? Quomodo itē se nō facile contemnat, qui certō sciat, sibi nō aliud quā nihilum, & peccatum, quod est nihilo deterius, tribuere posse? Quia verō cognitio hæc, si aliunde animus nō fulciatur, desperationē fragili homini incuteret; additur altera huius Philosophiæ pars, quæ Dei cognitionē commēdat, ex qua salutarē fiduciā & castū Dñi timorē & reuerentiā cōcipere fragilis homo poterit. Omnes enim creaturæ (à quibus ne ipsas quidē beatas mentes excipimus) à cōditore pēdent: quia ab ipso sunt, & ab ipso cōseruātur. sol⁹ autē rerū omniū cōditor à nemine pēdet, quia neminē habet superiorem, à quo esse acceperit. Solus ergo ipse ingenitus, immutabilis, incorruptibilis, solus æternitatis atque bonorū omniū possessor est. Cū ergo creatura naturali propensione & esse & feliciter esse sitienter appetat, neutrum autē à se, sed à benignissimo & liberalissimo conditore accipere possit; (qui, quamuis bonorū nostrorū nō egeat, vehemēter tamē nos beate cupit; vrpote, qui in hoc hominē cōdidit, vt beatitudinis suæ cōsortē efficeret) protinus ad illū cōuertitur, illū tota mēte diligit, illi subiicitur, illius se totū obsequio tradit, per quē æternæ felicitatis atq. bonorū omniū cōporem fore sperat. Cū enim in mentē reuocat, ipsum esse qui mortis & vitæ clauēs habeat, quiq. vbi occiderit corpus, animā mittere potest in gehennā; incipit etiam illius maiestatem vereri, iudicium metuerē, & iram formidare, timetq. ne qua in tremenda illius maiestatis oculos offendar, in cuius manu tātarum rerum momēta posita esse cognoscit. Videtis ergo, fratres, quā salutares fructus ex hac duplici philosophia consequantur; qua homo Deum quidē esse, se verō prorsus nō esse cognoscit?

Apoc. 2.

Hac igitur humilitatis doctrina sancta virgo erudita, modis omnibus se dimittere, & velut in quandā humilitatis abyssum mergere nitebatur. Et quia (vt D. Ber. ait) humiliatio ad humilitatem via est; prudens virgo nō animi solū, sed corporis etiā humilitatē studiosissimē sectabatur. Occupabat enim se seruilibus actionibus, exercebat hilariter ancillę officia, verrēdo gēdes, lauando coquinā vtenilia, & id genus abiecta seruitia vsurpando; maximē cū ancilla malē valeret, quo tempore duplicabat sibi huiusmodi officia, seruiens ancillę agrotanti, & eius loco reliquæ familiæ. Interim nihil ne perpetuo precandi studio & penitentia remittebat, neque ab æterni Sponsi castis amplexibus recedebat. Versa enim propemodū ei in naturam videbatur incredibilis quædam habilitas & promptitudo mentem suam cum Christo coniungendi, etiam quouis loco & tempore: nec ab hac felicissima coniunctione negotiis externis impediēbatur, semper & vbique sursum tendens ad cælestia.

Bernard.

Aliud quoq. singulare documentum ab eodē cælesti Doctore accepit.

2. capitulum de  
Deo.



accepit. Oranti enim illi apparens dixit: Filia, cogita de me, & ego cōtīnenter cogitabo de te. Ex hac autem saluberrima institutione sacra virgo solebat hoc modo philosophari: Quādoquidem per sacrum baptisma Deo dicati sumus, nulla in te nos sollicitos esse debere de nobis, sed sollicitudinem omnem eō conferre, vt placeamus ei cui nos dicauimus. Itaque si vidisset suos timere periculum aliquod, dicebat illis, Quid ita vos de vobis estis solliciti? Permittite vos diuinæ prouidentiae, quæ semper habet in vos defixos oculos, perpetuamque salutis vestræ curam gerit. Et de hac quidem Dei prouidentia tantam sacra virgo fiduciam conceperat, posteaquam audiuit Dominum dicentem; Ego cogitabo continenter de te; vt nūquam satiari posset de eo loquendo. Ex hac item fiducia illud etiam euenit, vt quicquid sancta virgo à Deo postularet, nullo negotio impetraret: quod ex eius vita apertissimè constar, in qua tam multa quæ humano iudicio impossibilia videbantur, suis ad sponsum precibus impetrauit. Quo argumento magnificam illam Domini promissionem re ipsa nobis patefecit, cum dixit; Quicquid orantes petitis, credite quia accipietis, & fiet vobis. Perinde enim atque Christum Dominum gestaret in sinu, ita ad illum confugiens, sæpè vim quodammodo illi faciebat, seuerissimam eius iustitiam ad misericordiam flectens. Hæc autem fiducia de diuina prouidentia & misericordia concepta, cum alia multa, tum illud præcipuè pio homini præstat, vt in quauis tempestate atque procella placidam & tranquillam vitam agat, quod omnipotentem Deum, eundemque amantissimum patrem, sui curam gerere & pro se sollicitum esse intelligat. Hinc illæ toties repetitæ Prophetæ voces; Ambulabam in latitudine, quia mandata tua exquisiui. Et, Eduxit me in latitudinem; saluum me fecit, quoniam voluit me. Et, Statuisti in loco spatioso pedes meos. Hac autem latitudinis voce sanctus Propheta ab omni cordis angustia & afflictione, diuinæ protectionis & prouidentiae beneficio, se immunem fuisse confitetur.

Marc. 11

Psal. 118.

Psal. 17.

Psal. 30.

Tertium quoque documentū duobus his Magister cælestis adiunxit. Cum enim antiquus hostis virginē quotidie in pietatis studio proficientē, machinis omnibus adhibitis labefactare niteretur, contrā verò ipsa à Sponso suo vires & robur inuictum assidue postulare, ille ei apparēs, Si velis, inquit, vincere hostē, crucem pro refrigerio accipe, & amara pro dulcibus sume. At illa nequaquā surda aure eam Christi doctrinam accepit, sed usque adeo apud se statuit afflictionibus delectari, vt nihil in hac vita tantum ei refrigerij & solatij afferret, quantum afflictiones & cruces; sine quibus (vt ipsa aiebat) vita hæc ei fuisset molestissima: propter eas autem libenter ferebat beatitudinis dilatio-

3. 1007. 1008.

dilationem non ignorans, illam afflictionibus nō parum augeri. Sed ubi satis eam Christus communierat, permisit dæmonibus eam tentare, si quid ab illa possent obtinere. Adeste nunc quæso animis, fratres, mirandum certamen spectaturi. Videbitis enim totam inferorum & dæmonum potentiam omnibus & machinis & viribus aduersus tenerissimam puellam dimicantem, ipsamque ope Christi subnixam, de tota dæmonum caterua noua arte gloriose triumphantem.

Primum igitur scelerum ministri à rebus veneris; virgini suggerendis capiunt initium. Immittunt turpes cogitationes castissimo pectori, adhibēt illusiones, & phantasmata dormientis; imo etiam corpora ex aëre sumpta, oculis & auribus vigilantis ingerunt, faciuntque multa, quæ sine horrore dici non queant. Illa è diuerso catena ferrea flagellat corpus suū, fundit sanguinem, adiecit permultum ad priores vigilias, ita ut somno penè omni renunciaſſe videretur. Non cessant autem hostes, cum ingenti multitudine apparēt; primò quasi blandè adulantur, hortantur ne se ipsam interficiat tāta vitæ asperitate. Iuuenis es, inquit, fac quod aliæ faciunt femina: nubas viro, & augeas humanum genus. Proponunt exempla Saræ, Rebeccæ, Liæ, Rachelis. Ne faciliè credamus hæreticis, quando ipsi nobis scripturas diuinas ad confirmandam impietatem suam proferunt: faciunt enim hoc etiam dæmones. Quid (aiunt ipsi virgini) hæc sibi vult vita singularis, in qua tamen perseuerare non poteris? At quicquid illi blaterarent, sancta virgo nihil penitus respondens, orabat: Cum autem perseuerantiæ desperationem euellent iniicere, hoc respondit procacibus illis; Ego non meis, sed Domini nostri Iesu Christi viribus nitor: nec vllum aliud ab ea verbum extorquere potuerunt. Solebatque eā familiaribus suis inculcare, ne tentati in disputationem cum dæmonibus ingrederentur. Cum enim, inquit, sint versuti, & longa fallendi exercitatione instructissimi, faciliè sibi victoriam promittunt, si possint cum homine miscere sermonem. Itaque haud secus cauta anima se ab illis mox debet auertere, & ad Christum sponsum suum confugere, quā solet ab adultero pudica matrona. Vbi autem sensisset dæmon hac via nihil se posse proficere, alia aggressus est. Repræsentabat ei formas virorum & mulierum turpissimè inter sese concubantium, & nefandos sermones iactantium, ipsamque ad turpia petulantissimè inuitantium: cogebaturque hæc etiam oculis & auribus clausis videre & audire. Accedebat ad cumulū miseræ, piissimi Sponsi absentia (ut ipsi videbatur) nec visibiliter nec inuisibiliter opem ferentis, aut consolantis. At illa nihilominus sine intermissione & carnem affligebat, & precibus tota incumbibat. Atque in hoc præclarum de se omnibus

nibus diuinæ gratiæ sensibili suauitate destitutis, exemplū præbuit, ne solita sua exercitia propterea remittant, sed augeant potius. Dicebat autem sancta virgo sibi ipsi; Tu ne, vilissima, viliis te consolationibus dignam puras? Ita ne iam tuorum oblita es peccatorum? An non satis est tibi, si possis vel damnationē eternam euadere, etiam si has tenebras & molestias ad supremum vsq. vitæ diem perferre oporteat? An verò Christo propter eius consolationes seruire voluisti, & non eò potius vt in æternum illo suaris? Nihil igitur de solitis remittas studiis, quin addas potius aliquid. His sanctæ humilitatis telis superbū illum Goliath prosternebat Christi virgo. Durante autem hac tētatione, plus solito hærebat in Ecclesia. Nam illic infestabatur quidem, sed non perinde atque in cellula sua: quā quoties esset ingressa, miram illic vidit dæmonum multitudinem, turpissimos sermōnes & actus ipsi ingerentium. Non cessabat autem clamare ad Dominum, donec nonnihil sedaretur illa tēpestas. Iam multos dies hæc durauerat infestatio. Et ecce quodam die illustrata diuinitus, cœpit hilariter seipsam offerre Domino, paratā ad excrandas illas dæmonum infestationes perfectas, quamdiu ipsi visum esset. Tum verò dæmon quidam prociac & improbus ait ad eam; Nunquam ab hac tui infestatione cessabimus, donec consentias nobis. Mox illa securē respondit: Mihi non solū has, sed etiam alias molestias pro nomine Saluatoris perpeti, iucundum & delectabile est, quamdiu eius visum fuerit maiestati. His dictis, totus ille dæmonum cœtus instar fumi pufefactus euauit, & ingēs lux cælitus illapsa est cubiculo, & in ea luce Christus crucifixus ei apparuit, dicens: Filia mea Catharina, vides quæ ego tua causa perpeßus sim? non igitur dubites tu quoque propter me aliquid perpeti.

Deinde sub alia specie magis propinquans, blādē ei gratulabatur de triūpho iam obtento. At illa, Vbi, inquit, fuisti mi Domine, cum esset cor meum tot spurcitiis diuexatum? Et ille, In corde tuo, inquit. Rursus virgo: Et quī fieri potuit, bone Iesu, vt tu in illo esses corde, quod tot obrutum erat impurissimis cogitationibus? Respondit Dominus: Cogitationes illæ quid in tuo efficiebant animo? gaudium ne, an mœrorem? Imò verò, inquit illa, summum dolorem. Hoc igitur, Christus ait, ego mea presentia efficiebam, quā si destituta fuisses, illis spurcitiis delectata esses. Iam verò cū eas profligare velles, nec posses, inde mœrororiebatur, sed me auctore & effectore, qui erā intus in corde tuo, & tuebar illud, interim extrinsecus te sinens oppugnari, quantum videbatur tibi expedire. Sed quando illustrata radio lucis meæ, te ipsam sponte obrulisti ad tolerandas eas infestationes; mox eas abscedere iussi: neque enim pœnis, sed voluntate



pœnas fortiter perferentis ego delector. Tu autem, filia mea, quando non tua, sed mea virtute certasti viriliter, maiorem a me gratiam consequeris, & deinceps crebrius atque familiarius me ipsum tibi exhibebo. His dictis, visio disparuit, relicta in animo virginis suauitate incredibili, maximè quòd eam Christus filiam suam vocasset.

## II.

Clarissima quidem hæc cum principibus tenebrarum fuere certamina: sequuntur tamè alia non minora, quæ cum iis hominibus suscepit, qui sacram virginem partim quidem irridebant, partim etiam priuatim ac publicè infamabant: in quibus illa vincès in bono malum, clarissima nobis dilectionis erga inimicos exempla reliquit. Ex multis autem huius rei argumentis, ea paucis referam, de quibus in bulla, qua sacra virgo in Diuos relata est, breuiter mentio fit. Frater Gabriel Ordinis Minorum, eiusdemq. ordinis Provincialis, sacre Theologiæ Doctor celeberrimus, simul & frater Ioannes Senensis, Augustinianus, eiusdemque Theologiæ professor, communi consilio ad virginem venientes, eam, propositis difficillimis Theologiæ quæstionibus, pudescere & irridere decreuerunt. His ergo propositis, sacra virgo magna cum reuerentia respondit, tantaque dicendi vi & gratia de mundi contemptu apud illos disseruit, ut ipsi contrà pudefacti, subito ad Dominum conuersi fuerint. Et quidem prior ille se humi ante virginem prostrauit, multoque lacrymarum imbre fuso, clauē cellæ suę prehensa, Si quis, inquit, eorum qui hic adestis, in cellam meam proficisci vult, hanc accipiat clauem, & quicquid in ea inuenerit, pauperibus largiatur. Parent mandato duo Senenses ciues, qui tunc aderant, & ornatissimam Patris huius nō tam cellam quàm regiam aulam ingrediuntur, quæ speciosis ornamentis, culcitra etiam serica & preciosis cortinis lectum ambientibus instructa erat. Hæc igitur omnia, cæteraque utensilia, quæ non minoris pretij erant, pauperibus eiusdem monasterij fratribus distribuerunt. Venerandus autem hic magister, tanta se deinde humilitate inter fratres suos gessit, ut in Florentino conuentu, monachis in mensa recumbentibus, cum iunioribus fratribus humiliter seruiret. Alter autem Augustinianus eodè temporis momento ad Dominum conuersus, relictis omnibus, ad finem vsque vitæ, Christi virginem, vbicunque esset, aut quocunque pergeret, secutus, sanctissimam vitam egit. Sic etiam frater Lazarinus Pisanus, prædicator rarissimus, lectorque doctissimus, adeò hdic virgini infensus erat, ut non modò priuatim, sed in publicis etiam concionibus illi acerbè derraheret. Quid multis? Huius virginis precibus atque doctrina, relictis omnibus quæ habebat,

in no-

in nouum hominem mutatus est, multorumq. animas doctrina sua lucrificet, sanctissimeque vitam finiuit: quamuis multas fratrum suorum irrisiones perpeſſus fuerit, qui eum contumelia causa Catharinaton appellabant. Quo exemplo simile quiddam animaduertere licet, quod olim de Apostolo Paulo, ad Christi fidem conuerso, fideles dictabant: Quia qui perſequebatur nos aliquando, nunc fidem prædicat, quam aliquando oppugnabat: nec minus impletum cernimus quod de Domino Salvatore scriptum est: Venient ad te, qui detrahebant tibi, & adorabunt vestigia pedum tuorum. Mirum autem non est, si amantissimus Sponsus sponſam suam dignitatis & gloriæ suæ participem efficere dignatus est.

Iſaie 60.

His addam maiora alia cū ipſo Deo certamina. Sancta quippe virgo homines ſalutaris doctrinæ monitis & exemplis vicit: omnipotentem autē Deum ſeruentiſſimis precibus ſuperauit. Oratio enim pietati cōiuncta vincit quodammodo inuincibilem, & ſuperat omnipotentem. Qui enim nullis armis, nullaque potētia frangi poteſt, piis amicorū ſuorū precibus & lachrymis cedit. Lapa, virginis mater, ſimplex quidem mulier fuit, ſed parum tamen diuinarum rerum ſtudio addicta, domeſticisq. curis nimis implicata; que tandem in lethalem morbum incidēs, ſine Cōſeſſionis ſacramēto mortua eſt. Sed virgo ſanctiſſima cū lachrymis oculos ad cælum leuans, dixit Domino, ſe ab eo loco nunquam diſceſſuram, donec ei matrem reſtitueret viuam. Hæc eius verba feminæ aſtantes audierunt, nec auſæ fuere corpus exanime mandare ſepultura; donec viderent quem exitū ſanctæ virginis preces, cuius eximiam ſanctitatem nouerāt, eſſent habitura. Orabat igitur ſeruentiſſimè cum multis lachrymis, quibus tantum potuit, vt deſunctam matrem ad vitam reuocaret; quæ etiam in vita diutiffimè poſt hoc manſit. Quanta ergo huius orationis virtus extitit, quæ eademer extinctum ad vitam, & impœnitentem animam ab ipſis inferorum faucibus in hanc lucem potuit reuocare! Quanta verò clemētiſſimi Redemptoris erga ſuos charitas, quanta benignitas, quæ animam lata ſententia ad ſempiterna ſupplicia iuſtiſſimè damnatam ad vitam reuocauit, & pœnitentia ſpatia longiora conceſſit! Hoc nos, qui in corpore manemus, minoris fortaiſſe facimus: at quanti hoc beneficiū facerent, qui ad eadem ſupplicia irreuocabili ſententia deſtinati ſunt! Quid iſti facerent, ſi talem pro ſe deprecatorem apud ſupernum iudicem haberent?

Sed aliud huic non admodum diſſimile certamen referamus. De matre enim huius virginis diximus; nunc de patre dicamus: vt his exemplis parentes diſcant, quantum ad ſuam ipſorum ſalutem religioſa ſoboles, religioſeque reuocata conferat.

Appro-

Appropinquabat tempus, quo decreuerat Deus virginis patrem ex hac luce euocare. Ccepit igitur ex morbo decubere, moxque filia pro salute patris Christum deprecari: sed, vt audiuit adesse eius vitæ terminum, rogauit obnixè Dominum, vt sine pœnis purgatorij illum ad se reciperet. Sed hac in re diuina iustitia diu difficilem se præbuit, quòd nō essetis sine maculis, quas excoqui ad purum oporteret. At tandem vicit sancta virgo, sed ita vicit, vt pœnas parētis ipsa in se reciperet. Obiit ergo vir purus: & vt certò constaret eum rectā migrasse in cælum, eodem puncto temporis, quo ille abiit è corpore, virginem sanctam iliaci dolores inuaserunt, iisque laborauit sine intermissione vsq. ad supremum vitæ diem. Verum illa non hos dumtaxat, sed etiam quoscumque alios cruciatus & molestias, non modò patienter, sed etiam hilariter ferebat, sciens se iis perferēdis ad perfectionem Dei visionem præparari. Hoc exemplū, fratres, non solum ad patientiæ virtutem (quæ maximi apud Deum meriti est) nec ad orationis commendationem modò (quæ tantam vim ad eius misericordiam impetrandam habet) sed ad salutarem quoque diuinæ seueritatis & iustitiæ metum vos inducere debet: cum hoc in loco videatis, ne flagrantissimis quidē dilectissimæ sponsæ precibus & lachrymis, idq. pro piissimo parente fuis, adduci cælestem Sponsum potuisse, vt debitas purgatorij pœnas, diuinæ iustitiæ decreto taxatas, remitteret, nisi eas virgo sanctissima in se, non ad horā quidem, sed tota vita luēdas susciperet; quæ illi instar ignis purgatorij fuerunt. Non enim arbitror vos latere, quamuis id experti nō sitis, quàm acres dolores hic morbus iliacus secū afferat. Quid igitur nos facere par est, qui talent post mortem aduocatam, talemq. fideiussorem nequaquam habituri simus; cum tamen multa nobiscum debita ex hac vita relaturi simus, quæ purgatorio igne (qui acerbissimus est) dissoluenda sunt?

*palma.* Magna quidem duo hæc cum Deo certamina extitere. Adjiciam aliud, quod partim cum Deo, partim cum hominibus susceptum est. Fuit Senis quædam soror de pœnitentia S. Dominici, Palmerina nomine: hæc incredibili odio & inuidia stimulatā, nec nomen sanctæ virginis audire quidem sustinebat. Obtrecebat ei priuatum & publicè; nec obtreceationibus & maledictis poterat satiari. Cernens id sancta virgo, humilitate & mansuetudine eius animū placare nitebatur, sed frustra. Confugit igitur ad Dominum; & pro illa misera singulares ei preces obtulit. Audiuit autem Dominus preces eius; sed prius exercuit iudicium, percussitque Palmerinam graui morbo. At nihilo illa melior effecta, sed exacerbata magis, in fenestorē se virgini ostēdit. Rursus ergo studuit humilitatis & mansuetudinis officii  
eam



eam emollire. Seruiebat illi modis omnibus quibus poterat, blandisq. verbis & obsequiis eam cōsolabatur. Sed saxo durior nihil mouebatur tanta humanitate & beneuolentia; inīō verō ex suis tēdibus eam iussit furibunda expelli. At iustus iudex tantum odium cernens, ita eam percussit, vt repēte viribus omnibus destituta, ad inferos properare videretur. Quod vbi cognouit sancta virgo, mox in suū se cubiculū recepit, coq. clauso, crebrō, & instantissimē rogabat Dominum, ne sui occasione illa anima periret. Ostendit autem illi Dñs miseriam & periculum infelicis illius a nimæ; dixitq. iustitiam suam ferre non posse, quin tam pertinax odium puniretur. Tum virgo mente & corpore se humi prostrauit, dixitq. ad Dominum, se nullo pacto de eo loco surrecturam, donec Palmerinē misereretur. Iam tres dies & noctes illa misera iacuerat in agone, & supremū trahebat spiritū; nec tamen mori poterat: nam toto hoc spatio perseuerabat sancta virgo in precibus: & tandē lacrymis vicit & expugnauit inuictum & insuperabilem, ita vt adamantino illi pectori gratiam suā inspiraret, qua agnosceret culpā suā, eamq. se admisisse doleret. Id postquam Dño reuelante sancta virgo didicit, mox ad illam accurrit: quæ vt eam vidit, quibus poterat signis gaudium & erga illam reuerentiā ostēdit, cū prius eam nec videre quidem posset; sicq. perceptis Sacramentis cum magna cordis contritione migravit à corpore. Cuius animam vidit sancta virgo in tanto decore & pulchritudine, vt nullis possit verbis exprimī; cū tamē nondum esset in gloria visionis diuinæ. Quā multa sunt in hac historia, fratres, in quibus pia mens philosophari, quā multa quæ hinc colligere poterit! Primū enim hīc animaduertere licet, quanta sit liuoris & inuidiæ pestis, quæ sic liuidi hominis mentem transuersam agit, sic exagitat, sic lacerat & conficit, sic alienæ virtutis gloria contabescere facit. Vt enim I. *inuid.* Sionile. lippientes oculi ad clarissimū Solis inbar obtenebrantur & lēduntur; ita inuidi hominis animus alienæ virtutis claritate excæcatur & disruciatur. Qua ex re liquet, hoc vitium non esse hominum proprium (quorum est humanitate & beneficentia gaudere) sed eorū qui, exuta humanitate, illius mores induerūt, cuius inuidia mors introiuit in orbem terrarum. Contrā verō Sap. 2. etiam hīc videre licet, quā amabilis & pulchra sit charitatis species, quæ in huius sanctæ virginis officiis mirabiliter elucet, quæ tot iniuriis affecta, tot probris laceffita, tot maledictis con-cisa, nec indignata, nec turbata, nec aliqua in re aduersus vipe-ream illam linguam commota fuit; quin potius quo magis misera illa furere & insanire pergebat, hoc magis sancta virgo illius vicem dolebat, maioribusq. illam officiis prosequabatur, ardentioresq. pro illa preces ad Dominum fundebat. Recolebat enim

- Matth. 5.** enim animo illud eiusdem Domini consilium, Benefacite his qui oderunt vos, & orate pro persequentibus & calumniantibus vos: meminerat & illud quod verissime est à diuo Gregorio dictum; Veram scilicet iustitiam habere compassionem; falsam autem, indignationem. Itaque virgo sancta non sua opprobria, sed illius perditæ mulieris damna; non suam infamiam, sed illius culpam; non illata cōiugia, sed lethalia illius vulnera attendebat, quæ magis sibi compassionis quàm indignationis materiam præbebant. Prudenter enim intelligebat, nihil sibi maledicta illa nocere, maledicenti autem exitium miserandum afferre. O si hanc nobis mentem Dominus immitteret, quoties ab aliis aut maledictis, aut iniuriis infestamur! intelligeremus profecto, longè grauius sibi maledicos & iniurios homines quàm nobis nocere: magisque nos eorum maledicentia ad compassionem, quàm ad indignationem flecti & excitari debere. Hoc eodem exemplo discimus, quanta sit orationis vis, quæ iustissimam omnipotentis Dei iram auertere potuit, quæ vibratum penè gladium è manibus eius eripuit, quæ maximum eius furorem in placidissimam lenitatem convertit, & quæ postremo animam ex ipsis penè inferorum faucibus ereptam, Angelorum choris inseruit, & atra nocte obscuriorem, Sole & Luna splendidiorem reddidit. Quo in loco illud est obseruatione dignissimum, quòd sancta virgo pro remittendis Iacobo patri purgatoriis pœnis Dominum deprecās, sic exaudita est, vt ipsa pro patre pœnas lucret: pro hac autē femina, sempiterno supplicio digna, preces fundens, citra vllam pœnæ præscriptionem exaudita, sempiternam illi salutem impetrauit. Cuius rei illud in causa fuisse arbitror, quòd vsque adeò inexhausto illi bonitatis & misericordiæ fonti preces pro inimicis (quas ipse nobis indixit) ardentè effusæ; gratæ sint, vt non modò velit eas in magni meriti cumulum cedere de, recanti, sed ad remissionem interdum quoque criminis prodesse nocenti. Hinc D. Gregorius ait:
- Gregor. in Moral.** Conditoris auribus illa maximè oratio commendatur, qua pro inimicis quoque intercedere nitimur. Hanc igitur virginis patientiam, fratres, hunc flagrantissimum charitatis ardorē, hunc infractum ad iniurias animum, hunc erga inimicos miserationis affectum, hanc pro eisdem orationis instantiam, hoc postremo benefaciendi studium sectari studeamus, vt celestis parentis germani filij simus, qui Solem suum orti facit super bonos & malos, & pluit super iustos & iniustos. Si enim hac ratione fuerimus filij, erimus etiam & hæredes; hæredes quidem Dei, cohæredes autem Christi; cui est gloria & imperium in secula seculorum, Amen.

# IN EODEM FESTO SANCTÆ

CATHARINÆ SENENSIS, CONCIO  
secunda: in qua variæ sacræ virginis huius virtu-  
tes, ac præcipuè insignia eius misericordiæ opera  
referuntur.

**T H E M A.** *Simile est regnum celorum grano sinapis, quod  
minimum quidem est omnibus oleribus, & fit arbor.*

Matth. 13.



**H**ic Domini Saluatoris verbis mira Ecclesiæ fecū-  
ditas insinuat, quæ à parvis initiis in ingentem  
arborem excreuit, & ramos suos in vniuersum  
orbē terrarum latissimè propagauit. Christi nam-  
que Euangelium, Pauli etiā ætate (vt ipse ait) in  
Colof. 1.  
Colof. 1.  
Dan. 1.  
Dan. 1.  
omni creatura quæ sub cælo est, fuerat prædicatum. Quam Ec-  
clesiæ fecunditatem sub alia similitudine lapis ille apud Danie-  
lem designat, qui abscissus de monte sine manibus, creuit in  
montem magnum, & impleuit terram. Hæc autem exigui gra-  
ni similitudo hac de causâ Catharinæ virgini hodie in Euange-  
lica lectione tribuitur, quod ea, quamuis humilis & pauperula  
mulier fuerit, diuinæ tamen gratiæ beneficio non solū ad sum-  
mum dignitatis & sanctitatis gradum fuerit euecta, sed huius  
etiam Ecclesiastica fecunditatis non modica pars fuerit; vtpo-  
te quæ maximam perditorum hominum multitudinem, par-  
tim precibus suis, partim clarissimarū virtutum exemplis, par-  
tim etiam singulari doctrina ad veram pœnitentiam traduxe-  
rit, vt suo loco referemus. Quæ res eo mirabilior est, quo ma-  
gis muliebris sexus huic officio repugnat, cum Apostolus mulie-  
rem in Ecclesia adeo non docere, vt nec loqui etiam permittat.  
1. Tim. 2.  
1. Tim. 2.  
Omnipotens tamen ille rerum omnium Dominus (qui in ope-  
ribus suis semper est mirabilis, qui que infirma mundi eligit, vt  
1. Cor. 14.  
1. Cor. 14.  
fortia quæque confundat) huius feminæ operâ ad hoc munus  
vti voluit, vt potentia eius tanto esset illustrior, quanto instru-  
mentum, quo utebatur, fragilius erat & infirmius. Sic enim  
olim ex piscatoribus Apostolos, ex publicanis Euangelistas, ex  
pastoribus & Reges & Prophetas creauit. Hæc sunt enim opera  
omnipotentis Dei virtute & maiestate digna, qui rebus infir-  
mis & abiectis ad res adeo illustres & magnificas vti solet. Hinc  
Apostolus, Habemus, inquit, thesaurum hunc in vasis fictili-  
bus, vt sublimitas sit virtutis Dei, & non ex nobis. Quo minus  
1. Cor. 2.  
1. Cor. 2.  
mirandum est, si idē Dominus huius sanctæ virginis operâ tot  
perdi-



perditorum hominum animas ad veram pietatem & iustitiam traducere, tot miracula edere, totque adeo magnifica opera patrare voluerit, ut eius gloria ex instrumenti fragilitate appareat illustrior. De hoc igitur hodie clarissimo diuinæ virtutis opere dicturi, cælestem opem, sacratissimæ Virginis & Matris interuentu, suppliciter imploremus.

## A V E M A R I A.

- Neminem vestrum ignorare arbitror, fratres, omnium diuinorum legum finem in charitatis virtute positum esse, Aposto-
- 1. Tim. 1.** lo testâte, qui ait: Finis præcepti charitas, de corde puro, & conscientia bona, & fide nō ficta. Nec finem modò legis, sed summum etiam diuinæ legis veluti compendium eadē virtute contineri idem Apostolus testatur, cum ait: Plenitudo legis est dilectio. Dilectionis autem nomine duas actiones, quæ ab eadem radice deriuantur, comprehendimus. Charitas enim vnicus habitus est, à quo duæ actiones, & veluti rami, nempe dilectio Dei & proximi profisciscuntur. Ex priori autem dilectione posterior nascitur. Ut enim mater, quæ filiū diligit, eius quoque famulos, & agros, & quicquid ad filium pertinet, eodem amoris affectu diligit; ita qui maximè Deum diligit, maximè etiam & seruos, & filios, & corporis eius membra diligit. Quod etiā argumentum retro valet, ut, qui plurimum hos ipsos propter Deum diligit, plurimum etiam Deum diligere comprobetur. Hinc D. Gregor.
- Gregor.** Tunc mirabiliter ad alterum charitas surgit, cum ad ima proximorum se misericorditer inclinât; & quo benignius descendit ad ima, eo valentiùs recurrit ad summa. In hac autem duplici dilectione Saluator vniuersam legem & Prophetas pendere ait.
- Mat. 22.** Hæ autem duæ charitatis laudes satis esse deberēt, ut ad eius nos amorem studiumque incenderent. Sed & aliud non minùs suspiciendum; nempe, tantam esse eius vim atque potentiam, ut per eam omnia mundi aduersa perferre, omnē diuinæ legis difficultatem vincere, omnesq. diaboli atque carnis nostræ machinas superare facile possimus. Quam tamen eius vim & efficaciam mortaliū nemo intelligere perfectè potest, nisi qui eam experimento suo didicerit. Hoc autem modo Sponsa in Canticis didicerat, quæ ait: Fortis est ut mors dilectio, dura ut infernus, siue ut sepulchrū, æmulatio. Ut enim à morte, & sepultura, mortis comite, liberari nemo potest (quod videlicet mors omnia vincat) sic etiam perfecta dilectio inseparabilis est. Quam deinde ardētissimo igni cōparat, dicens: Lampades eius lampades ignis atque flammarum. Quid igitur? An non ignis ab aqua facile extinguitur? Extinguitur planè vulgaris iste ignis; at dilectionis ignis, instar naphthæ, adeo inundantium calamitatum aquis non extinguitur, ut magis etiam accendatur. Quod quidem
- Ibidem.**  
**Simile.**

dē eadē Sponsa indicat, cūm protinus subdit: Aquæ multæ non poterunt extinguere charitatem, & flumina non operient eam. Huius porro vaticinij veritatem innumera Martyrum exempla declarant, quos à fidei cōstantia nec portæ inferi, nec totius orbis Monarchæ, nec vlli seculi turbines & procelæ, nec omnia diaboli arte quæsita supplicia dimouere potuerunt. Eandem autem vim Apostolus mira verborum magnificentia amplificat, cūm ait: Quis nos separabit à charitate Christi? Tribulatio, an angustia, an fames, an nuditas, an periculum, an gladius? Certus sum, quòd neque mors, neque vita, &c. Quibus verbis Apostolus charitatem non morti parem, sed ipsa etiam morte, atque rebus omnibus, inferis & superis, potentiorē esse docet.

Ibidem.

Rom. 8.

Quamvis autem hanc tantā charitatis vim Martyrū exempla præcipuè declarant; eandem tamē in sanctorum Confessorum & Virginum certaminibus cernere licet. Quod faciliè sanctissimæ virginis Catharinæ exemplo demonstrabimus, quæ, charitatis huius igne incensa, immensos labores propter dilectissimi Sponsi sui amorem pertulit: ex quibus nonnullas in præsentī concione referemus.

De charitatis igitur operibus huius virginis in præsentī concione præcipuè dicturus, prætereo nunc vitæ eius initia, in quibus domi clausa, continuis precibus, sanctisque meditationibus dies noctesque sine vlla intermissione vacabat, & ieiuniis, verberibus, atque omni ratione innocentissimam carnem suam macerabat. Vbi autem diu in his exercitiis versata fuit, ætateque iam adoleuerat, charitatis & misericordiæ operibus incumbere decreuit; utpote quæ non ignoraret, salutaris ligni propriū esse fructum suū dare in tempore suo. Quam rem ipsa quoque nos natura docet, quæ recens plantatas arbores diu infrugiferas esse patitur, ut hoc tempore vires & robur colligant, & ad iustā proceritatem perueniant, quo postea maturos germinare fructus valeant. Ad hunc ergo modum sancta virgo, quæ diu sibi soli vacauerat, maturo iam tempore pietatis & misericordiæ fructus proferre cœpit. Longum autem esset recensere, quo charitatis & misericordiæ affectu sancta virgo, velut apis argumentosa, egentibus subueniebat, afflictos consolabatur, in carcere positos visitabat, & grauissimis morbis laborantibus seruebat. Quia verò temporis inopia constricti, omnia charitatis eius officia referre non possumus, duo eius opera insignia, ex quibus cætera intelligi poterunt, commemorabo.

Psal. 1.  
Simile.

I.

Senis fuit mulier quædam inops & ægrota, Theca nomine. Ea, cogente penuria, nosocomium petiit, sed adeo tenuē, ut vix

a 3

suppe-

suppeditaret ipsi necessaria. Ad cumulū miseræ accessit lepra, quæ totum eius corpus occupauit; iamque vitabatur ab omnibus propter contagionis periculum, cogitabantq. eam vrbe eiecere. Id vbi sancta virgo præsensit, mirabili feruore properauit ad eam, & nō modò res necessarias, sed etiam suum ministeriū vsque ad obitum illi obtulit. Itaque quotidie manē & vesperti illam visitabat, parabat necessaria, Christum in ea cōtemplans, accuratē & reuerenter inserviebat. Ex ipsis autem sacræ virginis beneficiis illa mulier superbæ & ingratitude pestem contraxit; & quod sancta virgo pro solo Christi amore faciebat, illa cepit pro debito exigere, addere conuicia & contumelias, irasci & irridere, si non statim omnia fecisset ad ipsius votum, vel si aliquando tardius venisset. Sed iis nihil irritata sancta virgo, studebat iracundiam blandis verbis & sedulis officiis delinire, haud aliter atq. propriam parentem eā tractans, ita vt etiam improba mulier admiraretur. Durauit autem hoc diu, nec quidquam solitæ humanitatis propterea omisit spōsa Christi. Multi mirabantur, sed Lapa mater eius valde moleste ferebat, timens ne lepra inficeretur. Illam quoque virgo placabat, & pergebat in officio charitatis. Ecce autem, vt ex hoste gloriosius triumpharet, permittente Deo, diabolo efficiente, manus sanctæ virginis lepra inuasit. Quod illa nihil morata, malebat toto corpore leprosa effici, quàm cœptum charitatis ministerium desistere. Paulo pōst excessit ē viuus mulier leprosa, virgine illi in extremis astante, & eam efficacissimē confirmante. Eius corpus horridum sancta virgo diligentissimē abluir, induit, & suis manibus sepeliuit. Post sepulturam autem ita omnis lepra à virginis manibus euauit, vt etiā elegantiores quàm antea viderentur. Quid in hoc opere mirari prius debemus, fratres? an hoc tam sedulum charitatis officium? an virginis patientiam, quæ tot probra atque contumelias ab illa vetula passa est? an adeo mirabilem in cœpro semel pietatis opere perseverantiam, à quo illam nec horrendæ lepræ metus, nec matris indignatio, nec ingratus vetulæ animus auocare potuerūt? an porius ineffabilem Domini misericordiam, qui adeo insigni miraculo, vbi sancta virgo officio suo functa est, eam à lepræ contagio liberauit? Hęc omnia nobis & miranda certē, & imitanda proponuntur: sed in his omnibus suscipienda in primis Domini prouidentia est, qui variis calamitatibus seruos suos exercet & probat: & quos probatos & fideles inuenerit, diuinis muneribus atque fauoribus mirabiliter exornat.

Sed ad aliud multo mirabilius misericordiæ opus veniamus; quod etsi ad aures vestras iam peruenerit, dignum tamen mihi videtur quod nunquam nō in ore habeatur, non ob hoc solum,

vt



vt crimina virginis huius sanctitatem, & misericordiae viscera agnoscamus, sed multo magis vt inhumanitatis & duritiæ nostræ magnitudinem eius comparatione intelligamus. Quædam S. Dominici soror (quam Andream vocabant) cancri morbo laborabat in pectore, illud valde deuastante. Tantus autem ex eo vulnere exhalabat fœtor, vt nemo, nisi obstructis naribus, posset ad eā propius accedere. Inde fiebat, vt vix vlla femina esset, quæ ei vellet ministrare. Audiens hoc virgo Christi, intelligens quæ eam sibi derelictam, mox eam adiit, & iucunda facie suum ei seruitium, donec curaretur, obtulit. Valde hoc miseræ illi gratum fuit, maximè cum se cerneret omni penè ope destitutam. Seruiuit igitur iuuenula seni viduæ; & licet cresceret fœtor abominabilis, nihil omisit eorum quæ essent ægrotae impedienda. Astabat ei assiduè, vulnus, nequaquam obstructis naribus, detergebat, abstergebat, abluebat, panniculis obligabat, nullum interim horrorem, nullum tædium præ se ferens, sed hilari animo & iucunda facie omnia efficiens; etiam ipsa ægrota obstupesciente ad tantam iuuenulæ constantiam & charitatem. Vidit igitur hæc & inuidit coluber tortuosus, &, vt impediret, summam nauauit operam.

Adeste nunc, quæto, animis, fratres, mirabile quoddâ certamè inter puellam, atq; generis humani hostē spectaturi; in quo omnes diaboli machinas & dolos, omnemq; penè in ferorū potentiam ab vna infirma puella superatā videbitis. Quo argumēto, diuinæ gratiæ & charitatis vim, vbi plenius pij hominis mentē obsedit, animaduertere licebit. Cum autem voluntatē tantæ virginis mouere non posset (quippe in Christo fundatā) quoddâ die eadem vulnus deregēte, fœtore intolerabili stomachum eius propè euertit, ita vt ad vomitum propenderet. At sancta virgo sibi ipsi irata, sic alloquebatur corpus suū: Itane abominaris tu sororem tuā, Christi sanguine redemptā, cum possis in eundem vel etiam deteriozem morbū incidere? Viuit Dominus, non feres hoc impunè: simulq; faciem in pectus ægrotae inclinans, os & nares horrendo illi vulnere applicuit; sicq; permanisit donec feniret se spiritui carnem calcitrantem subdidisse, & illam nauisem extinxisse. Videns autem hoc ægrota femina, exclamauit, Cessa, cessa, charissima filia, noli te ipsam tam immani putore corrumpere. Victus ergo dæmon, abcessit: nec cessauit tamen tentare vias omnes. Et quia virginem sacram vincere non poterat, ad agrā se vertit, in eiusq; pectore primò tædiū erga sanctæ virginis ministeria, deinde verò etiā odium excitauit. Immisit veto in animā eius nefarias suspiciones, vt putaret castissimam virginem, quoties ipsi non adesset, obscœnis actibus alicubi occupari. At sancta virgo nihil absternita, in illa infirma anu

Primum  
certamè.

Secundum  
certamè.

Christum sponsum suū cogitans, solita hilaritate ei seruire per-  
 rexit, iridens diabolū, cuius machinis videbat istuc effici in  
 animo laborantis vetulā. Ille verō sanctis eius operibus magis  
 prouocatus, eō perduxit agrotā, vt iam in apertam virginis in-  
 nocentissimā infamiam, diabolo instigante prorumperet. Per-  
 uenit is rumor tandem ad sorores, ex quibus seniores agrotam  
 adeunt, & ex ea seiscitantur, num vera sint quæ dixerit. Illa fal-  
 laciter asseuerat vera esse. Prouocata & nimium credulæ soro-  
 res exprobrant sanctæ virgini tantum scelus. Illa verō patiēter  
 respondit, Verē dominæ, & sorores meę, ego gratia Iesu Christi  
 virgo sum: idq. saepe repetens, nihil contra illā calumniatricem  
 protulit. Quamuis autē non posset nō dolere tā turpis infamie,  
 nihil tamen de pristinis officiis intermisit, seruens illi miseræ  
 accuratissimē. Postea autem rem totam cū multis lacrymis re-  
 tulit ad Christum spōsum suū, qui ei apparuit, habēs in dextera  
 manu coronā auream miri decoris, in sinistra spineam; dixitq.  
 ei, vt eligeret utrā mallet. At illa, quæ iam pridē omnem volun-  
 tatē suam in Dei voluntatē transuderat, Ego, inquit, Domine,  
 cupio in hac vita semper tuæ passioni cōformari, & pœnas om-  
 nes refrigerij loco amplecti: simulq. è sinistra Saluatoris spineā  
 coronam feruenter arripiens, vi multa impressit in caput suū, il-  
 lud vndiq. spinis cōpungens, ita vt post eam visionē capitis do-  
 lores sentiret. Tum verō Dñs iussit eā permanere in ministerio  
 illius agrotæ, promisitq. se maligni dæmonis calūnias in ipsius  
 caput retoriturū, plenamq. ei de illo victoriam prębiturum. Fuit  
 ea non parua sanctæ virginis cōsolatio. At mater eius Lapa, vbi  
 percepit sinistros illos de filia rumores, quāvis de eius esset pu-  
 ritate certissimā, vehementer tamen aduersus Andreā illam  
 cōmota, acerbē nimiū ad filiam ait: An nō sapius prohibui, ne  
 illi vetulæ seruires? En qualem tibi refundit mercedem. Fiebat  
 hoc quoq. artificio Satanæ, vt sanctū illud ministerium impedi-  
 diret. At sancta virgo, flexis coram matre genibus, eam optimis  
 rationibus flexit & leniuit. Deinde se contulit ad agram, tan-  
 tāq. ei alacritate seruiuit, vt illa planē iam superata in seipsam  
 descenderet, videretq. facinus suum, valdeq. animo compunge-  
 retur. Interim visionem quādam vidit admirandam. Cum ali-  
 quando eius cubiculum virgo sancta intraret, circa lectū suū  
 vidit diffundi lucē inæstimabilis amœnitatis & dulcedinis, ita  
 vt omniū miseriarum suarum penitus obliuisceretur. Nesciens  
 autem eius lucis causam, vidit vultū sanctæ virginis quandam  
 angelicam maiestatem præ se ferentem, ipsamq. cō lumine, tan-  
 quam regimine quodā vndiq. circūdatam. Inde creuit in animo  
 eius dolor, quōd tam excellentē virginē spurco ore cōtaminas-  
 set. Paulo post discessit ea lux, & agra multum eiulans, veniam  
 petit

2. Coronā

Tertium  
certanē.

petiit à sancta virgine. At illa eam amplexans, blandissimè consolabatur, culpam omnem conferens in tartareum demonem. Porro sicut antè scelèratè detraxerat sacrae virgini, ita postea mirificè eam etiam cum multis lacrymis prœdicaui, & prœclarum sanctitatis eius testimonium dixit, referens etiâ visionem quam diximus, & inestimabilem suauitatem, atque spiritualem consolationem quam tunc perceperat. Creuit inde fama sanctissimæ virginis, & serpens inuidus omni conatu suo frustratus est. Sed iterum rediit ad faciendū periculum, si eam frangere posset stomachi eversione. Nam cum sacra virgo illud abominabile vulnus rursus aperuisset, ut ablueret, intolerabilis fœtor, Dæmone id efficiente, immodicam eius stomacho nauseam attulit. Sed illa in suum corpus sancta quadam iracundia incitata. Viuit, inquit, Altissimus, quia hoc ipsum quod vsque adeo perhorrescis, intra tua viscera condetur: statimque illius horrendi vulneris ablutionem & saniem in scutellam collectâ, seorsum abscedens totam ebibit; moxq. nausæ illius tentatio omnis sopita est: & ipsa postea fassa est patri Raymundo, nunquā tē tam suauem cibum vel potū in omni vita hauisse. Hæc sunt reuera admiranda, & apud cordatos auditores indubitata signa raræ virtutis, & eximiae sanctitatis. Apparuit autem ei Christus nocte sequenti, posteaquam tam prœclarè diabolum, naturamq. propriam debellasset, & eam ad sacratissimū vulnus lateris sui admouens, ineffabili & inexplicabili potu admirabiliter refecit: vnde tanta gratiæ abundantia in eius mēte diffusa est, ut etiam in corpus redundarit, nec deinceps vnquam more solito cibum acceperit, sed neque potuerit accipere: quod certissimo fuit argumentō, eam visionem minimè dubiam fuisse.

Quartū  
certamè.

Certamū  
nis triū-  
phus.

## I I.

Cæterum hæc misericordiæ opera ad corporis præcipuè obsequiū spectant. Ad maiora veniamus, quæ ad animæ salutem pertinent; quæ tanto sunt præstantiora, quanto anima mortali corporis natura præstātor est. Quāuis autē muliebris sexus ad hoc minus idoneus sit, ille tamen, qui (ut initio diximus) infirma mundi eligit, ut fortia quæq. confundat; quiq. vnus viduæ mulieris opera Holofernis caput amputauit, & castra fudit Assyriorū; hoc adeo fragili mulieris vasculo ad animarū salutē vti voluit; quāuis sancta virgo ab hoc officio, propter sexus cōditio- nē, se humiliter excusaret. Quia verò diuinæ sapientiæ propriū est, dignos operū suorum ministros eligere, aut etiâ facere; quæ ratione hanc virginem ad hoc opus instruxerit, expendamus. Apostolos enim, quos Euangelij atque nouæ legis præcones instituit, spiritu sancto repleuit, & linguarū omnium facultate donauit. Paulum verò (quē supra ceteros laborare voluit) in para-

1. Cor. 2.  
Iudith;

A. Cor. 2.  
1. Cor. 11.  
2. Cor. 12.



2. Tim. 2.

ditum etiam rapuit, vt, tanta pietatis & iustitiæ mercede inspecta, ardētissimo studio ad eam promerendā homines incitaret, nullumq. propter hoc laborē, quamlibet intolerabilem, recusaret. Quod ipse quidem se præstitisse confitetur, cum dixit: Omnia sustineo propter electos, vt & ipsi salutem consequantur.

Principio igitur, cum hæc sancta virgo in puellari adhuc ætate constituta, votum iam virginittis emisisset; incredibili saloris animarum desiderio, Spiritu sancto cooperante, flagrauit. Vnde peculiariter illos amabat sanctos, qui animabus lucrādis operā nauassent: intellexitq. diuinitus beatissimū Patrē Dominicum, zelo fidei & saloris animarum incensum, ordinem fratrum Prædicatorum instituisse. Quæ res in eius animo tantam erga illum ordinem reuerentiā excitauit, vt, si quos vidisset fratres sancti Dominici suas ædes transeuntes, illorū obseruaret vestigia, eaq. illis abscedētibz, humiliter ac deuotē exoscularetur. Porro creuit in eius pectore ingens desiderium illius instituti cōplectendi, vt posset cum fratribz salutis animarum incumbere: sed sexu id non permittente, cogitabat sanctam Euphrosynam hac in parte imitari, & instar illius fingere se masculum, atq. procul in regionibus ignotis se adiungere fratribz Dominicanis. Hoc autē fraternæ salutis desiderium in matura iam ætate auxit, animarum sanctarum pulchritudine mirabiliter ei ostensa. Orante enim sancta virgine, vt dignaretur sibi Dominus hanc præstare gratiam, vt posset videre elegantiam animarum omnium cum ipsa versantium, & ad ipsam venientium, vt tanto magis accenderetur ad curandam earum salutem; Dominus eam exaudiuit: atque ex eo tempore quoties aliqui ad eam venissent, magis ad corū animas, quā ad corpora intēta erat, ita vt sæpe non aduerteret corpora: nec quisquam serē postea ad eam accessit, cuius animæ statum non peruideret: dicebatq. Patri Raymundo: O Pater mi, si vidisses animæ pulchritudinem, non dubito, quin pro illius salute libens centies mortem oppeteres.

Addam his aliud longē mirabilius, eius dono concessum, qui in cunctis operibus suis & mirabilis, & incōprehensibilis est. In maturiori ætate ex multa gratiarum affluentia ita cor virginis diuino est amore inflammatum, vt planē decumberet, nec posset surgere ē lecto. Omnis autem hic languor ab amore proficiscabatur. Petebat illa nunc ardētissime à Domino, qui ei sapissimē apparebat, vt dignaretur ipsam tollere ex hac vita; sed cum sentiret id Dominum nolle, rogauit, vt quā diu eam veller esse in corpore, dolorū, quos ipse in hac vita pertulisset, participē facere dignaretur. Id verō præstitit ei Deus, eamq. egregiē afflixit, vt solet charissimos filios suos. Porro cum incremento afflictionū cordis & corporis, multis modis etiā auctus est amor Christi: cuius

Hi: cuius tanta demū vis fuit, vt cor virginis à summo vsq. deorsum crepuerit; ruptisq. vitalibus venis, sola vi diuini amoris spiritum reddiderit. Hoc autē tanta diuini amoris vi euenire potuisse, nemini esse debet incredibile, qui sciat, id interdum accidisse, vt quidā vel tristissimo vel lætissimo etiam nūcio accepto animā efflauerint. Meritis enim magnitudine cōstricto corde, aut immodica etiā lætitia dilatato, naturale eius tēperamentū, & vitā cū eo simul amiserūt. Quod ergo terrenorū affectuū vis facit, quid mirū, si diuini amoris virtus plenissimē in cor hominis effusa idem efficiat? Huius autem rei cōplures fuēre testes, qui ibidem affuere, idemq. ipsa virgo testata est, animam videlicet à corpore disunctā fuisse, vidisseq. secreta Dei, quæ nullis possint verbis enarrari: vidisse gloriā Sanctorū, & pœnas peccatorum, tā apud inferos, quā in locis purgatoris prorsus inexplicabiles: quarum minima tāta sit, vt, si eā viderent homines, decies potius mortē essent appetituri, quā illam vellēt perpeti vel vno die. Durauit autē hæc animæ à corpore separatio ad horas quatuor; tandemq. voluit Dñs vt ad corpus denuō rediret, & ea quæ vidisset, hominibus patefaceret, pro illorumq. salute laboraret: sicque reddita est vitæ, non absq. summo dolore, quod ab illa luce ad has tenebras & vitam miseram redire oporteret: cui vbi se sensiti restitutam, tribus diebus & noctibus fleuit continenter. Et ne quisquam putet res vanas nos referre, nouerit, eo tempore quo sancta virgo animā efflauit, quatuor ei affuisse fratres Dominicanos; defunctam autem penē omnes vicinas vidisse, & vtriusque sexus notos permultos. Ex fratribus autem quatuor, vnus Ioannes, cūm vidisset eam spiritum reddidisse, incredibili dolore percitus in tantos prorupit eiulatus, vt rupta arteria multū sanguinem vomeret, idq. tam crebrò, vt de eius vita desperaretur. Tum verò F. Thomas, sanctæ virginis cōfessarius, cūm ingenti fide dixit fratri Ioanni: Scio hanc virginem magni esse meriti apud Dominū: admoue igitur sacras manus eius huic horrendo vulneri tuo, & haud dubiè curaberis. Fecit hoc ille coram omnibus, & repentiē sanatus est. Hoc igitur diuino lumine sancta virgo irradiata, tanto ardore animarū salutem sitiebat, vt instar Apostoli Pauli anathema pro fratribus fieri optaret. Sic enim quidam eam in ecclasi positam ad Dominum orantē audierunt: Mī Domine, quoniam modo ferre potero, vt, qui ad imaginem tuā formati sunt, in æternum pereāt? An non in maiorem gloriæ tuæ cumulū cederet, vt, salua charitate, ego sola perirem, corporisq. mei obiectu aditum ad inferos obstruerem, omniaq. gehennæ tormenta perferrem, quā vt tot animarum millia à beatitudinis tuæ consortio excluderentur? Huic autem petitioni (vt ipsa postea confessario suo reuelauit)

Dominus

Rom. 9.

Dominus respondit, nullo modo fieri posse vt charitatis locus apud inferos esset. Tantam enim charitatis vim atq. potentiam esse, vt magis ipsa gehennæ flammæ extingueret, quàm ab eis ipsa lædi posset. Hæc autē sanctæ virginis petitio satis declarat, quo ardore illa animarum salutem sitiret, & quo animi aestu atque dolore earum mortem lamentaretur. Hanc igitur mentem, hunc affectum humanæ salutis amator Dominus illi immisit, vt tanto ardentius animarum saluti vacaret, quanto flagrantiori salutis earum desiderio aestuabat.

*Nota*

Quantus autem animarum fructus inde fuerit consecutus, eius vitæ scriptor Raymundus exponit his verbis: Quis narrare sufficiat, quot sceleratos homines ab ipsis inferorū faucibus extraxerit: quot obstinatos ad sui cognitionem adduxerit: quot mundo huic deditos, ad eius contemptum induxerit: quot variis diuexatos tentationibus è Satanæ laqueis liberauerit: quot caritus vocatos per virtutū iter deduxerit: Si cuncta corporis mei membra verterentur in linguas, nequaquam tantum hunc animarum fructum explicare possent. Vidi ego nonnunquam vel mille, & eo amplius vtriusque sexus homines ad eam videndam & audiendam confluere, soloq. eius aspectu ita ob sua malefacta animo compunctos, vt lugentes properarent ad cōfessionarios (de quorum numero ipse eram) qui cum ingenti contritione peccata sua confessi sunt: & id crebrò contigit. Quam ob causam Gregorius, eius nominis vndecimus Romanus Pontifex, mihi & duobus sociis eam dedit absoluendi facultatem, quam Episcopi habent. Et certè multi venerūt ad nos immanibus implicati facinoribus, qui vel nunquam fuerant confessi, vel nunquam pœnitentiæ Sacramentum ritè perceperant. Itaq. nō rarò vsque ad vespertinas preces ieiuni perinātimus, nec tamen audire potuimus omnes cōfiteri volentes, sed virgo sancta sine intermissione orabat, & ita victrix, capta pręda, exultabat in Dño.

Quid igitur ex his, quę hæten⁹ dicta sunt, sequitur, fratres? Multa sanè, quæ prudens atq. pius auditor ex hac nuda narratione elicere poterit. Sed illud in primis, vt intelligat, quo ardore humanæ salutis auctor, animarū, quas ipse sanguinis sui pretio redemit, salutem sitiat: qui hanc virginem tot modis instruxit, vt animas, è faucibus draconis ereptas, auctori suo restitueret. Deinde hoc eodem argumento facit quisq. intelligere poterit, quanta cura & studio animæ suæ salutem curare debeat, cum videat hanc virginem, vbi piorum gloriā, & damnatorum pœnas inspexisset, vsque adeò salutis earum desiderio exarsisse: vt corporis sui obiectu inferorum ostium obstrui concupierit, idq. à Dño ardentè postulauerit, ne quis fidelium eò deicenderet. Quo ergo studio suæ quisque salutis curam agere debet, qui

hanc



hanc virginem cernat alienæ salutis gratia gehennæ tormenta (salua tamen charitate) propter eam perpeti voluisse? Ex his etiam colligere licet, quàm grati Deo sint, qui pro sua quisq. facultate & vitæ cōditione errantes ad veritatis viam reuocare, & stantes confirmare contendunt: quamq. contrā inuisi ei sint, qui toram cæcis offendicula ponunt; hoc est, qui prauis exemplis & consiliis, qui blandis adulationibus, fallacibusq. & subdolis promissis, infirmas proximorū mentes ad flagitia inducere cōnātur. Tales enim, vt Satanæ ministri & cooperatores, vt Christi hostes, & Antichristi membra, eos sequentur in pœnis, quorum vestigia in vita secuti sunt.

Postremò ex his quæ de virginis laudibus, clarissimisq. virtutibus dicta sunt, admirandam diuinæ gratiæ potentiam atque virtutem animaduertere licet: cuius vi Catharina virgo singularem hanc incōparabilemq. sanctitatem adepta est: quæ tanto est mirabilior, quanto ea pluribus paternæ domus impedimentis magis premebatur. Si enim aut in monasterio virginum Deo dicatarum vitam ageret, aut priuatis parietibus inclusa secum sola habitaret, secumq. viueret (quod vitæ genus nonnullæ feminae sectatæ sunt) non adeò mirum esset, eam ad hunc adeò sublimem sanctitatis gradum peruenisse; at in propria ciuitate, in paternâ domo, eaq. paterni officij negotiis exposita degentem, & inter parentes ipsos, virginem ab intentionis & abstinentiæ suæ proposito ad laxiorem vitam reuocantes, agentem, inter perstreptentes famulos atque germanas, & inter vicinos ac notos (quibus paternæ domus ostium semper patebat) potuisse sic vitam instituere, sic carnis macerationi, diuinarumq. rerum contemplationi se totam dies noctesq. impendere, quasi longissimo intervallo ab his omnibus abesset, & solitariam in deserto vitam ageret: hoc verò omnem superat admirationem, mirabilemq. diuinæ gratiæ potentiam declarat. Hæc autem res, fratres, partim socordiam nostram arguit, qui hoc tanto diuino munere (quod omnibus in promptu positum est) vti nolumus; partim causam improborum apud supernum iudicem (qui in omnes fideles gratiæ suæ opes effundere paratus est) inexcusabilem reddit; partim pios in instituta pietate confirmat, & currentibus calcar addit, cum hoc tantum diuinæ gratiæ munus sibi quoque propositum esse intelligāt, quo instructi, & diuinis præceptis obtemperare, & mundi gloriam spernere, & carnem spiritui subijcere, & serpentis antiqui dolos & insidias euadere possint. His enim monstris superatis, omnibus pietatis & iustitiæ cultoribus ad sempiternam beatarum mentium felicitatem aditus patet.

## IN EODEM FESTO SANCTÆ

CATHARINÆ SENENSIS, CONCIO TERTIA:

in qua admiranda priuilegia & beneficia, quę in hanc sanctissimam virginem Christus Dominus contulit (quibus immensas bonitatis suę opes declarauit) referuntur.

THEMA. *Quàm bonus Israël Deus his qui recto sunt corde!* Psal. 72.



HEC Prophetę verba quę nunc proposui, fratres, parum fortasse beatissimę virginis Catharinę dici festo accommodata videbuntur, sed paulo post tamen cū singularia priuilegia & beneficia quę in eam Christus Dominus contulit, exposuerimus (quibus immensas bonitatis & charitatis suę diuitias, non in ea solum, sed in omnibus etiam qui simili cordis rectitudine & puritate præditi sunt, declarauit) facillē videbitis, ea nō temerē huic sanctissimę virginī accommodata fuisse. De hac igitur ineffabili Dei nostri bonitate, quā & in electis omnibus, & in hac præcipuē sanctissima virgine vsus est, sermonem hodie instituere decreui, vt hoc exemplo fideles intelligant, quid de tanta bonitate sibi polliceri atque sperare possint, si simili cordis puritate & rectitudine fuerint exornati. Vt autem hoc argumenti genus pro dignitate tractare possimus, cælestem opem, sacratissimę Virginis matris interuentu, suppliciter imploremus.

## A V E M A R I A.

Cū sint, fratres charissimi, infinitę propemodū causę, quę nos ad cōmunis Domini cultum & amorē incendār; nulla sanē efficacior & potentior est. quā quę immensa & infinita eius bonitate cōtinetur. Quamuis enim qui nōdum eā experiendo cognouerunt, magis aut cælestis præmij spe, aut gehennę metu (vigente adhuc in illis amoris proprii vi) ad hoc excitentur; tamen vbi iam in virtutis officio progressi, quendam eius gustum atque suauitatem perceperunt, multo magis hac vna re, quā quibuslibet aliis, ad eius amorē impellūtur, ita vt dicere iam cum Apostolo quodāmodo possint; Et si cognouimus Christum secundum carnem, sed nunc iam nō nouimus. Tales enim magis huius bonitatis intuitu, quā præmij spe, aut pænæ metu aguntur. Hinc elegāter D. Bern. Verus, inquit, amor de spe vires non sumit; & tamen dissidentię damna non sentit. Quibus verbis vt sanctus ostendit, eos, qui plurimū in Dei amore profecerunt, vsque

Cor. 5.

Bernard

vsque adeo immensæ bonitatis eius pulchritudine capros esse,  
 vt vel ea solū ipsos ad omnia pietatis & religionis officia sic in-  
 cendar, vt, etiam si nulla eis cōstituta esset merces, nihil tamen  
 de solito pietatis & deuotionis obsequio remitterent. Vt enim,  
 teste Ioāne, perfecta charitas foras mittit timorē; (eū uidelicet,  
 qui pœnæ metu homines in officio continet) ita simili ratione  
 lucri cupiditatem excludit, quia qui Deum perfectō amore dili-  
 gunt, non spe aut metu, sed immensē illius bonitatis amore du-  
 cuntur: Sui enim amore a se (quatenus in hac vita licet) abdica-  
 to, nō se ipsos, sed immensam diuinę bonitatis pulchritudinem  
 contemplantes, quidquid illi ingrātū est, summo odio detestan-  
 tur; & quidquid grātum & placitum est, flagrantissima charitate  
 prosequuntur. Nec ideo tamen ij mercede carēt, quoniā ā mer-  
 cedis intuitu oculos auertunt; imō verō, quo minūs in mercedē  
 oculos intendunt, eo maiori mercede donantur: quia purius at-  
 que sanctius Domino boni operis sacrificium offerunt. Hinc  
 idem Bern. Charitas, inquit, mercenaria non est, & tamen sine  
 mercede non est. Neq. verō cuiquam aut mirum aut incredibile  
 videatur, hoc animo ac mente sanctissimos viros fuisse, cū in  
 ethnicis etiam Philosophis quandam huius rei vmbra videre  
 liceat: sic enim apud Ciceronem legimus: Nobis persuasū esse  
 debet, si deos hominesq. celare possimus, nihil tamen avarē,  
 nihil iniustē, nihil libidinosē esse faciendū. Hōesta enim bo-  
 nis, non occulta quæruntur. Si hoc igitur tanto odio ethnici ho-  
 mines peccatū, ob eam solū deformitatē quæ in ipso est, pro-  
 sequuntur, tantoq. amore honestatem diligunt; quid eos facere  
 par est, qui, singulari diuini Spiritus luce & beneficio, incōpre-  
 hensas diuinę bonitatis opes contemplantur, & earum intra se  
 velut quasdam primitias perceperunt? Cū autem omnia quæ  
 cælo, terra, mariq. continentur, clarissimis naturæ vocibus im-  
 mensam diuinę bonitatis gloriā prædicent atque testentur;  
 res tamen gestæ Sanctorum, & vita innocentissimē acta, & cla-  
 rissima dona illis à diuina largitate cōcessa, hoc ipsum maximē  
 declarant. Si quis enim Sanctorum vitas attentius legerit, inue-  
 niat planē tantam huius bonitatis significationem, tantas diui-  
 nę benignitatis & gratiæ opes, tot illis & viuīs, & vita functis,  
 ac posteris etiam eorum honores exhibitos, vt tantæ bonitatis  
 & benignitatis magnitudine stupefactus clamare cum Prophe-  
 ta cogatur: Quā bonus Israël Deus his qui recto sunt corde: psal. 72.  
 Quod si cui nimis longum videtur per Sanctorum vitas oculos  
 circumducere, breue hoc illi compendium monstrabimus:  
 In vnam Catharinam Senensem oculos intendat, in quam tam  
 præclara dona & beneficia celestis sponsus contulit, tantam-  
 que in eius mente excolenda, & virtutibus cunctis exornanda,  
 bonitatis

Bernard.

Cicero 3.  
Offic.



bonitatis & charitatis suæ significationem dedit, vt hoc vno exemplo eruditus, in maximam immensæ bonitatis huius admirationem stuporemque adducatur.

Sed quoniam adeo noua & insolita sunt quæ in hac virgine Dominus operatus est; ne cui tantarum rerum nouitas fidem adimat, meminisse debet, non semper vno eodemque modo auctorem gratiæ, Deum, gratiæ suæ opes Sanctis suis dispensare solitum fuisse. Ad infinitam quippe sapientiam & magnificentiam eius pertinet, vt multis variisque modis suam erga fideles amicos suos

Theod.  
in histor.  
religiosa.  
simile.

gratiâ & charitatē ostendat. Recte enim Theodoretus, Quem admodum, inquit, noui Reges nouis imaginibus & figuris monetam insculpi ætate sua præcipiunt (quo fit, vt multorum Regum sibi inuicem succedentium maximè variæ imagines atque monetæ sint) ita sempiternus ille seculorum Rex, pro variis ætatibus varia sanctitatis genera esse voluit, variâque gratiæ suæ dona atque munera Sanctis suis impartitus est: quod facillè exempla sequentia declarabunt. Quid enim, quæso, mirabilius, magisque nouum (vt ab hoc antiquissimo exemplo ordiar) quam summa illa Dñi cum Moyse familiaritas, per quam non semel atque iterum, sed quoties vir sanctus volebat, facie ad faciem, velut amicus cum amico, cum Deo loquebatur? Nec minùs nouum

Exod. 35.

Exod. 34.

1. Cor. 12.

Num. 26

Ador. 3

Theod.

illud, quod in monte positus, quadraginta diebus sine cibo, sine potu, sine somno cum eodem Domino, solo diuinæ suauitatis colloquio atque conuictu refectus, permansit. Quid magis nouum aut insolitum, quàm Pauli raptus in tertium cælum, cui & Deum videre, & ineffabilia arcana contemplari datum est, & in illo itinere datum, quo ad deuastandam Ecclesiam profectuscebat? Dathan & Abironem viuos terra deglutit, & ad inferos transmisit, quod aduersus Moysen, Dei famulum, rebelles extiterint: Paulus autem, qui furiis inuectus, toto pectore Dei Filium persequebatur, non ad inferos cum illis detruditur, sed in paradysum rapitur, & ad diuinæ visionis gloriam eleuatur. Quis igitur inter mortales hoc aut sperare, aut suspicari potuisset? Quid magis nouum, quàm quod Apostolo Petro concessum est? cuius vel sola corporis vmbra, quoscumque morbos attingisset, depellebat? Iam verò quis non beatissimæ Mariæ Magdalenæ vitam miretur, quæ in Marsilia rupe tribus ac triginta annis sine cibo potuque permansit, septiesque in die Angelicis manibus in altum sublata, eorundem Angelorum choros diuinæ laudes concinentes audiebat? Atque vt ad inferioris ætatis exempla veniam; quid mirabilius, minusque consuetum, quàm beati Simeonis Strilitis vita, quâ Theodoretus, insignis auctor, in historia religiosa scripsit; cuius etiam oculatus testis, & sancti viri amicus extitit? Is igitur octo & viginti annis in columna

lex

sex & triginta cubitis à terra eleuata, omnem celi & aëris inclementiam & intemperiem sustinens, sine vlllo tegumento transiegit; quodq. mirabilius est, totidem annis, toto Quadragesimæ tempore ieiunus, sine vlllo cibo atque potu permanfit. Hac autem adeo noua & insolita viuendi ratione vniuersum orbem in tantæ rei admiratione impulsit, & ad nouum illud spectaculum videndum excitauit: cumq. omnes qui variis morbis infecti essent, sanitatis beneficium ab eo perciperent, non corpore solum, sed mente etiam sanabantur: & infideles etiam atque barbaræ nationes, tantæ rei cõsideratione stupefactæ, pristino errore repudiato, ad Christi fidem conuertebantur. Ad hæc, quis non miretur nouum illud viuendi genus quod beatus Alexius, Spiritu sancto instigante, elegit, qui decem & octo annis in paternæ domus angulo vitam egit, multas & graues seruorũ suorum iniurias perferens: quem nec patris gemitus, nec matris lacrymæ, nec amantissimæ sponsæ solitudo, nec paternæ domus opulentia (quam coram aspiciebat) tam longo spatio flectere potuerunt, vt extremam illam mendicitatem atque inopiam cum paternæ domus opulentia commutaret? Cuius ergo virtutis fuit, tam paratas ac promptas paternæ domus opes sponte sua tam diu repudiasse? Nec hoc loco magnũ illud diuinæ gratiæ opus silentio prætereundum est, quo beatissima Catharina martyr, annos nata decem & octo, quinquaginta summos Philosophos, ex diuersis mundi regionibus aduectos, vna disputatione sic ad Christi fidem conuertit, vt pro ea mori non dubitarent. Quis igitur non videat, omnia hæc exempla, quæ breuiter attigimus, noua esse, & præter communem diuinæ gratiæ cursum ordinemq. à diuina Sapiencia mirabiliter excogitata? Hac enim ratione diuinæ sapientiæ atque bonitatis opes magis elucet; quæ iam pridem inuentis minimè contenta, alia atque alia quotidie gratiarum genera ad sui nominis & sanctorum suorum gloriam excogitare potest.

His exemplis, fratres, arbitror vos his quæ dicturi sumus (quamuis prima fronte incredibilia videantur) fidem adhibebitis. Quod vt libentius faciatis, hoc vno exemplo, quid de huius virginis excellentia vobis iudicandũ sit, breuiter indicare curabo. Paulus Apostolus in 1. ad Timoth. epistola, se in exemplar diuinæ patientiæ & misericordiæ datum mundo fuisse ait, vt in eo primum ostenderet Christus Iesus omnem patientiam, ad informationem eorum qui credituri essent. Verè enim hac adeo stupenda Pauli conuersione Christus Dominus, quousque diuina misericordia pertingeret, non obscure declarauit, quando immanissimum Ecclesiæ persecutorem, nullis præcedentibus meritis, immò verò summum supplicium exigentibus, ad tan-

tam subito extulit dignitatem, non modò vt Apostolus ex trulentissimo hoste fieret, sed in paradìsum raptus, arcana illa atque ineffabilia mysteria contempleretur. Quanta ergo illa misericordia fuit, quæ hucusque peruenit? Certè post ineffabilia Dominica incarnationis & Eucharistia mysteria, in quibus misericordiæ suæ viscera testatissima esse mundo Deus voluit, non video maius diuinæ miserationis argumētum, quàm quod in hac Pauli conuersione declaratum est. Vt ergo Christus Dominus misericordiæ suæ in Paulo; ita in hac virgine charitatis & amicitia, qua Sanctos suos prosequitur, exemplar constitutum esse voluit. Quemadmodum enim ludimagistri, qui scribendi formam pueris tradere volunt, elegantissima litterarum exemplaria in loco vrbis edito suspendere solent, vt eorum in hac arte peritia omnibus addiscere volentibus conspiciat: ita summus ille animarum sanctarum amator, quibus eas oculis intueatur, qua charitate diligit, quibus fauoribus prosequatur, qualem earum curam & providentiam gerat, quibus eas & in vita & in morte honoribus afficiat, quibus eas deliciis, in hoc etiam exilio agentes, recreet atq. reficiat, admirandis beneficiis in hanc virginem collatis voluit declarare, vt eius videlicet exēplo pij omnes, quid sibi ab hoc fidissimo animarum Spōso polliceri atque sperare possent, intelligerent.

## I.

His ita constitutis, nunc virginis laudes, imò verò stupenda Christi munera explicare incipiamus: vestrum autem erit ea iustis ponderibus librare, ne, si nos in his amplificandis fuerimus immorati, tēporis inopia multa scitu dignissima prætereamus. Igitur postea quàm virgo sanctissima ab ineunte ætate ieiuniis, vigiliis, orationibus, & arctissima silentij custodia, & severissima corporis sui castigatione, cæterisque sanctis exercitiis, & misericordiæ operibus, dignum se cælesti Sponso habitaculum præparasset, & cor suum ab omni terreno affectu purum & integrum conseruasset, & carnem item suam ab omni impura labis contagione defecatam, velut spirituale tympanum, in quo laudaret Dominum, effecisset; non distulit cælestis Sponsus castum sibi domicilium in eius anima deligere, eamque sibi sponfam arctissimo charitatis vinculo copulare.

simile.

Quemadmodum autem in arboribus ante fructus præcedere flores solent; ita ante cælestia dona, eorum donorum ardentia desideria attingere solent. Immisit ergo Dominus in mentem eius flagrantissimum hoc desiderium perueniendi ad perfectum fidei gradum. Itaq. cum Apostolis orabat: Domine, adauge mihi fidem, eamque adeò in me perfice, vt nulla possit aduersantium hostium vi concuti vel prosterni. Cumque sæpe oranti illi, sæpe etiam

Lucæ 17



etiam responderet Dominus, Desponsabo te mihi in fide: tandem pridie eius diei quo sollenne ieiunium Quadragesimæ incipitur (quo tempore seculi homines ventri & gulæ se totos addicunt, atque omnes intemperantiæ habenas laxant) illa se in cubiculum suum includens, ardētissimè eam, quam diximus, fidei perfectionē à Domino postulabat. Et quia verissimè à Propheta dictum est; Delectare in Domino, & dabit tibi petitiones cordis tui: tandem orāti illi, & promissa à Domino fidei sponsalia instanter atque suppliciter postulanti, ecce fidelis in promissis suis Christus Dominus ad virginem venit, ut eam sibi in fide, quam postulauerat, desponderet. Ut autem tanti Principis sponsalia solemnī ritu celebrarentur, testesque tanto festo digni adessent, beatissimam Virginem Matrem, dilectissimumque discipulum Ioannem, & Paulum Apostolum, cum beatissimo Patre Dominico secum duxit, quos deinceps ponē sequebatur egregius Psalter David, psalterium in manibus gestans, cantumque dulcissimo nouam Christi sponsam cælesti melodia exhilarans. Tunc autem beatissima virgo Maria nouæ sponsæ dexteram prædens, eamque versus filium dirigens, inenarrabili quadam gratia à dulcissimo filio postulabat, ut purissimam illam virginem in fide sibi desponsaret. Tunc idem Filius lærissimo vultu Catharinæ dexteram apprehendens, aureum anulum, quatuor pretiosissimis margaritis, & fulgentissimo adamante adornatum, in annularem virginis digitum immittens, Ego, inquit, Creator & Saluator tuus, te mihi in fide despondeo: quæ quidem fides ab hac hora immota permanebit, donec in cælesti thalamo mihi perfectissimè cōiungaris, vbi hæc spōsalia cælestibus nuptiis perficienda & consummanda erunt, vbi immensam pulchritudinem meā facie ad faciem cōtemplaberis, eaque perpetuò frueris. His dictis, cælestis Sponsus, & gloriosus ille Sanctorum chorus abcessit, virginem relinquens tanta lætitia completam, quantam nulla humana facundia poterit explicare.

His igitur sponsaliis tanta solemnitate celebratis, quid iam incredibile de hac virgine prædicari poterit, quæ vnicū Dei Filium, & omnipotentem Deum, in dilectissimū sponsum habere meruit; cum legitimi matrimonij ea lex sit, ut sponsi opes & facultates, & regia dignitas, mutuusque amor vtrique communia sint: Itaque post hæc cœpit Christus cum ea tam familiariter versari, tamque frequenter illi apparere, ut propè fidem vincere videatur; sed illis qui nondum gustarunt quam suavis & benignus sit Dominus Iesus. Manebat etiā diutius solito cum illa, & interdū beatissimā Matrem suā secum adducebat, & alios Sanctos: sed ut plurimum solus ad eam veniebat, loquens cum ea

Prou. 8.

amicissimè, idque adeò, vt non raro cum illa pariter dicerto Psalmos. ambulans cum ea huc atque illuc in cellula. Hæc fortassis quibusdam videbuntur incredibilia, sed meminerint quàm familiariter idem ipse Dominus olim in terris vltra triginta annos, etiam cum impiis & peccatoribus, vixerit: meminerint quæ ex eius persona dicantur in Prouerbiis Salomonis: Deliciæ meæ esse cum filiis hominum: quanquam negari non potest, eximium, & re vera singulare fuisse, quod hac in parte huic à Deo singulariter dilectæ virgini præstitum fuit. Hæc igitur prima virginis dignitas.

Sequitur alia præcedenti consentanea gratia, nec minus tamen mirabilis. Quadam die vehemētissimi amoris vulnere virgo fauciatâ, instantè à Domino petebat, vt à se cor suum & omnem propriam voluntatem radicitus euelleret, vt omnibus in rebus, siue lætis, siue tristibus, sine vlla tergiversatione se illi obsequentem atque morigeram præberet. Videbatur autem illi sic orâti in visione venire Christus, & latus eius sinistrum aperire, ablatoque corde recedere. Et reuera non potuit illa aliud sentire, quàm se corde destitutâ. Cum id autem diceret suo confessorio, ille deridebat eam. Durauit hoc aliquot dies; & ecce illa è sacello Ecclesiæ Dominicanorum Senensium quadam die exire volente, cum multa luce apparuit ei Dominus, ferens in manu cor quoddam rubicundum & illustre, propiusque accedens, illud in sinistrum virginis latus imposuit, dicens; En, filia mea charissima, habes pro corde tuo cor meum: clausitque latus eius. Sed ne putaretur hoc inane phantasma esse, illo in loco ciuitrix permansit, quam sociæ eius se vidisse sæpe testatæ sunt. Hinc factum est, vt, quoties sancta virgo cor suum Domino commendaret, non, Cor meum, sed, Cor tuum tibi Domine commendo, diceret.

Quid autem ex hac adeò stupenda cordis mutatione fuerit consecutum, facillè quisque poterit diuinare. Non enim rerum omnium conditor hac mirabili ratione tam diu apud se cor illius retinere voluit, nisi vt illud ardentissimo amore, & gratiarum omnium affluentia repleret. Cuius rei eadem sancta virgo certissima testis est, quæ incredibilem charitatis ardorem in corde suo sentiebat. Ex hoc autem ardore, dicebat illa confessorio suo: Exiit quædam in anima mea renouatio puritatis & humilitatis, ita vt videar mihi rediisse ad ætatem quatuor vel quinque annorum: tantus quoque inde in me accenditur amor fraternus, vt non solum libenter, sed etiam hilariter pro quouunque proximo velim mortem oppetere. Et hæc quidem sancta virgo non nisi confessorio suo clam dicebat; cæteros, quantum poterat, celabat.

Quam-

Quamuis autem ea, quæ diximus, maxime miranda sint, mirabilis tamen est quod modo referā. Testatur enim obseruandus Pater Raymundus, sacram se communionem Pisis in Ecclesia S. Christinæ, virginis præbuisse: cumq̃. morte suo diu mansisset in ecstasi, ipsum cum aliis expectasse; donec ad se rediret, subitoque ipsis cernentibus corpusculū eius, quod iacebat prostratum, se erexisse paulisper in genua, sicq̃. brachia extendisse, facie rutilante, diuq̃. ita permanisse, sed planè rigidū, & oculis clausis, tandem perinde ac si lethali fuisset cōfectum vulnere, repente decidisse, & paulò post ipsam sibi fuisse restitutam. Deinde autem secretò indicasse eam ipsi fide dignissimo Patri Raymundo, Dominum Iesum Christum sub illo raptu, modo admirabili, ipsius corpori quinque vulnera impressisse. Itaq̃. eidē Patri ait, Verissimè scias, Pater, me propter immensam Domini mei misericordiā eius stigmata in corpore meo percepisse. Vidi enim Dominum meum splendidissima luce amictum supra ancillam suam descendere. Cum autem anima mea in eius occursum ardentem festinaret, corpus ipsum subito in sublime exaltit. Protinus autem ex ipsis Domini mei vulneribus quinque sanguinolēti radij emanātes, duo versus manus meas, totidemque versus pedes, quintus autem in dextrum latus recta linea in cor meum directus est. Intellexi autē quid sibi hoc mysterium velleret; & non quidem externa, sed interna mentis voce clamare cœpi: Ah Deus meus: nulla obsecro in corpore meo externa huius beneficij signa permaneant. Vix autem verba finieram, & ecce sanguinolenti radij in splendidissimam lucem commutati sunt; quos sub hac forma in corpus meum excepi. His auditis, Tu, inquit Raymundus, filia, in istis corporis locis dolorem sentis? Tantum, inquit illa, Pater, dolorem sentio, vt, nisi magno Dei miraculo, diu in vita manere non possim. His dictis, sancta virgo domum delata, ad extremum spiritum deduci videbatur. Ego igitur (inquit Raymundus) & socij de eius vita desperantes, eandem vt mortuam, amarissimis lacrymis lamentabamur; utpote qui, ea extincta, piissimam nos matrem atq̃. magistram amisisse lugebamus. Cum autem paulò post ad se reuersa esset, deprecari illā cœpimus, vt ipsa à Sponso suo, propter filios quos in turbulento hoc pelago sine gubernaculo relinquebat, vitę inducias postularet. Cum igitur his verbis, multisq̃. lacrymis hoc ab illa peteremus: Ego, inquit illa, iam pridē omnem meam voluntatem in Domini mei voluntate repositam habeo, nec ab hoc proposito vlla ratione discedere potero; vos autem Dominum deprecamini, vt suam ipse in me expleat voluntatem. Nam, quod ad me attinet, ego propter eius amorem & mori & viuere ex æquo parata sum. Cum igitur omnes magna vi precū



diuinæ misericordiæ viscera pulsaremus, victus tandem misericordiæ parens, sequenti sabbatho non solum acerbissimos, quos virgo patiebatur, dolores sustulit, sed eos contrā in iucundissimam lætitiā commutauit. Nemo autem molestè ferre debet, quòd huic sanctissimæ virgini sacra Domini stigmata concedamus; neque quicquam alicuius Sancti dignitati dedecus inferri putet, quòd eandem Dominus gratiam alteri concesserit. Neque enim Ioannis Baptistæ (qui in matris vtero Spiritu sancto plenus fuit) dignitatem minuit, quòd Hieremias etiam priusquam in lucem ederetur, sanctificatus esse dicatur. Neque enim par est, certis finibus Domini misericordiam ita circumscribere, vt, quæ semel alicui Sanctorum cōtulit, nulli deinceps impartiri debeat, cum liberalissima eius manus (quālibet multa largiatur) minui & abbreviari non possit. Hoc ipsum enim Pius Papa I I. in Hymno apertè testatur his verbis: *Quem latet virtus, facinusq; clarum, Quo nequit dici sanctius per orbem, Vulnerum formam miserata Christi Expressit ipsa.*

Cura autem Dominus voluerit summi beneficii loco & vulnerum suorum stigmata, & acerbissimos dolores amicis suis conferre, illud in causa esse puto, quòd hac ratione incomparabilem charitatis suæ magnitudinem illis voluerit declarare. Summus enim ille dolor, quem in corporibus suis experiebantur, summum Christi dolorem, summumque amorem (à quo dolor ille proficiscebatur) non obscurè declarabat. Quo magis autem hanc tantam vim amoris præsentunt, hoc magis in tanti Redemptoris amore inflammantur. Hac item ratione Sanctos suos honore summo affecit; quando eos non modò in aliis rebus, sed in ea potissimùm quæ maximè sibi gloriæ fuit (nempe in passionis acerbitate) similes efficere voluit. Quo honore quid gloriosius? quid mirabilius? Hoc ipsum tamen animaduertere debent, qui variis calamitatibus, aut morbis, aut inopia premuntur, nempe Dominum electissimis amicis dolores acerbissimos summi beneficii loco præbuisse; ne tales animum despondeant, cum se variis laboribus oppressos videant. Quamuis enim hi stigmata Domini membris expressa non ferant, Apostolus tamen labores omnes quos propter Christum Dominum libenter aut etiam patienter ferimus (quales Apostolus vbique tolerabat) non dubitauit hoc nomine appellare, cum dixit: De cætero nemo mihi molestus sit: ego enim stigmata Domini mei in corpore meo porto. Cuius autem meriti sit voluntaria hæc laborum perpeffio, id, quod modò subiiciam, satis apertè declarabit.

## I I.

Meminisse deberis, fratres, me vobis initio concionis dixisse,  
multa

Pius Pa-  
pa II.

Galat. vi.

multa huic virgini privilegia præter vſitatum ordinẽ curſum-  
que diuinæ gratiæ conceſſa fuiſſe: addã autem nouum & inuſi-  
tatum aliud, quod in maiorem vos admirationem rapiat, quod-  
que, niſi in eo diplomate, quo ſancta virgo in Diuos relata eſt,  
contineretur, referre forſitan dubitarem. Id verò eſt, hanc vir-  
ginem ab initio Quadrageſimæ ad feſtum vſque Pentecoſtes  
(quod trium ferè menſium ſpatium continet) ſolo ſacraſſimæ  
Eucharistiæ cibo victiſſe. Quod ſi hoc mirum vobis videtur,  
addam aliud longè mirabilius (quod eodem etiam diplomate  
continetur) nempe octo annorum ſpatio, ſimili modo, ſine vſlo  
terreno cibo eam permanniſſe, niſi quòd, propter vitandã mul-  
torum offenſionem, ſuccum herbarum coctarum deuorabat,  
quod tamen protinus vomitu, non ſine graui dolore, eiiciebat,  
ſtomacho nullam prorsus concoquendi cibi vim retinente.

Quid autem cæleſtis Sponſus ſibi voluerit, cum hoc adeò in-  
ſolito privilegio ſponſam ſuam donare voluerit, ſolus ipſe ſcit  
qui hoc inſtituit; nobis autem diuinare licet, multis de cauſis  
hoc illum decreuiſſe. Primum, ne ſancta virgo ſumendi cibi  
occafione à contemplationis ſtudio aliquamdiu reuocaretur.  
Deinde, ne vlla terrenæ rei voluptate, quæ inter epulas ſanctis  
etiam hominibus inſidiari ſolet, caperetur. Exinde, quòd hac  
ratione continuam patientiæ materiam (vt mox videbimus)  
virgini ſuppeditauit. Poſtremo, quòd hoc nouo miraculo in-  
æſtimabile Eucharistiæ virtutem hominibus teſtata eſſe vo-  
luit, qua non ſolùm interni hominis, ſed externi etiam vitam  
ea contineri docuit. Ex ipſa enim ſacroſancta Euchariftia tanta  
cæleſtium conſolationum copia in eius mentem dimanabat, vt  
alimento corporeo ſtomachus non modò nõ indigeret, ſed ne-  
que ſupè graui tormẽto illud poſſet percipere. Quòd ſi vim ſibi  
facere veller, cibum ſtomacho reſuſcitantem ingerendo, patiebat  
duriſſimè, nec tamen ſequebatur concoctio, ſed rursus per os  
violenter cibus omnis reiiciebatur. Multa propter hoc propè  
incredibile Dei donũ paſſa eſt ſancta virgo, ab ipſis etiam do-  
meſticis, vt initio non niſi tentatio & impoſtura diaboli puta-  
retur. Erat per id tempus eius confeſſarius Thomas Domini-  
canus, iſque ſuſpicatus eam illud ab angelo Sathanæ, transſi-  
gurante ſe in Angelum lucis, cogebat eam quotidie cibum ca-  
pere. Dicente autem ſancta virgine, ſe re ipſa experiri, melius  
ſe valere cum cibo omni abſtineret; porro eo ſumpto, ſe lan-  
guere & debilitari: ille perſeuerabat in ſententia. Itaque, vt ſe  
veram ſanctæ obedientiæ filiã declararet, totis viribus cona-  
ta eſt facere quod ille iubebat: ſed in tantum corpus omne de-  
fecit, vt parum abeſſet à morte. Tum illi ad ſe accerſito ait:  
Nõne, Pater, ieiunio mi hi interdiceret, ſi me illo coſcici &  
enocari

enecari videres? Illo respondente, se planè interdicturum; subintulit virgo: Cùm ergo iam tones expertus sis, me sumèdo cibum in præsens mortis discrimen adduci, cur non etiam prohibes ne cibum accipiam? Hic ille victus, cernensq. certa mortis indicia in virgine, respondit: Fac sicut Christi Spiritus te docebit: video enim illum in te grandia operari. Nemo neque dicendo, neque scribendo possit consequi, quantum perpessa sit etiam à familiaribus propter eiusmodi rara Dei dona; quæ cùm illi capere non possent, carpere malebant & lacerare, quàm admirari & venerari. Murmurabant, obtrectabant, mordebant: ipsum etiam Thomam cōfessarium eò adigebant inuitum, vt eam reprehenderet. Hinc incredibiles in animo religiosæ virginis angustia nascebantur. Non enim illa aut præcepta sui confessarij negligere, aut proximis præbere offendiculum audebat. Solum ei solatium supererat in orationis refugio. Flebat corâ Domino, & rogabat, vt suam voluntatem dignaretur tum aliis, tum in primis Thomæ confessario indicare. Et sæpe audiebat eam Dominus, & effecit vt confessarius sententiâ mutaret. Vbi autem ad omnium notitiâ peruenit, eam nullo cibo corporeo, nullo nisi aquæ frigida potu vti; omnes penè in eam commoti sunt, & religiosi & seculares; iactabanturque multa in illam temerè, impellente liuido Sarana.

Porro autem sancta virgo interrogata ab aliis cur non instar aliorum cibo vesceretur; mirabili humilitate Dei eximiam gratiam, quasi vltionem peccatorum suorum, interpretari solebat, ita respondens: Deus propter peccata mea raro quodam morbo me percussit, ita vt, quamuis libentissimè velim edere, non possim tamen. Quæso, precamini illum pro me, vt den veniam peccatis meis, quæ sunt causâ malorum omnium quæ patior. Ecce vnde suppetebat non vulgaris sese efferendi materia, inde sancta virgo occasionem cepit de se vilius sentiendi. Caterùm vt omnem infirmis scandali ansam præriperet, statuit quotidie semel cum aliis ad mēsam accedere, & modis omnibus periculum facere, num posset cibum corpori ingerere; sed reuera ipse sumendi cibi conatus, nedum sumptio ipsa, tātum eius corpori tormentum & molestiâ afferebat, vt etiam crudelissimus, quique non posset nō ei ex animo condolere, si coram esset intuitus. Nam quidquid ingerebat corpori, aut per os reici necesse erat, aut atrocissimè eam discruciat, & penè totius corporis inflationes efficiebat. Et quamuis nihil eorum quæ dētibus terebar, præter succum solum, in stomachum delaberetur (nam crassam omnem substantiam exspuebat) & cauere vix poterat quin aliquid succi deglutiret, tum etiam ob refrigerandas fauces & guttur libetèr aquam sorbillaret; attamè quicquid hoc pacto sumpisset,



sumpſiſſet, cogeſſetur quoridie violenter ex imo ſtomacho ex-  
haurire, forniculi, aut alterius herbe virgula per os ad ſtomachū  
uſq. depreſſa: quæ res ei ſummos pariebat cruciatus. Atque hæc  
uiuendi ratione uſa eſt uſque ad mortem, propter eos qui eius  
ieiunio offendebantur. Cum autē reuerendus Pater Raymun-  
dus cerneret quandoque eiſmodi carniſcitiā quam ſancta  
virgo ſubibat, ne inſirmis eſſet ſcandalo, miſeratus eius vicem,  
hortabatur ne ita ſe crudeliter affligeret, ſed potiùs murmura-  
re ſineret, quibus ita liberet; illa ſubridēs, læta reſpondit: Preſtāt-  
ne, Pater, me hoc momentaneo tempore luere pœnas peccato-  
rum meorum, quā dare pœnas ſempiternas? Murmuratores  
iſti valde mihi vtilis ſunt; quia illorum cauſa ego pendo crea-  
tori meo ſupplicia temporaria, cum debeam æterna. An verò  
par eſt diuinæ me iuſtitia ſubducere? Minimè ſanè. Magni be-  
neficii loco ego pono, cum iuſtitia exercetur in me in hac vita.  
Ad hæc nihil habebat Pater ille quod reſponderet: ſed qui hæc  
audit, niſi planè truncus ſit, facile animaduertet, ad quam ſubli-  
mē perfectionis gradum hæc virgo Chriſti perducta fuerit.  
Et ſolebat illa, itura ad mentē, dicere ſociabus: Eamus ad ſu-  
mēda iuſta ſupplicia de hac miſerrima peccatrice. Ita nimirum  
illa ex omnibus tum dæmonum infeſtationibus, tū hominum  
perſecutionibus, aliquid ad ſua lucra, & ſpirituales profeſtus  
adijciebat: eſt quæ hæc eius valde memorabilis ſententia: Si quis  
rectè ſciet vti gratia Dei, ex omnibus quæ ipſi eueniunt, poſ-  
ſet aliquid capere emolumenti.

Nunc igitur ad vos, fratres. Finem principio iungamus. His  
virgini ſanctiſſimæ priuilegiis à Domino conceſſis, facilè intel-  
ligere potuiſtis, quantæ ſint diuinæ bonitatis opes; quā mira  
ac planè ſtupenda erga ſuos charitas, quos tam magnis miriſq.  
beneficiis atque muneribus cumulat & ornat. Hæc igitur cauſa  
(vt nihil eſſet aliud) ad eius nos amorem ſic inflammare debe-  
ret, vt, ſi mille mortes propter illius gloriam obeundæ nobis eſ-  
ſent, libenter eſſent amplectendæ. Hæc itē nos ad ſpem in eius  
benignitate & miſericordia collocandam excitare debet; cuius  
præſidio freti, nō ſolū in omnibus calamitatibus, quibus hæc  
vita reſerta eſt; ſed in periculoſiſſimo mortis tempore (in quo  
de tota æternitate ſerenda ſententia eſt) animum reſumere, &  
ſiduciā concipere poſſimus. Hæc enim ſpe confirmatus D. Am-  
broſius in mortis limine conſtitutus, cum ab eo quidam ſancti  
ſacerdotes poſtularent, vt propter aliorū ſalutē lōgioris vitæ in-  
ducias à Domino peteret, reſpondit: Non ſic inter vos vixi, vt  
me vixiſſe pœniteat; nec mori timeo, quia bonū habemus Do-  
minum. Felix planè qui hoc verè dicere potuit: & nos quoq. fe-  
lices, ſi, immenſæ huius bonitatis amore incenſi, ſic vitam in-  
ſtitua-

Ambroſ.

stituamus, ut in extremo illo mortis agone, qui necessariò nobis subeundus est, idem dicere valeamus. Quæ quidem spes, facibus præsertim amoris inflammata, quandoquidem non pudes facit, nos rectè (nisi quid prius purgatorio igne luendum sit) ad sempiternæ felicitatis, & diuinæ visionis gloriam (quæ bonorum omnium summam continet) felici cursu perducet.

## IN EODEM FESTO B. CATHARINÆ

SENENSIS, CONCIO QVARTA: IN QVA variæ S. virginis virtutes, & eximia priuilegia atque miracula referuntur, quibus immensa Dei bonitas & charitas erga Sanctos suos apertè cognoscitur; cuius cognitio ad eius nos amorem vehementer accedit. Est autem idem argumentum quod superioris concionis, quamuis aliæ hîc virginis virtutes, priuilegia, & dona gratiæ referantur.

THEMA. *Quàm magna multitudo dulcedinis tuæ Domine, quam abscondisti timentibus te! Psal. 30.*



Hieron.

Psal. 30.

IN his quæ proposui verbis, dilectissimi, dulcedinis nomine diuinam bonitatem intelligi debere, testis est D. Hieronymus; qui, vbicunque vulgata editio dulcedinis verbo vititur, ipse ad Hebraicam veritatem, bonitatem, vertit. sic hoc in loco: Quàm magna, inquit, bonitas tua Domine, quam abscondisti, &c. sic alibi; Domine præuenisti eum in benedictionibus bonitatis: vbi nos legimus, dulcedinis. sic & aliis in locis. In his ergo quæ proposui verbis, dulcedinis nomine diuinam bonitatem intelligo; ad quam, quæ dicturus hodie de beata virgine Catharina sum, vos referre omnia vellem. Hanc enim bonitatem singularia virginis huius priuilegia atque miracula maximè testantur, atque ad eius nos amorè magnopere incendunt, qui totius vitæ, Christianæ suæ est, ad quem omnia, quæ dicimus, referre debemus, nisi officio nostro abuti velimus.

Sunt tamen quidam, qui in Sanctorum diebus festis, nō miracula, sed eorum virtutes & præclara facta prædicanda esse dicant; propterea quod hæc nos vel ad eorū imitationē inducunt, vel certè tarditatē & socordiam nostram arguunt, qui tam longo interuallo ab eorum imitatione distamus; at miraculorum  
comme-

cōmemoratio magis ad Sanctorum gloriam declarādā, quā ad vitam nostram instituendam pertinere videtur. Caterū si in miraculis Sanctorum philosophari sciamus, non min⁹ ea nos ad Dei amorē, & pietatis studium, quā eorum virtutes, excitare poterāt. Si enim perspecta diuinæ bonitatis & charitatis magnitudo, qua Sanctos suos prosequitur, ad eius nos amorem vehementer incendit; quantū, quæso, miracula immensam Dei erga suos bonitatem & charitatis viscera prædicant atq. testantur! Quid enim sunt miracula, nisi certissima diuinitatis testimonia, & clarissimæ voces, quibus Dominus eorū laudes & gloriam testatissimam mundo esse cupit; vt mortales omnes summis honoribus eos afficerent, qui, dum in vitiis agerēt, solā Dei laudem & gloriam quæsierunt? Quibus enim facultatē patrādi miracula contulit, eos planē ad diuinitatis suæ consortium extulit. Cū enim omnipotentia diuinæ proprium sit, miracula edere (solus enim qui stabiles naturæ leges fixit, eas quocunque voluerit, flectere potest) efficitur sanē, vt eos, quibus faciēdi miracula potestatē contulit, omnipotentia & gloria suā quodammodo participes effecerit. Quam quidem potestatem non ipsis solum dum viuerent, sed ossibus etiam ac cineribus eorū (quod passim cernimus) contulit. Nec cineribus solum, sed frustulis quoq. vestimentorum eorum eandē potestatem donauit. Quis enim se à diuinæ bonitatis laude contineat, cū videat insanabiles morbos, hoc est, inuolabiles naturæ leges semicinctiis Pauli, & sudariis, quibus narium sordes emungebat, cedere, & eorum dignitatem reuereri? Quodque omnem superat admirationem, iis etiam rebus, quæ Sanctorum cadauera attigerunt, similem potestatem concedere sæpe solet. Hoc autē (vt aliorum Sanctorum exempla silentio prætereā) Catharinæ nostræ contulit. Vt enim in eo diplomate, quo sancta virgo in Diuos relata est, legimus, multis ea salutē fuēre, quæ sacrum eius corpus attigerunt. Inter quos femina quādam graui morbo oppressa, cū propter astantium multitudinem ad sacrum eius corpus, antequam humaretur, accedere non posset, linteolum astantibus dedit, quo virginis corpus tangerent: quod ubi recepit, capitiq. admouit, perfectam confestim sanitatem est adepta. Quanta ergo diuinæ bonitatis significatio est, sic bonos honorare! Quantus etiam virtutis amor, talibus eam præmiis afficere & commendare! Quanta denique erga sanctos suos Dñi charitas, quando summum illud imperium, & potestatem quam ipse diuinitatis iure supra omnes conditæ naturæ leges habet, non modò ipsis contulit, sed eorum etiam ossibus & cineribus, nec his modò, sed eorum sudariolis & semicinctiis: quodque iis omnibus mirabilius est, iis etiam rebus quæ eorum ossa

Act. 10.



ossa & cineres attigerūt? Expendite nunc, quæso, quibus eos in cælo honoribus afficit, qui tantum sudariolis huiusmodi honorem cōtulit. Si igitur nihil est quod mētes nostras magis ad dilectionem inflamat, quàm eximia bonitatis species in oculis & aspectu proposita: quid, quæso, nos magis in conditoris nostri amorem accēdere debeat, quàm immensa eius bonitas his clarissimis argumentis declarata? Quid præterea nos ad virtutis amorem excitare magis potest, quàm quòd eam videmus tātis ab altissimo rerum omnium Dñō præmiis honorari? Hæc autē fratres, eo à me consilio dicta sunt, vt, quoniam nōnulla B. Catharinæ virginis miracula mihi hodie recitanda sunt, intelligatis quōnam modo in iis philosophandū sit; Non enim hoc agimus, vt virginis huius eximiā sanctitatē agnoscamus, sed vt immēsa Dei nostri bonitate, & in suos charitate his argumētis perspecta, in eius amorē magis accēdamur. Ad hoc enim nos diuini Vates inuitat, cū in Sanctis suis laudare Dominum iubet. Quod vt nos piē & religiosē præstare possimus, cēlestem opem, sacratissimæ Virginis interuentu, suppliciter imploremus.

## A V E M A R I A.

Cū omnia Christianæ fidei dogmata (quæ ab inexhausto diuinæ sapientiæ fonte manarunt) omne humanæ intelligentiæ vim superent, tū nihil est quod minus à nobis cōprehendi possit, quàm immensa illa bonitas & charitas, quam erga Sanctos & electos suos Dominus ostendit, & summum illud odium, quo & impium, & impietatem eius detestatur. Cuius rei cū multa & maxima sint argumēta, tum nullū maius est, quàm incarnationis & passionis Dominicæ sacramentū. Si enim quæras, quæ de causa immensa illa maiestas (quæ lucē habitat inaccessibilē) carnē sumere, & se ad abiectissimum crucis suppliciū demittere dignata sit; Apostolus tibi respōdet, cū ait: Dedit semetipsum pro nobis, vt nos redimeret ab omni iniquitate, & mundaret sibi populum acceptabilem, sectatorem bonorum operū. Nihil cogitari maius Dei Filio potest: is autem dedit semetipsum; hoc est, vitā suam acerbissime & ignominiosissimæ morti obrulit, vt peccatum ē mundo eliminaret, & iustitiam ac pietatem stabiliret; atque hac ratione declarauit, quàm immani odio impium & impietate eius detestaretur, & quo dilectionis affectu pium & pietatem eius amplecteretur. Idem etiam illa eiusdem Apostoli verba testantur, quibus viros ad vxorum suarum dilectionem hortatur, his verbis: Viri, diligite vxores vestras, sicut Christus dilexit Ecclesiā, & tradidit semetipsum pro ea, vt exhiberet ipse sibi gloriosam Ecclesiā, non habentem maculam aut rugam. Ruga, quæ in senibus carne & sanguine destitutis inuenitur, delicta insinuat, quæ vocamus omissionis; macula verò,

quæ

Psal. 150.

Tit. 2.

Ephes. 5.

quæ deformitate sua corpus dehonestat, peccata designat commissionis. Significat ergo Apostolus, tam acerbo odio omnis generis lethalia peccata Christum Dominum persecutum fuisse, tantoque amore animæ pulchritudinem, quæ his deformitatibus vacaret, quæque cunctis virtutum coloribus ornata esset, dilexisse, ut non dubitaverit vitam & sanguinem in cruce profundere, ut hoc spirituali sanguinis sui purpurisso animarum pulchritudinem decoraret. Quemadmodum ergo sanctus patriarcha Iacob, ubi Rachaëlis pulchritudinem contēplatus est, libenter annorum septem labores perferre voluit (quin etiam videbatur illi anni pauci præ amoris magnitudine) sic noster Iacob iustissimus veræ pulchritudinis æstimator, tanto eius amore captus fuit, ut non solum quam pertulit crucem, sed multo etiam acerbiorē subire paratus fuerit, ut animas nostras hac spirituali pulchritudine decoraret. In huius autem rei argumentum, quid Dominus Catharinæ Senensi dixerit, hoc in loco referam. Cum enim sancta virgo magna vi precum cuidam femina, animo & corpore egrotanti, peccatorum veniam impetrasset, vidissetque sancta virgo eius animam post mortem inæstimabili decore fulgentem: dixit Dominus ad virginem: *Quis non omnem meritum proferat laborem, ut possit lucrari tantæ pulchritudinis creaturam?* Si ego tanto animarum amore captus fui, ut pro illis redimendis homo fieri, & sanguinem fundere voluerim; quanto magis vos debetis in eam curam incumbere, ne pereant tam speciosæ creaturæ!

Simile.  
Genes. 19

Huius autem charitatis magnitudinem Dominus declaravit, eum ad discipulos dixit: Sicut dilexit me Pater, & ego dilexi vos. Qua enim alia ratione magis huius dilectionis suæ magnitudinem patefacere potuit, quam cum eam immensæ illi dilectioni, qua Pater æternus Unigenitum suum diligit, cōparavit? Quamvis enim multum inter utramque dilectionem intersit, magna tamen eius laus & commendatio est, quod cum immensa illa dilectione comparetur. Hoc est igitur primum diuinæ dilectionis argumentum, quod ex diuinæ dilectionis sacramento sumitur.

Ioan. 13.

Est aliud, quod tum ex diuinarum promissionum, tum ex beneficiorum quæ in Sanctos suos Dominus contulit, magnitudine colligitur: quorum illud sacræ litteræ; hoc Sanctorum historiæ ubique prædicat. Ut enim amor quo nos Deum diligimus, auctore Gregorio, otiosus non est (operatur enim magna ubi est) ita, ac multo etiā minus Dei erga nos amor otiosus esse potest, sed amplissimis promissis & beneficiis declaratur. Qualis enim illa promissio est, Nec oculus vidit, nec auris audiuit, nec in cor hominis ascenderunt quæ præparavit Deus diligentibus se? Et quidem

Gregor.

2. Cor. 12

quidem hæc promissio ad futurâ præcipuè vitâ spectare videtur. Sunt aliæ ad hanc etiâ vitam pertinentes, quæ inestimabilè diuinæ erga pios charitatis significationem præbêt. Quid enim illa promissione maius, Si manseritis in me, & verba mea in vobis manserint: quodeunque volueritis, petetis, & fiet vobis? Magna quidem hæc promissio; sed illa tamen adhuc maior: Amen dico vobis, qui credit in me, opera quæ ego facio, & ipse faciet, & maiora horû faciet; quia ego ad Patrem vado. Et, Quodcunque petieritis Patrem in nomine meo, hoc faciam. His verbis nihil planè humanæ avaritiæ relictum est, quo vltius tendere posset. Iam verò quoties idem Dñs petitionum nostrarum vim & efficaciam, quâ, quicquid petierimus, impetremus, promittit? Tunc, inquit, invocabis, & Dominus exaudiet; clamabis, & dicet, Ecce adsum. Et quasi hoc parum esset, adeo se promptum atque paratum ad suorum vota implenda pollicetur, ut alibi per eundem Prophetam dicat, Eritque, antequam clament ad me, exaudiam eos, adhuc ipsis loquentibus ego audiam.

Cæterum inter magnificentissima Dei promissâ, paterna illa cura & providètia, quam piorû gerit, præcipuè numeratur; quæ flagrantissimâ erga illos charitatem & bonitatem ostendit. Qualis enim illa providentia est quæ ait; Qui vos tangit, tangit pupillam oculi mei? Qualis & illa; Angelis suis mandavit de te, ut custodiant te in omnibus viis tuis. In manibus portabunt te, ne fortè offendas ad lapidem pedem tuum? Qualis & illa, quæ viro iusto promittitur: Cum ceciderit, non collidetur; quia Dñs subponit manum suam? Quid illud quod Saluator ipse discipulis in Evangelio ait, omnes eorum capillos à Deo esse numeratos?

Quæ sit autem harum promissionum dignitas & maiestas, nemo planè assequi poterit, nisi qui earum in se vim fuerit expertus: vel certè qui in Vitis Sanctorum earundè promissionum veritatem diligèter fuerit contèplatus. Nulla enim ratione melius hæc tam ampla & magnifica promissâ, quàm in his fauoribus & beneficiis, quibus Sanctos suos Dominus ornare dignatus est, intelliguntur. Quocirca Sanctorum vitæ harum promissionum velut interpretes quidam & commentarij sunt. In illis enim lōgè clariùs Dei dona videmus, quæ in literis sanctis promissâ legimus. Sumamus, exempli gratiâ, suavissima illa increata sapientiæ verba, quibus ait, delicias suas esse cum filiis hominum. Quis nostrum, quales hæc deliciæ sint, & quousque pertingant, assequi plenè potest? At quisquis legerit quàm mirabili ratione, quibusq. rebus Christus Dominus Catharinam nostram, interueniente piissima genitrice sua, sibi desposuerit, & dato annulo subarrhauerit, & cor deinde ab ea extraxerit, & apud se triduo retinuerit, ac postremò tam familiariter cū sacra virgine

Ioan. 15.

Ioan. 14.

Isaia 58.

Isaia 65.

Zach. 1.

Psal. 90.

Psal. 36.

Matth. 10.

Lucæ 12.

Prou. 8.



virgine verſatus fuerit, vt in cellula ſua decambulans, Dauidicos cum ea Pfalmos recitaretis planè intelliget, quales illæ deliciae ſint, & quouſque tãdem perueniant; ideoq. non temere à nobis dictum eſſe iudicabit, Sanctorum vitas eſſe clariſſima diuinorum promiſſionum commentaria. Quamuis autem multa ex his talia ſint, quæ communem hominum fidem ſuperare videntur: ſiquis tamen in ſummum illud redemptionis & amoris opus (de quo ſuperius meminimus) oculos coniciat, facilè videbit, longè minus eſſe quicquid beneficiorum in Sanctos ſuos Dñs contulit, quàm quod pro illis perpeti dignatus eſt. Quid enim propter eos non faciet, qui, vt eos ſanctitatis gratia decoraret, capi, ligari, colaphis & alapis cædi, ſputis illini, flagellis verberari, iriſionis purpura veſtiri, ſpinis coronari, arundine percuti, crucem fractis humeris baiulare, & in ea tandem inter maleficos crucifigi paſſus eſt? Quid ergo pro ſuis non faciet, qui hæc omnia in eorum gratiam pertulit? Quomodo nunc manus contrahet à muneribus largiendis, qui, vt ea largiretur, manus clauis conſigi paſſus eſt? Quid negabit, cum dando nihil amittit; qui, vt daret, vitam ipſam amittere non dubitauit?

Hæc ideo à me tam multis dicta ſunt, fratres, partim vt ſummam hæc piorum dignitatem & gloriam vobis ante oculos ponerem, quo vos ad eius amorem inflammarem; partim vt credibilia vobis facerem, quæ de hac ſanctiſſima virgine Catharina litteris prodita ſunt, quæ multis alioqui incredibilia videntur. Nam & eius conſeſſarij, qui ipſius innocentiſſimam vitam, & incorruptos mores propius cõtemplabantur, ſæpe, propter rerum magnitudinẽ & nouitatem, de ipſarũ veritate & fide dubitabãt. Qua de re quid venerabili eius cõſeſſario Raymũdo acciderit, idẽ ipſe declarauit. Ait enim, ſe initio, cum veniſſet ad eius familiaritatem, multis modis de incredulitate fuiſſe tentatũ, diuq. quadam fluctuatione iactatum, num ea, quæ virgo referebat, à bono vel malo ſpiritu profiſcerentur. Orabat autẽ anxie Dominũ, qui nec fallere poteſt, nec falli, vt ab ipſo dirigeretur. Interim lubrò ei venit in mētem, ſi ſanctæ virginis precibus obtineret à Domino inſolitam quandam, & qualem nũquam eſſet expertus, ob admiſſa peccata cõtritionem, id ipſum fore ſignum euidentiſſimũ, à Spiritu ſancto omnia illius facta profiſci: nemo enim niſi à Spiritu ſancto hunc habere dolorẽ poteſt. Itaq. acceſſit ad virginem, & eam impenſè rogauit, vt ſibi à Domino impetraret veniam peccatorum. Illa hilariter reſpondit, ſe id libentiſſimè facturam. Addente autem Raymundo, ſe non poſſe frui quære, niſi eius veniæ ac remiſſionis certũ obtineret ſignum, nempe magnam quandã & inſolitam cõtritionem: mox ſacra virgo annuit ſe eam illi impetraturam. Abiit is deinde domum,

domum, & altera die morbo laborans decubuit. Eodem tēpote etiam sancta virgo febribus afflictata decumbebat, aitq. ad sociam: Eamus visum Patrē Raymundum, quia malē habet. Illa respondente, non esse necesse, & si maximē foret, se peius illō valere: mox prater morem celeriter cum socia abiit ad illum, aitq. illi, Quid habes Pater? Ille verō prae debilitate agrē quippiam loqui poterat, sed tamen abhibita vi ait, Cur domina huc venisti? peius tibi est, quā mihi. Illa incipiente suo more loqui de Deo, & nostra ingratitude; nonnihil confortatus Raymundus assedit, nihil iam memor hesternae petitionis suae, aut sponſionis virginis: cumq. illa loqui pergeret; oblata est menti Raymundi quādam insolita cōsideratio peccatorum suorū, & quā esset eorum causa sine dubio reus mortis; ē diverso autem subijt eius mentem cognitio bonitatis diuinā, quae eum gratuita bonitate ab ea morte liberaret, ipsamq. mortem in vitam, & ignominiam cōmutaret in gloriam. Sub hac contem-  
platione ille prae multo cordis dolore tantam vim lacrymarum effudit, in eumq. rugitum prorupit, vt timeret etiam cor ipsum & pectus disruptū iri. Id vt vidit sacra virgo, quae ea sola causa venerat, conticuit, vt ille vbertim fleret & singultiret. Interim Raymundo renouata est memoria petitionis suae, & promissionis virginis, vertensq. se ad eam dixit: Estne haec bulla quam heri petui? (bullam enim vocauerat certum signum obtentae veniae) illa respondit, Ipsa est: addiditq. vt memor esset gratiae Dei, & abscessit, illo spei atque laetitiae pleno. Hac igitur hoc in loco referre, fratres, volui, ad eorum fidem faciendam quae de hac virgine sanctissima partim in aliis concionibus dicta sunt, partim in hac etiam dicuntur.

## I.

Atque vt ab eius familiari cum Deo consuetudine exordium capiamus; tota eius vita perpetua quādam oratio fuit. Duas enim horas noctu & interdiu somno dabat, reliquas diuinis colloquiis, & orationis studio impendebat: in qua miris deliciis, spiritualique gaudio cum Sponſo suo ita fruebatur, vt ipsa confessorio suo secretō dixerit; Tantum gaudiū obrinet cor meum, vt vehementer admirer, posse animam meam diu in corpore durare: addebatq. Tantum in corde meo ardorem sentio, vt hic corporeus ignis frigere mihi magis, quā vrere videatur. Denique tanta huius gaudiij & ardoris vis erat, vt frequentissimē omnem illi sentiendi vim adimeret. Cuius gloriae humani generis hostis inuidens, saepe mortem illi hac occasione machinatus est. Accidit enim sanctam virginem quandoque sedere ad multas prunas, & veru cum carnibus assandis versare. Interim cogitabat illa de Sponſo Christo, cuius amore intus ardebat,  
& ecce.

& ecclasm passa, non amplius mouere se potuit. Vidit hoc Lyfa, vxor fratris eius, & intelligens quid pateretur, cepit ipsa versare veru, ac deinde omnia alia eius officia exequi. Durauit autem ea ecclasm diu, donec iam omnes cubitus iuissent. Lyfa autem vigilare decreuit, vt eius rei finem videret: egressaque post longam moram, vt exploraret num sibi esset reddita, vidit toto corpore eam in prunas corruisse. Exclamauit ergo eiulans: Hen, Catharina planè est combusta: accurrensq. velociter, & ab igne eam extrahens, inuenit neque corpus, neque vestes vlla ex parte lasas ab igne, imò nec odorem ignis extare in illis: cum tamen aliquot horis in illo igne iacuisse crederetur. Solebat autem tartareus dæmon, nimis acerbè ferens lucra animarum quæ per eam in diuersis regionibus crebrò fiebant, sæpe eam, multis aspectantibus, Deoque permittente, toto corpore iactare in ignem. Cunctis verò eiulantibus, illa subridens, prorsus illas exhibat ab igne, dicens: Nolite timere; mala tascha hoc fecit: sic enim appellabat diabolus.

Illud verò in hac virgine mirabilius, quòd non modò præ amoris & gaudiij magnitudine omnem sentiendi vsum amittebat, sed interdum etiam vi spiritus sacrum eius corpus à terrâ eleuatum, in aère pendulum manebat. Quæ res non vulgari aliquo testimonio, sed ipsius diplomatis, quo virgo in Diuos relata est, constat: sic enim in eo legimus: Rapiebatur sæpe sancta virgo à spiritu, & in aère suspensa diuinis cõtemplationibus pascbatur; adeò extra se acta, vt expuncta percussaq. nihil omnino sentiret: idque frequentissimè illi contingebat, cum diuinissima reficeretur Eucharistia. Hactenus diplomatis verba.

Quia verò sancta virgo hunc celestem cibum auidissimè frequentabat, multos passa est obrectatores, qui indignum esse dictarent, mulierculam adeò frequèter ad sacrâ Eucharistiam accedere. Veruntamen reuerendus P. Raymundus, sciens eius feruens desiderium, pro viribus dabat operam, vt illa tanto bono, quoties veller, frueretur. Quàdo autem mens eius eiusmodi inflamabatur ardore, dicere consueuerat Patri Raymundo, Pater, ego esurio: propter Deum porrige mihi cibum animæ meæ. Hac etiam ex causâ Gregorius XI. Romanus Pontifex in eius gratiam Pontificio diplomate permisit ei, vt posset apud se habere aliquem quotidie, qui eam absolueret, & sacrosanctam Eucharistiâ ministraret; imò etiam vt liceret ei altare portatile habere, sicque posset vbique Missam audire, & illud eximium Sacramētum sumere. Narrat autem idem Pater Raymundus, sacram virginem sibi hora Tertiarij ab itinere quodâ reuertenti dixisse; O si scires, Pater, quantum ego nunc esurio: ipsum autem facillè intellexisse quid ipsa veller, sed excusasse se à sacrificiâ, tum temporis importunitate, tum itineris defatigatione. Ea



Ea verò iterum dicente, se vehementer esurire, accessisse ipsum ad sacrificandum illa præsente: cumque illi sub finem esset præbiturus Eucharistiam, facie illius instar Angelicæ splenduisse: tum verò se mente ita dixisse, Veni Dñe ad sponsam tuā: moxque sacram hostiam, priusquam eam contingeret, ad ipsam vitro accessisse spatio latitudinis digitorum trium & eo amplius. Quid igitur hac diuina benignitate mirabilius? Quantum puritatis amator in illud purissimum pectus ingredi cupiebat, qui non modò tantum sui desiderium in illo excitauit, sed ipse per se ex sacerdotis manibus ad illud ire properabat?

Alio quidem tempore sancta virgo magno tenebatur sacrae communionis desiderio, sed nimis afflicta illacis, aliisque doloribus, misit ad Patrem Raymundum, sociam suam, quæ rogaret, ut differret nonnihil Missæ celebrationem: Ille libens annuit: sed morbis se non remittentibus, iterum misit sociam, quæ diceret, se non posse præ doloribus sacram communionem percipere. Interim nihilominus, Raymundo nesciente, ipsa venit ad templum ubi ille sacrificium offerebat, & se in extrema ferè templi parte reponens, preces feruentes ad Christum fudit, ut, sicut ipse sacrae communionis desiderio eam affecisset, ita etiam per se ipsum illud perficere dignaretur. Pergit Raymūdus lōgo ab ipsa intervallo offerre sacrificium: ubi autem ventum est ad sacram hostiam frangendam, quædam pars magnitudine ferè vnius fabæ, diligēter aduertente Raymundo, exiit vitra calicem in corporale, sed eam ille nulla ratione, cum diu multumque postea quæsisset, inuenire potuit. Quamobrem valde anxius tandem ad sanctā virginem peruenit, & ab illa didicit, eam particulā ex ipsius Christi sacrosanctis manibus sese percepisse. Quid hoc in loco prius mirari debeam, fratres, prorsus ignoreo: an immensam illam Domini Saluatoris benignitatem, qui hac tam noua & insolita ratione se ipse suis manibus sponsæ suæ tradere, & Sacramenti sui minister effici dignatus est; (cum præsertim non deesset sacerdos, qui illud ministraret) an tantam illam virginis de eius immensa bonitate fiduciam (ne audaciam dicam) quæ hanc nouam communionis gratiam petere ausa est? Quantum ergo sancta virgo sibi de diuina bonitate pollicebatur? Quos diuinæ familiaritatis & suauitatis obseides intra se receperat, quæ hoc tantum ab ea petere non dubitauit! Quid indulgentius, imò verò quid audacius creatura à Creatore suo poterat postulare? Verum hoc tantum munus ad immensam Dei bonitatem atque suauitatem reuocandum est, quæ hanc virgini mentem immisit, ut fidenter ab ipso tantum hoc donum postuleret. Qui enim fieri poterat, ut mens humana hanc tantam de summo illo rerum omnium Conditore fiduciam, nisi ab ipso præuenta & excitata, conciperet? Summus

ergo

ergo ille puritatis & sanctitatis amator hac mirabili ratione incomparabilem erga puras & simplices mentes bonitatem atque dulcedinem voluit demonstrare; quæ tanta est, ut nulla ratione comprehendi, ac multo minus vlla oratione possit explicari. Ingenue fateor tarditatem & infantiam meam: nulla enim verba prorsus inuenio, quibus hanc tantam diuinæ bonitatis & charitatis dulcedinem patefacere valeam. Quicquid enim lingua profert, aut calamus scribit, longè minus est quàm quod cogitatione animus comprehendit. In rebus quidem humanis cum videmus homines ob flagrantissimum alicuius creaturæ amorem propè ad insaniam redigi, dicere solemus, eos veneficiis & philtro esse de mente deductos; atque ita vim amoris, quo insaniunt, explicamus. At cum nefas sit, tale aliquid de immensa illa bonitate cogitare, quam tamen videmus incomparabili dilectione, mirique fauoribus puras suorum mentes prosequi; nihil habemus quod dicere valeamus, nisi quod ille, qui infinitè bonus, imò ipsissima infinita bonitas est, inæstimabili amore castas mentes prosequatur, quas bonitatis & sanctitatis seipsam imagine, ipsius manu perpolitas & decoratas cernit: seipsum enim in illis diligit. Quam dilectionis vim (ut initio diximus) acerbissimæ mortis supplicio declarauit: quo minis mirandum est, si manibus suis Catharina sponsæ seipsum præbuit, qui sanctissimas manus suas pro illa clauis configi passus est. *Quis* igitur, cum hæc audit, non cum Propheta clamet; Quam magna multitudo dulcedinis tuæ Domine, quam abscondisti timen- Psal. 39.

Quanta verò luce, quo spiritus gaudio, quo charitatis ardore sanctæ virginis mens compleretur, cum sacram sumeret Eucharistiam, cælestique Sponso per huius Sacramenti virtutem coniungeretur; illud argumento est, quod (quemadmodum paulò antè diximus) ubi eam accepisset, ecstasim mentis duabus, & interdum tribus horis patiebatur. Ecstasim autè Theologi fieri dicunt, cum mens adeò potenter diuinis rebus intentata est, adeoque in Deum suspensa, ut omnes inferiorum virtutum actiones ab officiis suis ferientur & cessent; adeò ut nec vegetandi corporis, aut mouendi, aut etiam sentiendi vis suis officiis fungatur, & neque adhibitum etiam ferrum aut igne sentiant. Verum ut hoc ipsum, quanta sit illa amoris vis, qua mens in Deum absorbetur, declarat, ita contrà, quanta sit illa diuinæ pulchritudinis, bonitatis, & suauitatis immensitas apparet: quæ adeò potenter superiores animæ vires post se rapit, ut inferiores omnibus his officiis destituantur, quibus à natura donatæ sunt. Vtrumque enim hac vna coniectura vtrunque colligere licet, & fruuentis animæ iucunditatem, & diuinæ pulchritudinis & bonitatis magnitudinem, quæ tanta vi post se mentem

trahit, vt naturæ suæ oblita, in Deum quodammodo transferatur. Quia verò animales homines ea quæ sunt Spiritus Dei non assequuntur, variis modis, dum sic virgo raperetur, eam afflicta-  
bant. Nam & quibus cura claudendi Ecclesiæ fores commissæ  
erat, vi eam ab Ecclesia expellebant, sociis eam velut exanime  
corpus deferentibus, & sub dio extra Ecclesiam sub Sole fre-  
quenter expectantibus, donec sancta virgo ad se rediret. Nec  
defuit sceleratus quidam homo; qui impressis in virginem cal-  
ceibus, dum ecstasim pateretur, atrociter in eam defauret; qui  
tamen hoc non impunè tulit, Christo sponsæ suæ iniuriam vin-  
dicante. Paucis enim post diebus miserimus homo laqueo sibi  
vitam eripuit.

## I I.

Ex hac autem virginis charitate, tanta vitæ puritas & inno-  
centia in ea orta est, vt R. P. F. Stephanus Carthusiensis Prior,  
qui virginis amanuensis extitit, & longo tempore cum ea ver-  
satus fuit, post alia clarissima eius præconia, iureiurando confir-  
met, se nullum otiosum verbum tam longo temporis spatio ab  
ea prolatum audiuisset. Sed quoniam sine aliquo leui lapsu hæc  
tam periculosa vitæ spatia (quæ tota tentatio esse dicitur) trās-  
igi non possunt; quibus gemitibus ac lamentis, quo doloris acu-  
leo virgo sauciata fuerit, si quid tale ei obtigisset, hoc exemplo  
intelligi poterit. Quodam die festo Conuersionis sancti Pauli,  
quem virgo sancta vehementer amabat, tam sublimiter spiritus  
eius in Deū raptus fuit, vt tres integros dies & noctes immota  
manserit, nullisq. corporis sensibus vsa fuerit. Tandem reddita  
sibi, videbatur quasi dormire, nec tamē dormire penitus; adeo  
ægrè spiritus ab illa cælesti visione ad hanc vitam redibat. Cum  
autem ea sic haberet, venerunt ad eam duo Patres Dominica-  
ni, sciscitabanturque num vellet cum ipsis ire ad inuisendum  
quendam insignem virum in eremo degentem. Illa quasi dor-  
mitans respondit se velle. Sed simul atque id protulit, tanta ei  
iniecta religio est, tamque acerbis conscientia dolor, quod non  
esset ex animo locuta, sed quasi iocosum dixisset mendacium,  
vt præ dolore animi tres dies atque noctes sine intermissione  
tenuissimam illam culpam luxerit, in quam illam Deus cadere  
permisit, ne reuelationis illius magnitudine extolleretur. Nam  
re vera sub hac triduaana ecstasi ea viderat, quæ nullis possent  
verbis explicari. Quæret fortasse aliquis; cur hæc sancta virgo,  
imò cur Sancti omnes, leuissimos lapsus (qualis hic extitit) tam  
acerboluētu lamentabantur, cum præsertim humana natura  
etiam in viris sanctissimis, his labeulis carere non possit? Ad  
quod planè respondemus, viros sanctissimos non tam culpa-  
rum pondus, quam diuinorum beneficiorum magnitudinē at-  
tendere solitos. Cum enim tot se diuinis beneficiis velut obru-



tos animaduenterent, quo plura debebāt, hoc se arctioribus vinculis ad benefactoris sui obsequium & amorē adstrictos intelligebant: ideoque si qua in re, vel leuissima, tam benignissimi atque indulgentissimi parentis oculos offendissent, acutissimi doloris gladio laciabatur. Magnus ergo amor & beneficiorum magnitudo, magni huius doloris causa erat. Hoc attendant, qui pluribus à Dño beneficiis præuenti atq. ornati sunt: aliter enim hi, aliter alij dolere debent, qui minora receperunt, si quando fortè lapsi sunt. Quid nos ad hæc dicemus, fratres, qui tot flagitiis & sceleribus inquinati (quibus tremendam illam maiestatem nobis infensam reddidimus) non tamen tot admissis criminibus vlllo doloris sensu tægimur, nullas lacrymas fundimus; qui tamen quauis vel leuissima rerum terrenarum iactura discruciamur ac rumpimur? Vnde, quæso, tantus illic stupor, tantus verò hic dolor? Non est difficile huius rei causam diuinare. Necessesse est enim, vt, quæ cū amore possidemus, cum dolore amittamus. Hic igitur dolor facilè declarat, quanto ardentius terrenum puluerem, quàm summum illud & infinitum bonum diligamus. Quo quid esse indignius, quid iniustius, quid execrabilius potest? Fulminat contra hos diuinæ maiestatis contemptores Apostolus, cū ait: Si quis non amat Dominū Iesum, sit *1. Cor. 16* anathema maranatha. At hæc sancta virgo, quæ eximio Christi amore flagrabat, grauissimo cruciabatur dolore, cū vel leuissima in re se illum offendisse putabat, propter cuius amorē mille mortes perpeti parata erat. Gladius igitur amoris, vim illam doloris vehementer acuebat. Multum enim doluit, quæ multum dilexit; nos, quia non diligimus, non dolemus.

Ex eodem autem charitatis fonte, & familiari cum Deo amicitia, diuinorum secretorum communionem oriri, Saluator in Euangelio docet, cū ad discipulos ait: Iam non dicam vos seruos; quia seruus nescit quid faciat dominus eius; vos autem dixi amicos; quia omnia, quæcunque audiui à Patre meo, nota feci vobis. Hoc enim veræ amicitie proprium est, vt nihil amicus ab amico vellet habere secretum. Hanc autem gratiam tāta plenitudine huic virgini paritatis amator Dominus contulit, vt cogitationum arcana, & secreta diuina, & futura multa (quæ tum ad priuatas personas, tum ad totam Ecclesiam pertinebāt) cū ea velut amicus cum amico, quo familiariter vtitur, communicare soleret. Nihil enim amico dulcius atque iucundius, quàm amico conuiuere, & dulces cum eo miscere sermones, & pectoris sui arcana illi patefacere: hoc enim est velut intra pectus suum illū admittere. Qua in re nescio quid prius mirari debeat, an quòd immensa illa maiestas sic se ad homines demittere dignetur, vt, qui Seraphicis spiritibus se mirabilē præbet, adeo se familiarem humili cuidam feminae exhibeat; an quòd humilis

Ioan. 15.

In Bulla  
Canon.

femina ad tantum dignitatis gradum euecta fuerit, ut tam familiariter cum rerum omnium Domino quasi cum dilectissimosponso versaretur, & ab ipso omnibus in rebus erudiretur? Cuius cum multa afferre exempla possem (quæ plures conciones desiderarent) vnum solummodo proferam, quod in Pij Papæ I I. diplomate superius citato continetur his verbis: Pro pace Florentinorum, qui cum Ecclesia dissidebant, & interdicto suppositi erant Ecclesiastico. Apenninum & Alpes transire, atque usque in Avinionem ad Gregorium vndecimum Pontificem Maximum, antecessorem nostrum, proficisci non dubitavit. Cui votum suum de petenda vrbe Roma in occulto factum, sibi soli ac Deo notum, sese diuinitus cognouisse monstravit. Fuit enim in ea spiritus prophetiæ: multa prædixit, antequam fierent, & occultissima revelavit. Quid verò illud, quod ab hoc cælesti præceptore erudita, non modò futura prædixit & occulta cordium patefecit, sed mirabili etiam sapientia donata fuit, qua & libros & epistolas mirabili doctrina refertas composuit: quodque omnem superat admirationem, mulier omnis generis disciplinarum ignara, sæpe duobus, sæpe tribus, interdum etiam quatuor scriptoribus epistolas sine vlla cunctatione dictabat. Erat quippe lingua eius calamus scribæ velociter scribentis, Patrisque cælestis Spiritus, qui in purissima eius mente sibi domicilium elegerat, in ea loquebatur.

Psal. 44.

Nec minus illud mirabile, quod ab eodem magistro legendi facultatem diuinitus accepit. Cum enim litterarum ignara Davidicos Psalmos recitare concupisset, & à quadam socia alphabetum sibi describi postulasset, atque dies aliquot huic studio impendisset, nec posset tamen, propter altissimam illam mentis in Deum elevationem, plenam docenti mentem præbere, frustra que secum laborem sumere intelligeret, minori compendio hanc legendi facultatem adipisci voluit. Sponsi namque sui charitate freta, deque eius benignitate & familiari amicitia certa; ad illum confugit, & hanc legendi gratiam petiit. Qui sponte voluntati annuens, sine vlla mora contulit quod postulavit. Stupebat ad eam rem Pater Raymundus, videns eam expeditissime legere, quam nec syllabatim quidem antea pronunciare, ne dum literas novisse sciret. An non igitur hæc adeo magnifica Dei dona, quæ in puras mentes nihil aliud quam ipsum sistentes cõfert, nos clamare compellent: Quàm magna multitudo dulcedinis tuæ Dñe, quam abscondisti timentibus te! Hæc enim non ideo dicimus, ut Sanctorum dignitatem & gloriam agnoscamus, sed ut immensam Dei bonitatem & charitatem, qua pios prosequitur, perspectissimam habeamus, atque in tantæ bonitatis amorem rapiamur, quæ non minus nobis (si pie illum coluerimus) quam præteriti temporis Sanctis exposita est, quando

Psal. 39.

quando personarum acceptio in illum cadere non potest.

III.

Sed quoniam inter singularia Sanctorum priuilegia vim orationum & efficaciam præcipuè numerauimus, de hac etiam nonnihil breuiter perstringemus, si prius tamen illud admonuerimus, perfectam orationem, quæ cælos penetrat, quæ diuinæ misericordiæ aures pulsat, quæ nunquam vacua recedit, quæ postremò vincit inuincibilem, & omnipotentem ligat, eam esse quæ non sterilis & ieiuna, sed quæ fide, spe, charitate, & bonorum operum societate fecunda est. Hæc enim ideo vacua non recedit, quia bonis operibus plena, ad misericordiæ fontem accedit. Talis fuit beatissimæ huius virginis oratio, quæ à dilectissimo Sponso, quicquid voluit, siue in morbis depellendis, siue in quibuscumque aliis rebus, impetravit: quodque mirabilius est, non solum orando, sed morbis etiam imperando, eos ab ægrotantium corporibus depellebat. Vt vera enim ac legitima omnipotentis Dei sponsa, Sponsi sui in hac parte potestatem referebat; quemadmodum sequentia exempla testantur.

Anno salutis 1374 plus minus, pestis inguinaria vastauit Senas. Accidit autem ut virum venerabilem, Matthæum nomine, qui domui sanctæ Mariæ De misericordia præerat, ea pestis corripere; & iam medicus in signis de eius vita propè desperaret. Perlatum est hoc ad sanctam virginem (quam Matthæus ob eius sanctitatem impensè amabat) & festina ad illum accessit: & priusquam ad eum appropinquaret, eminus clamauit: Surge, Domine Matthæe, surge: non est iam tempus in lecto mollior cubandi. Vix illa verba compleuerat, & in omni tempore pestis & apostema dolorque omnis ita euanescere, ut iis nunquam Matthæus laborasse videretur: lætusque & alacer à lecto confurgens, paulo post cum Patre Raymundo, non ægrotorum, sed fortium hominum solidos cibos ederet. Cuius præclari miraculi permulti testes fuere.

Per id autem tempus, quo illa pestis grassabatur Senis, Pater Raymundus fidissimam nauabat operam cunctis quibus adesse poterat; nec ullos sibi vitandos putabat, licet morbus ille & aërem, & corpora aliorum sua contagione inficeret; animabat verò etiam illum sancta virgo; sed quia solus propè erat in tam magna vrbe, vix ullum aut cibi aut somni capiendi habebat spatium: tot ad eum peste laborantium nuncij confluebant, sed dum solus ferè, ut dixi, in tam sancto opere esset occupatus, ipse quoque sensit se apostemate pestifero affectum: accedebat etià febris, & dolor capitis, ut solet in eo morbo. Tum verò, ut potuit, cum socio iuit ad ædes sanctæ virginis: quam cum non inuenisset, in quodam se reposuit lectulo, donec illa veniret. Venit illa,



admonet manus suas Raymundi capiti, flexisque genibus orat Dominum; & inter orandum videt Raymundus, ut saepe alias, eam mentis excessum pati: Cum ergo sic ad dimidiam ferè horam permanisset, sensit Raymundus ex corporis sui extremis paribus tanquam violenter quippiam extrahi, sensimq. se melius habere, adeo ut antequam sacra virgo sibi esset restituta, planè curatum se experiretur: interim cibo sumpto, voluit, ut paulisper quiesceret. Quieuit ille, surrexit paulo pòst ita incolumis, ac si nihil mali passus esset; rediitque ad pristinos labores.

F. Bartholomæus Dominici, socius Raymundi Patris, eadem peste & acrius & diutius oppressus, sanctæ virginis precibus itidem restitutus est.

Aderant autem virgini duo piissimi adolescentes, patria Senenses, ambo amanuenses eius; quorum alter Nerius, alter Stephanus vocabatur. Ex iis Nerius postea solitariâ & propè anachoreticam duxit vitam: Stephanus, iubente sub mortem sancta virgine, cum nihil minùs cogitaret (ut ipse de se scribit) quàm de monastico suscipièdo habitu, Carthusianus factus est celebris, & valde religiosus. Cum autè esset sancta virgo Genuæ, Nerius horribili correptus est ægritudine, & præ nimio dolore viscerum miserabiles edebat voces & eiulatus, reptabatq. manibus & pedibus de lectulo in lectulum, tanquam aliquid leuamētum perpetuis illis cruciatibus reperturus. Inducantur hæc sanctæ virginis illa iuber acciri medicos. Veniunt duo medici, sunt omnia quæ illi præstebant: sed miser ille non modò nihilo melius, sed peius etiam habere cœpit, ita ut medici eius vitæ spem omnem abiicerent. Quod cum Stephanus audiuisset, ad virginem sanctam se confert; eius pedibus lacrymabundus aduoluitur; orat, ne sinat socium suū in peregrino solo miserabiliter ex hac vita migrare. At illa, Cur sic, inquit, doles fili, si Deo visum est fratrem tuum ad suum regnū euocare? Stephanus perseverat in precibus suis; dicit, se nihil ambigere, quin, si velit, possit Nerio salutem obtinere. Tum illa, non ferens hominis summā afflictionem, Vbi eras, inquit, me ad sacram communionem abire conspexeris, reduc mihi isthuc in memoriam, & ego offeram Deo preces: tu verò rogabis Dominum, ut illas admittat. Abit Stephanus fiducia plenus, & altera luce virgini ad Missam eūti inculcat preces suas. Percepit ea sacram Eucharistiam, & more solito extra se rapta est: vbi autè ad se rediit, Stephanū illic expectantē subridens ita alloquitur, Dñs nobis restituit Nerium. Stephanus celeriter abiit ad Nerium, eumque in Domino consolatur. Deinde paulatim remittitur morbi acerbitas, & Nerius totus reualescit. Ecce autem Stephanus, qui ei ministraverat egrotanti, ex multis corporis & animi molestiis, quas eius causa pertulerat, febres acres cū vomitu & intolerabili capitis dolore patitur:

paritur: & quia omnibus præcipue charus erat, omnes sanctæ virginis socij ei decumbenti assistunt. Sed virgo sacra nō ferens etus afflictionem, ad decumbentem accedens, Præcipio, inquit, tibi in virtute sanctæ obedientiæ, vt has febres deinceps minimè pariaris. Abscessit febris, & Stephanus totus surrexit incolumis. Hoc ita ferè recitat Pater Raymundus, & ipse quoq. Stephanus in Epistola ad F. Thomam Dominicanū, quam scripsit cum esset Prior Carthusiæ Ticinensis. Quis igitur, cum tam magnifica Dei opera in hac virgine contemplatur, non admirabundus illa Prophetæ verba repetat, Quam magna multitudo dulcedinis tuæ Domine, quam abscondisti timentibus te! Psal. 30.

Sed longè tamen mirabilius est quod modò subiiciam. Senis duo flagitiosi larrones capti, atrocissimis suppliciis addicti sunt propter facinorum immanitatem. Iam ducebātur ad mortem; & curribus impositi, ignitis fuscinulis discerpebantur. Nemo autè illos vlla ratione adducere potuit, vt salutis suæ confessionis Sacramento cōsulerent: quin potius (quod dictū quoq. horribile est) in Deum voces blasphemias palam iactabant. Eo autem tempore erat sancta virgo apud Alexiā sociam & discipulā suam, cuius aedes præteribant miserrimi illi. Vbi autem id sensit Alexia, celeriter indicat sanctæ virgini. Illa se rotam confert ad deprecandam clementiam Saluatoris pro salute desperatorum: cumq. vidisset per fenestram ingentem turbam dæmonum, qui obstinatos illos miserè exagitabant, impetrat à Dño, vt possit spiritu illis se adiungere, & cum eis ad portam vsque proficisci. Vt autem eam viderunt dæmones, palam clamitabant: Si non cessaueris, dæmoniacam te efficiemus. Illa contemnens minas procaces, perstitit in precibus. Vbi ad portam vrbis ventum est, ecce clementissimus Saluator apparet obstinatis illis totus vultu cōfectus, & sanguine madidus; inuitat ad pœnitētiā, promittit veniam. Illi mox mutati, instāter petunt sacerdotem; peccata sua valde dolenter confitentur: facta confessione, blasphemias mutantur in laudes Dei, dignos se etiā maioribus tormentis fatentur. Stupent omnes repentinam illam confessionem: carnifices quoque mitescunt, nec audent noua imprimere stigmata, dum vident tantam eorum pietatem ac religionem. Denique illi ad mortem haud secus atq. ad epulas festināt, spe bona freti, se per supplicia momentanea citius vēturos ad gaudia sempiterna. Quod multo etiam magis mirandum est, quā si horum extincta corpora ad vitā essent reuocata. Quis igitur in hoc opere immensam Dei nostri misericordiam, bonitatem, placabilitatem; & in suos charitatem non miretur, non obstupescat, nō tum mis laudibus & præconiis efferat? Homines maleficiis & facinoribus adeo insignes, qui tam immani & atroci supplicio per leges plectebantur, quiq. adeo in malo obstinati

erant, adeoq. in ipsam etiam diuinitatis gloriam contumeliosi atque blasphemi, ut in ipso mortis agone constituti, sacrilegas & execrandas in Deum voces iactarent, à quibus nec gehennæ memoria, quæ illos iamâ velut hiantem ore erat exceptura, reuocabat, vna sola, eaq. breuissima virginis oratione ex ipsis inferni faucibus, atque adeo ex ipso draconis ore erepti sunt: idque tam nouo & stupendo miraculo, ut idem ipse iudex, qui penè iam damnationis in eos sententiam tulerat, in misericordiam ita flecteretur, ut, seuerissima iudicis imagine posita, iterum pro illis in crucem quodammodo agi, & in ea se specie illis ostendere dignatus fuerit, & blasphemias atque sacrilegas eorum voces in veræ poenitentiae lamentationes & lacrymas commutauerit. Quid igitur hic dicemus? Quid, quæso, hoc aliud fuit, quàm cælestis regni clauis (quæ vni Petro concessæ sunt) huic virgini quodammodo tradidisse; ut, quod ille facit auctoritate & imperio, mulier faceret orationis suffragio? Quis igitur hoc argumento immensam (ut diximus) Dei nostri bonitatem, & in suos dilectionem non miretur, non obstupefeat, non adoret? quæ sic illis adest, sic piis eorum se desideris & voluntati accommodat, sic earum preces & vota exaudit, ut non solum eos felicitatis & gloriæ suæ confortes efficere dignetur, verum infames etiam & facinorosos homines, (nullis iustitiæ atque pietatis operibus in antea vita commendatos) vnica eorum prece ad electorum suorum gloriam perducatur; & quod sancti viri totius vitæ laboribus promeriti sunt, istis momento temporis sine vlllo suo labore cõcedat. Quid his amplius humana cupiditas optare potest? Quanta ergo virtutis & sanctitatis dignitas est, quam Dominus tam magnificis beneficiis illustrat & ornat! Quanta rursus orationis virtus & potentia, per quam hæc tanta mirabilia patrantur! Hoc enim exemplo intelligimus, verissimè à Propheta dictum esse: Propè est Dominus omnibus inuocantibus eum; omnibus inuocantibus eum in veritate. Voluntatem timèrium se faciet, & deprecatione eorum exaudiet, & saluos faciet eos: nec eos solum, sed illos etiam frequenter, pro quibus ipsi preces fundunt. Cùm autem mirabilem hanc orationis vim & efficaciam prædicamus, immensam Domini bonitatem & misericordiam commendamus: cuius tanta benignitas & charitas erga suos est, ut faciliè eorum precibus, quocunque illi voluerint, flectatur, & à seueritate ad gratiam deducatur. Si enim is implacabilis & inexorabilis esset, non erat cur tantopere virtutis huius dignitatem & potentiam commendaremus: at immensa eius bonitas & placabilitas facit, ut oratio, quæ cum illo misericordiarum parente agit, eiusque opem & auxilium implorat, adeo sit orantibus utilis & salutaris. Quæ cum ita sint, fratres; quid reliquum est, nisi ut, perspecta virtutis dignitate, quam

Psal. 144.

tantis



tantis Dominus miraculis & honoribus commēdat, eam rebus omnibus anteferamur: similiq̃ue ratione immensa Dei nostri bonitate & charitate erga suos cognita, ipsam flagrantissima dilectione prosequamur, ac de illorum numero esse studeamus, quos Dominus tantis donis ac muneribus cumulat: & (quod caput est) summo illum amore complectamur, qui summum bonum est; ideoq̃ue summo & infinito amore (si is per nos prae-  
stari posset) dignissimus. Cum enim humana voluntas sic à Conditoris suo instituta sit, ut nihil, nisi aut quod bonum est, aut quod boni speciem referat, amare possit; quid, quæso, dignius, quid iustius, quid salutaris, quid iucundius, quid magis secundum naturam, quam summum illud & infinitum bonum (cui fruendo ficti atque formati sumus) toto affectu, totis viribus, totaq̃ue mente diligere, & in illius obsequium, quam ipse contulit vitam, viresq̃ue omnes, & opes expendere? Sic enim fiet, ut qui se totos illius obsequio in hac mortali vita tradiderint, eundem ipsum, laborum suorum præmium atque mercedem, in sempiterna illa vita percipiant.

## IN NATIVITATE SANCTI IOANNIS BAPTISTÆ, CONCIO PRIMA: IN QVA lectio Evangelica explanatur.

THEMA. *Erit magnus coram Domino: vinum & siceram non bibet. Lucæ 1.*



**H**ODIE, dilectissimi, Ecclesia præcursoris Domini natalē diem festis laudibus, & communi populorum alacritate & lætitia celebrat; natalē, inquam diem, non quo ad immortalitatem, melioris vitæ conditione natus est, sed quo ex utero matris in hanc arduam vitam editus est. Quapropter inquisitione dignum esse videtur, cur Ecclesia maiori solemnitate diē hunc celebret, quo Ioannes in hanc vitam, infinitis penē miseriis curisque referat, est natus; quam illum, in quo per gloriosam mortē ad immortalē & beatam vitā felicissimē est renatus: præsertim cum Ecclesia in festis Sanctorum, nō dies quibus in hanc vitam ingressi sunt, sed quibus in alterā demigrarunt, solemnī ritu honorare solita sit, eosq̃ue natales eorum appellare. Ad hoc igitur respondemus, Ecclesiam in Ioannis festo non illud inspersisse quod illi commodius & gloriosius fuit, sed quod uniuerso orbi salutaris & iucundius erat. At Ioannis nativitas, Christi natiuitatem, cuius ipse præcursor erat, mundo nunciavit; quo nuncio nihil mundo faustius atq̃. felicius poterat nunciari.

Maximus  
in Scrim.

Ioan. 1.

Idem.

Esaias 59

Psal. 37.  
Psal. 6.

Ioan. 1.

tiari. Hac igitur de causa ( vt B. Maximus ait ) rectissime toto hodie orbe Christi Ecclesia Ioannis primordia latissima festiuitate concelebrat, qui æterna mortalibus adesse gaudia, stupenti mundo testis fidelissimus reuelauit. Quid enim salutaris aut iucundius annunciari mundo potuit, quàm quòd is conspecto Domino Salvatore dixit: Ecce Agnus Dei, ecce qui tollit peccata mundi? Qua ergo deuotione eius festum celebrare par est, qui Agni cælestis aduentum (vt idem Maximus ait) post sacrâ Virginem & primus agnouit, & solus ostendit? Hoc enim vno verbo malorum omnium remedium, & bonorum omnium cumulum mundo allatum esse testatus est. Per peccatū enim, & mala omnia in mundū importata, & omnia gratiæ bona sublatā sunt: vnde Esaias, Iniquitates, inquit, vestræ diuiserunt inter vos & Deum vestrum; & peccata vestra absconderunt faciem eius à vobis, ne exaudiret. Peccata regnū cæleste claudunt, & gehennam peccantibus aperiunt. Peccata diuinum numen nobis infensum reddunt, mentem sauciant, vitam inquinant, in seruitutem adducunt; & ex Dei filiis & hæredibus, dæmonum filios constituunt. Quid ergo iucundius mundo nūciari potuit, quàm aduenisse Agnum illū sine peccato, qui tolleret peccata mundi? Nec sola hac voce nunciauit, sed etiam nasciturum Dñm Prophetici spiritus illuminatione præuidit. Vsq̃ue adeo enim in eo singularis præfulsit electio, vt antè mereretur annunciare Dominum, quàm nascēdi caperet initiū, vel linguā, qua enunciare posset, acciperet. Intra materna quippe adhuc viscera cōclusus, adesse Salvatorem mundi, quia necdum sermone poterat, Prophetico gaudio reuelauit. Hoc igitur gaudium, futurum mundi gaudium de eius natiuitate & legatione prælulsit: ideoque non temere Angelus Domini ad Zachariā ait, multos in natiuitate Ioannis gauisuros. Quamuis autem cuncti mortales, nō fideles modò, sed infideles etiam, hoc est, Turcæ & Mahometani, hodie communi alacritate gaudeant, non tamē omnes ea lætitia gaudent quam Angelus insinuauit. Qui igitur ita gaudent? Illi nimirum, qui peccatum summum malum esse statuunt; qui peccatum morte peius oderunt; qui peccati horrorem & deformitatem agnoscunt; qui, si quando (quæ est humana infirmitas) in peccatum labantur, ita anguntur & mœrent, vt cum Propheta dicere possint, Miser factus sum, & curuatus sum vsq̃. in finem; tota die cōtristatus ingrediebar. Et, Rugiebam à gemitu cordis mei. Et, Lauabo per singulas noctes lectum meum, lachrymis meis stratum meum rigabo. Qui ergo tanta cordis amaritudine, tantoque lacrymarum imbre peccata descent, vt penè oculorum lumen amittant; qua animi alacritate, quo plausu hoc felicissimum Ioannis nuncium excipient; Ecce Agnus Dei, ecce qui tollit peccata mundi? Tales igitur hoc felici nuncio præ læticia

titia gestire sibi videntur, quod adsit iam cælestis medicus, qui lethalia eorum vulnera sanat. At qui bibunt quasi aquam ini-  
quitatem, qui lætantur cum malè fecerint, & exultant in rebus  
pessimis, qui omnia peccatorum vulnera contemnunt, & pro ni-  
hilo ducunt, quid habent, si tales esse pergant, cur hoc præconio  
læteri debeant? Liquidò ergo constat, non omnes hoc Angeli  
gaudio affici. Ideoq. prudenter Angelus non omnes, sed multos  
dixit futuros huius sanctæ lætitiæ participes. Vt nos igitur, fra-  
tres, in horum numero computari mereamur, qui, ut peccati mor-  
bum agnoscut, ita de peccati remedio gaudent, cælestem opem,  
sacratissimæ Virginis interuentu, suppliciter imploremus.

## A V E M A R I A.

Inter omnes præcursoris laudes non postrema illa est, quod  
Prophetas, quod Angelos, quod Euangelistas, quod ipsum Do-  
minum habere meruerit laudatorem. Prophetæ illum appellat  
Angelum; Angeli magnū coram Dño prædicant; Christus Do-  
minus maximū inter natos mulierū testatur, Euangelistæ verò  
gesta eius, & mirabilem vitæ sanctitatem sacris litteris cōmen-  
darunt. Neque enim inferiores meritum suorum præcones,  
quàm ipsos virtutū Dñi scriptores, habuit; quos diuina dispen-  
satio sic inspirauit, ut eū gestis Dñi Saluatoris, gesta quoq. præ-  
cursoris Euangelica auctoritate cōprobarent. Aiūt medici, pul-  
monem in corpore animalis instar flabelli cuiusdam esse, quod  
nimium cordis calorem temperet atq. refrigeret, ne eius magni-  
tudo suffocetur: quod beneficium, naturæ auctore sic dispo-  
nente, cor ita remunerat, ut non venarum sanguine, quo cætera  
membra sustentantur, sed arteriali, qui in ipso cordis sinu cōcoqui-  
tur, alatur. Sustēter, ut videlicet regio cibo Regi proximus mi-  
nister alatur. Simile quiddā fecisse Dñs videtur, cum sacros Eu-  
angelistas, quibus virtutum suarum historiam scribendam com-  
misit, virtutum quoque Ioannis scriptores esse voluit. Quid  
autem de illo scripserint, iam nunc expendere incipiamus.

Malach. 3  
Matth. 11

Simila

## I.

Fuit, inquit, in diebus Herodis Regis Iudæe sacerdos quidam nomine  
Zacharius, de vice Abia, & uxor illius de filiabus Aaron. Erant autem  
ambo iusti ante Deum, incedentes in omnibus mandatis & iustificatio-  
nibus Domini sine querela. Hæc prima præcursoris laus, à iustis pa-  
rentibus esse prognatum. Adulterinæ namque plantationes non  
dabunt radices altas, nec stabile fundamentum collocabunt. Ab  
iniquo enim thoro semen exterminabitur. Felix itaque Ioan-  
nes parentum meritis, sed felicius suis:

Lucæ 1.

Sap. 4.

Nam genus & proanos (ut ille ait) & quæ non fecimus ipsi,  
Vix ea nostra putō.

Ouidius  
13. Met.

Sed non alienum erit, paulisper in huius sacre lectionis exor-  
dio subsistere. Expendamus igitur primo loco quod ait: Erant  
autem



- autē ambo iusti ante Deum.* Magna planē sanctitatis cōmendatio; iustos esse ante Deum, iustos videlicet ante illum de quo scriptum est, Spirituum pōderator est Dominus. Iustos ante illum, qui est discretor cogitationum & intentionum cordis, qui solus incorrupta lance veram ac falsam iustitiam discernere potest. Est enim via quæ videtur homini recta, & nouissima eius ducunt ad mortem. Quocirca Paulus aiebat: Mihi autem pro minimo est vt à vobis iudicer, aut ab humano die, sed neque me ipsum iudico. Et mox: Itaque nolite ante tempus iudicare, quoadusque veniat Dominus, qui illuminabit abscondita tenebrarū, & manifestabit cōsilia cordiū, & tunc laus erit vnicuiq. à Deo. Ante huius ergo incorrupti iudicis conspectum coniuges isti iusti erant. Non erant autem hoc modo isti illi quibus Dñs ait,
- Prou. 16.** Vos estis, qui iustificatis vos corā hominibus, Deus autem nouit corda vestra: quia quod hominibus altū est, abominatio est ante Deum. Nec hoc modo Phariseus ille iustus erat, quāuis sibi esse videretur, qui orās aiebat: Deus, gratias ago tibi, quia nō sum sicut ceteri hominum, raptores, aduleri, & iniusti. Omnes isti ante Deum iusti non erāt: quia, quāuis aliqua iustitiæ opera ederent, non tamē Dei, sed sui amore inducti ea faciebant. Nec enim Dñs quid homines faciant, sed qua mente, quo affectu faciāt; præcipue animaduertere solet. Qua de causa per Zachariā populo suo improperat, quod religionis altū est, quæ aliquando edebat, nō ad Dei gloriā, sed ad suā cupiditatē referebat. Cū ieiunaretis, inquit, & plāgeretis in quinto & septimo, per hos septuaginta annos, nūquid ieiuniū ieiunastis mihi? & cū comedistis & bibistis (quādo videlicet festa vestra celebrabatis) nūquid nō vobis comedistis & bibistis? Improperat ergo illis Dñs, quod recta nō rectē faciebant, quādo bona opera nō ad Dei gloriam, sed ad suam cōmoditatem referebant. Multos autē hoc eodem morbo apud nos laborare arbitror. Amor enim sui vehementer omnia ad suā cōmoditatem trahere nititur. Multi vel honoris cupiditate, vel ignominix metu inducti, pudicitia seruāt: multi auctoritatis & dignitatis prætextu, diuino Missarum sacrificio quotidie interfunt. Multi in Paschate Ecclesiæ Sacramenta, vi magis coacti, quā spōte, accedunt. Multi in officiis & Magistratibus, quos administrant, à maleficio abstinēt, nō vt Dñm promereantur, sed vt ad maiores promoueātur. At sancti uti cōiuges iusti ante Deū erāt, quia illud Apostoli præceptū implere satagebant. Omnia vestra in charitate fiāt. Quod quidē verbū idē exposuit, cū ait: Siue comeditis, siue bibitis, siue quid aliud facitis, omnia in Dei gloriā facite. Sicut igitur nihil erat in Salomonis tēplo, quod nō auro tegetetur; ita nihil in spiritali Dei tēplo, hoc est, in viri iusti anima, esse deberet, quod nō charitatis auro vestiretur. Bona quippe opera tanto maioris meriti esse perhi-

perhibetur, quāto purius & sincerius ad Dei gloriā cōferuntur.

Addit etiam Euangelista, *Incedentes in omnibus mandatis & iustificationibus Domini sine querela*. Arbitror nonnihil inter has duas voces, mādāta & iustificationes, discriminis esse. Quamvis enim omnes diuinæ leges his nominibus designentur (quia enim à Domino præcipiuntur, mandata; quia verò hominem iustificānt, iustificationes appellantur) iustificationis tamen nomen ea præcipuè mandata mihi significare videtur, quæ, præterquam quòd mandata diuina sunt, ad aliorum etiam mandatorum obedientiā plurimū adiuuant. Exempli gratia: Mandatum Domini est, vt Sacramenta statis tēporibus percipiamus: at Sacramentorum perceptio non solum obedientiam continet, sed etiam ad parandam & retinendam iustitiam plurimū iuuat, quando per ea cælestis virtus & gratia dignè suscipientibus tribuitur. Oratio quoq. virtus est, in sacris litteris plurimū commendata; quæ si piè & religiosè fiat, deuotionis gratiam promeretur, quæ ad omnia virtutis & religionis officia stimulos & calcar addit. Idem etiam illis euenit, qui sacris lectionibus & concionibus deuotè & humiliter audiendis operam dant: hæc enim mentem muniunt & armant, intellectum cælesti lumine complent, & pios in anima motus & affectus excitant. Quocirca meritò has similesq. virtutes iustificationis nomine appellamus, quòd vehementer nos ad iustitiā cæteraq. virtutum officia adiuuent. Quæ ideo à me dicta sunt, fratres, vt huiusmodi virtutes commendatissimas vobis redderem, sine quarum præsidio iustitiæ cultus periclitari solet. Sūt inter aues, ac præcipuè inter perdices, quædam, quibus aucupes vti solent, vt earū cantu alias illaqueare possint: quæ quidem duplici nomine in pretio habentur; & quòd ad vescendum aptæ sunt, & quòd earum adminiculo alias capient. Simile quiddam in virtutum aucupio inuenire licet; quarum illæ quidem plurimi faciendæ sunt, quæ nos ad alias adipiscendas plurimū iuuant. Inter has autē principem sibi locum vindicat charitas, quæ patiēs est, benigna est, quæ non æmulatur, non cogitat malū, quæ omnia sustinet, omnia credit, omnia sperat; quam hoc ipso nomine virtutibus cunētis antepōnimus. Hi ergo B. Ioannis parentes vtrasq. virtutes studiosissimè colebant, incedentes in omnibus mandatis & iustificationibus Domini sine querela. Simile. Cor. 7

Nec hoc quidem postremum verbum, Sine querela, otiosum puto. Sic enim beati isti vitam suam instituebant, vt nō solum ante Deum, sed ante homines etiam iusti essent; providētes scilicet bona nō solum coram Deo, sed etiam coram omnibus hominibus; illud videlicet diligētissimè curantes, ne cui, verbo aut facto, offenculo esse possent: hoc est enim quod Paulus ad Rom. & Corinth. magna vi orationis commendat: Bonū est, Rom. 14.  
inquit,

inquit, non manducare carnes, & non bibere vinum, neque in  
 1. Cor. 3. quo frater tuus scandalizatur. Et rursum: Si esca scđalizat fra-  
 trem meum, non manducabo carnes in æternum, ne fratrem  
 meum scandalizem. Nemo ergo nostrum solo conscientię suę  
 testimonio contentus sit: oportet enim habere bonum testimo-  
 nium & ab his qui foris sunt, ne cuiquam offensionis occasio-  
 nem præbeamus, ne illud Apostoli contra nos obiici possit; Sic  
 autem peccantes in fratres, & percutientes conscientiam infir-  
 mam, in Christum peccatis. Non potuit Apostolus hoc peccati  
 genus magis angere, quàm vt fratris offendiculum ad Christi  
 Domini offensionem referret. Ob hoc autem fortis illa mulier,  
 quam Salomon in fine Prouerbiorum omnibus virtutum nu-  
 meris ornatam describit, inter cætera laudum eius insignia hoc  
 prou. 31. quoque adiecit: Quæ sicut lanam & linum, & operata est consi-  
 lio manuum suarum. Ex lino quidem interior vestis, quæ carni  
 adhæret; ex lana verò, exterior texti solet, quæ corpus tegat. Hac  
 autem metaphora insinuare Salomon voluit, hanc sanctam fe-  
 minam interni cultus, qui in animo lateret; & externi, qui huma-  
 nis oculis patet, diligentem curam habuisse; illud, quo placeret  
 Deo; hoc, vt homines non offenderet. Quo nomine insignis il-  
 la vidua Iudith in litteris sanctis commendatur, quæ sic omnem  
 offendiculi materiam vitabat, vt non esset qui de ea loqueretur  
 malum verbum. Talis autem horum beatorum coniugum erat  
 vita, qui in omnibus mandatis Domini sine querela incede-  
 bant. Addit deinde Euangelista:

*Et non erat illi filius, eo quod esset Elisabeth sterilis, & ambo process-  
 sent in diebus suis.* Inquisitione dignum est, cur Dñs, qui ex his  
 parentibus procreari Ioannem definierat, infecundos esse volue-  
 rit: nec id in his solum, sed in multis aliis quæri meritò potest.  
 Sic enim Abraham filium Isaac, & huius filium Iacob, & huius item  
 Ioseph (qui inter sanctos Patriarchas maximè illustres extitè-  
 re) ex sterilibus parètib; nasci voluit. Quid verò Samuel fide-  
 lis Propheta Dñi? quid Samson? quodq; maius est, quid beatissi-  
 ma Mater Dei? an non horum quoq; parètes infecundi erāt? Quid  
 igitur consilio Dñs hoc ita decreuit? Multæ sunt causæ, sed illa  
 tamen præcipua est, quòd cum electos suos Dominus insigni  
 aliquo munere afficere vult, eo tempore atque eo modo afficit,  
 quo apertè liqueat, diuinum illud beneficium, non humanum  
 opus extitisse. Ita fit, vt collata dignitas & gratia, nō superbien-  
 di, aut inaniter sese effereendi, sed magis Dominum laudandi &  
 gratias agendi, ipsumque benefactorem impensius diligendi  
 materiam illis præbeat. Duplicata enim gratia est, sic beneficia  
 conferre, vt benefactorem, pro eo atq; mereretur, debito honore  
 prosequaris. Quòd autem hoc ipsum Dñs in muneribus suis ca-  
 priare soleat, vnicui Gedeonis exēplo cōprobabimus: cuius copias  
 Domi-



Dominus (quæ triginta & duo millia hominum continebant) Iudic. 7. popularem ad eam paucitatem redigi mandauit, vt ex tam numeroſo exercitu trecenti ſolum milites relinquerentur; quibus ſtipatus Gedeon, innumerabiles hoſtium copias fudit atque fugauit. Cur autem hoc voluerit, apertè eidem Duci expoſuit, cum ait: Multus tecum eſt populus, nec traderetur Madian in manus eius, ne gloriatur contra me Iſraël, & dicat, Meis manibus liberatus ſum. Hac igitur de cauſa, quibus Dñs beneficia ſua non ad ruinam, ſed ad ſalutem confert, eo tempore atque eodè modo confert, quo homines perceptis beneficijs in ſe quidem humiles, Deo verò deuoti & grati exiſtant. O ſi quicunq. diuites, nobiles & potentes nati ſunt, cuius beneficio tales nati fuerint, agnoſcerent! non utiq. animis efferentur, non inſoleſcerēt, non in ſimos quoſque deſpicerent, non in luxum & faſtum pauperibus eroganda conſumerent, ſed in horum bonorum largiorem fideles & grati, in alios autem benigni & liberales exiſterent: intelligentes, ſe non tam dominos, quàm diſpenſatores diuinorum donorum eſſe; nec ſolis ſibi, ſed alijs etiam eadem perceptiſſe. Felices proſectò quibus vtrumq. Dñs donauit: inſelices verò, quibus hoc datum non eſt, quibus diuina dona & beneficia in malum ſuum vicio ſuo verſa ſunt. Sequitur deinde:

*Factum eſt autē cum ſacerdotie ſungeretur Zacharias in ordine vicis ſue, ſorte exiit vt incenſum poneret ſuper altare. Sciendū hoc in loco eſt, in tabernaculo Dñi, extra velum (quo Sancta ſanctorum tegebantur) altare aureum ex præcepto Dñi conſtitutum fuiſſe: à dextera quoſque lauaſque altaris huius candelabrum aureum, & menſam quæ Propoſitionis panes continebat. In hoc autem altari bis in die ſoli ſacerdotes thus Domino, ſive thymiana adolebant. Semel autem in anno, ſeptimo mēſe, in die qui Expiationis vocabatur (quo videlicet Iſraelitici populi peccata expiabantur) ſolus ſummus ſacerdos, vel qui eius vices gereret, ingrediebatur, vt pro peccatis populi Dñm precaretur. Quo tempore nequaquam populo licebat in atrijs templi orare (quod alijs tamen temporibus licebat; ideoque hoc in loco dicitur, populum foris ad orandum ſtare. Cum ergo Zacharias, vices ſummi ſacerdotis gerens, in Sancta ſanctorum eſſet ingreſſus, apparuit ei Angelus. Gabriel ſtans à dextris altaris incenſi. Ex qua quidem figura & loco facile liquet, in humana ſpecie Angelum apparuiſſe. Stare enim, & à dextris ſtare, ad humani corporis figuram pertinent. Eius verò conſpectu vehementer ſacerdos perterritus eſt. Sic etiam paſtores illi, quibus Domini natiuitas ab Angelo nunciata eſt, timuiſſe dicuntur timore magno. Hoc eodem modo Daniel Angelici fulgoris conſpectu ſic exanimatus eſt, vt, in terram corruens, reſpirare vix poſſet: vſque adeò*

Leuit. 22,

Lucæ 2.

Dan. 10.

Tom. 3.

d.

Angeli

Angelicae dignitatis sublimitas humanae naturae conditionem superat. Iubet tamen illum Angelus Domini bono esse animo, dicens: *Ne timeas Zacharia, quoniam exaudita est oratio tua, & Elisabetha uxor tua pariet tibi filium.* Nemo putet hoc in loco Zachariam pro impetranda sobole orationem Dño fudisse: quandoquidem publicus minister publicam illo expiationis die populi causam agebat. Quod cum alij interpretes, tum Euseb. Emis. testatur his verbis: Nunquid credendum est, quod in templo tanti populi sacerdos hoc perierit, ut filius nasceretur? Nunquid credendum est, quod senex iuuentutis vota praesumpserit? Nunquid credendum est, quod pro hac tantopere inuigilarit publici intercessoris oratio, ut, intermissis suorum necessitatibus, donare sibi à Deo posceret desperatum nomen parentis, & alienae munus retatis? Non ita est: sed dum ille sollicitus pro salute populi supplicat, promissus est ei talis filius, per quem populus saluaretur. In tantum verò pro suscipiendo filio nō orauit, ut hoc fieri posse Angelo promittenti non crederet. Addit deinde Angelus nascituri filij nomen: *Et habebit, inquit, nomen Ioannes:* quod interpretatur, donum Dei & gratia. Cur tanta Deo nominis electorum suorum cura fuit? Certè ut hac ratione & donorū suorum magnitudinem declararet, & donorum memoriam commendaret, ut, si quando humana illis obliuio obreperet, ipsa nominis appellatio & parentes & filios ad recolendam Domini beneficentiam inuiteret, atque ita magis in benefactoris dilectione proficerent, maioribusque donis digni haberentur.

Incipit deinde caelestis legatus nascituri filij laudes explicare. *Erit, inquit, magnus coram Domino; vinum & suam non bilet.* Alij coram hominibus, alij coram Domino magni esse perhibentur: horum autem vera magnitudo; illorum verò, si priori conferatur, magna non est. Hac enim magnitudo constat ingenti patrimonio, ampla domo, magna familia, splendida mensa, molli strato, ceterisque corporis delicijs; at verò coram Deo magnitudo diuersa ratione in horum omnium contemptione, caelestiumque bonorum possessione, consistit. Talis erat Ioannis magnitudo, qui, his omnibus fortunae opibus destitutus, deserto pro domo, solitudine pro familia, cilicio pro vestibus, & locustis melleque siluestri pro varijs ciborum delicijs utebatur. Nullus ibi locus, nullus arte paratus cibus, nullus ibi famulus, nihil prorsus eorum quibus humana vita alitur & recreatur. Ad eam quippe vir sanctus parcimoniam redactus erat, ut, quomodo terra pecoribus alimēta sine ullo cultu & arte praestat, ita & illi praestaret; & qui in vita similis erat Angelis, in victu & vitae cultu se ipsum mirabili quadam parcimonia ad vilitatem pecorum deiiceret. Nam locustae, de quibus hic sermo est, herbarum radices esse

Euseb.  
Emis.

esse à multis creduntur, quæ nec ignis usu, nec vlla conditura egent. Qui autem hoc tam vili cultu & victu vtuntur, magni quidem illi, non tamen apud homines, sed apud Deum sunt. Cuius autem virtutis sit hoc modo victitare, breuiter ex vno D. Hieronymi verbo colligere licet, qui, ad Eustochium scribens, de se ipso sic ait: Cum post multos annos domo, parentibus, sorore, cognatis, & (quod his est difficilior) consuetudine lautioris cibi propter regna caelorum me castrasset, Hierosolymam militaturus perrexi. Quem locum vbi legissem, demiratus sum, virum sanctum difficilem sibi esse dixisse, à cultioris cibi consuetudine abstinere, quàm omnia quæ in mundo charissima habentur, domum, parentes, sororem, cognatos, & natale solum reliquisse. Verùm hoc nemini mirum videri debet; quoniam aliud est semel in vita his omnibus renunciasse, aliud singulis per omnem vitam diebus crucem abstinentiæ ferre, & corpori, delicias suas audivissimè exquienti, pro dulcibus epulis amara fercula ministrare.

Hieron.  
ad Eustochium.

Quereret autem aliquis, cur Ioannes, qui Spiritu sancto plenus, & in gratia confirmatus, lethaliter peccare non poterat, innocentissimum corpus suum tanta asperitate macerauerit? Nec de illo solum, sed de omnibus ferè Sanctis, ac præcipuè de Anachoritis illis idem quæri merito potest. Si quis enim Sanctorum historias, atque illorum præcipuè quas Palladius & Theodoretus litteris consignauerunt, attentius legerit, vix aliud in eis quàm mirabiles abstinentias & continuum orandi studium deprehendet. Huius rei cum multas alio in loco causas assignauerim, duas modo afferam, quæ mihi præcipuè fuisse videntur. Quorum altera est, quòd hac ratione viri sancti omnium peccatorum occasiones velut vno ictu abscindere volebant. Constat enim ex Apostoli sententia, malorum omnium radicem esse cupiditatem. Dum enim terrenas opes aut parare, aut augere, aut ab iniuria tueri volumus, dum aut alijs ipsi hac de causa negotium exhibemus, vel nobis alijs exhibent, fieri vix potest, vt non frequenter multis criminibus irretiamur. Cum igitur viri sancti hoc malorum omnium seminarium vitare decreuissent, vili cultu, & modico cibo, eoquæ parabili, contenti erant, ne occasione lautiora quærendi, in huiusmodi laqueos inciderent. Qua in re canes è Nilo bibentes imitati esse videntur, quos ferè  
simile,  
runt currentes aquam paulatim attingere magis quàm bibere; ne videlicet, si aliquam in bibendo morâ fecerint, à crocodilibus, catentisque serpentibus, qui in eo flumine abundant, dilacerentur. Ad hunc ergo modum viri sancti humanæ vitæ subsidia parcissimè ex venenato huius mundi flumine carpebant; ne, si plenius eo sese ingurgitare vellent, commercium cum eo habere

Palladius  
Theod.

1. Tim. 6.



- cogerentur, & lethali serpentum morſu, qui in eo plurimi degunt, ſauciantur. Hac igitur prior huius tantę aſperitatis cauſa extitit. Vt autem alteram intelligere facilius poſſitis, ſcire oportet ex D. Dionyſij ſententia, hunc in rebus ordinem à Deo ſapientiſſimè fuiſſe præfixum, vt, quod ſummum eſt in aliquo rerum genere, id, quod eſt in ſuperiori genere inſimum, attingeret; quò rerum conditarum ſeries, & veluti catena, hoc mutuo nexu continuaretur, & inter ſeſe cohereret. Hunc autem ordinem videmus inter elementa mundi ſeruari: inferiora namque elementa, ſuperiorum naturam altera qualitate attingunt. Idem autem in alijs rerù generibus animaduerrere licet. At in propoſito noſtro ſanctorum hominum mentes, beatis illis mentibus, quę in cælo reſident, vitę puritate ac moribus proximę eſſe ſtudent; ideoq; obnixè dant operam, quantum humanę imbecillitati fas eſt, vt ſupernarum mentium aliqua ſaltem ex parte perfectionem attingant; earumq; & in vitâ puritatem, & in officio aſſiduitatem & perſeuerantiam imitentur. Supernarum autem mentium officium eſt, quoniam corpore carent, omnibus corporeis functionibus & officijs relictis, ſolius Conditoris amorì & contemplationi inhaerere, nec vquam ab hoc opere feriari: hoc eſt enim quod Ioannes ait, eas requiem die ac nocte non habere, dicentes, Sanctus, ſanctus, ſanctus Dominus Deus Sabaoth. Requiem autem ab hoc officio non habere, eſt, omnem ipſarum requiem & ſelicitatē in hoc vno poſitam eſſe. Ad hanc ergo adeò ſublimem gloriam ſancti viri eodem Spiritu acti aſpirabant; in hoc vnum nervos omnes intendebant, vt fixam mentis aciem in vno Deo ſemper haberent, nec ab eo, quatenus fieri poſſet, oculos vſquam deſſecterent. Hoc igitur omnibus viris ſanctis propoſitum eſt, vt omne tempus quò de Deo non cogitant, vel diuina præcepta non exequuntur, reputent ſe perdidiffe. Quia verò in corpore agentes, corporeis neceſſitatibus ſubiiciuntur, dant operam, quantum poſſunt, vt corporis neceſſitatibus nō ſeruiāt, ſed prouideant; nō delicijs illud foueant, ſed ſobriè alant: non quid eius cupiditas, ſed quid arctiſſima neceſſitas exigar, cōſiderantes. Vnde quemadmodum Mathematici dicunt, ſphæricum corpus in indiuiduo puncto planum corpus attingere; ita ipſi velut in puncto terram atque terrena bona contingunt, vt protinus à terrenis curis liberi atque ſoluti in ſublimia ferantur. Itaque aquilarum naturam imitantur, quę ſemper in ſublime volant, nec ad terram deprimuntur, niſi cū fame vrgentur; quam cū expleuerint, protinus ſupera loca repetunt. Talis fuit beatus Franciſcus, paupertatis exemplar atq; magiſter, qui penè nudus in hoc ſeculo vixit. Tales omnes antiqui eremi Patres; tales filij Prophetarū, qui (vt D. Hieron. ait)

veteris

veteris Testamenti monachi fuerunt. Hi namque turbis urbium derelictis, & prope fluentia Iordanis casulas ædificantes, in potentia & herbis agrestibus victitabant. Talis denique Prophetarum maximus, & Anachoritarum velut antistes, Ioannes Baptista fuit: qui, vt cæteris dignitate superior, ita in victu & cultu parciore extitit. Quæ quidem virtus tanto in illo fuit mirabilior, quanto mens eius diuinis muneribus erat plenior. Sciuit enim (vt Euseb. Emis. ait) quod non sufficeret eligentis gratia, nisi inuigilaret collaborantis industria: sanctificatus quidem est, nec tamen de sola Dei dilectione securus, agonibus ieiuniorum, & laboribus abstinentiæ atque iustitiæ diuina in se vota seruare contendit. Hæcenus ille. Quid ad hæc dicemus, fratres, qui tantopere ab hoc spiritu & gratia distamus? qui non in solitudine, vt Ioannes, sed in medio laqueorum positi sumus, & tamen sic vitam institimus, vt omnes curas & cogitationes nostras ad terrena bona, & cultum corporis conseramus? Quanto aliter viri sancti, de quibus scriptum est, In paucis vexati, in multis bene disponuntur? At contra periculum est, ne nobis accidat, vt in paucis oblectati, huius vitæ usuram & voluptatem penarum æternitate commutemus. Hoc enim illa Saluatoris verba comminantur: Væ vobis diuitibus, qui habetis hæc consolationem vestram. & illa item Iacobi Apostoli: Agite nunc diuites, plorate, ululantes in miserijs vestris, quæ aduenient vobis. Diuitiæ vestræ putrefactæ sunt, & vestimenta vestra à tineis comesta sunt; aurum & argentum vestrum æruginauit: & ærugo eorum erit vobis in testimonium, & manducabit carnes vestras sicut ignis. Thesaurizastis vobis iram in nouissimis diebus. Epulati estis super terram, & in luxurijs enutristis corda vestra.

Euseb.  
Emis.

Sapient. 3

Lucæ 6.  
Iacob. 5.

Sed ad finem properantes, cum hanc abstinentiæ laudem, multasque alias Zachariæ Angelus enunciauerat; ille, tantarum rerum magnitudine stupefactus, hæsitare de Angelica promissione cœpit. Quam is culpam nouem mentium silentio castigauit: quod tamen in filij natiuitate solutum est. Tunc enim laxatum est vinculum linguæ eius, & loquebatur benedicens Deum. Quæ ex re diuinæ misericordiæ lenitate D. Ambrosius colligit his verbis: Vide quàm bonus Deus, & facilis indulgere peccatis. Non solum ablata restituit, sed etiam non sperata concedit. Nemo ergo diffidat; nemo, veterum conscius delictorum, præmia diuina desperet. Nour Dominus mutare sententiam, si tu noueris emendare delictum.

Ambros.

Quia verò Zacharias sacerdos sacerdotij & legis veteris typum gerit; non sine mysterio is ante Ioannis natiuitatem mutus, in Ioannis verò, id est gratiæ natiuitate, eloquens factus est. Hac enim imagine intelligimus, legem ante Ioannis aduentum

elinguem & mutam, hoc est, obscuram & inaccessiblei fuisse, quæ tamen post eius aduentum in Evangelij luce patefacta est. Eius autem obscuritatem Isaias declarat his verbis: Erit omnis visio quasi verba libri signati, quem cum dederint scienti litteras, dicent, Lege istum; & respódebit, Non possum, signatus est enim. Et dabitur liber nescienti litteras, diciturq. ei, Lege; & respondebit, Nescio litteras. Hac enim de causa Apostolus super corda Iudæorum velamen positum esse ait: quia videlicet lex illis obducta, quoniam elinguis & muta erat. Quid enim in lege & Prophetis Christi morte & passione apertius? At tantum abest vt hoc Iudæi intelligerent, vt dicerent, Nos audiuimus ex lege, quia Christus manet in æternum. Quid item tam multis in locis apertius, quàm Gentium vocatio prædicta fuerat? At cum fideles, qui ex circumcisione crediderant, Spiritus sancti gratiam in nationes effusam viderunt, obstupuisse perhibentur, quòd in nationes Spiritus sancti gratia effusa esset, quæ res ab eorum cogitatione longissimè aberat. Muta enim illis erat eo tempore lex, quæ deinceps in manifestatione gratiæ loqui cœpit. Quia enim legis & Prophetarum vaticinia per Christum impleta sunt; ipsa rerum adimpletio, vaticiniorum manifestatio fuit. Quid verò abstrusæ legis figuræ atque umbræ? An non ipsæ quoque adueniente corpore & veritate patefactæ sunt? Vbi enim innocentissimi agni sanguine & sacrificio à diaboli seruitute & potestate mundus est liberatus, & peccata hominum expiata; tunc aperte fideles intellexerunt, quid sibi omnia illa veteris legis sacrificia, effususq. pecorum sanguis designaret.

Sed operæpretium erit animaduvertere, quidnam muta olim lex nunc aperte loquatur. Certè vix aliud quàm quod idem Zacharias in Cántico suo declarauit, cum dixit; Benedictus Dñs Deus Israel; quia visitauit, & fecit redemptionem plebis suæ. Vbiq. enim lex summū Christi Seruatoris nostri beneficium loquitur, Christum prædicat, Christum resonat, quem omnia sacramenta, sacrificia, & cerimonie veteris legis varijs modis adumbrabant. Cum enim humani generis redemptionis omnium diuinorum beneficiorum maximum sit, voluit illud cælestis Pater in omnibus ferè sanctarum litterarum paginis adumbrari, ne vnquā tanti beneficii memoria animis nostris elaberetur. Si enim idem Dominus liberationem ab Aegyptiaca seruitute Iudæorum animis adeò infixam esse voluit, vt diceret, Erit hoc quasi signum in manu tua, & quasi appensum quid ob recordationem ante oculos tuos; quid pro liberatione à diaboli potestate, & æterna captiuitate, à nobis exiget? Hoc æstimari vtcunq. potest, verbis explicari nō potest. Hac ergo tanta Seruatoris nostri charitas, fratres, tanta bonitas & misericordia,

tanta-



tantaque salutis exhibitio acerrimos nobis stimulos addere debet, vt tanta salutis auctorem colamus, illum veneremur, illius laudes perpetuo decantemus, illius gloriam ardentissime siriamus, illum toto pectore, totisque viribus diligamus, ad illiusque dilectionem omnes homines incendere studeamus; vt hac pietate & religionē summi huius beneficij memoriam recolentes, eiusdem beneficij fructum, hoc est, cælestis hæreditatis patrimonium percipere mereamur.

## IN EODEM FESTO BEATI IOANNIS

BAPTISTÆ, CONCIO SECVNDA: IN QVA,  
post Euangelicæ lectionis enarrationem, quin-  
que præcipuè sancti Ioannis virtutes & laudes  
explicantur.

THEMA. *Erit magnus coram Domino. Lucæ i.*



**H**oc discrimen inter Ioannis Baptistæ prædicationem & nostram Guerrius Abbas esse testatur; quod nos quidem perfectius loquimur quam viuimus; ille verò multo perfectius vivebat quam loquebatur, quamuis perfectissime loqueretur. Nos quippe frequenter de perfectionis virtute loquimur, eum simus ipsi imperfecti; ille contrà, qui perfectissimus erat, ad humanæ se infirmitatis caput accommodas, non quæ ipse faciebat, sed quæ infirmi auditores sustinere poterant, edocebat. Militibus ergo ad eius doctrinam confluentibus aiebat; Neminem concutatis, neq. calumniam faciatis, & estote contenti stipendijs vestris. Turbis autem ad eum venientibus, Qui habet, inquit, duas tunicas, det non habenti; & qui habet escas, similiter faciat. Itaq; iustitiæ & misericordiæ operibus salutem hominum definiebat, alios ab iniuriâ deterrens, alijs misericordiam commendans. Sic igitur summus ille vir se infirmis aptabat. Idem in Paulo exemplum habemus; qui se eadem de causâ infirmis tanquam infirmum exhibere curabat: idemq; alibi, Siue, inquit, mēte excedimus, Deo; siue sobrii sumus, vobis: hoc est, si quando humanæ naturæ fines, diuino Spiritu elati, transcendimus, hoc, solo Deo teste, ad eius gloriam facimus: siue ab hoc culmine ad humanæ infirmitatis mensuram nos accomodamus, hoc ad vestram salutem agimus. Hæc est, fratres, regula, quæ cunctis concionatoribus seruanda proponitur: quam nos tamē in hodierna concione non vsquequaque seruare possumus.

Guerrie.

Lucæ 3.

Ibidem.

1. Cor. 9.

2. Cor. 3.

Cum enim suscepti officij ratio, & presentis diei sollemnitas à nobis exigat, ut altissimas beati Ioannis virtutes predicare debeamus; necessariò faciendum est, ut multa dicamus, quæ facultatis nostræ mensuram longè superent. Ea verò dicemus, non ut sciatis Ioannem fuisse sanctissimum (quid enim ad me pertinet, si, cum ipse perditæ viam, illum fuisse sanctissimum credam?) sed ut vos ad virtutum eius imitationem (quatenus cuiquæ licet) accendam. Hac enim de causa nobis Ecclesia Sanctorum festa proponit, non modò ut illos sanctissimos fuisse sciamus, sed ut præcipuas eorum virtutes imitari studeamus, cum idem nobis omnibus sit Dominus, qui neminem à se excludit, nulliq. gratiæ suæ opem denegat; paratus omnibus dare, si non desit qui suppliciter velit petere. Quòd si ad singularem Ioannis sanctitatem nemo nostrum perventurus sit; satis erit, ut, quemadmodum quidam Ciceronis saltem umbram in dicendo assequi cupiebant, sic nos, si non solidam & expressam Ioannis virtutem, at eius umbram & effigiem aliqua ex parte referamus. Nam & qui pueros scribere & formare literas docent, absolutissima illis litterarum exemplaria proponunt: quæ si illi talia reddere nequeant, ad illa tamen exprimenda, quantum per artem licet, adspiciunt. Magna ergo & excelsa exempla nobis ad imitandum proponere debemus: quoniam (ut rectè Fabius dixit) altius ibunt qui ad summa nitentur, quàm qui præsumpta desperatione, quò velint, evadendi, protinus circa ima subsistunt. Ut igitur hoc affectu atque animo sanctissimi huius præcursoris virtutes tractare possimus, caelestem opem, sacratissimæ Virginis interuentu, suppliciter imploremus.

## A V E M A R I A.

Primo loco lectio sancti Evangelij breviter explananda est, quo postea in commemorandis beatissimi Ioannis virtutibus longiores esse valeamus: *Elisabeth* (inquit Evangelista) *impletum est tempus pariendi*. Cum hi beati coniuges, Elisabeth & Zacharias, in confinio utriusque legis, veteris scilicet ac novæ, vixerint; nihil mirum, si veterique nobis aliquid utriusque termini repræsentent. Hæc enim earum rerum natura est, quæ in medio aliarum constitutæ sunt. Sic enim aurora, quæ inter diem & noctem media est, partem quidem diurnæ lucis, partem vero tenebrarum & noctis continet. Elisabeth ergo dum sterilis est, veterem legem designat; dum verò Ioannem, id est gratiâ, parit, Evangelicæ vbertatis gratiam repræsentat. Sterilis enim erat lex, quæ literam occidentem, non Spiritum vivificantem habebat: ideoq. (ut Apostolus ait) neminem ad perfectum adduxit. Nondum enim de Spiritu sancto plenius conceperat, ut spirituales filios pareret: siquidem nondum erat Spiritus datus, quia Iesus non-

dum

Simile.

Quintil.

Simile.

Hebr. 7.

dum erat glorificatus. Gravida tamen Christo erat, quia legibus & sacrificijs, varijsque figuris, intra se Christum Dominum inclusum tenebat. Hanc tamen sterilem legem adueniens Christus Dominus nouo partu fecundauit, eiusque sterilitatem in fecunditatem commutauit. Ille enim qui in nuptijs aquam mutauit in vinum (quo significare voluit, se aduentu suo frigidam legis litteram in spirituale diuinæ gratiæ vinum cōmutaturum) is etiam, vbi aduentu suo fecunditatem sterili seminæ concessit, sterilem legis litteram in Euangelij gratiam transtulit. Nec mysterio vacat, quod sancta femina, cum se partui vicinam esse videret, intra domus suæ penerralia delitescens aiebat; Quia sic fecit mihi Dominus in diebus, in quibus respexit auferre opprobrium meum inter homines. Quibus verbis singulari infamiam, quæ eo tempore probro dabatur, singulari Dei beneficio à se ablatam gratulabatur. Quæ quidem res mirè quadrat in legem, cuius Dominus opprobrium aduentus sui beneficio sustulit. Imperiti enim & infideles homines multa, quæ varijs sacrificijs, & legalibus cerimonijs lex precipiebat, superstitionis magis quàm religionis speciem referre dictitabant. Quod (vt alia prætermittam) exemplo sacrificij, quod leprosis indicabatur, confirmabant. In eo namque duo passeres offerendi erant; quorum alter in vase fictili erat immolandus, eiusque sanguine leprosus hyssopo (quæ ligno cedrino, coccoque bis tincto alligari debebat) aspergendus; alter verò ad volandum liberè dimittendus. At si in hoc sacrificio duplicem Christi Domini naturam consideres (quarum altera ab omni passione & morte libera; altera in cruce immolata, pretioso sanguinis sui cruore mundi lepram sustulit) an non tibi legis illius opprobrium, redemptionis humanæ sacramentum videbitur? Quid verò illa ligni cedrini cum hyssopo coniunctio (quæ cocco bis tincto ligabatur) nisi altissimæ diuinitatis cum sacra humanitate vñionem designat? quam ardens atque incensa diuinæ gloriæ, & humanæ salutis charitas (quæ cocco illo bis tincto adumbrabatur) effecit. Talis enim hyssopus, hoc est, Dei Filius humana carnè circumdatus, peccatorum omnium lepram emundat. Ideoque Reginus Propheta hac se hyssopo aspergi postulabat, vt post atram peccati nigredinem niue candidior appareret. Quid igitur hoc mysterio gloriosius; quod tamen sub humili legis littera latitabat? Hoc est igitur illud legis opprobrium, quod aduentu suo Christus sustulit. Sed ad historiam redeamus.

*Et audierunt (ait Euangelista) vicini & cognati eius, quia magnificauit Dominus misericordiam suam cum illa, & congratulabatur ei. Apertè homines hunc partum diuinæ misericordiæ tribuebant, quia in eo duplex fecunditas impedimētum, senectutis videli-*



cer ac sterilitatis, diuina virtute sublatum est. Arque hac potissimum de causa in desperata parentum aetate Ioannem Dñs & concipi, & nasci voluit; vt liquidò homines eam sobolem non humanæ virtutis, sed diuinæ gratiæ beneficium esse agnosceret; atque hoc argumento & Deo in rebus etiam desperatis fidere, & beneficijs eius grati esse addiscerent. Qua de re sic Rauennas: Sterilitas senectute exaggeratur extrema; & ab spe generandi totum subducitur quicquid est corporis & naturę: & ne vel cogitatio sobolis vlla remaneret, ad id peruentum est temporis & ætatis, quo, transacto calore vitali, mortale frigus sterilis iam viscera possidebat: vt genitor ipse cognosceret, inde iam per hominē non posse nasci hominem, vnde abscesserāt res humanæ. Sic, sic fratres, duris hominum præcordijs credulitas asseritur, & insentur fides; & tunc totum diuinum creditur, cum fuerit nihil humanum. Hactenus Rauennas. Sequitur deinde: *Et factum est in die octauo, venerunt circumcidere puerum, & vocabant eum nomine patris sui Zachariam. Et respondens mater eius, ait: Nequaquam, sed vocabitur Ioannes. Et dixerunt ad illam: Quia nemo est in cognatione tua qui vocetur hoc nomine. Verè ita est: quia cum Ioannis nomen gratiam significet, quamuis multi essent qui hoc nomine vocarentur, pauci tamen erant in quos nominis huius ratio caderet; donec ille veniret, de cuius plenitudine omnes acciperent gratiam pro gratia; hoc est, propter singularem aduentus sui gratiam ipsi quoque gratiam acciperent, quæ illos Deo gratos efficeret. Hanc autem de Ioannis nomine controuersiam Zacharias pater diremit, qui rogatus filij nomen, postularis pugillaribus, cum piæ vxoris voluntate consentiens, scripsit, Ioannes est nomen eius.*

Imposito ergo à patre nomine, apertū est illico os eius, & lingua eius, & loquebatur, benedicens Deum. Quibus verbis benedicebat? *Benedictus, ait, Dominus Deus Israel: quia uisitauit, & fecit redemptionē plebis suæ. Dum ergo Ioannes nascitur, diuturnū patris silentium soluitur: nec soluitur modò, sed etiam Prophetico spiritu loquētis pectus impletur. Vt enim vtero matris inclusus, gaudio suo matrem & Spiritu sancto impleuit; ita cum in lucem fuit editus, patrem eodem Spiritu repleuit. Quo Spiritu actus, pulcherrimum illud carmen edidit, quo humanæ redemptionis beneficium celebrauit. Sic enim ait, Benedictus Dominus Deus Israel: quia uisitauit, & fecit redemptionem plebis suæ. Qua in re non parua admiratione dignum est, quòd cum sanctus hic sacerdos tam nouis atque miris à Deo beneficijs, tali præstito filio, fuerit ornatus, sic tamen summi huius beneficij magnitudine stupefactus est, vt eorum omnium quodammodo oblitus, hoc solum prædicet, hoc decanter, hoc miris in celum laudibus efferat,*

& pro

Rauenn.

Ioan. i.

& pro hoc vno deuotissimas Dño gratias agat. Et quidem amissam loquendi facultatem recepit; Spiritu sancto & Prophetico lumine repletus fuit; Euangelij arcanum, & incarnationis Dominicæ sacramentum, Spiritu docente, cognouit ac cecinit; filium desideratissimum, tot titulis insignem, recepit; nec filium modò, sed Prophetam, & plus quàm Prophetam, sterilitatis macula è domo sua, cunctis admirantibus & gaudentibus, deleta; & tamen tot beneficiorum, quæ illius animum mirè exhilarare atque afficere poterant, velut oblitus, pro hoc ineffabili communis salutis beneficio gratias agit, dicens:

*Benedictus Dominus Deus Israel: quia visitauit, & fecit redemptionem plebis sue. Visitauit enim nos apparens in carne Dñs, & longius à se recedentes ineffabili benignitate quasiuit. Visitauit quasi medicus ægros, qui, vt inueteratum superbix nostræ morbum sanaret, nouum nobis stupendæ humilitatis suæ exemplum, velut antidotum salutare, adhibuit. Fecit verò redemptionem plebis suæ, qui venundatos homines sub peccato, & antiqui hostis seruituti addictos, oblato sanguinis sui pretio redemit. Vnde opportunè nos hortatur Apostolus, dicens: Empti i. Cor. 6. estis pretio magno; glorificate & portate Deum in corpore vestro. Plebem autem suam appellat, non utiq. quam veniens plebem suam reperit, sed quam visitando & redimendo suam fecit. Vultis enim audire qualem eam inuenerit, qualemq. reddiderit? Hoc nos idem Zacharias in huius Cantici fine docet, Visitauit inquit, nos Dominus, oriens ex alto, illuminare his qui in tenebris, & in umbra mortis sedēt, ad dirigendos pedes nostros in viam pacis. Inuenit ergo nos sedētes in tenebris, & in umbra mortis, hoc est, longa peccatorum & ignorantix nocte depressos, atque hostis antiqui fraude circumuentos, & infinitis propè errorum tenebris & obscura caligine circumfusus. At verò splendidissimus ille iustitiæ Sol, discussis errorum tenebris, veritatis cognitione animos nostros imbuit, & doctrinæ suæ luce certum nobis iter in beas illas æternitatis oras aperuit. Erexit præterea cornu salutis nobis, in domo David pueri sui: quia humanæ salutis auctorem atque propugnatorem ex Davidis familia suscitauit; quia oracula omnia Prophetarum impleuit; quia iuramentum, quod iurauit ad Abraham patrem nostrum, feliciter & clementer præstitit, in cuius semine vniuersas cognationes terræ seruandas promisit. Quam eius promissionein, velut in luce iam Euangelij positus, apertissime declarauit, cum dixit: Vt sine timore, de manu inimicorū nostrorum liberati, seruiamus illi, in sanctitate & iustitiā coram ipso, omnibus diebus nostris. Quod perinde est ac si diceret: Iam non est cur diaboli, mundi, aut carnis, potentissimorū hostium nostrorū metu à Dei seruitute abducamur, cum*

ea gratiæ plenitudo per Christum omnibus proposita sit, ut per eam tota inimicorum nostrorum vis & potentia comprimat. Iam verò quod in fine cantici, nati pueri mentionem facit, non sibi hoc nomine gratulatur, quòd noua prole fuerit auctus, sed quòd is videlicet huius tanti mysterij nuncius & præco futurus esset. Vtique adeò enim huius tanti beneficij fulgor mentis eius oculos perstrinxerat, ut omnia alia, quamlibet maxima, beneficia, obscura ei & exigua viderentur. Et quidem nisi incredulitatem eius sanctus Euangelista amissæ vocis causam fuisse docuisset, meritò existimare possemus, stuporem tanti mysterij mutum cum & elinguem reddidisse.

Chrysol.

Ex hac gratiarum actione colligitur, quid in oratione sua vir sanctus à Domino postulauerit, cum illi Angelus dixit: Ne timeas Zacharia, quoniam exaudita est oratio tua. Pro eo igitur nunc gratias agit, quòd eius oratio esset exaudita. Cum ergo non pro nato filio, sed pro mundo redempto gratias agat; consequens est, illum antea non pro filij natiuitate, sed pro mundi redemptione preces ad Dñm fudisse. Hoc autem apertè docet Petrus Chrysol. his verbis: Putasne sacerdos tantus sic est populi, sic vniuersitatis oblitus, ut de conceptu veteranæ coniugis, de partu desperatæ sterilis rogaret, ut sibi soli legatus omnium tunc adesset, ut aduocatus omnium pro se singulariter oraret, ut tantum pontificatus officium intra domesticas aptaret curas, inter familiares clauderet & occuparet angustias, & incensum totius plebis in solum desiderium proprij pignoris addiceret veteranus antistes, ac tali desiderio grandæuus, & ipsum tempus iam respiciens ad partum succederetur intempestiuum? Absit, fratres, absit ut hoc de sancto Zacharia fidelis anima suspiceretur. Et quidem Angelus in hoc fuisse refert totius supplicationis effectum, dicens: Exaudita est deprecatio tua; & vxor tua Elisabeth pariet tibi filium. Si Angelus ad petita respondit, sacerdos pro solo pignore supplicauit: si pro omnibus egit supplicatione sacerdotis, cur Angelus de solo pignore retulit impetrata? Quid teneamus, quid diu suspendimus animos auditorum? Quàm non sibi soli, sed omnibus affuerit iste venerandus antistes; quàm responderit Angelus vniuersis; apparet ex officio Ioannis, qui in hoc destinatus à Deo est, ut esset vox Christi, ad Christum sua referuatus ad tempora, esset præco iudicis præsentiam clamaturus, esset pœnitentiæ, populos Christi vocaturus ad veniam; quàm sacerdos ergo iste iam sui nescius, iam sibi mortuus, extraneus coniugi, soboli iam negatus, egerit omnibus, omnibus impetrarit, mox Angelo referente discamus. Et multi, inquit, in natiuitate eius gaudebunt. Non est vnigenitus, qui est cunctorum creatus ad gaudium. Hactenus Rauennas.

Quid



Quid igitur ex his sequitur, fratres, nisi ut nos quoque, quorum gratia hæc mysteria celebrantur, tam magnificis diuinæ pietatis beneficijs donati, cum eodem Zacharia immortales tantorum donorum largitori gratias agamus, dicentes: *Benedictus Dominus Deus Israel; quia visitauit & fecit redemptionem plebi sue.* Hæc breuiter de Euangelica lectione; nunc ad eximias præcursoris laudes & virtutes veniamus.

## I.

Cum inter cætera laudum insignia, in quibus beatissimus præcursor eluxit, hæc etiam numeretur, quod Ioannis nomen illi inditum fuerit (quod gratiam significat, & diuinæ gratiæ magnitudinem, quæ in illum conferenda erat, declarat) ab ipso gratiæ nomine exordiendum nobis est, ut, qua ratione hoc illi splendidissimum nomen conueniat, explicemus. Duplex esse genus gratiæ, Theologi definiunt: alteram operantem, alteram cooperantem: hoc est, alteram qua Deus nos ob immensam bonitatem suam ante omne meritum gratuito præuenit (qualis est eorum gratia, qui in vtero sanctificantur; ) alteram qua ab eo excitari & adiuti, nos cum illo, & ille nobiscum operatur. Cum autem Ioannes gratiæ nomen obtineat, utroque gratiæ genere mirum in modum excelluit. Nam & magna atque miranda illi dona ante omne meritum collata sunt; & magna atque miranda idem, diuina gratia adiutus, operatus est. De priori genere gratiæ in præcedenti concione disseruimus, cum magnifica dona, quæ à Deo percepit (quibus Christi Domini similitudinem in vita sua expressit) enumerauimus: nunc de secundo gratiæ genere nonnulla dicamus; hoc est, de virtutibus, in quibus beatissimus Ioannes, cooperante Dei gratia, potissimum emicuit.

Inter quas prima se nobis eius solitudo offert; quæ tanto in eo mirabilior extitit, quanto is per atatem imbecillior ad eremiticæ vitæ labores perferendos erat: sic enim Lucas de illo refert: Puer autem crescebat, & confortabatur spiritu, & erat in desertis vsque in diem ostensionis suæ in Israel. Puer igitur in tenebra adhuc atate constitutus, eremiticam vitam agebat. Quæ res quàm sit admiratione digna, ex illa D. Hieron. sententia colligi potest, qui ad Rusticum monachum de hoc vitæ genere scribens ait: De iudo monasteriorum volumus huiusmodi egredi milites, quos dura eremi rudimenta non frangant, qui speciem conuersationis multo tempore dederint, qui omnium fuerint minimi. Si igitur hoc vitæ genus non aironibus, sed veteranis militibus conuenit; qua admiratione dignum est, paruulum Ioannem hoc vitæ genus elegisse, illudque perpetuo retinuisse! Miramur Paulum primum eremitam, & Hilarionem; quorum ille sedecim annos natus, iste quindecim, eremiticam vitam elegerunt: quanto

verò

verò mirabilius est, puerulum adhuc teneris sub annis hanc viuendi rationem elegisse! Adde etiam, quod natura hominem (quem inermem, nudum, & rerum omnium inopem genuit) quo eius inopia prouideret, animal politicum & sociale fecit, vt multorum artibus & officijs, quod inopi naturæ deerat, suppleretur. Quidquid enim opificum est in magna ciuitate, vni ferè homini necessarium est. Quo autem vel sexus, vel ætas est infirmior, hoc plurium rerum adminiculis fulcienda atq. sustinenda est. Quæ ergo ratione sanctus hic puer in tam infirma teneraq. ætate deserti solitudinem atque inopiam perferre potuit? Sed operæ pretium erit, huius imaginem vobis ob oculos ponere. Si quis in deserto errans, puerum hunc in vasta illa eremi solitudine inuenisset, an non mirabundus illum interrogasset, Quis te, sancte puer, huc aduexit? quid hic agis? quid moliris? Ceteri pueri in etate ista aut præceptoribus operam dant, aut cum contubernalibus in platea ludunt, aut in aliquo officio domi rurive exercentur. Tu ergo, sancte puer, qui in hoc squalenti deserto, sine præceptore, sine litterarum studio, sine cõuuis pueris versaris, quid hic negotij geris? quomodo vitam hanc, rerum omnium indigam, ferre potes? vbi habitas? vbi cubas? vbi ab iniurijs & inclementia cæli defenderis? vnde tibi cibum, vnde vestem, vnde reliqua ad vsum vitæ necessaria paras? Quenam hæc est professio & religio quam profiteris? Cur tam rigidum vitæ propositum arripuisti? quod scelus tuum? quæ crimina in tam tenera ætate admittere potuisti, quæ tam aspera vitæ institutione luenda sint? Ad hæc quid ille respondere potuisset, nisi se à Spiritu sancto in illam solitudinē aduectum, illius ductum sponte secutum fuisse? nec mirum esse, puerum in deserto solitariam vitam agere, qui in visceribus matris delitescēs, auctorem suum diligere, colere, & venerari iam pridem cœpisset?

Inquisitione autem dignum est, cur Spiritus sanctus, qui huius beati pueri mentem sibi in domicilium, viuumque templum, antè etiam quàm nasceretur, elegerat, voluerit illum non modò in hac ætate, sed tota etiam vita in eremo commorari. Multæ sunt huius diuini consilij causæ, sed illa non postrema est, quam huius diei hymnus, laudibus eius dicatus, memorat: quòd videlicet ea ætate mundum fugerit, ne leui saltem maculare vitam fame posset. Sancti enim viri maxima cura, leuissima etiam peccata vitare conantur: partim quòd ex Saluatoris doctrina sciant, de omni etiam verbo otioso, reddendam esse rationem: partim etiam, quòd delicatissima sit piorum hominum mens, quæ vel minimis etiam delictis perturbatur, atque ita minus apta atq. idonea diuinis illuminationibus percipiendis efficitur. Est enim iusti viri anima instar purissimi speculi, quod

Simile.

leuissimo

lenissimo etiam puluere, atque oris etiam anhelitu ita foedatur & obscuratur, vt nec aspiciēris faciem reddat, nec luci obiectum splendorem emittat. Quocirca vir iustus summo studio mentem suam ab omni terrenæ facis contagio puram illibatamq̃ seruare contendit, quo ad diuina cōtemplanda aprior puriorq̃ sit. Constat autem solitudinem ad vitæ puritatem & innocentiam consequendam plurimum iuuare. Ferè enim peccata omnia aditum sibi in animam nostram per sensuū fenestras patefaciūt: alia enim per oculos, alia per aures, alia per alios corporis sensus ad nos ingrediuntur: vnde est illa Prophetæ querimonia; Intrauit mors per fenestras nostras, ingressa est domos nostras. Per oculos enim fenestras in Davidis animam ingressa est mors, dum alienam vxorem vidit & concupuit. Hoc igitur summum oculorum periculum Ecclesiasticus animaduertens, dicere nō dubitauit: Nequius oculo quid creatū est? Hinc in Viris Sanctorum legimus, pium quēdam sacerdotem oculis captum ad cuiusdam sancti tumulum multis precibus cōtendisse, vt illi vidēdi facultatem restitueret. Quod cū impetrasset, Missamq̃, de more celebrasset, vbi postea vidēdi periculum experitus esset, saluti magis animæ quā corporis, & interno magis lumini quā externo prospiciens, ab eodem sancto pristina caritatis remedium petijt & impetrauit. Ab huius igitur sensus periculo, imò & à multis alijs liber est, quisquis in solitudine vitam agit. Nihil enim ibi est quod cum periculo videre, vel audire, vel etiam loqui possit. Quis autem ea, quæ per linguam delinquimus, enumerare valeat, cū illam Iacobus Apostolus vniuersitatē iniquitatis appeller? Ab hac ergo malorū colluione tutus est qui in solitudine viuit. Qua ex re liquet, puritatis & innocentie altricem atq̃ custodem esse solitudinem. Ideoque non frustra solitudinem Hieremias Propheta commendabat, cū diceret: Bonum est viro cū portauerit iugum ab adolescentia sua: sedebit solitarius, & tacebit. Quod quidem consilium idem sanctus Vates se secutum fuisse testatur, cū ad Dominum ait: Sedebam solus; quia comminatione replesti me. Quod si hanc commoditatem ad bene viuendum caprabat, qui Spiritu sancto plenus, & cælestibus armis instructus erat; quid de nobis sperandum est, qui, his presidij destituti, inter tot laqueos versamur, vt Propheta dicat: Pluer super peccatores laqueos? Quā multos enim laqueos esse intelligebat, quos plura guttis comparabat. Quod si fortè quis dicat, se hos laqueos minimè cernere; hoc plane argumēto laqueorum istorum vim atque subtilitatem agnoscer, quod frequēter illis indutus, neque illos videat, neque se ab illis expedire queat. Non enim illos Vulcanus struxit, qui à Poëus fingitur subtilissimum rete, quod etiam

Hier. 9.

Eccles. 30.

Iacob. 3.

Thren. 3.

Hier. 13.

Psal. 20.



etiam oculorum aciem fugeret, fabricasse: sed illi tamen artifices extruxerunt, de quibus scriptum est, Narrauerunt vt absconderent laqueos: dixerunt, Quis videbit eos? Quocirca quisquis ab his laqueis explicari optat, quamuis cum Ioanne solitudinem deserti non adeat; vrbium tamen solitudinem, quantum illi fas sit, amet & quærat. Fugiat sæpe publicum, fugiat celebritatem, fugiatque præcipuè conuentus maledicorum & prauorum hominum (corrumpunt enim bonos mores colloquia praua;) secum habiter, secum viuat, secum & cum Deo loquatur, si à tot laqueis liber esse desiderat. Hac igitur prima Ioannis virtus & excellentia fuit.

Sequitur alia, nempe admiranda vitæ asperitas, & carnis maceratio. Erat enim (vt ait Euangelista) vestitus pilis camelorum, & zona pellicea circa lumbos eius, & locustas & mel siluestre edebat. Hanc autem victus cultusque rationem Dñs in Euangelio commendauit, cum ait: Quid existis in desertum videre? hominem mollibus vestitum? Ecce, qui mollibus vestiuntur, in domibus regum sunt. Hoc igitur vitæ cultu sanctus vir ad finem vsque vitæ in deserto perseverauit. Quod si quæras, quomodo fragilis natura carnis tam diu potuerit in hoc vitæ genere durare; ad hoc respondemus, continua paracleti Spiritus solatia, mirasque orationis diuinæque contemplationis delicias, seculi hominibus incognitas, hoc facile præstare potuisse. Hæ namque tanto sunt maiores, quanto vita ipsa asperior est. Hinc Diuus Hieronymus, posteaquã in Epistola ad Eustochium orandi studium, & certamina sua, acerrimosque cum dæmone conflictus commemorasset, tandem subdit: Sicubi aspera montium, concava vallium, rupium prærupta cernebam, ibi meæ orationis locus. Et, vt mihi testis est Dñs, post multas lacrymas, post cælo in hærentes oculos, sæpe mihi videbar agminibus interesse Angelorum, & lætus gaudensque cantabam, Post te in odorem vnguentorum tuorum curremus. Quis igitur non libenter eremi solitudinem perferret, si se ita choris Angelorum sociatum frequenter cerneret? Si ergo sancti viri tantis in deserto delicijs fruebantur: quibus Ioannes frueretur, qui tanto maiore à Deo perceperat gratiam? Gratia namque mensuram, charitatis magnitudo consequitur. Quo verò charitas maior, eo quoque spirituales deliciae vberiores sunt, quæ ex dilecti præsentia, & intima vnione amantis cum re amata consequuntur. Quibus ergo delicijs frueretur, qui non solum Ioannes, id est, gratia, sed amicus etiam sponsi appellatus est, qui gaudio gaudet propter vocem sponsi! Et qui materni vteri angustijs inclusus, gestire præ gaudio cœpit, cum Seruatorem mundi adesse cognouit; quo gaudio, iam grandior, afficeretur, cum mirabile Dominicæ

incar-

incarnationis sacramentum (cuius ipse præcursor & nuncius in mundum venerat) cæteraque nouæ legis mysteria contempla-  
batur? Adde etiam verum esse quod Apostolus ait, nempe, pro  
mensura laborū, quos religionis gratia suscipimus, diuinas con-  
solationes pijs hominibus distribui. Quo nomine delicias spon-  
se Angeli mirantur in Canticis dicentes: Quæ est ista quæ ascen-  
dit de deserto deliciarum affluens? Constat enim, desertum, hoc in  
loco non secundum litteram, sed secundum spiritum accipi de-  
bere. Desertum verò spirituale est, cum anima iusti eo deuenit,  
ut mundo mortua cum Propheta verè dicere possit: Quid mihi  
est in cælo, & à te quid volui super terram? Defecit caro mea,  
& cor meū, Deus cordis mei, & pars mea Deus in æternū. Quo-  
ties igitur hæc fidelis anima terrenarum rerum desiderijs volup-  
tatibusque renunciat, cum secum habitans, & secum viuens,  
non modò solitariam, sed etiam pauperem & inopem vitam,  
propter rerum cælestium amorem ardentè diligit; tunc ipsa de-  
sertum sibi sponte facit, cum terrena deserit, & ab omnibus absti-  
net, quæ sensus oblectare, & à diuinæ contemplationis studio  
auocare possent. Quo tempore fidelis & pius Dominus tantò  
maioribus mentem deliciarum reficit, quantò illa magis propter  
ipsum, omnes seculi voluptates à se abdicat. Paracletus enim  
Spiritus sanctus huc potissimū diuertit, & has mentes fidei suæ  
commisissas, miris modis consolatur. Quid enim magis immen-  
sam illam Dei erga fideles amicos suos fidem & charitatem de-  
cebat, quàm propter se mœrētes spiritualibus deliciarum reficere &  
consolari? Merito ergo mirantes Angeli dicunt: Quæ est ista  
quæ ascendit de deserto deliciarum affluens: foris pauper, intus di-  
ues; foris mœrens, intus gaudens; foris nuda, intus fimbrijs au-  
reis ornata; foris vilis & abiecta, sed intus in oculis Domini pre-  
tiosa? Si igitur pro mensura piorum laborum, mentes suorum  
Dominus recreat & reficit; quibus, quæso, deliciarum præcursoris  
& amici sui mentem oblectabat, qui tanta innocentissimum cor-  
pus suum asperitate & inedia ob illius amorem macerabat?  
Quomodo enim tamdiu dura illa eremi rudimenta, spretis om-  
nibus seculi deliciarum, ferre potuisset, nisi maiores ibi delicias  
quàm in sæculo reperisset? Quomodo seculo mortuus esset, nisi  
totus in Deo felicius viueret?

Quæret autem aliquis, cur innocentissimus Ioannes (qui tot  
diuinæ gratiæ præsidij aduersus peccatum munitus erat) cor-  
pus suum tanta inedia castigaret; qui ob insignē illam gratiam  
qua fuerat donatus, ab omni lethali peccato se immunē seruare  
poterat? Sic enim de illo Euseb. Emiss. ait. Sicut vas plenū oleo  
admixtionem liquoris alterius respuit; ita in eum nihil secularis  
maculæ introire iam poterat, in quo sanctificationis plenitudo

Cant. 3.

Psal. 21.

Cant. 3.

Euseb.  
Emiss.  
Simile.

regnat. Cum ergo vir sanctus sic aduersus peccatū instructus esset; cur tam asperum vitæ institutum amplecti, & ad finem usque vitæ retinere voluit? Multæ sunt causæ; sed illa tamen non Gueric. postrema est, quā Guericus Abbas assignat his verbis: Sicut in vitij, vt vincamus rēditiones, corpus est castigandū, ne regnet in eo peccatum: sic etiam victis tentationibus in eodem est persistendum; non solo metu recidendi, sed etiam desiderio proficiendi; vt scilicet de mortificatione carnis spiritus vegetior fiat; & quanto leuius ac subtilius vinculū gestat, tanto ad spiritualia liberior surgat. Ioānes ergo, qui, antequā exiret de ventre, sanctificatus est, cui illud dicere competeat; Ab infantia mea creuit mecum sanctitas, & de ventre matris meæ egressa est mecum: quē nullus tentationis ventus agitare poterat; nec molli-  
Iob 31. bus tamen vestiebatur, nec cibis suauibus vellebatur, sciens utique, quia sicut peccatoribus vt sancti fiant, sic sanctis vt sanctiores fiant, necessaria est seuerius viuendi disciplina. Hactenus Guericus. Hæc autem abstinentiæ virtus adeo Ioannem mirabilem hominibus fecit, vt non Christi præcursores, sed Christum ipsum, à Prophetis olim promissum, esse putarent. Hæc etiam de causa natalis eius dies tanta hodie ab vniuerso mundo lætitia celebratur. Omnes enim incredibilem illam præcurso-  
ris parsimoniam & abstinentiam miro modo suspiciunt & venerantur. Quod cum ita sit, merito à nobis quærere possumus; cur, qui tantopere virtutem hanc in præcursores celebra-  
mus atque miramur, in nobis contrā fugimus ac detrectamus? Curenim in te fugis, quod in illo tantopere laudas? Laudas enim Ioannis inediam, laudas inopiam, laudas cultus & victus asperitatem, & tamen si quis te ad easdem virtutes adhortari velit, non aliter ista, quàm supplicium & mortem horres. Quid igitur hoc esse dicam? Cur ea quæ in genere laudamus, cum ad singulares actiones ventum est, adeo acriter à nobis reijcimus & repudiamus? Vt enim si aurum probas, & hoc aurum probare debes: ita si abstinentiæ virtutem laudandam esse statuis, in te quoque illam probare debebis. Euenit ergo nobis hæc in re, quod de ea iustitiæ parte quæ fontes punit, dicere homines solent; quam & miris laudibus ornant, & veluti Reipub. animam esse dicunt; quam tamen intra domum suam admittere nemo velit. Ita ergo à nobis ipsi dissidemus, vt quod in alijs probamus, in nobis improbemus: & qui hodie clamoribus & lætitia mundum implemus, Ioannis parsimoniam commendantes, eandem in moribus nostris repellimus ac detrectamus. Quo quid esse magis præposterum potest? Liquet igitur ex his verum esse quod Sapiens ille dixit: *Probitas laudatur, & alget. Et illud item: Video meliora, præbeque, Deteriora sequor.*

Si ve-



Si verò minus nos hæc tanta mentis humane peruersitas mouet, moueat saltem periculi nostri magnitudo. Si enim innocentissimus Ioannes hac ratione immortalitatis gloriâ consecutus est: quid nobis sperandū erit, qui tot sceleribus inquinari, tamen in altissimo otio delicijsque vitam agimus. Quod si spes hæc minimè nos fallat, agamus (vt Guerrius Abbas ait) gratias Deo, qui dedit nobis (si tamen dedit) sine pugna victoriam, sine pœnitentia veniam, sine opere iustitiam, sanctimoniam sine labore, delicijsq. carnalibus simul & spiritualibus affluere. Induimur purpura & bysso, & epulamur quotidie splendide, & nihilominus distenti & ructantes crapulam, dormiemus cum Lazaro quondam paupere in sinu Abrahæ, vel potius in sinu Christi cum Ioanne. Planè si ita est, melius nobiscum actum est, quàm cum illis qui tantis emunt laboribus quod nos delicati gratuitò possidere volumus. Quod si ita est, ridenda est magis quàm prædicanda vita Ioannis; & omnem nationē filiorum Dei, qui dura & arcta via secuti sunt. Vnicum Patris reprobare magis expedit quàm imitari. At nequaquam ita est, cum Veritas ipsa dicat: Quia per multas tribulationes oportet nos intrare in regnum Act. 14. Dei. Hac igitur carnis & mundi philosophia repudiata, fratres, per eam viam gradiamur, qua B. Ioannes, qua Sancti omnes, quæque Dux ipse noster Dei Filius ingressus est, vt hoc itinere gradientes, ad eorum tandem consortium peruenire mereamur, quorum vestigijs ingressi sumus.

## IN EADEM NATIVITATE SANCTI IOANNIS BAPTISTÆ, CONCIO TERTIA: in qua insignes eius excellentiæ declarantur.

**THEMA.** *Erit magnus coram Domino. Lucæ 1.*



**M**IVERSA Christiana philosophia in duas præcipuè partes distributa est: quarum altera de fine, altera de ijs rebus quæ ad finem consequendum pertinent, differit. Et finem quidem esse charitatem, paucis Apostolus definit cum ait: Finis præcepti charitas de corde puro, & conscientia bona, & 1. Tim. 3. fide non ficta. Huc enim quæ in diuinæ legis siue præceptis siue consilijs traduntur, spectant; vt Deum quidem supra omnia, homines verò ad eius imaginem conditos, propter eum diligamus. Est enim (vt Theologi docent) vnicus charitatis habitus, à quo duo isti dilectionis actus quasi duo ab eodem

truncorami oriuntur. Ad hunc autem finem consequendū cum multa requirantur, ferè tamen omnia ad vnam cupiditatem, siue immoderatum sui amorem superandum reuocantur. Dico autem, immoderatum; quia cum is intra diuinæ legis terminos continetur, non est cur à nobis repudiandus sit. Hic enim amor sui ad tutelam atque custodiam vitæ nobis ab auctore naturæ datus est; qui si tamen modum excesserit, innumeros animæ morbos parit. Hic igitur sui amor, amor erga Deum ita aduersatur, vt eo in anima dominante, regnare charitas nullo modo possit. Amor quippe in Deum omnia ad illius gloriam refert. Contrà verò amor sui, & Deum, & cætera omnia ad corporis cōmoditatem & voluptatem reuocat. Hinc D. Augustinus duas illas insignes ciuitates, nempe Babylonem & Hierusalem hoc duplici amore ædificari ait: Babylonem quippe ædificat amor sui, perueniens vsque ad contemptum Dei; Hierusalem verò amor Dei, pertingens vsque ad contemptum sui. Et quidem in amore erga Deum adeò nullus labor est, vt nihil in vita neque dulcius neque iucundius sit. Totus tamen labor in ijs rebus positus est, quæ ad hunc amorem consequendum exiguntur. Sicut enim corporis sanitas hominibus gratissima & iucundissima est, medicamenta tamen quæ ad illam parandam destinantur, acerbæ frequenter & iniucunda sunt: ita charitas suauissima quidem est, ea verò quæ ad eam comparandam requiruntur, acerbæ sunt. Oportet enim (vt dixi) immoderatum corporis sui amorem expugnare, cæterosque noxios affectus, qui ab hoc fonte dimanant, rationis vi & imperio cōercere, atque illud implere

Galat. 5. quod Apostolus ait: Qui Christi sunt, carnem suam crucifixerunt cum vitijs & concupiscentijs: & illud item Domini Saluatoris: Qui vult venire post me, abneget semetipsum, & tollat crucem suam, & sequatur me. Quid autem difficilius, quàm carnem crucifigere, & seipsum abnegare, hoc est, seipsum non agnoscere, sed alienum & peregrinum, imò & hostem reputare, atque ita hostili odio quæ noxia sunt, quæq. charitati officiunt, abscindere?

Quæretis igitur, qua ratione ad hæc duo Christianæ philosophiæ capita peruenire poterimus. Multa sunt quæ nos in hoc iuuare poterūt, sed illud in primis, si duos patronos nobis eligamus; quorum altero ad amorem in Deum, altero ad ea quæ huic amori deseruiunt, consequenda, nobis meritis & precibus suis manum porrigat. Ad prius autem illud cōmodissimus nobis erit Euangelista Ioannes, qui inter Apostolos adeò Christum Dñm dilexit, adeoq. ab ipso singulari amoris priuilegio dilectus fuit, vt proprio nomine suppleo, Discipulus quem diligebat Iesus, appelletur. A quo ergo magis amorem in Deum petemus,

quàm

quàm ab eo qui sic & Deum dilexit, & ab eo dilectus est? Ceterum quæ ad hunc amorem in Deum consequendum pertinent, hoc est, ad amoris proprii expugnationem, ad corporis castigationem, ad crucis & mortificationis studium, à quo rectius quàm à beatissimo Ioanne Baptista petemus, qui adeo seuerus & inexorabilis corporis sui castigator extitit? Eas namq. virtutes à sanctis postulare solemus, in quibus ipsi plurimū excelluerunt. Sic enim à beatissima Virgine humilitatē, virginitatē, charitatem, ceterasq. similes virtutes poscimus. Habemus igitur duos hos insignes patronos, à quibus omnia quæ ad Christianā philosophiam spectant, petere valeamus. Quæ cum ita sint; nō est cur alterum ab altero contentiosis affectibus seiungamus, cum hi duo sanctissimi viri sic inter se cohæreant, vt vtriusque patrociniū ad plenā salutem nobis (vt modò diximus) necessarium sit. Neque enim aut amor Dei sine amoris proprii abdicatione, neque huius amoris abdicatio sine Dei amore existere potest. Non enim ex odio amor, sed magis ex amore odiū oritur. Quia igitur hodie beati Ioannis Baptistæ festum diem celebramus, Euangelista prætermisso, de Baptista dicturi, cælestem opem, sacratissimæ Virginis interuentu, suppliciter imploremus.

## A V E M A R I A.

*Erit magnus coram Domino.* Quoniam hic dies beatissimi Ioannis laudibus est dicatus; hæc brevis sententia, quæ eius nobis magnitudinem contemplandam proponit, paulo fusiū explicanda est: non modò vt illum sanctitatis gloria magnum esse cognoscamus, sed vt diuinæ gratiæ (quæ talem illum fecit) magnitudinem admiremur, & quatenus infirmitati nostræ licuerit, eundem imitari studeamus. Quid enim nobis proderit, si illum coram Domino magnum esse sciamus, si nos coram illo vel parui, vel etiam nulli simus?

Prima autem & summa eius magnitudo est, coram Deo magnum esse: in cuius oculis nihil magnū, nihil (vt Ecclesiasticus ait) mirabile est. Fuerūt apud Gētiles multi, quibus hoc Magni nomen tributū fuit. Sic enim Alexander Magnus, & Pompeius Magnus, & nonnulli etiā qui ter maximi sunt appellati (qualis ille Mercurius extitit: ) nemo tamen eorū coram Deo magnus fuit: quod de beatissimo Ioanne, non humano, sed angelico testimonio pronuntiātū est. Quale ergo est magnū esse apud illū de quo scriptum est; Sicut momentū statere, sic est ante te orbis terrarū, & quasi gutta roris antelucani qui descendit in terram. Sed vt clariū sanctitatis huius magnitudinē, & causam eius intelligatis, scire oportet, hūc esse diuinę prouidentię atq. sapientię morem, vt quos homines ad munus aliquod elegerit, eos cunctis virtutibus quæ ad illud perfectē exequendū necessariæ sint, cum-

Ecclesi. 15

Sap. 10.



Ioan. I.

mulatissime exorner. Sic Moysen, quem populi sui principem fecit; sic Apostolos, quos ad Euangelij prædicationem elegit; sic Prophetas, quos verbi sui ministros, & Euangelicæ gratiæ præcones instituit, omnibus virtutum & gratiarum opibus plenissime instruxit. Erit igitur nunc operæ pretium, ad quod officij genus Ioannem Dñs elegerit, diligenter inquirere. Hoc autem Euangelista Ioānes aperte declarat, cum ait; Hic venit in testimonium, ut testimonium perhiberet de lumine, ut omnes crederet per illum: hoc est, electus à Deo est, ut testimonium perhiberet de re ad salutem hominum maximè necessaria, eademque ad credendum maximè difficili: nempe ut hominibus nuntiaret, Deū humana carne vestitū ē cælis ad terram descēdisse; Deum inquam, cælorum Dñm, qui Solem, Lunam, cæteraq. cæli astra condidit, dirigit & moderatur, inter homines versari, & in terra degentem cælos regere, & in præsepio vagientem in nubibus tonare, & in cruce patientem supernas mentes immensæ pulchritudinis suæ specie beare, ac postremò hominem, qui pauperis fabri filius putabatur, totius mundi machinam solo nutu condidisse, & conditam sempiterno imperio gubernare. An potuit quidquam difficilius ad credendum humanæ menti proponi? Gentiles hanc stultitiam, Iudæi scandalum esse testabantur; hæretici verò qui postea secuti sunt, hanc fidei veritatem mille machinis labefactare conati sunt. Sed operæ pretium erit, unde hæc incredulitas occasionem arripuerit, indicare. Cum Deus Opt. Max. res altissima & nobilissima, homo autem vilissima & abiectissima sit, facile quidem humana mens inducitur, ut altissima de Deo, & abiectissima de homine credat: sed si rem tamen inuertas, ut videlicet de Deo abiectissima, de homine verò altissima illi credenda proponas, utroque nomine veritati huius fidei acriter repugnabit. Vtrumq. autem in hoc incarnationis Dominicæ sacramento credere necesse est. Deum namque verum hominem, similem nobis, passibilem, eundemq. ab impijs vinctum, consputum, colaphis & alapis cæsum, ac denique in cruce inter latrones appensum, mortuum atque sepultum confitemur. Quid igitur his abiectius, humano sensu, de Deo potuit prædicari? Contrà verò de eodem homine sic in cruce abiecto & mortuo confitendum est, eundem ipsum esse cæli & terræ conditorem, principium & finem rerum, vniuersorum Dominum, atque totius vniuersitatis huius moderatorem & principē, ac postremò Deum deorum, Regem regum, & Dominum dominantium. Quis igitur hæc adeo sublimia de homine inter latrones crucifixo, nisi diuino Spiritu actus, credere velit? Huius ergo sacramenti fides vsq. adeo humanis mendum

Bernard. tibus quæ sola ratione ducuntur, difficilis erat, ut D. Bern. inter

tria mirabilia, quæ natiuitatis Dñicæ tempore contigerunt, numerandâ putet. Ea verò sunt, Deus & homo, mater & virgo, fides & cor humanum. Sicut enim ferrum & testa commisceri & conglutinari nequeunt; ita neque ista, nisi Deo auctore, coniungi poterant. Ad hanc igitur adeò arduam sublimemque veritatem hominibus persuadendam Ioannes à Deo missus est. Simile.

Sed est in hac legatione aliud adhuc mirabilis, nempe quæ potissimum ratione Ioannes huius veritatis fidem facere deberet. Rebus enim quæ natura constant probandis, sola sufficit ratio; ijs verò quæ supra naturam sunt, non ratio, sed miracula fidem faciunt, vt videlicet rebus mirabilibus fidem præbeant facta mirabilia. At de Ioanne scriptum est, quòd is nullum in vita signum ediderit. Quo ergo argumento statuis, Dñe, vt Ioannes ineffabile hoc & supernaturale arcanum hominibus persuadeat? O mirum diuinæ sapientiæ consilium! Non quidem miraculis; sed virtutibus; non signis, sed mirabili vitæ sanctitate huius tam abstrusæ veritatis fides facienda erat. Qua in re Deus ipse hoc modo gloriari posset: Ego nouum quendam hominem ad homines legatum mittam, tanta vitæ sanctimonia, tanta puritate & innocentia præcellentem, tam eximio virtutis splendore fulgentem, tantaque apud omnes sanctitatis opinione celebrem, vt si is digito hominem aliquem ostendens, dixerit: Ecce

Ioan. 10.

Agnus Dei, ecce qui tollit peccata mundi: ac proinde hic est verus de Deo Deus, cælorum & siderum conditor: homines illi fidem habeant; sibi que persuadeant, difficilius esse Ioannem falli atque mentiri, quàm Deum hominem fieri. Itaque (si dicere fas est) ad eam dignitatis magnitudinem Dominus Ioannem quodammodo euexit, quæ solius Dei est. Ei namq. quatenus sempiterna & constantissima veritas & vita est, debetur, vt sol eius testimonio, in rebus humano sensu incredibilibus, sine miraculorum attestatione credatur: quod Ioanni videmus diuina potestate concessum. Atque vt apertè videatis, non fuisse diuinæ sapientiæ cōsiliū irritum, eam sanctitatis opinionem de ipso homines conceperunt, vt non modò Christi testis, sed etiam Christus ipse crederetur. Sic enim apud Euangelistam legimus: Existimante autem populo, & cogitantibus omnibus in corde suo de Ioanne, ne fortè ipse esset Christus, &c. Ab hoc autem errore Ioannes eos reuocauit, cum dixit: Quem me esse arbitramini, non sum. Et, Venit fortior me post me, cuius ego

Ioan. 1.

Lucæ 3.

non sum dignus calceamenta portare. Et, Illum oportet crescere; quia cum homo tantummodo esse credatur, Deus est: me autem minui; quia cum homo sim, Deus existimor. Vt igitur ad institutum redeamus, si quos Dñs ad insigne aliquod munus eligit, dignissimos eo munere facit, cum Ioannem ad

Ioan. 5.

altissimum hoc mysterium hominibus persuadendum destinaverit, idque non miraculis & prodigijs, sed insolito quodam & mirabili sanctitatis fulgore: qualem, quæso, sanctitatem illam fuisse credendum est, quæ ad huius arcani fidem faciendam instar clarissimorum miraculorum esset? Verè talem, qualem humana mens cogitatione comprehendere non poterit, ac postremo talem, quæ hoc æternæ veritatis elogio meruerit commendari: Inter natos mulierum non surrexit maior Ioanne Baptista. Rectè igitur Euseb. Emiss. Quem, inquit, dignè extollere non possumus humanæ vocis officio, prædicemus eum Dominicæ attestationis oraculo. Agnosce ergo magnificentiam laudis ex dignitate laudantis. Dum enim nemo illo esse maior asseritur inter natos mulierum, datur intelligi, quod Ioannes humanorum fugit mensuram meritorum. Quæ cum ita sint; cui nullum Dominus præposuit in præconio, vide si ei vllm prælaturus sit in præmio. Hactenus Emiss. Felix sanè qui talem habuit virtutis suæ præconem, taleque ab ipsius ore Veritatis percipere meruit testimonium. Cum Alexander ad Achillis tumulum peruenisset (vt D. Hieron. in vita Hilarionis memorat) felicem appellavit Achillem qui tali frueretur præcone meritorum; Homerum videlicet intelligens, qui Achillis res gestas immortalis carmine celebravit. Quanto ergo felicior, qui ipsum Dei Filium habere meruit laudatorem? Obiterque animaduertite, quàm ampla mensura Dominus rectè factis præmium reddat. Quia enim Ioannes fidelis Christi præco extitit, idem ipse Christus eius præco fieri dignatus est.

## I.

Sed quoniam hæc in communi de insigni Ioannis sanctitate dicta sunt; ratio postulat, vt ad singulares eius laudes prædicandas descendamus. Inter quas illa mihi summa esse videtur, quod cum Christus Dñs in absolutissimum dignitatis & sanctitatis exemplar nobis propositus sit, præcursorem suum pluribus in rebus sibi simillimum fecit.

Primum enim singularis Christi Domini gloria fuit, quod à Prophetis multo antè fuerit prænunciatus: quam ipse gloriam præcurtori suo non invidit, quem eisdem testibus voluit mundo nunciari. Hunc enim per Malachiam promittit, cum ait: Ecce ego mitto Angelum meum, qui præparabit viam ante faciem meam: idemque cap. 4. Ecce, ait Dominus, ego mittam vobis Eliam Prophetam. Appellat autem eum hoc nomine, quod in spiritu & virtute Eliæ esset venturus: magis enim Dñs vnitatem spiritus, quàm corporis substantiam, & cognitionem attendit. Hunc etiam Isaias in spiritu vidit, cum de ipso dixit, Vox clamantis in deserto: Parate viam Domini, Deinde etiam  
sicut

Mat. 12.  
Euseb.

Hieron.

Malac. 4.

Idem.



sicut Gabriel Angelus beatissimæ Virgini Christi Domini conceptum, excellentiam, dignitatem, sanctitatem, & nomen quo erat appellandus, annunciauit: ita idem Angelus Zachariæ patri Ioannis conceptû, præcursoris officium, dignitatem, & sanctitatis atque abstinentiæ gloriam, & nomen quo erat appellandus, longa oratione prædixit. Præterea sicut supra naturæ vim atque ordinem Christus Dominus de Virgine conceptus & natus est; ita Ioannes de sterili & annosa matre duplici miraculo conceptus, & in lucem editus est. Vnde Euseb. Emiss. Venit, inquit, Ioannes desperata generatione per sterilem; Christus verò Dominus natura obstupefcente per Virginem. Præterea, sicut Christi Dñi natiuitas miraculis illustrata est, cum in cælis canunt Angeli, & pastores in terra cum Magis adorant: ita in Ioannis natiuitate mater à Spiritu sancto edocta, illi nomen imponit; Zachariæ verò patris lingua soluitur, & pectus Spiritu sancto repletum, redemptionis humanæ mysterium suauissimo hymno decantat. Ad hæc, sicut in natiuitate Domini commune gaudiû, quod erit omni populo, pastoribus Angelus denunciat: ita Gabriel Angelus futurum huius diei gaudium prænunciavit, cum ait, *Et in natiuitate eius multi gaudebunt.* Cuius prædictionis veritas totius mundi testimonio comprobatur; quando non modò Christiani, sed etiam Turcæ, & cæteri quoque Mahometanæ perfidiæ sectatores communi alacritate hunc Ioannis natalem diem celebrent.

Adde his mirabilem illam exultationē in vtero matris, in quo reclusus infans, ab originalis peccati labe purgatus, & Spiritu sancto repletus fuit. Quocirca licet nobis cum eodem Eusebio exclamare: Quis est iste, qui cum nondū nasceretur, iam in vtero sanctificabatur? Felix qui venturus in huius mundi labores, prius gratiam suscipere, quàm vitam; prius benedictionem meruit habere, quàm lucem! Maximè gloriæ loco vir nobilis duceret, si Rex peregrè profectus, in patriam rediens, in domum eius honoris gratia primum diuerteret. Cuius igitur honoris fuit, quod cum cælorum Rex in has oras mortalitatis nostræ diuertisset, & in sacro intemeratæ Virginis pectore velut in aula regia confedisset, Ioannē protinus in maternis visceribus delitescens inuoluit, salutare, mūdare, & Spiritu sancto replere, & præsentia sua exhilarare voluerit? Hic, Dñe Iesu, quamuis Ioannis præconia referimus, tuas tamen præcipuè laudes decantamus, immensamq. bonitatem, benignitatem, magnificentiam & gratiā tuam prædicamus. Hæc enim tam præclara dona non ab humanis meritis, sed ab immenso bonitatis & gratiæ tuæ fonte manarūt, qui sic amas animas, sic de hominibus bene mereris, ut hæc tam magnifica beneficia illis gratuito largiri dignatus sis.

Quo exemplo discimus, quid nos quoque ab immensa eius clementia sperare debeamus.

## I I.

Hæc omnia laudum præconia, quæ de Ioanne nostro commemorauimus, Gabriel Angelus stupenti & pro rerum magnitudine non credenti Zachariæ pronunciauit. Inter quæ illud etiam adiecit, quod multos filiorum Israel esset ad Dñm conuersurus: quod quidem opus miro vitæ exemplo, & doctrinæ tonitru perfecit. Aberemo enim, in qua ad illam vsque ætatem à pueritia hominibus incognitus manserat, imperio Dñi egressus, vsque adeò omnium in se oculos animosque conuertit, vt ad illum omnium ordinum homines certatim confluerent; adeò vt milites etiam, Publicani & Pharisei (hoc est, profligatissimum genus hominum) ad eum venirent, confitentes peccata sua, & ab eo querentes quid sibi facto opus esset vt à ventura ira & inextinguibili igne, quem Ioannes improbis minabatur, seruariantur: quam Dei iram diuinus præco non verbis solum, sed multo magis ipso corporis cultu, & incredibili vitæ austeritate prædicabat. Hac enim docendi ratione dormientes in peccatis homines excitauit, & ad salutis suæ curam agendam exstimulauit. Hoc enim illa Domini verba innuere videntur: A diebus autem Ioannis Baptistæ regnum cælorum vim patitur. Et, Omnis is illud vim facit, quod perinde est ac si diceret: Antequam hic veritatis & iustitiæ doctor in mundum venisset, graui homines somno depressi, nullo adeundi cælestis regni desiderio tenebantur; at vbi cælestis hæc tuba insonuit, homines futuri iudicii & gehennæ metu perterriti, clausos oculos ad manifestissimam veritatis lucem aperientes, omnem animi impetum in salutis suæ studium contulerunt: quod quidem Ioannis discipuli maximè præstiterunt.

Mat. 11.

Lucæ 16.

Mich. 3.

Marc. 6.

His adde aliam quoque insignem veri concionatoris virtutem, quam Michæas Propheta se à Domino percepisse gloriabatur, cum diceret; Ego autè repletus sum fortitudine Spiritus Domini, iudicio & virtute, vt annunciem Iacob scelus suum, & Israel peccatum suum. Hac autem fortitudine sic Ioannes noster erat animatus, vt nō modò Phariseos, qui religionis nomine insignes habebantur, genimina viperarum appellaret, sed Herodem quoq. Regē, non per parabolas, vt olim Nathan Propheta cum Dauid egi, sed aperta increpatione argueret, dicēs: Non licet tibi habere vxorem fratris tui. Non enim ad fulgorem purpuræ obstupecebat, neque sceptrum regiamq. dignitatem verebatur: non personā spectabat, sed culpam, quæ illum ex Rege tyrannū & supplicio dignum fecerat. Ideoq. tanquam mortis reum adeò constanter & libere arguebat, vt ne periculo quidem

quidem capitis deterri potuerit, quo minùs adulterij crimen illi acriter exprobraret. Quam eius constantiam Dñs in Evangelio commendauit, cum ad populum dixit: Quid existis in desertum videre? arundinē vento agitātā? Non est (ait Guericus Abbas) Ioannes arundo deserti, sed cedrus paradisi, sed columna celi, gloria generis humani, miraculum mundi, virtute & merito vltra mensuram hominum, conditione citra naturam Angelorum. Non est arundo vento agitata, sed palma fortior omni procella, quam nullus turbo quatit; aut certē cypressus, in monte Sion in eternum plantata, altius scilicet quàm vt ventorum rabiem timeat. Non est obnoxius tempestatibus huius aëris, qui superior est omnibus cupiditatibus mundi. In cælo radicem fixit, quo nullus spiritus procellarum aspirat, vnde minas & bella ventorum, & cuncta in seculo aduersantia securus irrideat. Iraseatur Herodes, insidiatur Herodias, de interioribus illorum ebulliat tempestas, & nequam spiritus procellarum, qui in abyssis cordium eorum cubat, omnes vires suas, & argumenta malitiæ commoueat. Nihil illum terrebit, nihil à sententia commouebit, quo minùs nuptias eorum incestus arguat. Quo modo eam flecterent aduersa, quem emollire non potuerunt prospera? Flauerunt siquidem aliquando & molles & blandientes ventri, auræ scilicet fauoris popularis, sed nec illis à rectitudine sua potuit inclinari. Hactenus Guericus.

Mat. II.

Gueric.

## I I I.

Hæc sunt, fratres, magnifica Ioannis præconia, quæ cælestis nuncius Zachariæ patri ante eius ortum & conceptum retulit: quibus (vt alia præteream) satis latè immensa Dei nostri bonitas & liberalitas mortalibus cunctis admiranda, laudanda, & amanda proponitur. Quis enim tantam hanc Dei nostri erga genus hominum charitatem non diligit, non miretur & obseruet? Sed quoniam hæc tanta gratia ad Ioannis præcipuè gloriā pertinet; quas, quæso, is in cælo nunc gratias ager, quo dilectionis ardore tantorum bonorum largitorem prosequetur, à quo sic dilectus, sic ornatus, sic in benedictionibus dulcedinis præuentus fuit? Sed nos etiam, fratres, pro his cælestibus donis debitores sumus. Cur ita? Quia hæc omnia salutis nostræ seruiebant. Deceuit enim immensa Dei nostri bonitas & sapientia, per incarnationis & passionis Dominicæ mysterium seruare mundum. Ad hoc autem necesse primum fuit, Spiritu suo Prophetas implere, qui venturum Senatorem nunciarent; & Præcursores, qui digito ostenderet; & Apostolos, qui ipsum venisse iam mundo prædicarent. Quin etiam mirabilis fortitudo quæ Martyribus data est, ad nostram quoque pertinet salutem. Si enim illi à fide defecissent; quomodo ad nos fides sincera & integra peruenire potuisset?



1. Cor. 3.

ruisset? Harum igitur gratiarum omnium nos quoque debitorum sumus. Hinc Paulus: Omnia, inquit, vestra sunt, siue Paulus, siue Apollo, siue Cephas, siue mundus, siue vita, siue mors, siue præsentia, siue futura; omnia vestra sunt, id est, ad vestram salutem destinata. Ideoque pro his omnibus quibus salus nostra constituta est, tantorum bonorum auctori gratias agere debemus. Sic enim filij parentibus acceptum ferunt quicquid beneficiorum in præceptores suos à parentibus collatum est, quòd hoc in ipsorum gratiam illis tributum fuerit.

Seneca.

Verum postrema Ioannis gratia consultò mihi ad huius conditionis finem reservata est: ait enim de illo Zachariæ patri Angelus, quòd is spiritu Eliæ donatus, incredulos ad prudentiam iustorum esset traducturus. Cum ergo celestis interpres non prudentiam solum, sed iustorum prudentiam dixerit, tacite insinuat, aliam iustorum, aliam iniustorum prudentiam esse. Et quidem prudentiæ nomen latius patet, & multa complectitur; sed illud in primis, ut verè prudens non pro corruptis hominum moribus atque iudicijs, sed pro vera rerum conditione & dignitate iudicet. Omnis enim humanæ vitæ perturbatio ex falsa rerum æstimatione, & iudiciorum corruptela procedit. Hinc Seneca: In superuacuum præcepta iactabimus, nisi illud præcesserit, qualem de quaque re habere debeamus opinionem, de paupertate, de divitijs, de gloria, de ignominia, de patria, de exilio. Aestimemus singula fama remota, & quæramus quid sint, non quid vocentur. Hec ille. Vnde idem alibi, Quid, inquit, tam necessariū, quàm

Idem.

Ierem. 17

pretia rebus imponere? Quæ res quàm sit necessaria, nò obscurè Dñs per Prophetam significavit, cum dixit: Si separaveris pretiosum à vili, quasi os meum eris. Cum autem multa vilia, multaque item pretiosa sint, quid futura vita pretiosius, quæ & beatissima & sempiterna est? Quid cōtrà hac præsenti vilius, quæ & miserrima & brevissima est? Rursum, quid mente nostra pretiosius, quæ divinæ felicitati fruendæ à Deo condita atque destinata est? Quid cōtrà corpore nostro vilius, quod nunc sacculus stercorum, postmodum autem vermium esca futurus est? Hanc autem adeò disparem utriusque partis nostræ conditionem

Sallustius

etiā ethnici auctores intellexerunt. Hinc Sallustius alteram nostri partem cum dijs, alteram cum belluis cōmunem esse ait. Non potuit alijs verbis disparem utriusque portionis nostræ conditionem magis amplificare, quàm cum alterā Dei, alteram bestiarum similem esse dixit. Quid enim Deo maius? quid bestiarum conditione abiectius & vilius? Quæ cum ita sint, iustorum prudentia est, hac præsenti vita neglecta, omnes curas & cogitationes suas ad futuram vitam promerendā convertere: cōtrà verò iniustorum prudentia est, sempiterna vita neglecta, omne studiū suum

suum ad caduca & interitura huius vitæ bona parâda & cumulâda traducere, similiq. ratione, animæ suæ, hoc est, diuinæ portionis cura in postremis habita, se totos ad corporis cultû & obsequium transferre, illud fouere, illi indulgere, ad illius obsequium opes vndecunq. congerere, illius voluptates atq. delicias summo studio conquirere. proq. illis tuendis atq. parandis mari terraq. depugnare; quodq. insanissimum est, pro corporis vitæ infinitis vitæ periculis & morti offerre. Contrâ verò iustorum prudentia est, immodica corporis sui cura abiecta, dies noctesq. in excolenda cunctis virtutum opibus anima insudare, eandemq. cælestibus donis exornare. Hæc igitur iustorum prudentia, illa iniustorum ac ferè totius mundi est. Si enim oculos per cunctas terrarum oras circumdlexeris, quàm paucos deprehendes qui animæ suæ curam pro dignitate agât: quàm multos. verò qui ventrem suum deum statuât, quiq. omnia ad corporis cultum & indulgentiam referenda putent! Horum autem improbitatem non video quo exemplo acrius accusare possim, quàm ethnici hominis, hoc est, Senecæ, cuius hæc sunt verba: Fateor insitanti Seneca. esse nobis corporis nostri charitatem. Fateor nos huius gerere tutelam: non nego indulgendum illi, seruiendum nego. Multis enim seruiet qui corpori seruit, qui pro illo nimium timet, qui ad illud omnia refert. Sic gerere nos debemus, nō tanquam propter corpus viuere debeamus, sed tanquā non possumus sine corpore. Huius nos nimius amor timoribus inquietat, sollicitudinibus onerat, contumelijs abiicit. Honestū ei vile est, cui corpus nimis charum est. Agatur eius diligentissima cura: ita tamen, ut cum exiger ratio, cum dignitas, cum fides, mittendū in ignem sit. Maior sum, & ad maiora genitus, quàm ut mancipium sim mei corporis: quod equidem non aliter aspicio, quàm vinculum libertati meæ circumdatū. Hoc ita oppono fortunæ, in quo resistat, nec per illud ad me vllum trāsire vulnus sino. Nunquā me caro ista cōpelleret ad metum, nunquam ad indignam bono viro simulationem, nunquam in honorem huius corpusculi mētiar. Cum visum fuerit, distraham cum illo societate, & nunc tamen dum hæremus, non erimus æquis partibus socij: animus ad se omne ius ducet. Contemptus corporis sui certa libertas est. Hactenus Seneca. Cuius oratio magnū nobis pudorem injicere debet, qui fidei lumine illustrati non præstamus quod ethnici homo, fidei luce destitutus, adeo cumulatè se præstisille confitebatur.

Verū hæc eadem philosophia vix vlllo exemplo apertius, quàm beatissimi Præcursoris poterit demonstrari. Quæ enim oratio explicare poterit, quibus virtutū ornamentis, quibus cælestium donorum opibus animam eius ab ipsis materni vteri præcordijs ad extremum vsq. vitæ diem Spiritus sanctus excolendam

colendam atq. illustrandam curauerit? At corporis vitam quàm vili pretio tradi passus est! Inter extrema diuini furoris supplicia hoc vel maximè numeratur, quòd vendiderit populù suum sine pretio. Quale ergo est, Ioàn's Baptistæ caput distrahi sine pretio? Saltauit enim puella, cuius saltationi leui aliquo obsonio satis fieri poterat; attamen huius obsonij loco sanctissimi viri caput abscissum, ipsiq. donatum fuit. Miratur vehementer, & iure miratur D. Chrysologus hanc tantam rei indignitatem. Hodie, inquit, cùm nobis Ioàn's virtus, & Herodis feritas referatur, confusa sunt viscera, corda tremuerunt, caligauit visus, hebbuit intellectus, aufugit auditus. Quid enim còstat in sensibus humanis, quando virtutum magnitudinem perdidit criminum magnitudo? Ioannes, schola virtutum, magisteriù vitæ, sanctitatis forma, iustitiæ norma, virginittis speculum, pudicitiae titulus, castitatis exemplum, pœnitentiæ via, peccatorum venia, fidei disciplina: Ioannes maior homine, par Angelis; traditur incestui, datur adulteræ, addicitur saltatrici. Qui vincula soluebat peccatorum, peccatorum vinculis alligatur, vt vincita venia, locum veniæ non relinquat. Alligauit eum, & posuit in carcerem. Herodes, tu adulteriù facis, & in carcerem vadit Ioannes? Rogo vbi rerum facies? vbi forma? vbi pudor? vbi existimatio publicæ cognitionis? vbi Deus? vbi homo? vbi fas? vbi lex? vbi ipsius iura naturæ? Simul omnia sunt, Herodes, te agente, te iubente, te iudicante confusa. Hactenus Rauennas. Ex cuius verbis intelligere licet, quàm dissimilem Dñs animæ Ioannis, & corporis eius curam gesserit. Eius quippe animam ab ipso matris vtero ad finem vsque vitæ virtutum: omniù splendoribus mirificè exornauit. Eius autem corpus & vitam, post incredibilem carnis macerationem, saltatrici & adulteræ filia libidini permisit. Quid igitur hac duplici sorte dissimilius? Hæc est igitur vera prudentia, quam nos Ioannes non modò verbis, sed multò magis exemplo suo docet; vt videlicet quid animæ nostræ dignitati, quid corporis vilitati debeamus, agnoscetes, vtriusq. curam pro dignitate geramus. Quisquis igitur ad felicitatem & gloriam Ioannis aspirat, Ioannis quoque mores & exempla sequatur. Hoc autem præstabit, quisquis hoc mortalitatis corpore neglecto, & in seruitutem spiritus redacto, totum studium suum in omnia sua cunctis virtutum & gratiarum opibus excolenda posuerit. Quisquis autem hoc prudenter strenuèq. præstiterit, is vtique iustorum prudentiâ, quæ Ioannis ministerio in mundum allata est, nactus erit. Qua duce & imperatrice, rectâ per salutis iter gradiens, ad optatam iustorum hæreditatem (quam Christus Dominus sanguinis sui pretio nobis comparauit) felici cursu perueniet.

Psal. 43.

Petrus  
Rauen.



## IN FESTO APOSTOLORVM

PETRI ET PAULI, CONCIO PRIMA:

in qua lectio Evangelica explanatur, atque in fine de Perri fide, &amp; Pauli charitate differitur.

**T H E M A.** *Tu es Petrus, & super hanc petram aedificabo Ecclesiam meam, & portæ inferi non praevalent aduersus eam.* Matth. 16.



**D**IE, dilectissimi, beatorum Apostolorum Petri & Pauli natalitia celebramus: quorum alter singulari Dei beneficio ex piscatore doctor; alter ex persecutore fidei factus est propugnator eius atque defensor. His autem duobus ministris potissimum Dñs ad Ecclesiam suam erigendam & stabilendam vti voluit; vt quo huius tanti operis ministri inferiores erant, eo eius gloria esset illustrior. Sicut enim Davidis victoriam aduersus Philisthæum celebramus, quod inermis puer armatum Gigantem solo fundæ ministerio prostrauerit; & Samsonis fortitudinem commendamus, quod mandibula asini mille viros occiderit, & castra fuderit Philisthinorum: ita Dei nostri omnipotentiam prædicamus, quod duodecim piscatorum ministerio totam mundi potentiâ fregerit, aras idolorum euerterit, & Ecclesiam suam pro illis stabilierit. In quo quidē opere duo isti Apostolorum Principes supra ceteros desudarunt. Hi namque sunt duo luminaria magna, quæ Dñs in Ecclesiæ suæ firmamento posuit, vt eam tum doctrinæ splendore, tum vitæ sanctitate illuminarent. Sunt item duæ cælestes tubæ, quibus Euangelij vox per vniuersum mundum insonuit; quod breuissimo temporis spatio (vt Apostolus ait) prædicatum est in omni creatura quæ sub cælo est. Sunt etiā duo magna flumina in medio paradisi manantia, quæ totam terræ superficiem salutaribus vndis irrigantes, pietatis & iustitiæ fructu compleuerunt. Deniq. sunt fortissimi Christi duces, quibus ipse mundum sub imperium atque ditionem suam subiunxit. Cum autem mundus in duos esset populos distinctus, alterum Iudæorum, alterum Gentium; ad hunc expugnandum elegit Paulum, qui hac de causa Doctor Gentium appellatur; ad illum autem destinauit Petrum, qui in Ponto, Galatia, Cappadocia, Asia, & Bithynia, Christi Euangelium Iudæis, qui in his regionibus dispersi erant, prædicauit, eosque ad Christi-

Iudic. 15.

næ fi-

Simile.

nae fidei confessione adduxit. Cum ergo duo isti fortissimi duces, subacto iam & deuicto mundo, caelestem Hierosolymam sanguine laureati ingressi essent, alter crucis, alter ensis insignia in triumpho secum ferentes; qua, quæso, caelestis curiae alacritate hodierna die eos exceptos fuisse arbitramur? Quod si Roma olim tanta hominum frequentia & communi lætitia Imperatorem aliquem è bello redeuntem excipiebat, qui provinciam aliquam, aut amplum regnum populi Romani imperio adiunxisset: qua alacritate in caelesti hodie regno recepti sunt, qui tot provincias, tot regna, à tyrannico principis huius mundi dominatu exempta, ad lucem veritatis attulerunt, & legitimo Christi Domini imperio subdiderunt? Si autem cælum hodie ita gaudeat, quid terram nostram facere par est, quæ ad hunc diem eorum spirituali semine fecundata, fructus profert æternæ vitæ? Qui enim modò Christiani sumus, & Christi fidem profiteamur; illorum utique beneficio profiteamur: quandoquidem ipsi ante omnes alios primæ fidei nostræ fundamenta iecerunt, & ab illis ad nos usque per ipsorum successores deriuata est. Quo fit, ut quemadmodum Hæresiarchæ singulari quodam supplicio apud inferos torquentur, cum eò deueniunt, qui impietatis eorum sectatores extiterunt: ita gloriosi isti principes singulari quodam gaudio in cælis afficiantur, quoties aliquos ex nobis eò peruenire cernunt: ita fit, ut eosdem paterno affectu, tanquam amantissimos in Spiritu filios, amplectantur. Quocirca decet, nos, qui eorum filij sumus, summa religione ac pietate eorum hodie gloriam celebrare. Quod ut dignè præstare possimus, caelestem opem, sacratissimæ Virginis interuentu, suppliciter imploremus.

## A V E M A R I A

Cum Mediatoris & Seruatoris nostri fides totius Christianæ religionis & salutis nostræ fundamentum sit, hanc præcipue caelestis magister in discipulorum mentibus plantare & stabilire curauit. Ad hoc autem commodissima ratione vltus est. Vocatis enim ad se ait: *Quem dicunt homines esse filium hominis?* Hac interrogatione Dñs exemplo suo non solum Ecclesiæ præfectos, sed vnumquemque etiam nostrum admonet, ut fideles amicos, quid de nobis sentiant, interrogemus, & ipsi etiam nos ipsos, seposito nostri amore, non semel aut iterum, sed quotidie perscrutemur, & apud nos ipsos causam dicamus, & à nobis ipsis, cum opus ita fuerit, vapulemus, si quid præter decorum, aut modum deliquimus. Quisquis enim hac ratione vitam suam expendere, breui à vernaculis & consuetis vitijs liber & immunis erit. Ad hoc autem studium cum multi ex sanctis Patribus, tum præcipue Eusebius Emisenus

Euseb.  
Emiss.

nos

nos adhortatur his verbis: Ipsi nosmetipsos quotidie castigemus, ipsi nobiscum rationem de quotidiana conuersatione faciamus: alloquatur se in secretis cordis vnaquæq. anima, & dicat: Videamus si hanc diem sine peccato, sine inuidia, sine obreftatione, sine murmuratione transegi; videamus si hodie aliquid ad profectum meum, quod ad ædificationem aliorum pertineat, operatus sum: puro quod hodie mentitus sum, peieravi, ira vel concupiscentia victus sum, nec alicui bene feci, nec præ timore æternæ mortis ingemui. Quis mihi reddet hanc diem, quam in vanis rebus perdidit, quam in cogitationibus noxijs pessimisque consumpsi? Hactenus ille. Quod quidem viri sancti consilium adeo salutare est, vt cum nihil in vita magis homini quam diuinum iudicium formidandum sit, in quo de tota æternitate sententia ferenda est, huius tamen iudicij periculum euadat, quisquis hoc modo seipsum quotidie iudicat, Apostolo testante, qui ait: Si nosmetipsos diiudicemus, non vtrique iudicemur. Quisquis enim hoc facit, ante iudicium parat iustitiam: atque ita dicere ad iudicem poterit: Non intres in iudicium cum seruo tuo, Domine, quia ego iam Apostoli tui voce monitus, iudicaui me. Quis autem ex nobis huius tanti periculi metu seipsum introspicit, vt sic tandem ante formidabile illud tribunal iudicatus appareat, non iudicandus?

1. Cor. 12.

Cum ergo Dñs ac Saluator noster hoc à discipulis quesisset, illi varias vulgi hac de re sententias protulerunt: *Alij*, inquit, *Ioannem Baptistam*, *alij verò Eliam*, *alij Hieremiam*, aut *unum ex Prophetis*. Credebant hi forsitan (vt Pythagorici Philosophi tradunt) animas in corpora demigrare. Vos autem, inquit, quem me esse dicitis? Magnam hæc prima vox emphasim habet. Perinde enim est ac si diceret: Populus, qui operum meorum virtutem non agnoscit, ista fabulatur; vos ergo, qui mihi perpetuo assistitis, qui doctrinam meam quotidie auditis, miracula videtis, & quod superat omnia miracula, meam vitam quotidie contemplanini, quem me esse dicitis? Videtis quomodo maiore diuinitatis cognitione exigebat ab ijs qui in sublimiori vitæ gradu positi erant? Quia cui plus tribuitur, plus ab eo requiretur. Sic Dñs à discipulis plus exigebat, quam à populo: sic etiam plus aliquid in extremo iudicio requiretur à sacerdotibus, quàm ab alijs. Vos sacerdotes, qui de B. Petro ordinis vestri auctore atque parente gloriamini; vos qui quotidie manibus Dei Filium tractatis, vos qui ad mensam Dñi quotidie assidentes, vitulum saginatum editis; vos qui dispensatores estis gratiæ & sanguinis Christi; vos qui clauis habetis regni cælestis; vos qui statis in domo Dñi, in atrijs domus Dei nostri; vos qui diuina eloquia diu nocturne in ore habetis, quique Angelorum officium in terra geritis; vos

Lucæ 11.



Hieron. qui clerici appellamini, id est, fors Dñi, quia (vt D. Hieron. ait) vel Dominus fors debet esse vestra, vel vos Domini solius; vos qui velut Nazaræi noui Testamenti consecrasti vos Dño, & ei exhibuistis corpora vestra voto castitatis, res vestras voto paupertatis, voluntatem vestram voto obedientiæ; vos qui estis lux mundi, sal terræ, & duces populi Christiani; denique vos qui publico stipendio conducti estis, vt virtutem & pietatem colatis; vos ergo tales dicite mihi, quantum iniustitiæ atque honestatis studio populo superiores estis, qui ab hac vestra dignitate longissimè abest? Quid si in vos cadere Propheticum illud possit? Sicut populus, sic sacerdos? Quid si illud D. Bernardi, Vtinam vt populus, sic & sacerdos? Quid si extremo illo examine anus in medium prodeat, diligentior in bene operando, promptior in largiendo, fortior contra daemones dimicando, ac postremo deuotior in orando Deum, quàm sacerdos manibus quotidie Dñm tractans? Hæc ergo femina, militiq; seculi homines surgent in iudicio contra multos tum sacerdotum, tum monachorum, qui deuotionis & virtutis suæ exemplo eos condemnent, qui tot nominibus ad pietatem & religionem adstricti, negligenter se in vita gesserunt. Sed ad Euangelicam lectionem redeamus.

Cum ergo Dñs, quam de se opinionem discipuli haberent, interrogasset; Petrus corporea transcendens, & supra humanæ naturæ conditione elatus, confitetur in Christo gloriâ diuinitatis: quia non ad solâ respexit substantiâ carnis & sanguinis. Cui Dñs, *Beatus es, inquit, Simon Bar-Iona: quia caro & sanguis non reuelauit tibi, sed Pater meus qui est in celis, Et ego dico tibi, quia tu es Petrus, & super hanc petram edificabo Ecclesiam meam, & portæ inferi non præualebunt aduersus eam.* D. Chrysost. in his verbis ingenis miraculum esse docet, quo fides Catholica mirificè confirmatur. Predicere namq. futuram Ecclesiæ impugnationem, atque insuperabilem eiusdem Ecclesiæ virtutem & firmitatem, num facultatis humanæ esse videtur? Quis sanæ mentis hoc dicat? Nam predicere Dñm quæ esset facturus, priusquam ab ipso fierent, mirum quidem ac prodigiosum: verum predicere quæ sunt ab alijs, efficereque vt fides illis habeatur, sintque cunctis perspicua, multo maius est & mirabilius. Proinde quid hic habet infidelis quod reprehendat atque redarguat? quid habet quo doceat hanc predictione esse mendacem? An non testimonium cum rebus consentit, etiam si mille modis ipse contendas in aduersum? Quot enim bella aduersus Ecclesiam concitata sunt? quot exercitus instructi? quot arma mota? quod non afflictionum & vindictæ genus excogitatu? sartagine, catapultæ, lebetes, fornaces, lacus & præcipitia, bestiarum dentes, maria & proseriptiones,

priones, aliæq. innumera tormentorum genera, neq. dictis memoranda, neq. factis toleranda. Atq. hæc non tantum ab extraneis, verum etiam à nostris domesticis. Nam civile quoddam bellum occuparat omnia, vel quouis potius civili bello perniciosius. Neq. enim ciues modò cum ciuibus, verum etiam cognati cum cognatis, domestici cum domesticis, amici cū amicis cōstitabantur: nihil tamen horū dissoluit Ecclesiā, ac ne inferiorem quidem reddidit. Atque id sanè mirum & incredibile, quòd hæc in ipsis statim primordijs mota sunt. Nam si tunc irruissent hæc acerba, posteaquā iam radices egerat, & per omnes mundi partes plantatū esset Euangelium; haud perinde fuisset admirandū non fuisse subuersam Ecclesiam: ceterū cū in ipso doctrinæ exordio, nuper iacto fidei semine, teneris etiamnum auditorum mentibus, tot procellæ bellorū irruerint; res nostras non solum nulla ex parte fuisse diminutas, verum etiā multam accessionē adiunctā fuisse, hoc nimirum superat omne miraculū. Ne quis autē dicere possit, quòd nunc Ecclesia ob pacem à Regibus præbitam cōstabilis sit; cū esset minor, cū videretur imbecillior, tunc illam oppugnari permisit: vt cognoscas, etiam quòd nunc in tuto est, non acceptū esse ferendū paci quam præstant Reges, sed à potentia Dei proficisci. Hactenus D. Chrysost. verba, quibus illam Dñi promissionem explicuit, qua & Ecclesiæ propagationem, & inexpugnabilem fortitudinem, vaticinatus est.

Sed nequaquā tamen magnificentissima illa eiusdē promissio silentio prætereunda est, qua Petro regni cælorum clauēs tradidit. Quæ quidem potestas non solum ad Petri gloriam, sed ad nostram quoq. salutem tradita est. Non enim soli sibi, sed nobis etiam has clauēs accepit. Hæc autē gratia non ad Legem, sed ad Euangelij dignitatem & gloriam maximè pertinet. Est autem latum inter Legem & Euangelium discrimen. Lex enim petit, Euangelium donat; Lex terret, Euangelium consolatur; Lex obedientiam imperat, Euangelium gratiam ad obediendum confert; Lex viam in cælum ostendit, Euangelium vires ad ingrediendum præbet; Lex litteram occidentem, Euangelium Spiritum continet viuificantem: deniq. Lex ab Apostolo ministerium mortis, Euangelium Spiritus administratio appellatur. Euangelium enim felix & faustum nuncium significat, quo Deus nos in gratiā & amicitiam suam per Christum recipit, ac meritorum eius participes efficit, & per illū nobis Spiritus sancti gratiā, peccatorum veniam, adoptionē filiorum Dei, ius hereditatis æternæ largitur, ac postremò Filij sui Spiritum in præcordia nostra transmittit. Hanc autem Euangelij dignitatem quotidie solenni quadam reuerentia in Ecclesia profitemur. Cū enim ad Prophetarum & Apostolorum lectiones sedeamus, ad Euangelicam lectionem

2. Cor. 5.

assurgimus, capita nudamus, cereisq. accensis Euangelij lucem, qua e densissimis tenebris mundus emerfit, designamus. Hæc igitur Dñi verba, quibus Petro clauces cælorum tradidit, non ad legem, sed ad hoc felicissimum Euangelij nuntium spectant. His enim verbis non solum Petro, sed omnibus etiam qui vices eius in Ecclesia gerunt, admiranda hæc facultas cõcessa est, quæ & peccata remittit, & Spiritus sancti gratiã tribuit, & homines cum Deo reconciliant, & sordidis peccatorum maculis animas astris puriores efficiunt, ac postremò claufas illis cæli fores referant, & cæli ciues, atq. Angelorũ consortes faciunt, dum eas frequentissimè à statu æternæ damnationis in felicissimũ semper iter a salutis statum transferunt; quando harum clauium virtute ex attritis contritos, hoc est, ex perditis saluos homines faciunt. Quanta igitur illa Dei nostri bonitas & clementia, quæ clauces cæli homini in terra degenti tradidit! Quanta illa benignitas, quæ quod proprium diuinitatis erat (nempe delicta condonare) hominis potestati cõcessit! Itaq. si clausum tibi propter scelera tua fuerit cælum, non necesse est aut maria transfratere, aut ad longinquas mundi oras peregrinari, aut animalium sanguinem (vt olim in lege) immolare; satis enim ad hoc est, si pœnitentia ductus, dolenter crimina tua Ecclesiæ ministro cõfiteri, eademq. in futurum firmiter vitare proponas, vt peccatorum veniam, & gratiam. & amicitiam Dei consequaris. Hoc est igitur propriè Euangelium, hoc faustissimũ & felicissimum nuntium, hæc maxima & summa gratia, quæ mundo pretiosus sanguis Christi merito collata est: qui (vt Ioannes ait) dilexit nos, & lauit nos à peccatis nostris in sanguine suo. Veruntamen hoc nuntium vt ijs qui hoc cælesti beneficio frequenter vtuntur, quo animas suas sanctificat, atque ab omnibus peccatorum sordibus expurgant, felicissimum atq. sanctissimum est: ita ijs qui oblata salutis medicamēta respuunt (dum illis nisi vi coacti vt nolunt) eorum quidem vitio infelicissimum est; quando in extremo illo iudicio (quod cuique in morte imminet) nihil habebunt quo socordiam & improbitatem suam tueantur: quandoquidem quod vnigenitus Dei Filius sanguinis & mortis suæ pretio nō sibi, sed nobis emit, ipsi nec gratis quidem oblatum accipere voluerunt. Hactenus de Euangelica lectione: nunc ad beatissimorum Apostolorum laudes prædicandas orationem conuertamus.

## I.

Hodie namque, fratres, Ecclesia beatissimorum Apostolorum Petri & Pauli agonem & mortẽ festiuis gaudijs celebrat. Gloriosi enim principes terræ quo modo in vita sua dilexerunt se, ita & in morte non sunt separati. Morte autẽ, humano iudicio, nihil horribilus. Considerate, quæso, fratres (inquit Bernardus)

Ecclesiæ



Ecclesiæ sanctæ iudicium, secundum fidem, non secundum faciem iudicantis. Mortem siquidem Apostolorum in eorum recolit solemnitate præcipua. Hodie nimirum Petrus crucifixus est; hodie Paulus decollatus est. Hæc hodiernæ causæ festiuitatis, hæc præsentium materia gaudiorum. In his igitur festum agens diem & lætum, sine dubio Spiritum Sponsi habet Ecclesia, Spiritum Dñi, in cuius conspectu (sicut habes in Psal.) pretiosa est mors Sanctorum. Visi enim sunt oculis insipientium mori, illi autem sunt in pace. In paucis quidem vexati, in multis bene disponuntur: quoniam Deus tentauit eos, & inuenit illos dignos se. Quomodo autem hi duo Ecclesiæ principes fuerint à mundo vexati, & qua animi fortitudine atque constantia eius infestationem pertulerint, breuiter exponere incipiamus.

Psal. 115.

Sapient. 7.

Primum quidem Petrus ab Herode captus, & in carcerem coniectus, ac morti adiudicatus, populoque post Pascha produendus, ut sanguine suo inimicorum sitim atque rabiem satiare; tamen inter duos milites accubans, vincus catenis duabus placidissimum somnū captabat cū ab Angelo excitatus est. Quis autem nostrum in hoc tanto vite discrimine constitutus, tor multibus, qui carcerem custodiebant, obsessus somnū oculis captare potuisset? Sed mitto agonem hunc, à quo per orationes Ecclesiæ liberatus est. Ad extremū mortis certamen veniamus, cui se ipse sponte sua, nullo adigente, subiecit. Cū enim ad importunas fidelium preces Roma egressus esset, ut mortis periculum effugeret, obuiam in itinere dilectissimum magistrum habuit. Rogatus autem ab amantissimo discipulo, quoniam iret: Vade, inquit, Romam iterum crucifigi. Noluit enim dulcissimus præceptor charissimum discipulum martyrii gloria fraudare, ne nō in omnibus, hoc est, in officij dignitate, & in passionis gloria sibi similem redderet. Cū igitur voluntatis eius esse intellexisset, ut quam fidem viuens docuerat, morte confirmaret, in Urbem sponte reuersus, ad crucis supplicium damnatur, ut, quem in vita prædicauerat, morte quoque imitaretur. Quod ille supplicium adeo sibi gloriosum duxit, ut honoris parrem refugiens, non sublimi capite, sed ad terrā depresso stipiti affigi postulauerit, ne parem cum Domino suo gloriam sortiri videretur. Quam eius humilitatem atque constantiam D. Maximus attollit his verbis: Hic est Petrus, qui cū ad crucem tamquam crucifixi discipulus duceretur, verio se poscens corpore crucifigi, passionem nō reuirit, sed æqualitatem crucis Dominicę declinauit, ut ostenderet vniuersis, admirandę se humilitatis virtutem, nouique mysterij disciplinam & inter tormenta seruasse. Quam securus, charissimi, perrexit Petrus ad crucem, qui, repulso timore mortis, morē ordinē tam acerba in passione quę sunt! Hactenus ille. Sic igitur

Act. 12.

Petrus agonem suum felicissimè consummavit, admirabile humilitatis, charitatis, & constantiæ, atque patientiæ exemplum morte sua Ecclesiæ sponse relinquens: quod utinam anteculos semper omnes haberemus.

## I I.

De eius verò coapostolo Paulo quid dicendum? quibus verbis & laudibus eius virtutes & certamina celebrabimus? Certè non alijs, quàm quibus eum Dominus commendavit. Ananiæ enim dicenti, Domine, audiui à multis de viro hoc, quanta mala fecerit sanctis tuis in Hierusalem, &c. Dominus respondit, Vade, quia vas electionis est mihi iste, vt portet nomen meum coram Gentibus, & Regibus, & filijs Israel: Ego enim ostendam ei, quanta oporteat eum pro nomine meo pati. Quibus verbis singularem Pauli patientiam, & laborum tolerantiam (prætermisissis alijs eius laudibus atque virtutibus) extulit. Non enim dixit; Ego illum in tertium cælum atq. in paradysum rapui, ego illi arcana cælestia, quæ non licet homini loqui, declaravi; ego illum doctorem & magistrum Gentium, & Apostolum creavi: horum omnium nihil sapientissimus ille virtutum atque cælestium donorum æstimator dixit, sed solius tantum patientiæ meminit: tantum in hac virtute dignitatis, tantum amplitudinis atque splendoris est.

Quo in loco non erit alienū investigare, vnde hæc tanta Pauli patientia, & laborum tolerantia ortum habuerit. Ad hoc igitur respondemus; Dei quidem opera perfecta esse, vtpote qui attingat à fine vsq. ad finē fortiter, & disponat omnia suaviter. Suaviter autē disponit, quando aptissimas causas rebus, quas efficere cupit, antecedere facit. Ad hunc enim modum cum parentes voluerit filiorū suorum curam gerere, educationisq. eorum graves curas & molestias sustinere, flagrantissimum illis pignorum suorū amorem ingeneravit, vt nihil esset in hac educatione tam asperum, quod non illorū gratia tolerarent. Sic igitur cum hunc beatissimum virum Dñs ad Euangelij sui prædicationem, & hominum salutem parandam destinasset, tantam eius menti dilectionis vim erga illos impressit, tantā salutis eorū sitim & desiderium accendit, vt nulli, quamlibet maximi labores, nulla rerum discrimina, nulli agones atq. certamina illū detertere possent, quo minus verè & ex animo diceret: Omnia sustineo propter electos, vt & ipsi salutem consequantur. De huius autē charitatis magnitudine ipse ad Philip. sub iureiurando sic ait: Testis enim mihi est Deus, quomodo vos omnes cupiam in visceribus Iesu Christi: hoc est, in visceribus charitatis, quam mihi Christi gratia, non natura aut sanguinis communio donauit.

Idemq. rursus ad Corinth. scribit: Non angustiamini in nobis,

angu-

angustiamini autem in visceribus vestris, hoc est, Vnus ego vos omnes amplissimo charitatis sinu complector; cum tamen vos vni mihi amoris huius vicem rependere nolitis.

Sed gratissimum vobis fore puto, fratres, si huius dilectionis opera & indicia, non alijs quàm ipsius Pauli verbis ostendero. Dilectio autem tum verbis, tum affectibus, tum etiam operibus manifestari solet. Et primùm quidem quod ad verba attinet, solent qui ardentè amant, amoris affectum verbis amantissimis prodere. Ex abundantia enim cordis os loquitur. Quibus autem verbis Paulus hunc hominibus amorem detexerit, in epistola ad Philip. quos paulo antè dixerat se in visceribus Christi diligere, sic ait: Itaque fratres mei charissimi & desideratissimi, gaudium meum, & corona mea, sic state in Dño, charissimi. Quæ mater, quæso, amantissimū infantem adeò blandis verbis & nominibus compellaret? Sed longè tamen blandius atq. suavius est quod ad Thesalon. in hæc verba scribit: Neq. enim fuimus in sermone adulationis, sicut scitis, neque in occasione auaritie, Deus testis est; nec querentes ab hominibus gloriam, neque à vobis, neque ab alijs. Cum possemus vobis oneri esse, vt Christi Apostoli: sed facti sumus paruuli in medio vestrum, tanquam si nutrix foueat filios suos. Ita desiderantes vos cupidè, volebamus tradere vobis non solum Euangeliū Dei, sed etiam animas nostras: quoniam charissimi nobis facti estis. His quidè Apostoli verbis non video quid amantius dici potuerit. Sed huius tamen ignis flāmas atq. scintillas exterius emicantes videamus. Charitatis esse, gaudere cum gaudentibus, & flere cum flentibus, idem Apost. ait; hoc est, aliena commoda & incōmoda propter eandē amoris communionem sua reputare, sicq. vt suis, non vt alienis affici: quod ab inuidiæ luore alienissimū est. Paulus autè sic alienis bonis gaudebat, vt ad Thesalon. dixerit: Itaque nunc viuimus, si vos statis in Dño. Non enim aliam se habere vitam, quàm illorum salutem & firmitatem arbitrabatur. Aliena verò mala quo affectu vir diuinus se lugere testatur! Quis, inquit ad Corinth. infirmatur, & ego non infirmor? quis scandalizatur, & ego non vror? Idemq. cum multos ex Corinthijs grauiter deliquisse intellexisset, sic eorū peccata lugebat, vt in 2. Epistola ad eos scripta hæc verba subijceret: Nam ex multa tribulatione & angustia cordis scripti vobis per multas lacrymas; non vt contristemini, sed vt sciatis quam charitatem habeam abundantius in vobis. Et paulo inferius, Timeo, inquit, ne fortè cum venero, non quales volo, inueniam vos; & ego inueniar à vobis qualem non vultis: ne fortè contentiones, emulationes, animositates, dissensiones, detractiones, susurrations, inflationes, seditiones sint inter vos: ne iterum, cum venero, humiliet me Deus apud vos; & lugeam

Mat. 12.

Philip. 4.

1. Thes. 2.

Rom. 12.

1. Thes. 3.

2. Cor. 11

2. C. 1. 2.

2. Cor. 12



multos ex ijs qui antè peccauerūt, & non egerunt pœnitentiam super immunditia, fornicatione, & impudicitia, quã gesserunt. Quis igitur in his verbis plus quàm maternum Pauli animum non agnoscat, qui aliena peccata lugebat vt sua, & sic se alienis sceleribus vt suis humiliari à Dño prædicabat? Iam verò cùm Galatas à pseudoapostolis in fraudem coniectos esse, & ab Euangelij sinceritate ad Iudæorum dogmata descivisse intellexisset, quo affectu illorum perfidiam lamentatur! qua verborum acrimonia in illos inuehitur! qua sollicitudine atque angore discumpitur! in quas se verborū formas & facies vertit, modò illos iudicis more perterrefaciens, modò blanditijs materna charitate alliciens! Alibi enim velut paterna censura sèquens ait: O insensati Galatæ, quis vos fascinauit non obedire veritati? Alibi verò

Galat. 3.

Galat. 4.

Chrysof.

Rom. 9.

materno affectu faucius: Filioli, inquit, mei, quos iterum parituro, donec formetur Christus in vobis. Vellem esse apud vos modò, & commutare vocem meam, quoniam cōfundor in vobis. Quibus sanè verbis graues animi sui mœrores atque ætus designauit. Qua de causa leue esse putabat illos litteris admonere, & perterrefacere: ideoquē cupiebat eos coràm alloqui, & in omnes se dicendi figuras transformare, vt illos tandem hac ratione ad sanitatem perduceret. Nullus enim (vt D. Chrysof. ait) tanto affectu mala propria, quanto ille desiebat aliena.

Est & aliud, præter ea quæ diximus, maximū veræ atque germanæ dilectionis argumentū: nempe ijs, quos amore prosequimur, salutē & bona omnia ardentissimè desiderare. Cùm enim amare sit bene velle: quo quisq. ardētius maiora alicui bona expetit, hoc illum ardētius amare conuincitur. Quo autē Paulus alienæ salutis desiderio flagrauerit, certè non humano eloquio, sed angelico (si id quidem fieri posset) explicandum erat. Ipsum autem Paulum sub grauissimo iuramento hoc testificantem audiamus: Veritatem dico in Christo Iesu, non mentior, testimonium mihi perhibente conscientia mea in Spiritu sancto: quoniam tristitia mihi magna est, & continuus dolor cordi meo. Optabam enim ego ipse anathema esse à Christo pro fratribus meis. Animaduertitis hîc, fratres, quãtopere hic vir diuinus salutem populi Iudæorum sitiebat, qui ipsum quinquies verberauerant, qui catenis onerauerāt, qui vinculis sæpe cōstrinxerant, qui eius audissimè sitiebant cruorem, qui illum discerpere gestiebant. Quia verò hæc tanta res communem hominum fidem superabat (nempe quòd pro aliorū salute anathema à Christo, quem summè diligebat, fieri optaret; quibus verbis non quidem à gratia, sed à celestis gloriæ delicijs se excludi velle significauit) grauissimam asseuerationē & iusiurandū interposuit, testemq. Spiritum sanctū citauit: vt his duobus testimonijs incredibilem

animi

animi sui tristitiam, & desiderium salutis alienę testatissimum faceret, quem cum maxima illa iactura sua saluum esse cupiebat. Quid igitur hac tanta tristitia, quid hoc tali desiderio, quid hac tanta dilectione mirabilius, erga illos presertim, qui tanto ipsum odio prosequerantur? Nemo certe (vt D. Chrysost. ait) ita dilexit inimicos, nemo erga insidiatores suos tam beneficus fuit, nullus pro afflictoribus suis tanta perpeffus est. Non enim ille quid patiebatur, sed naturę copulã cogitabat; quantoq̃. amplius efferebantur inimici, tanto eorũ magis miserabatur insaniam. Vt enim aliquis indulgentissimus pater afficitur erga filiũ phrenesi laborantem, cuius quanto magis conuicijs ictibusque pulsatur, tanto magis eum miseratur atque deslet: ita Paulus, qui de ipsa magnitudine passionum, eorum à quibus affligebatur, æstimabat furorem, maiora illis adhibebat fomenta pietatis.

Chrysost.

Simile.

Hanc igitur tantam dilectionis vim in mentem Pauli Dñs immisit, vt cælesti virtute roboratus, non famem & sitim, non ætus & frigora, non inopiam & nuditatem, non vlla terrę marisve pericula, & (quæ sunt his grauiora) nullas hominum insidias, nullas persecutiones, non carceres & vincula, non verbera & exilia, non gladios & ignes, non denique vllas vel hominum vel dæmonum infestationes & iniurias propter Euangelij gloriam, & hominum salutem, formidaret. Quæ autem huius officij gratia pertulerit, idem ipse fidiſſimus laborum suorum testis in priori ad Corinthios Epist. lōga oratione describit: Vsq̃ue ad hanc, inquit, horam esurimus, sitimus, & nudi sumus, &c. Sed acerbiora sunt, maximeq̃. mirabilia quæ posteriori ad eandem Epistola enumerat. Vt enim Apostolatus sui dignitatē aduersus pseudoapostolos, qui ipsum contemnebāt, & ab Apostolico grege secernebant, tueretur, his verbis se illis anteferendum ostendit: Hebræi sunt, & ego: Israelitæ sunt, & ego: Ministri Christi sunt, & ego (vt min⁹ sapiens dico) plus ego: in laboribus plurimis, in carceribus abundantius, in plagis supra modum, in mortibus frequenter. A Iudæis quinquies, quadragenas, vna minus, accepi. Ter virgis cæsus sum, semel lapidatus sum, ter naufragium feci, nocte & die in profundo maris fui, in itineribus sæpe, periculis fluminum, periculis latronũ, periculis ex genere, periculis ex gentibus, periculis in ciuitate, periculis in solitudine, periculis in mari, periculis in falsis fratribus, in labore & erumna, in vigilijs multis, in fame & siti, in ieiunijs multis, in frigore & nuditate, præter illa quæ extrinsecus sunt, instantia mea quotidiana, sollicitudo omnium Ecclesiarũ Dei. Hos igitur agones, hos labores, hæc tanta certamina Paulus salutis humanę gratia, non solum patientissimè, sed etiam liberrimè sustinuit, vt Christi oues ex diaboli faucibus extrahere.

1. Cor. 6.

2. Cor. 11.

Chryso.

Hac igitur de causa ad iniurias, quas ob prædicandi munus sustinebat, magis quam ad oblectamenta properabat, mortem potius quam vitam appetens, paupertatem quam opulentiam; & multo amplius laborem desiderans, quam alij requiem post laborem; ac mororem magis eligens, quam alij voluptatem; studiosius pro inimicis orans quam alij aduersus inimicos. Quis igitur hoc tam inuictum animi robur non miretur, non obtutepescat? Cui ergo rei (inquit D. Chryso.) poterit quisquã Pauli pectus comparare, cui ferro, cui adamanti? Quidnam aliquis illam appellet animam, aureamne magis, an adamantinã? Nam & erat omni adamante fortior, & auro gemmisque pretiosior: & alteram quidem materiam firmitate, alteram pretiositate superabat. Cui ergo rei hæc anima comparabitur? Iis quidem qui sunt omnino nulli. Quod si vel auro adamantis fortitudo, vel adamanti honor daretur auri, tamen fortè aliquo modo comparatio ea Pauli posset animæ cõuenire. Sed quid ego adamantem vel aurum ad similitudinem adduco Pauli? Mundum si è diuerso appendas omnem, tunc videbis à parte Pauli vergere pondus examinis.

Quid igitur ex his quæ hætenus dicta sunt, fratres, colligere licebit? Primum quidem ingentem diuinæ gratiæ vim, quæ homini in hoc mundo, & in hac fragili carnis materia degenti (nec enim Paulus aut alium mundum incoluit, aut in alio corpore militauit) tantum robur contulit: ne quisquam nostram aut carnis imbecillitatem, aut mundi prauitatem in socordiæ suæ excusationem prætexere valeat, cum eadem gratia vnicuique illam studiose quærenti atque postulanti præstò sit. Deinde hoc eodem argumento, quanta sit nostrarum animarum dignitas, intelligimus: propter quarum salutem tot labores atque certamina diuinus hic vir (qui paratam illis gloriam in paradiso viderat) subire non recusauit. Postremo cum videamus inter cæteras Pauli virtutes, vnã patientiam, atque laborum tolerantiam à Domino fuisse commendatam; huic vni virtuti potissimum studeamus, leue esse quicquid citra corporis aut animi laborem sit, existimantes, eaque præcipuè virtutum officia captantes, in quibus aliquid laboris aut acerbitalis insit. Hæc enim sunt gratissima obsequia, hæc gratissima sacrificia, quibus non carnes vitulorum aut hircorum, sed nos ipsos Domino immolamus, sempiternam pro hoc rationali sacrificio hæreditatis æternæ gloriam percepturi.



## IN EODEM FESTO APOSTOLORVM

PETRI ET PAULI, CONCIO SECVNDA:

in qua, post breuem Euangelicæ lectionis explanationem, quàm fuerit in his Apostolis diuina gratia mirabilis, exponitur.

THEMA. *Mirabilis Deus in Sanctis suis.* Psal. 67.



Nvs hodie dies, fratres charissimi, publicatâ nobis lætitiâ de duorum Apostolorum solennitate Petri atque Pauli exhibet: ideoq. geminâ à nobis deuotionem in ipsorum solennitate deposcit.

Leo Papa

Vniuersaliter (inquit Leo Papa) in omnium Sanctorum commemoratione letandum est, sed in horum excellentia Patrum meritò est excellentius gloriandû, quos gratia Dei in tantum apicem inter omnia Ecclesiæ membra prouexit, vt eos in corpore, cui caput est Christus, quasi geminum constitueret lumen oculorum: de quorum meritis atque virtutibus, quæ omnem loquendi superant facultatem, nihil diuersum, nihil debemus sentire discretû: quia illos & electio pares, & labor similes, & finis fecit aequales. Hactenus Leo Papa. Zacharias verò Propheta in spiritu hanc eandem duorum Apostolorû gloriam præuidisse videtur, quos ille sub alia similitudine duas oliuas esse ait, qui oleum Ecclesiæ lampadi perpetuò subministrât, vt lucem præferant his qui in tenebris & in vmbra mortis sedent. Sic enim ait: Et reuersus est Angelus qui loquebatur in me, & suscitauit me, quasi virum qui suscitatur de somno suo. Et dixit ad me, Quid tu vides? Et dixi, Vidi, & ecce candelabrum aureum rotum, & lampas eius super caput ipsius, & septem lucernæ eius super illud, & duæ oliuæ super illud, vna à dextris lampadis, & vna à sinistris eius. Quid igitur hæc lampas ardens super candelabrum aureum & septem eius lucernæ, nisi Ecclesia est, quæ diuini Spiritus luce completa, radios suos in vniuersum orbem producit? Quid verò aureum candelabrum, quod lampadem sustinet, nisi Christus Dñs est, supra quem Ecclesia fundata est? Fundamentum enim aliud (vt Apostolus ait) nemo potest ponere, præter id quod positû est, quod est Christus Iesus. Septem verò lucernæ, quæ candelabro innituntur, septem Sacramenta, & septem Spiritus sancti dona sunt, quibus mentes hominum sanantur & illuminantur. Duæ verò oliuæ à dextris & à sinistris lampadis positæ, quæ illi videlicet oleum subministrant, quid aliud quàm duos hos Ecclesiæ principes designant: quæ nō solum,

Zach. 4.

1 Cor. 3.

dum

dum in viuis agerent, varijs virtutum exemplis atque doctrinis oleum huic lampadi, quo hominibus præluceret, infuderunt, sed modò etiam scriptis suis in terra, & precibus suis in cælo hunc cælestem liquorem præbere non cessant. Iam verò duo illa sponsæ vbera, quæ amantissimus in ea spòsus laudat & miratur, quid aliud quàm iidem isti principes sunt, qui doctrinæ suæ lacte Ecclesiæ filios, cum adhuc paruuli essent, nutrierunt? Au non

1 Cor. 3.

1. Thef. 2.

Guerrie.

2. Petr. 2.

Maximus

igitur hoc officio functus est Paulus, cum ait: Tanquam paruulis in Christo lac vobis potum dedi, non escam. Et alibi, Facti, inquit, sumus paruuli in medio vestri tanquam nutrix, quæ foueat filios suos. Hoc autem lacte ita erat plenus Apostolus, vt (quemadmodum Guerrieus Abbas ait) vbi capite truncatus est, lac pro sanguine ex eius vulnere manasse memoretur. Apostolus verò Petrus ad hæc ipsa vbera filios suos vocabat, cum illos moneret, vt quasi modò geniti infantes, rationabile, & sine dolo lac concupiscerent. Hæc igitur duo vbera Ecclesiæ, has lampadis oliuas, hos, inquam, geminos mystici corporis oculos hodie vestris conspectibus præsentamus: in quorum laudibus non tam ipsos quàm Dñm laudare, eiusque magnificientissimam gratiam atque omnipotentiam mirari debemus. Hinc beatus Maximus, Gloriosissimos, inquit, Christianæ fidei principes annua sollennitate celebrantes, ipsum Dñm, qui huius auctor est fidei, debita religione veneramur. Apostoli namque Latino sermone dicuntur missi. Qui ergo honorant missos, manifestum est eos honorare mittentem: quoniam dignitas quæ defertur ministris, illi sine dubio, cuius ministri sunt, exhibetur. Hos verò (vt idem ait) tanta cælestis electionis dignatio visitauit, vt hic fieret de piscatore doctòr, ille de persecutore defensor. Sed in hoc omnipotentis Dei attollenda maiestas est, qui inspiratione mirabili docendi gratiam tribuit imperito, & inimicum fecit, quod oderat, & fidem quam impugnabat, asserere. Hæc ille. Sic igitur de illis hodie dicendum est, vt in illis diuinæ bonitatis & gratiæ virtutem agnoscetes, in illius admiratione simul & amorem rapiamur. Hoc enim verba, quæ initio proposuimus, à nobis exigunt, quæ Dominum non in alijs rebus solum, sed in Sanctis suis maximè mirabilem esse declarant. Vt hoc autem argumentū piè & religiosè tractare possimus, cælestem opem, sacratissimæ Virginis interuentu, suppliciter imploremus,

#### A V E M A R I A.

Prusquam id, quod proposuimus, aggrediamur, paucis Evangelicæ lectionis historia perstringenda est. Quoniam (vt paulo antè diximus) religionis nostræ fundamentū fides in Christum est, cum discipulos suos Dominus in hac stabilire atque solidare veller, singulari ad hoc modestia & prudentia vsus est.

Cum

Cum enim ipse (cui omne cor patet) optimè nosset, quid in discipulorum pectoribus esset, voluit vt Petrus verum de eo testimoniū ferret. Quod cum ipse probasset, & merita laude, & officij dignitate remunerasset; cæteri deinde ex Petri confessione discerent, quid de ipso credere & sentire deberent. Hoc enim docendi genus longè modestius fuit, quā si ipse dixisset: Ego sum Filius Dei viui. Qua quidē modestia post ablutionē quoq. pedum Apostolicorū vsus est, cum ait, Vos vocatis me magister, & Dñe: hoc enim verecundius dicitur, quā, Ego sum magister, & Dominus. Hoc igitur in loco Dñs discipulos primū rogat, quid turbæ de ipso sentirent: cumq. illi respondissent, alios illum Eliam, alios Hieremiam, alios Ioannem Baptistam, aut vnum aliquē ex antiquis Prophetis arbitrari; ab illis qui propius ipsius opera contemplabantur, requirit quid ipsi crederent quidve sentirent. Pro quibus omnibus Petrus reuelatione summi Patris edoctus, corporea superans, & humana transcendens, confessus est Filium Dei Patris, quia non ad solam aspexit substantiā carnis & sanguinis, *Tu es*, inquit, *Christus Filius Dei viui*. Petrus itaq. (vt D. Maximus ait) in carne positus, mensurā carnis egressus, Christum Iesum Dei viui Filium verum cōfiteretur; & quod omnium adhuc mortalium pectus latebat, prima Petri lingua nouo est sermone confessā. Cui Dñs, *Beatus es*, inquit, *Simon Bar-Iona: quia caro & sanguis, hoc est, nulla humana sapientia reuelauit tibi, sed Pater meus qui in celis est. Et ego dico tibi, quia tu es Petrus, & super hanc petram edificabo Ecclesiam meam*. Nouo illum nomine Petrum appellauit; qui antea Simon appellabatur. Vt enim cum Abraham multarum gentium patrem constituit, nouum illi Abraham nomē indidit, quod hanc numerosam filiorum propagationem significabat: ita cum Simonem, solidissimum & sempiternum Ecclesie fundamentum constituere voluit, nouo Petri siue petræ nomine appellauit, vt ipsum etiam nomen officij dignitatem & stabilitatem significaret: quam protinus apertè declarauit, cum subdit: *Et portæ inferi non preualebūt aduersus eam*. Hinc Leo Papa, Ego, inquit, *dico tibi*: hoc est, Sicut Pater meus tibi manifestauit diuinitatem meam, ita ego notam tibi facio excellentiam tuam. *Quia tu es Petrus*, id est, Cum ego sim inuolabilis petra, ego lapis angularis, qui facio vtraque vnum; tamen tu quoq. petra es, quia mea virtute solidaris: vt, quæ mihi potestate sunt propria, sint tibi mecum participatione communia. Post hanc verò pastoralis curę dignitatem illi traditam, quid consequens erat, nisi quod protinus subdit: *Etiā dabo clauēs regni celorum, &c.* Quid, fratres mei, magnificentius Petro (inquit Maximus) qui tantę confessionis merito cum corruptibili adhuc esset in corpore, & nec dum ipse ascendisset in cælum, adhuc esset in corpore, & nec dum ipse ascendisset in cælum, regnum

Ioan. 13.

Mat. 16.

Maximus

teo.

Maximus



462 IN FESTO APOST. PETRI ET PAULI  
 regnum illi cēleste & claudere & aperire concessum est. Hęc autem potestas, quę singulariter Petro, tamquam Ecclesię principi, concessa est, in ceteros deinde eiusdem Ecclesię ministros deriuatur, quorum ministerio fidelibus cęli portę referantur: dum enim a peccatis solvuntur, idonei fiunt qui in cęlesti palatio recipiantur; vt hoc argumento intelligatis, quanta sit verę penitentię, quanta purę confessionis sublimitas, quę frequenter homines ę statu damnationis in statum transfert eternę salutis. Hactenus de Euangelica lectione, nunc ad id, quod initio proposuimus, veniamus.

TRACTATIO THEMATIS.  
 I.

**Psal. 67.**      Mirabilis Deus in Sanctis suis. Intēr quatuor contemplationum genera, quę D. Bonauentura enumerat, vnū est, admiratio diuinę maiestatis; cū pius homo immensam diuinę sapientię atq. omnipotentię magnitudinem, quę in operibus conditis elucet, cum quadam mentis suspensione atq. exultatione miratur. Quo quidē contemplationis genere Prophete animus mirabiliter pascebatur, cū diceret: Quām magnificata sunt opera tua, Dñe! Omnia in sapientiā fecisti: impleta est terra possessione tua. Iterūque: Marabilia, inquit, opera tua, & anima mea cognosceat nimis. Admirationi autem coniunctū esse gaudiū, Aristoteles confitetur: quod quidē gaudium futurę felicitatis prælibatio quędam atque degustatio est. Vtrumq. autem Propheta copulauit, cū dixit: Delectasti me, Dñe, in factura tua, & in operibus manuum tuarum exultabo. Quām magnificata sunt opera tua, Dñe! nimis profundę factę sunt cogitationes tuę. Vir insipiens nō cognosceat, & stultus nō intelliget hęc. Quibus verbis ostendit, magnificētissima naturę opera, quę pijs hominibus reuelantur, ceteris incognita prorsus esse. Quid igitur de operibus gratię dicendū, quę tanto sunt præstantiora, quanto ad nobiliorem finem destinata sunt, quęq. præcipuē diuinę bonitatis & charitatis magnitudinē erga Sanctos suos profitetur? Quam rem in his potissimum duobus Apostolorū principibus contemplari licet. Quid enim mirabilius quā quod Lucas de Paulo refert, quod eius videlicet sudaria & semicinctia omnia morborū genera curarent? hoc est, quod tanto Dñs amore Apostolum suum cōplecteretur, tantoq. illum honore afficeret, vt non ipsum modō, sed sudariola etiam quibus ille narium excrementa purgabat, tanti faceret, tantumq. illis honorē exhiberet, vt ipsa naturę iura, legesq. à se præfixas, illorū virtuti subijceret. Quo igitur in pretio Apostoli sui corpus & animam habebat, qui vel semicinctia eius hoc honore donabat, quod eius corpus tetigissent? Sed quamuis hoc mirabile sit, longē tamen mirabilius est quod

quod de Apostolo Petro idem Euangelista memorat, quod non iam sudaria & semicinctia, sed (quod omnē superat admiratio- nem) corporis eius umbra omnia morborum genera depelleret. Quis hoc credere potuisset, nisi sanctus Euangelista retulisset? O quā verē dictū est; Nimis honorificati sunt amici tui, Deus, Psal. 38. nimis confortatus est principatus eorum. Et illud item; Amen Ioan. 14. dico vobis, qui credit in me, opera quæ ego facio, & ipse faciet, & maiora horum faciet. Certē enim (vt Theodoretus ait) plus Theod. est quod Petro Dñs contulit, quā quod sibi sumpsit. Is nam- que aut verbo, aut contractu manus aut vestis, ægra corpora sa- nabat: Petrus autem sola etiam umbra; quo virtutis & poten- tiæ genere non legimus vsum Dominum fuisse.

Qua quidem in re miram veræ pœnitentiæ virtutē animad- uertere licet, quæ verē pœnitentem non modō in pristinum di- gnitatis gradum restituit, sed interdū etiam pro pœnitentiæ ma- gnitudine ad altiorē prouehit. Quid enim mirabilius quā quod Petro collatum est, vt sola corporis umbra hæc tam admiranda opera patraret? O quantum, beate Apostole, amarissimis illis la- chrymis gaudij, quantum dignitatis & gloriæ consecutus es! Has enim, resurgens Dñs, priusquam alijs se discipulis conspi- ciendum præberet, tibi vni apparens, abstergere & in lætitiā permotare misericorditer voluit: sic enim discipulos prædican- tes audiuimus: Surrexit Dominus verē, & apparuit Simoni. Tibi Lucæ 24. etiam hoc tempore Ecclesiæ suæ gubernacula, & regni cælorum clauēs, quas antē fuerat pollicitus, tradidit.

Quid verō illud? quantum hac eadem pœnitentiæ virtute eius fiducia creuit? Qui enim ante lapsum non est ausus Dñm de proditionis auctore interrogare, sed ad hoc Ioannem, vt ma- gis Christo familiarem, subornauit, modō eam diuinæ familia- ritatis gratiam pœnitentiæ lachrymis consecutus est, vt, quid de ipso Ioanne futurum esset, à Domino quæreret. Vbi enim Dominus illi, quo mortis genere Deum esset glorificatus, ex- posuisset, quo videlicet per crucis supplicium vt in pastoralis of- ficii dignitate, ita & in mortis genere se esset imitaturus; quæ- rit ipse de Ioanne, quem non minus ab eo dilectum sciebat, Ioan. vit. Dñe, hic autem quid? hoc est, Si ego per passionem crucis te imitari, & vitam finire debeo, quid de hoc dilectissimo tibi disci- pulo decreuisti? Quibus verbis eū alia multa, rum maxime (vt D. Chrysost. adnotauit) mira pœnitentiæ virtus commenda- Chrysost. tur; quæ non modō in prioris status dignitatem, sed frequenter etiam ad maiorem prouehit, magisq; Deo familiarem efficit. Hinc illud Propheta, Sicut, inquit, fuit sensus vester vt errare Baruch 4. ris à Deo, sic deces tantum conuertentes requiretis eum. Do- ctor enim commissi sceleris, & firma spes veniæ, amorem erga clemen-

- clementissimum Dñm incendunt, & cautiorem & alacriorem hominē ad cetera pietatis officia reddunt. Cuius rei locupletissimum exemplum hæc Petri interrogatio exhibet. Preclare enim
- Gregor.** D. Greg. Dux, inquit, in prælio illum militē plus diligit, qui post fugā conuersus, fortiter hostē premit, quā qui nunquā fugit, & nunquam fortiter egit. Quod nō eō dicimus, ut spe veniē vos ad peccandum incitemus, sed, quemadmodum D. Chrysostomus
- Chrysost.** ait, ut pœnitentiæ virtutem declaremus, cui nullus animæ morbus immedicabilis est, si verē & ex animo fiat. Eam enim vim Dñs huic medicinæ contulit, ut non modō amissam animæ salutem restituat, vires reficiat, robur refarciat; sed augeat plerumque & amplifcet; & multis etiam virtutū atque donorum opibus pœnitentis animam cumulet. Quæquidem in re non modō pœnitentiæ virtus, sed etiam immensa Dei nostri clementia & bonitas mirabiliter elucet; quæ, peracta pœnitentia, sic iniuriarū suarum obliuiscitur, quasi nulla in re violatus esset. Eadem erga illum charitas, eadem beneuolētia, eadem quæ antea fuerat benignitas, & interdum etiam pro pœnitentiæ ratione maior. Vnde sanctus ille Rex, Tu, inquit, eripuisti animam meam, ut non periret, proiecisti post tergum tuum omnia peccata mea. Quæ loquendi figura vir sanctus ineffabilem Dei erga verē pœnitentes clementiam, & omnimodam præteritarū offensionū obliuionem voluit designare. Et quidem vir, qui adulteram vxorem in gratiam recipit, vix vnquam eundem erga illam animum & amorem retinet, etiam si ea nullam præteritæ leuitatis significationē dederit: at regia illa & magnanima (ut ita dixerim) Dei nostri clementia sic verē pœnitentiū peccata post tergum suum projicit, ut si perfectē illos pœnituerit, nullā prorsus eorundem memoriam retineat. Quam rem D. Augustinus significare volens, ait: Medicus noster omnipotens est, & sic consuevit plagas nostras curare, ut ne cicatricum quidem vestigium post ipsius medicamina remaneat. His autem verbis D. Augustinus ostendit, quāto aliter cœlestis medicus animæ morbis, quā terrenus medicus corporum vulneribus medeatur. Hic enim, quamuis vulnera sanat, vulnerū tamen cicatrices & signa relinquit: quod à cœlesti medico alienū est; qui ita peccatorum vulnera curat, ut nullum in eis pristinæ indignationis vestigiū relinquat. Quam rem aperte erga Dauidem ostēdit, quem grauissimē quidē peccantem, sed amarissimē tamē peccata deflentē, sic in pristinam illam gratiā & amicitia suam recepit, sic, quæ illi de æterna regni sui successionē promiserat, in posteris suis etiam impijs adimpleuit, quasi nulla prorsus in re aduersus ipsum deliquisset. Sic etiam, licet is prioris filij (quē ex adulterio Bersabee susceperat) vitam nullis precibus à Dño impetrare potuisset, post peractam
- tamen



tamen pœnitentiam, posteriorem ex eadem Bersabee filium Salomonem adeo gratum habuit, vt per Nathan Prophetam <sup>2. Reg. 11.</sup> nomen illi dignissimum, nempe, Amabilem Domino, imponi præceperit; eo quod Dominus diligeret eum. Quanta igitur hæc vera pœnitentiæ laus & commendatio est? Antè pœnitentiam ne vitam quidem Dominus adultero filio donat; post pœnitentiam verò, & vitam, & regnum, & gloriam, & sapientiam, & (quod omnia superat) gratissimum ei, Amabilis Domini, nomen imponit. Quæ quidem res desperatos etiam peccatores, & penè conclamatos ad hanc virtutem amplectendam incitare maximè debet, vt Petri atque Davidis exemplo ad maiorem gratiam virtutis huius beneficio promoucantur.

Hæc de mirabili beati Apostoli pœnitentiâ. Nunc multo mirabiliorem eius patientiâ & constantiâ videamus. Hanc porro declarat ingens illa tempestatû & procellarû vis, qua Apostoli iactati & afflicti sunt: quæ tanta fuit, vt vniuersum orbem in admirationem raperet. Quam rem Apostolus Paulus suo & co-apostolorû suorû nomine testatur his verbis: Puto enim quod <sup>1. Cor. 4.</sup> Deus nos Apostolos nouissimos ostendit, tanquã morti destinatos: quia spectaculû facti sumus mundo, & Angelis, & hominibus. Vsq. in hanc horâ & esurimus, & sitimus, & nudi sumus, & colaphis cœdimur, & instabiles sumus (vel, vt alij verterûnt, incertis vagamur sedibus) & laboramus operantes manibus nostris. Maledicimur, & benedicimus: persecutionem patimur, & sustinemus; blasphemamur, & obsecramus: tanquã purgamenta huius mundi facti sumus, omnium peripsēma vsq. adhuc. Quid in his verbis non mirabile? quid non stupore dignum? hoc enim & ipse Apostolus apertè ostendit, cû certamina sua non solum mundo & hominibus, sed Angelis etiam instar admirabilis cuiusdam spectaculi esse dicat. Quod verò in fine purgamenta dixit; alij lustramenta vertunt. Quo verbo significare voluit, persuasum eo tēpore hominibus fuisse, tãtam ab illorum doctrina pestem atq. perniciem rebus humanis inferri, tantamq. malorum vim à diis iratis propter eorum detestabilem vitã mundo immiti, vt nullo modo hæc tanta mala à mundo depelli, neq. deos suos, nisi illorum interuencione & exitio, vllō modo posse placari arbitrarētur. Id ipsum etiam Dominus illis ante passionē fuerat vaticinatus his verbis: Eritis odio omnibus hominibus propter nomen meum: sed venit hora, vt omnis qui interficit vos, arbitretur se obsequium præstare Deo. Denique eò deuentum est vt bellorum incendia, pestes, fames, variæque morborum & calamitatum genera, quibus eo tempore mundus infestabatur, Christianorum religioni imputarēt. Quare illos dicebant è mundo prorsus eliminandos, variisque tormentorum

Mat. 10.

Ioan. 16.

Cyprian.  
August.

generibus è medio tollendos, eorumq. mactatione irata numina placanda, quo pacè & tranquillitatem rebus humanis resunderent. Quod quidem apertè indicant cùm alij Patres, tū diuus Cyprianus contra Demetrianum, & D. August. in lib. de Civitate Dei. Hæc igitur tanta maiorū tempestas, quam modò retuli, quamq. paulo pòst plenius referam, me in maximam admirationem adducit. Humanæ quippe naturæ fragilitate diligèter inspecta, vehemèter miror, quì fieri potuerit, ut nò Apostoli modò (de quibus hodie præcipuè nobis sermo est) sed innumerabiles Christi martyres ad eò noua & horrenda supplicia præfenti & alacri animo pertulerint. Vnde igitur in tam imbecilla natura, tanta vis, tanta fortitudo, tanta constantia, tantum animi robur, tanta laborum perpeffio? Crescit autem admirationis causa, cùm in mores nostros oculos cōijcimus. Nos enim & eiusdem naturæ atq. infirmitatis cōsortes sumus, & eandem, quam illi, fidem profiteamur; eadem spe nitimur, eundem Dñm pro salute nostra crucifixum colimus, eademq. nobis & cælestia præmia, & æterna supplicia proposita sunt: & tamen quàm plurimos cernere licet, qui cùm eiusdem siue naturæ, siue religionis coniunctione deuincti sint, nullum omnino, propter eundē quem colunt Dñm, laborē subire velint. Si enim ab illis impetrare contendas, ut in illius gratiam vel acceptā iniuriā condonare, vel impuram libidinem refecare, vel susceptas inimicitias deponere, vel iniustè ablata dominis suis reddere, aut postremo cupiditatem aliquam frenare, & rationis imperio subicere velint; planè recusabunt, multisq. rationibus se à diuinarū legum obedientia subducent. Sed quid hæc dico maiora? Multi sunt, quos si vel vno die ieiunare, vel scelera sua paulo frequentius confiteri, vel à praua iurandi cōsuetudine cessare moneas; ne hoc quidem laboris curæque tantillum suscipere velint. An non mirum est, sanctos Martyres & Apostolos tãta animi alacritate inundationem maris quasi lac sugere, te verò ne minimam quidem molestiæ vmbra propter eandem spem eundemq. Dominum velle perferre, cùm præsertim nec aliā corporis naturam, nec aliam fidem aut religionem causari valeas?

Deut. 33

I.

Caterum quoniā operū naturæ admiratio Philosophis causa extitit philosophandi, hoc est, occultarū rerum, quarū admiratione tenebantur, causas inquirendi; æquum est, ut nos etiam harū virtutum, quas tantopere miramur, causas exquiramus. Et quidem præcipua huius tantæ fortitudinis causa, diuinæ gratiæ virtus extitit, cuius est, non solum hominis animā Deo gratam facere; sed etiam omnium inimicorū telis inexpugnabilē, & quouis adamante duriorē, magisq. impenetrabilē reddere. Est enim gratia,

gratia, vt Apostolus Petrus definiuit, diuinæ naturæ participatio, quia pius homo nō solum diuinæ virtutis effigie in suis moribus exprimit, sed etiam diuina virtute atque potestate nititur, diuinisq. armis aduersus ignita diaboli tela instruitur & armatur. Vtrumque supernæ illę mentes in Christi sponsa mirantur, cum dicunt: *Quæ est ista quæ ascendit sicut aurora cōsurgens,* Cant. 9.  
*pulchra vt Luna, electa vt Sol, terribilis vt castrorum acies ordinata?* Hæc igitur omnipotentis gratiæ virtus & Apostolos & Martyres inseparabiles, & omni humana potētia superiores fecit. Hæc Apostolū Petrū sic in fide stabiluit & confirmauit, vt, qui paulo antea puellæ metu Dñm negauerat, postmodum huius virtute indutus ex alto, coram toto Iudarum, Pontificum atq. Phariseorū senatu animosa illa verba proferret, quæ ipsos etiam Pontifices in admirationē rapuerunt: Principes, ait, A. 4.  
*puli & seniores, si nos hodie diiudicamur in benefacto hominis infirmi, in quo iste saluus factus est, notū sit omnibus vobis, & omni plebi Israel, quia in nomine Dñi nostri Iesu Christi Nazareni, quem vos crucifixistis, quem Deus suscitauit à mortuis, in hoc iste adstat corā vobis sanus. Hoc est lapis qui reprobatus est à vobis edificātibus, qui factus est in caput anguli, & nō est in aliquo alio salus. Nec enim aliud nomen datum est sub cælo hominibus, in quo oporteat nos saluos fieri. Quid his verbis animosus? quid cōstantius? quid mirabilis? Hoc igitur diuinæ gratiæ opus fuit, à qua cælestes habitus proficiuntur, qui vires animæ nostrę vestiunt, ornant, perficiunt, atq. corroborant, quæ sancti Apostoli tam multa atque horrenda supplicia pertulerūt.*  
*Nec parum ad hoc eos iuuat cælestis præmij singularis quædā prælibatio. Petrus namq. in Trāsfigurationis mysterio sacratissimæ humanitatis Christi gloriam vidit, quando resplenduit facies eius sicut Sol, vestimēta verò facta sunt alba sicut nix. Quo spectaculo tāto animus eius gaudio simul & admiratione completus fuit, vt extra se raptus, atq. rerum omnium, suiq. oblitus, non alia re quàm illa suauitate frui desiderans, diceret: Domine, bonū est nos hīc esse: si vis, faciam⁹ hīc tria tabernacula, &c. videlicet nesciēs quid diceret: quoniam intelligendi facultatem summa illa vis cælestis gaudij absorbuerat. Paulo verò non modò humanitatis Christi, sed etiā diuinitatis gloria (vt multi ex Patribus asserunt) singulari Dei beneficio frui datū est. Quod ipse de se, tanquam de alio, testatur his verbis: Scio hominem Mat. 17.  
in Christo Iesu ante annos quatuordecim (siue in corpore, siue extra corpus, nescio, Deus scit) raptum in tertium cælum: & scio huiusmodi hominē, quoniam raptus est in paradisum, & audiuit arcana verba, quæ nō licet homini loqui. Voluit enim diuina sapiētia, vt Ecclesiarū futurus doctor inter Angelos disceret 1. Cor. 11.*



quod inter homines doceret. Quo mirabili Dei dono subito factus est pastor ex lupo, ex prædone custos, ex persecutore defensor. Quanta verò hæc Dei gratia fuerit, D. Maximus docet his verbis. Vt autē præteream omnia quæ Paulū vniuerso orbi mirabilē faciunt, vnū illud, quod ad omnes eius sufficit laudes, quis valeat æstimare, quātā sit gloriæ, quod cum inter homines ageret, speciali quadam diuinitatis gratia & paradysus illi penetrabilis, & cælū peruiū fuerit? Is igitur, cui inter homines agniti ad cælos ire, & ad homines redire, & gloriæ magnitudinem iis qui cum pietate vixerint, in cælis paratā videre datū est, quid non faceret? quid non diceret? quos labores & pericula non adiret? quas mundi opes non contemneret, vt & se, & alios ad cælestes illas mansiones, quas fuerat contemplatus, transferret?

Quod si multi ex nostris vix vnus diei ieiuniū propter hæc felicitatis æternæ gloriam perpeti, aut cupiditatibus suis imperare volunt; non ideo est quod hæc tanta gloria non digna sit ad quam per omnes etiā flammæ ire deberemus, sed quia eius pretiū & dignitatem non agnoscimus, ideoq. licet non verbis, tamen re ipsa indignam esse putamus, propter quam vnus diei inediā toleremus. Quāuis enim omnes fidē habeamus, sed fides tamen sanctæ, quæ tam magna operata est, duplici forma, altera quidē (vt Theologi loquūtur) extrinseca, altera intrinseca, insignita & illustrata erat: charitate enim inflāmabatur, donoque intellectus (quod inter cætera Spiritus sancti dōna refertur) illuminabatur. Quibus formis fides ita perficitur, vt ea quæ credit, nō solum credere, sed quodammodo cernere, & manibus contrectare videatur. Informis verò fides à Iacobo Apostolo

Iacobi 2. mortua esse dicitur, quoniā diuersa ratione per illam homo ita credit ac si non crederet: quia nihil minus credendo delinquit, quā si prorsus nō crederet: cum tamen propter terrena bona, quæ coram cernit, nullū aut laborem aut periculum siue corporis siue animæ recuset, vt merito Plato, referente Seneca, demeretur, quod homines ipsius vitæ dispendio, ea quæ ad vitā pertinent, inquirant. Quibus autem similes sint qui hæc bona tanto

Plato.  
Seneca.

Simile.

studio consecretantur, cum tamen diuina negligant; non verebor fabulatoris Aesopi similitudine declarare, cum videam grauissimos auctores eius sæpe apologetis vti. Is igitur fingit gallum in sterquilino cibi aliquid queritantē. Qui cum fortē pretiosam gemmam inuenisset, splendorem eiusdem miratus, ait: Res vili pretiosa loco, nitidique decoris hac in sorde manens; si te alius qui pretiū tuum agnosceret, inuenisset, felicissimū se profectō perarēt: ego autem qui neq. hoc noui, neq. te ego, vel vnū frumēti granū tibi antetulissē. Hæc fabula, fratres, studia & mores hominum nobis ob oculos ponit. Si quis enim eorum bono-

rum quæ nobis Christi Euangelium proponit splendorem atq. valorem cælesti lumine instructus agnouisset (vt Petrus & Paulus, cæteri q. sancti Patres agnouerunt) facile (quod ille mercator Euangelicus fecit) diuēditis omnibus sempiterna illa bona compararet, nullumq. laborem eorum gratia formidaret. At nos qui instar Aesopici galli in huius vitæ sterquilinio (neq. enim terrena omnia nobilius nomē merentur) siliquas porcorum quærimus, quibus insatiabilem cupiditati nostræ ventrem impleamus; longē ploris ea facimus, quibus præsentem hanc cupiditatis famem ad tempus sedamus, quàm quæ sempiternis seculo- rum ætatibus permanens nōuimus:

Neq. tamen ignorantia hæc nos ante supernū iudicem excusabit, cum scriptum sit: Ignorans ignorabitur. Ceterum quāuis, 1. Cor. 14. dum in hoc corpore versamur, hanc tantam iacturam minimē sentiamus; aderit tamē tēpus illud quo antea vitæ ratio exigenda est, quando iustis pōderibus, non falsis opinionibus opera nostra libranda sunt. Quām diu pisces inuenta in hamo esca pascuntur, nihil tunc temporis doloris sentiunt: at vbi piscator fallacia fila in sublime attollit; & pisces hamo comprehensi ab aquis extrahūtur, tūc quæ illis dulcis esca videbatur, aculeus est vitam eripiens. Sciant igitur qui nunc carnis voluptatibus, & amore seculi irretiti tenentur, idē prorsus sibi euenturū. Aderit namq. extrema illa hora, in qua ab huius vitæ vndis Dei imperio extrahēdi sunt: quo tempore, quæ illis antea deliciae videbātur, acerbissimus doloris & pœnitentiæ aculeus erunt. Verissimē enim dictum est: Fauus distillans labia meretricis: nouissima Prou. 3. autem eius quasi absinthium, acuta quasi gladius biceps, corpus videlicet atq. animam saucians. Clamabunt autem eo tempore contra nos crux Petri, & gladius Pauli: clamabit omnium Martyrum sanguis, qui cælestia regna digna putauerūt, ad quæ per cruces, per flagella, per equuleos, per vngulas, per catastas & sartagines, ac postremō per gladios & ignes peruenirent; quæ nos cæci atq. dementes indigna putauimus, propter quæ cupiditatibus nostris signū inijceremus, & carnis nostræ petulantiā comprimeremus, & diuinā legē, quæ suauē iugum, & onus leue est, ceruicibus nostris imposeremus. Sed lōgē tamē acrius sanguis Christi clamabit, quo ille nō sibi, sed nobis cæleste regnum promeruit: quod tamen nos ne hoc tanto pretio iam partum, leui operā, quæ à nobis exigebatur, percipere volumus. Expergiscimini, quæso, fratres, & vel ex Apostolorum Martyrum quæ tormentis cælestis hereditatis præstantiam dignitatemq. cognoscite: nec vos pigeat exigua obedientiæ, humilitatis, charitatis, pietatis, atque patientiæ labore comparare, quod illi omnes sanguine suo, & acerbissimo mortis supplicio mercati sunt.

## IN EODEM FESTO APOSTOLORVM

PETRI ET PAVLI, CONCIO TERTIA:  
in qua vtriusque Apostoli clarissimæ virtutes, &  
magnifica dona quæ à Deo perceperunt, explican-  
tur: in qua multa ex D. Chrysostomi Homiliis,  
quibus Pauli laudes prosequitur, desumpta sunt.

THEMA. *Mirabilis Deus in sanctis suis.* Psal. 67.



Bernard.

Coloss. 1.  
1. Pet. 3.

Icturus hodie, fratres charissimi, de beatissimorum  
Apostolorum virtutibus & gloria, non video quo  
exordio commodius in hac concione uti possim,  
quàm quo D. Bernardus in eorū laudibus vsus est:  
sic enim ait: Gloriosa nobis solennitas illuxit,  
quam præclari Martyres, martyriū duces, & Apostolorum prin-  
cipes morte clarissima consecrarunt. Isti sunt Petrus & Paulus  
duo magna luminaria, quos Deus in corpore Ecclesiæ suæ con-  
stituit quasi geminum lumen oculorum. Hi mihi traditi sunt in  
magistros & mediatores, quibus securè me committere possim:  
quia & notas mihi fecerūt vias vitæ, & mediantibus illis ad illū  
mediatorem ascendere potero, qui venit pacificare per sangui-  
nē suum & quæ in cælis & quæ in terris sunt. Ille enim in vtra-  
que natura purissimus est, qui peccatum non fecit, nec inuen-  
tus est dolus in ore eius. Quomodo ad illum accedere audebo,  
qui supra modū peccans peccator, qui peccaui supra numerum  
arenæ maris? Propterea dedit mihi Deus homines istos, qui &  
homines essent, & peccatores, & maximi peccatores, qui in se-  
ipsis, & de seipsis discerent, quàm latè aliis misereri deberent.  
Magnorum enim criminum rei, magnis criminibus facile do-  
nabunt veniam; & in qua mensura mensum est eis, remetien-  
tur nobis. Peccauit peccatum grande Petrus Apostolus, & for-  
tassis quo grandius nullum est; & tam velocissimè quàm facillimè  
veniam cōsecutus est; & sic, vt nihil de singularitate sui pri-  
matus amitterer. Sed & Paulus, qui in ipsa viscera nascentis Ec-  
clesiæ tā singulariter quàm incomparabiliter grassatus est, per  
ipsius Filij Dei vocem ad fidem adducitur, & pro tantis malis,  
tantis bonis repletus est, vt vas electionis fieret ad portandum  
nomen eius coram Gentibus, & regibus, & filiis Israël. Hi sunt  
magistri nostri, qui à magistro omnium vias vitæ plenius didi-  
cerunt, & docent nos vsque in hodiernum diem. Quid ergo do-  
cuerunt vel docent nos Apostoli sancti? Non piscatoriam ar-  
tem,



IN FEST. APOST. PET. ET PAV. CONC. III. 471  
 tem, non scenofactoriam, vel quidquid huiusmodi est: non Platonem legere, non Aristotelis versutias inuersare, non semper discere, & nunquam ad veritatis scientiam peruenire. Docuerunt me viuere. Putas, parua res est scire viuere? Magnum aliquid, immo maximum est. Non uiuit qui superbia inflatur, qui luxuria sordidatur, qui cæteris inficitur pestibus; quoniam non est hoc viuere, sed vitam confundere, & appropinquare vsque ad portas mortis. Bonam autem vitam ego puto, & mala pati, & bona facere, & sic perseuerare vsque ad mortem. Hactenus D. Bernardi verba, quæ breuiter nobis Apostolorum gloriam, & magisterium ob oculos ponunt. Vt cæteras autem eorum laudes atque virtutes pro dignitate prædicare possimus, cælestem opẽ, sacratissimę Virginis intercessione, suppliciter imploremus.

### AVE MARIA.

Diuini numinis cognitionem esse totius humanę salutis & felicitatis initium, nemo est qui nesciat. Sublata enim hac cognitione, neque amor in Deum, neque timor, neque obediẽtia, neq. vlla omnino pietatis & religionis scintilla extare poterit. Hinc D. Hieronymus homines hac cognitione carentes, non Hieron. homines, sed pecudes esse ait. Deũ verò, in hoc mortali corpore constituti, non per se, sed per opera sua cognoscimus. Sic enim & animam nostrã, quæ ad imaginẽ Dei facta est, ex variis eius operibus atque functionibus vtrumque intelligimus, cum eius tamen substantiam atq. essentiam nemo hactenus comprehenderit. Inter Dei autem opera quædam ad naturam, quædam ad gratiam pertinent. Et per illa quidem naturę auctor res conditas conseruat atque sustentat; per hæc autem animas hominum reformat, & diuinę similitudinis participes efficit. Hæc autem gratiæ opera tanto sunt aliis præstantiora, quanto ad nobiliore finem diriguntur: per illa enim res in esse naturę conseruantur; per hæc autem homines ad diuinę naturę cõsortium attolluntur: ideo per ea multò magis in diuinę bonitatis, charitatis, sapientiæ atq. omnipotentię cognitionem & amorem asurgimus. Quo enim opera Dei præstantiora sunt, hoc magis artificis sui gloriã testantur & prædicat. Quo fit, vt neq. Solis, Lunę, ac siderum, camporum ac totius mundi species & pulchritudo tantam nobis diuinę pulchritudinis significationẽ, quàm vnus sanctę animę puritas & elegantia, præbeat. Quæ tamẽ ideo à carnalibus hominibus non agnoscitur, quia carnis oculis nõ videtur. Omnis enim gloria filiæ regis ab intus, hoc est, in interno homine latet, ybi sinibris aureis & virtutum varietate circumdata est. Quod si Plato tantũ in honestate, quæ solis naturę Psal. 44.  
Plato in phædro. viribus

- viribus acquiritur, decorē & pulchritudinem inesse dixit, ut, si oculis humanis cerneretur, mirabiles sui amores excitarer; quid de ea honestatis & sanctitatis specie sentiendum est, quæ & divinæ puritatis imaginem refert: & ab ipso Deo in anima commorante supernaturalibus donis expressa est. Sic enim Saluator ait: Si quis diligit me, sermonem meum servabit, & Pater meus diliget eum, & ad eum veniemus, & mansionem apud eum faciemus. Itaque cum multitudinis numero ait, ad eum venimus: totam beatissimam Trinitatem in anima iusti commorari docuit. Talem ergo animam cælestis Pater assumit in filium, Filius in germanam, Spiritus sanctus in sponsam, totaque beatissima Trinitas in suum templum atque domicilium; in quo non solum mansionem facit, sed illud etiam miris virtutum cælestiumq. donorum coloribus illustrat. Cum Dominus beatam Catharinam Senensem ad curandam animarum salutem destinasset, illa eundē suppliciter obsecrauit, hanc sibi præstari gratiam, ut posset videre deinceps elegantiā animarum omnium cum ipsa versantium, & ad ipsam venientium, ut tanto magis accenderetur ad curandam animarum salutem, quanto clarius earundem speciem & pulchritudinem vidisset. Exaudiuit autē Dominus preces eius: atque eo tempore quories aliqui ad eam venissent, magis ad eorum animas quàm ad corpora intenta erat; nec quisquam ferè postea ad eam accessit, cuius animæ statum non peruideret, dicebatque confessorio suo Raymundo: O pater mi, si vidisses animæ pulchritudinem, non dubito quin pro illius salute libenter centies mortem oppeteres. Hanc verò animæ pulchritudinem ipsi etiam beatissimi Spiritus admirantes in Cant. dicunt, Quæ est ista quæ ascendit sicut aurora confurgens, pulchra ut Luna, electa ut Sol, terribilis ut castrorum acies ordinata? Merito planè mirantur tantam in infirmitate virtutem, tantam in carne puritatem, tantam in homine, in peccatis conceptam, innocentiam, ac postremo tantam in humana natura angelicæ vitæ similitudinē. Ut enim in quibusdam animantibus singularem quandam in tuenda vita sua, atque filiorum educatione sollicitiam, humanæ prudenciæ similem, admirari solemus: sic etiam supernæ illæ mentes admirantur, cum animam impura carne septam, & in malum pronam, ad Angelicæ vitæ puritatem aspirare, & in carne vitam non carnis meditari vident. De puritate quippe sua non perinde habent quod mirētur, cum purissimi Spiritus sint, ab omni corporis & terrenæ materiæ contagio secreti; de nobis autem, cum piè & religiosè, superata atque compressa carne, vitam degimus; habent utique cur iure mirentur, & tantæ puritatis auctorem laudare debeant, qui solus potest facere mundum de immundo conceptum

Ioh. 14.

Cant. 6.

Simile.

Iob 14.

conceptum semine. Deniq. (vt semel finiam) nulla ratione huius animæ pulchritudo apertius declarari poterit, quàm si quis eam cum diuina pulchritudine componat. Constat enim nihil esse in mundo speciosius, pulchrius, dignius, atque tublimius Deo: post Deum autē secundo loco nihil speciosius aut dignius ea mente quæ illum summo amore diligit, summa reuerentia colit, summa humilitate & innocentia veneratur, quæque sic sensus omnes & affectus, ac se totam illius obsequio addixit, vt mundo, terrenisq. cupiditatibus mortua, illi solum viuat, illi militet, illi obsequatur, illi sitiat atque ardeat, in illo spes omnes opesq. suas repositas habeat, illius desiderio inardescat, illum perpetuò cogitet, in illius bonitate & pulchritudine contemplanda dies noctesq. defixa sitisquaq. sic Deo subiecta est, vt neque cibum quæ illum somnum capere, nec os ad loquendum aperire, nec quicquam aliud moliri audeat, nisi ad illum prius mentis oculos attollat, & cū Apostolo dicat: Domine; quid me vis facere? eademq. toto studio, ne illius oculos aliqua in re vel leuissima offendat, diligentissimè curat, vitamq. ipsam, atq. sanguinem, si ira opus fuerit, propter illius gloriam effundere parata est. Quamuis autem hæc tantæ pulchritudinis species carnis oculis nunimè conspicua sit; si quis tamen sanctissimorum virorum res gestas & vitas legat, quandam pulchritudinis huius vmbra mentis oculis intuebitur. Iam verò si quis Apostoli Pauli epistolas & gesta diligenter euoluat, in eis mirabilem quandam in sanctissima illa anima puritatis & innocentia, atque virtutum omnium imaginem contemplabitur, quæ ipsum in tantæ pulchritudinis amorè rapiat, & ad Deum ipsum, eiusdem pulchritudinis auctorem, laudandum vehementer incendat. Vt enim paulo antè diximus, diuinæ bonitatis & pulchritudinis species in operibus gratiæ magis, quàm in tota hæc rerum vniuersitate, quam intuemur oculis, elucet. Hinc Esaias, Et vocabuntur, inquit, in ea sortes iustitiæ. plantatio Domini ad glorificandū: quam sententiā Saluator explicuit, cū dixit: Sic luceat lux vestra coram hominibus, vt videant opera vestra bona, & glorificent Patrem vestrū qui in cælis est. In præsentem autem concione nō solum beatissimā Pauli animam, sed Petri etiam Apostolorum principis, habemus, in quibus amplissimā diuinæ bonitatis & gratiæ magnificentiam velut in purissimo quodam speculo cōtemplari possumus. Quod si in Pauli virtutibus explicandis aliquanto fuerimus longiores, illud in causa erit, quod de nullo Apostolorum plura quàm de Paulo litteris sanctis consignata, & posteritatis memoriæ tradita sunt.

## PARS PRIOR. I.

Et primam quidem Petri dignitatem & gratiā eam esse profitemur,



Mat. 16.

fitemur, in qua Dominum ipsum habere meruit laudatorem, Beatus es, inquit, Simon Bar-Iona: quia caro & sanguis non reuelauit tibi, sed Pater meus qui est in cælis. Ex quibus verbis intelligimus, sacramentum illud absconditum à seculis, in Deo uiuo, qui omnia creauit, nempe Filij Dei incarnationis à Deo Patre reuelatam Petro fuisse: atque ita factum est, vt is totam diuinitatis plenitudinem in illa humanitatis atque humilitatis visibili forma inhabitare firmissimè crederet, eandemque confiteretur, cum dixit: Tu es Christus Filius Dei uiui. Cum autem (vt Caietanusanotauit) maximè proprium sit uiuentium, simile sibi in natura generare; hoc vno verbo ineffabilem Filij Dei generationem & æqualitatem cum Patre significauit.

Bernard.

Secunda verò dignitas, quam huius confessionis merito protinus cōsecutus est, promissio fuit Apostolici principatus, & clauū regni cælestis: quas tanta ei potestate contulit, vt (quemadmodū D. Bern. ait) præcedat sententiā cæli, sententiā Petri. Quod autem vel maius, vel mirabilius donū hominī in carne degenti concedi debuit, quā vt clauēs acciperet regni cælestis, quibus nō sibi tantum, sed omnibus etiā hominibus eius portas ab initio mundi obseratas patefacere posset; nec ipse solus hāc tātā potestatem acciperet, sed etiā vt eam sacerdotibus cūctis communicare posset? Cum autem naturali, diuino, atque humano iure constet, principatum Ecclesiæ dignissimo cuiq. tribuēdum esse; necessario fatendū est, vel Petrum inter Apostolos hoc munere dignissimum fuisse; vel certè talem à Dño effectum, cum ei hoc munus cōmissum est. Hoc enim inter humanā atq. diuinā electionem distat, quōd homines quidē ad hoc officium dignissimum quemq. eligere debēt, quia talē facere nequeunt: at Dñs (in cuius oculis facilē est subito honestare pauperem, & ex lapidibus, Abrahæ filios efficere) eo ipso, quo homines ad insignē aliquod munus administrādum elegit, dignissimos eo ministerio facit. Vnde est illud Pici Mirandulani de Deo agentis:

Picus  
Mir.

*Quamquam sat digni, si quos dignatur amare;*

*Qui quos non dignos inuenit, ipse facit.*

Qua ex re colligimus, aut Petrum, cum à Domino electus est, inter Apostolos dignissimum hoc munere fuisse, aut certè tunc à Domino cæteris digniorem factum: neque enim alterum sine altero donari potuit.

Apost. 9.

Apost. 5.

Nec solum cæli atque gehennæ, sed vitæ etiam ac mortis ius & potestatem ei contulit: vt quomodo verbo carum claudit & aperit, ita solo verbo & mortuis vitam conferat, & uiuentibus mortem inferat. Tabitham namque mortuam ad preces viduarum solo verbo suscitauit: Ananiam verò & Sapphiram ob commissum furtum solo verbo interemit.

Et

Et quamuis hæc tanta potestas verè miranda sit, omnem tamen superat admirationem, quòd non solum Petri verba, sed sola etià corporis vmbra omne genus morborum depellebat. Quade re in superiori concione dictum à nobis est. Quis autem in hoc opere immensam diuinæ bonitatis amplitudinem, & summum, quo pios afficit, honorem non agnoscat, quando illis tribuit quod nec sibi sumpsit: quique tantis illos faciat, tantumque potestatis & honoris tribuat, vt non solum verbis, sed sola corporis vmbra naturæ legibus ab ipso præfixis imperent? Quid, quæso, minus ad hominem, quam inanis corporis eius vmbra pertinet? Quàm mirabile igitur est, Dñm hanc tantam potentiam mortali homini contulisse, vt non illum modò omnipotentem quodammodo faciat, sed eius etià vmbra eandem conferat potestatem! Quantam igitur erga illos charitatè Dominus hoc opere demonstrauit! Quàm felix ergo & fortunatus est quisquis sic vitam instituit, vt hanc Domini beneuolentiam & amicitiam promereatur! Quàm verò infelix atq. deplorandus, qui ob rerum fragilium, celeriterque intereuntium, amorem, se hoc tali amore atque honore indignum facit!

Subest hic aliud non minus mirandum, hoc est, tanta Petri humilitas in hac tanta gloria. Si enim rara virtus est humilitas honorata; quàm rarum & singulare fuit, in tanto honore tantà conseruasse humilitatè! Pulcherrimus ille Angelus à Deo conditus eleuauit cor suum in decore suo; princeps quoq. generis nostri in paradiso constitutus, & miris diuinæ gratiæ muneribus ornatus, hoc eodem morbo corruit. Paulus, ne reuelationum magnitudine extolleretur, stimulum carnis accepit, quo se hominem esse sentiret: atq. (vt D. Hieronymus ait) in similitudinè Romæ triumphantium, quorum lateri præco aderat, qui eos suæ mortalitatis admoneret, ita ipse carnis stimulum super infirmitatis mortuorè accepit, ne diuinorum munerum occasione attolleretur. Mirum autè est, nihil tale Petro ad humilitatis custodiam fuisse datum; cum maius sit, corporis vmbra omnis generis morbos pelleret (quod nulli hætenus Sanctorum contigit) quàm crebris a Deo reuelationibus (quod multis Sanctorum concessum est) erudiri. Quo indicio colligimus, quòd quemadmodum beatissima Virgo parem dignitati suæ humilitatem habuit; ita Apostolus Petrus nō minus humilitatis virtute, quàm miraculorū potestate clarus fuit. Sapiētissimus quippe ille virtutū architectus quàm altam gratiarum atq. virtutum structuram erigere in eo voluit, ram alta humilitatis fundamēta iecit; sine qua (vt diuus Gregorius ait) virtutū aggregatio ruina est. Quantum verò diuus Apostolus hanc humilitatis virtutem coluerit, & nunc in celo diligit, hoc memorabili humilitatis exemplo declarabitur.

Hieron.

Gregor.

Cum

Cum sanctus Eduardus Anglorum Rex in palatio iuxta Ecclesiam B Petri aliquando moraretur, superuenit quidam vir Hibernicus genere, pedis vtriusq. priuatus officio: nerui enim in poplite contracti ad posteriores corporis partes crura retorserant, tali natibus inhaeserant, immerisque carnibus pedu articuli, a lumbis eius & deorsum corpus omne peruerterant. Porrectis ad terram manibus, & scammis suppositis repebat, & factus sibi metipso grauis, trahebat se post se. Hic videns Regis cubicularium, ait ad eum: Hugoline, non me respicies, nec miseraberis, nec mouebit te mea tanta calamitas? Et ille: Quid me vis facere? Cui pauper: Sexies, inquit, Apostoloru limina repes (vt cernis) visitaui, & sanitatem necdum promerui: quam tamen mihi Apostolorum princeps non negauit, sed distulit, socium in hoc miraculo habere volens Eduardum, quem sibi nouit in omnibus esse deuotum. Ab ipso enim Apostolo in mandatis accepi, Regem adire, vt me, suo sacro subuectum dorso, ad Ecclesiam eius, quae palatio vicina est, perferat, recepturum, si id fecerit, membrorum meorum integram sanitatem. Haec ubi nunciata sunt Regi, gratias egit Deo, & citatus mox ager accessit. Rex vero spiritualis ille asinus fortis, accubans in terminis, supposuit humeros suos ad portandum. Pendet de humero tanti principis plenus sordibus pauper, squalidis manibus, brachiisque squamosis regium illud pectus collumque complectitur. Interea ex assistentibus ridebant nonnulli, alij a paupere Regem delusum iocabantur, alij simplicitatem iusti fatuitatem iudicabant. Cum itaque Rex paululum processisset, subito nerui extenduntur, rigantur ossa, carnes marcidae recalescunt, emergunt a carne articuli, pedes a natibus soluuntur. Distendit homo crura, poplite iam flexibili, & sanie cum sanguine profluente, vestis regia ornatur potius quam scdatur. Tam tunc satis esse clamant omnes, sanatum languidum, onus obsordes ulcerum deponendum. Ille vero memor praeepti quod susceperat, Sirenarum cantus obturata aure pertransiit: ingressusque Ecclesiam, ante sanctum altare holocaustu, quod detulerat, Deo ac beato Petro resignat, incolumemque dimisit. Suscepto autem a Rege itineris viatico, acturus gratias Deo, & sancto Petro, Romam profectus est. Hoc igitur tam nouo & insolito in persona regia humilitatis exemplo, quantopere diuinus Apostolus humilitatis virtute coluerit, & quanto illa in precio habuerit, satis aperte monstrauit.

Verum obliuiscit aliquis hoc in loco Petri negationem: sed ego eius contra poenitentiam opponam, quae tanta fuit, vt verere dicere possimus, hunc eius lapsum in maiorem illi laudis & gloriae cumulum cecidisse. Vt omitam enim quod per omnem vitam galli cantus ei perpetuam lugendi materiam praebuerit (vnde &

genae



genæ illius ardore lachrymarum assidue fluentium, penè exustæ erant) tamen vix dum verbo tenus Dominum negauerat, cum egressus foras, tanto dolore, tantaq. cordis amaritudine lapsus suum surrexisset quàm ceciderat. Quam rem noui & insoliti fauores, quibus post resurrectionē à Domino honoratus est, facile declarant. Nam & Angelus, resurrectionis eius testis, cum hoc felicissimum nuncium per mulieres ad discipulos perferri iussisset, singularem Petri mentionem fecit: *Ite, dicite discipulis eius & Petro, quia præcedet vos in Galilæam.* Quodq. maius est, idem ipse Dominus statim à resurrectione se Petro visendum præbuit, ut hac visitatione fractum eius animum ad spem veniæ suscitaret, & resurrectionis alacritate lacrymarum eius amaritudinem in lætitiā commutaret. Vnde duo illi discipuli, qui ipso Dominicæ resurrectionis die in Emmaus pergebant, ab itinere regressi inuenerunt congregatos vndecim dicentes, Quia surrexit Dominus verè, & apparuit Simoni.

Marc. 16.

Luc. 24.

Quin & hoc ipso tempore Dominus Ecclesiæ suæ clauum, immo & clauis cæli, quas antè promiserat, tradidit, cum agnos suos illi trina repetitione pascendos commisit, & gloriosum illi per crucis triumphum agonem, quo erat ipsum Dei Filium imitaturus, apertè reuelauit. Ex quibus omnibus & mirabilem veræ pœnitentiæ virtutem, & immensam Dei nostri erga verè pœnitentes misericordiam apertè videre licet, per quam Petrus tantam à Domino gloriam, post lamentabilem illam ruinam, percipere meruit. Faxit autem Christus Dominus, ut, qui Petri hodie laudes celebramus, eius pœnitentiā & lacrymas imitari velimus; ut similem cum eo veniam & gratiam à Domino consequi mereamur.

## PAR. PRIOR. II.

Sed intermisso nunc Petro, ad coapostolum eius Paulum veniamus, cuius laudibus prædicandis nulla certè humana facundia par esse poterit. Quo fit, ut neq. rudis ac trèpidus sermo eius laudes aggredi audeat, nec tamè ab earum contemplatione animus reuocari queat. Quid a item mirum hoc mihi infantissimo & elingni euenire, quod aureo illi eloquentiæ flumini D. Chrysostomò euenisse constat? Sic enim is laudes eius aggressus est: Sæpe fulgido cæli globo delectatus oculus, ad spectaculū oppositi è regione luminis sese violenter intèdit; & licet sentiat aciem suam imparem radiorum esse certamini; desiderio tamen illius pulcherrimi luminis intuenti, libèter inaccessibili radiantis orbis relictatur corusco. Tale igitur quippiam ego ipse perperet, qui cum videam propriæ mentis oculos ex radiis Apostolici splendoris hebetari, cupio tamen Pauli animam, miro fulgore

Chrysost.

VIRTU-

virtutum rutilantem, velut eminus intueri, & contra importabiles Solis splendores contentiosa subire certamina. Sol enim quidam est hominibus Paulus, qui prorsus orbem fulgentibus linguæ suæ radiis illuminauit, quique, vniuersas circummeando gentes, cursum omnino Solis imitatus est, ac mundi regiones omnes quasi libero à corpore animo peruolauit: & hoc cum ei amara vndique vulnera crebrius obuiarent. Hactenus Chrysostomus.

De huius ergo Apostoli sanctissimi laudibus cum multa dici possint, hoc vnum tantum in reliqua huius concionis parte tractandum suscepi, nempe adeò miranda & supra omnem naturam vim posita esse, quæ in illo diuina gratia operata est, vt vel ea solum satis superque sint ad fidem nostram plenissimè confirmandam. Scripta enim eius, & res ab ipso gestæ, cuius etiam infideli (modò sit sana mente & ingenio præditus) fidem planè faciant, diuinum aliquid in Pauli pectore fuisse: atque ita demum veram esse fidem, quam ille Spiritu Dei actus prædica-  
simile. bar. Sicut enim Magi Pharaonis, vbi signorū vim & excellentiam, quæ Moyses coram Pharaone patrabat, animaduertuerunt, digitum Dei & diuinam potestatem in eis esse intellexerunt: ita quisquis res gestas & epistolas Pauli attentius legerit, digitum Dei & vim diuinam in eo esse apertissimè deprehendet. Quam rem sequens sermo breuiter explicabit.

Primum quidem eius conuersionem inspicimus, quam ipse & ad Galatas, & ad Timotheum commemorat. Constat enim neque Neronem, neque Diocletianum, neque vllum Tyrannorum atrocius Ecclesiam Dei persecutum fuisse, quàm Paulum. Hi namque mundi Monarchæ latissimum illud imperium suum, quod se à diis suis obtinuisse credebant, in summum discrimen adduci existimabant, nisi gentem illam è mundi sinibus eliminarent, quæ deos, imperij sui auctores & cōseruatores, blasphemabat; & non deos, sed dæmones, aut profligatissimos & impurissimos homines esse constantissimè asseuerabat. At Paulus, priuatus quidam homo erat, neque aut mundi, aut etiā gentis suæ procuracionem habebat: qui tamen nullo suo stipendio aut emolumento inductus, sola furoris sui rabie concitatus, nascentem Ecclesiam crudelissimè persequebatur, & facultatē à principibus sacerdotū petebat, quibus Ecclesiā deuastaret, & Christi nomen & memoriam prorsus extingueret. Pergebat igitur in Damascum furis inuectus, dirumq. toto pectore virus efflabat, & sanctorum sanguinē sine intermissione sitiebat. Hic igitur truculentissimus fidei persecutor, subito factus est potentissimus eius defensor: & ita factus, vt, quomodo nullus inter Tyrannos atrocius fidem persecutus fuit, ita postea nullus post orbem

orbem conditum propter eam stabiliendam grauiora supplicia pertulit, ipso eodem testante, qui, adnitente diuina gratia, supra omnes se laborasse testatus est. Quæ autem vis orationis vel eius labores, vel fidei propagandæ ardorem, & salutis humanæ sitim explicare poterit? Vt enim D. Chrysostomus ait, omnē hominē Deo exhibere cupiebat: quasi enim is vniuersum mundum genuisset, sic perturbabatur, sic currebat, sic omnes in regnū Dei festinabat inducere, docendo, pollicendo, tum orando pro ipsis, tum etiam ipsis supplicādo, & terrendo, & dæmones corruptores animarum fugando; aliquando epistolis, aliquando præsentia, nunc sermone, nunc rebus, & per discipulos, & per semetipsum conabatur erigere labantes, stantes verò firmare, humi iacentes attollere, sanare contritos, torpentes oleo exhortationis animare, inimicis insonare terribiliter, hostes minaciter intueri, more optimi cuiusdam ducis ac medici artis suę instrumenta gestāns, protector ipse bellantium, ipse sedulus agrotorum minister, & vnus omnium officiorum personas sustinens. Hæc enim Chrysost. Quis igitur in hac tam stupenda, tamque subita cordis humani mutatione non apertè Dei digitum, & diuinæ gratiæ vim ac potestatem agnoscat? Certè agnoscebat illi qui hoc spectaculo commoti glorificabant Deum dicentes: Quia qui persequebatur nos aliquando, nunc fidem prædicat, quam antea impugnabat. Neque verò mihi quisquā dixerit, Paulum spe alicuius vtilitatis aut terreni commodi inductum se ad Ecclesiæ fidem contulisse; cum non modò nihil ei ex hac professione accreuerit, sed etiam in mille propter eam discrimina, & mille mortes inciderit, sicut ipse ait: Quotidie morior propter gloriam vestram, quam habeo in Christo Iesu. Quantum autem hæc tam subita humani cordis permutatio diuinę virtutis indicium sit, vel hoc vno argumento perspicui poterit, quòd D. Bernardus in vita S. Malachiæ, maius esse miraculū testatur, quòd: hic vir diuinus oratione sua mulieris ingenium furibundum in mansuetissimum commutauerit, quàm quòd alteram feminam mortuam ad vitā ope diuina reuocauerit. Hoc enim opere mortuum corpus, illo verò mortuam animam suscitauit. Quanto ergo maius, ex tanta perfidia ad tantam fidem, tantamque virtutis & sanctitatis laudem sola Dei gratia momento temporis permutatum fuisse! Sit igitur hoc, fratres, primum diuinæ virtutis in Pauli conuersione argumentum.

Secundum autem fortasse maius vobis esse videbitur, nepe insignia miracula, quæ Paulus passim edebat, quibus doctrinæ suę fidem faciebat. Cuius rei nō modò Lucas in Actis Apostolorū, sed ipse Paulus ad Corinthios & Thessalonicenses scribens, locupletissimus testis est: qui si aliquid in hac cōfessione finxisset, seipsum,

Chrysost.  
de laudi-  
bus Pauli.

Galat. 4.

1. Cor. 16

Bernard.



seipsum, & fidem quam prædicabat, tot testibus convictus

1. Theſ. 1. euerteret. Ad Theſſalonicenſes verò ſic ait: Sciētes, fratres dilecti à Deo, electionem veſtram: quia Euangelium noſtrum nō fuit ad vos in ſermone tantum, ſed & in virtute, & in Spiritu ſancto, & in plenitudine multa. In ſecunda verò ad Corinthios

2. Cor. 12

epiſtola ſic ait: Nihil minus feci ab his qui ſunt ſupra modum Apoſtoli, tamen ſi nihil ſum. Signa tamen Apoſtoli facta ſunt in vobis in omni patientia, in ſignis & prodigiis, atque virtutibus. Videtis hic tot verbis expoſitam miraculorum operationem? Cum igitur Apoſtolus tot veluti teſtes citet miraculorum ſuorum, miracula verò firmiſſimam fidem, & Catholicæ veritatis teſtimonium præbeant; apertè liquet, hac Pauli confeſſione fidem noſtram mirabiliter confirmari, atque ſulciri.

Greg. 1.  
Dialog.

Quia verò Paulus inter Apoſtolica ſigna patientiam primo loco numerat (D. enim Greg. patientiæ virtutē ſignis & miraculis clariorem indicat) hoc etiā argumento Catholicæ fidei veritas pleniffimè confirmatur. Quæ autem vis orationis explicare poterit, quot is verbera, quot vincula, quot carceres, quot iniurias, quot exilia, quot naufragia, quot inedia, quot denique perſecutionum genera à Iudæis & Gentibus perpeſſus ſit? Quæ de re ſic D. Chryſoſt. ait: In duas partes omne tunc ferè ſcindebatur genus;

Homil. 8  
de laudibus Pauli.

in eorum ſcilicet qui horribili rabie erga idolorum cultum ferebantur, & in eorum quos legis zelus in Euangelij odia inſlābat. Ab utraq. verò parte grauiſſima in Paulū bella ſurgebant, cum Iudæi vndiq. illum quaſi paternarum traditionū corruptorē fugarent, Gentes verò quaſi Deum mortuū prædicantē. Noli enim illum, qui tunc fuit, rerum ſtatum, huic, qui modò eſt, comparando, magnitudinē Apoſtolici laboris attendere; ſed ipſa adhuc prædicationis exordia mente perpende. Conſidera prius pelagi ſauientis furorem, & tum demum vim gubernatoris intelliges. Sicut enim in quodam freto, ita Paulus medijs in fluctibus æſtuabat, ac mille diſcriminum vrgebatur procellis. Inter ipſa quippe Euangelij principia prædicationis nouitas vehementes ei tentationū turbines ſulcitauit. Iudæorū namq. tunc populi mouebantur, quos ad hoc Moſaica videbantur præcepta compellere. Phariſæorum quoq. latrabant grefſus, cum dudū à ſe crucifixi prædicari deitatem dolerent. Indignabatur etiā conſpiratio ſacerdotū, cum audirent crucē quaſi ſceptrū quoddā regale celebrari. In huiusmodi bello Iudæi ſociabātur & Gentes, quæ aris diuinum ac rēplis, & puluinarium cineribus aſſuetæ, indignè hunc ſibi euelli patiebantur errorem. Iudices in prædicationem Euangelij ſæuientes ſuæ adſtabant cæterua. Reges iugiter idipſum bellum gerebant, audiram crucem cuncti abominabantur exercitus, quam ſapientes recipere neſciebant,

nesciebant, quasi signum vtrique damnati. Sed Paulo totius hoc mundi bellum omni erat pace incūdus. Delectabat enim cum quicumq. propter Euangelium vulnerabat. Hinc est quod ille Græciam atque Barbariam cum illatis sibi vulneribus alacer circuibat, nō minūs plagis suis gaudēs, quā regis triumphis; haud aliter delectatus naufragiis, quā ceteri acquisitis solent gaudere thesauris; liuoribus, quos ei verbera sæpius inferebant, quasi quibusdā gloriabatur coronis; tribulationibus vt deliciis utebatur; squalore carceris vt paradisi amœnitatē gaudebat. Hactenus Chrys. Vera autem esse quæ S. Episcopus de Pauli alacritate inter tot certamina prædicat, ex ipsius Pauli verbis colligi potest, qui mortem ipsam, quā omnis hominum natura insito affectu tāquam extremum omnium terribilium horret, sic apperebat, sicque eius desiderio atque memoria lætabatur, vt vinctus iam in carcere ad Philippenses scripserit: Si immolox Philip. 1.  
supra sacrificium fidei vestræ, in hoc gaudeo & cōgratulor omnibus vobis. Id ipsum vos congaudere & congratulamini mihi. Quis hoc genus gaudij & congratulationis audiuit vnquam, vt propter violentæ mortis supplicium ab amicis & cōgaudere secum, & congratulari sibi postulet? Solent quidem amicis amici vel propter adeptam dignitatem, & propter reſtitutam ex graui morbo sanitatem, aut clarissimam de hostibus victoriam, gratulari: Paulus verò cōtrā in carcere vinctus, propter impendentem sibi mortem à charissimis filiis & secum congaudere, & sibi gratulari postulat. Cumque inter omnes humani cordis affectus amor sui potētissimus sit, vtpote ex quo cæteri deriuantur (cuius proprium est mortem supra omnia horrere; & ad extremos mundi fines propter eam vitandam fugere;) hic vir diuini multo magis mortē propter Christum optabat, quā alij vitam desiderant. Quis igitur nō videat in hoc homine aliquid plus quā humanum latere? quis hic diuinæ potentiae digitum non aduertat? quis hīc naturæ vim fractam atq. superatam diuinæ gratiæ virtute non agnoscat? Quis hunc hominem supra res humanas sublatum, atque adeo supra nubes & sidera euectum non miretur? Quisquis igitur in Paulo non ea solum quæ pertulit, sed multo magis qua alacritate pertulerit, cōtemplatus fuerit; facili intelliget, meritò ab illo inter Apostolica signa hanc patientiam fuisse primo loco commemoratam. Hanc autem vel maximam fidei nostræ confirmationē esse, & Iustinus Iustinus Martyr.  
Martyr, & Gentilium multi, qui insuperabilem Martyrum patientiam contemplantes ad fidem hoc argumento cōuersi sunt, facili declarant. Hæc igitur adeo miranda laborum patientia meritò à Paulo inter Apostolica signa atque miracula computatur. Humana quippe natura, vt omnia quæ carni plausibilia

& iucunda sunt, vehementer amplectitur; ita quæ his sunt aduersa atque inimica, summo odio detestatur. Quo fit, vt quisquis hæc grauissima incommoda promptissimo & alacri animo captat, in eis quæ exultat atque triumphat, sublimius aliquid supra communem hominum naturam habere videatur. Vt hoc igitur satis apertum est diuinæ virtutis indicium; ita non leue fidei nostræ argumentum & testimonium est.

Hæc igitur cum de miraculis, tum de mirabili Pauli patientia (quam is inter miracula merito enumerat) dicta sint. Nec enim is sine miraculorum testimonio tot populos, tot nationes, tot gentes à patriis & auitis legibus ad Catholicam fidem traducere potuit. Quod si quis proteruè contendat, nullum intercessisse miraculum: hoc certe maius miraculum est, sine miraculis effecisse vt mundus mortuum hominem, & inter latrones crucifixum, piscatorum atque opificum opera, totius naturæ conditorem, & verum Deum ac Dominum esse crederet. Quod vt clarius eluceat, vnus Pauli, vt cepimus, exemplū proferamus:

**Chrysost.** de quo sic D. Chrysost. Quomodo, inquit, Paulus cū illa arte vilissima tantam potuit inspirare virtutem, quantā ipse rerum testatur effectus? Homo etenim ignobilis, abiectus & circūforaneus, qui artem exercebat in pellibus, in tantū virtute progressus est, vt vix triginta annorum spatio & Romanos, & Perlas, & Parthos, & Medos, & Indos, & Scythas, & Aethiopes, & Sauromatas, & Saracenos, & omne prorsus humanum genus sub iugum mitteret veritatis. Responde igitur, vnde iste opifex vilis ac publicus, stans in loco artis suæ, ac scafellum in manu gerēs, ita & ipse philosophatus sit, & alios docuerit philosophari, gentes scilicet, vrbes atque regiones? nec vim in se sermonis ostendēs; audi enim ipsum loquentem: Etsi imperitus sermone: nec pecunias possidens; nam hoc quoque ipse testatur: Vsq̃ue ad hanc, inquit, horam & esurimus, & sitimus, & nudi sumus, & colaphis cadimur. Et quid dico pecunias: cū ille sæpe necessariū quidem non haberet cibum, nec quo se circumdaret indumentū? Quod verò nec de professione clarus fuerit, Lucas ostendit, dicens:

**Act. 18.** Quoniā manebat apud Aquilam & Priscillam, propterea quod eiusdem artis esset: erant enim scenofactoriæ artis. Non igitur à proauis nobilis; quippe qui tam vilis fuisse artis ostenditur: non à patria, nō à gente; tamen progressus in medium, ac tantummodo apparens inimicorū cūcta turbauit, vniuersa confudit; & sicut in stipulas ignis immissus, omnia dæmonum opera consumpsit, atque in id quod voluit omnia conuertit. At nobilis & eruditus erat fortè persuasor. Nec istud quidem: nam hoc quoque ipse confirmauit, dicens: Et ego veni ad vos

**Coloss. 1.** non in sublimitate sermonis, aut sapientiæ, annuncians vobis

testimo-



testimonium Christi. Non enim iudicaui me scire aliquid inter vos nisi Iesum Christum, & hunc crucifixum. Et, Sermo meus & prædicatio mea non in persuasibilibus humanæ sapientiæ verbis. Sed causa mirum ipsa prædicationis erat idonea, quæ ad se pertraheret audientes. Accipe quid etiam super hac re ipse pronunciet; Quoniam, inquit, Iudæi signa petunt, & Græci sapien-  
 1. Cor. 2.  
 tiam quærunt: nos autem prædicamus Christum crucifixum, Iudæis quidem scandalum, Græcis autem stultitiam. Sed securitate ac libertate perfunctus est. At omnino à periculis nunquam respiravit. Et ego, inquit, in infirmitate, & timore, & tre-  
 1. Cor. 2.  
 more multo fui apud vos. Cum igitur & prædicator, & imperitus, tum etiam pauper esset, & prorsus ignobilis; & quod prædicabatur, non modo commendatione sui esset vacuum, verum etiam offensione plenissimum; & auditores ipsi inopes, imbecilles atque omnino nulli; & pericula tam crebra, tam varia, non doctoribus solum, sed etiam discipulis imminerent; crucifixus esset qui annunciabatur adorandus: nonne satis liquet, hoc tantum opus non humana, sed diuina fuisse virtute perfectum? Hactenus Chrysostomus. Constat igitur ex hac diui Chrysostomi sententia, Catholicæ fidei veritatem hoc tam insigni opere mirifice confirmari.

Addam his aliud non minus suspiciendum, quo diuina virtus in Pauli pectore latens apertissime declaratur: nempe mirabilis eius doctrina, quæ in suo genere omnem humanæ facundiæ vim superat. Siue enim de Christi mysterio, & humanæ redæptionis beneficio disserat, siue morum præceptis hominum vitam instituat; utrobique mirabilis, utrobique diuinus incedit. Nullum enim genus hominum prætermittit, non diuites, non pauperes, non seruos, non dominos, non parentes, non liberos, non vi-  
 1. Cor. 2.  
 duas, non virgines, non nuptas, quos præceptis salutaribus ad vnumquemque horum statum pertinentibus non erudiat. Iam verò quot affectus mouet! in quas se dicendi formas atque figuras passim commutat! Modò enim terret, modò blanditur, modò consolatur: nunc lachrymis, nunc stimulis urget: aliquando gaudio exhilarat, aliquando ad singularem tristitiâ atque metum excitat. Et quidè aliquando se hominibus pietatis affectu patre, interdum iudicè tremendum exhibet: modò agni mansuetudinè & lenitatè, modò leonis magnanimitatè præ se fert: ac postremò, quemadmodum in vita omnibus omnia factus est, ut omnes faceret saluos: ita in epistolari doctrina omnium se necessitatibus & rationibus accomodat, ut omnis generis morbos sanet, & omnes Christo lucrifaciat. Denique talis eius doctrinæ character est, ut quisquis vigètes oculos habuerit, non merum hominem, sed Spiritum sanctum in eius pectore latentem, & ore loquentem agnoscat.

Habet enim Spiritus sanctus suā phrasim atq. energiam, quam nulla humana facundia exprimere atque referre poterit.

- Sed inter omnes Pauli laudes adijciam quod mihi mirabilem Paulum, ac multo mirabiliorem Spiritum sanctum in eius pectore commorātem exhibet, Iure enim inter has omnes eius virtutes miror quod ipse variis in locis de se ipso prædicat. Ad
1. Theſ. 2  
Theſſalonicenſes quippe ait, Memores eſtis, fratres, laboris noſtri & fatigationis: nocte ac die operantes, ne quem veſtrum grauaremus, prædicauimus vobis Euangelium Dei. In ea verò concione quam ad maiores natu Ephelinæ Eccleſiæ habuit, ſic de eodem labore ait: Argentum, & aurum, aut veſtem nullius concupiui, ſicut ſcitis: quoniam ad ea quæ mihi opus erant, & his qui mecum ſunt, miniſtrauerunt manus iſtæ. Qua autem acrimonia (bone Deus) qua orationis grandiloquētia hanc eandem officiij ſui puritatem ab omni auaritiæ ſuſpicionē liberam in prior ad Corinthios epiſtola exaggerat! Non ſum, inquit, liber? Non ſum Apoſtolus? Nōne Chriſtum Ieſum Dominum noſtrum vidi? Nōne opus meum vos eſtis in Domino? & paulo poſt, Quis, inquit, militat ſtipendiis ſuis vnquam? Quis plantat vineam, & de fructu eius non edit? Quis paſcit gregem, & de lacte gregis non manducat? Nunquid ſecundum hominem hæc dico? An & lex hæc non dicit? Scriptum eſt enim in lege Moyſi, Non alligabis os boui trituranti. Nūquid de bobus cura eſt Deo? an propter nos vtiq. hoc dicit? Et mox: Si aliq. poteſtatis veſtræ participes ſunt, quare non potius nos? Sed non uſi ſumus hac poteſtate, ſed omnia ſuſtinemus, ne quod offendiculum demus Euangelio Chriſti. Ac deinde: Non autem ſcripſi hæc vt ita ſiant in me; bonum eſt enim mihi magis mori, quam vt gloriam meam quis euacuet: Hæcenus Paulus. Nunc expendite, quaſo, fratres, quī fieri potuit, vt homo nocte ac die (vt ipſe ait) manibus ſuis operans, & non ſibi tantum, ſed his etiam qui ſecum erant, neceſſaria vitæ, manuaria arte quærens, potuerit, non dico tot epiſtolas diuina quadam virtute reſertas ſcribere, ſed tot ciuitates, tot populos, tot nationes ad Chriſti fidem cōuertere, & inter manuum diurnos pariter & nocturnos labores, & huic tanto operi inſtare, & omnium Eccleſiarum ſollicitudinem gerere: & (quod non minus mirabile eſt) charitatis ſernorem, ac deuotionem ſpiritus, inter tot occupationum curas, quæ ſpiritum exhaurire & extinguere ſolent, pleniffimè retinere atque alere. Si enim Anachoritarum more in deſertis vitam ageſet, & biduanis ac triduanis ieiuniis compreſſa carne dies nocteſque in diuinis laudibus, & orationis ſtudio tranſigeret, non ita mirandum eſſet, talibus fomentis, charitatis ignem diu ſuſtinerari: ſed quòd homo inter tot hominum mores agens,
- & in

& in officina sua die ac nocte manibus suis operans, tot Ecclesiarum curis districtus, tot itineribus terra marique confectis fractus, nihilominus ramen Apostolicam mentē, Apostolicum pectus, eumque charitatis feruorem retineret, ad quem neque eiusdem nominis Paulus eremita (qui septuaginta annos in solitudine sine vlllo hominum commercio egit) neque vllus vnquam Anachoritarum pertingere potuit, hoc mihi certē omnē admirationem superare videtur. Quis igitur non hīc & mirabilem Paulum; & mirabiliore (vt dixi) Pauli Spiritum agnoscat? Quis hīc digitum Dei, & vim eius affuisse non intelligat? Verē mirabilis Deus in Sanctis suis: mirabilis eius gratia, mirabilis erga suos charitas, & mirabilis eius potētia, quæ tantā in mente, mortali corpore & fragili carne septa, virtutem inspirauit; vt merito quidam ex ipsis Doctoribus Paulum ipsum quoddam mundi prodigium appelleret, si in bonā partem hoc nomē acciperetur: ego verō non vnum, sed multa prodigia (quæ hactenus recensuimus) in eius vita fuisse confirmo. Prodigium, eius conuersio; prodigium, tot miraculorum operatio; prodigium, tot laborum atque dolorum mirabilis perpassio; prodigium, eius prædicatio; prodigium, mundi per eum facta conuersio; prodigium, altissima eius philosophia atque doctrina: multoq. maius prodigium, hæc omnia vili opificio diu noctūque vacantem perficere potuisse.

Vt igitur finem principio iungamus: ex his, quæ diximus, apertē liquet, quanta sit animæ eius pulchritudo, quæ se totam diuinæ mentis obsequio & dilectioni tradidit. Si quis enim eos oculos haberet, quibus Pauli animam tot virtutibus atque cælestium donorum ornamentis excultam atque decoratam cerneret; is planē neque solis & lunæ ac reliquorum siderum, neque cæli & terræ speciem & pulchritudinem cum talis animæ pulchritudine vlllo modo conferendam esse diceret, quemadmodum initio concionis huius exposuimus. Hæc item quæ hactenus perorauimus (sicut initio præmonuimus) miro modo Catholica fidei veritatē stabiliunt atq. confirmant. Quamuis enim fides inter præcipua Dei dona numeretur, eiusq. firmitudo atque sinceritas à diuino lumine pendeat; tamen & his argumentis quæ attulimus, & innumeris aliis, quæ infiniti operis esset recensere, magna cepit incrementa. Si quis enim admirabilem illam Pauli conuersionem, qua ex immanissimo fidei persecutore acerrimus eius defensor effectus est, & magnificam signa atque prodigia quæ Corinthiorum & Thessalonicensium testimonio se edidisse prædicat, & incredibilem illam laborum patientiam, & patiendi alacritatem, & conuersionem Gentium ei us prædicatione perfectā, ac postremo singularem



eius doctrinam, quam litteris consignatam reliquit, diligenter attendat; non poterit in his omnibus diuinæ virtutis vim & potestatem non vehementer admirari, & in fidei veritate solidari.

Rom. 15. Quæ res quantos in anima fructus pariat, Apostolus ipse ad Rom. testatur, cum ait: Deus autē spei repleuit vos omni gaudio & pace in credendo, vt abundetis in spe & virtute Spiritus sancti. Quid igitur his viuidæ atque incensæ fidei fructibus maius optare possumus? Ex ea enim gaudiū spiritus, ex ea pax illa quæ exuperat omnem sensum, ex ea spei securitas & firmitas, ex ea postremò virtus Spiritus sancti, quæ omnes secum virtutes & dona affert, proficiscitur. Denique huiusmodi fides clypeus ille impenetrabilis est, in quo possumus omnia tela nequissimi ignea retundere. Si quis enim præcipua fidei nostræ dogmata, hoc est, quæ de extremo iudicio tradit, de quæ sempiterna felicitate piis promissa, & sempiterna item pœna impiis cōstitutata, & quod est longè mirabilius, quæ Dei Filius propter eliminanda peccata in cruce pertulit, pie & studiosè considerauerit; non poterit, nisi ferrei cordis sit, non peius morte omne sceleris contagium odisse, atque illud, tanquam à facie colubri, fugere. Ideoq. nos Petrus Apostolus monet, vt diaboli assultibus fortiter his fidei viribus armati resistamus. Hunc ergo fructum ex his Pauli virtutibus referre curemus, fratres, vt ex fide in fidem proficientes, & noua quotidie incrementa cælestis huius luminis beneficio percipientes, gaudio, pace, spei firmitate & Spiritus sancti virtute repleamur: vt his donis ac virtutibus ornati, Deum tandem non per fidem, & in ænigmate, sed reuelata facie in cælesti gloria contemplari mereamur.

## IN FESTO VISITATIONIS

BEATISSIMÆ VIRGINIS MARIÆ,  
cōcio prima: in qua Euangelica lectio explanatur.

THEMA. *Exurgens Maria abiit in montana cum festinatione. Lucæ 1.*

LUCÆ 1.



CUM Gabriel Angelus legatus à Deo ad intemeratam Virginem missus esset, qui ei Dominicæ incarnationis mysteriū, & Christi regnū annuntiaret, his verbis legationis sibi iniunctæ summā exposuit: Ecce, inquit, concipies in vtero, & paries filium, & vocabis nomen eius Iesum, &c. Cui cum sacra Virgo

Virgo (quæ pudorem suum, hoc est, corporis & animi integritatem iam inde à teneris annis Domino consecraverat) respōdisset, Quomodo fiet istud, quoniam virum non cognosco? Angelus, Spiritus sancti obumbratione, hoc est, ope eius atque virtute mirabile illud opus esse perficiendum dicit: quod Elizabethæ cognatæ ipsius exemplo confirmavit. Nam cum illa & anus & sterilis esset, sexto tamē iam mense grvida erat: Quia non erit, inquit, impossibile apud Deum omne verbum. Huius ergo tam felicitis nuntij occasione, *Exurgens Maria abiit in montana cum festinatione in civitatem Iuda, & intrauit in domum Zacharie, & salutavit Elizabeth* Recita ad verbum ea quæ sequuntur, deinde precare gratiam.

Ibidem.

## A V E M A R I A .

*Exurgens Maria abiit in montana cum festinatione.* Initio sacre huius lectionis inquirenda nobis huius festinationis causa, & paulo fusiùs aperienda est. Principiò verò est animaduertendū, quòd cum multa sint quæ immensam & infinitam Dei nostri bonitatem hominibus conspicuam faciāt, tum illud eam ipsam maximè declarat, quòd ita nominis sui gloriam cum nostrā utilitate cōiunxit, vt id sibi putet maximè gloriosum, quod nobis fuerit maximè salutare. Propter quod Ecclesia in percelebri illo hymno, cuius initium Angeli cecinerunt, inter alias Dei laudes, hoc quoque ait, Gratias agimus tibi propter magnam gloriam tuam. Quod verò genus gratitudinis hoc est? Pro perceptis enim beneficiis solēt homines agere gratias, quibus grati animi significationem præbeant: gloriam verò, quæ nominis claritatem significat, prædicare & commendare, non pro ea gratias agere, solent. Quomodo ergo verborum proprietates hoc in loco seruantur? Hac nimirum ratione, quòd nulla magis re Dei gloria, quàm summis erga genus humanum beneficiis conferendis elucet. Maxima enim eius gloria est, homines à morte ad vitam reuocare, & maximis eos beneficiis afficere. Quod quidem apertè apud Esaiam testatur, cum ait: Propter nomen meum longè faciam furorem meum: & laude mea infrenabo te, ne intereas. Itaque hac ratione laudem suam patefacit, quòd peccatorem populum, & effrenatis cupiditatibus in vitia ruentem, à flagitiis & morte propter nominis sui gloriam illustret. Idem etiam Paulus significauit, cum ait: Omnes peccauerunt, & egent gloria Dei, hoc est, vt Deus peccatorum nostrorū gratuita remissione, pietatis & misericordie suæ gloriam illustret. Hinc illud Esaiæ: Propterea exspectat Dominus, vt misereatur vestri: & ideo exaltabitur parcens vobis. Iam verò regius Propheta Psalm. 71. in quo admirabili orationis grandiloquentia Christi regnum & imperium longè lateque

Isai. 48.

Rom. 3.

Isai. 30.

propagandum describit, omnem huius imperij gloriam non in armis & potentia (quæ Christo maxima in cælo & in terra data erat) sed in omnibus Gentibus à tetro idolorum cultu ad vnus veri Dei cultum & plenissimam pietatis religionem traducendis, firam esse demonstrat: vnde ait: Coram illo procident Aethiopes, & inimici eius terram lingent. Lingere terram, siue osculari, idem est quod adorare & reuereri: quod Asiatici faciunt, qui, cum Regem suum adeunt, terram, in signum reuerentiæ, osculantur: quod hodie quoque Sarraceni facere perhibentur. Hoc igitur obsequio Vates sanctus significat, idolorum cultores, qui Christo Domino infensi erant, qui hostili odio Ecclesiam persequabantur, qui regnum eius euertere totis viribus nitebantur, ad obsequium & amicitiam ipsius esse reuocandos, & feritate atque impietate deposita, plenissimè illi subiiciendos: quod

Psal. 71.

Psal. 109

& in alio Psalmo Pater ad Filium ait; Dominare in medio inimicorum tuorum: eos videlicet ex persecutoribus & inimicis ad gratiam & obedientiam tuam reuocando. Iam ergo expende: quid esse possit infelicius, quàm summi illius rerum omnium Domini (sine cuius nutu ne spirare quidem possumus) inimicum esse? Quid miserabilius, quàm hominem ad imaginem Dei conditum, horrenda monstra, hoc est, lapides & ligna, cepas & allia (quod Aegypti: faciebant) pro vero Deo colere? Quid verò felicius, quàm verum Deum agnoscere, & amicum eius, immò filiū, ac proinde regni eius hæredē fieri? Nihil hoc bono felicius, nihil illo malo infelicius. In hac ergo tâta nostra felicitate procurandâ, regni & nominis sui gloriam Christum Dominus collocauit; vt videri possit, illum non alia in re, quàm in salute nostra promouenda gloriâ suâ posuisse: vt omnes meritò cum Ecclesia dicere debeamus: Gratias agimus tibi propter magnâ gloriam tuâ: quoniam gloria tua, salus & redemptio nostra est. Quid verò illud? An non magna Dei gloria est, cælum, terram, & omnia quæ cæli ambitu continentur, condidisse? Sed in quem vsum ista omnia condita sunt? Num Deus eget sole, luna, cæterisque sideribus, qui lucem habitat inaccessibilem? aut terræ fructibus & pecorum carnibus, ad victū, qui ipse sibi sempiternus, inextinguitus, admirabilisq. cibis existit? Cui ergo omnis exercitus cæli, & omnia quæ in terra sunt, nisi homini, famulantur? Longè verò maior diuinæ bonitatis & misericordiæ gloria est, humanitatem nostram induisse, & in assumpta humanitate crucis patibulum pertulisse. Sed in quem huius tantæ gloriæ fructus, nisi in salutem hominis, redundat? Quod ipse quoq. Dominus per Esaiam testatur his verbis: Dabo in Sion salutem, & in Ierusalem gloriam meam. Quam, quæso Domine, gloriam in Ierusalem ostendisti, in qua vincit, consputus, irrisus, flagris

Esaiz 46

con-



conciſus, & inter latrones affixus patibulo ignominioſe fuiſti? Nimirum hæc maxima bonitatis & miſericordiæ tuæ gloria fuit, nuſquam antea ſimili opere parefacta; quòd tot tantaque ſupplicia perpeti dignatus fueris, vt homines, quos ardentè amabas, à teterrimis ſcelerũ impietatiſq; tenebris ad clariffimã pietatis atque honeſtatis lucem traduceres. Qua certè in re, quo illuſtrior diuinæ bonitatis gloria apparet, eo ſalutis noſtrę ratio vberior exiſtit. Quod quidem ipſe Domini verba apertè teſtatur, quæ gloriam Dei cum ſalute noſtra coniungunt: Dabo, inquit, in Sion ſalutem, & in Ieruſalem gloriam meam. His igitur ita conſtitutis, facile erit itineris à ſacra Virgine tanta cum feſtinatione ſuſcepti cauſam intelligere, quod initio quærebamus. Si enim gloria Domini in ſalute noſtra promouenda poſita eſt; ipſe autem infinito amore & gloriam ſuam & ſalutem noſtram ſitit: quid mirum, ſi ſacra Virgo, à filio acta, quem felici vtero geſtabat, tanta feſtinatione ad ſterilis Elizabethæ filium ſanctificandum, & ab originis peccato purgandum, & Spiritu ſancto replendum properat? Hac enim feſtinatione Dominus ſtudio ſalutis noſtræ, & ardentiffimam in genus hominum charitatem, & infinitam bonitatem ſuam facile declarat. Qua in re animaduerſione digniſſimum eſt, quã diſſimili grefſu Dominus ad pœnam ſceleribus infligendam, & ad gratiam hominibus conferendam properet. Cum is enim ad generis noſtri Genef. 3. principes propter inobedienciæ crimen puniendos venit, deambulando ad auram poſt meridiem veniſſe Sacra litteræ docent. Quid aliud eſt, Deam deambulare, & poſt meridiem auram capere, niſi furoris ſui æſtum ſuauiſſimo clementiæ ſtatu temperare, & lento gradu, hoc eſt, non celerem, non alacrem atq; precipitem, ſed quodammodo inuitum ad vindictam expetendam procedere? At verò cum ad ſalutem hominibus reddendam venit, quònam modo venit? Nimirum, Exultauit vt gigas ad currendã viam, &c. Ratio ergo diſſimilitudinis huius eſt; quoniam illic ad iudicandum, hîc ad miſerandum; illic ad vulnera infligenda, hîc ad ſananda venit; illic vt hominem à paradiſo expelleret, hîc vt hominem ſibi paradiſum deliciarum faceret: ideoq; illic repet, hîc ſeruet; illic puniturus deambulat, hîc ſeruaturus velociter currit: vt ſic eius in puniendo tarditatem, in ſeruando verò alacritatem poſſis agnoſcere. Quid verò ſponſa in Canticis? An non hanc eius velocitatem & ſtudio ſalutis noſtrę Cant. 2. in ſpiritu cernebat, cum diceret: Ecce iſte venit ſaliens in montibus, tràſiliens colles? Similis eſt dilectus meus capræ hinnuloque cernuorum. Quid ergo mirum, ſi Virgo ſalutis noſtræ auctore intra viſcera iua geſtās cum feſtinatione properat, quando ad dandam Ioanni ſalutem, & expellendum ab eius anima

peccatum, proferat? Cur, quæso, tanta velocitate ignis supera loca, terra verò infera perit? In causa est sanè alterius elementi leuitas, alterius autem grauitas: quandoquidè naturale est ponderosis corporibus descendere, leuibus autè sursum rectà ferri. Quanto erit igitur summo bono magis secundum naturà benefacere, de omnibus bene mereri; seipsum per omnia diffundere, seque rebus omnibus pro earum capto & natura communicare, sui que ipsius participes efficere? Cuius rei consideratio incredibile dictu est quantopere piorum mentes afficiat, & singulari quadam spe confirmet, & in admirationem, amorem que tantæ bonitatis accèdat. Quare minimè mirandum est, si beatissima Virgo in hoc itinere a filio acta, quem intra se gerebat, tantopere festinet, cū ad Ioannem in vtero sanctificandū properet. Quid verò hæc tanta festinatio commodi vtilitatisq. attulit? Nimirum vt citius à peccato infans liberaretur. Hoc autem leue esse putatis? Nemo quidem est eorum qui diuino lumine collustrati, horrendam peccati deformitatem agnoscunt, cui si optio daretur vel vnus horæ spatio in peccato morari, vel mille annis ardentissimo igne cruciari, non prius hūc adeò longum cruciatum eligeret, quàm tam breuis moræ spatio in peccato manere. Quid enim sanctos Martyres impulit, tot, tā varia atq. immania; cruciatuū genera forti & inuicto animo subire? quid ignes cōtemnere? rotas despiciere? in ebullientes sartagine sese vtrò in ferre? ferreas vngulas, equuleosque deridere, nisi peccati deformitatem vel breuissima horula deuitare? Probè namq. cognoscebant & pœnitentiæ virtutē, & misericordiā Domini, qui negantē Petrum plusquā paternis oculis aspexit, & pœnitentiam simul & veniam clementi pietate contulit; eamque sibi in simili infirmitate non defuturam intelligebant. Ne tamen breui illa mora peccati iugo premerentur, nullū supplicij genus recusarunt. Hoc igitur illorum fuit de peccatorum atrocitatē iudicium, qui diuina fuerunt luce atque splendore perfusi. At nos, qui densissimis Aegypti tenebris circumfusi sumus, vt peccati fœditatem non videmus, ita integros in eo annos perseuerare leue esse arbitramur. Erit tamen aliquādo cū aperiatur oculus pœna, quos clausos nunc tenet culpa. Orandus autem modò nobis Deus est, ne tantam hanc deformitatem frustra tunc intelligamus.

Sed obijciat aliquis; Si tanta festinatione Dominus occurrit, vt quem præcursorem & præconem suum destinauerat, à peccati iugo eriperet, & Spiritu sancto repleret, quo dignū sibi famulum ac testem hac ratione præpararet; cur sextum iam mensem expectauit? cur Ioānis peccatū in ipsis quasi faucibus non compressit; cū præsertim nihil minus absens Dñs quàm præ-

sens

sens corpore præstare possit: Centurionis enim fides laudatur, Matth. 3.  
 quòd absentem Dominum salutē seruo suo dare posse credide-  
 rit: Reguli autem improbatur, quòd de hoc ipso dubitauerit. Ioan. 4.  
 Rationem verò mihi videretur satis Ioannes Euangelista expres- Ioan. 25.  
 sisse, cum dixit: Nondum erat Spiritus datus, quia Iesus non-  
 dum erat glorificatus. Vt enim Dominus apertissimo indicio  
 monstraret, bona omnia nobis Christi merito prouenire; no-  
 luit amplissimas diuini Spiritus opes in homines effundere, quo  
 vsque peractum & oblatum esset summum illud sacrificium,  
 quod pro humano genere in crucis ara Christus Iesus sempiterno Patri obtulit; cuius merito opes istæ fidelibus impartien-  
 dæ erant. Quemadmodum ergo admirandas illas diuini Spiritus opes non antea hominibus conferre Deus Pater voluit,  
 quàm mortē Christus obisset, vt liquidò cōstaret quod Aposto-  
 lus ait, omni nos spiritali benedictione per Christum donatos  
 esse, eiq̃, bona omnia accepta ferri debere; ita Ioannis sanctifi-  
 cationem ad eiusdem aduentum & præsentiam distulit, vt eum  
 esse huius tanti beneficii & gratiæ auctorem videremus. Hoc  
 autem eò spectat, fratres, vt bona omnia quæ à Deo accepimus,  
 siue quibus excitamur ad bonum, siue quibus à malo reuoca-  
 mur, Christo Domino referamus accepta, & ob illius vulnera  
 atque merita nobis donari credamus, illum quæ tanquam salutis  
 nostræ vindicem, & parentem diligamus, colamus, reuerreamur,  
 & suauissima eius vulnera, è quibus tanta donorum caelestium  
 in nos vbertas manat, millies exosculemur. Est verò hac in re  
 diligenter aduertendum, inclusum in Virginis vtero in fantem  
 Christum, sanctificationis huius auctore extitisse: ipsam verò  
 Virginem animatum illius instrumentum fuisse, cuius opera  
 hoc tantum opus perfectum est. Quod quidem non obscure illa  
 Elizabethæ verba insinuant: *Ecce enim vt facta est vox salutationis  
 tue in auribus meis, exultauit in gaudio infans in vtero meo.* Simul enim  
 vt vox Virginis aures pulsauit annosæ matris, cum ipsa simul  
 voce diuinus ille afflatus totā latentis infantis animā peruasit,  
 admirandisq̃ muneribus donauit. Videris ergo, fratres, Virgi-  
 nis vocem & salutationem, viuum instrumētum extitisse, quo  
 Christus Iesus in vtero adhuc delitescens vsus est, vt infantem  
 Ioannem caelesti Spiritu replet? Vnde sanè liquet, non exi-  
 guam beneficiorū partē, quæ fidelibus sempiterni numinis be-  
 neficentia largitur, intemerata Virgine sequestre & internun-  
 cia donari. Sicut enim Deus Pater omnia hominibus bona per  
 Filium, ita Filius per matrem pleraque cōcedit. Hinc sicut ille  
 mediator apud Patrem, ita mater (vt D. Bernard. ait) apud  
 Bernard.  
 filium pro hominibus mediatrix est: vt omnes hoc nomine  
 sicut



sicut honorificent Filium, honorificent etiam matrem, eamq. sibi piis precibus, & rectè factis, propitiâ semper reddere studeant. Hæc igitur propter Virginis festinationem dicta sunt: nunc ad sequentia veniamus.

## I.

Cum igitur sacra Virgo domum Elizabeth intraisset, ipsamq. amâter & comiter salutasset, *Exultavit*, siue salit, *infans in utero eius, & repleta est Spiritu sancto Elizabeth, & exclamavit voce magna, & dixit: Benedicta tu in mulieribus, &c.* quæ sequuntur. Ex quibus sanè verbis liquet, beatam Elizabeth aduërum Domini Salvatoris, lætumq. Euangelij nunciū, & incarnationis Dominicæ sacramentum Spiritus sancti magisterio didicisse: illud, inquam, *Ephef. 3.* sacramentum, de quo Paulus ait; Mihi autem sanctorum minimo data est gratia hæc euangelizandi in Gentibus imperuestigabiles diuitias Christi, & illuminare omnes, quæ sit dispensatio sacramenti absconditi à seculis in Deo viuo, qui omnia creauit: vt innotescat principibus & potestatibus, in cælestibus, per Ecclesiam, multiformis sapientia Dei. Hæc igitur mysteria omnia, quæ Paulus Gentibus in paradiso nuncianda didicerat, Spiritu sancto tradente beata hæc sterilis plenissimè intellexit. Qua verò tunc admiratione, & quo gaudio affecta fuerit, quæ vis orationis explicare valeat? Constat enim inter omnia diuina opera summum locum Euangelij sacramentum, & incarnationis Dominicæ mysterium, tenere. Quibus tamen Dei operibus variè solent homines permoueri. Improbi enim, & qui nullo diuini amoris sensu tanguntur, viridibus sunt lignis per similes, qui subiecto igne vsque adeò non accendunt, vt ipsum frequenter ignem humore suo extinguant: homines autem pii, & qui aliquos diuini amoris igaiculos internis præcordiis conceperunt, pulueris sulphurei vim atque naturam imitantur, qui vel leuissima scintilla vehementissimè inflammatur. Vnde ferunt quendam ex beati Francisci sociis ita fuisse erga diuinas res affectum, vt is ad solam paradisi mentionem extra se positus raperetur in Deum. Quendam etiam ex illis Aegypti patribus, Sisoim nomine, ferunt secessum semper ad orandum quærere solitum fuisse, & à cætu monachorum abstinuisse, propterea quòd vbi primum orare cœpisset, manus in altum, ipso nesciente, simul cum mente ipsa raperentur. Cum igitur sanctorum mentes tantopere diuinorum operum contemplatione afficiantur; quid de hac beata femina sentiendum est, cui tam magnifica Dei miracula & sacramenta (quæ in diuissima Sanctorum omnium expectatione versata, visa nusquam antea fuerant) repente monstrata sunt? præsertim cum per id temporis tota eius mens in diuinæ dispensationis mysterio contem-

templando esset occupata: quæ sterilem feminam, & pariendi annos iamdudum egressam, mirabili conceptu secundauerit? Nec verò ea vel miraculi huius, vel beneficij auctorem ignorabat, vt quæ, se aliquot menses à conspectu hominum præ pudore subducens, dicebat: Quia sic fecit mihi Dominus in diebus, in quibus respexit auferre opprobriū meum. Quæ ergo id temporis sic in Deum absorpta erat; quo stupore & gaudio affecta fuisse putatis, eum tot atque tam magnifica Dei opera & sacramenta Spiritu monstrante vidisset? Si de illis qui claudum ex utero matris, Petri beneficio ambulante viderunt, scriptum est, Luc. 1.  
Act. 5. impletos stupore & ecstasi fuisse; quo stupore perculsa mēs illa est; quæ tam multa & magna mirabilia vno simul intuitu vidit, quorum comparatione miracula omnia, quæ ab initio mundi edita sunt, velut vmbra, solis aduētū euanescent? Et quoniam, vt Aristoteles ait, admirationi lætitia coniuncta est, non minus Arist.  
Luc. 22. vtique beata femina lætitia quàm admiratione hoc die repleta fuit. Iam verò quale gaudium longæuæ matri non solum præsentia Virginis, sed etiam filij sui gaudium in utero salientis afferre potuit? Vt enim infans Spiritu sancto repletus, repleuit & matrem; ita ineffabili gaudio perfusus, perfudit & matrem. Quomodo enim non tota præ gaudij magnitudine liquefieret, quæ ubique, hoc est, intra & extra se, tot gaudiorum causas videbat? quæ foris quidem cælorum Regem atq. Reginam hospites intra domum suam exceperat, intra viscera autē infantem exultare, & Spiritu sancto repleti sensit? Hæ sunt epulæ atque deliciae, hoc nectar suauissimum, ad quod dilectissimos amicos suos Dominus inuitat, quibus interim eos reficit alitq. quādiu illud celeste epulum differtur, de quo Dominus ait: Ego dispono vobis, sicut disposuit mihi Pater meus regnum, vt edatis & bibatis super mēsam meam in regno meo. Tua sunt hæc opera Domine Iesu, tua hæc beneficia & mira solatia, quibus amicos tuos consolaris; hos videlicet, qui omnibus mundi deliciis propter te renūciauerunt: hi honores quibus eos cumulas, qui omnes propter te mundi honores contempserunt; hæc diuitiæ, quibus eos auges, qui te redemptorem suum in cruce nudum nudi secuti sunt: quorum tamen vim illi solum percipiunt, qui te flagrantissimè diligunt. Sed iam, relicta matre, ad eius filium veniamus, de quo eadem ad sacram Virginem ait:

*Ecce enim ut facta est vox saluationis tuæ in auribus meis, exultauit in gaudio infans in utero meo. Infans iste, sicut omnes alij, originalis peccati labe infectus, à Deo auersus, & ab eius gratia alienus erat. Ea verò fuit diuinæ pietatis & gratiæ magnitudo, vt nullis præcedentibus meritis, ab eodē quo detinebatur peccato fuerit emundat<sup>9</sup>, & Spiritu sancto repletus, & fidei lumine illustratus, &*

ad

ad redemptoris sui cognitionem informatus, in cuius amorem ita exarsit, ut prae amoris magnitudine intra materni uteri angustias salierit, & gaudio exultauerit. Quod sanè gaudium ita fuit cum fidei charitatisque amplissimis donis coniunctum, ut rationis etiam atque intelligentiae vsu diuinitus videatur fuisse donatus; ut collatorum in se munerum magnitudinē agnosceret, & qua posset gratum animū significatione declararet. Quae sanè inductus, ad hūc modū potuit gratias omnipotēti Deo intra se agere: Quae te, Dñe, pietas & misericordia impulit, ut inter tot in fantes maternis visceribus inclusos, me vnū inuisere, praesentia tua honorare, à cōmuni generis humani labe munda-re, & spiritu tuo replere dignatus fueris? Quid in me magis quā in ceteris infantibus spectare potuisti; cum ego eodem quo illi, sim peccato delibutus, & non aliter irā filius hostis quē tuus, atq. illi exiterim? Sola, Dñe, bonitas tua, inexhausta charitas, immēsa pietas, singulare hoc donū mihi ante omne meritū cōtulit. Quid igitur hoc in loco dicemus, fratres? qua voce, quibus laudibus hanc tantā Dei nostri largitatē praedicabimus? Saluator ergo noster in hunc mundum veniēs, ut gratiarū opes, ut incōparabiles beneficentiae largitatisq. suae thesauros hominibus ostenderet, tā multa beneficia, & Spiritus sancti dona in hunc puerū nihil promeritum cōtulit. Facile enim in Ioanne omnes perspiciunt, quid sibi de Christi misericordia polliceri, quid de singulari eius in homines charitate sperare debeāt. Sicut igitur mundū per passionem & mortem egrediens, quousq. passionis eius virtus pertingeret, in salute latronis ostendit, quem ex cōsortio latronum ad choros transtulit Angelorum: ita mundum nunc ingrediens, hac tanta largitate, quas secum opes ad hominum salutem afferret, ostendit. Vnde facile quisq. colligere poterit, quid ab eo sperare possit iustus, quādo tantam gratiā consecutus est peccator: quae illos bona maneant qui sollicitē ipsum quaerunt, quando talia non quaerenti oblata sunt: quae beneficia collaturus sit in bene meritos, qui talia contulit in immeritum. Itaq. dum infantem hunc gratuitis donis ornat, omnes nos ad bene sperandū inuitat. Quomodo enim negare aliquid illis poterit, qui ipsum diligunt, qui studiosē colunt, qui verentur, qui mandatis eius obtemperant; qui tam liberalis in eum fuit, qui necdum seipsum agnoscebat? Quam quidem spem nostram roborat mortis genus, quo nos Dei Filius redimere dignatus est. Voluit enim omnia eius membra in morte lacerari, & patibulo affigi; quo apertē videremus, illum ligatum iam, ac debilem factum, in potestate eorum totum venisse, qui illum quaerunt, qui desiderāt, qui amplecti & possidere cupiunt. Quomodo enim is resistet, quo toto corpore lacero vires amisit? Quomodo ad illū

accur-



accurrētes fugiet, qui pedibus est ligno infixis? Quomodo amplecti se cupientes arcere poterit, qui manibus est ita impeditis vt sui esse iuris minimè videatur? Nemo igitur adeò infirmus erit, qui infirmum propter nos & debile factum tenere nō valeat. Si ergo amoris vim, si pietatis studium, si seruēs desiderii, & anteactæ vitæ odiū adhibueris, illū certè in tua vota facillimè trahes, quē amoris erga te vis, quē seruēs salutis tuæ desiderii, & quē veteris tuæ vitæ odium innumerabilibus calamitatibus affecit. Cumque omnia virtutum officia apud illum plurimum valeāt, amoris tamē vinculis maximè capitur. Amor enim illū adduxit ad homines; & amor itē homines adducit ad eū. Hinc

Guerrie.

esse vt mortem; quod videlicet verè diligētem ad mortem pro re dilecta obeundam adigeret; at nunc morte quoque ipsa fortorem esse; quandoquidem auctorem vitæ non solum ad mortem impulit, sed etiam dilectioni ita subiecit, vt quamlibet aduersus homines iratus sit, amori tamen cedat, amore capiatur, amori vinctas manus porrigat: quòd peccatrix illa mulier in

Luc. 7.

Euangelio declarauit, cui ab eodem Domino dictum est; Dimissa sunt ei peccata multa, quoniam dilexit multum.

Est & aliud in hoc infantis iubilo obseruandum, quòd non solum cordis gaudio, sed etiam corporis motu reueritus est præsentiam maiestatis. Siquidem Spiritus sanctus, quo ille repletus fuit, intellectum lumine suo prius tetigit, deinde hoc eodem lumine voluntatem ad amorem inflammauit; amor autem per inferiores vires animæ effusus, in corde gaudium excitauit, à quo deinde infantilia membra commota sunt, vt nondum natus cum Propheta dicere posset; Cor meum, & caro mea exultauerūt in Deum viuum. Verè ergo Spiritu sancto repletus fuit, cuius spiritum, animam, & corpus cælestis gratia peruasit. Cuius exemplo docemur, fratres, vt non solum interno, sed etiam externo pietatis & benignitatis studio Dominum colamus. Sunt enim quidam ad spiritualia exercitia propensi, qui tamen ad benignitatis officia, ad quæ non rarò vocat necessitas charitatis, tardiores sunt. Tales meminisse debēt quod D. Gregor. ait: Amor Dei nunquam est otiosus: operatur enim magna si est; si autem operari renuit, amor non est. Vt enim ignis densa aliqua nube cōclusus, inferioris loci impatientia exagritatus, huc illuc circumcurſat, aditum in supera loca quærens, neque vllō modo conquiescit, donec eo inuento tandem cum fulgore & sonitu se inde prōripiat; ita cum charitatis ignis feruet in mente, contineri se his claustris non patitur, sed in opera tandem misericordiae erumpit, & internam flammam externa benignitatis ope testatur. Quæ verò charitas hoc non præstat, suspecta nobis

Psal. 39.

Gregor.

Simile.

- nobis esse debet: & qui eam sibi arroganti, timeant ne illis à Domino dicatur: Non omnis qui dicit mihi, Domine, Domine, intrabit in regnum celorum, sed qui facit voluntatem Patris mei qui in cælis est. Hoc enim præceptum habemus à Deo, vt, qui diligit Deum, diligat & fratrem suum: diligat autem non verbo & lingua, sed opere & veritate.

## I I.

- Hactenus de matre & infanthulo: nunc ad sacram Virginem redeamus. Quid igitur, ô beata Virgo, ad hæc tâta laudum tuarum præconia respondes? Quid, tot ante oculos tuos propositis miraculis, cogitas? quid dicis? Quæ habitas in hortis (immo quæ hortus es conclusus & paradisus volutatis, in quo nō terrenus Adam, sed cælestis positus est) amici auscultât te, fac me audire vocem tuam: vox enim tua dulcis, & facies tua decora. Quid verò dulcius, quid magnificentius ad præsentis mysterij magnitudinem prædicandam poterat excogitari, quàm sint voces illæ in quas sacra Virgo, Dei Spiritu incitata, erupit: *Magnificat*, inquit, anima mea Dominum: & exaltauit spiritus meus in Deo salutari meo: quod Hebræa lingua dictū est, *In Deo Iesu meo*. Hoc est autē illud Canticum, quod ab hominibus Propheta diu multumque exigebant, quod tamen hactenus nemo cecinerat. Cantate, ait Propheta, Dño canticum nouum, cantate Deo omnis terra. Nec semel dixisse cōtentus, alibi rursus ait: Cantate Domino canticum nouum, quia mirabilia fecit. Quid ais, Propheta? Quod genus noui cantici nunquam antea auditi à nobis exigit? Cecinerunt olim sanctæ feminae cantica multa: quorum tamen nullum nouum, sed omnia vetera fuerunt, in quibus pro collatis olim beneficiis gratias Domino agebant. Sic Anna Samuelis mater, sic Maria Moysis soror, sic Debora, sic etiam Iudith parta victoria laudes Domini cecinerunt. Superat autem nouum aliud summumq. beneficium, quo non vnus quidem populi, sed populorum omnium, gētiū ac nationū salus continebatur, quod splendoris sui magnitudine cunctis veteribus beneficiis esset obscuritatē allaturum, dicente Dño: Ne memineritis priorum, & antiqua ne intueamini. Ecce ego facio noua: nunc orientur, vtique cognoscetis ea. Hoc igitur tantum beneficium non vulgari & communi affectu, sed nouo spiritu, nouo mentis iubilo, nouis laudibus, noua gratiarum actione, nouo denique cantu erat celebrandum, vt magnitudini beneficij Cantici dignitas responderet. Quare meritō Propheta canticum nouum ab hominibus propter hoc cōmunis salutis beneficium exigit: quod B. Virgini ante omnes cantandum iure optimo cōmissum est, vt pro amplitudine muneris esset etiam dignitas cantoris. Ait igitur: *Magnificat anima mea Dominum*. Hoc cantico celum exul-

exultat, terra lætatur, inferi contremiscent, Angeli applaudunt, demones profligantur. Legimus, olim Dauidem cantu suo dæmones à Saule Rege fugasse: quæ res magno miraculo & mysterio non vacat. Quid enim mirabilius, quàm quod ille qui sagittas reputat quasi paleas, & lapides fundat quasi stipulas, derideretque vibrantem hastam (vt est apud Iob) cantu sopiatur atque fugetur? Quis verò cantus alius hoc efficere potest, nisi pius & gratus animus, qui pro acceptæ salutis beneficio cantat laudes Redemptori suo, per quod diaboli regnum euersum, & serpentis antiqui caput ligno crucis contritum est? Qui enim per lignum hominem vicerat, per lignum quoque ab homine superatus est. Quare nihil mirum, si ad huius cantici sonum, quod pia grati animi significatione canitur, dæmones fugentur. Quisquis igitur ex vobis, fratres, importuni hostis huius impetum frangere vult, ad citharam Dominicæ crucis confugiat; ibique toto affectu pro hoc tanto salutis beneficio Redemptori gratias agat, & cum Propheta dicat; Laudans inuocabo Dominum, & ab inimicis meis saluus ero: immo verò cum sacra Virgine dicat, *Magnificat anima me Dominum. Et exultauit spiritus meus in Deo salutari meo.*

1. Reg. 18.

Iob 41.

Genes. 3.

Psal. 17.

Caterum cum hic beata Virgo spiritus & animæ mentionē faciat; quærendum videtur, quid inter vtraque discriminis sit. Et quidem hoc in loco pro eodem arbitror spiritum atque animam posita esse: verum cum Apostolus precatur, vt integer spiritus & anima & corpus nostrum sit; aliquid inter hæc discriminis intercedere fatendum est. Anima igitur est quæ animat ac vitam dat corpori (cuius sunt omnes vitæ operationes, quæ videntur in corpore) quæ tamen vim habet quādam, qua auocare se à corpore possit, atque ad Deum conuertere: & tunc quidem in spiritum transit, vocaturque spiritus. Cuius rei vt capaciores simus, accipiamus ab igne similitudinem. Nam ignis cum materiæ adinuetur quæ inflammari possit, primò quidem eam inuadit, mireque contendit, atque vbi in illam vim suam naturamque transfuderit, vires quodammodo colligere videtur, vt materia relicta, purior atque defecior sursum ad suam sphaeram conuolet: quod flammæ splendor, forma atque figura satis declarant. Ad eundem ergo modum anima, dum animat corpus, communicat se illi viuificando, atque ea parte corporeæ naturæ esse videtur; quemadmodum ignis ligni visceribus inclusus, crassitiem quandam induit. Verum dum se anima à corporis mole quodam modo seiungit, neque iam sensum abiectione depressa, sed diuini spiritus afflatu erecta, purior redditur; in spiritum fortissimum, qui in superiora feratur, virtute charitatis euadit. Atque hic spiritus (si hominis naturam Philo-

Simile.

1. Thes. 5



sophorumque placita spectemus) est acumen ipsum rationis, & intellectus animæ, quo in primis percipitur Deus. Hanc autem planè caelestem ac diuinam facultatē (qua speciem & imaginem Dei referimus) nobis ille contulit: nō vt eam ad res terrenas & viles abiceremus, (contra omnes enim naturæ leges fit, cum id quod præstantius est, ei seruit quod ignobilius est) sed vt rebus omnibus terrenis infrà relictis, supra mundum asurgere, cælorū secreta penetrare, & beatas illas mentes imitari possemus quæ in diuinæ pulchritudinis specie contemplanda oculos semper defixos habent, quo spectaculo incredibili voluptate pascuntur. In hunc igitur vsum hæc superior animæ portio, quā spiritum appellamus, data nobis est: cuius vsu spirituales atque diuini efficiamur, cum alterius vsu pecudibus similes efficiamur. Quocirca sapienter admodum Seneca: Nisi ad hæc, inquit, superna admitterer, nō fuerat operæ preciū nasci. Quid enim erat cur in numero viuētium me positum esse gauderem? An vt cibos & portiones percolarem? vt hoc corpus casurum ac fluidum, periturumq. nisi subinde impleatur, farcirē? & viuere ægri minister? vt mortē timerē, cui omnes nascimur? Detrahe hoc inestimabile bonū, nō est vita tātī, vt sudē, vt æstūē. O quā contēpta res est homo, nisi supra humana se erexerit! Tūc verò consummatū habet plenūq. bonū sortis humanæ, cum calcato omni malo perit altū, & in interiorē naturæ sinū venit. Tūc iuuat inter sidera ipsa vagantē, dinitum pauimenta ridere, & torā cū auro suo terrā; nō illud tātum dico quod egressit, & signandū monetæ dedit, sed illud quod in occulto seruāt posterorū auaritiæ. Cum ergo hæc sublimia animus tetigit, alitur, crescit ac velut vinculis liberatus in originem redit. Et hoc habet argumentum diuinitatis suæ, quod illū diuina delectāt, nec vt alienis intereſt, sed vt suis. Hactenus Seneca. Cuius doctrinā video quā sit deplorāda illorum fors, qui hac excellētissima sui portione in hoc caeleste munus nō vtuntur, sed fœdissimè potiū abutūtur, dum ad excogitādas solū subtiles, & varias lucrādi, ambiendi, circumueniendi, & carnis oblectādę artes illā accōmodant; quibus nobilissimā sui partē, ac planè diuinā, vilissimum effrenatæ carnis mācipium faciunt. Potest quidē hæc omnia mens nostra acumine suo inuestigare & inuenire, sed in hunc vsum hominibus data nō est. Potest sanè coquus eo linteo quod Hollandicū vocāt, discos & cacabos mundare, sed nō in hoc tā pretiosa lintea instituta sunt. Atq. vt apertiori exēplo huius rei indignitatē exprimā, contingit planè talibus, quod Regio infanti vsu veniret, qui in siluis expositus, atq. à pastoribus repertus, cum rusticane fuisset educatus, quāuis Regia indole esset præditus, rusticitatē tamē illā quā educatione cōtraxerat, nō faciliē exueret,

neq.

Seneca.

Sim<sup>le</sup>.

Simile.

neq. negotia alia quàm rusticana cogitare atq. tractare posset: verùm si quis illũ admoneret Regij generis, & quo pacto fur- tim sublatus in siluis fuisset expositus, & in humili illa atq. ab- iecta vita tãdiu versari coactus, mox quidẽ sese ingenuus ani- mus erigeret, ac pudere illum inciperet rusticanæ vitæ & sordis: atq. siluestribus cogitationibus abiectis, rationẽ quæreretur, quã repetere pristinã nobilitatẽ posset. Non secus quidẽ ij faciunt, qui, cum nihil vnquã dignum vero homine aggressi fuerint (eo quod de sua nunquã dignitate cogitauerunt) aliquando tamen à graui illo veterno emergere incipiunt. Continuo enim pudet eos tãdiu malè actæ vitæ, & nouum sibi viuẽdi genus instituit. Sed quid hæc frustra vestris auribus insusurramus? Quis corda hominum ab hoc immodico terrenarum rerum studio poterit auocare? Omnes, inquit Propheta, cõuersi sunt ad cursum suũ, Hier. 8. quasi equus impetu vadens ad prælium. Pondere enim mortalitatis ac peccati (quod quasi talẽtum plumbi esse dicitur) pressi, Zachar. 5. ad terrã deuergunt, terrã ambiunt, terrã sitiũt: terrena semper animo volunt; & oculos deniq. suos statuerũt declinare in ter- ram, quasi qui nihil prorsus haberent quod in cælo expectare possent. Hos autem, quãdiu ita viuunt, à se repellit Dominus, psal. 16. nec dignos putat quos in seruatorũ suorum numerum adscribat. In cuius rei typum Gedeoni præcepit, vt cum ad aquas cum exer- Iudic. 7. citu cõtra Madianitas venisset, eos solũ ad bellũ eligeret qui caua manu potassent aquas: eos verò qui prono in terrã corpo- re sese aquis ingurgitassent, ab exercitu pelleret. Quis hoc te- merẽ credat à Deo fuisse imperatũ? Qui verò sunt qui caua ma- nu bibunt aquas, nisi qui terrenis facultatibus vtũtur, vt naturę necessitati, non vt voluptati satisfaciant? qui, habentes alimẽta, 1. Tim. 4. & quibus tegantur, cõtenti sunt? Qui sunt autẽ, qui toto corpo- re in terrã deiecto se aquis ingurgitãt, nisi qui mentẽ, qui ani- mã, qui corpus & omnes corporis sensus, qui denique spes om- nes, curas, & cogitationes suas in res fluxas & interituras abie- cerũt? Hi namq. cælum repudiassent, & solã terrã ita cõplexi esse videntur; vt si illis à Deo tribueretur in terris perpetuò versari, & beata Dei visione in omnẽ æternitatẽ carere, id in maximi beneficii loco ponerẽt. O curuas hominũ mẽtes! ô pectora cæ- ca, & propriæ dignitatis, atq. adeò suæ professionis oblita! Ho- rum igitur studiis reiectis, fratres, illos nobis ante oculos pro- ponamus, eorũ vestigiis insistamus, eorũ sobrietatẽ & parsimo- niam sectari studeamus, qui terrenis rebus vel parcẽ sumptis, vel omnino repudiatis, pro terrenis cælestia, pro caducis æterna, pro modicis magna, & pro celeriter interituris, perpetuò man- sura bona à Dño perceperunt: quæ nobis cõcedere dignetur Do- minus Iesus, cui est honor & gloria in secula seculorum, Amen.

IN EODEM FESTO VISITATIONIS  
BEATÆ VIRGINIS Mariæ, CONCIO  
secunda: in qua lectio Euangelica explanatur.

THEMA. *Exurgens Maria abiit in montana cum festinatione.* Lucæ 1.



VM multa sint quæ imbecillos homines à virtutis atque pietatis cultu auocare queât; tum illud certe eorum poterit pia studia retardare, si præmia quæ virtutum sunt officiis proposita, ita in futuram vitam vitæ reseruari putent, vt nullum in hac mortali vel laborum solatium, vel ærumnarum leuamentum piis atque religiosis viris sperandum esse à Deo arbitrentur. Est quidem præmium illud quod in futuro seculo expectamus, non modò amplum atque magnificum, & quod voluptates omnes quæ percipi in hac vita possunt, infinitis partibus superet; ea tamen est Dei nostri misericordia atque benignitas, vt piorum studia, in hac etiam ærumnosa vita, multis mirisque modis inuare atque incitare soleat. Aliter enim quomodo verum esset quod Paulus ait; Pietas ad omnia valet, promissionem habens vitæ quæ nunc est, & futuræ? qui item illud quod Saluator ait: Quærite primùm regnum Dei, & iustitiam eius, & hæc omnia (quæ scilicet ad vitæ vsum pertinent) adiciuntur vobis? Quid præterea sibi vellet magnifica illa Davidis promissio; Timete Dominum omnes sancti eius, quoniam nihil deest timentibus eum. Diuites egruerunt & esurierunt, inquirentes autem Dominum non deficient omni bono? Quid enim hac promissione magnificentius, quæ piis nihil defuturum promittitur? Deniq. tam multa sunt huius rei in litteris sanctis testimonia, vt omnes ferè illarum paginæ nihil frequētius ob oculos ponât, quàm præsentissimos diuini numinis fauores, opes, auxilia, & varia (vt ita dixerim) priuilegia, quibus pios in hac vita Dominus tueri & ornare nunquam intermittit. Vnde cum multa sint quæ mentes hominum ad virtutis & religionis studium excitare possint; tum illud maximè hoc præstat, quòd hac ratione cunctarum promissionum & donorum, quæ piis in hac vita cõstituta sunt, participes efficiuntur. Quemadmodum enim vbi quis auctoritate regia in nobilium est ordinè ascitus, nobilium priuilegiis gaudet; & qui sacris initiatus est, eisdem potitur priuilegiis quibus Ecclesiæ ministri potiuntur: ita planè qui ex diaboli seruo Dei seruus effectus est, earum promissionū ac priuilegiorum,

s. Tim. 4.

Matth. 3.

Psal. 33.

simile.



IN FESTO VISIT. B. MARIAE CONC. II. 1707

Iegiorum, quibus suos Dominus afficit, particeps efficitur. Hūc autem insignem dignitatis gradum regius Propheta à Deo petebat, cum diceret; Aspice in me, & miserere mei secundum iudicium diligentium nomen tuum: hoc est, hanc vnam à te, Domine, misericordiam peto, vt ita me tractare velis, quemadmodum tui amantes soles; vt iisdem videlicet me paternæ pietatis oculis aspicias, eandem mei curam geras, & eisdem beneficiis atq. muneribus prosequaris: hoc enim pro maxima mea felicitate computabo. Hanc verò paternam erga pios curam sacra Virgo in hodiernæ solennitatis Cantico satis expressit. Nam vbi clarissima dona quæ in se Dominus contulerat, mirabiliter amplificasset; ne quis putaret summam hanc Dei beneficentiam ad ipsam solum pertinere, adiecit: Et misericordia eius à progenie in progenies timentibus eum. Quam sententiam eisdem penè verbis idem Spiritus sanctus Davidis ore protulit, cum ait; Et misericordia eius ab aeterno & vsque in æternum super timentes eum: vt iam non in altero seculo modo, sed in omni tempore misericordia Domini (quæ bona omnia complectitur) eos comitari constet, qui nihil aliud in vita curant, nihil sapiunt, nihil maiori contentione quàm diuinis obsequi præceptis student; vt quemadmodum illi totos se Deo tradunt, ita totum se illis vicissim Deus omnipotens tradat. Cuius etiam locupletissimi testes mihi quidem beneficia illa esse videntur, quæ à Deo hodierna die non in Virginem tantum sanctissimam, sed in sterilem etiam cognatam, & Ioannem infantem, pro suo cuique gradu collata sunt. Quæ vt explicare aprè possimus, cælestem opem, eiusdem sanctissimæ Virginis interuentu, suppliciter imploremus.

Psal. 118.

Lucæ 1.

Psal. 103.

AVE MARIA.

*Exurgens Maria abiit in montana cum festinatione.* Variæ huius itineris causæ fuisse videntur. Primum enim hoc iter beata Virgo suscepit, vt nouum atque ingens miraculum, quod in sterili Elizabeth diuinam potentiam fuisse operatam ab Angelo acceperat, & oculis cernere, & cum ea aliquādiu versari, & diuinam in eo potentiam & gratiam agnoscere, suspicere & adorare posset. Hoc enim vel præcipuum sanctorum hominum studium est, diuinorum operum contemplatione animum pascere, & in eis die ac nocte meditari. Vnde quidam eorum aiebat: Mirabilia opera tua, & anima mea cognoscer nimis: hoc est, toto peritote, Domine, in operibus tuis perferutandis & contemplandis exercebor: quo enim magis in illa mentis oculos intendo, eo maiori animus meus admiratione reficitur, maioribusque deliciis pascitur. Sed præcipua tamen huius itineris causa, singularis quidā diuini Spiritus impulsus fuit. Nunquā enim Virgo Deo

Psal. 138.

plena aut iter aliquod suscepit, aut quidvis aliud molita est, quin id Spiritu sancto intus suggerente fecerit, qui omnes illius gressus & motus dirigebat. Si enim Paulus iter suum in urbem Romam sine Dei voluntate conficere non audebat; quid de illa censendum est, quæ tanto maiori gratia præstabat, quanto ad maiorem dignitatem electa fuerat? Ab hoc ergo Spiritu impulsâ, iter hoc suscepit, qui eius aduentu infantem intra materna adhuc viscera hærentem sanctificare, & cælestibus donis replere volebat; sicut Gabriel Angelus Zachariæ patri fuerat antè pollicitus.

Rom. 1.

Lucæ 1.

Mat. 11.

Act. 9.  
Simile.

Ezech. 1.

Sed quid est, quod sacer Euangelista non satis arbitratus est, quod in montana Mariam Virginem abiisse dixerit (cùm hoc ad gestæ rei cognitionem satis esse videretur) quin festinationem etiam expresse- rit, quam in eundo habuit? Nemo erit adeo diuinarum litterarum rudis, qui aliquod in eis verbum otiosè positum esse audeat affirmare. Qui enim nihil in rebus conditis otiosum fecit, quique nos etiam ab otiosis verbis abstinere iussit, non committeret, vt diuini Scriptores (per quorum ora ipse locutus est) verbû aliquod otiosum proferât. Huius ergo Virginis festinatione (quæ à Spiritu sancto agebatur) docemur, quæ animi alacritate & promptitudine viri sancti Dei præceptis obtemperare, & illi obsequi atque inferuire soleant. Cùm enim nihil illis sit antiquius, quàm Deo placere, cùm se totos illius obsequio & voluntati dicauerint, cùm se non iam sui iuris, sed alieni esse intelligant, cùm illum toto corde, tota anima, tota mente supra omnia diligant; cùm deniq; se non ob aliud à Deo conditos, & in hæc lucem missos, nec ob aliud in hac vita seruari, ali, ac retineri intelligant, quàm vt cõditorem suum diligant & venerentur, seque totos illius voluntati & obsequio addicant: fieri certè vix potest, quin in hoc vnum ita sint alacres & expediti, & vsque adeo in diuinam hanc voluntatem persequendam intenti, vt semper cum Apostolo non tam verbis quàm re ipsa dicere videantur: Domine, quid me vis facere? Itaque vt famuli, qui ad fores palatij Regum excubant, sic ad vocantis domini vocem attentissimi sunt, vt cùm primùm illa insonuerit, siue vlla mora accurrant, & sermonè quem cum amicis magna cum voluptate conferebant, maiori cum iucunditate intermittant: sic fideles Christi serui ad Dñi sui non modò vocem, sed etiam nutum, rebus omnibus posthabitis, parati sunt & expediti. Cuius rei imaginem sacra illa Ezechielis animalia exhibent: quæ vbi erat impetus spiritus, illic gradiebantur, siue aliquò eundum, siue redeundû esset; idque tanta celeritate, quanta vix vlla percipi maior posset. Animalia enim, ait, ibant & reuerrebantur in similitudinem fulguris coruscantis. Nullis autem verbis potuit ma-

gis celeritas obedientiæ sanctorum explicari, qua non modo di-  
 uinis præceptis, sed nutibus etiam, vt diximus, & internis mo-  
 tibus obtemperant. Quocirca, quemadmodum in militaribus simile.  
 equis ea facilitas, qua freno aptissimè parent, potissimum lau-  
 dari solet, vt sese ad domini voluntatem huc atq. illuc facillimè  
 versent: ita in seruis Dei miro modo hæc obediendi prompti-  
 tudo atque velocitas commendatur. Hinc Ioannes Cassianus Cassin.  
 primam inter Aegypti monachos virtutem fuisse ait obedi-  
 tiam, quam quidem tanta alacritate præstabant, vt Abbate ad  
 aliquod opus vocante, ille cui scribendi libros cura commissa  
 erat, opus illico suum ita defereret, vt nec cæpti quidem apicis  
 effigiem auderet consummare. Nec minus interim Abraham Genes. 17  
 obedientia commendatur, qui cum nonagenarius iussus esset à  
 Domino circumcisionis cauterium suscipere, eadem ipsa die &  
 se, & Ismaëlem filium, & omnes vernaculos suos circumcidit, Genes. 12  
 nec in sequentem diem distulit. Iussus etiam filium Isaac immo-  
 lare, statim ipsa nocte illum excitauit, & iter in montem à Deo Gen. 28.  
 designandum suscepit. Rursus cum tres ad illum Angeli in hu-  
 mana specie (Sodomam vastaturi) venissent, & ipse eis hospi-  
 talitatis studio conuiuium apparare vellet, festinauit ad taber-  
 naculum Saræ, & illam accelerare iuber, vt tria farinæ sata com-  
 misceat: ipse verò ad armentum currens, tulit inde vitulum  
 tenerimum, tradiditque puero, qui festinus coxit illum. Vide-  
 tis in hoc hospitalitatis officio quanta sit celeritas, & festina-  
 tio: Abraham festinat, Sara festinat, puer Abraham festinus Do-  
 mini præceptum exequitur. Quin loco Origenes: Nullus, Orig.  
 ait, piger est in domo sapientis: omnes ad parendum celeres,  
 omnes alacres & expediti. Nescit enim (vt Ambrosius ait) Ambros.  
 tarda molimina Spiritus sancti gratia. Ad hanc autem alacri-  
 tatem & celeritatem hodiè Sponsus sponsam miris magnisque  
 rationibus, suauissimisque appellationibus vocat: Surge, ait, Cant. 2.  
 propera amica mea, columba mea, formosa mea, & veni: sub-  
 ditque aduentus & celeritatis causam; Iam, inquit, hiems  
 transit, imberabit & recessit, &c. hoc est, iam legis hiems  
 transit, qua charitas hominum propter gratiæ inopiam frige-  
 bat; & verum Euangelicæ gratiæ tempus aduenit, quo Sol  
 iustitiæ propior nobis factus, maiori nos luce, & calore perfun-  
 dit. Quocirca cum illud tempus propter rigoris & imbrui ma-  
 gnitudinem minus ad iter faciendum aptum sit, verum autem  
 commodissimum: ideo noli hanc, sponsa, temporis opportuni-  
 tatem ad me veniendi prætermittere. Nec semel tam blandis  
 vocibus admonuisse contentus, eandem iterum sententiam si-  
 milibus verbis repetit, dicens; Surge, propera amica mea, spe-  
 ciosa mea, & veni, columba mea, &c. Quod si quæras, cur tanta Cant. 2.



Institu-  
to diuini  
amoris.

S. Th. 2.2.

Simile.

Psal. 17.

Cant. 1.

cura, totque rationibus hac à caelesti sponso alacritas & festinatio ( quam feruor spiritus & charitatis ardor imperat ) à nobis exigatur, in causa esse D. Bonauentura respondet, quòd nulla ratione celerius ad culmen quinquam perfectionis, quam hac celeritate & feruore spiritus peruenire possit: adeò vt multo magis homines hoc studio, vnus anni spatio in virtute proficiant, quam qui lento incedunt gradu, multorum curriculis annorum. Celebris enim diui Thomae sententia est, charitate ( in qua vita Christianae summa constituta est ) non remissis actibus, sed vehementioribus & ardentioribus augeri & intendi. Quod etiam in habitibus, qui vsu & exercitatione parantur, aperte cernimus. Si quis enim viginti annos scribendo insumat, negligat autem emendatè scribendi curam, ideoque deformes characteres semper effingat, is planè tam longo scribendi vsu nihilo dexterior in scribendo euadet, sed qualis initio fuit, talis etiam in fine erit: at si biennio saltem proposito eleganti exemplari, accuratè scribat, & scriptum quotidie superare contendat, non dubium quin ( si natura & ingenio penitus nò destituatur ) elegantissimus scriptor euadat. Idque in quavis alia exercitatione vsu venire cernimus. Quod ergo in habitibus studio acquisitis contingit, idem etiam in charitatis habitu augèdo euenire diuus Thomas asserit; quamuis hic non efficienter, sed meritoriè ( vt Theologi loquuntur ) augeatur. Hoc igitur in causa est, fratres, cur multi, qui iam dudum à peccatis resiliunt, multi, qui multos annos frequentissimè aut sacram Eucharistiam perceperunt, aut Missas etiam quotidie celebrarunt, nihilo meliores tanto temporis spatio se euasisse sentiant, sed idè in eis languor animi perseveret, eadem leuitas & inconstantia, eadem mentis ariditas, eadè in edendo, bibendo, & inaniter loquendo licentia, idè ira aculeus, ac postremo eadè affectuum & cupiditatum vis nihilo magis compressa inueniatur; adeò vt vix quidquà aut in spiritu lenitatis, aut humilitatis, aut feruore charitatis, aut clariore rerum diuinarum cognitione profecerint. Huius igitur tantæ sterilitatis causa est, quòd res diuinas atque sacratissima mysteria languidè & negligenter tractare consueverint. Hic enim Dei nostri mos est, vt talem se hominibus exhibeat, quales se illi homines exhibere solent; hoc enim illa Prophetæ verba significant; Cum sancto sanctus eris, &c. Qui ergo magno studio & feruore animi Deum quærit, magna quoque ab eo auxilia percipit, magnisque diuini splendoris radiis illuminatur, quibus in Dei amorem mirabiliter exardescens, magnos quotidie in virtute progressus facit. Hoc enim illa sponsæ verba indicant; Post te in odorem vnguentorum tuorum curremus: hoc est, cum donorum ac beneficiorum tuorum odo-

rem mirabilemque suauitatem mens nostra olfecerit, sic eorundem ardore & cupiditate inflammabitur, vt toto animi impetu post te, tantorum bonorum auctorem, non incedat modo, sed cursu rapidissimo feratur. Caterum qui inertia & fastidio torpentes, segniter Deum quarunt, neque potentissimis illis atque celestibus stimulis incitantur, quibus suos diuina vis ad bene agendum inflammare solet, non magis afficiuntur cum diuina tractant, quam cum ea negligunt. In quem sensum D. Gregorius verba illa beati Iob interpretatur: Si venerit ad me, non videbo eum; & si abierit, non intelligam. Diuina quippe visitatio & illustratio propter negligentium languorem & discordiam adeo tenuis & obscura est, vt ferè nihilo magis illa afficiantur cum adest, quam cum abest: ideoque neque accedentem ad eos Dominum, neque recedentem sentiunt, atque ita sui penè similes in omni vita permanent. Vtrumque autè paucis Salomon expressit, cum ait: Egestatem operata est manus remissa, manus autem fortium diuitias parat. Et iterum, Manus fortium dominabitur: quæ autem remissa est, tributaris seruiet. Seruiet enim variis affectibus, seruiet mundo propriæque voluntati: quibus omnibus inertes homines obedientia tributa pendunt: à qua seruitute manus fortium libera est. Vnde hoc vel maximum inter virosque discrimen esse videtur, quod isti (quantum ad celeritatem parendi attinet) sunt instar sphaerici corporis in plano constituti, quod leuissimo tactu, atque adeo solo flatu, quocunque volueris, mouetur; illi verò instar onustæ nauis, quæ nisi vehementissimis flatibus concussa fuerit, immota manet. At quanto aliter hodie sacra Virgo, quæ Spiritus sancti ductu ad cognatam venire iussa, cum festinatione ad montana processit. Quamuis enim ardua sit via salutis (est enim ascensus in cælum) vis tamen diuini Spiritus impedimentum omnia vincit. Sed iam ad sequentia veniamus; subdit enim Euangelista:

Gregor.  
in Moral.

Prou. 10.

Prou. 18.

Simile.

I.

Et intravit domum Zachariæ & salutauit Elizabeth. Minutus in hac historia videretur Euangelista, qui non modò festinationem, sed etiam salutationem Virginis describit (quam quiuis alius historiae scriptor prætermittendam putaret) nisi hæc omnia mysteriis grauida essent. Hoc enim ad Virginis gloriam maximè pertinet, cuius vocem Christus Dominus, qui in eius utero delitescere, instrumentum esse voluit, per quam ad Ioannem gratiæ sanctificatio perveniret. Ideo namq. in Cant. cum mystici corporis, hoc est, Ecclesiæ membra designantur, Christo quidem capitis, Virgini autem colli nomen tribuitur: colli, inquam, quod Christo capiti adhæret; per quod à capite ad corpus

Cant. 2.

omnes

omnes gratiarum atque donorum influxus manant. Sequitur enim; *Et factum est ut audiret salutationem Mariæ Elisabeth, exultavit infans in utero eius.* Quid mirum, si, saluante Virgine, salus illi domui facta sit, cum eam Apostolis Dominus facultatem concesserit, ut si intrantes domum, pacem hospitibus bene precarentur, super illos pax Domini requiesceret? Cum igitur sacra Virgo salutem Elisabethæ bene precata fuerit, vera & certa salus (quæ non alia quam Spiritus sanctus est) in eius animam descendit. Quo Spiritu acta, in hæc pietatis & deuotionis plenissima verba prorupit, *Benedicta tu in mulieribus, & benedictus fructus ventris tui.* Verè benedicta tu, quia benedictus vteri tui fructus. Non sanè quia tu benedicta, ille benedictus; sed quia ille te omni benedictione spiritali in cælestibus benedixit. In cæteris quidem arboribus fructus ab arbore commendatur: hic autem diuersa ratione fructus arborem nobilitat & commendat. Huius autem arboris benedictus fructus omnia illa damna reparauit, quæ ex interdictæ arboris fructu in mundum inuecta sunt: ut hac ratione diuinæ sapientiæ ordinem agnoscamus, qui, qua via mors introiit in mundum, eadem ipsa vitam reuocare constituit. Femina siquidem fuit, quæ mortiferum fructum viro suo, & in viro, mundo præbuit: & femina item fuit, quæ vitalem fructum mundo contulit, ut meritò & arborem, & salutarem eius fructum cum beata Elisabeth sine intermissione laudare debeamus, dicentes; *Benedicta tu in mulieribus, & benedictus fructus ventris tui*, qui nobis antidotum & medicamentum aduersus venenatæ arboris fructum attulit.

*Et vnde, inquit, hoc mihi, ut veniat mater Domini mei ad me?* quasi dicat: Quæ mea dignitas, quæ mea merita, ut mater Domini ac Regis Angelorum ad me venire dignetur? Huic simillima sunt Centurionis verba, quibus ad Dominum dixit: Domine non sum dignus ut intres sub tectum meum, &c. Ut igitur fideles hæc Centurionis verba, cum ad sacram Eucharistiam accedunt, usurpare solent: ita hæc Elisabethæ verba simili affectu, similiq; deuotione pronunciare deberent. Idem enim ille Dominus qui in vtero Virginis delitescens, domum Elisabeth intravit, idem, inquam, in illa sacra hostia larens, in corpus & animam tuam intrare, & eam gratia sua sanctificare dignatur. Cur ergo tuam tantam Dei tui dignatione stupefactus, non cum eadem femina clamas; Vnde hoc mihi, ut veniat Dominus meus, immò rerum omnium Dominus, in hanc ruinosam & sordidam domum? O si quis ita cælesti spiritu afflatus esset, ut simili affectu, similiq; ardore, & admiratione percussus, in hæc eadem verba communicaturus prorumperet! Porro si semestris infans in vtero clausus hanc Domini sui præsentiam ferre

non

Luc 10.

Diffimile

Matth. 8



non potuit, quin totus exiliret, & in occursum eius gestiret erumpere, mirabiliq̃ue gaudio in materni uteri angustiis conditus tripudiaret: quid homines, rationis compotes, fideq̃ue ad hanc tantam maiestatem & dignationem agnoscendam instructos facere par erat, cum eidem Domino ad eos venienti occurrant? Quæ enim dignatio maior? quod diuinæ bonitatis & charitatis, paternæq̃ue indulgentiæ clarius argumentum, quàm quòd summus ille rerum Dominus, qui lucē habitat inaccessibilem, qui sedet super Cherubin intuens abyssos, quem in cælis laudant astra matutina, velit non modò in angusto & sordido terræ huius gurgustio cum hominibus habitare (quod in omnibus templis cernimus) verùm etiam pectus hominis intrare, cum eo discumbere, & se vnum cum eo efficere? Ob hoc enim in specie cibi fidelibus tradi voluit, vt quemadmodum ex cibo & edente vnum sit, ita ex ipso & communicante homine vnum fieret; quòd summæ dilectionis argumentum est. Cum enim amor animorum vnio sit, nullum certè maius est amoris indicium, quàm amantem cum amato vnum ita fieri velle, vt ab eo nunquam diuellatur. Quam rem significare volentes Poëtæ, duos olim exiitisse viros fabulantur, qui cum sese mira charitate complecterentur, leges omnes amicitia summa fide & integritate seruauerunt. Quorum vsque adeò fuit mutua charitate delectatus Vulcanus, vt fidem illis suam adstrinxerit, facile eos quodcunque à se vellent, beneficium impetraturos. Cui eorum alterum ad hunc modum respondisse ferunt; Heus Vulcane, qui inter Deos faber ferrarius haberis, si eo nos cupis beneficio afficere, quo neque vllum à te nobis præstari maius, neque ex peti à viris amicissimis præstantius potest; fac vt qui duo sumus, in vnum corpus & animam transeamus. Si igitur sapientes viri hoc exemplo veræ dilectionis vim atque naturam exprimere voluerunt; quod maius diuinæ charitatis in homines indicium, quàm quòd Deus inter homines homo factus, vnum cum hominibus huius sacramenti perceptione fieri velit? Quod enim amici illi optare, sed consequi minimè potuerunt, hoc Deus homini per gratiam præstat, cum se illi in cibum tradit. Quod quidem nulla sua necessitate, sed maxima nostra utilitate fieri optat. Summa enim hominis perfectio in hac felici cum Deo vnione posita est. Eam enim in cuiusdam circuli absolute positam esse aiunt, vt videlicet homo qui per amorem à Deo conditore exiit, amore quoque in ipsum redeat. Amor enim Deum impulit ad hominis creationem, & amore item homo in suum principium recurrens, suam consequitur perfectionem. Naturæ enim perfectio est, eò vnde primum fluxit, conueniens, & apta conuersio. Neque enim aliunde petendum

2. Tim. 6.  
Dan. 3.  
Iob 32.

Fabula.

est

est vitæ extremum, quàm vnde vitæ principium duximus.

Post hæc igitur admirationis & reuerentiæ verba, addit sancta femina admirationis causam, his verbis: *Ecce enim ut factum est vox salutationis tue in auribus meis, exultauit gaudio infans in utero meo.* Quibus sanè verbis liquidò constat, Angeli promissionem fuisse impletam, vt scilicet nasciturus Zachariæ filius Spiritu sancto repleretur adhuc ex utero matris suæ: hoc enim pueri gaudium à Spiritu sancto in eius animam intrante manauit.

A quo sanè Spiritu primùm ita fuit in gratia confirmatus, vt ab omni lethali crimine in vita immunis seruarietur: quod munus & Apostolorum fuit, & beatarū mentium est, quæ sunt in gratia confirmatæ. O felicem illum, cui ante resurrectionis gloriam hoc tantum munus collatum est! Felicem; cui summa hæc felicitatis prærogatiua in mortali hac vita cōtigit, quæ non nisi post transacta militiæ certamina electis dari solet in patria! Felicem iterum atque iterum infantem, qui iam à diaboli insidiis tutus, gratiæ depositum, quod modò accipit, integrum Domino suo redditurus est; innocentiamque semel traditam ita seruaturus, vt neque à gratia & amicitia Dei excidere, neque puritatē suam vlla vnquam lethali pollutione maculare valeat!

Ecclesi. 2.  
Psal. 90.

A& 6.

Matth. 16

Matth. 14

Matth. 26

Nos vel hoc nomine miseri, qui in freto grauissimis tempestatibus æstuanti nauigamus, qui in hac vita militamus, quæ tota tentatio est; qui cum scorpionibus habitamus; qui in medio latro-  
queorum positi sumus; qui super aspidem & basiliscum ambulamus; qui cum antiquo serpente continenter bellum gerimus, certi de pugna, incerti de victoria. Nec enim seruata diu innocentia securos nos reddere potest, cum ea nec Dauidē sanctissimum, nec Salomonem sapientissimum, nec Nicolaum Spiritu sancto plenum, & ab Apostolis inter primos Ecclesiæ diaconos electum, à fœdissimo casu liberauerit. Petrus quoque Apostolus qui tot Domini miracula viderat, qui ex summi Patris reuelatione latentem in humanitate diuinitatem agnouerat, qui hac fide roboratus super aquas maris ambulauit, cum eam in se animi firmitatem sensisset, vt dicere verè posset: *Etiā si oportuerit me mori tecum, non te negabo: vix animosa hæc verba protulerat, cum fœdissimè lapsus est. Siquidem tales ac tanti viri ita corruerunt; quis adeò stupidus, & infirmitatis suæ nescius erit, qui simile casum non formidet? Et horum quidam post lapsum surrexerunt, alij verò in eodem ad finem vsque miserabili obstinatione perstiterunt. Quis autē nostrum scire potest, an sit resurrecturus post ruinā, cum hoc opus magis sit diuinæ virtutis, quàm humanæ facultatis? Quis scit, an nobis aliquando contingat, quod iuniori cuidā monacho Io. Climacus memorat accidisse? Quem cum magnus Antonius studiosum ac feruentem*

Clim.

in

in opere Domini vidisset, Similis mihi, inquit, adolescens iste similis videtur magnis opibus onustæ nauis, quæ adhuc sulcat maria, necdum peruenit ad portum: hoc exemplo eius periculum innuere volens. Nec fefellit eum trepida illa suspicio, post paucos enim dies iuuenis ille lapsus est; cuius lapsum beatus Pater diuina reuelatione intelligens, magno cum gemitu exclamauit: Hodie magna quædam Ecclesiæ columna in terram corruit. Porro autem cum miserandus ille ruinæ suæ vulnere sauciatus totum se lamentis dederet, ad quosdam monachos, qui ad Antonium pergebant, ait: Rogate senem vt decem saltem dierum inducias ad pœnitentiam mihi à Domino impetret: qui tamen quinto post die mortuus est. Iam verò si ætatis nostræ ruinas, & magnorum virorum insperatos lapsus hoc in loco percerere vellem, multo maiorem animis vestris cadendi metum incuterem. Nos itaq; fratres, miseri sumus, quippe quorū salus & vita, quamdiu in hoc corpore militamus, in tanto discrimine versatur: felix autē Ioannes, qui sine vllo suo merito hodierna die in gratia confirmatus, perpetuæ innocentiae donum nactus est.

## I I.

Neque verò hoc solum beneficio diuina largitas Ioannem affecit, sed adiecit clarissimum fidei lumen, & rationis vsum, qua & incarnationis Dominicæ Sacramentum, & lætū Euangelij nuntium, & Domini sui præsentiam agnouit & honorauit. Qui enim rudis asinæ linguam in humanæ vocis organa formauit, qua Prophetæ insipientiam corripere; qui mutorum ora solet aperire, & linguas infantium disertas facere; potuit vtiq; semestris infantis animam rationis & fidei lumine illustrare. Quid autem hoc dono mirabilius? aut quæ vnquam secula tantum hoc miraculum prodiderunt? Miramur quod Lucas de Domino Salvatore ait: Puer autem crescebat, & confortabatur plenus sapientia. Quid enim mirabilius, quàm infans sapientia plenus? Sed hoc tamen desinit esse mirabile, quando in paruo illo corpusculo omnia diuinarum gratiarum fluentia, & tota etiam diuinitatis plenitudo corporaliter habitabat; quod quidem de Ioanne cogitare nefas est: qui tamen nondum in hanc lucem editus, vera sapientia plenus fuit, quando mirabile Dominicæ incarnationis, & Euangelicæ gratiæ sacramentum Spiritu docente cognouit. Itaque, vt D. Aug. ait, antè peruenit ad cælum, quàm tangeret terram; antè accepit diuinum spiritum, quàm humanum; antè diuina munera, quàm humana corporis membra; antè cœpit viuere Deo, quàm sibi; antè rapuit arma, quàm mēbra: & vt vinceret mundū, vicit antè naturā. O vere præcursor Domini, & iudicis præco, qui mortaliū omnium primus aduentū Domini mūdo nūtiasti! Intemerata quidē Virgo my fte-

Num. 12.

Sap. 20.

Lucæ 2.

Per Hy-  
perbolem  
hæc D.  
August.  
verba ac-  
cipienda  
sunt.



SCIO IN FESTO VISITATIONIS B. MARIÆ

Ambros.

mysteriū hoc prima cognouit, sed sub silentio tenuit; at Ioannes & cognouit, & matri nunciauit. Vocem enim Mariæ (vt Ambrosius ait) Elizabeth audiuit, sed Ioannes prior gratiā sensit: illa Mariæ, iste Domini sensit aduentum: istæ gratiā loquuntur, illi intus operantur, pietatisq. mysterium maternis adoriuntur profectibus; duplicique miraculo prophetant matres spiritu paruulorum. Alterum enim miraculum est, quod prophetant matres: alterum, quod id faciūt spiritu paruulorum. Mater ergo à paruulo suo hoc mysteriū prima didicit; quod postea Zachariæ, ac deinde Ioseph, tum Simeoni, Annæ, Pastoribus, & Magis, ac postremò toti mundo nuntiatum est; quod tamen præcurfor Domini primus omnium nuntiavit, vt adhuc in vtero latens, præcurforis officium inchoaret: nondum maturus ad ortum, & iam maturus ad officium. Miramur Ionam in vtero piscis orantem: quanto mirabilius est Ioannem cernere in vtero matris prophetantem, adorantem, tripudiantem, & aduentum Saluatoris mundo nuntiantem? Non decebat planè vt summa illa & infinita maiestas ita se ad hæc nostra demitteret, quin creaturæ omnes, omnesque naturæ leges illi submitterent, & suo quoque illum obsequio reuererentur. Ideoque nascente illo,

Luc. 1.  
Lucæ 2.  
Matth. 2.

Ion. 2.

Luc. 2.

Angeli in terra Deo laudes canunt, pastores adorant, Magi munera offerunt, Simeon Deo benedicit atque prophetat, Anna confitetur Domino, & eius laudes prædicat. Magna hæc profectò mirabilia, & tali mysterio digna: sed isti tamen omnes qui Domino obsequuntur, rationis compotes erant; at semeltrè infantem vtero clausum, hoc mirabile religionis officium præstare, omnem superat admirationem. Verum si nascentis dignitatem consideres, nihil hîc habes quod mireris. Tale enim est Verbum Dei carne vestiri, hoc est, Deum similem nobis passibilem fieri, in terris versari, & cum hominibus sub humana specie atque habitu conuersari; tale, inquam, est hoc sacramentum; tantum beneficium, tâta gratia, tanta misericordia, tanta hominum salus & gloria, tantum diuinæ bonitatis, benignitatis & charitatis erga genus hominum argumentum, vt non sit mirum, (si quidem fieri posset) elementa quoque ipsa, & res mutas atq. inanimas mysterium hoc prædicare, colere, & venerari. Hinc Prophetæ, quoties in hoc tantum diuinæ bonitatis opus oculos coniciebant, stupefacti, & velut extra se positi, omnia mundi elementa ad laudem, & gratiarum actionem pro hoc tanto munere inuitabant. Hinc & flumina manibus plaudere, & montes laudes jubilarè, & ligna silvarum exultare, & bestiarum agri, & dracones & struthiones, Deum glorificare pro hac tanto munere sibi videbātur. Neque hoc temerè cogitabant, quandoquidem Seruator ipse (qui huius summi beneficii magnitudinem

Psal. 97.  
Psal. 95.  
Isai. 43.

dinem plenissimè intelligebat) Phariseis (dum pueri Domini  
Hosanna acclamarèt) laudibus eius detrahentibus & inviden-  
tibus ait; Dico vobis, quia si hi tacuerint, lapides clamabunt. Si  
ergo lapides, hoc est, ferrea & lapidea corda hoc summo diuinæ  
pietatis opere mollienda erant; non vtique mirum est, si puer  
etiam semestris, præcurforque Domini futurus, cum ante Do-  
mini sui conspectum sistitur, sciat, gestiatque in vtero matris,  
& futurum totius mundi gaudium exultatione sua præludat.  
Hoc enim miraculo apertissimè designauit, incultas & barba-  
ras nationes, quæ nullum veræ religionis cultum, nullum erga  
diuinam sensum haberent, hoc tam mirabili diuinæ bonitatis &  
charitatis argumento, summoque beneficio ita emolliendas, vt  
feritate in pietatem commutata, se totas sanctè & piè Christo  
dicarent, illique indomita colla submitterent. Quando enim  
hunc pietatis sensum rudis infantia percepit, eundem etiam  
inculta Gentium ruditas erat perceptura.

Lucæ 19.

Quid verò nos, in huius mysterij fide nati atque educati, ad  
hæc dicemus, qui hoc tanto salutis nostræ opere ante oculos  
posito, ne tâtilum quidem cōmouemur? Huius verò tantæ in-  
gratitudinis, atque adeo stuporis causa esse videtur quotidiana  
hoc ipsum audiendi consuetudo. Naturale enim est hominibus  
(vt ait Seneca) magis noua quàm magna mirari. Quo fit, vt so-  
lis defectum miremur, quod rarò accidat; cum ipsum tamen  
splendidissimum solem nemo miretur, propter quem videndum  
Anaxagoras Philosophus se natum fuisse dictitabat. Sicut ergo  
nemo miratur sideris huius magnitudinem; cælum, terras, ma-  
ria, & vniuersa, quæ à Deo condita sunt, illuminantem, quia  
oculis illud quotidie vsurpat; ita vix quisquam fidelium miratur  
Verbum Dei carne indutum, quia nihil in Ecclesia frequentius  
audit. Altera verò causa est, quòd vix quisquam hoc tantum sa-  
cramentum secum tacitus expendit, & animo illius magnitu-  
dinem euoluit. Quare minimè mirum est, si voluntas in hoc  
affectu langueat, cum intellectus tanti beneficij dignitatē illi  
minimè proponat. Sancti enim viri, qui nunquā oculos ab hoc  
summo diuinæ dignationis opere diuellebant, ita afficiebantur,  
ita in Christum Dominum pro illis natum & mortuum rapie-  
bantur, vt cum puero nascente renasci, & cum moriente mo-  
ri sibi præ doloris & amoris magnitudine viderentur.

Seneca.

Anaxag.  
goras.  
Simile.

Sed erit tamen aliquando, cum huius obliuionis & ingra-  
titudinis reddenda sit ratio. In illo quippe supremo mundi exa-  
mine nihil erit de quo districtiorem supernus ille arbiter ratio-  
nem, quàm de fuso sanguine suo exigat. Vt enim D. Eusebius  
Emisenus ait: Qui tantum dedit, scit quantum reposcat. Sed  
omissa iam Elizabeth, ad sacram Virginem redeamus.

Euseb.  
Emil.

III. Quid,

Quid, quæso, ô beata Virgo, inter tot miracula diuina, & inter tam magnifica laudum tuarum præconia cogitas? quid Elizabeth super omnes mulieres te benedictam prædicanti respondes? *Magnificat*, inquit, *anima mea Dominum*: hoc est, tu quidem, ô sancta femina, amplissimis laudibus dignitatem meâ magnificas; ego verò huius meæ dignitatis auctorem Deum ex intimis visceribus magnifico. Tu infantem ais salutante me exultasse in gaudio in vtero tuo; at spiritus meus exultat in Deo Salvatore meo. Me ais inter mulieres benedictam: neque verò tu sola es quæ me hoc nomine prædices; beatam quippe me dicent omnes generationes, ad quas Christi Iesu nomen cognitioque peruenit: sed ideò prædicabunt, quia humilitatem, hoc est, vilitatem & indignitatem meam respicere ille voluit qui potes est, & sanctum nomen eius: qui videlicet vt omnipotens potuit: & vt sanctus, hoc est, liberalis & beneficus voluit me tam magnificis titulis honestare. Atque ita sacra Virgo cum omnia vni Deo tribuit, & sibi nihil assumit; exemplo suo nos docet, vt quæcunque bona, quæcunque laude digna in nobis existunt, vni illi accepta referamus, illi tribuamus, pro eoque sempiternum illi laudum sacrificium offeramus; quo de præteritis beneficiis gratias agentes, futurorum digni habeamur. Dignus est enim noua percipere beneficia, qui nec perceptis insolefcit, nec datori gratias agere intermittit. Vtrumque autem ad humilitatis virtutem pertinet, quæ in hac sacra Virgine perfectissima fuit. Cuius rei gratia de virtutis huius nomine ac dignitate pauca mihi in concionis huius calce dicenda sunt.

Est autem hæc virtus adeò Christianæ religionis propria, vt apud veteres linguæ Latinæ principes ne nomē quidem habeat quo significetur. Humilitas enim apud eos non virtutis, sed vilitatis nomen est. Nec enim Gentiles eius rei nomen excogitarunt, quam prorsus ignorabant. Cum enim qui virtutis studiosi inter eos habebantur, quis esset humanæ vitæ finis, ad quem actiones omnes (vt Christiana religio docet) essent referendæ, ignorarent; quidquid studiosè faciebant, vel ad vitæ tranquillitatem, quam virtus parit, vel certè ad honorem auramque popularem inter suos captandam referebant: quod ab humilitatis virtute alienissimum est. Qui igitur fieri poterat, vt humilitatem illi amplecterentur, cuius est honores contemnere, & infimum locum semper ambire, atque ignominia etiam interdum gaudere? At Christus Dominus in hunc mundū veniens, primus omnium humilitatis scholā in terris instituit, quam ita commendauit, vt ab ipsis incunabulis (quæ habuit cum brutis cōmunia) ad mortem vsq. (quam inter latrones perpeffus est)



eam vehementissimè tum verbis tum exemplis commendauerit. Qua quidem virtus vt ab ipso tantopere cōmendata, ita in eo resedit, vt nulli hominum alij cōuenire posse videatur. Nam tunc se quempia humiliare dicimus, cū ita se demittit, vt de statu & dignitate sua aliquid detrahat: vt si Episcopus relictā Episcopali sede humiliorem locum eligeret. Verū vbi alicuius conditio tam humilis est, vt esse humilior non possit, neque supersit inferior locus in quem se demittat, is profectō humiliari non potest, cū non habeat quò descēdat. Cū autem humani generis locus sit ipsum nihil (nam facti ex nihilo sumus) vbi nos esse nihil intelligimus, nō demittimus nos, neq. deieciamus; sed locū nostrum tenemus. Qui verò locum suum tenet, is dici non potest sese demittere atque humiliare. Cū verò omnes peccauerimus, si ob peccatū nos infra nihil esse cogitauerimus, ne tum quidē humiliari rectè dicimur, quando & ille locus noster est. Qui enim peccat, ipso nihilo deterior est. Nam à nihilo Deus non offenditur, sed à nobis. Quare meritò dicendum est, locum nostrum, posteaquam peccauius, esse inferiorem nihilo: quo in loco vbi nos reposuerimus, tūc humiles esse dicimur: Deus tamen, qua est benignitate, acceptum refert humilitatis virtuti, nō cū nos infra dignitatem nostram demittimus, sed cū humilem nostrum locum agnoscimus: Filius verò Dei solus virtutem humilitatis perfectissimè habuisse dicēdus est, qui cū in forma Dei esset, neq. rapinā arbitraretur esse se æqualem Deo, seipsum ad humilitatem nostrā demisit, in similitudinem hominum factus, & forma inuentus vt homo. In reliquo autem genere nostro, eo modo quo humilitas in creaturis inueniri potest, summā eam fuisse in Deipara Virgine cōstat, quemadmodum & reliquas virtutes omnes. Nam cū Dei filius, qui humilitatem primus in orbem terrarū importauit, illius veluti tyrocinium in Mariæ Virginis utero gesserit; minimè mirum est, si ipsius mēti præclarissimā illius vim mirabiliter impresserit. Hoc ipsum autem illa eius verba designant: Quia respexit humilitatem ancillæ suæ: ecce enim ex hoc beatam meditent omnes generationes. In omnibus ergo generationibus beatam se esse prædicandam varicinata est: tamen hanc tantam dignitatē non sibi, sed soli diuinæ gratiæ attribuit, cū ait: Quia respexit humilitatem ancillæ suæ: hoc est, quia hanc vilē ancillam suam clementibus oculis aspicere dignatus est. Suis ergo meritis nihil, totū verò diuinæ voluntatis beneplacito acceptū retulit. Hoc igitur, fratres, præcipuū veræ humilitatis fundamentum, vt pius homo non aliud sibi quā peccatum & nihilum tribuat: quidquid autem siue in muneribus gratiæ, siue naturæ habuerit, ab illo inexhausto diuinæ bonitatis fonte manare, & gratuitum

Simile.

Philipp. 2.

gratuitum eius beneficiū esse cognoscat. Huius autem veritatē cognitio altissimē in pectus nostrū demissa, faciet vt impia nostri fiducia procul pulsa, in sola Dei ope atq. misericordia respiciamus, & à gratuita illius benignitate vitā & salutem nostrā pendere credamus. *Quam* rē nos exemplo suo sanctissimus ille Rex & Propheta docet, qui posteaquam dixisset, Domine non est exaltatū cor meum, neq. elati sunt oculi mei, &c. subdit proximus: Sicut ablactatus est super matre sua, ita retributio in anima mea: pro quo alij verterunt; Qualis ablactatus erga matrem suā, talis in me anima mea. His autē verbis Rex sanctus ostendere voluit, quā demissē ac humiliter de seipso sentiret. Ad quod explicandum elegantissimē animū suū cōparauit infanti quē modō mater lacte alere desuit. Vt enim ille totus in materna charitate conquiescit, propterea quod neq. per aetate corpus curare, neq. sine alterius adminiculo pedibus insistere valeat: ita vir sanctus tota cogitatione pendeat ex Deo: sine cuius auxilio se neq. piū aliquid vel conari vel cogitare, neq. ipsum quidē spiritum ducere posse intelligebat. Huius igitur sanctissimi Regis exemplo hanc humilitatis virtutem præcipuē colamus, fratres. *Qua* autē ratione hoc præstare valeamus, Ioānes Clim. breuiter ostendit his verbis: Cura sit nobis perpetua atq. indefessa, vt ne tenuis quidem cogitatio ascendat in mentem nostram, quæ bonum nobis vllum vel minimum ex nobis habere suggerat. Hac igitur cautione veram cordis humilitatem, quæ virtutum omnium & custos & fundamentum est, assequemur; quæ rectā nos ad sempiternæ felicitatis gloriam, verā humilitatis amatoribus constitutam, sine vllō errore perducet.

Psal. 130.

Simile.

Io. Clim.

## IN EODĒM FESTO VISITATIONIS BEATISSIMÆ VIRGINIS MARIÆ, concio tertia: in qua Euangelica lectio explanatur.

**THEMA.** *Beata qua credidisti: quoniam perficientur in te ea qua dicta sunt tibi à Domino. Lucæ 2.*



Alutauit hodie, fratres charissimi, Virgo cognatā suam Elisabeth, quā reuelatione Angeli grauidam esse cognouerat. Cuius autē virtutis fuerit ea saluatio, præsens sancti Euangelij lectio satis declarat. Simul enim atq. salutationis eius vox in beatæ sterilis aures insonuit; tum ipsa, tum etiam infās Ioannes in utero eius delitescens, Spiritu sancto, celestibusque donis pleni repente

repente suere. Quæ res facit, vt fidelis quisq. illud maximè optare debeat, vt ab hac sacra Virgine simili felicitate saluari mereatur. Ad hoc autem impetrandum cõmodissima ratio esse videtur, si deuotissimo affectu eandẽ nos quoq. Virginem salutemus. Si enim honesti & vrbani hominis est, salutatem resalutãre, agrestis verò & inhumani, hanc mutuam officij vicissitudinem non reddere: quomodo hoc officium beatissima Virgo, quæ totius est probitatis & humanitatis exẽplar, prætermittet? Hac igitur ratione salutationem eius promereri licebit, qua eiusdem beatissimæ Virginis amicitiam & gratiam Catharina Senensis promerita esse dicitur. Quam ferunt, cum adhuc infantula esset, singularemq. erga Virginem dilectionis affectum gere et; hoc obsequij genere illam honorasse, vt quoties illi paternæ domus scalam ascendere contigisset, in singulis gradibus salutationem Angelicam repeteret. Quo factum est, vt singulare apud illam gratiam inire mereretur. Eadem igitur ratione, fratres, beatissimæ Virginis opem, qua nunc potissimum indigemus, impetrare studëamus.

## A V E M A R I A.

Principio Euangelicam historiam (quæ miris diuini Spiritus deliciis & mysteriis reſerta est) quantum Dominus dederit, explanare incipiamus. Quod cum facimus, cum discipulis Domini spicas manibus confricamus; vt ad latentia grana perueniamus. Historia igitur sic habet:

*Exurgens Maria* (videlicet post auditã cælestis nunciij legationem, qua hinc Virginis, inde stérilis & grandævæ mulieris conceptus nũciabatur) *abit in montana cum festinatione*. Varias huius festinationis causas in superioribus concionibus descripsimus, quibus nunc illam adiicimus, quòd hac ratione Dominus studia & solitudinem animæ, quæ Deum intra se concepit, voluerit designare. Vt enim Maria, vbi Dei Verbum intra virginel pudoris claustra concepit, ad montana cum festinatione perrexit: sic mensilla, quæ Deo grauida est, quæq. expulsis peccatorum tenebris diuini verbi lumen percepit, non stertit, neque otiaur, sed in omni opere bono properat, vigilat, festinat, nihil negligit, & nihil ferè quod ad sui custodiam & pietatis cultum cõſerat, prætermittit. Qualem certè animi affectũ regius Propheta ostendit, cum ait: Si dederò somnum oculis meis, & palpebris meis dormitationẽ, &c. Hoc est, eo, Domine, templi tui exadificandi desiderio flagro, vt nequẽ somnum capere, neque domi quiescere possim. Quòd si huius rei causam quæras; ea est, quòd Deus (quem pia mens intra se concepit) ignis dicitur: ideoq. nihil mirum, si igneos ardentesq. faciat eos, quos se ipso replet. Vnde cum legem filiis Israël in Sinai monte donaret,

simile.

Lucæ 8.

Psal. 138



**Exod. 24.** ardentis ignis speciem conspiciendam præbuit; & sub ignis specie in Apostolos descendit: vt quanta illi ad agendum vi exciterentur, quos diuinus ignis accendit, facillè declararet: vnde est illud  
**Psal. 103.** Prophetæ: Qui facit Angelos suos spiritus, & ministros suos flammam ignis. An non flamma ignis Paulus, qui vniuersum mundum nō solum peragrauit, sed etiam incendit? An non flamma ignis Elias Prophetæ, de quo scriptum est; Surrexit Elias quasi ignis, & sermo eius vt facula ardebat? Quia verò ignis neq. latere neque quiescere potest, ideo vbicunq. diuina hæc flamma fuerit, foras erumpere nititur; & modò quidem per orationis, modò per ieiuniorum & vigiliarum, modò per benignitatis & misericordiæ studia se ipsam prodit. Hoc igitur indicio, fratres, de animæ suæ statu quisque iudicare poterit. Sunt enim multi, qui vehementer scire cupiunt, odiōne an amore digni sint: hoc est, an intra se Deum commorantem habeant. Hoc ne mo fidei certitudine scire potest: potest tamen cōiecturis & quidem grauissimis hæc de re iudicium facere. Inter quas pia hæc solertia, sollicitudo, & feruor spiritus non postremum locum obtinent. Quisquis enim in opere Domini, & virtutis studio seruet, ignē hunc intra se gestare videtur: qui verò torpet & languet, qui desidiosē se gerit ac negligenter, qui ad diuinorum eloquiorum enarrationem nauseat, qui velox ad vanitatem, tardus aut ad pietatem & iustitiam est, quomodo ignē hunc intra viscera sua habere credēdus est? Non ergo mirum videri debet, si hodie sacra Virgo cum festinatione in montana properet, quæ ita erat hoc ardentissimo igne occupata, vt illam Ioannes in Apocalypsi splendidissimo & ardentissimo Sole amictam viderit.

Neque verò absurdū est, si interpretemur etiam festinationem hanc, Virginei pudoris, & verecundiæ indicium fuisse, quæ in publico videri erubesceret. Nam pudor, virginittis ac pudicitie tutissimus custos est: vt contra, inuerecundia, impudicitie dux est, & incontinentis animi signum. Ad huius autem verecundiæ imitationem D. Ambr. hoc in loco virgines inuitat his verbis: Maria sera in domo, festina in publico, mansit apud cognatam tribus mensibus. Discite virgines, non circumcursare per alienas ædes, non demorari in plateis, nullos in publico miscere sermones. Quod præceptum quoniā Dina, Iacob filia, seruare neglexit, & puellari curiositate ad vidēdas regionis alienæ virginis progressa est, nō pudori suo modò, sed etiam vniuerso Sichimorum populo exitium attulit. Hoc autem prodeundi periculum non obscurē Dominus in lege insinuauit, qui cū masculos omnes ter in anno ad locum sanctuarij sui venire præciperet, feminas ab hac communi lege liberas esse voluit, ne religionis occasio detrimenti aliquid earum pudori atq. honestati afferret. j

offerret; vt maiorem quodammodo pudoris quam religionis cu-  
 ram habuisse videatur, vtpote quæ sine pudore nulla est. Qua-  
 cunq; autem femina pudoris sui, hoc est, incōparabilis thesau-  
 ri curā habet. Mariam sic imitetur, vt vel domi se contineat; vel  
 cum prodire pietas aut necessitas iubet, diligētem oculis custo-  
 diam adhibeat. Quod quidem præceptum non ad feminas mo-  
 dō, sed ad omne genus hominum qui pudicitiam tueri volunt,  
 maximè necessariū est. Quoties enim, quæso, per has oculorum  
 fenestras ingressa est mors in domos nostras? Nec enim teme-  
 rē Ecclesiasticus ait; Nequius oculo quid creatum est? Quod si Eccli. 30.  
 anatomē consulas, nihil oculo pulchrius aut mirabilius in hu-  
 mani corporis fabrica Deus condidit; at hic ait nihil eo nequius  
 esse creatum: qua sanè oratione nō creaturam Dei, sed abusum  
 hominum dānat; qui pulcherrimo oculorum organo, imō ma-  
 gno Dei munere ad Conditoris iniuriā abutūtur. Hinc de sce-  
 leratis & perditis hominibus Petrus Apostolus ait, quod habeāt 1. Pet. 1.  
 oculos plenos adulterij, & incessabilis delicti. Vix enim vllō alio  
 sensu plus peccatur; vt præstaret multis, oculis esse captos, quā  
 illorum laqueis irretiri. Neque in animas solū nostras, sed in  
 vniuersum mundum per has fenestras mors ingressa est. Sic  
 enim legimus; Vidit mulier quod bonū esset lignum ad vescē- Genes. 2.  
 dum, & pulchrum oculis, aspectuq; delectabile, tulitq; & com-  
 edit. Videtis ergo, quonam modo mater omnium viuentium  
 der hunc aditum, peccatum, & mortem peccati contubernalē,  
 in mundum inuexit? Quisquis igitur ab hoc tanto periculo tu-  
 tus esse cupit, obstruat hunc aditum, illudq; Ecclesiastici salu-  
 tare consilium seruare contendat; Noli circumspicere in vicis Eccli. 9.  
 ciuitatis, neq; oberraueris in plateis illius. Auerte faciem tuam  
 à muliere compta, &c. atque ita puram animam integramq;ue  
 seruabis. Sic sanctus ille Iob inter cetera virtutum suarum of-  
 ficia (quæ ipse de se longa oratione persequitur) hoc tanquam  
 præcipuum enumerat, dicens: Pepigi fœdus cum oculis meis,  
 vt ne cogitarem quidem de virgine. Quam quidem loquendi  
 rationem sæpe demiratus, à me ipso quærebam, cur vir sanctus  
 tam insolita loquendi figura vteretur; vt, ipso eo quod est, De-  
 creui oculis meis custodiam adhibere; dicere maluerit, Pepigi Iob 31.  
 fœdus cum oculis meis. Oratores enim sæpe nō modō signifi-  
 candi, sed etiam ornandi gratia metaphoris vtuntur; ac literæ san-  
 ctæ (quibus exigua ornatus cura est) non tam ornandi, quā  
 plus aliquid significandi causa tropis vti solent; in quibus excu-  
 tiendis non minima officij nostri portio sita est. Cum ergo vir  
 sanctus cum oculis suis fœdus pepigisse ait, hoc mihi significas-  
 se videtur, quod quemadmodum qui fœdus ineunt, pacem ita  
 inter se componunt, vt neuter alteri noceat (quemadmodum

Genes. 21

foedus inuit Abimelech cū Abraham) ita huius viri sancti anima cum oculis suis foedus pepigit, ne ab illis læderetur vnquam, sicut neq. eos ipse vnquam læserat: quod perinde est ac si diceret: Ego vobis, oculi mei, nulla vnquam in re nocui; imò verò vitam, & speciem, & lucem ipsam, qua omnia cernitis, donauit: quam obrem, quæso, ne vos mihi noceatis, nè ue puritatē meam inquineris; ne interiora mea foedis imaginibus deformatis; nè ue qui mihi tanquam fenestræ à sempiterno atq. omnipotente Deo dati estis, morti aditū præbeatis. Hoc est ergo foedus quod vobiscum in eo, vt, mutue pacis foedere inter nos cōposito, neuter alteri detrimentum inferat. Hæc prior foederis huius interpretatio est. Potest & aliter hic locus ad hunc modū explanari: In pactis enim & cōuentis leges semper aliqua intercedere solent, quibus vterque paciscentiū aliquid sui iuris amittit, & aliquid etiam sibi vindicat, ita vt lucrum ex damno reportet. Hoc igitur modo vir sanctus cū oculis suis pactū inierat, vt illi quidem voluptatē amitterent videndi quæ vellent, pro qua hoc lucrum & beneficium reportarēt, ne postea lacrymis & luctu percreptam ex videndi voluptate maculā elucere tenerentur. Quod

2. Reg. 11.

planè Dauidi contigit, qui quoniā oculos suos continere noluit, eos diuturno postea luctu, & lacrymis cruciauit: sic enim ait: Exitus aquarum deduxerunt oculi mei, &c. Et rursum, Lauabo per singulas noctes lectum meum, &c. Quia enim paucas illas noctes inter falsa & flagitiosa gaudia consumpsit, pollicetur se per singulas noctes, hoc est, per totā vitā, fusis lacrymis, præteritā oculorū lasciuiā luiturū. Videtis ergo, quo beneficio afficiatur oculi, qui videndi licentiā cōprimunt, & huic nativæ voluptati renunciant; vt videlicet à perpetuo luctu, & lacrymis immunes sint? Hæc ergo disciplinā vir sanctus ideò se seruasse dicit, vt ne cogitaret quidē de virgine, hoc est, vt nō corpus modò, sed animum quoq. purum integrumq. cōseruaret. Cuius puritatē Petrus Apostolus in priori epistola, secundum D. Greg. sententiā, cōmendat, cū ait: Propter quod succincti lūbos mētis vestræ, prōpti, alacres & expediti magna cū vitæ sobrietate sperate in eam, quæ vobis offertur, gratiā. Quid verò est lūbos mētis succingere? Nam si lūbos carnis dixisset, facile quid significare veller, agnosceremus: at per lumbos mentis quid intelligamus, D. Greg. his verbis explicat; Lumbos carnis succingere, est luxuriā ab effectu refrænare: lumbos verò mētis succingere, est hanc etiā à cogitatione perstringere. Hæc à me dicta sunt, fratres, quoniam in festo beatissimæ Virginis, de his quæ ad virginis & pudoris custodiam pertinent, aliquid dicendum esse videbatur, ad quam hæc oculorum custodia maximè conducit, Porro cū se occasiō alicuius periculosa rei videndæ obtulerit,

1. Pet. 1.

Gregor.  
in 32. ca.  
Iob ca. 2.

ignā-



innataq. nobis vidēdi curiositas ad videndū incitauerit, sic quisquā secum agere debet. Constat planē difficilius esse, animum, vbi aliquid pulchrum visu cōceperit, purum & integrū conseruare, quā illum à vidēdo cohibere. Si ergo modò priusquā illud videam, cōtinere me nō possum ne videam; quomodo, vbi iam video, & pulchritudine illa me illaqueauero, hærentem animo voluptatem excurere potero? hoc est, si infirmum & debile hostem, & adhuc foris agentem repellere nō valeo; quomodo naturæ voluptatis titillatione armatum, & ipsis visceribus hærentē expellere potero? Sed hæc ipsa dum dico, fratres, dum tot argumentis vobis oculorum castimoniam cōmendo, fateor, erubescō. Cum enim mihi in mentē venit, quā longē ab hac disciplina multi sint, qui vsq. adeo à præsētibz periculis visum non cohibent, vt ipsi etiam die nocteq. auidissimē quærāt quod cū salutis suæ periculo videāt; an non isti modò admonitiones meas ridebunt, à quarum obseruatione tā longē absunt? An nō & ego erubescere debeam, qui tanta contentione studioq. dicendi non alium fructum, quā multorū risum fortasse referā? Sed tamē vā vobis (ait Dominus) qui nūc rideris, quia flebitis: cū multorum etiā ethnicorum exēplo Dominus oculorū vestrorū lasciuiam condēnauerit. Alexandrum Macedoniæ regem memorat Plutarchus nunquā Darij vxorē, quæ insigni forma erat, videre voluisse, ne eius pulchritudine captus, aliquid se, hoc est, regia maiestate indignum cōmitteret. Antiochus itē Asiæ rex inuitatus à quodā familiari ad Pantheā egregia forma virginē videndā, ire recusauit: cumq. is diceret, eam virginē dignā esse regiis oculis, respondit: Si modò illā conuenero cum per otium vacat, fortasse illa mihi persuasura sit, vt neglectis regni negotiis illam cōueniam etiā cum nō vacet. Quod si hac erāt animi cōtinentia præditi viri nulla diuinarū rerū cognitione imbuti, & suorū oculorū ita erāt domini; quā erit indignū, si nō præstet fides quod infidelitas præstitit! Sed iam ad historiæ seriem redeamus.

Math. 5.

Plutar.

## I.

Pergit igitur sacra Virgo, vt seniori in futuro partu obsequiū præbeat. Qua in re videre licet, quantā vim habeat humilitas, & animi vera submissio, quæ efficit, vt nunquā pius homo, quāuis maximis à Deo donis honestatus sis, intumescat. Maria sciebat quidem se matrem Dei effectā, sed cum se paulo antē ancillam appellasset, minimē quidē ancillæ officium voluit deferere, neq. vt mater Domini ad imperiū, sed vt ancilla ad obsequiū se præparauit. Quod autē ministerium suum felicius absolueret, filij sui præsentiā, quæ esset opem vicino partuiitura, secum afferēbat. Solēt enim homines pretiosas Sanctorum reliquias ad difficiles partus iuuādos adducere. Quod quidē officiū tum religiosum &

pium, tum etiam salutare & beneficium esse solet. Hac enim re vel maximè Deus, quàm sibi piorum virtus & probitas chara sit, quantoq; honorandi eos studio teneatur, apertè declarat; qui irrevocabiles naturę leges, quas perpetuò mäsuras statuit, illudque præceptum sempiternum, quod creaturis præterire non licet, non modò piorum voluntati & imperio, dum viverent, subiecit, sed ossibus etiam & cineribus, atq; vestibus eorum cedere, & quodammodo obtemperare voluit. Sed inter omnes Sanctorum reliquias, nullæ maiores, nullæ pretiosiores quàm corpus Christi quod quotidie adoramus, existunt. Pergit igitur sacra Virgo hoc pretiosissimum Domini corpus intra viscera sua gestans, hoc est, in purissimo sacrario, non auro, gemmis, aut margaritis distincto, sed omnium virtutum cælestiumq; donorum operibus ornato. Hęc autè prima processio fuit, vel quia Christi corpus gestatum est: quam non saltantium & ludetium turbæ, sed Angelorum chori Virginem comitantes & laudes Deo cöcinentes adornabant. Nec mirum si tam felix Elisabethę partus extitit, qui tali matris & filij præsentia adiutus fuerit, & honestatus.

*Et factum est* (inquit Evangelista) *ut audiuit salutationem Maria Elisabeth, exultavit infäs in utero eius, & repleta est Spiritu sancto Elisabeth, & exclamavit voce magna, & dixit, Benedicta tu, &c.* Exclamatio hæc adeò vehemens (quam sancta femina continere ac reprimere non potuit, quæ divini spiritus impetu excitata, in illä vocè prorupit) interni affectus magnitudinē indicat. Hunc autem adeò vehementē affectum quis verbis explicare queat?

Seneca. Duab; enim ex causis admiratio excitari solet, vel quia res maxime; vel quia insolita sunt. Magis autem (vt ait Seneca) insolita, quàm magna miramur. Hinc sol, nisi cum deficit, spectatorem non habet; cum vix quicquam in vniuersa natura maius aut mirabilius sit. Hoc autem in loco quatuor admiranda Dei opera huic sanctę femina; reuelata fuisse videtur, quibus nihil neq; maius, neq; magis insolitum cogitari potest. Cum enim B. Elisabeth, quæ Angelus cum sacra Virgine tractauerat, Spiritu docente didicisset (alioqui nequaquã diceret: *Beata quę credidisti, quoniã perficientur in te quę dicta sunt tibi à Domino*) quatuor hæc maxima & stupenda mysteria cognouit. Primum, Virginem Mariam sine vlllo viri commercio de Spiritu sancto concepisse. Quod miraculum Hieremias olim in Spiritu præuidebat, cum dixit: Nouum fecit Dominus super terram: femina circumdabit virum. Secundum autè, Verbum Dei, Deum verum, humanam carnem assumpsisse, verumq; hominē similem nobis passibilem factum fuisse. Tertium, humilē illam feminā, quam coram se præsentem cernebat, humili fabro desponsatam, Dei matrem, ac totius mundi Dominam existere, sub illo humili ac

vili

vili habitu vniuersorum latere Reginam. Postremum, semestrē infantem vtero inclusum Domini sui presentiam agnouisse, & præ gaudio exultasse atq. exilisse. His autē miraculis quid, quæso, maius? quid magis insolitum? adde etiam, quid humano generi salutarius? Quid enim mirabilius, quàm Dei Verbum carne vestiri? quid magis insolitum, quàm virginem concipere & parere? Quid magis nouum, quàm infantem in visceribus matris, fide, gaudio, & Spiritu sancto repleti, & redemptorē suum non mente solū, sed corpore etiam venerari? Quando enim hæc mirabilia mūdus audiuit, aut quando tale quidquam suspicari potuit. Hæc igitur omnia sanctæ illi seminae momēto temporis reuelata sunt. Nulla enim in discēdo mora est, vbi Spiritus sanctus doctor est. Qua igitur admiratione, quo stupore sacra illud pectus percussum fuisse credendū est, cum tā occultæ illi mysteria, tā magnifica Dei dona & mirabilla mōstrata sunt? Qua item admiratione correpta fuit, quo ardore tota intus liquefacta, cum his verē mirandis operibus immensam & infinitam Dei bonitatem, misericordiā, benignitatē, humanitatem, & in genus hominum charitatē, vnde tāta hæc mysteria & beneficia manarūt, tam apertē cognouit? Si enim veteres illi Patres tantopere Dei bonitatem, potentiam & paternam suorum curam & prouidentia mirabantur, cum illos, interfectis Aegyptiorum primogenitis, & aperto mari, à Pharaonis seruitute liberauit, & in promissam terram intulit: (vt quidā eorum tantarum rerum admiratione stupefactus exclamaret: Viam fecisti Abac. 9. in mari equis tuis, in luto aquarum multarum. Audiui, & conturbatus est vter meus, à voce cōtremuerunt labia mea) quid, quæso, nūc beata hæc semina sentire potuit, cum Deum in carne venisse intelligit, vt morte sua hominem à diaboli potestate ereptum, cælestis regni hæredem institueret? Quales igitur affectus, quis ardor, quis stupor, quæ gaudia in pio illo pectore tūc exastuauerint, solus ille nouit, qui hoc tantum beneficiū in illud contulit. Imò verò non dubito, quin huius admirationis & amoris vis ita mentē eius occupauerit, & tam altas in corde eius radices iecerit, vt multo deinceps tempore vix somnum aut cibum capere, vix aliud aut cogitare, aut loqui, aut meminisse potuerit; sed rerum omnium, atq. adeo sui ipsius oblitam, & velut extra mundum & se ipsam positam, nihil aliud aut attendere aut agere potuisset. Quid nos ad hæc dicemus miseri, propter quos hæc tam magnifica Deus opera molitus est (quæ ipsas etiā Angelorum mentes stupefaciunt) qui nec tantis his beneficiis commouemur, neq. ea mente saltem & cogitatione recolimus, neq. pro illis largitori gratias agimus, neq. sic vitā instituimus, vt tantorum munerum participes effici mereamur? Cumque à



nobis omnis iustitiæ & æquitatis ratio hoc exigeret, vt amante Dominū redamare, honorantē vicissim colere & honorare deberemus: tantū abest, vt hoc præstare velimus, vt multi etiā nostrorū (quos sic Dominus redemit, sic amplificauit & ornauit) ita viuant, vt per eos nomē Domini malē audiat, & inter gētes blasphemetur. Hiccinē est tantorū beneficiorū fructus? hic animus erga Deū beneuolus & gratus? hæc religio talibus rationibus cōcepta? hic honos pro tot muneribus & beneficiis relatus? Deniq. vt quod dico magis cōspicuum fiat, audiui superioribus annis, eos milites, qui nouas hac ætate, & nunquam antea notas orbis partes repeterūt, adeo crudeliter erga illarū prouinciarum homines se gessisse, vt qui tyrannide illa opprimebantur, Christum appellarent crudelitatis Deum: existimantes omnia crudelitatis exempla ex legis Christianæ imperio atq. præscriptione ab illis fieri, qui Christianos se esse gloriabantur. O scelus iusādum? ô dedecus nominis Christiani, infamiamq. perpetuis lacrymis deplorandam! Quis adeo stupidus esse poterit qui æquo animo ferat, tantam ignominia notam propter effectaros Christianorum mores Christo Iesu Dei Filio iniustā esse? quis æquo animo patiat, illum inexhaustū pietatis & misericordiæ fontem, ferum, immane, atq. crudele numen ab hominibus propter eos ipsos haberi, qui eandem sunt misericordiam innumerabilibus beneficiis consecuti? Neque verò propter hæc tantummodo scelera, sed propter quā plurima alia sceleratorum hominum facta sanctissimum Christi nomen passim apud fidei religionisque hostes malē audit, quibus sanē sceleribus vix maiora, ne apud ethnicos quidem, vnquam reperias. Sed his omisiss, ad beatam Elisabēth redeamus.

## I I.

*Ecce, inquit, ut f. ita est vox salutationis tue in auribus meis, exultauit gaudio infans in utero meo.* Miramur Dauidem regē diademateposito, & ephod lineo indutum, totis viribus ante arcē Dñi saltantem: quāto mirabilius est, infantē materno utero inclusum, non ante ligneam, sed ante viuā Dei arcē exilientē, & exultantem, & motu corporis (quod voce non poterat) redemptoris sui aduentum prædicantem? Immaturus quidem erat ad ortum, sed iam maturus ad officium. Velox nuncius, qui antē gestiuit nunciare quā nasci. Nunc illum ostēdit corporis motum, quē postea monstraturus erat digito. Sed quid mirū si futurus Sponsi amicus tam magnificis ab amico donis præuētus est? Mirum quoddam in citharis animaduertimus. Si enim duas inter se citharas, neruis simili ratione distentis, concordēs reddideris; vbi alterius neruum tetigeris, is qui in altera cum illo in eodem ordine consentit; sine vllō tactu ab alterius sonitu commouetur.

Quæ

Quæ res internaturæ arcana meritò numeratur: cuius tamen  
 pò aliã causam Musices periti, quàm neruorum conuenientiã  
 afferunt. Quæ autem magis inter se cõueniunt, quàm sponsus, & amicus sponsi: iudex, & iudicis præco; Dominus, & præcur-  
 sor Domini; ac postremò Verbum Dei, & vox Verbi? Christus  
 enim Dominus Verbi, Ioannes vocis nomen habet, qui per Pro-  
 phetam dicit; Ego vox clamantis in deserto. Quanta ergo hæc  
 duarum personarum conuenientia! Quid ergo mirum, si cùm  
 infans Verbum per salutationem insonat Mariæ, infans vox in  
 matris vtero ita commoueat & saltet?

simile.

Esaiæ 40.

Addit præterea Elizabeth; *Beata que credidisti*. Verè beata, que  
 sanctos omnes vt virtutibus & dignitate, ita fide quoq. supera-  
 sti. Quàm multi enim ex antiquis Patribus, vt minora crede-  
 rēt, signa petierūt! Zacharias Ioannis pater, signū ad desperatā  
 sobolem sperandam petiit. Ezechias in solis retrocessione spem  
 salutis; Gedeon rorido vellere promissæ victoriæ signum pe-  
 tiit. Ipse quoq. Pater Abraham (cuius fidem Paulus tantopere  
 cõmendat) cùm Chananzorum terrā posteris suis tradendā à  
 Domino acceperet, respondit: Domine Deus, vnde scire possum  
 quòd possessorus sim eam? At beatissima Virgo tot miraculis &  
 promissis (quibus nihil vnquã simile in omnibus seculis visum  
 est) ab Angelo propositis, nulla cunctatione, nulla interposita  
 mora, nullo ad tantarum rerum maiestatem signo postulato, assē-  
 sum ita præbuit, vt hoc pōtissimum nomine à beata Elizabeth  
 commendetur, dicente, *Beata que credidisti*. Ex quibus verbis  
 aperte colligit Ambrosius, Mariam nihil addubitaſſe: quando-  
 quidem etq. hoc in loco fides, & beatitudo fide parata, Spiritus  
 sancti testimonio commendatur. Subditq. protinus:

Lucæ 1.

4. Reg 21  
Iudic. 6.

Ambros.

*Quoniā perficitur in te que dicta sunt tibi à Domino*. Ex his ver-  
 bis nouū aliud miraculū in matre, sicut in filio, animaduertere  
 licet: nēpe in signē prophetiæ spiritum huic sanctæ femina; di-  
 uinitus collatum. Triplex enim prophetiæ genus esse statuunt;  
 Vnum, quod præterita, & ab omniū hominū memoria remota  
 cõplectitur; quale Moyses fuit, cùm cæli & terræ molitionē, &  
 priorum hominum vitas moresq. soli Deo cognitæ, descripsit.  
 Alterum, quòd præſentia, insolita tamē neq. vulgari ratione cog-  
 nita ostendit, cuiusmodi prophetia Ioanni tribuitur, qui Do-  
 minum Iesum, cælesti indicio sibi reuelatum, hominibusq. in-  
 cognitū, digito ostēdit, dicēs: Ecce Agnus Dei, &c. Tertium est  
 cõmune atq. vulgatū, cùm ea quæ futura sunt, longē antè præ-  
 nunciātur. Hæc autem tria prophetadi genera beata Elizabeth  
 his verbis se percepisse declarat. Præterita enim se cognouisse  
 ostendit, cùm ait: *Beata que credidisti*. Futura, cùm subdit: *Perfi-  
 ciuntur in te que dicta sunt tibi à Domino*. Præſentia verò, cùm ait,

Ioan. 1.

Vnde

*Vnde hoc mihi, ut veniat mater Domini mei ad me? Sed quis tibi, o beata mulier, hanc esse Dei matrē, & rerum omnium Dominam ac Reginam demonstravit? Quid in ea regij apparatus? quid terreni splendoris? quas regias opes? quam familiā? quos ministrantium ordines cernis, ut hanc Dei matrē, hoc est, mundi Reginam appelles? Nihil hūc nisi solitudinē, paupertatem, inopiam cernis, qualem humilis fabri humilem sponsam decebat. Sed longē tamen (ait illa) maiora dignitatis huius argumenta intra me habeo. Infans vtero meo clausus gaudio suo hoc mihi mysterium nunciavit: quē cum Spiritus sanctus replevit, in me idem Spiritus dilapsus est. Quod honoris & dignitatis genus omnes omnium Regum & Imperatorum opes & ornamenta infinitis partibus superat. Quis enim vthquā inter omnes Gentium Monarchas hoc honoris genere decoratus est, ut ab infāte vtero matris incluso adoraretur? Quid tu ad hæc B. Virgo? quæ & quales cogitationes voluntur in animo tuo? Satis ad gloriam tuā, cælestis nunciij, hoc est, Gabrielis Archangeli testimonium erat; qui te Dei matrē, & inter mulieres benedictam pronuntiavit. Accedunt modō admirandæ dignitatis tuæ nō minūs illustria testimonia: nempe infantis, matris, & Spiritus sancti; qui tot editis miraculis dignitatem tuam prædicat. Quibus sanē testimoniis evidenter cōstat, te electam in Dei matrē, Angelorum Dominam, cælorum Reginam, fulgidam lucis portam, cæli fenestram, Regisquē alti ianuam; ac demum ad eum dignitatis gradum euectam, quo sub Deo nullus maior inter meras creaturas intelligi potest. Quid igitur tam magnificis dignitatum titulis ornata cogitas? quid dicis? quid ad propositas tibi per Elisabeth laudes respondes?*

Simile.

*Magnificat, inquit, anima mea Dominū. Infantium est, omnibus in rebus, siue tristibus, siue secundis, ad matris gremium confugere, & in illius sinu conquiescere. Hoc autē vel maximum piorum hominum proprium est, qui se ipsos, velut infantes; Deum verō, tanquā piā matrē filiorum affectu prosequuntur: ideoquē quidquid illis siue lætū, siue triste accidat, ad illius sinum supplices cōfugiunt, in rebus afflictis auxilium petētes, in secundis verō gratias agētes, & gloriā eius prædicantes. Ad hunc ergo modum beatissima Virgo, cum se tot titulis ac nominibus cōmendari animaduertit, intelligeretque laudes illas omnes diuinæ benignitatis dona & beneficia esse; omnia illi accepta referens, nihilq. sibi sumens, totaquē in benefactoris laudes effusa, Magnificat, inquit, anima mea Dominum. Sed quæ mens concipere, quæ oratio explicare valeat, quo animi ardore beatissima Virgo in hāc vocem eruperit, & quo deuotionis affectus eius anima Dominum magnificauerit? Quid est autē Dominum magnificare?*

Num



Num potest aliquis Deum maiore facere, aut magnitudini eius aliquid addere? Minime quidē. Ergo magnificare illū, nihil erit aliud, quā in timo corde magnitudinis eius immensitatem ex eius operibus, cum quodā mentis gaudio demirari: quo quidem modo Mariæ anima Dominum magnificauit. Sed quibus operibus inducta hanc Domini magnitudinem agnouit? Nunquid operibus sex dierum, quibus cælum, terras, maria, solem, lunam, cæteraq. astra fabricauit? Magna quidē opera sunt hæc, & quæ diuinæ potentia, sapientia, atq. bonitatis magnitudinem vsque adeo spectatoribus suis declarāt, vt à magno illo monacho Antonio libri appellarentur quibus augustissima illa diuinæ mētis perfectio amplissimè explicaretur. At beatissima Virgo non ex his tantū diuinæ magnificentiæ operibus immensam Dei maiestatem agnouit, sed vt ipsa apertè cōfiteretur, *Quia fecit mihi magna qui potens est, & sanctum nomen eius.* Multo enim maiora sunt quæ operatus est in me, quā in tam vasta mūdi mole fabricatus est. An nō multo maius est Deum hominē fieri, quā omnes, quos Deinocritus finxit, mūdos creare? In his ergo (inquit Maria) operibus, quæ in me, clementissime Pater, patrare dignatus es, amplissimè certè potentia, bonitatis, charitatis, benignitatisque tuæ magnitudinē multo magis, quā in vniuersarum rerum natura cōspicio: nullumq. adeo magnū externa hæc opera tua de te mihi testimoniū tradere possunt, vt non multo his maiora intra me ipsa cōspiciam. Pro his ergo tantis diuinæ gratia muneribus laudat & magnificat anima Mariæ Dominū. Sciebat enim sacrificiū laudis post accepta beneficia esse Deo gratissimum: hoc enim ipse Dñs testatur, cum ait: Sacrificium laudis honorificabit me. Non quod laudibus nostris quidquam illi aut honoris aut magnitudinis accedat; qui maior est omni laude; sed quod ipse, quā est benignitate, hoc nostræ erga se pietatis & religionis affectu delectetur, & perinde gratum habeat, ac si illi quidquam officio nostro accedere posset. Quod Hieronymus Vida his carminibus testatur:

Demos-  
critus.

Psal. 49.

*Et quamuis mortale genus nil promere possit  
Laude tua dignum, nostras ræmen, optime, laudes  
Non reuincis, gaudesq. hominum pietate benignus.*

Quamuis igitur is bonorum nostrorum non egeat: sola tamen incomprehensibili sua bonitate & charitate se nostris laudibus honestari profigitur, easq. à nobis frequenter exigit; non ob aliquam suam commoditatem; sed quo materiam inde capiat, dona sua piis & gratis hominibus largiis communicandi.

Addit deinde beata Virgo: *Et exultauit spiritus meus in Deo salutari meo.* Quis, ô beata Virgo, exultationis tuæ magnitudinem verbis consequi valeat? aut quis dubitare poterit pro magnitudine

dine

dine cælestium donorum fuisse magnitudinē gaudiorum? Neque enim dignitatis tuæ inscia eras, dum diceres, *Quia fecit mihi magna qui potens est.* Et, *Beatam me dicent omnes generationes.* Si enim Apostolis dicere licuit; Nos autē nō spiritū huius mūdi accepimus, sed spiritum qui ex Deo est, ut sciamus quæ à Deo donata sunt nobis: quanto magis Apostolorum Regina atque magistra hoc verē dicere potuit? Hoc enim vos, fratres, admonitos velim, quōd quemadmodum inter maxima Dei dona, donorum ipsorum cognitio numeratur (qua in largitorē grati & beneuoli sumus) ita percepta beneficia non agnoscere, nec datori accepta referre, magnum diuini furoris argumentum est. Hinc enim ingratitude, hinc abusus diuinorum beneficiorum, hinc fastus & præsumptio, & aliorum cōtempus; & superbia (peccatorū omnium parens) originem ducunt. Hoc autem perditorum ac sceleratorum hominum commune est, qui ut publicas calamitates & clades non culpæ supplicia, sed naturæ conditionem putant: ita diuitias, honores, nobilitatem ac potentiam non Dei dona, sed fortunæ munera arbitrātur. Quo fit ut neque plagis immixtis corripiantur, neque pro perceptis beneficiis gratias agant, sed illorum abusu deteriores fiant. At contrā Sanctorum omnium est, quæ sibi à Deo donata sunt, nosse; immortalesque pro illis largitori gratias agere. Si ergo B. Virgini longē plura dona quā omnibus Sanctis donata sunt, & pro magnitudine donorum fuit, etiā, ut modō diximus, magnitudo gaudiorū; cōsequens est, ut quēadmodum nulla cogitatio nostra donorum magnitudinem, ita neque huius gaudij magnitudinem concipere pro dignitate possit. Huius verō tantæ exultationis causam subdit, cum ait:


*Quia respexit humilitatē ancillæ suæ: ecce enim ex hoc beatā me dicent omnes generationes.* Animaduertite in his verbis maximā Virginiis humilitatem cum summa prudentia coniunctam. Elizabeth paulo antē dixerat, *Beata quæ credidisti*; videlicet fidei eius tam magnifica dona tributa esse prædicans: at prudentissima Virgo non fidei, non alicui virtuti aut meritis, sed soli diuinæ bonitati totum hoc adscribit, quæ se tanto hoc munere indignam clementer respicere voluerit. Humilitas enim hoc in loco nō virtutem humilitatis, quam Latini animi submissionē vocant, sed vilitatem & abiectionem significat: ut sit sensus: Non ob aliud beatam me secula omnia prædicabunt, nisi quoniam omnipotens & sanctus ille Dominus abiectam me & vilem misericordiae oculis respicere dignatus sit. Quod perinde est ac si illa Pauli verba dixisset, Gratia Dei sum id quod sum. Sic igitur sacra Virgo dum humilitatem suam commemorat, non humilitatis suæ virtutem allegat, sed eius maximè officium exercet, cuius est, nihil omnino sibi tribuere, sed omnia Deo accepta referre,


referre, & ad bonitatis eius gloriam renocare.


Hanc igitur humilitatis virtutem, quæ singulari quadam ratione in beatissima Virgine emicuit, tota mente atque ardore imitari studeamus, fratres. Quisquis autem animam suam peccatorum maculis deformatam sentit, habet utique intra se cum B. Maria Magdalena vnde humiliari, seque (ut ita dicam) ad ima submittere possit. Huic enim illa humiliandi ratio conuenit, quam Michæas Propheta designauit, cum dixit: Humilia- Mich. 10.  
tio tua in medio tui. Si verò puritatem & innocentiam singulari Dei dono consecutus est; beatissimæ Mariæ humilitatem sectetur, quæ quidquid intra se cælestium donorum acceperat, gratuitum diuinæ benignitatis munus esse prædicabat. Iactō enim firmo virtutis huius fundamento, cæteræ deinde virtutes consequentur; ac præcipuè fidelis & indiscussa obedientia, fortis & inuicta malorum patientia, & lenitas ac mansuetudo, humilitatis germana filia; quibus, ceu gradibus quibusdam in illa mystica Iacob scala designatis, ad ipsum tandem Dominum, Genes. 22  
scalæ innixum, & beatam eius visionem, ipso adspirante, & iter nostrum, bene fortunante, feliciter peruenire poterimus.

PRIORIS DE PRÆCIPVIS  
SANCTORVM FESTIS  
TOMI FINIS.

























Biblioteka Jagiellońska



stdr0030528





LIBRERIA  
DE SANTO